



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### **Usage guidelines**


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### **About Google Book Search**

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



280.5



**Harvard College Library**

BOUGHT WITH INCOME

FROM THE BEQUEST OF

**HENRY LILLIE PIERCE,**  
OF BOSTON.

Under a vote of the President and Fellows,  
October 24, 1898.









# ACTA SANCTAE SEDIS



IN COMPENDIUM OPPORTUNE REDACTA ET ILLUSTRATA

STUDIO ET CURA

IOSEPHI PENNACCHI ET VICTORII PIAZZESI

SEU

Acta iuridica et solemniora ex Supremo Romano Pontifice immediate dimanantia: acta inter ea quae publici fieri possunt iuris, sive sint Decreta, sive Instructiones, sive Responsa, et alia huiusmodi; praesertim vero Causarum expositiones et resolutiones ex variis EE. Cardinalium Sacris Congregationibus, ad ecclesiastici iuris accuratam intelligentiam et observantiam conferentes, in compendium diligenti studio redactae: alia denique iuridica, quibus opportune illustrantur quae in expositis actis vel difficultatem parere possint, vel ad vigentis iuris notitiam ulterius conducant: in utilitatem eorum qui in Ecclesiae legibus studiose dignoscendis, et in regimine christiani gregis, vel in colenda Domini vinea sedulo adlaborant.

 **Volumen XVI.** 

ROMAE  
EX TYPOGRAPHIA POLYGLOTTA

S. CONGR. DE PROPAGANDA FIDE

1898.



~~III 10205~~  
C 80.5

Pierce f. v. o.

# EX S. CONGREGATIONE CONCILII

## VITERBIEN.

### MASSAE CAPITULARIS

*Die 17 Martii 1883.*

COMPENDIUM FACTI. Capitulum Cathedralis post suppressionem, lege civili nuper confectam, duodecim constat canonicis; inter quos dividenda foret quaedam massa, quae appellata *massa grossa*, semper distincta fuit a qualibet praebenda; quaeque olim bis in anno singulis canonicis distribuebatur, habitâ praesertim ratione personalis servitii. Quum tamen hodie dubitetur an istius massae redditus naturam induant bonorum praebendalium vel distributionum, Canonici, oblato libello, petierunt ut id ab Apostolica Sede definiretur

### **Disceptatio Synoptica**

MASSA GROSSA VIDETUR HABERE NATURAM PRAEBENDALEM. Induere praebendam indolem massa, de qua agitur, videtur eo quod redditus quibus constat in antiquissimis Capituli Constitutionibus passim dicuntur de *massa grossa*. Porro notissimum in iure est distributiones quotidianas a fructibus, quos vocant *grossos*, distingui, et horum fructuum nomine ea Capituli bona venire, quae dividuntur ratione beneficii, nullo prorsus habito respectu ad servitium. Ita *ex text. in cap. unic. de Cleric. non residen. in VI*, tradunt Scharzius *in decretal. L. 3 tit. 4 §. 33 n. 33*; Card. Petra *in Commentar. ad Constitut. Apostol. Con-*

*titul. IX Bonifacii VIII n. 28; Card. De Luca de Canon. discurs. 16 n. 6.*

Cui addi camerarium Capituli non semel in suis litteris hosce redditus vocavisse *massam grossam*. Iamvero istius assertum maximi faciendum videtur. Siquidem huius massae ipse administrator exstitit; ideoque eius naturam penitus perspectam habere debuit, et eius testimonium veluti qualificatum est suscipiendum.

At argumento nominis vim addit usus istorum reddituum. Etenim ex ratione qua Capituli redditus distribuuntur eorum natura perspecta haberi solet. Cum enim divisio fit ratione personalis servitii, redditus sunt distributiones quotidianae; si vero fit ratione praebendae, ita ut aequae inter omnes fructus distribuuntur et ab absentibus quoque percipiuntur, tunc praebendam constituunt et sunt vere *fructus grossi*; Rota in *Recent. d. dec. 135 n. 7 part. 10 cor. Achil. S. C. C. in Romana Distributionum* proposita die 16 Decembris 1882, et iterum 20 Ianuarii volventis anni.

Iamvero in facto est, ceu autumat Episcopus, quod redditus praedictae massae non plene pro rata servitii inter Canonicos dividuntur: imo Constitutiones capitulares *art. I §. 2* decernunt quod fructus et redditus massae grossae... aequae dividuntur ratione praebendarum, quae de ipsa participant. Porro haec verba penitus excludere videntur divisionem fieri pro rata servitii, et consequenter naturam distributionum quotidianarum dictis redditibus negare. Habita igitur ratione nominis - *massa grossa* - quo bona in quaestione vocantur, et inspecto eorumdem usu, concludendum esset, dictam massam partem integram praebendarum Capituli constituere, nullimode vero distributionum quotidianarum naturam, induere.

MASSA GROSSA VIDETUR HABERE INDOLEM DISTRIBUTIONUM. Pro contraria vero parte perpendendum est quod nomina rebus servire debent, non vero nomini res. Missa igitur parumper nominis quaestione, videndum est an redditus in quaestione naturam et officium quotidianarum distributio-

num habeant. Quod ut rite agnoscatnr res altius repetenda videtur.

Notum est Canonicos duplici reddituum specie cumulari, altera ex praebenda manante, altera ex distributionibus, quae quotidianae vocantur. Primam obtinent quin officium personalem praestent, alteram vero pro rata servitii: ideoque distributiones a DD. communiter definiuntur: « Portiones ecclesiasticorum reddituum, quotidie distribui solitae iis clericis, qui statis horis intersunt divinis officiis, et distinctae a praebendarum fructibus. » Quae institutae in remotissima aetate ab Ivone Carnotensi Episcopo, ut notat Benedictus XIV. *Inst. Eccl.* 107, §. 8, fuerunt in Ecclesia universa receptae a Iure Pontificio *cap. Licet de Praebend. cap. Olim, de verbor. signif. et cap. unico de cleric. non resident. in VI*, et confirmatae a Concilio Tridentino *sess. 21 cap. 3, et sess. 22 cap. 3.*

Porro si in quadam ecclesia singulis canonicis sua praebenda praesto sit, et massa quaedam praeterea habeatur, quae pro distributionibus reservari dicatur, iam dubitari non potest, quod haec verarum distributionum sit Massa. Siquidem aliter in eo capitulo ecclesiastica lex, veras pro praestito servitio distributiones praecipiens tum in Decretalibus, tum in C. Tridentino, sperni prorsus dicenda foret.

Iamvero ab origine viterbiensis Capituli, circa saeculum XIII, usque ad nostra tempora, constanter inibi distinctionem reperimus inter bona praebendis assignata, et massam pro distributionibus reservatam. Extat enim in actis authenticum Constitutionum exemplar, quae a Capitulo anno 1369 latae sunt, et ab Episcopo *Nicola* confirmatae; ex quibus clare patet ab illo tempore massam distributionum, omnino distinctam esse a praebendis. Etsi vero procedente tempore bona praebendalia in unum fuisse conflata appareat (quo praecise tempore nescitur, at certe ante saeculi XVII medietatem), tamen massa pro distributionibus semper distincta remansit, ceu enarrat Episcopus viterbiensis in sua relatione ad S. C. Congregationem.

Cum vero sub Episcopo Brancacci, saeculo XVII mediante, praebendae iterum divisae fuerint, ac in singulorum curam ac administrationem concessae, cautum est ut remanerent pro dictis distributionibus circiter 600 scutata annua. Id legitur in authentica relatione conventus capitularis diei 22 Decembris 1661, in quo primitivam bonorum praebendalium divisionem restitui decretum est; quod et peractum fuit sequenti anno 1662, novo habito Capituli congressu die 24 Aprilis; quin tamen bona pro distributionibus assignata ullimode tangerentur.

Porro haec sunt bona quae a plerisque deinde *massa grossa* appellata sunt, cum tamen constanter pro distributionibus usque in praesens fuerint erogata. Historia igitur duce, reperimus in viterbiensi Capitulo bona praebendalia a bonis pro distributionibus assignatis prorsus distincta ac divisa.

Nec aliquid difficultatis facessere potest quod dicti redditus bis in anno distribuantur, aut quod ex stabilibus praediis non vero ex incertis emolumentis derivent; dummodo enim pro rata servitii distribuantur, huiusmodi redditus adhuc veras distributiones esse docent Rota in *Recentior. decis. 135, n. 7, part. 10*; Card. De Luca *De canon. discurs. 16 n. 6*, et DD. ab eo adducti aliique passim.

Usque modo dictis circa naturam huius massae fastigium ponit auctoritas s. Congregationis de Propaganda Fide. Siquidem notissimum in iure est fructus praebendales tempore vacationis beneficii spolio de iure subiici; et reapse usque in praesens in ditone ecclesiastica subiectos fuisse. At vero fructus qui distribuendi sunt pro rata servitii nullimode sub lege spoli cadunt, ut docent unanimiter doctores, et praesertim Ferraris v. *Distributiones quotidianae n. 84*; et admisit S. C. C. in *Capuana spoli*. Ideoque in themate si S. C. de Propaganda, in cuius favorem spolia vergunt, vacantibus canonicatibus viterbiensibus, fructus massae in questione sibi tribuere renuerit, uti certum est, iam ex hoc confessus est, dictae Massae fructus praebendales non esse. Post haec dubitari non posse videtur, dictam massam na-

turam induere verarum distributionum, quae pro rata servitii impenduntur.

Quin aliquid relevent ea quae pro contraria sententia adducuntur; et praeprimis quod quaedam capitulares Constitutiones, et conformiter ad eas camerarius Capituli in suis litteris grossam hanc massam appellent. Sane istarum Constitutionum auctoritas magni facienda non est: quia eorundem origo ignoratur, neque originalis textus invenitur, et competenti auctoritate numquam approbatae fuerunt.

Verum parumper eâ admissâ, adhuc tamen argumentum ex nomine desumptum ad consequentiam trahi non posse videtur. Siquidem cum in viterbiensi Capitulo, praeter hanc massam, aliae etiam minores existant, e. g. illa anniversariorum, cuius mentionem facit art. 8 §. II Constitutionum, non inconcinne supponitur illam *grossam* appellatam fuisse ad distinctionem aliarum, et quia antiquior et pinguior est, non vero quia in sensu canonum *grossa* revera sit. Porro haec obvia nominis explicatio acceptanda videtur: cohaeret enim cum natura rei, et nomina rebus inservire debent, non autem nomini res.

Ulterior difficultas est in facto cuius meminit Episcopus, nempe dictae massae partem non distribui pro rata servitii, sed ab absentibus quoque acquiri: verum huic obiectioni respondit Episcopus aiens: id ortum fuisse ex causis extrinsecis, triginta circiter abhinc annis, cum fundi massae aucti fuerunt. Sed hoc accidisse in minima parte, certum est; ideo natura massae haud immutari potuit per hoc accessorium.

At demum verius dicendum videtur, hunc distributionis morem contra antiquitatis legem triginta abhinc annis inolitum, indicium potius esse de prava agendi ratione Capituli, quam de praebendali natura massae in quaestione; massa enim distributionibus pro servitio assignata in alium usum converti non potest, ceu tradit Benedictus XIV *Inst. Eccles. 107 num. 42*; remissione in hac re aut collusionem quacumque prohibita « *Conc. Trid. sess. 25 cap. 12 de reform.* cohaerenter ad *cap. ult. de Cleric. non resident.*

in VI; et etiamsi distributiones quotidianae tertiam partem totius beneficii superarent *Conc. Trid. sess. 21 cap. 3 de reform. De Angelis Praelect. iur. canon. tit. de Cleric. non resident. num. 16*; imo etiamsi absentes (dummodo a legitima causa non impediti) maiorem beneficii partem ita amittere cogentur, ut probat Fagnanus in *cap. 32 de praebent. n. 126, Lucidi vol. 1 pag. 296*; S. C. C. in *Castrimaris privationis Canonicatus 14 Ianuarii 1741*.

In themate igitur cum dictae massae redditus a remotissima aetate pro distributionibus essent assignati, haud erat in Capituli potestate eorundem naturam pervertere, quamvis excreverint.

Hisce praemissis, propositum fuit resolvendum sequens

#### Dubium.

*An massa Capituli viterbiensis, quae in quibusdam documentis dicitur grossa, naturam et qualitates distributionum quotidianarum habeat in casu.*

RESOLUTIO. Sacra C. Cong. re disceptata, sub die 17 Martii 1883, censuit respondere:

*Affirmative et integram massam, de qua agitur distribuendam esse ratione servitii choralis.*

#### EX QUIBUS COLLIGES :

I. Duas esse reddituum species quae Canonicis obveniunt: altera nempe ex praebenda, altera ex quotidianis distributionibus: redditus primae speciei dividuntur ratione beneficii, nullo habito respectu ad servitium; secundae speciei redditus solent quotidie distribui clericis, qui statis horis intersunt divinis officiis.

II. Indolem massae in themate eam semper fuisse, ut rite accenseretur distributionibus quotidianis: dubiumque, ut videtur, circa eius naturam enasci ex quo, paucis abhinc annis, mos in Capitulo abusive invaluit eamdem non plene dividendi pro rata servitii.

## VICENTINA

## DISPENSATIONIS AB IRREGULARITATE

*Die 17 Martii 1883.*

*Per summaria precum.*

COMPENDIUM FACTI. Franciscus clericus Sacratissimum Principem die 10 Ianuarii huius anni adiit, suppliciter exponens, se iam tribus abhinc annis disciplinis theologicis operam navantem vehementer exoptare, ut ad sacrum Subdiaconatus Ordinem promoveatur. Verumtamen cum parvae staturae defectu, atque gibbositate laboret, eaquepropter iudicetur irregularis, humiliter petit dispensationem. Haec Episcopus nedum sua auctoritate confirmavit, verum etiam oratoris precibus suas adiacere non renuit. Quinimo transmittens relationem caeremoniarum magistri, iterum rogavit pro dispensatione.

Animadversiones de more ex officio factae fuerunt, quae pro et contra fieri solent, quasque pluries retulimus: quia saepe eadem redeunt. Ex relatione tandem magistri caeremoniarum patet, oratorem vel irregularem non esse, vel saltem, si talis revera sit, eius precibus annuendum, cum absit periculum scandali et irrivrentiae in res sacras. Hinc concludebat ss. caeremoniarum magister: omnino oratori favendum esse, si concurrant simul scientia et pietas. Has vero animi dotes non deesse, quae defectus corporis indubie compensent, innuunt verba Episcopi in relatione ad hoc data.

Hisce praemissis quaesitum est, quomodo essent dimittendae oratoris preces.

RESOLUTIO. Sacra C. Congregatio sub die 17 Martii 1881 respondit:

*Arbitrio Episcopi, usque ad presbyteratum inclusive, facto verbo cum SSmo.*



## NEAPOLITANA

## MATRIMONII

*Die 7 Aprilis 1883.*

COMPENDIUM FACTI. Legionis Hungaricae Officialis Leo, famigerato Duci in Siciliae invasione manum praestans, anno 1860 Panormi cum nobili iuvene Eleonora amicitiae foedus iniiit: quod tamen aliquod per tempus abruptum, ob discessum Leonis e civitate Panormitana, anno 1865 per amatorias litteras iterum instauratum fuit. Muliere tandem instigante, Leo ex *Tovis Transilvaniae* mandatum procurationis cum suo nomine et duorum testium inscripto transmisit in *folio albo* Eleonorae, ut matrimonium celebraretur. Quod revera effectum est die 22 Februarii anni 1866 Neapoli, ritu catholico servato, procurationis mandatum exequente Iosepho Gangi, haud cognito a Leone, qui cum Eleonora 27 annos tunc nata matrimonium contraxit.

Sub fine eiusdem anni Leo Neapolim primum, indeque Panormum venit, ubi sponsa tunc morabatur, coniugalem vitam cum ipsa praestiturus; paucisque post diebus nempe die 13 Decembris contractu civili sese obligarunt, ut vir posset in bona uxoris ius exercere.

Paulo post sponsi Hungariam petierunt; verum biennio coniugii nondum expleto, ob iurgia et contentiones inter ipsos exortas, invicem separari statuerunt; atque in Italiam reversi, Eleonora paternam domum, Leo vero iterum Szathmarium se contulit.

Verum iam inde ab anno 1871 exoptans Eleonora religioso vinculo dissolvi, Curiam neapolitanam adiverat ex postulans, ut matrimonium ab ipsa cum Leone, per procuratorem contractum, declararetur nullum ex capite clandestinitatis et impotentiae absolutae et antecedentis, ex parte viri. Quod postulavit et Leo: illam tamen provinciam de-

seruerunt, actionem instituentes ex defectu consensus viri Matrimonio religioso, et ex vitio essentiali procurationis, utpote *albo folio* continentis nomen subscriptum Leonis et duorum testium, et cuius mandatum limitari hic intenderat ad contractum civile.

Maxima diligentia efformato processu ad normam ss. Canonum et Benedictinae Constitutionis, die 17 Augusti 1872 Curia neapolitana sententiam protulit, qua declaravit *Constare de validitate Matrimonii initi inter Dominum Leonem et Eleonoram die 22 Februarii 1866, coram Parocho SSmæ Ascensionis in hac Archidioecesi.*

Ut haec sententia Leoni innotuit intra legitima tempora appellationem ad s. Sedem interposuit. Quin vero appellationis iudicii exitum expectaret, Catholica Religione abiurata, massonicae sectae iam adscriptus, calvinianam quoque ingressus est, omnique vinculo solutum se reputans die 19 Aprilis 1873 aliud iniiit coniugium, prolemque suscepit.

Eleonora autem, supplici dato libello, petiit ab Apostolica Sede, ut, infirmata Curiae Archiepiscopalis sententiâ, nullum declararetur suum matrimonium cum Leone. Ad hunc finem obtinendum exhibuit Eleonora epistolium Leonis revocantis mandatum procurationis, conscriptum ex Clausemburg die 10 Februarii 1866, paulo ante matrimonium.

Cum vero Eleonora, ex Archiepiscopi Panormitani attestatione, modo in egestate versetur, causa oeconomice proponitur cum animadversionibus defensoris matrimonii ex officio, una cum voto theologi et canonistae, qui in diversas abeunt sententias: et quorum synopsis inferius damus.

**VOTUM THEOLOGI.** Nullimode recedendum sed omnino standum esse neapolitanae sententiae, in favorem vinculi matrimonialis prolatae, censuit theologus. Et re quidem vera iuxta Decretum pro instructione Armenorum in Concilio florentino, declaratur causam efficientem matrimonii consistere in consensu, per verba de praesenti regulariter expresso; uti etiam docet d. Thomas in *4 Sent. d. 28 q. unica, art. 5,* et in *Sapp. q. 45 art. 5.* Hinc a *Trid. Sess. 24 cap. 1*

*de ref.* sapientissime nulla et irrita declarantur matrimonia clandestina, in quibus praestitus consensus non ita facile semper evinci posset: et constitutum fuit ut consensus exprimeretur coram paroco et duobus testibus.

Licet autem, iuxta Sanchez *lib. 2 de matrim. disp. 11, q. 2 n. 19* aliqui dubitaverint de validitate matrimonii, per procuratorem contracti post Tridentini promulgationem, tenendum est ut subiungit *n. 20*. « Id matrimonium valere, » nec correptum esse *c. fin. de procurat. n. 6*. Probatur 1° » ex praxi totius Ecclesiae: passim enim post Tridentinum » celebrantur matrimonia per procuratores, essetque intolle- » rabilis error in Ecclesia tot matrimonia irrita censere. 2° » Quia finis Tridentini irritantis clandestina est, ut constat » ex *d. c. 1 in prooemio*, ut notum sit Ecclesiae matrimo- » nium, probarique possit; ne aliud publice, aliud vero oc- » culte celebretur; sed quando celebratur per procuratorem » coram paroco et testibus satis fit huic fini; iam enim » constat Ecclesiae et probari potest, sicut quilibet alius » contractus, gestus per procuratorem sufficienter probatur, » ita ut contrahens cogatur in foro externo stare illi. »

Quoad matrimonium per epistolam contractum Sanchez *lib. 2 de matrim. disp. 2. n. 1* « Iure antiquo constat ma- » trimonium; per epistolam celebratum validum fuisse . . . » et si antequam perveniat epistola ad alium contrahentem » revocatus sit consensus sive tacite, sive expresse, dicen- » dum est idem quod dixi quando contrahitur per procura- » torem. »

Matrimonium per epistolam et per procuratorem celebra- tum, ait Billuart *tract. de matrim. dis. 1 art. 4* esse ve- rum sacramentum; etsi gravissimi theologi eant in contra- riam sententiam. Etiam ex *Bened. XIV de Synodo dioeces. lib. 13 cap. 23 n. 9* eruitur quod matrimonium inter ab- sentes sive per procuratorem sive per litteras, sive per nuntios celebratum, non solum est validum ratione contractus, sed etiam ratione sacramenti.

Ab hisce generalibus principiis descendit consultor ad

casum de quo agitur, animadvertitque matrimonium hoc, haud celebratum fuisse instantanee, ac brevissimo temporis spatio conclusum. Ex litteris relatis in actis processus constat, Leonem personaliter cognovisse Eleonoram Panormi usque ab anno 1860. Eruitur autem ex epistola Leonis diei 22 Augusti 1865 ad Eleonoram data, pertractari coepisse hoc tempore de matrimonio ineundo.

Ex aliis autem litteris quae sequuntur inter utramque partem, clarum fit, Leonem consensum praebuisse pro matrimonio per procuratorem, eo quod politica auctoritas haud sineret illum petere Italiam.

Sub die 6 Octobris 1865 pater Eleonoraë, coram publico Notario ac coram testibus solemniter suum consensum praebuit matrimonio, ab Eleonora filia cum Leone celebrando. In quo publico actu patris Eleonoraë nullimode sermo est de matrimonio civili contrahendo, sed expresse sermo est de Ecclesiae matrimonio (1).

Alia in actis subsequitur epistola, quae maximâ diligentia ponderanda est, ab ipso Leone die 5 Novembris 1865 conscripta. Siquidem in ea, post nonnulla verba erga Eleonoram maxime affectuosa, subiungit Leo: en chartae quas tu valde desideras. . . . tertia charta est alba, a me subsignata et a testibus tantum. Haud scripsi declarationem ne errarem, sed cura ut Neapoli scribatur quidquid oportuerit.

(1) Initio anni 1866 obligatio civilis matrimonii a gubernio proclamata fuit in Sicilia. Ast anno 1865 quomodo in epistolis sponsi ab Hungaria datis agi poterat de ritu qui nondum vigeat? Et dum dictae epistolae revelant sponsorum animum citius, quam fieri posset, ineundi matrimonium, nullum in eisdem occurrit verbum super tedio expectandi tempus, quo matrimonium civile iniri posset. Adde a mense octobris vel novembris 1865 Leonem invitatum fuisse, ut peteret Neapolim ad nuptias ineundas: qui respondit haud posse ex metu,

ne in carcerem detraderetur. Hinc si venire poterat, matrimonium ecclesiasticum iniisset, cum nondum civilis ritus vigeret. Qua de re ne longius expectarent conventum fuit, ut matrimonium fieret per procuratorem.

His adiciendum est, Leonem scripsisse epistolam sub die 28 Augusti 1865, in qua quoad ineundum matrimonium sic Eleonoram alloquitur: parce mihi, sed tristis sum, timens ne te perdam. Oh! mea Eleonora tu sola efficere vales ut finis imponatur his diebus moestitiâ plenis, qui nos separant!

Atque ita remotam esse omnem difficultatem censeo; de qua re me certiores scriptis reddet mea adorata uxor.

In primis quod dicit Leo in hac epistola plene respondet promissioni iam ab ipso factae assentiendi matrimonio per procuratorem; quae promissio expressa invenitur in epistola 12. Dein mittit, quod tantum deerat, *folium album*, in quo conscribendus erat Neapoli actus procurationis pro matrimonio celebrando. Quod pariter folium album a Leone transmissum sit illud idem, super quod Eleonora actum procurationis scripsit, vel ut ab alio scriberetur curavit, certum est; quia testes sunt illi iidem, et quidem propriâ manu subscripti, quos nominat Leo in sua epistola ex parte relata. Misit ergo Leo illud folium, eâ intentione, eâ praecisâ voluntate, ut in ipso actus procurationis pro matrimonio celebrando scriberetur.

Inquisivit autem Consultor an illud folium, per quod constavit de consensu Leonis in matrimonium, ac habitum fuit in celebratione matrimonii tamquam authenticum, officiat matrimonii validitati, quod 22 Februarii 1866 celebratum fuit.

Sanchez *lib. 2 de matrim. disp. 11 n. 4* cum aliis theologis docet quod procurator generaliter institui potest absque scriptura. Si ergo procurator institui potest absque scriptura, idest verbo mandantis, poterit etiam institui absque propria scriptura ipsius mandantis. Poterit etiam mandans alteri committere munus eligendi ac constituendi procuratorem. Licet enim una ex conditionibus ad valide contrahendum per procuratorem sit, quod procurator per seipsum mandatum exequatur, tamen omnes conveniunt quod si procurator specialem facultatem habeat a mandante, potest et ipse alium instituere procuratorem. Pariter Sanchez *loc. cit. n. 22, 23*, postquam retulit opinionem aliquorum, qui necessarium putabant quod procurator commissionem reciperet coram parrocho et testibus subiungit: « Dicendum tamen est id non » exigi, sed satis esse ut procurator, nomine absentis, » matrimonium coram Parrocho, et testibus ineat. Prob. quia » Trid. Sess. 24 de matrim cap. 1 solum irritat matrimo-

» nium, quando ipsemet contractus, non celebratur coram  
 » parcho et testibus, sed mandatum contrahendi non est  
 » ipse matrimonii contractus. Ergo non petit eandem so-  
 » lemnitatem, alias decretum, maxime correctorium exten-  
 » dendum valde esset. 2° Quia praxis totius Ecclesiae ha-  
 » bet ut post Trident. contrahatur matrimonium per pro-  
 » curatorem et numquam auditum est, eam solemnitatem  
 » in mandato dando procuratori servari. » Billuart hanc  
 eandem tenet sententiam in *tract. de matrim. dissert. 1*  
*art. 5 pet. 2.*

Et idem Sanchez in opere *cit. lib. 5 disp. 8 n. 24* ha-  
 bet: « Non est opus ut parochus et testes videant litteras,  
 » in quibus continetur potestas procuratoris, ut praxis to-  
 » tius ecclesiae recipit, alias deberent esse viri docti; ut  
 » scirent an ea potestas sit sufficiens nec ne; at non pos-  
 » sunt plene testificari de matrimonio, nisi supposita veri-  
 » tate illius potestatis procuratoris. »

Ex quibus, ni fallor, satis evidentem eruitur, quod dum  
 agitur de validitate matrimonii per procuratorem cele-  
 brati investiganda, non tam de modo quo fuit procurator  
 constitutus, non de forma actus procurationis, non de modo  
 quo scriptae fuerunt epistolae, sed de consensu mandantis  
 in matrimonium, tali modo celebrandum, debemus primo et  
 principaliter esse solliciti. Etsi enim ad licite ac prudenter  
 celebrandum tali modo Matrimonium, maxima adhibenda sit  
 cautela, ut omnes tum theologi tum canonistae conveniunt,  
 haec tamen praetermittenda omnino sunt dum quaestio de  
 validitate matrimonii iam contracti agitur, ac de sola va-  
 liditate investigandum est. Concedendum ergo est in casu  
 nostro Eleonoram fecte ac imprudenter egisse, dum a semet-  
 ipsa implevit, vel ut impleretur curavit folium a Leone cum  
 propria subscriptione, cum subscriptione duorum testium, ac  
 publici Notarii ei transmissum et in eo scripsit propria manu,  
 ut ipsa dicit, vel ut ab altero scriberetur curavit actus procu-  
 rationis; sed fictio ac imprudentia Eleonora, dum folium,  
 uti in Transylvania a Leone conscriptum exhibuit, haud of-

ficit validitati matrimonii de quo agitur. Statim ac enim accepit a Leone folium cum facultate scribendi vel curandi, ut in illo scriberetur actus procurationis, ipsa *valide* potuit uti hoc medio externo et sensibili ad exprimendum Leonis sponsi consensum; coram parcho et testibus. Ipsa in casu constituta fuit a Leone sicut procuratrix cum facultate alium constituendi procuratorem, qui ipsum Leonem in celebratione matrimonii repraesentaret. Poterat ergo voce, poterat scripto, poterat scribendo super folium a Leone transmissum, poterat scribendo super quodcumque folium, poterat a semetipsa absque Notario absque parcho et testibus personam aliam eligere quae Leonem in celebratione Matrimonii repraesentaret, ac loco ipsius consensum qui indubitanter aderat coram Parcho et testibus exprimeret sensibiliter. Unde si quis obiicere vellet quod illud folium erat fictum, erat apocriphum, responderi statim potest, fictum et apocriphum erat, non in parte substantiali qua exprimebat Leonis consensum per procuratorem praestandum, consensus enim Leonis per procuratorem praestandus, ut iam dixi, indubitanter aderat; sed fictum ac apocriphum erat in parte materiali, nempe in scriptura. Etsi aliquis subiungat: per hoc fictum folium decepti fuerunt parochus et testes, dum fuit matrimonium celebratum, respondetur statim: decepti quidem fuerunt non tamen in re substantiali quae validitati Matrimonii officeret, non enim est necessarium ad matrimonii per procuratorem celebrati validitatem, ut Parochus et testes vel litteras vel mandatum procurationis videant, sed sufficit ut praesentes sint praestationi consensus, factae vel significatae exterius, ab illis qui consensum ipsum ad matrimonium contrahendum valide praestare possunt.

Dein ostendere satagit consultor, consensum Leonis perseverasse usque ad diem et tempus quo fuit matrimonium celebratum; qua in re una reperitur ex conditionibus necessariis ad validitatem matrimonii per procuratorem celebrati. Idque eruit ex epistola Leonis diei 6 Decembris 1865, ad Eleonoram quae sic se habet: censeo te iam recepisse meam

epistolam, una cum documentis desideratis; nullumque superesse posse obstaculum nostrae unioni . . . pro certo habe, omnes cogitationes meas ad te dirigi, meque patientiâ carere longius praestolandi, ut tibi devinctus, cum te vivere in aevum valeam. Curam habe de valetudine tua, deque vita tua, quae non amplius ad te pertinet. Perseverabat ergo in sponso voluntas et consensus in matrimonium, uno circiter mense post transmissionem documentorum, quae ad matrimonium celebrandum necessaria erant.

Sub die 31 Decembris 1865 scripsit Leo aliam epistolam ad ducissam Ravaschieri Panormi, ut gratias eidem referret pro curis ab eadem impensis in conciliando hoc matrimonio. Ab hac die usque ad 22 Februarii 1866, qua fuit matrimonium celebratum, verificatur quaedam veluti lacuna in serie documentorum: quamvis eruatur ex aliqua epistola Leonis, eundem litteras mittere Eleonorae cunctis hebdomadis. Sed thesis nostra firmatur magis per facta et documenta quae matrimonii celebrationem subsequuntur. Eleonora, celebratis nuptiis, de hoc certiozem reddit Leonem; qui statim sibi et Eleonorae gratulatus est per epistolam diei 1 Martii 1866, sic alloquens Eleonoram: - possum te vocare dulci nomine sponsae meae? somnium mihi videtur! Esse tecum iam vellem. - Iterum die 7 Martii 1866 in alia epistola Eleonorae conscripta, eandem appellat: - mea cara, uxor adorata . . . aspice, tibi candide scribo ceu maritus: vale uxor adorata. - In hac eadem epistola exprimit desiderium vehementissimum habendi cito apud se sponsam in Hungaria, modumque indicat tenendum, ut cito cum ille uniri possit. Profecto hic modus loquendi si quid valet, si quid significat, evidenter ostendit, quod Leo haudquaquam retractaverat suum consensum in matrimonium.

Mense novembri eiusdem anni 1866 Leo Neapolim apulit; dein Panormum perrexit, quo tunc Eleonora redierat. Hic contractum civilem, quem civile matrimonium vocant, die 13 decembris eiusdem anni regulariter contraxerunt. Circa hoc factum, quod per seipsum maximam vim habet



ad ostendendum quod Leo in sua voluntate vel consensu perseverabat, notandum venit ipsum, statim ac Neapolim ap- pulit, monuisse, medio thelegrapho, Eleonoram de suo ad- ventu; cum qua egit Panormi sicut maritus cum uxore; ita ut matrimonium consummasse uterque referat.

Prima fronte alicuius ponderis esse videtur difficultas quae exurgit ex repetitis assertionibus quibus ut-que coniux adstruere conatur, quod Leo numquam voluntatem habuit contrahendi matrimonium Ecclesiae, sed tantummodo con- tractum, vel civile matrimonium. Haec tamen difficultas e medio tollitur si consideremus quod innititur solummodo tar- dae assertioni coniugum: ipsi enim non cogitarunt de hoc, nisi postquam iurgia et contentiones inter ipsos exortae sunt.

Argumentum explicitum et peremptorium eruitur ex de- positione Notarii; qui quum retulerit Eleonoram saepe ad illum accedere, ut consilium peteret circa matrimonium ce- lebrandum, adiecit: meminisse etiam quod ad celebrandas nu- ptias constitutum fuerit anticipare religiosam solemnitatem, eoquod fieri poterat per procurationem. Cupiebat enim Leo ut matrimonium celebraretur ante suum adventum; quod fieri nequibat nisi pro matrimonio ecclesiastico, cum in ma- trimonio civili haud admittatur procuratio.

Hisce de medio sublatis, celebris remanet epistola quae dicitur a Leone conscripta sub die 10 Februarii 1866, et in qua videtur revocasse suum consensum in matrimonium cum Eleonora, per procuratorem celebrandum. Haec epistola quae oblita ac abscondita per plures annos remansit, quae- que revera dici potest Achilles, in quo confidit Eleonora, foras egreditur post maximam expectationem, cum magno apparatu, veluti deus ex machina. Cum hoc attingat essen- tiam vinculi matrimonialis, ita ut si vera ac authentica in omnibus esset, matrimonium celebratum esset nullum ob de- fectum consensus, sic consultor eamdem diligenter examina- vit, ut dignosceret an revera suppeditare valeret firmum ar- gumentum pro matrimonii nullitate declaranda.

Et revera magni esset ponderis epistola, si eius authen-

tivitas quoad scripturam, quod nempe scripta fuerit in manu propria ipsius Leonis, et quoad tempus quo scripta fuit, posset indubitanter probari. In illa enim sponsus satis explicitè retractat suum consensum. Ast dato, quod non auderem negare, epistolam conscriptam fuisse propria manu a Leone, quis nobis diceret quod revera conscripta fuerit die 10 Februarii anni 1866, nempe duodecim dies antequam Neapoli matrimonium celebraretur? Profecto hoc ex nullo capite constat, neque ex testibus, neque ex thymbræ postali, neque ex aliquo alio adminiculo, cui fidere liceat. Doctissimus Consultor omnia adiuncta huius quaestionis, quae relationem habent cum epistola districtè examinat comparative ad eandem, et felici demonstratione colligit epistolam huiusmodi haud conscriptam fuisse tempore utili ad revocandum consensum; sed confictam fuisse ad rem, cum appellandum erat a sententia Curiae neapolitanae.

Praeterea, ait Consultor, facta quae matrimonii celebrationem subsequuta sunt, de quibus iam dictum supra fuit, sicut probant perseverasse Leonis consensum post celebratum matrimonium, ita etiam probant, epistolam, de qua est sermo, nullum habere valorem. Quomodo enim rationabiliter praesumi aut admitti poterit quod Leo fuerit ita tenax in proposito habendi ac retinendi in suam uxorem Eleonoram si revera illam epistolam revocationis consensus scripsisset? Neque hoc Leonis propositum per unam aut alteram diem tenax perduravit, sed per tres circiter annos, uti ex documentis apparet.

VOTUM CANONISTAE. Ex gestorum serie duplex enascitur, ait iste, distincta quaestio: 1°. utrum constet de existentia legitimi mandati procurationis, ante factam revocationem. 2. mandatum procurationis si quod existit, an censendum sit tempore utili revocatum.

A secunda quaestione tamen inceptit consultor quia, ait ille, probatio facilior, brevior et per se plena est; et etiam sola ad statuendam matrimonii asserti nullitatem sufficit. Quia in hac causa factum sequitae revocationis ante initum

matrimonium: cardo est, quo praecipue iunitur appellatio ad S. C. C. Fatetur enim Eleonora epistolam Leonis, qua peremptorie revocatio mandati probatur, non fuisse a se prolatam apud curiam Neapolitanam in prima iudicii sede, quia nesciebat, nec ab aliquo certior facta est de epistolae illius valore. Epistola haec tanti est momenti ut per eam quaestio resolvatur: et ideo quoad eam quaesivit consultor: 1 an ea sit Leonis manu exarata, et insuper ea die scripta quae ibi notatur: 2 utrum in ea vera contineatur ac valida procurationis cuiuslibet antecedentis revocatio, et nominatim revocatio in specie, hoc est in ordine ad matrimonium quod contrahendum erat in facie ecclesiae: 3 utrum saltem factum aliquod posterius matrimonio inito extiterit, quo revocationis vis elidi potuerit; scilicet utrum matrimonium coram Ecclesia sic initum, Leo ut cognovit, ratum habuerit.

Et quoad primum ait: satis constare de illius epistolae authentia, tum relate ad personam, tum relate ad tempus, et nihil proferri posse quod probet iuridice oppositum. Quod haec epistola scripta fuerit manu Leonis, testis est peritus calligraphus, qui id testari paratus est etiam iuramenti religione. Idem declarant Legatio Austro-Hungarica apud s. Sedem, et Theresia Raschier. In ipsa epistola habetur argumentum: sermo est in eodem de bello quod imminens dicebatur, quod constat revera exarsisse medio anno 1866: hinc nota realis cohaeret cum nota cronologica, et impossibilis evadit suspicio collusionis. Praeterea confirmatur ex scopo, quem Leo habebat aucupandi bona deceptae mulieris: ad quem pervenire poterat per solum matrimonium civile. Et in hunc finem, quum in Italiam venit exeunte anno 1866, conficere curavit matrimonium civile: et bona, quibus inhiavit maxima ex parte sibi vindicavit et obligavit. Hinc intelligitur quare mandatum revocaverit quando novit agi de matrimonio vero seu ecclesiastico. Genuina ergo est epistola et iuridice authentica. Quoad secundum, ait Consultor: in ea epistola contineri revocationem cuiuscumque mandati procurationis et in specie exclusionem peremptoriam mandati ad

contrahendum in facie ecclesiae; ideoque nullitatem sequuti matrimonii plena et evidenti probatione iure constare. Etenim epistola illa tota in eo versatur, ut quemlibet tractatum matrimonii abrumpat; et in specie excludit matrimonium contrahendum in facie ecclesiae. Imo vero diserte ac peremptorie affirmat, omnia quae praecesserant, unicum hunc scopum agnovisse, ut scilicet iniretur matrimonium civile. Hinc dicendum est Iosephum Gangi nullâ legitimâ procuracione munitum invalide matrimonium contraxisse. Etenim ex *cap. fin. de proc. in 6.* praeter alia, requiritur ut *ante contractum matrimonium revocatum non fuerit mandatum, etiamsi procurator factum revocationis ignoret.* Id repetendum est ex ipsius matrimonii natura et essentia quae in mutuo contrahentium consensu tota est.

Ergo, ait Consultor, ex superius dictis duo in tuto posita sunt, nempe authentia epistolae et eius vis probatoria intrinseca pro nullitate matrimonii.

Adversus haec omnia dici nequit constare de facto et de iure ratihibitionis ad matrimonii validitatem. Constat enim nullam verbis factam fuisse coram Parocho, neque per epistolas, neque per consummationem matrimonii, et coniugum cohabitationem, neque per celebrationem matrimonii civilis. Nam haec in casu vel non habentur, vel quae ex iis forte adsunt non sufficiunt ad probandam matrimonii validitatem. Curia autem Neapolitana falso laborat supposito quando censuit nullam fuisse revocationem, quae eidem fuit ignota.

Consultor huc quum pervenisset ait: quamvis ex mandati revocatione satis constet de asserti matrimonii nullitate, tamen ea summatim perpendere in animo est quae adducunt ad denegandam ipsam legitimi mandati existentiam. Et primo certum est mandatum illud quod prostat in actis, italicâ linguâ conscriptum, falsum esse; nam omnes consentiunt quod Leo ad contrahendum per procuratorem misit *folium album* adscripto dumtaxat nomine suo et duorum testium, absque ulla authentica confirmatione Legationis Italicae in Austro-Hungaria. Praeterea nomen procuratoris in eo conscriptum

fuit a Ducissa Ravaschieri. Et id sufficit ut documentum tamquam falsum reiiceretur. At dici posset, in iure non praecipui ut mandatum non sit scripto datum *cap. fin. de proc. in 6.* Cui respondit Consultor: si aliunde verbis vel litteris constitisset de vera voluntate Leonis contrahendi matrimonium ecclesiasticum cum Eleonora et illum designandi procuratorem quem ducissa Ravaschieri delegisset, mandatum illud, licet falsum, exhibuisset tamen veram mentem Leonis. Sed nihil horum in casu est: nam Leo dicit omnia quae praecesserunt, facta fuisse pro matrimonio civili.

ANIMADVERSIONES DEFENSORIS S. VINCULI. Dolet iste quod consultores in diversam abierint sententiam; sed tum ex officio tum ex animo adhaeret Theologo, paratus ad diluenda ea quae in contrario a Canonista afferuntur. Interim animadvertit totam quaestionem duplici cardine versari: nam dubitatum est utrum datum mandatum respiceret tantum matrimonium civile vel etiam ecclesiasticum. Suppositum vero utriusque quaestionis est, quod vera, legitima et efficax ab initio procuratio extiterit. Negat id Canonista, quia procuratio missa fuit per folium album, et scripta linguâ italicâ in Transilvania: sed respondit id arguere posse falsitatem materialem non formalem. Neque mirandum quod procuratio fuerit scripta linguâ italicâ, ex quo Leo litteras scripsit hoc idiomate ad curiam Neapolitanam, ad R. Pontificem, haud exclusa epistola mandati revocatoria. Quod autem careat confirmatione Legationis italicae, importat tantum, dictam procuratorem legali carere authentia, sed non amittere ex hoc naturalem vim, quam Ecclesia semper sequitur, cum deficient leges civiles aut sacri canones.

Edicit autem Canonista mandatum procuratorem certae et determinatae personae fieri debere ad contrahendum cum certa et determinata persona ad mentem eiusdem S. C. Concilii; quae certe uti nullum haberet mandatum per folium album.

Enim vero reposuit Vindex: folium dari potest ad matrimonium pro mandante contrahendum, quin sive ex tra-

ctatibus antea extantibus, sive ex epistolis super proposito matrimonio scriptis, sive ex testibus negocii consciis, constet quaenam esset persona, cui procurator mandantis nomine nubere debuisset. Hoc in casu convenio nullius ponderis esse mandatum; sed si aliunde constet quaenam fuerit mandantis voluntas, folii scribendi causa, persona cuius is nuptias inhiabat, dici nequit, huiusmodi folium non respicere determinatas personas. Inter Leonem et Eleonoram ita est: nam a longo tempore iidem de matrimonio tractabant, ceu constat ex epistolis a mense augusto. 1865 ad illam quae procurationis folium comitatur. Et re quidem vera, Leo quum nequiret Neapolim accedere ad celebrandas nuptias, per epistolas statutum est expedire ut per procuratorem matrimonium celebraretur. Et vir timens errare circa formam procurationis, per epistolam monet sponsam de hoc, et eidem facultatem facit inscribendi in folio quidquid opportunum esset.

Est ne autem certum, Leonem noluisse matrimonium ecclesiasticum? et ex arbitrio mulier de eo sermonem fecisse in mandato procurationis? Id asserit uterque coniux, id Canonista tenet: sed primi falsum asserunt, alter ex eorum dictis deceptus est. In epistolis nullum verbum reperitur, quamvis saepe sponsi agant de matrimonio ineundo, quo sponsorum intentio et voluntas ad solum matrimonium civile restricta referatur. Id enim concipi, neque suspicari potest ex parte viri, qui in Hungaria morabatur, ubi non est in more positum, et alibi contractum uti nullum habetur: neque ex parte mulieris quia in usu adhuc non habebatur in loco quo illa degebat. Neque inter alia obliviscendum est, Leonem nullam quaerimoniam movisse quod ritu religioso nuptiae initae essent, praeter eius voluntatem et mandatum, quando Panormum venit. Ibi Eleonoram amplexus est uti veram uxorem, et maritalem consuetudinem cum ea exercuit. Utique Leo aliquot dies post, contractum civile inire studuit, sed non quatenus nullum agnoverit ecclesiasticum, sed

ut nuptiae etiam coram gubernio, inspecta nova lege (1) firmæ manerent.

Tandem sacri vinculi vindex ad mandati revocationem venit: dixitque gravissimam esse quaestionem quae ex genuinitate exhibiti documenti pendet. Ast genuina ne est epistola quae in actis extat? Dubium exurgit circa diem, quem praesefert; nam relate ad scripturam uterque consultor tenet fuisse exaratam a Leone, eo quod peritus caligraphus ita esse iudicavit. Sed haec peritia ab Eleonora provocata fuit et est extraiudicialis; et ideo cum Theologo defensor contendit nullum argumentum positivum pro rei veritate adesse. Et revera epistola neque signum, quod *tymbrum postale* dicitur, neque testimonium ullius qui eam opportuno tempore viderit, et perlegerit, habet. Ipsa enim Eleonora fatetur neminem eam perlegisse.

Ast Canonista habet: ob praesumptionem in iure fundatam genuinitas epistolae per se sustinetur. Cui respondit vindex: iuridicam praesumptionem admitti quando nihil de facto extat, quae eidem contradicat; quod in themate accidit; nam plures annos haec epistola latuit, dum maxime intererat Eleonorae eandem exhibere. Tanta enim vis in ea erat ad suum matrimonium nullum declarandum, ut nullum maius argumentum adduci posset. Quomodo tam arctum et longum silentium explicatur si epistola extitisset et genuina fuisset? Eleonora documenti pondus agnovit quando ab Hungaria missum accepit. Sibi enim suasit ob illud matrimonio valedicere necesse esse et ideo, ut ipsa enarrat, statim celavit. At si non plene documenti vim agnovit, negari non posse videtur, quod saltem de ea dubitaverit. Cur mulier propositi tenax non contulit rem cum suo procuratore, cui omnia media suggerebat, quae ad opus esse putabat. Contra igitur iuris praesumptionem grave factum existit; nempe inexplicabilis epistolae per plures annos occultatio, quae illam elidit.

(1) Anno 1866 inductus a lege civili fuit in Siciliam ritus celebrandi matrimonium, quod aiunt civile.

Qua de re censuit vindex, epistolam illam scriptam apposite fuisse post iurgia, et solvendi matrimonii propositum, ut facilius nullitatis sententia obtineretur. Neque haec suspicio fundamento caret: nam Leo in epistola 28 Novembris 1869 ad Ducissam missa, ait: inter me et Eleonoram adest insuperabile obstaculum. Ego vero prorsus adnitor ut reddam eidem suam libertatem: hinc scripsit epistolam consensus revocatoriam, adulteratâ scriptionis die et ad uxorem misit. Mulier tamen epistolam non exhibuit cito dubitans ne facile fraus detegi posset ex cartae et atramenti qualitate, quae recentissime epistolam fuisse scriptam indicia praeberet. Sagax ideo vir in fraude condenda, sed sagacior et prudentior mulier in illa adhibenda! Expectavit itaque tempus, quo dubium quodlibet exularet.

Ad conclusionem deveniendo vindex ait: si suppositum de fraude, admissa uti factum admitti nequeat; tamen id esse valde et certe probabile. Quod necessario veritatem praesumptivam suâ certitudine expoliat, et documenti genuinitas et authenticitas dubia manet. Ast poterit ne incertâ et nonnisi probabili causâ matrimonium solvi? Vulgare est ad dissolvendum matrimonium requiri probationes *concludentes*, imo *concludentissimas*.

Omnibus igitur perpenâ sequens propositum fuit diluendum

### Dubium

*An sententia Curiae Archiepiscopalis Neapolitanae sit confirmanda vel infirmanda in casu.*

RESOLUTIO. Sacra C. Concilii, re disceptata, sub die 7 Aprilis 1883, censuit respondere:

*Sententiam esse confirmandam.*

### EX QUIBUS COLLIGES:

I. Consensum expressum per verba de praesenti, inter personas legitimas ad contrahendum, matrimonium facere:



quia haec duo sunt de essentia sacramenti; dummodo, post Tridentinum, consensus exprimatür coram Parocho et duobus testibus.

II. Matrimonium per procuratorem contractum validitate frui, etiam post Tridentinum, colligi ex praxi totius Ecclesiae, dum passim celebrantur matrimonia per procuratores, et ex fine Tridentini, a quo irritantur clandestina, quia facile probari nequeunt: sed cum matrimonia per procuratorem coram parocho et duobus testibus celebrantur, huic fini satisficit.

III. Etiam ex iure civili contrahi posse matrimonium per epistolam erui ex *Cap. mulierem ff. de ritu nuptiarum*: nam consensus contrahentium etiam litterae manifestare valent; dummodo sive tacite sive expresse consensus revocatus non fuerit antequam perveniat epistola ad alium contrahentem.

IV. Independentem a quacumque renovatione consensus, matrimonia celebrata inter absentes, sive per procuratorem, sive per litteras, sive per nuntios, valida esse non solum ratione contractus, sed etiam ratione sacramenti; *Bened. XIV de Synod. dioec. l. 13 c. 32 n. 9.*

V. Qua de re cum investigandum sit de validitate matrimonii, per procuratorem celebrati, erui ex dd. non esse inquirendum de forma actus procurationis, neque de modo, quo scriptae fuerunt epistolae; sed de consensu mandantis in matrimonium, tali modo celebrandum.

VI. In themate ambigi nequit adfuisse sponsi consensum in matrimonium ecclesiasticum, per procuratorem ineundum: nam folium per quod consensus praestitus fuit, etiamsi in parte materiali fictum et apocriphum fuerit; tamen neque fictum neque apocriphum censeri potest in parte substantiali, qua exprimebat Leonis consensum, per procuratorem praestandum.

VII. Epistolam revocatoriam consensus in gradu appellationis productam, neque in se, neque relative ad alia inserta in actis processu, suppeditare validum argumentum

pro nullitate matrimonii: dum potius appareat epistolam hanc concorditer scriptam et productam opportune fuisse a coniugibus ad solvendum matrimonium post iurgia et lites inter eosdem enatas.

---

## SALERNITANA

### PENSIONIS

*Die 7 Aprilis 1883.*

COMPENDIUM FACTI. Vacante ecclesia parochiali pagi Curteri in Salernitana Archidioecesi, sacerdos Michael Napoli eiusdem ecclesiae Vicarius oeconomus, invitatus a Curia, die 10 Februarii 1875 concursui se obtulit, et solus inibi apparuit. Verum antequam examen subiret, conquisitus ab archiepiscopali Curia, chirographum subscripsit, quo promittebat pensionem ducatorum 30 favore alicuius ecclesiae, Episcopi arbitrio persolutorum.

Probatus in concursu et electus Michael Napoli episcopalem bulla obtinuit, qua ei conferebatur beneficium, « hac » conditione adiecta, praelevandi quotannis ex redditibus » dictae paroeciae summam ducatorum triginta in perpetuum » a Nobis et successoribus Nostris adsignandam favore alicuius ecclesiae parochialis pauperis ».

Immissus vero in possessionem paroeciae statim decretum accepit, quo onus praedictae summae solvendae favore ecclesiae s. Mariae, loci Penta, ei imponebatur. Cui decreto paruit, pensionem per 4 annorum spatium usque ad annum 1879 rite persolvens. Se tamen reclamavisse usque ab initio affirmavit apud Curiam archiepiscopalem sed perperam. Hinc recursus habuit apud S. C. C. petens ut a solutione pensionis, male et contra Apostolicas Constitutiones sibi impositae, liberaretur.

Antistes successor pluries rogatus ut suam aperiret mentem tandem obtemperavit: summarium quaestionis iudicium confecit et sententiam Parocho Napoli contrariam tulit. A qua sententia Parochus, tempore utili, appellavit ad sanctam Sedem.

### Disceptatio Synoptica

DEFENSIO PAROCHI NAPOLI. Qui partes tuetur Parochi Napoli observavit: admissa etiam Episcopis facultate imponendi iure ordinario pensiones super beneficiis quae conferunt, passim inter dd. controversa, nonnullas eos servare oportere conditiones, saltem ad validitatem ipsius impositionis, quarum prima est, ne in ea subsit *simonia confidentialis*. Quod faciliter evenit, quando Episcopus consensum a beneficiato exigendo pro solutione pensionis, personam in actu ipso non nuncupat, cui illa tradi debet, praestationem reservans pro persona nominata, seu illi vel illis quibus idem collator aut cedens iusserit solvi ex Constitutione s. Pii V *Intollerabilis 1 Iunii 1569* §. 2., quam explicant et sequuntur *Tondut. de pension. de cap. 1. num. 16* et *Paæ Iordanus tom. 2 lib. 9 tit. 1 num. 502*.

Atqui Archiepiscopum in hanc primam legem impositionis peccasse ait, quando consensum requisivit a Parocho Napoli pro solutione annuorum ducatorum 30, vita durante. Ad cuius quidem obligationis tramitem Archiepiscopus primo in Bulla collationis ducata 30 assignavit sibi et suis successoribus favore alicuius Ecclesiae pauperis: mox Decreto Curiae 10 Iulii 1875 eam pecuniae vim tradidit Parocho s. Bartholomaei de *Penta* ob suam paupertatem *usque ad novam nostram dispositionem*. Quae verba sane indicant Parochum s. Bartholomæi non esse verum pensionarium; nam accipiebat pensionem ab Archiepiscopo, qui eam consequabatur a novo Parocho *di Curteri* atque inde alteri tradebant. Traditio interim ita facta erat, ut Archiepiscopus ex reservatione *usque ad novam dispositionem* post

paucos annos vel etiam menses, pensionem ipsam traditam Parocho s. Bartholomaei posset retrahere, ac alteri tandem vel sibi pro tempore quoque addicere.

Rursus Archiepiscopum peccasse in impositione pensionis, quando eam *perpetuo*, non *temporaliter*, imposuit super fructibus beneficii, et hoc facere pariter non poterat, nam Episcopus ex Card. De Luca *disc. 40 de pension. num. 5* gravare haud valet Ecclesiam onere et servitute reali cum continuato effectu: id quod eveniret in pensione *perpetua*, excedente vitam pensionarii.

Nedum vero ex verbis - *in perpetuum* - conici perpetuitatem impositionis, sed ex ipsa quoque persona reservatarii, qui cum fuerit Parochus in genere pauper, perpetuitatem suapte vi praesefert, nam Parochus pauper semper adinventur in quacumque Dioecesi. Ex perpetuitate tamen *impositionis* non impediabatur Archiepiscopus modo huic, modo alteri pensionem tradere vi reservationis factae in concessione, nam stare insimul potest pensio *perpetua* et *temporanea*, fruitio in varie deputato ab ipsomet Archiepiscopo.

Tandem Archiepiscopum illegitime imposuisse pensionem, deficiente iusta causa *Fagnan. in cap. Nisi essent num. 16 de praebend. tom. 4*, quae nedum intervenire, sed etiam probari debet ex *cit. Jordan. 2. lib. 9. tit. 1. num. 495* et *Card. De Luca de pens. d. disc. 40 num. 4*. Siquidem in traditione pensionis prius spectari oportet status Parochiae gravandae, mox conditio alterius, cui dari vult elargitio.

Et re quidem vera ostendere sategit Orator, superesse tantum libellas 581 pro Parocho di *Curteri*, deductis omnibus oneribus, quibus gravatur illa paroecia. Si tamen ipse ad minus habere debet pro congrua libellas 500, aderit residua dumtaxat vis libellarum 81 impendenda in elemosynas parochianorum. Parocho vero s. Bartholomaei superesse, deductis oneribus, ultra 500 libellas, quin opus habeat 30 ducatis pro pensione assignatis.

Orator dein ait: tale esse beneficium ut numquam sub-

iici potuisset oneri pensionis, cum sit paroeciale. Etenim Innocentius XII per edictalem legem 11 Novembris 1692 prohibuit imponere pensiones cuiusvis generis et quantitatis Paroeciis. Quod quidem edictum, habitum uti temporaneum quum in aliquibus regionibus in desuetudinem ivisset, per Constitutionem - *Quanta pastoribus* - Benedicti XIII ad pristinum honorem atque observantiam revocatum fuit.

Perperam vero Parochum Testa reponere, quod si ducta 30 sibi tradi non debent ex pensione Episcopali, praestanda tamen sunt ex scripta obligatione Parochi Napoli in actu concursus. Etenim, misso folium a Parocho Napoli ob signari favore Archiepiscopi in subsidium paroeciae pauperis, non favore Parochi s. Bartholomaei, cui Archiepiscopus ad tempus tantum postea tribuit elargitionem, idem Parochus Napoli obligationem subscripsit ex errore, quin illam antea legeret, reputans in re trepida referri ad acta concursus et timens ne caeteret in indignationem sui Superioris, ita diserte volentis.

Porro incursus huiusmodi indignationis, quin imo spes ipsa captandae gratiae Superioris sufficit, ut meticulosa et nulla dicatur quaevis renunciatio atque obligatio sub hac animi conditione elicita, seu post text. in *cap. Sane de renunciat.* pluries statuit s. hic Ordo, et praesertim in decisione *Castri Maris Resignationis Paroeciae 20 Ianuarii 1745*, et in *Baren. Resignationis et Reintegrationis 17 Maii 1851*.

Fortius vero timore reverentiali parochus Napoli percussus est, quia sese exhibuerat concursui, nec procul suspicans de pensione, cuius nullum verbum factum fuerat in edictis. Edicta sunt schema contractus ultro citroque obligatorii inter Episcopum invitatem ad certamen, et petitores invitatos, cuius idcirco conditiones et pacta rigide servanda sunt. Itaque parochus Napoli, dum se periculo obiecerat et examini quoque per plures menses sese paraverat sub intuitu certi redditus Paroeciae assequendae, si vinceret, extemplo in discrimen coniectus est ex inexpectato

iniustoque illo onere, aut abiiciendi omnes labores, si se retraheret, aut Parochiam amittendi, si Superiori contradiceret, quam sentire certe debebat ex sua oppositione indignatum.

Quod si etiam effingeretur sponte et libere eundem tunc assentitum fuisse, favore tamen Archiepiscopi cum obligatio facta fuerit in fraudem legis, nullius sane ponderis foret. Nulla enim alia ratione fieri valuit obligatio, seorsim ab actis pensionis, nisi ut, impedita ex iure pro parte Archiepiscopi ipsa pensione, hic aliter diversoque nomine pensionem ipsam imponeret, scilicet ex obligatione scripta Parochi.

Atqui, eludendae legis gratiâ, fieri nequit ex conventionepartium, quod lex alio modo fieri posse vetat. Tanta enim est vis legis, ita docente Richerio *in univers. civil. et criminat. iurispr. lib. 1 tit. 2 sect. 3 art. 1. §. 85*, ut quidquid contra eius praescriptionem agitur, ipso iure sit nullum, sive verba legis offendantur, sive eius sententia; unde fit, ut nullum parere possint effectum cuiuscumque generis actus sive inter vivos, sive de ultimis voluntatibus sermo sit, lege prohibente facti, quamvis decretum irritans Princeps legi non adiecerit, quod semper intelligendum esse constituerunt *Imp. Theodosius et Valentinianus in l. 5. Cod. de legis.*

Quam quidem iuris civilis dispositionem illico subsequutum est ius ecclesiasticum in *cap. Extirpandae de praebend. et dignitat.* ubi, iussa patronis praestatione Parochis integrae et sufficientis congruae pro alimentis, cavetur nulliter agi, si ea congrua integra et sufficienti ad normam legis constituta, mox, imposita pensione, per indirectum ex parte auferatur: — *Illud autem penitus interdiciamus, ne quis in fraudem de proventibus Ecclesiae, quae curam debet habere proprii Sacerdotis alii pensionem quasi pro beneficio conferre praesumat.*

DEFENSIO PAROCHI TESTA. Triplici capite huius defensor suam divisit orationem: et primum caput aggrediens

ait: heic de personali praestatione, non vero de ecclesiastica pensione tractari: eo quod Episcopi decretum solutionem 30 ducatorum favore parochi Pentae decernens, de hac annua summa solvenda loquatur, non ex pensionis titulo sed in vim obligationis assumptae: haec enim sunt verba decreti: inspecta declaratione D. Michaelis Napoli, qua sese obligavit rependere... Tandem quia ex sensu chirographi, quod ante concursum sacerdos Napoli confecit, in quo 30 ducatorum persolvendorum obligationem assumpsit in casu electionis, nullus de pensione sermo fit.

Neque aliquid contra facessere autumavit, quod in Bulla collationis parociae, et in decreto quo 30 annua ducata favore parochi Pentae decernebantur, haec annuae summae praestatio dicatur *pensio*. Siquidem obiectivam rerum veritatem a subiectiva perceptione, quae saepe erronea est, sedulo distinguendam esse meminit.

Gradum exinde faciens ad alterum defensionis caput et parumper pensionis naturam in dicta praestatione admittens, affirmavit heic esse casum de temporanea pensione, quae iure ab Episcopis potest beneficiatis imponi. Ad quod evincendum distinguit in primis duplex pensionis genus, realem et personalem seu temporaneam; et adductis auctoritatibus Reiffenstuel *tit. 12, L. 3*, Fagnani *Decret. in cap. Nisi essent 28 De praebendis*, De Luca *tract. de pension. discep. 40 num. 3* et S. R. Rotae in *Melitens. Canoniciatus 6 Martii 1596 coram D. Merlino*, necnon testimonii Navarri, Garciae et Gonzalez, ostendit optimo iure posse Episcopum temporaneas pensiones imponere. Agi in themate de pensione personali, non vero reali erui, praeter alia, ex eo quod numquam vel in schedula obligationis a sacerdote Napoli confecta, vel in decreto Episcopi, quo assignata fuit pensio onerata dicatur, sed semper onus tribuatur personae. Praeterea in citatis documentis de perduratione pensionis, post mortem pensionarii, nullus fit sermo: quod essenziale fuisset si ageretur de pensione reali. Et insuper animadvertit advocatus, schedulam requisitam fuisse

a sacerdote Napoli uti fons obligationis, minime vero quia timeretur ne detrectaret in posterum pensionem solvere.

Neque melius obiici autumavit, verba Bullae collationis paroeciae, in qua dicitur sacerdoti Napoli concessam esse paroeciam « hac adiecta conditione praelevandi quotannis » ex redditibus dictae paroeciae summam ducatorum 30 *in perpetuum*. » Fassus est enim contradictionem esse inter verba Bullae et cetera documenta quae in causa adducuntur: at, contradictione recognita, verbis Bullae insistendum esse negat; sed potius standum esse tum chirographo, quo obligatio 30 ducata solvendi assumpta fuit, tum Archiepiscopali decreto, quo pensio cui solvenda decernebatur. Quae documenta nullo modo de perpetua ac reali pensione possunt intelligi: eademque vero, ut ipse ait, maioris omnino sunt auctoritatis quam Bulla, ideo quia haec causam collationis paroeciae directe intendit, et nonnisi incidenter de pensione agit; alia vero documenta de pensione unice loquuntur, eademque directe et constitutive respiciunt.

Demum neque Constitutionem Benedicti XIV *Quanta pastoribus* penes Ferraris *verbo Pensio num. 28* relatam adduci posse contra suam thesim patronus affirmavit. Quandoquidem etsi eâ Constitutione Episcopi pensiones imponere prohibeantur, tamen id intelligendum esse de pensionibus realibus, non vero de ceteris sustinuit, et id probare satigit, tum ex auctoritate Ferraris *ver. Pensio*, tum ex analysi instituta super verba legis.

Ad postremum caput orator perveniens adnotavit, quod si detur etiam exaggerata concessio, in themate pensionem veram eademque realem haberi, iam adhuc inutiliter contra eius praestationem parochus Napoli insurgeret. Siquidem legem pensionum prohibitivam favore parochorum factam esse neminit; tum ex eo quod in parochorum favorem vergat, tum etiam ex eo quod ab ipso Benedicto XIII *cit. constit.* patulis verbis affirmetur. Huic favori Napoli renuntiavit.

Tandem animadvertit orator, annuam summam 30 ducatorum onus leve constituere in se, levius vero, si consi-



deretur dives status paroeciae Curteri, cuius annui redditus libellas 3500 attingunt: dum paroecia loci *Penta* valde pauper sit et indigeat hoc tenui subsidio.

Hisce ex utriusque defensoris allegationibus adductis, propositum fuit diluendum sequens

### Dubium

*An sententia Curiae Archiepiscopalis Salernitanae sit confirmanda vel infirmanda in casu.*

RESOLUTIO. Sacra C. Concilii, re ponderata, sub die 7 Aprilis 1883 censuit respondere:

*Negative ad primam partem, affirmative ad secundam et amplius.*

### EX QUIBUS COLLIGES.

I. Ex ss. canonibus certam tradi regulam, quae innuit haud faciendas esse quaslibet diminutiones in collatione beneficiorum ecclesiasticorum a personis Papa inferioribus.

II. Inter diminutiones praecipuum tenere locum pensionem ecclesiasticam: quae est ius percipiendi partem fructuum ex alieno beneficio, auctoritate superioris ecclesiastici constitutum favore alicuius clerici.

III. Ecclesiasticam pensionem dispesci in pensionem quae confertur ad vitam beneficiati, diciturque *onus personae*: et in eam quae confertur ad vitam pensionati, diciturque *onus beneficii*.

IV. Pensiones ad vitam pensionati conferri nequire nisi a R. Pontifice, quia constituunt onus beneficiorum, quae ex regula generali conferri debent absque ulla diminutione.

V. Communiorem inter dd. esse sententiam, Episcopos conferre tantum posse pensiones ad vitam beneficiati; quae onus personae non beneficii constituunt.

VI. Quoad paroeciales Ecclesias Tridentinum *Sess. 24 cap. 13 de ref.* sanxisse, nullam imponi posse pensionem illis paroeciis, quae summam ducatorum centum, secundum verum annum valorem non excedunt.

VII. Hanc sanctionem confirmatam fuisse per Constitutionem *Quanta* diei 15 Septembris 1724: quae expresse iubet, ne locorum Ordinarii, aut alii quicumque collatores ecclesiarum parochialium ullo modo dictas ecclesias pensionibus gravent.

VIII. Iustissima ratione id vetitum fuisse patet: quum nulla videatur esse pro parochis congrua portio satis ampla: qui sui populi necessitatibus providere tenentur, eique in multis casibus auxiliari.

IX. Quomobrem in themate pensionem ab Antistite contra ius impositam fuisse patet: tum quia imposita fuit ecclesiae paroeciali absque indulto Apostolico: tum quia imposita videtur in perpetuum, ceu beneficii onus.

---

## VALLISOLETANA

### CIRCA FACULTATEM MISSAS ITERANDI

*Die 7 Aprilis 1883.*

COMPENDIUM FACTI. Archiepiscopus Vallisoletanus, in Hispania, supplici oblato libello, die 15 Februarii currentis S. Congregationi C. haec retulit: « Cum valde imminutus sit numerus sacerdotum in hac Archidioecesi, non raro evenit, praesertim in oppido *Metimnae del Campo*, ubi quatuor sunt monialium Monasteria, nullum inveniri sacerdotem, qui Missam in uno, vel alio celebret, si forte infirmetur, vel ex necessitate absit Monasterii Capellanus seu confessorius, nisi Parochi, et aliorum domorum Capellani, qui omnes ad propriam Missam tenentur. Paucis ab hinc diebus, ne in Dominica die Missâ privarentur Moniales sancti Dominici, necesse habui Seminarii vice rectorem mittere in ipsa nocte Sabbati ».

« Ut huic necessitati subveniatur, dum Sacerdotum augeatur numerus, nullum remedium invenio, nisi facultatem tribuere uni, aliive ex Parochis, vice parochis, vel Capellanis alii servitio obligatis, Missam bis celebrandi; quod absque Apostolico indulto fieri nequeo. Hanc facultatem igitur enixe imploro pro his tantum extremis casibus ».

### Disceptatio Synoptica

GRATIA DENEGANDA VIDETUR. Iamvero contra Archiepiscopi petitionem notandum occurrit, quod ad sanctum Missae sacrificium eadem die bis offerendum ex communi theologorum sententia requiritur vera et gravis necessitas. Statuit enim Innocentius III *cap. Consuluisti De celebrat. missar.* quod « excepto die Nativitatis Domini, nisi causa necessitatis » suadeat, sufficit sacerdoti semel in die unam Missam solummodo celebrare » Et Fagnanus in *cap. In ordinando de licentiis bis celebrandi* tradit, quod « *id non nisi ex magna necessitate fieri debet et magnâ cautelâ.* » Cui prudenti disciplinae adhaesit S. C. C. gratiam iterationis pluries negando, ut constat ex *Nicien. 27 Novembris 1790*, aliisque; semper ac evidens et magna necessitas iterandi Missam non apparuit.

Porro in themate haec necessitas abesse videtur. Siquidem oppidum nec sacerdotibus caret, nec copia sufficienti missarum: pro eius enim plebe Episcopus Missas iterari non postulat; sunt 4 monasteria, et quidem pro eo casu tantummodo si Capellanus infirmetur, quae beneficium ex petita facultate obtinerent.

Verum, Capellano infirmo, monasteria possent ex vicinis oppidis sacerdotem quaerere, sicut, testante Episcopo, hoc anno semel factum fuisse constat. At insuper videndum sedulo est utrum, in oppido Metimna sacerdotes missam in monasteriis celebrare recusent, ne cetera christiana plebs ex inle Missa carere cogatur, an potius ne damnum sibi obveniat: in prima namque hypothesis equidem necessitas binandi adstaret, praesertim si ex alia urbe sacerdotes deduci nequirent, non vera in secunda. Tunc enim Episcopus magis quam dispensationem legis quaerere, damnum sacerdotibus in monasterio celebrantibus obventurum remove aut impedire deberet. Cum igitur gravis necessitas aut absit, aut non appareat, petita gratia deneganda videtur.

GRATIA CONCEDENDA VIDETUR. Contra autem recolendum est veteri ecclesiastica disciplina absolute non prohiberi iterationem Missae; quod liturgicis documentis innixus probat Thomassinus *De vet. et nov. eccl. discipl. p. I C. 3*, alique passim. Sequiori aetate Missae iteratio prohibita absolute fuit; quod evenisse videtur, tum quia sacerdotum numerus plurimum increverat, tum quia suspicio orta erat, ne sacer-

dotes aliquâ avaritiâ ducti bis in die celebrare cuperent. At hisce causis remotis, facultas concedenda videtur. Requiritur equidem causa, quam *necessitatis* appellant canones. Verum haec intelligitur de utilitate et commodo fidelium, ne Missam amittere, aut asperam et longam viam peragere cogantur. Ita docet Benedictus XIV *De sacrif. missae l. III, cap. 5, num. 1*, et alibi, et *de licentia Episcopi* id peragi posse tradit Gury *tract. de Eucharistia num. 483*. Uno verbo ne numerosa fidelium plebs missa careat, si alius sacerdos inveniri commode nequeat, s. sacrificium ab eodem bis litari potest, et a S. C. C. conceditur.

Iamvero in themate Moniales, nobilissima Christiani gregis pars, missa privarentur. Neque sacerdotes missam monialibus celebraturi Metimnae invenirentur « nisi Parochi » et aliorum domorum Capellani, qui omnes ad propriam » missam tenentur » ut ait Episcopus: sed neque alibi « cum » valde imminutus sit sacerdotum numerus in hac Archi- » dioecesi »: nunquam vero nisi cum magno incommodo, quemdam nempe ex dissitis civitatibus Metimnam mittendo. Porro cum ecclesiasticae leges ordinarie cum magno incommodo non teneant, aut saltem dispensari soleant, facultas iterandi Missam in themate pro dictis circumstantiis concedenda videtur,

Hisce praehabitis, quaesitum est quid esset respondendum precibus Antistitis.

RESOLUTIO. Sacra Concilii Congregatio re perpensa, sub die Aprilis 1883 respondit:

*Dummodo agatur de monialibus clausurae obnoxiiis pro gratia ad triennium, si tamdiu etc. servatis conditionibus Constitutionis Benedicti XIV Declarasti Nobis, facto verbo cum SSmo (1).*

(1) Animadvertere dignum putamus, etiam in hac concessione iugem servari iurisprudentiam quoad Missae iterationem: quod nempe non licet eidem Sacerdoti, eadem die, duo operari sacrificia, quoties alius Sacerdos praesto sit, qui sacrum facere possit iuxta Const. *Declarasti Nobis*. Hinc Antistiti facultas indulgetur limitata ad triennium si tamdiu perduret sacerdotum paucitas: quod si interdum ibi augeatur presbyterorum numerus et alia ratione Monialibus de clausura consuli possit, nostro iudicio, facultas expirat; quia cessat ratio necessitatis, cui solummodo innititur concessio huius pri-

vilegii iuxta Const. *Declarasti Nobis Benedicti XIV*. Limitatur etiam hoc indultum aliâ conditione; quod nempe agatur de monialibus clausurae: aliae enim moniales quibus domum egredi licet, praecepto de sacro audiendo facere satius valent, Ecclesiam publicam petendo, ubi Missa pro aliis fidelibus celebretur. Quamobrem concessio in themate omnino respondet praxi universali Ecclesiae et menti Constitutionis *Declarasti Nobis*: ex quibus deprehenditur non licere eodem die sacrificium iterare, quoties adsit alius Sacerdos, per quem consuli possit fidelium iuri et oneride Missa audienda.

# EX SACRA RITUUM CONGREGATIONE

---

## SANCTAE AGATHAE GOTHORUM

FUNCTIONUM ET MISSARUM SOLEMNIUM.

*Die 13 Martii 1883.*

COMPENDIUM FACTI. Non longe a civitate s. Agathae Gothorum oppidum exurgit, vulgo *Luzzano* nuncupatum, cuius Ecclesia paroecialis s. Nicolao est dicata. Ibi a remotis temporibus erectum existebat Sodalitium ab Immaculata Deiparae Conceptione atque ab Animabus Purgatorii nuncupatum. Quod quidem Sodalitium iam tunc suas peculiare functiones, missasque tam pro vivis, quam pro defunctis celebrare per suum Cappellanum satagebat, absque ulla parochi licentia. Putabatur enim iam tunc veluti condominum paroecialis Ecclesiae, ceu indefinitae expressiones super observantia innuunt, et onera eidem imposita pristinam dirutamque aedificandi Ecclesiam declarant. Siquidem cum hoc templum antiquissimum, sive ex vetustate, sive ex substantiali fundamentorum vitio, sive tandem propter plurimas alluviones quibus erat obnoxium, in tali squalore redigeretur, ut inibi sacrae functiones amplius fieri nequirent, urgens idcirco patuit necessitas illud de novo construendi.

Episcopus illius temporis, absque ulla graduale investigatione super obligatione iterum construendi Ecclesiam iuxta *Trid. Sess. 21 cap. 7 de ref.* onus huiusmodi directe imposuit communitati Casalensi et Sodalitio; quippe quod compatronum haberetur. Onus post paucos annos absolutum fuit; et per solemnes tabulas diei 30 Maii 1738 conventum fuit, ut templum, si iterum corrueret, a Communitate (cuius est pars Sodalitium) iterum quoque reficeretur; et ut ordinarias aedificii reparationes, pro tribus ex quatuor partibus, Communitas et Sodalitium perferrent, pro una tantum Rector Ecclesiae.

Vi huius conventionis plures deinde expensas Sodalitium pertulit pro aede sacra tuenda, observanda. Quinimo, cum post multorum annorum curriculum, novum Ecclesiae aedificium iam fatisceret, et ruinam quoque minaretur, clausum est templum; et anno 1864 operâ Universitatis et Sodalitii instauratum divinoque cultui redditum fuit.

Quemadmodum olim et antiquitus, sic post conventionem anni 1738 praedictum Sodalitium divina iugiter ea in Ecclesia celebravit. Ast aliter evenit sub anno 1878; quo Parochus s. Nicolai de *Luzzano* adversus Confraternitatem insurrexit. Et magnas turbas ciens, multosque excitans rumores contendit, nullum ius eidem Sodalitio competere sacras functiones peragendi in Ecclesia, cuius ipse erat rector; prohibuitque ne Confraternitas hoc iure deinde uteretur. Sodalitium ad S. Rituum Congregationem confugit; quae die 7 Martii 1879 confirmavit eidem Sodalitio potestatem Missas solemnes celebrandi in Altari maiori, invito quocunque Parocho. Qui huic decreto haud acquievit, noluitque amicam componere transactionem.

### Disceptatio Synoptica

DEFENSIO PAROCHI. Huius orator thesim posuit in defensionem sui clientis: Confraternitas nullum habet ius independentem a Parocho sacras peragendi functiones in Ecclesia paroeciali s. Nicolai, ac, parochi invito, celebrandi Missas solemnes per annum, sive pro vivis, sive pro defunctis, in altari maiori dictae Ecclesiae. Et primo ut thesim evinceret quoad binas quaestiones citavit decretum *Urbis et Orbis* anni 1703 (1) editum ad quamplurimas dirimendas quaestiones, inter parochos et confraternitates oriri solitas. Dubium primum citati decreti resolvit, confraternitates erectas in ecclesiis parochialibus habere dependentiam a parochi in explendis functionibus ecclesiasticis, non parochialibus. Itaque cum agatur in praesenti disceptatione de Confraternitate in

(1) Habes hoc decretum Vol. I. pag. 591.

Ecclesia parochiali erecta, identica danda videtur decisio. Idipsum suadet etiam temporis circumstantia, eoquod pia Sodalitas erecta sit post exarata *Urbis et Orbis* decreta: quae Pontifex Clemens XI approbavit et servari mandavit. Proinde Sodalitatis erectio omnino facta est sub legis imperio; et aer verberaret si quis indulta, concordias, et consuetudines adinvenire praetenderet, quae starent contra latam legem.

Praeterea thesis probatur per erectionis decretum: ex eo enim eruitur, Episcopum duo voluisse, ceu expressit: nempe nullum praeiudicium inferri paroeciali iurisdictioni et officio, ac voluisse speciatim observantiam decretorum Apostolicorum. Parochus autem qui erectionem promovit et eidem assentitus est, ut patet ex episcopali decreto, supponi nequit pro se et successoribus suo iuri et officio renunciasset. Quinimo omnia a Parocho debere dependere ex eo deprehenditur quod ipse consideratur rector et sponsus Ecclesiae, ita ut sine eius consensu et venia nihilum fieri possit. Siquidem inconditum esset, dum Parochus in maiori altari vel altare aliquam functionem perageret, in medium veniret Cappellanus, Confraternitatis et alteram functionem institueret, aut missam solemnem decantaret. Hinc centies S.C. Rituum resolvit functiones omnes ecclesiasticas in propria ecclesia spectare et pertinere ad Parochum, nonobstante quacumque consuetudine contraria.

Ex Confraternitatis statutis patet nullo fundamento inniti praetensum ius peragendi sacras functiones et Missas solemnes celebrandi; quia statuta ipsa omnimodam dependentiam a parocho profitentur.

Dein, prosequutus est Orator, omne ius ponit Confraternitas in praetenso condominio super paroeciali Ecclesia. Ast superba et insana prorsus quaestio esset de *meo et tuo* in domo Dei: numquam enim privatis domini ius in Ecclesiam competere potest, prout Rota definivit in *decis. 694 n. 8, part. 2 rec.* Dumtaxat Episcopus Ecclesiarum usum ac iuspatronatum concedere potest; dominium vero penes Ecclesiam universalem manet. Sed dd. omissis sententiis, cer-

tum est, dominium privatorum in Ecclesiam ab utraque lege apertissime reiici ac reprobari.

Sed fortassis aliquis dicet agi in themate de iurepatronatu seu compatronatu. Sed huic obiectioni respondimus: Confraternitatem non habere et numquam habuisse iuspatronatum super paroeciali ecclesia s. Nicolai, ceu patet ex instrumento anni 1738, in quo ne verbum quidem fit de reservatione condominii aut iurispatronatus. Praeterea ex decreto Episcopi, tunc temporis, Universitas de *Luzzano* onus habuit aedificandi Ecclesiam paroecialem; verum Sodalitas nec fundum praestitit, neque aedificavit, neque dotavit Ecclesiam; veluti patet legenti instrumentum anni 1738. Dumtaxat fit mentio Sodalitatis animarum purgantium pro mantentione et reparationibus Ecclesiae, quatenus in posterum illis indigeret. Hinc, ait orator, nonnisi per errorem potuisse Episcopum asserere, Sodalitatem concurrisse ad Ecclesiae aedificationem; nam conventio et concordia intercessit post aedificationem Ecclesiae.

Publica fama nullum tribuit iuspatronatus Sodalitati; incolae enim Lutiani autumant, se numquam id audivisse a quoquam. Nec ius patronatus concedit Sodalitio dicta conventio pro instaurationibus perficiendis. Siquidem inita conventio omnino iuri et aequitati consona est: nam Parochus et Universitas etiam Cappellam pro Sodalitate animarum purgantium erexerunt, ius et aequitas exigunt ut Sodalitium concurrat mantentioni. Idque confirmatur, quia cum fuerit incorporata Ecclesiae paroeciali est effecta pars integralis eiusdem parochiae et inseparabilis ab illa.

Frustra igitur asseritur instaurationi anni 1862 Sodalitatem concurrisse pro maiori parte; quum ex testium loci depositionibus constet, Ecclesiam instauratam fuisse concursu Communitatis, *Beneficentiae*, reddituum parochialium, et Confraternitatis. Hinc dicimus quoad minimam partem concurrisse Sodalitium: ast in iure certum est non quamlibet reparationem, aut dotationem facere patronum.

Attamen fiat absurda hypothesis quod Confraternitas



habeat iuspatronatus: dices ne patronum habere iurisdictionem super Ecclesia patronata? Minime sane: patrono enim, praeter honores, consistentes in praecedentia et praesentatione, onus incumbit curam habendi de rebus ecclesiae et ad eius reparationem concurrendi; haud competit eidem ulla iurisdic-tio in Ecclesia.

Praeterea nullum Apostolicum indultum aut privilegium extat favore Sodalitatis, ex quo ius exurgat sacras peragendi functiones independenter a parcho et missas solemnes celebrandi in maiori altari, eo invito. Qua de re Sodalitas sub legis communis imperio maneat necesse est. Hinc nulla excogitari potest consuetudo aut observantia favore Sodalitatis, quae, veluti innuimus, erecta fuit postquam lata fuit lex, seu decretum *Urbis et Orbis* a quo admittuntur tantum conventiones et consuetudines, quae ante sui ipsius promulgationem existebant, quodque latum fuit ad imponendum finem controversiis, quae agitabantur inter parochos et confraternitates. Proinde in casu nostro potius corruptelam, quam consuetudinem contra decretum *Urbis et Orbis* in-luisse retinendum est.

DEFENSIO SODALITII. Huius orator contra thesim posuit: competere Confraternitati ius celebrandi sacras functiones, ratione condominii, salvis canonicis praescriptionibus quoad functiones et munera mere parochialia. Dein prosequutus est: ad thesim evincendam et ad evellendas contrarias exceptiones, scire satis est quod superiori saeculo Ecclesia penitus collapsa, novum ipsius aedificium, alio in loco constructum fuerit ab Universitate *Luzzani*, et ab ipsomet Sodalitio; licet hoc in actu aedificationis vel etiam in minima parte contribuerit, omnes reapse de ipsa communitate, comprehensa confraternitate, contribuisse manifesto scietur ex instrumento anni 1738. Hoc in facto posito, in iure com-pertum est, omnibus indiscriminatim condominium, seu com-patronatum super aedificio competere, licet aliqui maximam, alii vero minimam pecuniam, seu dotationem dederint, dum contributio in actu aedificationis peracta fuerit; *Garcias de*

*beneficiis p. 5, cap. 9, n. 54.....* « Si tamen concurrant  
 » plures in dotatione, dantes simul dotem competentem, li-  
 » cet inaequaliter, et singuli non dent dotem competentem,  
 » omnes aequaliter fiunt patroni; sicut etiam quando plures  
 » concurrunt in fundatione et constructione. Abb. d. num. 4  
 » et in rubrica de iurepatron.... Quando concurrunt plures  
 » in dotatione, licet aequaliter non contribuant, efficiuntur  
 » patroni, etiamsi sufficientem dotem ex se singuli non con-  
 » ferant, dummodo Ecclesia habeat dotem competentem; quia  
 » ex quo ille, qui plus contulit, admisit alium secum, vi-  
 » detur ipsi communicare ius sibi competens in illo patro-  
 » natu; » Schmalzgrueber *ius eccl. tit. 28 de iurep.* et idi-  
 psum repetit. n. 56.

Haud praetereundum est etiam quod si Confraternitas minus immisit, minimum dat incommodum ipsi Ecclesiae, dum perpauca conficit functiones sine parochi praeiudicio. Hinc abnorme esset, ut Sodalitium ab alio condomino exquirere deberet licentiam; nam dominus quilibet aut patronus fundatum habet condominium super omni gleba, seu singulis partibus, quando illud est indivisum.

Ex simplici restauratione seu reaedificatione Ecclesiae, pristina manente dote, patronatum acquiri posse docet Lambertin. de iure patron. *lib. 1. quaes 6, art. 3 n. 11; et Card. De Luca de Prae. disc. 40, n. 12 et seq.* In facto autem certum est Ecclesiam, de qua agitur totaliter fuisse aedificatam ab Universitate de Luzzano, una cum Sodalitio, quod iam partem Communitatis constituebat. Idipsum firmatur per illum populum, et per obligationem a Sodalitio assumptam iterum construendi Ecclesiam, si periisset, et per expensas ordinariae manutentionis quas adhuc toleravit. Argumentum excrescit ex facto quod ipsa Sodalitas anno 1864 ingentes expensas insumpserit ad penitus restaurandam Ecclesiam, absque ulla Parochi contributione.

Tralaticium in iure est per simplicem constructionem acquiri patronatum; ita ipse murarius impendens operas sine pretio in constructione Ecclesiae, sine intentione acquirendi

in ea iuspatronatus, illud acquirit. Ratio est, uti docet Fargna *Com. de iurep. can. 4 n. 1* « quia textus conce- » dit ius patronatus ei qui construxit suis sumptibus.... A qua conclusione nullatenus est recedendum, quamvis ius praedictum non fuerit expresse reservatum, ceu animadvertit Garcias *de benef. part. 5 cap. 9, n. 13*. « Octavo decla- » ratur quod fundans, construens, vel dotans Ecclesiam, seu » beneficium acquirit iuspatronatus etiamsi illum non reser- » vaverit, dummodo expresse non remiserit *cap. nobis de » iurep.....* » Constito quod Sodalitio competit iuspatronatus, ambigi nequit competere eidem condominium ex titulo prorsus oneroso, non vero ex privilegio promanans.

Res probari etiam posset ex ipsis meris adminiculis, coniecturis, et indiciis, prouti ad rem laudatus Fargna *Comment. de iurep. p. 1. can. 5 n. 14 et seq.....* « Et sane » inter plura argumenta quae resultant ex depositionibus » testium, formiter examinatorum, primo loco arrisit dd. » illud ductum ex longaeva, ac numquam interrupta pos- » sessione, tum quia confratres uti condomini semper reti- » nuerunt claves cancellorum. Validius in assumpti compro- » bationem collimant genuinae urgentissimae circumstantiae; » altera nempe quod iidem confratres propriis sumptibus » ornatus et instaurationes Cappellae expleverunt, pararuntque » omnia pro eiusdem manutentione necessaria, quibus sane » expensis non ita de facili, tantaque liberalitate sese sub- » icieissent, nisi illius dominium ad ipsos spectaret, cum » huiusmodi onera dominum et patronum sequantur. »

Quibus in facto et in iure constitutis, dubitari nequit quin sacrae functiones, non parochiales, peragi queant a Sodalitio per suum cappellanum. Functiones fieri solitae a Sodalitio paucae sunt, ceu Episcopus ipse testatur; et rediguntur ad orationem quadraginta horarum, ad duplicem festum Immaculatae Conceptionis, et ad octavarium defunctorum cum Missis solemnibus. Extra controversiam positum est quod parochus in Ecclesia patronatus aut condominiumi quoad Missam et alia ritualia obsequia, omnibus communia, non

habet ius prohibendi; ut resolvit S. C. Concilii in *Savonen. 15 Decembris 1685, et Mutinen. 29 Novemb. 1687*. Dein, aiebat orator, Sodalitium potiri idem ius consuetas celebrandi solemnitates, absque ulla praevia licentia parochi, per saecularem observantiam, quae favore Sodalitii eiusdem argumentum praesumptivum, praescriptivum et interpretativum supeditat. Quod autem Sodalitium pacificâ hac gaudeat saeculari et amplius observantiâ praedictas peragendi functiones, absque ulla licentia parochi, seniores illius populi autumant; et ipse Episcopus cum quinque finitimis parochis testes sunt. Ast in iure receptum est, per centenariam observantiam praesumi quemcumque titulum meliorem de mundo: *De Luca de benef. disc. 32 n. 2*, « ob facultatem allegandi privilegium apostolicum, vel quemcumque alium titulum de mundo » meliorem, quem sufficet allegare, absque necessitate probationis, ita praesumptive resultantis a possessione centenaria. » Et idem confirmatur per cit. auctorem *De Canon. Disc. 2 n. 6*.

In themate adsunt etiam conditiones et qualitates requisitae ad effectum completae probationis ex depositione testium et publicae notorietatis; quae ad quatuor capita reducuntur a Card. De Luca *Discept. de iudiciis, disc. 22 n. 59*. Primo nempe ut testes puberes concludant de quadragenaria ante motam litem, ut exinde iustificatio centenariae evincatur. Et per consequens in testibus praecise necessaria est aetas annorum quinquaginta quatuor completorum. Alterum requisitum est auditum a maioribus, qui ab aliis se audivisse affirmant. Tertio pacifica observantia. Quartum denique est, ut concludant testes quod numquam aliud in contrarium gestum, visum, vel auditum fuerit.

Praelata observantia, cuius existentia ex iam expositis requisitis est comprobata, nullâ ratione imminui posset. Quae de re ius Sodalitii sartum tectumque manet contra parochi appellationem, ob peremptoriam iuris praescriptivi exceptionem. Quibus omnibus accedit observantia in linea interpretativa favore condominii quod Confraternitati competit; nemo

enim adeo inconsultus et prodigus est, ut spatio tot annorum nova constructione, novisque restorationis expensis ecclesiam alienam repararet atque iterum aedificet, veluti evenit in casu, de quo agitur.

Hisce in utramque partem animadversis, enodandum propositum fuit sequens

### Dubium

*An Confraternitati, ab Immaculata Deiparae Conceptione atque ab Animabus Purgatorii nuncupatae, liceat, independenter a paroco, sacras peragere functiones in Ecclesia parochiali sancti Nicolai, ac celebrare Missas solemnes per annum, sive pro vivis sive pro defunctis.*

RESOLUTIO. Sacra Rituum Congr. sub die 13 Martii 1883, re discussa, censuit decernere: *Affirmative pro diebus tantum Expositionis SS̄mi Sacramenti in forma Quadraginta horarum, duobus festis Immaculatae Deiparae Conceptionis, et pro integra Octava Defunctorum.*

EX QUIBUS COLLIGES. I. Videri in themate condominium seu compatronatum super Ecclesia paroeciali denegari Sodalitio non posse; cuius vi Sodalitio eidem ius competat aliquas celebrandi functiones, salvis muniis et functionibus mere parochialibus.

II. Ius idem videri ipsi sodalitio competere ex saeculari observantia; quae eiusdem favore Sodalitii argumentum supeditat praesumptivum, praescriptivum et interpretativum. (1).

(1) Confep. Vol. XII, pag. 20; Vol. XIV, 251, et 467.

## EX S. CONGREGATIONE RITUUM

## DECRETUM

URBIS ET ORBIS

**Quo clero saeculari et regulari indultum est persolvere officia votiva per annum, loco officiorum ferialium, exceptis etc. festa s. Pauli et ss. Angelorum Custodum a ritu duplicis minoris ad ritum duplicis maioris eleventur; et praecipitur agi Romae commemorationem de festo ss. Ap. Petri et Pauli. singulis octavae diebus.**

Per Apostolicas Litteras in forma Brevis die 28 Iulii superiore anno editas (1) Sanctissimus Dominus Noster LEO PAPA XIII, sententiam confirmans specialis Sacrorum Rituum Congregationis a se constitutae, cum aliquot Sanctorum atque etiam Beatorum Officia Kalendario universalis Ecclesiae, nec non Kalendario particulari Urbis addidisset; *quo in utroque Kalendario habeantur sedes liberae ad nova officia introducenda*, Rubricam generalem Breviarii Romani *Tit. X de Translatione Festorum* immutandam praecipit, demptis videlicet translationibus Festorum Duplicium minorum (exceptis illis Sanctorum Ecclesiae Doctorum), et Festorum Semiduplicium. Itaque specialis ipsa Congregatio diebus 23 Iunii et 2 Iulii vertentis anni iterum coadunata est ad perficiendam, iuxta praefatam normam, textus Rubricarum correctionem. Nutu autem eiusdem Sanctissimi Domini Nostri, nonnulla insuper perpendere debuit immutatae Rubricae consecraria, quae novam aliquam opportunam dispositionem prorsus requirere censebantur. Compertum quippe est, coarctata translationum serie, superesse quidem, iuxta novae editae legis finem, sedes quamplures omnino liberas ad nova officia in Kalendaris introducenda; interim tamen haud leviter inde augeri onus Officiorum Ferialium: quod imminuto hodie Cleri numero, auctisque aliis eius oneribus, minime convenire existimatur. Quemadmodum praeterea nuper Sanctitas Sua, ad evitandum ne Officia Sanctorum Benedicti Abbatis, Dominici et Francisci Confessorum, vigore immutatae Rubricae, saepe ad simplicem ritum reduci aut penitus omitti debeant, illa, attenta etiam tantorum Fundatorum praestantia, ad ritum Duplicis maioris elevavit; ita pariter censetur providendum quoad Festa Commemorationis Sancti Pauli Apostoli, et Sanctorum Angelorum Custodum; perpensa peculiari utriusque Officii qualitate, nec non specialibus Rubricarum privilegiis, quibus ea hactenus gavisae sunt. Tandem animadvertere, hac oblata occasione, licuit, Commemorationem de Octava Sanctorum Apostolorum Petri et Pauli impediri Festo Pretiosissimi

(1) Habes has litteras Vol. XV pag. 44.

Sanguinis Domini Nostri Iesu Christi ritus Duplicis secundae classis ac Festo Visitationis Beatae Mariae Virginis ad eundem ritum recter elevato. Quod aegre ferendum Romae iure merito putatur, quam beatissimi Apostolorum Principes supra omnes mundi civitates tantopere nobilitaverunt, constituto ibi catholicae unitatis centro, supremoque et indefectibili veritatis magisterio.

Sacra igitur specialis Congregatio, hisce omnibus maturo examine perpensis, de singulis, si Sanctissimo Domino Nostro placuerit, ita decrevit:

I. Detur Indultum Generale tam Capitulis et Ecclesiasticorum Communitatibus quibuscumque, quam singulis de utroque Clero, persolvendi Officia Votiva per annum loco Officiorum Ferialium, praeterquam in Feriis, Quarta Cinerum, totius tempore Passionis, ac Sacri Adventus a die 17 ad 24 Decembris inclusive: quoad choralem quidem recitationem, de consensu Capituli seu Communitatis ad Ordinario semel pro semper adprobando; quoad privatam vero recitationem, ad libitum singulorum de Clero. Officia autem huiusmodi Votiva per annum, Missis Votivis in Missali Romano positis fere respondentia, haec pro singulis hebdomadae diebus adsignantur, nimirum: pro Feria II de Angelis, Feria III de Sanctis Apostolis (Romae vero de Ss. Petro et Paulo), Feria IV de S. Ioseph Sponso Beatae Mariae Virginis, Catholicae Ecclesiae Patrono, Feria V de Sanctissimo Eucharistiae Sacramento, Feria VI de Passione Domini Nostri Iesu Christi, Sabbatho de Immaculata Beatae Mariae Virginis Conceptione. Officia ipsa a Sacrorum Rituum Congregatione adprobanda erunt atque edenda. Firmis remanentibus aliis Votivorum Officiorum Indultis quibuscumque iam concessis:

II. Festa Commemorationis S. Pauli Apostoli die 30 Iunii, et ss. Angelorum Custodum die 2 Octobris, a ritu Duplicis minoris ad ritum Duplicis maioris eleventur pro universa Ecclesia:

III. De festo ss. Apostolorum Petri et Pauli, die 29 Iunii, Romae agatur Commemoratio singulis Octavae diebus, quocumque Festo occurrente.

Facta autem de praemissis per infrascriptum Secretarium Sanctissimo Domino Nostro LEONI PAPAE XIII fideli relatione, Sanctitas Sua hoc Sacrae ipsius Congregationis Decretum, indulgendo singula in eo contenta, in omnibus adprobavit, et confirmavit, atque evulgari iussit. Die 5 eiusdem mensis Iulii et anni 1883.

D. CARDINALIS BARTOLINIUS S. R. C. PRAEFECTUS.

L. ✠ S.

LAURENTIUS SALVATI S. C. R. *Secretarius.*

**EPISTOLA SSMI. D. N. LEONIS XIII ad Emos Cardinales Antoninum De Luca, Vice cancellarium S. R. E., Ioannem Baptistam Pitra, Bibliothecarium S. R. E., Iosephum Hergenroether, tabulariis Vaticanis praefectum; qua, patefactis malis artibus, quibus hostes christiani nominis historiam et res gestas RR. Pontificum, cum rebus italicis colligatas, conscribunt, innuit ut viri probi, versati in hoc genere disciplinarum, animum adiciant ad historiam scribendam, quibus patebit suppellex Bibliothecae Vaticanae.**

**LEO PP. XIII.**

**DILECTI FILII NOSTRI  
SALUTEM ET APOSTOLICAM BENEDICTIONEM.**

Saepe numero considerantes, quibus potissimum artibus confidant qui Ecclesiam et Pontificatum romanum in suspicionem invidiamque adducere nituntur, satis cognoveramus, ipsorum conatus multa cum vi et calliditate in historiam christiani nominis esse conversos, maximeque in eam partem, quae res gestas complectitur Pontificum romanorum cum ipsis italicis rebus colligatas atque connexas. — Quod cum nonnulli Episcopi nostrates idem animadvertissent, commoveri se dixerunt non minus cogitatione malorum, quae inde consecuta sunt, quam futurorum metu. Etenim iniuste simul et periculose faciunt qui plus odio romani Pontificatus quam rerum veritati tribuunt, illuc non obscure spectantes, ut superiorum temporum memoriam mendaci colore fucatam novis in Italia rebus servire cogant. — Quoniam igitur Nostrum est non solum iura Ecclesiae cetera, sed ipsam eius dignitatem et Apostolicae Sedis decus ab iniuria vindicare, cum velimus ut vincat aliquando veritas, et itali homines agnoscant unde sibi vis beneficiorum maxima antea percepta et in posterum speranda sit, decrevimus de re tanti momenti vobis, dilecti filii Nostri, consilia Nostra imperitare, eaque sapientiae vestrae ad perficiendum committere.

Incorrupta rerum gestarum monumenta siqui tranquillum et praeiudicatae opinionis expertem intendat animum, per se ipsa Ecclesiam et Pontificatum sponte magnificeque defendunt. Licet enim in iis institutorum christianorum germanam naturam magnitudinemque intueri: inter fortia certamina inclitasque victorias divina vis Ecclesiae virtusque cernitur, et manifesta factorum fide emi-



nent et apparent collata a Pontificibus maximis beneficia in universas gentes magna, sed in eas maiora, quarum in sinu Sedem Apostolicam providentia Dei collocavit. Quamobrem qui Pontificatum ipsum conati sunt omni qua. possent ratione et contentione lacessere, consentaneum iis erat haudquaquam parcere testi tantarum rerum historiae. Reapse integritatem eius adorti sunt, idque arte et pervicacia tanta, ut arma illa ipsa, quae essent ad propulsandas iniurias optime comparata, ad inferendas detorserint.

Istud lacessendi genus tribus ante saeculis usurpavere prae ceteris Centuriatores Magdeburgenses: qui scilicet, cum auctores fautoresque opinionum novarum ad expugnanda doctrinae catholicae praesidia minime valuissent, ipsi, nova velut acie, in concertationes historicas Ecclesiam compulerunt. — Centuriatorum exemplum omnes fere scholae, quae a doctrina veteri defecissent, renovarunt: idemque, quod est longe miserius, nonnulli persecuti sunt religione catholici, natione itali. Illo igitur, quo diximus, proposito pervestigata sunt vel minima antiquitatis vestigia: singuli prope tabulariorum tentati recessus: evocatae in lucem fabulae fuitiles: commenta, refutata centies, centies iterata. Circumcisis saepe vel coniectis astute in umbras iis quae sunt tamquam rerum lineamenta maiora, praeterlabi reticendo libuit gloriose facta et merita memorabilia, intentis acriter animis ad consecrandum exaggerandumque si quid esset temere, si quid minus recte gestum: cuius quidem generis cavere singula plus difficultatis habet, quam quod hominum natura patiat. Immo etiam licere visum est incertam vitae domesticae arcana scrutari sagacitate improba, arreptis inde medioque positis quae prouae ad obtrectionem multitudini spectaculo simul et ludibrio facilius fore viderentur. Ex Pontificibus maximis vel ii, quorum virtus excellit, saepe notati vituperatique perinde ac cupidi, superbi, imperiosi: quibus rerum gestarum gloria invideri non potuit, eorum reprehensa sunt consilia: illaque audita millies insana vox, de ingeniorum cursu, de humanitate gentium male Ecclesiam meruisse. Nominatim vero in civilem romanorum Pontificum principatum, libertati maiestatique eorum tuendae non sine divino consilio institutum, eundemque et iure optime partum et innumerabilibus benefactis memorabilem, acerrima male dictorum falsorumque criminum tela coniecta.

Iisdem vero machinationibus et hodie datur opera, ut, si unquam alias, certe hoc tempore illud vere dici possit, artem historicam coniurationem hominum videri adversus veritatem. Et sane

renovatis vulgo prioribus illis insimulationibus, serpere audacter mendacium videmus per laboriosa volumina et exiles libros, per diariorum volitantes paginas et apparatus theatrorum illecebras. — Ipsam rerum antiquarum recordationem nimis multi adiutricem ad iniurias volunt. — Recens illud in Sicilia specimen, quod cruentae cuiusdam memoriae occasionem nacti, multa invecti sunt in decessorum Nostrorum nomen, mansuris etiam consignata monumentis agresti immanitate dictorum. Idemque paullo post apparuit cum honores publice tributi sunt homini Brixiensi, quem seditiosum ingenium et infensus Apostolicae Sedi animus insignem posteris reddidere. Tunc enim aggressi iterum sunt incitare populares iras, itemque Pontificibus maximis ardentibus contumeliarum admoveere faces. — Siqua vero commemoranda fuerunt omnino Ecclesiae perhonorifica, in quibus omnes calumniarum aculeos manifesta lux veritatis obtunderet, extenuando tamen dissimulandoque data est opera, ut pars laudis meritique quam minima posset ad Pontifices redire putaretur.

Illud vero gravius est, hanc similitudinem tractandi historiam ipsas in scholas invasisse. Persaepe enim pueris commentarii ad ediscendum proponuntur aspersi fallaciis: quibus illi assuefacti, praesertim si accesserit doctorum aut perversitas aut levitas, facile imbibunt venerandae antiquitatis fastidium, rerumque et personarum sanctissimarum inverecundam contemptionem. Primordia litterarum supergressi, non raro in discrimen adducuntur etiam maius. Nam in maiorum disciplinarum meditationibus ab eventuum narratione ad rerum proceditur causas: a causis vero exaedificatio legum petitur ad iudicia temere ficta, quae saepius cum doctrina divinitus tradita aperte dissentiunt, et quorum ea omnis est ratio, dissimulare ac tegere quid et quantum instituta christiana in rerum humanarum cursu eventorumque consequentia ad salutem potuerint. Idque a plerisque suscipitur nihil laborantibus quam sibi parum ipsi cohaereant, quam loquantur pugnantia, quot quantisque tenebris eam, quae philosophia historiae dicitur, involvant. Ad summam, ne agamus de singulis, omnem historiae tradendae rationem eo convertunt, ut suspectam faciant Ecclesiam, invisos Pontifices, et illud maxime persuadeant multitudini, civile romanorum Pontificum imperium incolumitati et magnitudini rerum italicarum obesse.

Atqui nihil dici potest, quod a veritate magis abhorreat, ut permirum videri debeat, accusationes huiusmodi, quae tot testi-

moniis tanta vi redarguantur, verisimiles videri multis potuisse. — Profecto sempiternae posterorum memoriae historia, commendavit summa Pontificatus romani in Europam merita ac nominatim in Italiam; quae ab Apostolica Sede commoda et utilitates, ut erat proclive factu, una ex omnibus accepit plurimas. In quibus illud primo loco commemorandum, potuisse Italos in iis, quae religionem spectant, intactam a dissidiis retinere concordiam: permagnum sane populis bonum, quo qui potiuntur, ii praesidio ad prosperitatem publicam et domesticam firmissimo potiuntur. Et ut singulare quiddam attingamus, nemo unus ignorat, post afflictas Romanorum opes formidolosis incursionibus barbarorum fortissime ex omnibus restitisse Pontifices romanos; eorumque consilio et constantia effectum esse neo semel, ut, represso furore hostium, solum italicum a caede et incendiis, Urbs Roma ab interitu vindicaretur. Et qua tempestate Imperatores Orientis curas cogitationesque omnes alio derivarant, in tanta solitudine et inopia nusquam rerum suarum tutelam nisi in romanis Pontificibus Italia reperit. Quorum in illis calamitatibus spectata caritas plurimum valuit, aliis accedentibus caussis, ad initia civilis ipsorum principatus. Cuius quidem laus est, coniunctum semper cum summa utilitate communi fuisse: quod enim licuit Apostolicae Sedi omne rectum studium humanitatemque provehere, et ad civiles rationes virtutis suae porrigere efficacitatem, et res, quae habentur in civitate maximae, coniunctim complecti. certe huic caussae non exigua gratia debetur, quod civilis principatus libertatem opportunitatesque praebuit tantis peragendis rebus necessarias. Quin etiam cum decessores Nostros impulerit conscientia officii, ut iura imperii sui ab hostium cupiditate defenderent, hoc ipso pluries externarum gentium dominatum magna Italiae parte prohibuerunt. Simile quidquam recentiore est etiam perspectum memoria, quo tempore maximi imperatoris victricibus armis Apostolica Sedes non cessit, et ut sibi omnia principatus iura redderentur, a foederatis regibus impetravit. — Neque minus illa italici hominibus salutaria, quod saepenumero Pontifices romani voluntati principum non iustae libere repugnarint: et quod Europae viribus foedere icto consociatis, Turcarum, per iterata vulnera imminentium, immanissimos impetus insigni fortitudine sustinerint. Duo praelia maxima, deletis italici iisdemque catholici nominis hostibus, alterum in agro Mediolanensi, alterum ad Echinadas insulas, opera auspiciisque Apostolicae Sedis et suscepta et pugnata sunt. Expeditiones Palaestinenses, auctoribus Pontificibus

initas, vis est et gloria navalis Itolorum consecuta: item leges, vitam, constantiam res publicae populares a sapientia Pontificum mutuatae sunt. —Ad laudem Apostolicae Sedis magnam partem pertinet quaesitum italico nomini ingenuis studiis atque artibus decus. Facile interiturae Romanorum Graecorumque litterae erant, nisi reliquias tantorum operum Pontifices et Clerici velut ex naufragio collegissent. In Urbe vero actae perfectaeque res altius loquantur: nova condita et summorum artificum operibus exulta: musea et bibliothecae constitutae: scholae instituendis adolescentibus apertae: Lincea magna praeclare fundata: quibus de caussis ad hanc laudem Roma pervenit, ut communi hominum opinione mater optimarum artium habeatur.

Ex his aliisque multis cum tantum lumen eluceat, nemo non videt, infestum italico nomini praedicare aut Pontificatum per se, aut civilem Pontificum principatum, idem plane esse ac de rebus perspicuis et evidentibus velle mentiri. Flagitiosum consilium scienter fallere, et venenum malum historiâ facere: multoque magis in hominibus catholicis eisdemque in Italia natis reprehendendum quos plus quam ceteros gratus animus deberet et religionis suae honos et caritas patriae non ad studium modo sed etiam ad patrocinium veritatis hortari. Cum vero ex ipsis Protestantibus satis multi acri ingenio et aequo iudicio opiniones non paucas exuerint, et compulsi veritatis viribus Pontificatum romanum commendare non dubitarint quod sit humanitatem utilitatesque permagnas in republica afficiens, indignum est quod multi ex nostratibus contra solent. Qui in historicis disciplinis adamant adventicia pleraque; et scriptores externos, ut quisque instituta catholica peius vexat, ita sequuntur et probant maxime, fastidiendos rati summos ex nostris, qui cum historiam scriberent, caritatem patriae ab obsequio et amore Apostolicae Sedis diiungere noluerunt.

Interim tamen vix credibile est quam sit capitale malum historiae famulatus servientis partium studiis et variis hominum cupiditatibus. Futura quippe et non magistra vitae neque lux veritatis, qualem esse oportere veteres iure dixerunt, sed vitiorum assentatrix et ministra corruptelae: idque praesertim hominibus adolescentibus, quorum et mentes opinionum implebit insaniâ, et animos ab honestate modestiaque deflectet. Percutit enim historia magnis illecebris praepropera ac fervida iuvenum ingenia: oblatam antiquitatis effigiem et illas imagines virorum, quos velut ad vitam revocatos in conspectu narratio ponit, amplexantur cupide adole-

scentuli et altius in animo retinent ad diuturnitatem insculptas. Itaque hausto semel a teneris annis veneno, vix aut ne vix quidem ratio quaeretur remedii. Neque enim illa est satis vera spes futurum et aetate sapiant rectius, dediscendo quod ab initio didicerint: propterea quod ad historiam penitus et considerate pertractandam pauci sese dedunt: maturiore autem aetate, in consuetudine vitae quotidianae plus fortasse offendent confirmandis quam corrigendis erroribus loci.

Quamobrem permagni refert huic occurrere tam praesenti periculo, et omnino videre ne diutius in materiam ingentis publice privatimque mali ars historica, quae tantum habet nobilitatis, traducatur. Viri probi, in hoc disciplinarum genere scienter versati, animum adiiciant oportet ad scribendam historiam hoc proposito et hac ratione, ut quid verum sincerumque sit appareat, et quae congeruntur iam nimium diu in Pontifices romanos iniuriosa crimina docte opportuneque diluantur. Ieiunae narrationi opponatur investigationis labor et mora: temeritati sententiarum prudentia iudicii; opinionum levitati scita rerum selectio. Enitendum magnopere, ut omnia ementita et falsa, adeundis rerum fontibus, refutentur; et illud in primis scribentium obversetur animo *primam esse historiae legem ne quid falsi dicere audeat: deinde ne quid veri non audeat; ne qua suspicio gratiae sit in scribendo, ne qua simultatis*. — Est autem in scholarum usum confectio commentariorum necessaria, qui salva veritate et nullo adolescentium periculo ipsam artem historicam illustrare et augere queant. Cuius rei gratia, perfectis semel maiore mole operibus ex fide monumentorum quae habentur certiora, reliquum erit capita rerum ex illis operibus excerpere litterisque mandare dilucide et breviter; caussa quidem minime difficilis, sed quae non minimos habitura est usus, ideoque dignissima, in qua vel excellentium ingeniorum elaboret industria.

Non est autem huiusmodi palaestra intractata et nova: immo vero est summorum virorum non paucis impressa vestigiis. Siquidem rem historicam, sacris quam profanis rebus veterum iudicio propiorem, studiosae Ecclesia ab initio coluit. Per medias illas quae in exordia christiani nominis incubuere cruentas procellas, complura acta et rerum monumenta incolumia conservata sunt. Itaque cum pacatiora tempora illuxissent, florere in Ecclesia studia historicorum coepere: Oriensque et Occidens doctos labores in eo genere vidit Eusebii Pamphili, Theodoreti, Socratis, Sozomeni, alio-

rum. Et post imperii romani occasum, quod humanioribus artibus ceteris, id et historicae usuvenit, ut nusquam nisi in monasteriis perfugium, nec fere alios, praeter Clericos, cultores nancisceretur: ita plane ut, si sodales religiosi de scriptitandis annalibus minus cogitavissent, notitiam prope nullam ne rerum quidem civicarum longo temporis intervallo haberemus. Ex recentioribus vero commemorare duos illos satis est, quos nemo superavit, Baronium et Muratorium. Prior enim virtutem ingenii sui subtilitatemque iudicii incredibili eruditione cumulavit: alter vero, quamvis in eius scriptis *multa reperiantur censura digna* (1), tamen ad res vi-cesque italicas illustrandas tantam vim congestit monumentorum, ut nemo maiorem. Iis vero plures annumerari facile possent et clari et magni, quos inter pergratum recordari Angelum Maium, amplissimi Ordinis vestri decus et ornamentum.

Artem ipsam historiae philosophicam magnus Ecclesiae doctor Augustinus princeps omnium excogitavit, perfecit. Ex posterioribus qui in hac parte quiddam sunt memoria dignum consecuti, Augustino ipso usi sunt magistro et duce, ad cuius commentata et scripta ingenium suum diligentissime excoluerunt. Qui contra a vestigiis tanti viri discessere, eos error multiplex a vero deflexit, quia cum in itinera flexusque civitatum intenderent animum, vera illa scientia caussarum, quibus res continentur humanae, caruerunt.

Igitur si de disciplinis historicis optime omni memoria Ecclesia meruit, mereat et in praesens: praesertim quod ad hanc laudem ipsa ratione impellitur temporum. Etenim cum hostilia tela, uti diximus, potissimum ab historia peti soleant, oportet ut aequis armis congregiatur Ecclesia, et qua parte oppugnatur acrius, in ea sese ad refutandos impetus maiore opere munit.

Hoc consilio alias ediximus, ut tabularia Nostra praesto essent, quantum potest, religioni et bonis artibus provehendis: hodieque similiter decernimus, ut adornandis operibus historicis, quae diximus, opportuna ex Bibliotheca Nostra Vaticana pateat supellex. — Nihil dubitamus, dilecti filii Nostri, futurum ut vestri auctoritas officii vestrorumque opinio meritorum facile vobis adiungat viros doctos, in historia scribendique arte exercitatos, quibus recte positis pro singulorum facultate suum cuique assignare opus, certis tamen legibus auctoritate Nostra sancientis. Quotquot vero studium operamque suam vobiscum in hanc caussam collaturi sunt, erecto bonoque animo esse iubemus, et singulari benevolentia Nostra

(1) Benedictus XIV. Epist. ad Supremum Hispaniae Inquisitorem 31 Iulii 1748.

confidere. Res quippe agitur digna studiis patrociniisque Nostro: in qua sane spem utilitatis plurimum collocamus. Nam firmis ad probandum argumentis cedat necesse est opinionis arbitrium: conatusque adversus veritatem diu susceptos ipsa tandem per se superabit et franget veritas, quae obscurari aliquandiu potest, extingui non potest.

Atque utinam quamplurimi excitarentur veri investigandi cupiditate, et inde utilia ad recordationem documenta caperent. Clamat enim quodammodo omnis historia, Deum esse qui rerum mortalium varios perpetuosque motus providentissime regit eosque vel invitis hominibus ad Ecclesiae suae incrementa transfert. Item e dimicationibus illataque vi Pontificatum romanum semper evasisse victorem: oppugnatores eius, deiectos de spe, suam sibi perniciem comparavisse. — Neque minus aperte historia testatur quid sit de Urbe Roma iam inde ab origine sua provisum divinitus: scilicet ut domicilium sedemque perpetuo praeberet beati Petri successoribus, qui hinc tamquam e centro universam christianam rempublicam nullius obnoxii potestati gubernarent. Cui quidem divinae providentiae consilio nemo est repugnare ausus, quin serius ociosa inania coepta senserit.

Haec sunt, quae tamquam in illustri posita monumento intueri licet, undeviginti saeculorum confirmata testimonio: nec absimilia censendum futura quae reliquum afferet tempus. Nunc quidem praevalentes hominum sectae, Deo et Ecclesiae suae inimicorum, omnia in Pontificem romanum hostilia audent, compulso in ipsam eius sedem bello. Qua re hoc contendunt, debilitare vires sacramque potestatem romanorum Pontificum comminuere; immo Pontificatum ipsum, si fieri posset, extinguere. Quae hic post expugnationem Urbis acta sunt, quaeque etiamnum aguntur nihil dubitare sinunt, quid in animo habuerint qui sese ad novas res architectos et duces praebuerunt. — Ad hos accessere non eodem fortasse consilio plurimi, quos nimirum constituendae augendaeque reipublicae studium cepit. Ita numerus crevit decertantium cum Apostolica Sede, et romanus Pontifex in eam misere conditionem deiectus, quam gentes catholicae concorditer deflent. Illis tamen nihil sane melius incoepta succedent, quam ceteris ante eos eodem proposito, audacia pari. Ad italos vero quod attinet, vehemens istud cum Apostolica Sede certamen, iniuria et temere susceptum, caput est ingentium domi forisque damnorum. — Ad alienandos multitudinis animos, adversari quidem Pontificatus dictus est rebus italicis; sed incri-

minationem iniquam ac stultam ea ipsa, quae supra commemoravimus, satis convincunt. Idem vero, sicut antea omni memoria, ita in posterum non nisi prosperus et salutaris futurus est italicis gentibus: propterea quod haec eius est constans immutabilisque natura, bene mereri et prodesse in omnes partes. Quamobrem non est virorum rationibus publicis bene consulentium maximo isto beneficiorum fonte Italiam prohibere: nec dignum italis hominibus caussam suam cum iis communicare, qui nihil aliud quam Ecclesiae perniciem meditantur. Simili modo nec expedit nec prudens consilium est cum eā potestate configere, cui perpetuitatis est sponsor Deus, historia testis: quam ut toto orbe catholici religiose verentur, ita eorum interest, esse omni ope defensam: quamque ipsam principes rerum publicarum et agnoscant et plurimi faciant necesse est, his praesertim tam trepidis temporibus, cum fundamenta ipsa, quibus hominum nititur societas, propemodum vacillare videantur. Omnes igitur, in quibus est vera patriae caritas, si saperent et vera viderent, in eo maxime deberent studium curamque ponere, ut amoveantur funesti huius dissidii caussae, et Ecclesiae catholicae tam aequa postulanti ac de iuribus suis sollicitae ea, qua par est, ratione satisfiat.

Ceterum nihil magis optamus, quam ut ea, quae commemoravimus, sicut litterarum monumentis consignata sunt, ita animis hominum penitus adhaerescant. Hanc ad rem vestrum erit, dilecti filii Nostri, quanto maiorem potestis sollertiam industriamque conferre. — Quo autem vester et eorum, qui vobis navabunt operam, magis fructuosus sit labor caelestis patrocinii auspiciem vobis illisque universis Apostolicam Benedictionem peramanter in Domino impertimus.

Datum Romae apud S. Petrum die XVIII Augusti, Anno MDCCCLXXXIII Pontificatus Nostri Anno Sexto.

LEO PP. XIII.

---



LITTERAE APOSTOLICAE Innocentii XI, quibus indicitur Iubilaeum universale ad implorandam divinam opem contra Turcos (1).

INNOCENTIUS PAPA XI.

*Universis Christi fidelibus praesentes litteras inspecturis salutem, et Apostolicam Benedictionem.*

In suprema militantis Ecclesiae specula his calamitosissimis temporibus super gregem Dominicum curae nostrae divinitus creditum pastorales vigilias assidue agitantes, dum luctuosas regni Hungariae, ac Archiducatus Austriae aliarumque haereditariarum charissimi in Christo filii nostri Leopoldi, Romanorum Regis in Imperatorem electi Provinciarum, et ditionum calamitates, Ecclesiasticorum, et Religiosorum, ac praesertim Sanctimonialium, aliarumque Christi fidelium praecipites fugas, et strages, Virginum, et puerorum miserandam in servitutem, et quod amarius deplorandum est, in apostasiae, pudicitiaeque discrimina abductiones, Civitatum, oppidorum, et agrorum excidia, vastationes, direptiones, et incendia, aliaeque innumera mala, quibus nefarius Turcarum Tyrannus, immani ferocia, formidabilique sua potentia nomen Christianum de-

(1) Quum anno 1683 Turcarum operâ Vienna Austriae atroci premeretur obsidione; et nomen christianum, pax et libertas Europae totius, in grave vocarentur discrimen, Innocentius XI generale indulsit Iubilaeum; ut placatâ irâ Dei, lacrimis, ieiuniis et eleemosynis, mahumetana rabies contunderetur. Atque ut ceteri exemplum caperent, indicta poenitentiae processione, ab Ecclesia s. Mariae supra Minervam ad Ecclesiam s. Mariae de Anima nationis Theutoniorum, Pontifex ipse se contulit una cum Cardinalibus, Episcopis, regumque christianorum oratoribus. Deus qui iugiter propitiatur invocantibus se, die 12 Septembris illius anni, sinit ut nefarius Turcarum Tyrannus, tercentum milibus christianis militibus suffultus, Vien-

nam expugnaturus, a pervicaci depelleretur obsidione per arma principum foederatorum, longe numero inferiora, sed auxilio fota coelesti.

Huius anni 1683 mense Septembris secundum impletur saeculum ex quo christians miles, divini auxilli ductu, Europam a Turcarum rabie liberavit. Ne huius nobilissimi facti recordatio a cordibus christianorum prolaberetur, inter alia documenta huius ephemeridis, cooptavimus et has Innocentii XI Litteras; ut grato animo gesta Dei recolamus, et ut eluceat quanam charitate et fiducia adeundum sit *Tronum gratiae*, ut contra hostes decertantes, victoriam consequi valeamus. In Ecclesia s. Mariae de Anima et Viennae solenni recordabitur ritu dies 12 Septembris huius anni

lere molitur Apostolicae charitatis studio consideramus, vehementer ingemiscimus, atque inter moerores, et suspiria vocem proferre, et spiritum ducere vix valemus. Nam quis adeo ferreo fit pectore, cui tot malorum tristis facies gemitus, et lacrimas non exprimat? Quis ad graviora quae undequaque impendent, pericula, non summo pavore concutiatur? Immitis enim ille Tyrannus secundis armorum suorum initiis inflatus, nihilque sibi impervium iam fore confidens, Viennam Austriae, Urbem celeberrimam, ac munitissimam, et quae tumentes olim Turcicorum armorum fluctus confregit, arcta vehementique obsidione oppugnat, et tanquam inexplebilis bellua Christianas omnes Provincias spe iam devorat, Mahumetanaque perfidia abominationem longe lateque propagare, ac Dei viventis Ecclesiam funditus destruere satagit. Verum Domino protegente, in cuius manu est salvare in multis, et in paucis, in cassum cadent impiorum hostium perniciosi conatus, si divinam iram, quae hominum flagitiis provocata, Christianum populum hoc atroci bello tamquam virga furoris sui castigat, humili peccatorum confessione, dignisque poenitentiae fructibus placare, atque ad sacram misericordiarum Domini aram accedere, ardentibusque, et concordibus supplicationum opportunum auxilium implorare studuerimus. Non enim continet Dominus in ira miserationes suas, sed homines per flagella vocat ad poenitentiam, ac propitiatur invocantibus eum in veritate. Adeamus itaque cum fiducia ad thronum gratiae, scindamus corda nostra cum lacrymis ad Deum, ieiuniis, et eleemosynis orationum nostrarum vires intendamus, ac unanimi assiduaque deprecatione Patris misericordiarum, et Dei totius consolationis opem invocemus; ut sociatis memorati Leopoldi Regis, ac charissimi in Christo filii nostri Ioannis Poloniae Regis illustris, aliorumque Principum armis, nostrisque, qui quidquid in nobis est virium, et consilii, in causae comunis tuitionem conferre studemus, piis conatibus benedicere, fortissimisque Christi pugilibus ad Viennae defensionem, Turcarumque, et aliorum infidelium repressionem, vires, et fortitudinem, quae de coelo est, augere, ceterorumque potentissimorum Regum, et Principum Christianorum consilia, et vires ad Christiani nominis tutelam unire, et sociare, ac inimicos suos dissipare et in fugam convertere, prosperosque Christianis armis successus largiri dignetur. Ut autem haec ferventius fructuosiusque fiant, priscum Romanae Ecclesiae omnium Matris, et Magistrae morem sequentes coelestium munerum thesauros, quorum dispensationem fidei nostrae commisit divina dignatio, in his urgentissimis Ecclesiae necessi-

tatibus, gravissimisque periculis aperire, et largam manu erogare decrevimus. Itaque de omnipotentis Dei misericordia, ac beatorum Petri, et Pauli Apostolorum eius autoritate confisi, ex illa ligandi, et solvendi potestate, quam Nobis Dominus, licet indignis, contulit, universis, et singulis utriusque sexus Christi fidelibus in alma Urbe nostra degentibus, qui solemnii processioni, quam aliqua die proxime venturae hebdomadae ab Ecclesia Sanctae Mariae super Mineram ad Ecclesiam eiusdem sanctae Mariae de Anima nuncupatam Nationis Theutonicorum de eadem Urbe, una cum venerabilibus fratribus nostris Sanctae Romanae Ecclesiae Cardinalibus, Patriarchis, Archiepiscopis, et Episcopis, et quos in Romana Curia adesse contigerit, necnon Christianorum Regum, et Principum Oratoribus apud Nos existentibus, Prelatis quoque, et Officialibus eiusdem Curiae, universoque Clero, et Populo benedicente Domino agemus, devote interfuerint, vel Sancti Ioannis in Laterano, Principis Apostolorum et Sanctae Mariae Maioris dictae Urbis Ecclesias, seu Basilicas, aut aliquam earum intra spatium eiusdem, vel proximae subsequentis hebdomadae saltem semel devote visitaverint, ibique per aliquod temporis spatium pias preces, ad Deum, ut supra, effuderint, ac quarta, et sexta feriis, et Sabbato alterius ex praedictis hebdomadis ieiunaverint, et peccata sua confessi, Sanctissimum Eucharistiae Sacramentum in Dominica die immediate sequenti, vel alia die intra eandem hebdomadam reverenter sumpserit, ac pauperibus aliquam eleemosynam, prout unicuique suggeret devotio, erogaverint; ceteris vero extra Urbem praedictam ubicumque degentibus, qui Ecclesias ab Ordinarii locorum, vel eorum Vicariis, seu Officialibus, aut de eorum mandato, et ipsis deficientibus, per eos, qui ibi curam animarum exercent, designandas, vel Ecclesiarum huiusmodi aliquam iuxta spatium duarum similiter hebdomadarum a publicatione designationis per Ordinarios vel eorum Vicarios, seu Officiales, vel alios, ut praefertur, faciendae decursurarum, saltem semel visitaverint, ubique ut supra oraverint, ac quarta, et sexta feriis, ac Sabbato alterius ex hebdomadis huiusmodi ieiunaverint, pariterque peccata sua confessi ac in die Dominica immediate sequenti, vel alia die intra eandem hebdomadam sanctissima Communionem refecti fuerint, et pauperibus aliquam eleemosynam ut praemittitur erogaverint, plenissimam omnium peccatorum suorum indulgentiam, et remissionem, sicut in anno Iubilaei visitantibus certas Ecclesias intra, et extra Urbem praedictam concedi consuevit, tenore praesentium concedimus et elargimur. Navigantes vero et iter

agentes, ut, cum primum ad sua sese domicilia receperint, superscriptis peractis et visitata Ecclesia Cathedrali vel maiore aut parochiali loci eorum domicilii, eandem indulgentiam consequi possint et valeant; Regularibus autem personis utriusque sexus, etiam in claustris perpetuo degentibus, nec non aliis quibuscunque tam laicis, quam Ecclesiasticis, saecularibus vel Regularibus, etiam in carcere aut captivitate existentibus, vel aliqua corporis infirmitate seu alio quocunque impedimento detentis, qui supra expressa vel eorum aliqua praestare nequiverint, ut illa confessarius ex iam approbatis a locorum Ordinariis, ante praesentium publicationem, seu approbandis, eis in alia pietatis opera commutare vel in aliud proximum tempus prorogare possit, eaque iniungere quae ipsi poenitentes deficere poterunt pariter concedimus et indulgemus.

Insuper omnibus et singulis Christi fidelibus utriusque sexus, tam laicis quam Ecclesiasticis saecularibus et Regularibus cuiusvis ordinis, Congregationis et instituti, tam in Urbe praedicta, quam extra eam ubique locorum, ut praefertur degentibus, licentiam concedimus et facultatem, ut sibi ad hunc effectum eligere possint quemcunque presbyterum confessarium, tam saecularem, quam cuiusvis ordinis et instituti regularem, ex approbatis, ut praenittitur, a locorum Ordinariis qui eos ab excommunicationis, suspensionis et aliis Ecclesiasticis sententiis et censuris a iure vel ab homine, quavis causa latis seu inflictis, nec non ab omnibus peccatis, excessibus, criminibus et delictis, quantumvis gravibus et enormibus, etiam locorum ordinariis, seu Nobis et Sedi Apostolicae etiam per literas die Coenae Domini legi solitas et alias quascunque Nostras aut Romanorum Pontificum praedecessorum Nostrorum Constitutiones, quarum tenores praesentibus haberi volumus pro expressis quomodocunque reservatis, et in foro conscientiae, et hac vice tantum, absolvere et liberare valeat, et insuper vota quaecunque (Religionis et castitatis exceptis) in alia pia et salutaria opera commutare, iniuncta tamen eis et eorum cuilibet in supradictis omnibus casibus poenitentia salutari aliiusque eiusdem confessarii arbitrio iniungendis.

Quapropter tenore praesentium, in virtute sanctae obedientiae districte praecipimus atque mandamus omnibus et quibuscunque venerabilibus fratribus, Patriarchis, Archiepiscopis et Episcopis aliisque Ecclesiarum Praelatis ac quibuscunque Ordinariis locorum, ubicumque existentibus eorumque vicariis et officialibus, vel, his deficientibus, illis qui curam animarum exer-

cent, ut, cum praesentium literarum transumpta seu exempla, etiam impressa acceperint, illa statim, et absque ulla mora, retardatione vel impedimento, per suas Ecclesias vel dioeceses, provincias, civitates, oppida, terras et loca publicent et publicari faciant, ecclesiamque sive ecclesias visitandas designent. Non intendimus autem per praesentes super aliqua irregularitate publica vel occulta, nota, defectu, incapacitate seu inhabilitate quoquomodo contracta dispensare, vel aliquam facultatem tribuere dispensandi seu habilitandi, etiam in foro conscientiae, neque etiam easdem praesentes iis qui a nobis et Apostolica Sede vel ab aliquo Praelato seu Iudice Ecclesiastico excommunicati suspensi, interdicti, seu alias in sententias et censuras incidisse declarati vel publice denunciati fuerint nisi intra tempus dictarum duarum hebdomadarum satisfecerint, aut cum partibus concordaverint, ullo modo suffragari posse aut debere.

Non obstantibus constitutionibus et ordinationibus Apostolicis, praesertim quibus facultas absolvendi, incertis tum expressis casibus, ita Romano Pontifici pro tempore existenti reservatur, ut nec etiam similes vel dissimiles indulgentiarum, et facultatum huiusmodi concessionibus, nisi de iis expressa mentio aut specialis derogatio fiat, cuiquam suffragari queant, nec non regula nostra de non concedendis indulgentiis ad instar, ac quorumcumque ordinum et congregationum seu institutorum regularium, etiam iuramento confirmatione Apostolica vel quavis firmitate alia roboratis, statutis et consuetudinibus, privilegiis quoque, indultis et literis apostolicis, eiusdem ordinibus, congregationibus et institutis illorumque personis quomodolibet concessis, approbatis et innovatis; quibus omnibus et singulis etiamsi de illis earumque totis tenoribus specialis, specifica, expressa et individua, non autem per clausulas generales idem importantes, mentio seu quaevis alia exquisita forma ad hoc servanda foret, illorum tenores praesentibus pro plene et sufficienter expressis ac formam in eis traditam pro servata habentes, hac vice specialiter nominatim et expresse ad effectum, praemissorum derogamus, ceterisque contrariis quibuscumque.

Ut autem praesentes literae, quae ad singula loca deferri non possunt, ad omnium notitiam facilius deveniant, volumus, ut eandem praesentium literarum transumptis, seu exemplis, etiam impressis, manu alicuius Notarii publici subscriptis et sigillo personae in Ecclesiastica dignitate constitutae munitis, ubique loco-

rum et gentium prorsus fides habeatur, quae haberetur ipsis praesentibus, si forent exhibitae, vel ostensae.

Datum Romae, apud s. Mariam Maiorem, sub annulo Piscatoris, die XI Augusti MDCLXXXIII, Pontificatus Nostri anno VII.



## EX ACTIS CONSISTORIALIBUS

~~~~~

DE CONSISTORIO HABITO DIE 9 AUGUSTI 1883.

SSñus Pater hac mane habuit Consistorium secretum, in quo proposuit sequentes Ecclesias:

**PATRIARCHALEM ECCLESIAM LISBONEN.** vacan. per obitum clar. me. Ignatii, dum viveret S.R.E. Presbyteri Cardinalis, do Nascimento Moraes Cardoso, ultimi illius Patriarchae, extra romanam curiam defuncti, favore R. P. D. Iosephi Sebastiani Neto, hodierni Episcopi Angolensis, ad praesentationem Serenissimi Portugalliae et Algarbiorum Regis fidelissimi.

**METROPOLITANAM ECCLESIAM TAURINEN.** vacan. per obitum bo. me. Laurentii Gastaldi, ultimi illius Archipraesulis, extra romanam curiam defuncti; ad quam Sanctitas Sua promovere intendit Eñum ac Rñum Dominum Caietanum Titulo s. Mariae de Transpontina, S. R. E. Presbyterum Cardinalem Alimonda.

**METROPOLITANAM ECCLESIAM BRACHAREN.** vacan. per resignationem a R. P. D. Joanne Chrysostomo d'Amorim Pessoa, libere ac sponte factam, et a Sanctitate Sua admissam, favore R. P. D. Antonii Iosephi de Freitas Honorato, Archiepiscopi Titularis Mitylenensis, ad praesentationem Serenissimi Portugalliae et Algarbiorum Regis fidelissimi.

**METROPOLITANAM ECCLESIAM HYDRUNTIN.** vacan. per obitum bo. me. Iosephi Cajazzo, ultimi illius Archiepiscopi extra romanam curiam defuncti, favore R. P. Fr. Rochi Cocchia ex Ordine Minorum Capulatorum s. Francis, Archiepiscopi Titularis Siracensis.

**TITULAREM ECCLESIAM ARCHIEPISCOPALEM MYREN.** vacan. per as-

signationem Tituli s. Praxedis, e factam Eñõ ac Rñõ Domino Angelo S. R. E. Presbytero Cardinali Bianchi, favore R. P. D. Stephani Marilley, iam Episcopi Lausanensis ac Genevensis.

**METROPOLITANAM ECCLESIAM BURDIGALEN.** vacan. per obitum clar. me. Francisci Augusti Ferdinandi S. R. E. dum viveret Presbyteri Cardinalis Donnet, ultimi illius Archipraesulis, extra romanam curiam defuncti, favore R. P. D. Amati Victoris Francisci Guilbert, Antistitis Ambianensis, ad nominationem perillustris Viri Iulii Grevy Gallicae Reipublicae Praesidis.

**METROPOLITANAM ECCLESIAM GORITIEN.** seu Gradiscan. vacan. per obitum bo. me. Andreae Golmayr, ultimi illius Archipraesulis extra romanam curiam defuncti, favore R. P. D. Aloisii Zorn, Episcopi Parentini ac Polensis, ad nominationem sacrae caesareae maiestatis Francisci Iosephi I. Austriae Imperatoris Bohemiae et Ungariae Regis apostolici.

**CATHEDRALEM ECCLESIAM LEMOVICEN.** vacan. per obitum bo. me. Petri Henrici Lamazou, ultimi illius Episcopi, extra romanam curiam defuncti, favore R. P. D. Francisci Beniamini Iosephi Blanger, Episcopi Guadalupensis seu Imae Telluris, ad nominationem perillustris Viri Iulii Grevy, Gallicae Reipublicae Praesidis.

**ECCLESIAM DE SINALOA** in Mexicana ditione Americae Septemtrionalis sitam, atque a primaeva erectione sua vacantem, favore R. P. D. Iosephi a Iesu et Mariae Vriarte, Episcopi de Sonora.

Episcopatus de Sinaloa nomen habet a confoederato Statu homonymo; eius autem residentia ex Consistoriali decreto diei 24 Maii 1883 constituta est in urbe Culiacuni *Culiacan*, quae caput est eiusdem Status in Mexicana ditione Americae Septemtrionalis, quaeque proinde ad civitatis ac Sedis Cathedralis honorem erecta est, eaque ab ultra undecim millibus inhabitatur incolis.

Eius paroecialis Ecclesia, quae adhuc in aedificatione extat, quaeque amplitudine, pulchritudine, ornamentisque ceteras inibi supereminet Ecclesias, ad Cathedralis fastigium elevabitur, priscis retentis titulo ac paroecialitate, eaque Archiepiscopo de Guadalaxara suffragabitur.

Cathedrale Capitulum constans dignitatibus, Canonicis, Beneficiariis ac Mansionariis ad normam viciniorum Capitularium, erigendum erit ubi Cathedralis templi opus fuerit perfectum.

Per Parochum, eiusque Vicarios animarum cura sicut antea ipsamet exercebitur in Cathedrali, baptismali fonte praedita, ibique sacrarium sacra supellectili ad divina obeunda officia sufficienter

instructum praesto erit una cum choro, organo, campanili cum campanis, et extra urbem caemeterio.

**CATHEDRALEM ECCLESIAM VISEN.** vacan. per obitum bo. m. Antonii Alves Martins, ultimi illius Episcopi, extra romanam curiam defuncti, favore R. P. D. Iosephi Dias Correia de Carvalho, Antistitis s. Iacobi Capitit, Viridis ad praesentationem Serenissimi Portugalliae et Algarbiorum Regis Fidelissimi.

**CATHEDRALEM ECCLESIAM EGITANIEN.** vacan. per obitum bo. me. Emmanuelis Martins Manso, ultimi illius Episcopi, extra romanam curiam defuncti, favore R. P. D. Thomae Gomes de Almeida Episcopi Titularis Teiensis ad praesentationem Serenissimi Portugalliae et Algarbiorum Regis Fidelissimi.

**CATHEDRALEM ECCLESIAM PORTALEGREN.** vacan. per obitum bo. me. Iosephi Francisci de Soledade Bravo, ultimi illius Episcopi, extra romanam curiam defuncti, favore R. P. D. Iosephi Mariae da Silva Ferrao de Carvalho Martens, Episcopi Brigantensis, ad praesentationem Serenissimi Portugalliae et Algarbiorum Regis Fidelissimi.

**CATHEDRALEM ECCLESIAM BRIGANTIEN.** vacan. per translationem ad Sedem Portalegrensem R. P. D. Iosephi Maria da Silva Ferrao de Carvalho Martens, fa-

vore R. P. D. Emmanuelis Bernardi de Sousa Ennes, Antistitis Macaonensis, ad praesentationem Serenissimi Portugalliae et Algarbiorum Regis Fidelissimi.

**CATHEDRALEM ECCLESIAM BARCINONEN.** vacan. per obitum bo. me. Iosephi Mariae de Urquinaona et Bidot, ultimi illius Episcopi extra romanam curiam defuncti, favore R. P. D. Iacobi Catala et Albosa, Gaditani ac Septensis Antistitis, ad praesentationem Serenissimi Regis Catholici.

**TITULAREM ECCLESIAM EPISCOPALEM HELENOPOLITAN.** sub Archiepiscopo Nicomediense in Bithynia, vacan. per translationem R. P. D. Alexandri Casimiri Gintowt ad metropolitanam Sedem Mohiloviensem, favore R. P. D. Flaviani Simoneschi Antistitis dimissionarii triplicis unitae Ecclesiae Terracinensis, Privernensis atque Setinae.

**CATHEDRALES ECCLESIAS TERRACINEN. SETIN ET PRIVERNEN.** invicem perpetuo canonice unitas, vacan. per dimissionem a R. P. D. Flaviano Simoneschi libere ac sponte in manibus Sanctitatis Suae peractam, et ab eadem admissionem, suspenso tamen dimissionis effectu ad possessionem usque sui Successoris, favore R. D. Thomae Mesmer Presbyteri Anagnini eisdem Ecclesiis ex benignitate praefatae Sanctitatis Suae praeficiendi.



CATHEDRALEM ECCLESIAM SIGNIN. vacan. per obitum bo. me. Antonii Vincentii Testa, ultimi illius Episcopi, apud romanam curiam defuncti, favore R. D. Blasii Sibia, Presbyteri Anagnini. Qui ex legitimis, catholicis, honestisque parentibus Anagninae progenitus, sexagesimum primum aetatis suae annum supergressus est. Sacro dudum Presbyteratus ordine donatus in functionibus ecclesiasticis obeundis sese laudabiliter exercuit. Patrii seminarii Rectorem, ibique Professorem agens eloquentiae, sodalitatis a Sancta Maria Lauretana Primicerii munere perfunctus, et inter pro-Synodales Examinatores atque illius Basilicae Cathedralis Canonicos hucusque adscitus est.

CATHEDRALEM ECCLESIAM COMACLEN. vacan. per obitum bo. me. Aloisii-Pistocchi, ultimi illius Episcopi extra romanam curiam defuncti, favore R. D. Tullii Sericci, Presbyteri Anconitani. Qui ex legitimis, catholicis, honestisque parentibus Anconae progenitus, quartum supra quinquagesimum aetatis suae annum supergressus est. Inter alumnos alumni Collegii Capranicensis Romae adnumeratus, ibique ss. ordines, et apud Gregorianam universitatem in sacra theologia dudum doctorali laurea donatus, in patrio seminario philosophiae ac mathesis, nunc autem dogmaticae theolo-

giae Lectorem, et clericorum spirituales agens moderatorem, inter pro-Synodales Examinatores dioeceseos Convisitatores, et Sanctitatis Suae Cubicularios honoris adscitus est.

CATHEDRALEM ECCLESIAM CASANEN. vacan. per obitum bo. me. Alexandri Basile, ultimi illius Episcopi, extra romanam curiam defuncti, favore R. P. Raphaelis Danise, Presbyteri Neapolitani et Ordinis Clericorum Regularium Infirmis Ministrantium professi. Qui ex legitimis, catholicis, honestisque parentibus Neapoli progenitus et in quinto supra sexagesimum aetatis suae anno constitutus; alumnus Clericorum Regularium infirmis ministrantium ab adolescentia comes additus, ipsum Ordinem solemniter professus et Presbyterali dudum dignitate insignitus, primo sui sacerdotii anno publico rerum theologicarum peracto periculo philosophiae ac sacrae theologiae Lector renunciatus est. Directioni religiosarum sui ordinis familiarum pluries praepositus, pluriesque a Generali Consulta ad extraordinaria Religionis suae negotia pertractanda deputatus est.

CATHEDRALEM ECCLESIAM BEIEN. vacan. per translationem R. P. D. Antonii a Trinitate de Vasconcellos Pereira de Mello ad Cathedrali Sedem Lamacensem, favore R. D. Antonii Xaverii de Souza Monteiro, Presbyteri Lis-

bonensis, ad praesentationem Serenissimi Portugalliae et Algarbiorum Regis Fidelissimi.

Qui ex legitimis, catholicis, honestisque parentibus Lisbonensi in urbe progenitus et in quinquagesimo quarto aetatis suae anno constitutus, sacro Presbyteratus ordine et in iuris facultates Bachalarei formati gradu iamdiu donatus, animarum curam in paroecia s. Silvestri penes oppidum de Souza aliquando regens, et in seminario Conimbricensi iuris canonici Professorem agens, illius Cathedralis Canonicus ad praesens usque renunciatus est.

CATHEDRALEM ECCLESIAM FORTALEXIEN. in Brasilia, vacan. per translationem ad metropolitanam Sedem s. Salvatoris in Brasilia R. P. D. Aloisii Antonii dos Santos, favore R. P. D. Ioachimi Iosephi Vieira, Presbyteri dioeceseos s. Pauli in Brasilia, ad praesentationem Serenissimi Petri Secundi Brasiliae Imperatoris.

Qui ex legitimis, catholicis, honestisque parentibus in civitate de Itapetininga, dioeceseos s. Pauli in Brasilia progenitus, et quadragesimum septimum aetatis suae annum supergressus, animarum curae in urbe de Campinas aliquando addictus, Canonicus hucusque Cathedralis Ecclesiae s. Pauli in Brasilia renunciatus est.

CATHEDRALEM ECCLESIAM ANTIQVIEN. in Confoederatione Co-

lumbiana Americae Meridionalis vacan. per dimissionem a R. P. D. Ioachimo Guilelmo Gonzalez, libere ac sponte factam et a Sanctitate Sua admissam, favore R. D. Iesu Mariae Rodriguez Presbyteri Antioquiensis. Qui ex legitimis, catholicis, honestisque parentibus Antioquiae progenitus et quadragesimum septimum aetatis suae annum supergressus, animarum curam in quibusdam dioeceseos paroeciis administrans, atque in illa, quae *Buriticã* nuncupatur, Parochum agens proprietarium, hucusque Canonicus patriae Cathedralis, dioeceseos vicarius in spiritualibus generalis, atque theologiae moralis ac iuris canonici professor in seminario renunciatus est.

CATHEDRALEM ECCLESIAM DE SONORA. in Mexicana ditione Americae septemtrionalis, vacan. per translationem R. P. D. Iosephi a Iesu et Maria Vriarte ad nuper in Cathedralem erectam Ecclesiam de Sinaloa, pariter in Mexicana ditione Americae septemtrionalis, favore R. P. Fr. Iosephi Rico Ordinis Minorum Observantium s. Francisci Presbyteri archidioeceseos Mechoacanensis. Qui ex legitimis, catholicis, honestisque parentibus in loco, cui vulgo nomen *Yrapuato* archidioeceseos Mechoacanensis progenitus, et quinquagesimum secundum aetatis suae annum supergressus, inter sodales Mino-

norum Observantium s. Francisci a prima iuventa adscitus est. In sui Ordinis collegiis iuvenibus instituendis addictissimus, monasterii de Queretaro Custodis, et provinciae ss. Petri et Pauli in archidioecesi Mechoacansensi Provincialis muneribus perfunctus est.

**TITULAREM ECCLESIAM EPISCOPALEM MAGIDAN.** sub Archiepiscopo Pergensi in Pamphilia, vacan. per obitum bo. me. Ioannis Francisci Bux et Loras, ultimi illius Episcopi, extra romanam curiam defuncti, favore R. D. Bernardini Caldaïoli Presbyteri Pientinae dioeceseos, deputati in Coadiutorem cum futura successione R. P. D. Ioannis Baptistae Blasini Antistitis Grosseti, qui expressum ad hoc praebens assensum ob suam provectam aetatem atque adversam valetudinem alterius indiget ope ad pontificalia, ceteraque pastoralia munia in illa civitate ac dioecesi salubriter ac fructuose in Domino obeunda. R. D. Bernardinus Caldaïoli ex legitimis, catholicis, honestisque parentibus in Castro de Plano Ilcinensis dioeceseos progenitus ac in trigesimo sexto aetatis suae anno constitutus est. Romae alumni almi conlegii Capranicensis comes adiunctus, Presbyteratus ordine et apud universitatem Gregorianam in facultate philosophica, atque theologica dudum doctorali laurea donatus, scientias easdem

in suo tradidit Pientino seminario, ubi et Rectorem egit supplementem. Ipsa in Cathedrali Canonice Theologicae hucusque renuntiatus, ac inter pro-Synodales Examinatores adscitus, in Dei verbo praedicando praesertim adventus et quadragesimae temporibus, etiam extra suam dioecesium naviter incubuit.

**TITULAREM ECCLESIAM EPISCOPALEM RHOSEN.** sub Patriarcha Antiochen. vacan. per obitum bo. me. Ioannis Bradacz, ultimi illius Episcopi, extra romanam curiam defuncti, favore Ianuarii Portanova Presbyteri Neapolitani, deputati in Coadiutorem cum futura successione R. P. D. Francisci di Nicola; Antistitis Isclani, qui expressum ad hoc praebens assensum ob suam adversam valetudinem alterius indiget ope ad pontificalia, ceteraque pastoralia munia illa in civitate, eiusque aerumosa dioecesi salubriter et fructuose in Domino obeunda. R. D. Ianuarius Portanova ex legitimis, catholicis, honestisque parentibus Neapoli progenitus, et in tricesimo octavo aetatis suae anno constitutus, in patrio Lyceo Archiepiscopali theologiae dogmaticae, atque in Collegiis Virginum et Immaculatae Philosophiae professorem agens, Cleri Examinator et pro librorum revisione ecclesiasticus Censor adlectus, inter academicos Socios Religionis Catholicae Romae, Medico-Philo-

sophicae s. Thomae Aquinatis Bononiae, atque Theologicae Neapoli adscitus est.

EPISCOPALEM ECCLESIAM TITULAREM SINITEN. sub Archiepiscopo Melitenensi in Armenia minori, vacan. per translationem ad Titularem Ecclesiam Archiepiscopalem Claudionopolitanam R. P. D. Iosephi Eusebii Desfeches, favore R. D. Bernardi Gaetani ab Aragona, Monachi Ordinis s. Benedicti Congregationis Cassinensis, Presbyteri Caietanae archidioeceseos, deputati in Coadiutorem cum futura successione R. P. D. Antonii La Scala, Antistitis s. Severi, qui expressum ad hoc praebens assensum ob suam provectam aetatem ac adversam valetudinem, alterius indiget ope ad pontificalia, ceteraque pastoralia munia illa in civitate ac dioecesi salubriter ac fructuose in Domino obeunda. R. D. Bernardus ab Aragona ex legitimis, catholicis, nobilesque parentibus Formiis Caietanae archidioeceseos progenitus et in sexagesimo octavo aetatis suae anno constitutus Ordini s. Benedicti Congregationis Cassinensis apud Cavae Tyrhenorum monasterium a prima iuventa adscriptus est. In disciplinis philosophicis, theologicis dogmaticis et moralibus, iuris canonici et Caietae linguae graecae rudimentis tradendis intentus, Lectoris emeriti gradum assequutus est. Cavensis mona-

sterii Tabularium, bibliothecae Praefectum, Priorem-Administratorem, et codicis diplomatici appendicum agens Estensorem, Protonotarius Apostolicus exinde nuncupatus est. Pro dioecesibus Cavensi ac Sarnensi, Abbatiali Cavensi, Cephaludensi ac Perusina vel pro-Vicarii in spiritualibus Generalis et Examinatoris pro-Synodalis, vel Neapoli cleri Examinatoris, Convisitatoris archidioeceseos, et Collegii Chinenisium perfunctus muneribus, inibi Abbas ad ss. Severinum ac Sossium, Caietae Rector Sanctuarii SS<sup>mi</sup> Crucifixi, atque Perusiae Prior Administrator Abbas ac Director Coloniae agricolae ad s. Petrum renunciatus est.

TITULAREM ECCLESIAM EPISCOPALEM ARGIVEN. sub Archiepiscopo Corinthien. in Achaia vacan. per obitum bo. me. Policarpi Maciejewski, ultimi illius Episcopi, extra romanam curiam defuncti, favore R. D. Bernardi Antonii de Riso, Monachi Ordinis s. Benedicti Congregationis Cassinensis, Presbyteri Cathacensis deputati in Coadiutorem cum futura successione R. P. D. Raphaelis De Franco, Antistitis Cathacensis, qui expressum ad hoc praebens assensum, ob suam provectam aetatem alterius indiget ope ad pontificalia, ceteraque pastoralia munia illa in civitate ac dioecesi salubrier ac fructuose in Domino obeunda. R. D. Bernardus

Antonius de Riso ex legitimis, catholicis, nobilibusque parentibus Catacii progenitus, quinquagesimum nonum aetatis suae annum supergressus est. Monasticum s. Benedicti Ordinem Congregationis Cassinensis ad Cavae Tyrrenorum ab adolescentia solemniter professus, in iure canonico Lectoris gradu donatus, facultatem ipsam scite tradidit in sua Cavensi Abbatia, ubi et Examinator pro Synodalis, et illius Abbatialis Curiae extitit Auditor.

EPISCOPALEM ECCLESIAM TITULAREM HIRINEN. sub Archiepiscopo Carthaginensi vacan. per translationem R. P. D. Ioannis Augusti Paredis ad Cathedralem Sedem Ruremundensem, favore R. P. Raphaelis Di Nonno, e Congregatione SSmi Redemptoris, Presbyteri Boianensis dioeceseos; deputati in Coadiutorem cum futura successione R. P. D. Vincentii Bisceglia, Antistitis Thermularum, qui expressum ad hoc praebens assensum, ob suam propectam aetatem ac adversam valetudinem alterius indiget ope ad pontificalia, ceteraque pastoralia munia in illa civitate ac dioecesi salubriter ac fructuose in Domino obeunda. R. P. Raphael Di Nonno ex legitimis, catholicis, honestisque parentibus in loco, cui vulgo nomen *Campobasso* Boianensis dioeceseos progenitus et secundum supra quin-

quagesimum aetatis suae annum supergressus, inter alumnos Congregationis SSmi Redemptoris a prima inventa adnumeratus est. Nonnullis suae Congregationis perfunctus est officiis, et praedicationi verbi Dei, atque utriusque sexus sacramentalium confessionum auscultationi sedulo intendit.

TITULAREM ECCLESIAM EPISCOPALEM TRANOPOLITAN. sub Archiepiscopo Laodiceno in Syria vacan. per obitum bo. me. Adami Clansens, ultimi illius, extra romanam curiam defuncti, favore R. P. Fr. Thomae Càmara Castro ex ordine Eremitarum s. Augustini, Presbyteri Calaguritanae dioeceseos; qui Emi ac Rmi Domini Ioannis Ignatii Titulo s. Mariae de Pace Urbis S. R. E. Presbyteri Cardinalis Moreno, Archiepiscopi Toletani in Auxiliarem deputatus fuit ad pontificalia, ceteraque pastoralia munia de eius consensu ac lubito illa in civitate et archidioecesi salubriter ac fructuose in Domino obeunda, iuxta decretum sacrae Congregationis Consistorialis a praefata Sanctitate Sua approbatum.

R. P. Fr. Thomas Càmara Castro ex legitimis, catholicis, honestisque parentibus in loco, cui vulgo nomen *Torrecilla en Cameros* Calaguritanae dioeceseos progenitus ac in tricesimo sexto aetatis suae anno constitu-

tus est. Eremiticæ s. Augustini Ordini a prima iuventa dato nomine, ibique solemniter professus; pluribus annis philosophiæ Cathedriticum agens et Lector Iubilatus effectus, in Conlegio Vallisoletano pro sui ordinis Patribus ad missiones in insulis Philippinis peragendas erecto, professoris munere hucusque perfunctus est.

TITULAREM ECCLESIAM EPISCOPALEM CALYDONIEN. sub Archiepiscopo Naupactense, vacan. per successionem ad Cathedralem Sedem Detroitensem R. P. D. Gasparis Henrici Borgess, favore R. P. D. Ludovici Caracciolo ex Principibus de Castaneeta, Presbyteri Neapolitani, deputati in Auxiliarem R. P. D. Dominici Zelo, Antistitis Aversani ad pontificalia, ceteraque pastoralia munia de eius consensu ac lubito, illa in civitate et dioecesi salubriter ac fructuose in Domino obeunda.

R. P. D. Ludovicus Caracciolo ex Principibus de Castaneeta de legitimis, catholicis, nobilesque parentibus Neapoli progenitus et sextum supra tricesimum ætatis suæ annum supergressus; Romæ alumnus academiæ nobilium ecclesiasticorum consociatus, in sacra theologia Bacalaureus effectus inter Sanctitatis Suæ Protonotarios Apostolicos et Urbanos Antistites adscitus est.

TITULAREM ECCLESIAM EPISCOPALEM ALABANDEN. vacan. per suc-

cessionem R. P. D. Rochi Leonasi ad sibi invicem unitas Sedes Cathedrales Anglonensem ac Tursiensem, favore R. P. D. Iosephi Francica Nava e Dynastis *di Bontifè*, Presbyteri Calatanisiadensis. Qui etiam R. P. D. Ioannis Guttadauro Regio ex Principibus *di Beburbone* Antistitis Calatanisiadensis in Auxiliarem deputatus fuit ad pontificalia, ceteraque pastoralia munia de eius consensu ac lubito illa in civitate ac dioecesi salubriter ac fructuose in Domino obeunda. R. P. D. Iosephus Francica Nava e Dynastis *di Bontifè*, ex legitimis, catholicis, nobilesque parentibus Catanae progenitus ac in trigesimo septimo ætatis suæ anno constitutus, Romæ alumnus Ephebei nobilium sacris addictorum adiunctus sacrae theologiæ ac iuris utriusque doctor effectus, a sa. me. Pio PP. IX Cubicularius intimus ac Apostolicus Ablegatus adlectus pro novi honoris insignibus deferendis ad Lugdunensem Archiepiscopum, S. R. E. Cardinalem designatum, inter Sanctitatis Suæ Urbanos Antistites adscitus est.

TITULAREM ECCLESIAM EPISCOPALEM HIPPEN. sub Patriarcha Hierosolymitano, vacan. per successionem R. P. D. Antonini Mariae Saeli e Congregatione SSmi Redemptoris ad Ecclesiam Mazariensem, favore R. D. Francisci Mariae Kersuzan Presbyteri

Venetensis dioeceseos. Qui etiam deputatus fuit in Auxiliarem R. P. D. Alexii Ioannis Mariae Guilleux, Archipraesulis Portus Principis ad pontificalia, ceteraque pastoralia munia de eius consensu ac lubito illa in civitate et archidioecesi salubriter ac fructuose in Domino obeunda. R. D. Franciscus Maria Kersuzan ex legitimis, catholicis, honestisque parentibus in loco, cui vulgo nomen *Grandchamp* Venetensis dioeceseos progenitus et quintum supra tricesimum aetatis suae annum supergressus, in archidioecesi Portus Principis vicarii in spiritualibus generalis munere hucusque perfunctus est.

TITULAREM ECCLESIAM EPISCOPALEM TANEN. sub Archiepiscopo Damiatensi vacan. per successionem ad Sedem Cotronensem R.

P. D. Iosephi Cavaliere, favore R. P. D. Francisci Sniegon Presbyteri dioeceseos Wratislaviensis. Qui etiam deputatus fuit in Auxiliarem R. P. D. Roberti Herzog, Episcopi Wratislaviensis, ad pontificalia, ceteraque pastoralia munia de eius consensu ac lubito obeunda in ea dioeceseos parte, quae Imperio subest Austriaco. R. P. D. Franciscus Sniegon ex legitimis, catholicis, honestisque parentibus in civitate Teschinensi dioeceseos Wratislaviensis progenitus et in septuagesimo quarto aetatis suae anno constitutus, vicarium generalem Antistitis Wratislaviensis, agens, tum inter illius Capituli Canonicos ad honorem tum inter Antistes Urbanos Sanctitatis suae adnumeratus est.

Per Breve autem pontificum sequentes collatae fuerunt Ecclesiae:

ECCLESIA METROPOLITANA E BUKAREST, erecta a S. Sanctitate in Valachia R. P. D. Ignatio Paoli, translato e Sede Nicopolitan.

ECCLESIA METROPOLITANA ULTRAIECTEN. R. P. D. Petro Mathiae Snickers, translato e Sede Harlemen.

R. P. D. Nilus Iszworoff. Episcopus ritus Graeci-Bulgari, Administrator Apostolicus Bulga-

rorum eiusdem ritus, euectus fuit ad gradum Episcopatus.

ECCLESIA TITULARIS ARCHIEPISCOPALIS ADRIANOPOLITAN. R. D. Iacobo Thomas e Missione s. Vincentii de Paoli, electo in delegatum Apostolicum Persiae.

ECCLESIA ARCHIEPISCOPALIS TITULARIS CABASEN. R. D. Patritio Guillelmo Riordan, Rectori s. Iacobi Chicagiensis, deputato in coadiutorem cum futura succes-

sione R. P. D. Iosephi Sadoc Alemany, Archiepiscopi s. Francisci in California.

ECCLESIAM TITULAREM EPISCOPALEM AUGUSTOPOLITAN. R. P. D. Raymundo Mariae Moreno et Castaneda, Ordinis Carmelitarum discalceatorum, Episcopi dimissionarii de Chiapas.

ECCLESIA CATHEDRALIS NASHVILLEN. R. D. Iosepho Rademacher Rectori Ecclesiae s. Mariae in civitate Fayette, Dioecesis Wayn-Costrensis.

ECCLESIA CATHEDRALIS NICOPOLITAN. R. P. Hippolyto Augusto e Congregatione Passionis, iam Missionario in Bulgaria.

ECCLESIAE CATHEDRALES UNITAE GALVIEN. ET DUACEN. cum administratione Dioecesis Fenaboren. R. D. Thomae Carr.

ECCLESIA TITULARIS ABDERTAN. R. P. D. Petro Lamberti Goossens; qui etiam deputatus fuit in coadiutorem cum futura successione R. P. D. Theodori Iosephi Graves, Antistitis Namurcensis.

ECCLESIA EPISCOPALIS TITULARIS

CUCUSIEN. R. D. Ioanni Iacobo Ionckau, deputato in coadiutorem cum futura successione R. P. D. Ioannis Battistae Brendel, Episcopi Vancouverien.

ECCLESIA EPISCOPALIS TITULARIS LICOPOLIEN. R. D. Thomae da Silva Leitao, Presbytero Goanae Archidioecesis.

ECCLESIA TITULARIS EPISCOPALIS HEBRONEN. R. D. Michaeli Petkoff e ritu Bulgaro, deputato in Vicarium Apostolicum Bulgarorum pro Traciae provincia.

ECCLESIA EPISCOPALIS TITULARIS SATALEN. R. D. Lazaro Mladenoff e Missione, et Vicario Apostolico Bulgarorum in Provincia Macedoniae.

ECCLESIA EPISCOPALIS TITULARIS PACANDEN. R. D. Leone Livinae e Missionariis Algerien. Vicario Apostolico novi Vicariatus Victoriae-Nianza, erecti a Sanctitate Sua in Africa Aequatoriali.

ECCLESIA EPISCOPALIS TITULARIS MAXIMIANOPOLITAN. R. P. Ioanni Baptistae Orsi e Carmelitis discalceatis, Administratori Apostolico Quillon.



# EX S. CONGREGATIONE CONCILII

ANDRIEN.

PROVENTUUM PAROCHIALIUM

*Die 7 Aprilis et 5 Maii 1883.*

COMPENDIUM FACTI. Die 19 Ianuarii anni 1882 quinque parochi Civitatis Andrien. supplici dato libello, exposuerunt Sacratissimo Principi, per Breve anni 1857 erectas fuisse quinque paroecias, quibus nunc iidem praesunt; et Regem illius temporis, dum concederet *regium placitum*, Municipium iussisse unicuique paroeciae 50 quotannis praestare scutata pro cultus expensis; Municipium vero solvisse hanc praestationem usque ad annum 1860 tantum. Parochos illius temporis nihil egisse ad protegenda paroeciarum iura: etsi haud latere eosdem posset, iurisprudentiam Regni favorabilem iugiter fuisse paroeciis in casibus consimilibus. Quod vero ab antiquis omittebatur, egerunt nuperrimi parochi, qui per omnes iurisdictionis gradus transeuntes apud civilia Tribunalia, tandem paroeciis amicam consequuti sunt sententiam, qua Municipium damnatum fuit ad omnes praestationes ab anno 1860 omissas.

Post hanc definitivam sententiam, rependit Municipium oratoribus annuas praestationes 50 scutatorum a tempore, quo in possessionem paroeciarum immissi fuerunt. Parochi vero antecessores, qui adhuc inter vivos agunt, veteri expurgatâ desidiâ, quamvis aetate proveciores, sollicitam impenderunt operam, ut a Municipio praeteritas obtinerent praestationes. Municipium revera constituit eisdem dare libellas 18,000 pro toto tempore, quo non praestitit summam 50 scu-

tatorum. Ast oratores pro certo habent sibi et non suis antecessoribus, hanc pecuniae vim deberi.

Sacra tunc Congr. Concilii Episcopo rescripsit, ut curaret rem amicali ratione componere de *bono et aequo*. Ast, retulit Episcopus, veteres parochos, amicali compositioni acquiescere noluisse, sed integram inhiare argenti summam.

### Disceptatio Synoptica

EA QUAE ADDUCUNT PAROCHI HODIERNI. Parochos praedecessores dereliquisse annuos proventus paroeciarum, qui a Municipio solvendi erant, prorsus retinendum esse, aiunt parochi hodierni. Nam etsi scirent iidem, iurisprudentiam civilium tribunalium iugiter haud inimicam fuisse parochis, qui in similibus adiunctis positi, contra Municipia ecclesiarum suarum iura protueri curarunt, nihil tamen egerunt, ut vis pecuniae in divinum cultum eroganda sarta tectaue maneret. Ideo iure eamdem dereliquisse dicendi sunt.

Porro constituto quod ex-parochi nihil prorsus peregerint, dum debebant et optime poterant, ad iura paroeciarum sarta tectaue servanda, iam a gravis negligentiae nota excusari haud posse apparet: quinimo contra paroeciarum iura ex-parochi egisse videntur ad tradita per L. 121 ff. de reg. iur. - ibi - « Qui non facit quod facere debet, videtur facere ad » versus ea, quia non facit ». Frustra propterea nunc quaerunt annuos proventus derelictos, cum quispiam ex negligentia sua commodum reportare nequeat.

Verumtamen Parochi hodierni ulterius procedunt demonstrando, praedictos proventus paroeciis assignatos fuisse uti supplementum pro expensis cultus divini; numquam vero ut parochi pro tempore eosdem proventus suos facerent. Quo posito, animadvertunt Parochi, nihil de praefatis proventibus expensum fuisse a suis praedecessoribus, ideoque de iisdem proventibus esse adhuc disponendum favore paroeciarum, ut suum effectum, ad quem destinati fuerunt, sortiantur. Posito itaque quod ex-Parochi in miserrima conditione paroecias

reliquerint, nihilque de annuis redditibus 50 ducatorum ab eis expensum fuerit, sponte veluti sua sequi videtur controversam summam eisdem adiudicari haud valere.

Ceterum addunt Parochi quod etiamsi concederetur falsa hypothesis alicuius expensae ab eorum praedecessoribus de proprio peractae, iam isti abunde refectioni essent, et summa controversa adhuc integra maneret. Re quidem vera duo ex memoratis praedecessoribus Vicarii iugiter fuerunt, nunquam parochi, prouti testatur Episcopus; et alii tres quamvis Canonici Cathedralis Ecclesiae sub finem anni 1871 renuntiati fuerint, nihilominus paroecias retinuerunt uti Vicarii usque ad annum 1879. Hoc autem posito, intelligi haud datur quonam pacto isti, toto tempore quo Vicarii fuerunt, retinere sibi potuerint, praeter omnia emolumenta adventitia, integram quoque praebendam parochialem. Quandoquidem exploratum in iure est, Vicariis parochialibus per Episcopum assignari debere tantummodo congruam portionem fructuum. Id expresse tradit Conc. Trid. *cap. 2 sess. 6, cap. 5 et 7 sess. 7, cap. 4 et 6 sess. 21, cap. 18 sess. 24, cap. 16 sess. 25 de Reformat.* Quanam vero quantitate assignanda sit ista fructuum portio declaravit s. Pius V in *Constit. Ad exequendum* - ibi - « Praelatorum arbitrio facienda ita se » continere et arbitrari debere, ut non maior centum, nec » minor quinquaginta scutorum annuorum summa, computatis etiam incertis emolumentis et aliis obventionibus communiter percipi solitis, eis omnino assignetur ». Idque statutum pariter fuisse a Rege utriusque Siciliae docet Liberatore in opere cui titulus *Polizia Ecclesiastica*, pag. 35.

Iamvero explorati facti esse aiunt Parochi, Congruam uniuscuiusque paroeciae ab eorum praedecessoribus perceptam plurimum excedere maximam portionem centum scutorum.

Neque regerere iuvat Constitutionem s. Pii V *Ad exequendum* minime respicere memoratos parochorum praedecessores, ex eo quod ipsi fuerunt Vicarii non perpetui sed ad nutum amovibiles. Quae enim in praefata *Constit.* statuta sunt de Vicariis perpetuis, quoad congruam portionem,

retinenda pariter esse de Vicariis amovibilibus tradit Ferraris *verbo Congrua art. 2 n. 38* - ibi - « Congruam cer-  
 » tam debet habere Curatus, seu Vicarius substitutus ad  
 » formam dictae Constitutionis s. Pii V *Ad exequendum*,  
 » quamvis sit amovibilis, ut declaravit *Sacra Cong. Visit.*  
 » *Apostolicae in Fanen. 26 Novemb. 1693* ». Quinimo cum  
 Vicarii amovibiles minus quam perpetui participant de natura  
 Parochi, minorem etiam fructuum portionem illis assignan-  
 dam esse apparet. Ita Barbosa *Iuris Eccl. Univ. lib. 3 de*  
*Vicariis cap. 6.* « Vicarii temporales non gaudent praeroga-  
 » tivas et emolumentis, quibus gaudent vicarii perpetui ». Idque confirmari videtur a Benedicto XIII *Constit. In Su-*  
*prema*, ubi Pontifex, retinens quod statutum fuerat a s. Pio V  
 in *Constit. Ad exequendum*, quoad Vicarios tamen amovi-  
 biles addit, congruam fructuum portionem eis assignandam  
 esse *ratione reddituum et emolumentorum ecclesiae paro-*  
*chialis in qua deputati fuerint*.

Deterius autem ex adverso referuntur expensae pro pa-  
 roeciarum cura. Quandoquidem onera necessaria et ordinaria,  
 praesertim vero cultus divini, ex praedicta congrua portione  
 deducenda esse, tradit s. Rota in *Romana pens. 6 No-*  
*vemb. 1619*, Barbosa *de Off. et potest. Par. cap. 29*. Qui-  
 bus oneribus demptis, parum vel nihil a dictis praedecesso-  
 ribus expensum fuisse videtur. Etenim ex superius relatis  
 luculenter apparet sumptus limitatos fuisse ad simplex ne-  
 cessarium, et quidem pro hisce expensis plurimum contulisse  
 sive Confraternitatis, sive fidelium pietatem. Ceterum etiamsi  
 in perdita hypothese istae expensae rursus essent computan-  
 dae, nihilominus singulis praedecessoribus integram semper  
 fuisse annuam summam libellarum 911 subdunt Parochi, qui  
 fuse simul demonstrant, expensas omnes cuiuscumque speciei  
 vix aequare posse summam libellarum 500, quae detractae  
 ex congrua lib. 1411, superest praecise dicta summa lib. 911.  
 Hinc apparet elenchum expensarum a praedecessoribus pro-  
 latum flocci faciendum esse, utpote nimis exaggeratum atque  
 a veritate alienum.

Tandem suam thesim firmare satagunt Parochi ex eo quod fructus beneficiorum pendentes aut nondum exacti cedunt favore successoris vel Ecclesiae ceu asserit neotericus scriptor Rivarolo in suo opere *Il governo della Parrocchia*. Quinimo Iulius III in *Constit. Cum sicut nobis* (quam summam referam cum Barbosa) expresse statuit: « Fructus ubi non » spectant ad Cameram tamquam spolia, spectare ad Successores, etiam quod maturati fuerint tempore beneficiati, » dummodo realiter et cum effectu percepti non fuerint, et » aliis propriis bonis non incorporati, etiam quod per beneficiatos non steterit, quominus illos exegerint, imo etiamsi » pro eorum exactione omnem diligentiam iudicialiter agendo » adhibuerint ». Cuius dispositionis rationem assignat Card. De Luca *De beneficiis discurs. 82*. Concinit s. Rota in *Burgen. Canonizatus super fructibus 28 Iunii 1745 §. 4 coram Millin.*, quae ita refertur apud Ferraris *Verbo Fructus Eccles. n. 2 add.* « Si obierit Beneficiatus, fructus » nondum exacti de iure communi spectant ad successorem » in Beneficium, et quidem etiamsi cesserit dies eorum solutionis vivente adhuc Beneficiato ».

Perperam vero obiicitur ex adverso hanc doctrinam procedere tantum in Beneficiato defuncto idest naturaliter mortuo. Quandoquidem nulla convincitur diversitatis ratio in Beneficiato resignante, translato vel mortuo quoad titulum et administrationem prioris Beneficii, quia utrobique habetur pro mortuo. *Can. in aptibus §. Ecce in quibus 7 q. 1* ubi Glossa §. *Defuncto*. Io. Andreas in *Reg. Non est in mora n. 5 de Reg. Iur. in 6°*. Abbas in *cap. Nisi essent num. 11 de Praebendis*.

Quaquaversus igitur res inspiciatur, illud semper consequi videtur, controversam scilicet summam libellarum 18,000 hodiernis Parochis pro suarum Ecclesiarum bono adiudicandam esse.

EA QUAE ADDUCUNT PAROCHI PRAEDECESORES. Grave at vero contra praefatam conclusionem negotium facessere videntur ea quae parochorum praedecessores, sive in iure, sive

in facto animadvertunt. Ac praeprius haud immerito aiunt in propatulo esse apud DD. fructus omnes beneficiorum, praesertim animarum curam habentium, diutim esse dividendos inter priorem et posteriorem beneficii Rectorem. Audiatur sane prae ceteris Reiffenstuel (quamvis theoretice contrariam sententiam teneat) *in tit. de Renunciat. num 155.* « Utrum »  
 » fructus pendentes Beneficii pro rata temporis sint dividendi »  
 » inter resignantem et resignatarium? Affirmat indistin- »  
 » cte Covarruvias *lib. 1 Var. Resolut. cap. 15 n. 12* eumque »  
 » sequitur Nicol. Garcias *part. 2 de Beneficiis n. 69 et seq.* »  
 » citans plures alios. Flam. Parisius *lib. 1 de Resignat.* »  
 » *Benef. cap. 6 num. 79 et 80*, ac novissime Card. De Luca »  
 » *Discurs. 100 de Beneficiis n. 12 et 13* qui duo poste- »  
 » riores tamen solummodo hoc concedunt in Beneficiis Cu- »  
 » ratis, vel personalem residentiam requirentibus, non item »  
 » in Beneficiis simplicibus. Rationem dant: quia talis di- »  
 » visio fructuum pro rata temporis videtur ex naturali ae- »  
 » quitate deberi Clericis illis praesertim Curatis, propter »  
 » spirituale ministerium, quod exhibuerunt suis Ecclesiis in »  
 » earum regimine, animarum cura, et aliis officiis divinis, »  
 » *arg. c. Cum secundum, 16 de Praeben. iuncta L. Di-* »  
 » *ivortio ff. Solutio matrimonii*: ubi pariter facto divortio »  
 » fructus dotis, ob onera matrimonialia, pro rata temporis »  
 » dividuntur inter virum et uxorem. »

Hanc autem sententiam nedum aequitati consonam, sed in ss. Canonum dispositionibus fundamentum habere docet Clericatus *Tom. 1 Discord. Forens. disc. 87 num. 6* citans C. *Videntes 12 q. 1, Cap. Ex his ead. caus. 12. q. 1, Cap. ult. §. Porro de Off. Ordin. Extrav. suscepti regimini 2 de Elect. et Electi potest.* nec non Pellegrini *Consil. 85 Vol. 4, Barbato de divers. fruct. part. 2 cap. 8 num. 8* - ibi - « Fructus sunt pro rata temporis dividendi »  
 » inter haeredes beneficiati et successores; et hoc sive de »  
 » pendentibus fructibus agatur ac extantibus, sive etiam de »  
 » perceptis ad instar fructuum rei dotalis. » Mirum proinde

non est, si eam amplexa sit S. C. C. in *Signina Constitutionum Capitularium 24 Ianuarii 1824 §. Verum.*

Quae omnia eo vél magis in themate retinenda esse apparet, quia de fructibus civilibus agitur, et quidem etiam ante paroeciarum dimissionem maturatis. Pax enimvero est inter DD. adversae quoque sententiae quoad fructus pendentes, resignanti ultro pertinere fructus civiles ante resignationem maturatos, quamvis non perceptos. Idque adeo clarum necnon aequitati et iustitiae consonum videtur, ut demonstratione non egeat.

Quin Parochi excipere valeant tempus, quo eorum praecessores Vicarii ad nutum amovibiles fuerunt. Praetermisso enim, superius disputata aptari etiam beneficiariis lucrativam tantum causam habentibus, animadvertendum insuper est eisdem Vicariis curam animarum conceditam fuisse cum omnibus emolumentis et proventibus, non secus ac si ipsi fuissent veri titulares paroeciarum. Idque in arbitrio Episcopi erat ad tradita per Concil. *Trid. Sess. 24 cap. 18.* Quod quidem arbitrium in themate prudens et necessarium apprime patet, inspecta tenuitate Congruae parochialis, necnon quantitate expensarum pro necessariis ad curam animarum rite exercendam.

Quo posito, perperam obiicitur, arbitrium Episcopi excedere haud valere summam centum scutorum iuxta Constit. s. Pii V *Ad caequendum.* Quandoquidem praefatam Constit. nullimode aptari posse in casu liquet ex authentica declaratione Benedicti XIII Constit. *In suprema.* Praeterea animadvertunt ex-parochi controversam summam eis deberi etiam ut paullulum reficiantur de expensis, quas de proprio peculio in cura animarum exercenda sustinuerunt.

Demum ex-parochi reiicere satagunt ea quae ex adverso afferuntur sive quoad paroeciarum statum, sive quoad negligentiam vindicandi annum redditum 50 ducatorum. Siquidem animadvertunt quod si Ecclesiis parochialibus aliquid, praesertim ad cultum divinum necessarium, revera defuisset, id profecto adnotare haud omisisset Ordinarius, sive in vi-

sitatione dioecesis peragenda, sive in eiusdem dioecesis relatione mittenda. Quo vero ad vindicationem 50 ducatorum praedicti ex-parochi aiunt sese damnari non posse de negligentia in vindicandis iuribus Ecclesiae, quia ex adiunctis politicis tempus utile nondum venisse putarunt, ex advocati sententia, quem ad hoc delegerant.

Quibus hinc, inde adductis, propositum fuit enodandum sequens

### Dubium

*An, quibus et quomodo adiudicanda sit summa 18,000 libellarum in casu.*

RESOLUTIO. S. C. Congr. re perpensa, sub die 5 Maii 1883. censuit respondere:

*Deductis litis impensis, quod reliquum erit, erogandum esse favore paroeciarum in cultus causas, iudicio Episcopi determinandas (1).*

(1) Quidquid sit de opinionum, et consuetudinum diversitate quoad divisionem fructuum inter praeteritos et actuales beneficiorum rectores, EE. Patrum sapientia quaestionem prudenti consilio dirimit. Etenim a rege proventus annuales 50 scutatorum parochis assignati fuerunt, seu supplementum, erogandum in expensas divini cultus. Censtare videtur in facto, parum aut nihil impensum fuisse pro titulo hoc a Parochis, qui iura pa-

roeciarum neglexerunt, aut vindicare non valuerunt. Ita ut sacra suppellectili omnino careant Ecclesiae illae.

Hinc aequum et iustum fuit, et menti disponentis congruum, ut de iisdem proventibus disponderetur favore paroeciarum in cultus causas, determinandas Episcopi iudicio. Taliqne resolutione facilius hi proventus finem sortientur ad quem ab initio destinati fuerunt. Et cultus divini decus nunc pessumdatum, reficietur.



## VARMIIEN.

## FORMAE CONCURSUS

*Die 7 Aprilis 1883.*

Per Summaria precum.

COMPENDIUM FACTI. Neminem latet synodum Tridentinam ad bonos idoneosque pastores, qui verbo et exemplo populos pascere, singulis parocciis praeficiendos, formam concursus introduxisse *c. 18 Sess. 24 de Reform.* Atque adeo huic formae insistendum esse censuit, ut provisiones omnes seu institutiones in Ecclesiis parochialibus aliter factas subreptitias dixerit. Hanc formam, ut gliscentibus tunc temporis abusibus prospiceret Clemens XI, per litteras eius iussu editas a S. Congregatione Concilii certam determinatamque reddidit. Clementis XI mentem confirmavit, imo clarius explicavit et nova quaedam adiecit Benedictus XIV in sua Constitutione « *Cum illud* » 1742.

Benedictinam Constitutionem cum non undequaque observatam in sua dioecesi videret Philippus Episcopus Varmiensis, adivit Summum Pontificem Leonem XIII per supplicem libellum in quo habet: « In Constitutione Benedicti XIV inter alia praescribitur, ut publico evulgetur edicto notitia concursus congruo et ab Episcopo praefinito tempore celebrandi. Cum autem in hac Dioecesi concursus generalis quoad scientiam semel in anno habeatur, ordinatio illa Benedictina vel nunquam vel rarissime tantum observata, sed cautum solummodo est edicto Praedecessoris mei die 29 Martii 1865 dato, ut si parochia liberae collationis episcopalis vel iuris patronatus Capituli Cathedralis vacaret, spatium trium hebdomadum a die vacationis parochiae computandarum concederetur, intra quod cuilibet sacerdoti liceret parochiam vacantem ambire. Quae praxis ideo sufficere visa

est, quia haec Dioecesis non valde ampla est, et notitia factae alicuius vacationis tum per ephemerides, tum aliis modis facile ad universum clerum pervenit. Eadem constitutione Benedictina sancitur, ut responsa ad quaestiones latine, sermo autem eâ linguâ qua ad populum haberi solet, scribatur. Quum autem in hac regione lectiones disciplinarum theologiarum habeantur in lingua vulgari, ideo factum est ut scriptiunculae examinandorum lingua vulgari fiant, excepta una disciplina theologica, in qua quaestionibus propositis latine respondetur. Hic modus etiam in aliis Germaniae Dioecesibus observatur, eiusdemque abrogatio difficultatibus obnoxia videtur. »

### **Disceptatio Synoptica.**

PRAXIS SERVANDA VIDETUR. Nam edictum publicum, de quo sermo habetur in decreto Tridentino, et in constitutione Benedicti XIV non afficit substantiam concursus, et arbitrio Episcopi vel synodi provincialis relictum est illud proponere vel non. Praeterea res apparet ex simplici inspectione verborum Concilii, et pluries decisa est a S. C. C. referente Garcia (De Benef. part. 9. num. 38) « Quod vero ad pro-  
 » positionem edicti publici attinet, censuit s. Congregatio  
 » hoc totum positum esse arbitrio ipsius Episcopi, nisi pro-  
 » vincialis synodus aliquid circa hoc praecise statuerit - atque  
 » alias - propositionem edictorum publicorum relictam esse  
 » arbitrio Episcopi vel synodi provincialis. » Concilium Tridentinum in eum finem vult affigi edictum, ut in omnium notitiam indictio concursus perveniat, quatenus plures examini se sistentes, possint capaciores Ecclesiis parochialibus praefici. In Dioecesi vero Varmiensi, ceu in pluribus aliis Germaniae, examinis legi obtemperatur per concursus anuales: hinc nulla edicti publici necessitas. Quod necessarium videtur est, ut omnes certi fiant de Ecclesia vacante, ut si velint possint eam ambire. Hoc autem per ephemerides, pluraque alia media assequi posse nullum dubium est, prae-

sertim si Dioecesis, ut in casu, ampla non sit, ut tempus statutum pro postulatione paróeciae vacantis sit non unius diei, sed trium hebdomadarum.

Nec improbandus est usus linguae vulgaris in responsione ad quaestiones Examinatorum. Quamvis enim praeceptum sit a Benedicto XIV, ut omnes responsiones, excepta coniunctura, linguâ latinâ scribantur, non tam grave praeceptum putandum est, ut non possimus contra ipsum legitimae consuetudini introductae indulgeri, praesertim si universalis sit in aliqua regione, et pluribus eiusdem abrogatio foret obnoxia difficultatibus. Quod innuitur quoque implicite saltem ab ipsis Trid. PP. qui in fine eiusdem c. 18 potestatem faciunt Synodo provinciali, si qua in supradictis circa examinationis formam addenda, remittendave esse censuerit, providere.

PRAXIS IMPROBANDA VIDETUR. Ex altera autem parte plura obstant quominus toleretur praxis dioecesis Varmiensis. Edicti enim propositio necessaria est 1. quia omnes, qui volunt parochiam vacantem ambire debent certiores fieri de ipsius Ecclesiae vacatione medio canonico et certo. Media vero adhibita a Curia Varmiensi nec canonica sunt, ut patet, nec certa; per ephemerides enim multa incerta ac falsa evulgari exploratum est; 2. quia dato etiam quod legi examinis obtemperetur per concursus annuales, isti solam respiciunt doctrinam. Concilium autem Trid. vult ut non solum circa doctrinam sed et circa ceteras qualitates ac dotes, ad regendam parochialem Ecclesiam necessarias, examen instituat. Hinc ex hoc saltem respectu edictum evulgandum est.

Damnandus praeterea videtur usus linguae vulgaris in responsis ad quaestiones, nam conveniens imo necessarium est, ut qui praeficiuntur alicui Ecclesiae linguam, quae propria Ecclesiae est, calleant. Nec valet consuetudo, nam haec, utpote quae ex dictis ministros idoneos paroeciis praefici patiatur, minime est toleranda.

Hiscè perpensis quaesitum fuit quid esset de Oratoris precibus iudicandum.

RESOLUTIO. Sacra C. Cong. re perpensa, sub die 7 Aprilis 1883 respondit:

*Nihil obstare, et ad mentem: mens est ut Episcopus curet usum latinae linguae in scientiis praesertim theologicis tradendis, quantum fieri possit, promoveri.*

EX QUIBUS COLLIGES.

I. Quamvis S. C. Congregatio Innocentius XI et Benedictus XIV regulas oportunas constituerint, quibus Tridentina forma concursus executioni uniformiter mandaretur, et quamplurima vitarentur incommoda; tamen non omnes hae regulae formam induunt substantialem, ex quorum neglectu nullum haberi debeat examen seu concursus.

II. Ex decreto ipso Tridentini *Sess. 24 cap. 18 de ref.* edictum concursus pendere a prudenti iudicio Episcoporum colligitur, nam ibi dictum est: « *Et si Episcopo aut Synodo provinciali, pro regionis more videbitur magis expedire, per edictum etiam publicum vocentur qui volent examinari.* »

III. Adversus regulas pro uniformitate methodi in peragendis concursibus adsignatas, invalescere potest consuetudo, quae irrationabilis dici nequeat; quoniam regulae praedictae haud praescriptae omnes fuerunt cum clausula irritanti, si secus factum fuerit.

IV. Consuetudinem in themate tum quoad edictum publicum, tum quoad linguam latinam, haud respuendam esse, rescripsit S. C. C. tum quia grave praeceptum non offendit, tum quia eiusdem abrogatio gravibus obnoxia esset difficultatibus. (1)

(1) Recole quidquid per nos relatum, et animadversum fuit in quaestionibus Vol. XI pag 117, et 125 relatis; et Vol. XIII, 119 Appendix III.

## GAUDISIEN.

## APPROBATIONIS CONVENTIONIS

*Die 5 Maii 1883.*

*Per summaria precum*

COMPENDIUM FACTI. Canonicus Matthaeus Hyzler possidet beneficium iurispatronatus laicalis, sub titulo s. Michaelis Coemeterii s. Augustini in dioecesi Gaudisiensi fundatum. Huius Beneficii aliqua praedia rustica ab immemorabili deperdita Franciscus Xaverius Sarè, nec labori, nec impensis parcens, adiuvante etiam Curia Gaudisiensi, invenit penes aliquos iniustos detentores. Quod cum praestitisset, ut rei opportunas informationes et documenta ad rem facientia beneficii rectori exhiberet, remunerationis causa summam haud exiguam petiit. Verum cum ex una parte hanc summam praestare haud valeret canonicus Hyzler, ex altera vero nollet, prouti sui muneris putabat, beneficium privare novis hisce redditibus, conventionem sequentis tenoris cum praedicto Francisco Xaverio Sarè inivit. Canonicus Hyzler spondet nuncium mittere in perpetuum tertiae parti ex redditibus fundorum vindicandorum. Ex qua vi pecuniae, a se suisque successoribus praestandae duae efformarentur pensiones ecclesiasticae; quarum prima tribueretur Carmelo Sarè, filio Francisci Xaverii, fruenda donec ageret in vivis, aut vestes ecclesiasticas indueret, et postea cederet Episcopo ut libere conferri posset in perpetuum; altera vero statim esset liberae collationis Episcopi. Idque sufficeret pro compensatione nonnullarum expensarum et laborum quos tulit Franciscus Xaverius in reperiendis et vindicandis bonis beneficii apud iniustos detentores.

Alias expensas, pro Beneplacito Apostolico impetrandi, ferrent duo pensionati. Ex expensis cunctis ferendis pro bo-

norum amissorum vindicatione duas tertias partes sibi assumeret Canonicus beneficiatus, aliam tertiam partem sustinerent hi duo qui pensionem consequerentur. Preces, quae pro huius conventionis approbatione SSmo Patri porrexerunt praefati contrahentes, commendavit Episcopus qui ait ex eadem conventionem magnum afferri causae piae bonum. Neminem adesse ait habentem interesse, nisi Canonicum, qui libenter proprium dedit consensum.

### Disceptatio Synoptica.

CONVENTIO IMPROBANDA VIDETUR. Beneplacito Apostolico minime donanda videtur proposita conventio, utpote quae a iure omnino dissona est, gravibusque causis ad approbationem indulgentiam requisitis destituatur. Neminem profecto latent disertissima iuris principia, quibus cautum est ut Beneficia sine diminutione conferantur, utque iam collata novis censibus vel pensionibus praesertim perpetuis minime graventur. Et licet Summus Pontifex, suprema qua fruitur potestate de beneficiis et de quovis alio iure ecclesiastico disponendi *cap. Licet 2. praebend. in 6.* et *Clement. 1 de praebend. et dignit.*, quascumque pensiones imponere valeat, nihilominus ipse tanquam dispensator fidelis eas imponere minime assolet, nisi gravibus de causis, quae in themate exulare videntur.

Sane causas allegatas, necessitatem videlicet et utilitatem beneficii, facile evanescere quisque videt, si aliqua pecuniae summa Xaverio solvatur pro exantlatis laboribus. In hoc enim casu beneficium et bona deperdita recuperaret et oneri perpetuo solvendi binas annuas pensiones haud subiaceret.

Neque aliquid relevat beneficiarium nunc minime valere hanc summam solvere; siquidem stipulari posset ut solutio fieret vel pluribus vicibus vel post bonorum vindicationem. Cui stipulationi Xaverium facile assentiri ex eo delucitur, quod ipse conventioni adhaesit, ut morem gereret

Canonico Hylker, qui se imparem petitae summæ solvendæ exhibebat.

Quod si Xaverius hanc novam conventionem inire nollet, alia media excogitari deberent ad rem componendam; numquam vero ad propositae conventionis approbationem deveniendum esse plura suadent. Praeprimis enim ambigi haud posse videtur conventionem, de qua in themate, simoniam sapere. Siquidem loco temporalis emolumenti stipulantur duae pensiones ecclesiasticae, quarum una cedere debet favore filii Xaverii. Idque fraudem insuper redolere apparet argumento *cap. Extirpandae 30 §. fin. de Praebendis* - ibi - « Illud penitus interdicimus, ne quis in fraudem de » proventibus Ecclesiae, quae curam habere debet proprii » Sacerdotis, pensionem alicui quasi pro Beneficio conferre » praesumat ».

Accedit quod nihil de patroni consensu in themate perhibetur, qui tamen ex doctrina Lotterii apud Leuren. *Forum benef. Part. 3. quaest. 464. n. 3.* foret necessarius, ne videlicet adveniente casu, quo patronus recipere debeat alimenta, pensiones revocentur. Pensiones praeterea constitui deberent in certa quantitate, puta centum aut quinquaginta scutorum, non autem in tertia vel quarta parte reddituum, prouti docet Garcias *De Benef. Eccles. Part 1. cap. 5. num. 362 et seq.* qui addit ita etiam observare Pontificem et habere stylum curiae. Constitutio demum praedictarum pensionum neque fini, cui destinantur, neque causae, propter quam constituuntur, respondere videtur. Nedum enim pensiones impares esse ad constituendum titulum sacrae ordinationis apparet, cum unaquaeque earum vix aequet summam libellarum 135, verum etiam causam remunerationis excedere, cum proportio deficiat inter onus temporaneum solvendi aliquam summam et onus perpetuum duarum pensionum. Iamvero *pensio debet causae commensurari et respondere ut non excedat* Garcias *de Benef. Eccles. Part. 1. cap. 5. numer. 328.*

Cum igitur ex una parte causae deficient, ex altera vero plura verificentur incommoda, concludi posse haud immerito videtur, expetitam conventionis approbationem minime indulgendam esse.

CONVENTIO APPROBANDA VIDETUR. Contra perpendendum occurrit, Xaverium Sarè nedum labori, sed et impensis minime pepercisse, ut bona deperdita Beneficii s. Michaelis reperiret. Aequum proinde et iustum est, prouti ipsa naturalis iustitia dictat, aliquo praemio eidem rependere. Porro cum proposita conventio huc praecise tendat, approbatione donanda videtur. Sacri enim Canones gratitudine haud exigua prosequuntur Ecclesiarum benefactores, ceu aliunde liquet ex integro titulo de iurepatronatus.

Quin de simonia insimulari valeat praedicta conventio, cum minime expostuletur aliquod temporale pro spirituali vel viceversa, sed temporale pro temporali. Revera in casu redditus Beneficii iam collati augere procuratur, ideoque aliqua utilitas percipi desideratur. Lucrum hinc consequitur Beneficium simul ac vincans causam lucri.

Verum etiamsi ageretur de re spirituali, conditio ad causas pias, quae in conventionem appositae est, detrahendi videlicet tertiam partem fructuum recuperandorum non favore Xaverii, sed ad constituendas duas pensiones perpetuas pro duobus Clericis, omnem simoniae speciem excluderet. Devoluta enim temporali utilitate favore causae piae, finis pravus, animus scilicet lucrandi, quem Ecclesia in simonia abhorret, penitus evanescit.

Neque in maiori pretio habenda est alia difficultas, quod nempe in themate nihil dicatur de patroni consensu, qui ad pensiones imponendas requireretur. Praetermisso enim supremam potestatem Rom. Pontificis imponendi quascumque pensiones extendi etiam ad beneficia, quae iuripatronatus tam activo quam passivo subsunt, ceu docent *Paris de resignat. lib. 2. quaest. 4. num. 14*, Tondunt. *de pension. cap. 25 num. 1*, et S. Rota in *Perusina Pensionis 11 Ma-*



*ii 1716 coram Herrera*, animadvertendum insuper quod opus non est, ut patroni consensus intercedat, aut ulla iniiciatur patronatus derogatio. *Garcias de benefc. p. 1. c. 5. num. 361*, et *Piton. de contro. patr. all. 56. num. 1, et seq.* - ibi - « *Communis regula est quod pensio sustineatur, absque consensu patroni.* » Quod maximi faciendum in casu cum nulla ex parte patroni difficultas promoveatur. Ceterum Episcopus refert: neminem interesse habentem adesse.

Hisce omnibus haud levis ponderis rationes accedunt, quae magis atque magis conventionis approbationem suadent. Siquidem adest necessitas ex parte Beneficii, cum alia non suppetant media ad fundos amissos vindicandos. Adest evidens Beneficii utilitas, cum eius redditus, Episcopo teste, non leviter augeantur: ex quibus detrahitur tertia tantum pars. Adest utilitas insuper Dioecesis Gaudisiensis: nam Episcopus poterit in futurum constituere has duas pensiones in patrimonium sacrum pro duobus iuvenibus, qui ad sacros ordines promoveri mereantur. Adest tandem favorable Ordinarii votum, quod a S. C. C. magno in pretio iugiter haberi solet. Quae cum ita se habeant, expetitum Beneplacitum haud denegandum videtur.

Hisce praenotatis, quaesitum fuit quomodo dictae preces essent dimittendae:

RESOLUTIO. Sacra C. C. re discussa, sub die 5 Maii 1883, respondit: *Pro gratia, facto verbo cum SSmo.*

#### EX QUIBUS COLLIGES.

I. Ex principiis iuris disertissimis certum est beneficia ecclesiastica conferenda esse absque ulla diminutione, et iam collatis nullimode imponi posse, neque census neque pensiones, praecipue perpetuas.

II. Attamen si id expostulare videatur tum causae piae utilitas, tum rei necessitas, suprema auctoritate Summi Pontificis fieri potest, etiam in beneficiis iurispatronatus tum activi, tum passivi, et absque patroni consensu.

III. In themate adesse rei necessitatem eruitur ex hoc quod alio modo vindicari nequeunt fundi ab alio detenti; adesse piaae causae utilitatem patet quia redditus beneficii valde augentur.

---

## MONTIS FALISCI

### REDUCTIONIS LEGATI

*Die 5 Maii 1883.*

Per summaria precum.

COMPENDIUM FACTI. Ioseph Bacchi cum nil ex pauperimo patre fuisset consequutus et absque descendentibus obiisset die 13 Decembris 1882, supremis tabulis confectis, disposuit, ut bonis stabilibus divenditis, nominibus, si adessent, exactis, detractisque expensis tam pro funere quam pro successione, ab executore testamentario assignarentur libellae ducentae novem nepotibus pauperibus, haeredibus institutis, et reliqua summa impenderetur in tot missarum celebrationem iuxta suam intentionem. Modo vero praefati haeredes inscripti sacratissimum adiverunt Principem, propriisque enarratis languoribus, et extremis egestatibus, petierunt, ut missarum legatum, ceu exorbitans, reduceretur, et quod reliquum esset inter eosdem diriberetur.

Ordinarius Faliscodunen. requisitus, audito executore testamentario, haec habuit: executor retulit, vera in genere fuisse enarrata, si excipiatur indiligentia circa valorem rerum haereditariarum, qui valor assurgere poterit ad libellas circiter 3000, non vero ad 5000, uti blaterant oratores. Qui quanvis satis superque contenti esse debuissent hac indebita et ino copiosa avi liberalitate, tamen ob malum nonnullorum animum, et ob summam aliorum egestatem aliquid

aliud obtinere possent. Et ipse executor proponeret, ut summa libellarum 200 elevaretur pro unoquoque legatario vel haerede ad libellas 250, reliqua summa insumpta in celebratione Missarum, iuxta mentem Testatoris. Suam deinde sententiam hisce verbis aperuit: « Cum propter temporum, et personarum adiuncta votum executoris testamentarii videatur mihi sagax et prudens, eidem libentissime subscribo, et adhaereo ».

### Disceptatio Synoptica.

GRATIA INDULGENDA VIDETUR. Piorum fundatorum voluntatem ex iuxta ac rationabili causa commutari, et onera reduci non ambigitur ut patet ex *Conc. Trid. Sess. 22 cap. 6; Sess. 25 cap. 4 de Reform.* praesertim vero ad sublevandam consanguineorum fundatoris inopiam; et eo facilius si iam Testator eos praedilexerit instituendo haeredes: S. C. C. in *Mutinen. Reductionis Missarum 14 Februarii 1821*, in *Ferrarien. 26 Iunii 1824*, et in *Forolivien. 31 Ianuarii 1824*.

Non videtur ergo gratia oratoribus pauperrimis deneganda, eoquod promittant suffragiis sublevare avi animam per vim pecuniae quae constitueretur a suprema auctoritate Apostolica super axe haereditario, post reductionem legati missarum quam petierunt. Accedit Ordinarium et executores alienos non esse ab aliquali reductione facienda.

GRATIA DENEGANDA VIDETUR. Ex altera vero parte exploratum est pro lege habendam esse voluntatem Testatorum *l. Verbis 120 ff. de verb. signif., et Novell. 22 Cap. 2 ibid.* praesertim si divinum cultum respiciat, *Can. Ultima voluntas, Caus. 13 q. 2; Cap. Quia Monasteria De Relig. domib. et Conc. Trid. Sess. 21 cap. 8 de Reform.* Cum igitur in themate sermo sit de Legato Missarum, et Legata huiusmodi divinum cultum respiciant, omni cura eiusdem conservationi consulendum est, uti respondit S. C. C. in *Nullius Montis Virginis, reductionis servitii Clori et*

*Missarum 14 Iunii 1823; in Ravennaten. reductionis Missarum 29 Maii 1824.*

Verum equidem est quod benigna mater Ecclesia aliquando solet concedere reductiones pii Legati, inspecta praesertim consanguineorum Fundatorum inopia: attamen hoc semper facit ex praesumpta voluntate ipsorum Testatorum; videlicet « *in casu, quo causa aliqua vel de novo incidat, vel Testatorem latuit, quam si scivisset, et praevidisset aliter disposuisset, ut nunc quoque si viveret contentus foret* » uti edisserit Reiffenstuel *lib. III tit. 26 §. 23. num. 805 de Testament.*, et pluries declaravit S. C. C. praesertim in *Sutrina Translationis 10 Septembris 1800; in Civitate Castellana unionis Capellaniae 2 Maii 1818 §. Sed e contra; in Imolen. 25 Augusti 1820 §. Agitur.*

At in themate non agitur de causa, quae pio Fundatori, tempore conditi testamenti ignota fuerit, vel de egestate superveniente, ex quo dici possit quod si Testator eam praevidisset aliter disposuisset. Sermo hic est de egestate, quam Testator probe noverat, quamque sicuti cum adhuc inter vivos debebat nunquam destitit sublevare, ita et post mortem eidem remedium aliquod paravit per summam 200 libellarum singulis nepotibus relictam. Imo quoniam Testator voluit ut eius voluntas firma remaneret, nec, quocumque praetextu, ulterius commutaretur, ad hoc praecise dedit extraneum executorem testamentarium « *ut (teste Ordinario) ne ob* » nepotum et pronepotum immoderationem et petulantiam » voluntas eius cessisset in irritum ». Ex quo recte arguitur, Testatorem voluisse, ut haeredes contenti esse deberent summam sibi relictam. Praesumptio igitur, quae iuxta praxim S. C. C. constituit iustam causam commutationis voluntatis, exulare omnino videtur in casu: ideoque cum nulla alia supersit ratio, ob quam oratoribus sit indulgendum, pronum est concludere eorum preces reiiciendas omnino esse.

Quin opponi possit Legatum Missarum excedere summam haereditatis relictae, proindeque Testatorem leges naturalis

aequitatis violasse. Quandoquidem observandum imprimis est, rerum haereditariarum valorem, teste executore testamentario, attingere solum summam 3000, non vero 5000 libellarum. Ceterum Testator nulla ratione tenebatur maiorem summam nepotibus relinquere, sed satis superque satisfacit principio illo pietatis, singulis relinquens 200 libellas, praesertim cum eorum necessitatibus iam occurrisset dum adhuc inter vivos ageret.

Hisce praeiactis, quaesitum fuit quomodo preces egenorum consanguineorum essent dimittendae.

RESOLUTIO. Sacra Congr. Concilii, re discussa, sub die 5 Maii 1883, censuit respondere:

*Negative.*

EX QUIBUS COLLIGES:

I. Quamquam pro lege testatorum voluntas haberi debeat, tamen suprema R. Pontificis auctoritas, aliquando, ex benignitate, concedit legatorum reductionem, inspecta praecipue consanguineorum inopiâ: non derogando, sed quasi testatorum voluntatem interpretando, ob nova adiuncta, testatoribus ignota.

II. In themate nil novi accidit quod Testatorem lateret; quodque occasionem praeberet pro eiusdem praesumptiva voluntate; novit enim consanguineorum incommoda, eorumdemque inopiam; quibus dum viveret et moriendo medelam attulit eam, quam pietas in parentes eidem suggessit; aliud noluit, firmaque eius voluntas sit oportet.

## PAPIEN.

## IRREGULARITATIS

*Die 2 Iunii 1883.*

COMPENDIUM FACTI. Papiensis Episcopus per supplicem libellum diei 28 Aprilis 1883 S. C. Congregationi exposuit, Clericum Ambrosium in 23 anno aetatis suae constitutum, pluribus abhinc annis quodam morbo laborare, et pluries, praeter expectationem, licet longis intermissis temporis intervallis, in deliquium incidere, et uno temporis puncto usum sensuum amittere; atque hoc praesertim post insomnes ductas noctes, malasque factas digestiones et cum summo mane e lecto surgere eidem contingat.

Clericus huic morbo characterem comitialis denegare contendit, sed Medicus apposite interrogatus circa eiusdem naturam, haec retulit: etsi negari nequeat, Ambrosium affici morbo epileptico, tamen singularis in eodem verificatur casus, quod convulsiones epilepticae eundem aggrediantur, per longa temporis intervalla, etiam unius anni, et quod haud raro, loco accessus epileptici, afficiatur quadam momentaneâ stupiditate quam saepe nemo ex praesentibus advertit, et aliquando, forsitan, neque ipse patiens. Qua de re concludebat Medicus: longa temporis intervalla, quibus solet patiens morbo vexari, quamquam remediis non utatur, plenumque mentalium facultatum exercitium quo gaudet post morbi accessus, argumentum suppeditant fore ut sanari queat clericus, si regulari curae sese subiiciat.

Clericus, ait Episcopus, iam in minoribus ordinibus constitutus, bonis praeditus moribus, sacrarum disciplinarum studio enixe incumbens, cupit ad maiores ordines promoveri. Quaero a S. C. C. an huius vota obsecundans, ad maiores ordines promoveri eum possim, anno proximo, quum studia impleverit theologica; vel differre expediat, donec praestantior atque firmior eius valetudinis conditio facta fuerit.

### Disceptatio Synoptica.

GRATIA DENEGANDA VIDETUR. Praeprimis ex officio animadversum fuit dubitari amplius non posse, epileptico morbo laborantes ab ordinum exercitio, et eo fortius ab eorumdem ascensu arceri post dispositionem textus in *Cap. In tuis 7 q. 1, Cap. Communiter 3 distinct. 33 et Glossa ibi*. Ad rem praestat inter alios DD. audire Gonzalez *Com. in Cap. 21 de elect. et elect. potest n. 18* - « *Tam graviore quam mitiore (epilepsia) laborans, non valet ad sacros ordines ascendere* »; cui chorum agunt Ferraris *in Bibl. Can. v. irregularitas n. 12*; Reiffenst. *lib. 1 Decr. tit. 20 n. 19*. Idque optime constitutum videtur cum indecens et periculosum sit, ut Sacerdos in consecratione ss. Eucharistiae, morbo comitiali victus cadat, uti animadvertit Alexander II *in cap. 1 q. 2*.

Quapropter S. C. C. semper epilepsiâ correptos, tanquam irregulares habuit, nisi per plures annos signa dicti morbi non dederint; uti videre est in *Tudertina 19 Iulii 1704 apud Monacell. tom. 2 tit. 13 formul. 3 n. 36*, et cum aliis tradit Ferraris *in oper. cit. v. Irregularitas art. 1 n. 34*; vel quamdiu ex Medicorum iudicio ad Altare tuto possint admitti, Schmalzgrueb. *in Ius Can. tom. 1 part. 3 tit. 20 n. 11*; vel demum, si agatur de iam promotis, usque dum unius anni spatio per Episcoporum discretionem a morbo suo liberati inveniantur, Engel. *lib. 1 tit. 20 de corp. vitiat. ordin. vel non n. 16*. Porro in themate de promovendo agitur, quo in casu difficiliter S. C. C. dispensationem concedere solet, uti eruitur ex dispositis in *Comen. 5 Maii 1775, 11 Iulii 1776; in Firmana 25 Maii 1723*, et nonnisi ex necessitate vel utilitate Ecclesiae, ceu docuit S. C. C. in *Cambracen. irregularitatis 20 Ianuarii 1821*.

Accedit ex relata medici attestatione asserti, eundem ab anno 1868 dicto morbo afflicti, unde epilepsia in themate ratione antiquitatis gravior diiudicanda videretur, sub-

indeque maxime ss. Canonum rigori adhaerendum, eo vel magis quod non nocturno sed matutino tempore hoc morbo ille deprehendatur. Deneganda igitur videtur dispensatio usque ad tempus quo, ex Medicorum attestatione, tuto Clericus ad Altare accedere valeat.

GRATIA LARGIENDA VIDETUR. Ex altera vero parte comperitum est apud DD. vitium sive defectum corporis, qui sine culpa patientis accidit, non inducere irregularitatem quoad Ordines suscipiendos, nisi talis fuerit defectus, ut vel simpliciter impediatur executionem Ordinis, aut eam corporis deformitatem annexam habeat, ut functiones Ordinis secure et sine periculo, aut offensione populi peragere non sineret, *Vin-Espen ius. Eccl. Univ. part. 2 tit. 10 de Irregul. eiusq. specieb. cap. 5 n. 11.*

Praeterea ut quis irregularis habeatur, morbus requiritur, qui incurabilis censeatur; nam infirmitas, quae curari potest, non vocatur in Iure corporis vitium simpliciter *L. Inter ff. De verb. signif.*, nec propter aegritudinem absolute incurritur irregularitas, sed propter impedimentum perpetuum, *Suarez De censuris disp. 51 sect. 2 n. 17.* Iamvero nihil horum verificatur in themate; sed de simplici et curabili morbo agitur, cuius natura non adhuc bene perspecta manet, et qui non nisi admodum raro, atque interdum absque ulla adstantium et patientis ipsius offensione, manifestatur, quique praeveniri facile potest cum in determinatis praesertim circumstantiis; teste Episcopo, locum habeat.

Nihil proinde obstare videtur quominus Clericus Ambrosius statim ordinari valeat, attento praesertim praeclaro Episcopi testimonio de eiusdem vita, moribus, scientia et ad statum ecclesiasticum vocatione, quae omnia maxime in similibus casibus S. C. C. constanter docuit et praecipue in *Asculana 20 Februarii 1708, in Cameracen. Irregularitatis 20 Ianuarii 1821, in Camerinen. 17 Februarii 1821.*



Quibus praemissis, quesitum fuit ab Eñis Patribus, quomodo preces Episcopi essent dimittendae.

RESOLUTIO. Sacra Cong. Concilii, re cognita, sub die 2 Iunii 1883, censuit respondere:

*Dilata ad annum; et post annum clericus recurrat commendatus ab Episcopo, et cum testimonio medici curantis.*

---

## INDULTI

*Die 2 Iunii 1883.*

COMPENDIUM FACTI. Sacerdos Aloysius Cathedralis Ecclesiae N. canonicus, acri ac diuturno aurium morbo laborans, saepe a sua residentia abfuit, et longas in urbe moras traxit ut heic curaretur. Non semel autem, sub infirmitatis praetextu, ultra tempus, sibi superioris consensu largitum, absentiae indulsisse videtur. Ita quum die 11 februarii elapsi anni 1882 a S. C. C. mensis indultum obtinuisset, absentiam intra tempus sibi concessum non coarctavit, sed usque in praesens protraxit, quin facultatem prorogari curaret. Ideoque Episcopus eum de residentiae lege monuit, et ad redeundum compulit.

Tum vero Abbas s. Pauli sese interposuit, Episcopo favore sacerdotis Aloysii scribens, et S. C. Congregationi supplicem libellum die 7 Aprilis volventis anni offerens, in quo aiebat: « Preces ardentissimas porrigo ut mihi fas sit praedictum canonicum apud me *per biennium* retinere, quin ipse censuris compellatur ad residentiam ». Cui petitioni causam dederat non tam praefati canonici infirmitas (de qua tamen exhibebatur iurata medici fides), quam opus favore Basilicae s. Pauli ab eo susceptum. Conquisitus enim ab Abbate, quasdam inierat tractationes, ut bona Basilicae Ostiensis, quae tamquam religiosae familiae Cassinensis propria, iam pridem a gubernio fuerant confiscata, vindicaret. Et iam,

ait Abbas, aliquid eius operâ vindicatum est: et spes non modica affulget quod inceptum perfici possit; talis est Canonici dexteritas et ingenii acumen.

Capitulum et Episcopus rogati fuerunt super hac re: quorum primum dolens quod Canonicus iugiter absit a choro, ait: longam illius absentiam nimis obesse sacrarum functionum decori, dum pondus divini officii integrum maneat ceteris capitularibus. Qui ut notum est ad duodecim redacti, non omnes choro adsunt: nam alius aetate, alius adversâ valetudine, alius tandem distentus officiis proprii ministerii, chorum non petit. Verumtamen, attentis negotiis a Canonico susceptis, Capitulares, quodlibet parati sunt excipere Apostolicae Sedis iudicium, exorantes ut indultum ita donetur, si donandum est, ut laevius afferat damnum choralis servitio. Episcopus autem veras esse ait Ecclesiae illius conditiones, a Capitulo relatas; proposuitque ut indultum pro uno anno concederetur; ea tamen lege ut Canonicus provideat pro supplementia Missis et functionibus canonicalibus, quae ad ipsum spectant, omissa insuper, attentata tenuitate suae praebendae, tertia distributionum quotidianarum parte, quae inservientibus accrescat. Provideat autem conscientiae suae pro tempore quo illegitime abfuit.

### Disceptatio Synoptica

EX QUAE PETITIONI ADVERSANTUR. Receptum quidem est in iure quod gravis infirmitas, aut evidens Ecclesiae utilitas a lege residentiae excuset: verumtamen in casu neutram probari. Siquidem infirmitas, quamvis medici attestazione roborata ac iurata, tamen adeo gravis esse non videtur, quae a chori servitio, aut residentia excuset. Etenim eâdem Aloysius impeditus non fuit, quominus complura ac longa itinera susciperet, hoc testante Capitulo, Episcopo atque ipso s. Pauli Abbate. Sicut eâdem infirmitate prohibitus non fuit labores non modicos ac studia pro causa Abbatis s. Pauli aggredi, ac vitam agere omnino contrariam quieti ac tran-

quillitati, gravi infirmo prorsus necessariae. Ideoque merito cum Episcopo concludendum videtur, infirmitatem « vel nullam esse vel adeo levem ut implementum canonicalium obligationum non impediat ».

Pariter exulat evidens ecclesiae utilitas. Haec enim intervenire intelligitur si quis abest ad defendendum iura Ecclesiae suae *arg. c. Ex parte tua 13, tit. De Clericis non resident., De Angelis Praelect. iur. canon. in tit. IV lib. III. Decret. num. 5.* Idem fit, si abest in utilitatem Ecclesiae universalis, ut cum Concilium generale aut provinciale celebratur, Barbosa *part. 3 de Offic. et Potest. Episc., allegat. 53 num. 14:* vel quando quis fungitur legatione in utilitatem ipsius Ecclesiae, Toletus *lib. 5 cap. 4 num. 3 §. Quarta,* et apud Reiffenst. *tit. De Cleric. non resid. §. II.* Et quamvis haec dicta proprie sint de Episcopis, tamen ex analogia aliis quoque Clericis praebendatis applicantur, ut dd. tradunt.

Iamvero in themate ex absentia Canonici Aloysii damnum non modicum eius Ecclesia persentit, ut uno ore Capitulares ac Episcopus testati sunt; laeditur insuper lex gravissima a Conc. Trid. *Sess. XXIV Cap. 12 de Ref.* inculcata: et quamvis bonum aliquod exinde Ostiensi Basilicae proveniat, tamen hoc in Ecclesiae universalis utilitatem vergere non intelligitur, sed in illius tantum Basilicae aut potius religiosae familiae commodum. Porro iustitiae consentaneum non est, ut quis, cum damno suae Ecclesiae, alterius utilitati consulat. Et hoc eo vel magis quod et absque huius canonici opera idem obtineri aut prosequi posse videtur: non desunt enim in Urbe integri ac sapientes viri, qui pro Abbate s. Pauli patroni munere fungi optime valeant. Demum consideratione dignum videtur an sacerdotem deceat saeculares curias passim adire, magistratibus iniquarum legum executoribus frequentem esse, atque, ut in talibus necesse fit, blandiri.

Hisce omnibus concludendum videretur, absentiam praefati sacerdotis non solum evidenter utilem non esse, sed imo

ecclesiasticae dignitati parum conformem. Ideoque petita abessendi licentia, tamquam iusto motivo carens, deneganda prorsus videtur.

Quoad praeteritum vero recolendum est, ut canonici absentes fructus et quotidianas distributiones lucrentur, duo generatim requiri, iustam nimirum absentiae causam et legitimi superioris licentiam; *Garc. part. 3 de benefic. c. 2 num. 99* - Imo iuxta *Conc. Trid. et ut docet S. C. C. in Verulana rest. et privat. fruct. 8 Ian. 1865* canonici qui ultra tres menses absque legitima causa absunt, dimidia fructuum parte, praeter distributiones quotidianas, primo anno multari, secundo anno, si eâdem usi fuerint negligentia omnibus fructibus quos eo anno lucrati sunt destitui; et crescente contumacia post expletum triennium praevisis monitionibus ac citationibus titulo quoque privari posse. Cum igitur absque legitima causa, et superioris licentia canonicus Aloysius ferme ultra tres menses absens a sua ecclesia fuerit, iam poenis a iure statutis subiiciendus videtur.

EA QUAE PETITIONI FAVENT. Contra vero recolere iuvat, quod ex S. C. C. praxi quoties constet de infirmitate, ex iurata medicorum fide, indultum sive vacandi a choro, sive abessendi a residentia, prout necessitas exigat, nunquam soleat denegari: neque absens ad inserviendum compellatur per substitutum *Piscien. 23 Iunii 1764*, neque distributiones amittere cogatur *Regien. Indulti 14 Decembris 1850, et Massen. Residentiae 28 Augusti 1852*. Imo absentibus non solum a choro, sed etiam a loco residentiae ubi est ecclesia, distributiones debentur, ut contra plures tenet *Ventriglia in praxi eccl. tom. 1 annot. 19, §. 2*, et docuit S. C. C. in *Massen. cit.* maxime si agatur de infirmis locum salubriorem consilio medicorum petentibus.

Iamvero in themate adest favore Canonici Aloysii iurata fides medici Nosocomii s. Ioannis de Deo, qui asserit, Canonicum Aloysium adhuc curae sui morbi vacare debere, ipsique fugiendum esse aerem humidum civitatis suae in quo

primum aegrotavit. Ideo petita licentia Canonico Aloysio concedenda videtur, quin ei per substitutum servire praecipiat, et quin distributionibus privetur; eo vel magis quod, testante Episcopo, canonicatus redditus modici et ad vivendum vix sufficientes existant.

Quod magis magisque retinendum apparet, si animadvertatur huius canonici absentiam in magnum Ecclesiae bonum vergere, ut ex facti specie constat. Vindictio enim reddituum, quae fit, bonum duraturum parit, ideoque servitio choralis, quod quid transiens est, praeferranda videtur; insuper quamvis in particularis quidem Ecclesiae utilitatem vergat, tamen recolendum est hanc Ecclesiam Basilicam Ostiensem esse, quae ad Romanum Pontificem *nullo medio spectat*, ceus. Pauli Abbas animadvertit. Neque subsumere licet munus a Canonico Aloysio susceptum alii aequè committi posse. Respondit enim ipse s. Pauli Abbas: « Haud facile est virum adeo rerum peritum invenire, et praeterea opera iam incepta si alii tradantur, impossibile esse ad bonum exitum deduci ».

Quod si saeculares curias adire atque ibi advocatum agere clericis prohibeatur *tit. 50 lib. III decret.*; tamen in causis religionis et ecclesiae sicut in causa propria aut consanguineorum hoc munus suscipere eisdem permittitur in *cap. Clerici*, et *cap. Cum sacerdotis*, *De postulat.* Quod vero a canonico iure conceditur, id clericis indecens certe non est: ideoque nec ex capite ecclesiastici decoris susceptum munus sacerdoti Aloysio interdicendum videtur.

Demum de praeteriti temporis absentia, cui Canonicus indulgit absque obtenta licentia, idem Abbas respondit: « Ipsum (nempe Aloysium) iudicasse, se ipso iure esse dispensatum ob gravem infirmitatem, de qua documentum Eminentiae Tuae Rm̄ae perhibeo, et *ob utilitatem ecclesiae suae*, nonnulla enim negotia in Urbe gerebat; ideoque fructus facere suos et etiam distributiones quo-

» tidianas lucrari, dum causam absentiae significaverat » Episcopo ». Et reapse comprobata infirmitate, seu legitimo residendi impedimento, oppositio canonicorum aliorumque interesse habentium, veluti iniusta et irrationabilis reputatur, ceu testatur resolutio in *Piscien. Indulti 6 Decembris 1760*, in *Praten. Vacandi a Choro 25 Iunii 1764*, et in *Casertana Indulti abessendi 16 Dec. 1797*, aliisque.

Quibus hinc inde praenotatis, propositum fuit enucleandum sequens

### Dubium.

*An et quomodo propositis precibus annuendum sit in casu.*

RESOLUTIO. Sacra C. Concilii, re discussa, sub die 2 Iunii 1883 censuit respondere:

*Negative in omnibus.*

### EX QUIBUS COLLIGES:

I. Ecclesiae universalis, aut propriae utilitatem, vel gravem infirmitatem excusare praebendatum a residentia et chori servitio.

II. In themate utramque causam excusantem exulare visum est Eñis Patribus; ita ut reputaretur quod canonicus neque eâ laboraret infirmitate quae non sineret chorum petere, neque longe detineretur in defensionem iurium suae Ecclesiae, aut Ecclesiae universalis.

## EX S. CONGREGATIONE EP. ET REG.

## VENETIARUM

LAUDI SUPER SOLUTIONE, CESSIONE FUNDI,  
ALIISQUE PRAESTATIONIBUS.

*Die 27 Aprilis 1883.*

COMPENDIUM FACTI. Auri sacra fames, ut videtur, nefastam praebuit occasionem Dominico N. longos producendi per annos lites et iurgia in fratrem Petrum Sacerdotem. Attamen hic, una cum matre ceterisque fratribus pluries apud civilia tribunalia raptus a Dominico, qui super patrimonium haereditarium commune exclusiva iactabant iura, victor evasit. Expertus autem sibi infensa Tribunalia civilia, ratus est Dominicus mitiores sibi fore iudices ecclesiasticos, ut praetensa iura adversus fratrem pertingere valeret. Gratiae innixus spei, Concordiensem adivit Dominicus Antistitem, supplicem eidem offerens libellum, quo petebat, ut operâ et auxilio Ordinarii finis imponeretur litibus in aevum productis. Episcopus libenti animo rem excepit: et studium definitionemque harum litium demandavit duobus Archipresbyteris Ioanni et Francisco. Hi reapse censuerunt mandatum habuisse ab Episcopo pro omnibus deficientibus litibus et controversiis inter duos fratres. Ast aliter arbitratus Petrus, censuit, duos Archipresbyteros, sibi aliud non esse quam *amicos compositores* minime *arbitros aut arbitratores*. Attamen Archipresbyteri rem, uti decuit, non perpendentes, aut despicientes, pro nihilo verba Petri habuerunt, sententiamque, uti *arbitri* ad lites definiendas, protulerunt Domino Petro inimicam. Nam onus Sacerdoti per eandem imponebatur tum praestandi Dominico libellas 3300, tum quemdam donandi fundum eius filiis, tum uti propriam in posterum habendi Dominici familiam. Sententiam quam do-

minicus toto exceptit corde, Petrus per litteras repulit: utpote iniustam, et motivis innixam, supra quae nunquam ullum eisdem iudicibus mandatum dedisse aiebat. Adiecit etiam haud adpromisisse habiturum uti firmum ratumque iudicium eorundem, quorum tantum exceptit *amicabilem mediationem*. Tunc, incredibile dictu, Franciscus, unus ex praesumptis arbitris, partem assignatam deserens, factus est advocatus et patrocinator Dominici. Uterque autem Archipresbyter petiit ab Ordinario ut Petrus, etiam interminatis Ecclesiae censuris, ad exequendam arbitralem cogeretur sententiam.

Curia Episcopalis Concordiensis tunc apud se avocavit iudicium controversiarum inter dictos fratres; et instructo formiter processu, die 3 Septembris 1880 sententiam protulit qua reiecit petitionem Dominici N. peractam per suum procuratorem D. Franciscum Archipresbyterum adversus fratrem D. Petrum, utpote destitutam basi et probatione iuridicâ. Sub die vero 17 Decembris 1881 Patriarchalis Curia Venetiarum praedictis motivis et aliis quoque innixa appellationem Dominici repulit.

Neque fractus alterâ sententiâ Dominicus appellavit apud s. Sedem. Eius Patriarcha rogatus, plenam exhibuit factorum historiam; et motiva quibus sententia suae Curiae innixa est, et suam opinionem, Dominico adversam, pandidit.

### Disceptatio Synoptica

DEFENSIO D. PETRI. Ex officio animadversum fuit, principem quaestionem enodandam in casu positam esse in investigatione valoris iuridici *Laudi*, peracti ab Archipresbyteris, ceu arbitris, die 21 Februarii 1880; in hoc enim est eiusdem iudicii fundamentalis basis. Ast nullitate laborare iudicium hoc patet, ait Petrus, quia regulari atque formali destituitur compromisso, ad quod opus erat mandato in scriptis, minime oretenus, seu verbali. Etsi vero ius Pon-



tificium et Romanum nil con tituerint quoad modum, quo aliis committi possit controversiarum definitio; tamen cum agatur in themate de controversiis mere temporalibus, haud abs re videtur, quod sequi liceat Venetum codicem, in quo praescribitur *art. 11* compromissum fieri omnino debere per publicum actum, aut per privatam scripturam, et acceptandum esse in scriptis ab arbitraris eisdem. Idque eo magis quia a *Regul. Gregorii XVI Tit. VII §. 1749* praescribitur: compromissum fit per actum publicum, aut per privatam scripturam; referre debet nomen et cognomen compromittentium, arbitri, vel arbitrorum, nec non obiecta cuncta controversiarum quae decisioni subiiciuntur. Scriptura privata deponi debet apud acta publici tabellionis. Et §. 1754: neque validum, neque efficax erit compromissum, nisi acceptetur ab arbitraris.

Hisce duobus extremis legum civilium caret praesens casus. Ast admissa etiam hypothesis quod compromissum fieri possit verbis tantum, hoc formiter probandum erat, et quidem cum suis omnibus conditionibus, qualitatibus et modalitatibus; quam probationem necessariam numquam exhibuit actor. Verum, hisce omnibus deficientibus requisitis, praesumpti arbitri iudicium definitivum protulerunt in vacuum aedificantes. Neque ad assertum evincendum compromissum, attendi poterat Archipresbyterorum testimonium; quorum tantum intererat ut legitima haberetur eorum operatio: neque alii testes acciri quibant, dum nemo adfuerit, quando fratres verbalem commissionem dabant Archipresbyteris.

Quum praeterea arbiter suum dare queat iudicium super quaestionibus solummodo in compromisso contentis, quia eius auctoritas omnino pendet a consensu partium, ideo opus est, ut in compromisso sive scripto, sive verbis peracto, referantur controversiae claris praecisisque modis, iuxta legem *non distinguemus 32 §. 15 et §. 21 ff. de receptis et cap. cum dilectus de arbitr.* Ast in themate defuit haec exacta et praecisa rerum determinatio: nam Archipresbyteri declararunt, sese definire velle quaestiones cunctas inter fra-

tres; aliter haud excepissent onus iudicum voluntarioium. Qua in formula, utpote nimis vaga atque indeterminata, neminem latet minime constitutam fuisse qualitatem et quantitatem quaestionum enucleandarum a praefatis iudicibus. Praeterea pro valore iuridico compromissi aliae duae exiguntur conditiones; quarum prima est, ut certum constituantur tempus, intra quod arbitri sententiam proferre debeant: quo exacto eorumdem auctoritas deficit; ita ut quilibet posterior eorumdem actus irritus evadat; *Lege quid tamen de princip. 21 §. 5 et lege non distinguemus 32 ff. §. 3 de recept.* Altera autem conditio est, ut in compromisso eodem declaretur an arbitrorum sententia proferenda effectus parere debeat decreti irrevocabilis, seu rei iudicatae, quod denotari solet suetâ formulâ - *remota quacumque appellatione* - Ast quum de his conditionibus etiam, nil probatum fuerit in actibus litis, hinc grave dubium superest quoad validitatem et efficaciam praetensi compromissi et Laudi.

Animadversum insuper fuit: ex quo deerat pro validitate Laudi omnis probatio scripta, oportebat saltem ut hoc proferretur, sive publicaretur coram partibus interesse habentibus; *leg. in diem 27 §. 4 ff. de recept. et cap. ex parte de arbitris. In tua praesentia partibus constitutis.* Ut autem partes adesse queant citari debent ad comparendum stata die, in qua proferetur sententia. Id quod in themate haud factum fuisse constat; quinimo sententia prolata fuit posteaquam d. Petrus litteras Archipresbyteris dederat, per quas eisdem tribuebat nomina amicabilium interpositorum, denegans arbitrorum qualitatem. Sententiae quoque *primi et secundi* gradus favent Petro; quia nec tacite, nec expresse assensum praebuit Laudo, sed reiecit; s. Rota Romana executionis Laudi 5 Martii 1819 n. 3 coram Isoard. - *Nulla vel actio, vel exceptio oriri potest a Laudo quod litigatores subscriptione, silentiove non comprobarunt.*

Ex his de causis extrinsecis et praeiudicialibus utraque sententia Curiarum episcopalium praetensas Dominici reputat, nihil quaerendo de merito intrinseco quaestionis. Ete-

nim vanum et superfluum visum est disceptare de iustitia aut iniustitia Laudi, basis petitionum Dominici, perspectâ processus nullitate.

Quoad meritum principale autem, accurata expositio facta fuit pro Eñis Iudicibus. Quibus patefactum etiam fuit, d. Petrum enarrasse quod maxima quaestionum pars quas nunc novo Dominicus subiicere vellet iudicio, iam definita fuit per alias sententias tribunalium civilium, in rem iudicatam transactas. Per quas sententias, Dominicum debitorem esse Petri constabat. Qua de re etiam ex hoc capite Laudum nullitate laboraret, quia interdictum omnino erat Archipresbyteris novum proferre iudicium, super rebus iam iudicatis; Ferraris Bibliotheca canonica verbo *Arbiter* n. 62. « Nequit fieri compromissum in arbitros, super causis, iam » per legitimam sententiam decisis, iamque in rem iudicam » tam transactis; *cap. exposita 12 de Arbitris*. Cum enim » compromissum aequiparetur transactioni *cap. per tuas* q. de » arbitris, et transactio, sive compositio fieri debent de re » dubia et lite *leg. 1 ff. de transact.* sequitur quod non pos- » sit in arbitros compromitti super causis, per certam et » indubitam sententiam decisis et iam in rem iudicatam » transactis, et sic iam redditus claris, ac indubiis ».

DEFENSIO DOMINICI. Contraria thesis in huius defensionem propugnata fuit; ait enim defensor Dominici, sufficere oralem commissionem, et hanc evinci posse per testes, iuxta sacrorum canonum dispositiones. Notandum siquidem est, quod etsi a iure Pontificio, et a iure Romano nihil praefinitum fuerit quoad formas et quoad modum, quibus compromitti potest aliis quaestionum definitio; tamen si consideremus quod compromissum, sua pte naturâ, est mandatum, et quod pro mandati validitate non requiritur scripturâ; sic etiam compromissum potest esse verbale, eiusque probatio desumi potest a iudicialibus dispositionibus. Quamquam doctrina haec quamplurimos numeret oppositores, tamen praesens in tempus communior est; *Ancharan. cons. 261, Alexandr. cons. 84 lib. 5, Tusch. lit. c. conclus. 230 per tot. Sabel. divers. tract. verbo compromissum n. 5.*

Hisce adiectum fuit: quum praeliminari conferentiae, habitae coram duobus Archipresbyteris adfuerit d. Petrus, ibique exhibuerit proprias animadversiones et opportuna documenta, facile ex hoc exurgit, eundem compromisso assensum dedisse, et admisisse in Archipresbyteris auctoritatem resolvendi quaestiones a Dominico propositas.

Quibus in utramque partem animadversis, sequens enodandum propositum fuit

### Dubium

*An confirmanda vel revocanda sit sententia Curiae patriarchalis Venetiarum in casu.*

RESOLUTIO. Sacra Congr. Ep. et Reg. re probe cognitâ, sub die 27 Aprilis 1883 censuit respondere: *Sententiam Curiae patriarchalis esse confirmandam et amplius.*

#### EX QUIBUS COLLIGES:

I. Praeter iudicium proprie dictum, quod omnino necessarium est, et est proprium eorum, qui publicâ iudicandi auctoritate praediti sunt, adest et alia quaedam contendendi ratio, quae extra iurisdictionis necessitatem ponitur.

II. Hanc secundam contendendi rationem, quae ad sciendas lites pertinet, poni apud eos, ad quos ex consensu et compromisso itur; quique iudices compromissarii, et plerumque arbitri nominantur.

III. Hoc voluntarium iudicium, quod, ex re arbitrium, ex facto autem litigatorum compromissum, ita dici quia litigatores compromittere, idest simul et invicem poenam promittere solent, quatenus quis eorum arbitri sententiae non steterit.

IV. Quamobrem ne iuridico destituatur valore arbitrorum iudicium, compromissum praecedat oportet inter partes litigantes et arbitros: in quo compromisso, sive scriptis redacto, sive verbis, contineri debent omnes controversiae definiendae cum propriis adiunctis.

V. Requiri etiam, ad validitatem compromissi, ut prae-  
cise determinetur tempus intra quod arbitri proferant sen-  
tentiam, et ut constituatur an sententia eadem parere de-  
beat effectus decreti irrevocabilis: quod exprimitur per for-  
mulam - *remota quacumque appellatione*.

VI. In themate defuisse verum compromissum, his prae-  
ditum requisitis, facile deprehendi ex ipsis sententiis Cu-  
riarum episcopalium, per praesentem resolutionem confir-  
matis: nam hae sententiae, meritum quaestionis posthaben-  
tes, reiiciunt Dominici petitiones, ex eo quod nullo fulcia-  
tur iuridico valore arbitrorum iudicium (1).

(1) Sententia arbitri compromissarii barbaro nomine *Laudum* appellatur.

---

## EX S. CONGREGATIONE INDICIS

---

# DECRETUM

Feria VI die 18 Maii 1883.

**S***acra Congregatio Eminentissimorum ac Reverendissimorum  
Sanctae Romanae Ecclesiae Cardinalium a SANCTISSIMO  
DOMINO NOSTRO LEONE PAPA XIII Sanctaque Sede  
Apostolica Indici librorum pravae doctrinae, eorundemque  
proscriptioni, expurgationi, ac permissioni in universa chri-  
stiana Republica praepositorum et delegatorum, habita in  
Palatio apostolico vaticano die 18 Maii 1883 damnavit  
et damnat, proscripsit proscribitque, vel alias damnata atque  
proscripta in Indicem librorum prohibitorum referri manda-  
vit et mandat quae sequuntur Opera:*

Aubé B. professeur de philosophie au Lycée Fontanes. Histoire des persécutions de l'Église jusqu'à la fin des Antonins. Paris 1876. Decr. 15 Dec. 1882.

— Histoire des persécutions de l'Église — La polemique Patenne à la fin du II<sup>m</sup> siècle. Paris, 1878.

— Les Chrétiens dans l'Empire Romaine de la fin des Antonins au milieu du III<sup>m</sup> siècle. Paris, 1881.

Auctor (Regaldi G.) *Operis cui titulus: La Bibia, canti, prohb. Decr. 7 Dec. 1852, ante mortem laudabiliter se subiecit et Opus reprobavit.*

*Itaque nemo cuiuscumque gradus et conditionis praedicta Opera damnata atque proscripta, quocumque loco, et quocumque idiomate, aut in posterum edere, aut edita legere vel retinere audeat, sed locorum Ordinariis, aut haereticae pravitatis Inquisitoribus ea tradere teneatur sub poenis in Indice librorum vetitorum indictis.*

Quibus SANCTISSIMO DOMINO NOSTRO LEONI PAE XIII per me infrascriptum S. I. C. a Secretis relatis, SANCTITAS SUA Decretum probavit, et promulgari praecepit. In quorum fidem etc.

*Datum Romae die 17 Augusti 1883.*

FR. THOMAS M. CARD. MARTINELLI Praefectus.


Fr. Hieronymus Pius Saccheri Ord. Praed.

S. Ind. Congreg. a Secretis.

Loco ✠ Sigilli.

*Die 22 Augusti 1883 ego infrascriptus Mag. Cursorum testor supradictum affixum et publicatum fuisse in Urbe.*

Vincentius Benaglia Mag. Curs.



# EX SACRA RITUUM CONGREGATIONE

## DECRETUM

Romana seu Bergomen. beatificationis et canonizationis Ven. Servae Dei Sor. Teresiae Eustochii Verzeri Fundatricis Instituti Sacri Cordis Iesu.

Quum per decreta Sacrorum Rituum Congregationis sub diebus 17 et 24 mensis Augusti anno 1871 a sa. me. Pio Papa IX benigne concessum fuisset, ut de Dubio signaturae Commissionis introductionis Causae praedictae Servae Dei Sor. Teresiae Eustochii Verzeri agi posset in ipsa Sacra Rituum Congregatione Ordinaria absque interventu et voto Consultorum, licet nondum elapso decennio a die praesentationis Processus Ordinarii in Actis eiusdem Sacrae Congregationis, neque ipsius Servae Dei scriptis legitime perquisitis ac revisis; cl. me. Cardinalis Prosper Caterini huiusce Causae Ponens, ad instantiam Rmi Canonici Dni Hyacinthi Arcan geli Postulatoris constituti Causae ipsius, attentis Postulatoriis Literis plurium Eminentissimorum Sanctae Romanae Ecclesiae Cardinalium, Reverendissimorum sacrorum Antistitum, aliorumque Virorum tam ecclesiastica quam civili dignitate praestantium, nec non Sanctimonialium Ordinum, sequens Dubium in Ordinariis Sacrorum Rituum Comitii, ad Vaticanum die 12 Maii anno 1877 habitis, discutiendum proposuit, nimirum: *An sit signanda Commissio Introductionis Causae, in casu et ad effectum, de quo agitur?*

Sacra porro eadem Congregatio, omnibus accurato examine perpensis, auditoque voce et scripto R. P. D. Sanctae Fidei Promotore, rescribere rata est: *Affirmative, seu signandam esse Commissionem, si Sanctissimo placuerit.*

Huius vero Commissionis signaturam quum eidem Summo Pontifici sa. me. differre placuisset, hinc ad iteratas enixasque preces praefati Postulatoris Causae tum per R. P. D. Augustinum Caprara Sanctae Fidei Promotorem tum demum per infrascriptum Secretarium Sanctissimo Domino Nostro Leoni Papae XIII relatas, Sanctitas Sua sententiam ab eadem Sacra Congregatione uti supra latam, ratam habere et confirmare dignata est, ac propria manu signavit Commissionem Introductionis Causae Ven. Servae Dei Sor. Teresiae Eustochii Verzeri praedictae die 23 Augusti 1883.

Pro Emo et Rmo Domino Card. D. BARTOLINI S.R.C. PRAEFECTO

C. CARD. DI PIETRO EPISC. OSTIEN. ET VELITERN.

LAURENTIUS SALVATI S. R. C. *Secretarius.*

**EPISTOLA ENCYCLICA SSmi D. N. Leonis XIII qua mandat atque decernit ut hoc anno peculiari religione solemnna celebrentur Deiparae Mariae Virgini a Rosario.**

VENERABILIBUS FRATRIBUS PATRIARCHIS PRIMATIBUS ARCHIEPISCOPIS  
ET EPISCOPIS UNIVERSIS CATHOLICI ORBIS GRATIAM ET COMMUNIONEM  
CUM APOSTOLICA SEDE HABENTIBUS

LEO PP. XIII

Venerabiles fratres salutem et apostolicam benedictionem

Supremi Apostolatus officio quo fungimur et longe difficili horum temporum conditione quotidie magis admonemur ac propemodum impellimur, ut quo graviore incidunt Ecclesiae calamitates, eo impensius eius tutelae incolumitatisque consulamus. Quapropter, dum quantum in Nobis est, modis omnibus Ecclesiae iura tueri, et quae vel impendent vel circumstant pericula antevertere et propulsare conamur, assidue damus operam caelestibus auxiliis implorandis, quibus effici unice potest, ut labores curaque Nostrae optatum sint exitum habiturae. — Hanc ad rem nihil validius potiusque iudicamus, quam religione et pietate demereri magnam Dei Parentem **MARIAM** Virginem, quae pacis nostrae apud Deum sequestra et caelestium administra gratiarum, in celsissimo potestatis est gloriaeque fastigio in caelis collocata, ut hominibus ad sempiternam illam civitatem per tot labores et pericula contententibus patrocini sui subsidium impertiat. — Itaque proximis iam anniversariis solemnibus, quibus plurima et maxima in populum christianum per *Marialis Rosarii* preces collata beneficia recoluntur, preces hasce ipsas singulari studio toto orbe catholico adhiberi Magnae Virgini hoc anno volumus, quo, Ipsa conciliatrice, divinum Eius Filium nostris placatum et mitigatum malis feliciter experiamur. Has igitur litteras ad Vos, Venerabiles Fratres, dandas censuimus, ut, cognitis consiliis Nostris, populorum pietas ad ea religiose perficienda vestra auctoritate studioque excitetur.

Praecipuum semper ac solemne catholicis hominibus fuit in trepidis rebus dubiisque temporibus ad Mariam confugere et in materna Eius bonitate conquiescere. Quo quidem ostenditur certissima non

*Act. Tom. XVI. fasc. CLXXXIII.*



modo spes, sed plane fiducia, quam Ecclesia catholica semper habuit in Genitrice Dei iure repositam. Revera primævæ labis experta Virgo, adiecta Dei Mater, et hoc ipso servandi hominum generis consors facta tanta apud Filium gratia et potestate valet, ut maiorem nec humana nec angelica natura assecuta unquam sit, aut assequi possit. Cumque suave Ipsi ac iucundum apprime sit, singulos suam flagitantes opem invare ac solari; dubitandum non est, quin Ecclesiae universae votis adnuere multo libentius velit ac propemodum gestiat.

Haec autem tam magna et plena spei in augustam caelorum Reginam pietas, luculentius emicuit, cum errorum vis late serpentium, vel exundans morum corruptio, vel potentium adversariorum impetus militantem Dei Ecclesiam in discrimen adducere visa sunt. — Veteris et recentioris aevi historiae, ac sanctiores Ecclesiae fasti publicas privatasque ad Deiparam obsecrationes et vota commemorant, ac vicissim praebita per Ipsam auxilia partamque divinitus tranquillitatem et pacem. Hinc insignes illi tituli, quibus Eam catholicae gentes christianorum Auxiliatricem, Opiferam, Solatricem, bellorum Potentem, Victricem, Paciferam consalutarunt. Quos inter praecipue commemorandus solemnissimus ille ex Rosario ductus, quo insignia Ipsius in universum christianum nomen beneficia ad perpetuitatem consecrata sunt. — Nemo vestrum ignorat, Venerabiles Fratres, quantum laboris et luctus, saeculo duodecimo exeunte, sanctae Dei Ecclesiae intulerint Albigenses haeretici, qui recentiorum Manichaeorum secta progeniti, australem Galliae plagam atque alias latini orbis regiones perniciosius erroribus repleverant; armorumque terrorem circumferentes, late dominari per clades et ruinas moliebantur. Contra huiusmodi teterrimos hostes virum sanctissimum, ut nostis, excitavit misericors Deus inclitum scilicet Dominiciani Ordinis parentem et conditorem. Is integritate doctrinae, virtutum exemplis, muneris apostolici perfunctione magnus, pugnare pro Ecclesia catholica excelso animo aggressus est, non vi, non armis, sed ea maxime precatione confisus, quam sacri Rosarii nomine ipse primus instituit, et per se, per suos alumnos longe lateque disseminavit. Dei enim instinctu ac numine sentiebat futurum, ut eius precationis ope, tamquam validissimo instrumento bellico, victi hostes profligatique vesanam impietate audaciam ponere cogerentur. Quod reipsa evenisse compertum est. Etenim ea orandi ratione suscepta riteque celebrata ex institutione Dominici Patris, pietas, fides, concordia restitui, haeticorum molitiones atque artes disici

passim coepere: ad haec, plurimi errantes ad sanitatem revocati, et catholicorum armis, quae fuerant ad vim propulsandam sumpta, impiorum compressus furor.

Eiusdem precationis efficacitas et vis mirabiliter etiam perspecta est saeculo decimo sexto, cum ingentes Turcarum copiae Europae prope universae superstitionis et barbariae iugum intentarent. Quo tempore sanctus Pius V Pontifex Maximus, excitatis ad communium rerum tutelam principibus christianis, omni studio in primis egit ut potentissima Mater Dei, per Rosarii preces implorata, nomini christiano volens propitia succurreret. Nobilissimum sane spectaculum per eos dies caelo terraeque exhibitum omnium in se mentes animosque convertit. Hinc enim Christi fideles non procul a Corinthiaco sinu vitam et sanguinem pro religionis patriaeque incolumitate fundere parati, hostem interriti opperiebantur; illinc inermes pio supplicantium agmine, Mariam inclamabant, Mariam ex Rosarii formula iteratis vicibus consalutabant, ut certantibus adesset ad victoriam. Adstitit exorata Domina; nam commisso ad Echinadas insulas navali praelio, christianorum classis, sine magna suorum clade, fuis caesisque hostibus, magnifice vicit. Quare idem sanctissimus Pontifex in accepti beneficii memoriam, anniversarium tanti certaminis diem honori Mariae Victricis festum haberi voluit: quem Gregorius XIII titulo Rosarii consecravit.

Simili modo, superiore saeculo, semel ad Temesvariam in Pannonia, semel ad Corcyram insulam nobilis est de Turcarum copiis victoria reportata: idque sacris Magnae Virgini diebus, precibusque pio Rosarii ritu ante persolutis. Quae res Clementem XI Decessorem Nostrum adduxit ut grati animi ergo, solemnem Deiparae a Rosario honorem quotannis habendum tota Ecclesia deereverit.

Igitur cum sacra haec precandi formula tantopere Virgini grata esse dignoscatur, eaque ad Ecclesiae populique christiani defensionem et ad divina beneficia publice privatimque impetranda apprime conferat; mirum non est, eximiis eam praeconiis alios quoque Decessores Nostros efferre atque augere studuisse. Sic Urbanus IV *quotidie per Rosarium christiano populo bona provenire testatus est. Sixtus IV hunc orandi ritum ad honorem Dei et Virginis, et ad imminetia mundi pericula propulsanda opportunum; Leo X adversus haeresiarchas et gliscentes haereses institutum, et Iulius III romanae Ecclesiae decorem dixerunt. Itemque de eo sanctus Pius V, hoc, inquit, orandi modo evulgato, coepisse fideles iis meditationibus accensos, iis precibus inflammatos, in alios*

*viros repente mutari, haeresum tenebras remitti, et lucem catholicae fidei aperiri. Demum Gregorius XIII, Rosarium a beato Dominico ad iram Dei placandam et Beatae Virginis intercessionem implorandam fuisse institutum.*

Hac Nos cogitatione, exemplisque Decessorum Nostrorum permoti, opportunum omnino censemus solemnes hoc tempore supplicationes ob eam causam institui, ut invocata per Rosarii preces Virgine augusta parem necessitatibus opem a Iesu Christo eius Filio impetremus. — Perspicitis, Venerabiles Fratres, Ecclesiae labores dimicationesque diurnas et graves. Christianam pietatem, publicam morum honestatem, fidemque ipsam quae summum est bonum virtutumque ceterarum principium, maioribus quotidie periculis videmus oppositam. Item difficilem conditionem variosque angores Nostros non modo cognoscitis, sed facit caritas vestra ut quadam Nobiscum societate et communione sentiatis. Miserrimum autem est, ac longe luctuosissimum, tot animas Iesu Christi sanguine redemptas, quodam aberrantis saeculi veluti correptas turbine, praecipites in peius agi atque in interitum ruere sempiternum. Igitur divini necessitas auxilii haud sane est hodie minor, quam cum magnus Dominicus ad publica sananda vulnera Marialis Rosarii usum inexit. Ille vero caelesti pervidit lumine, aetatis suae malis remedium nullum praesentius futurum, quam si homines ad Christum, qui *via veritas et vita* est salutis per Eum nobis partae crebra commentatione rediissent; et Virginem illam, cui datum est *cunctas haereses interimere*, deprecatricem apud Deum adhibuissent. Idecirco sacri Rosarii formulam ita composuit, ut et salutis nostrae mysteria ordine recolerentur, et huic meditandi officio mysticum innecteretur sertum ex angelica salutatione contextum, interiecta oratione ad Deum et Patrem Domini Nostri Iesu Christi. Nos igitur haud absimili malo idem quaerentes remedium, non dubitamus, quin eadem haec a beatissimo viro tanto cum orbis catholici emolumento inducta precatio, momenti plurimum habitura sit ad levandas nostrorum quoque temporum calamitates.

Quamobrem non modo universos christianos enixe hortamur, ut vel publice vel privatim in sua quisque domo et familia pium hoc Rosarii officium peragere studeant et non intermissa consuetudine usurpent, sed etiam INTEGRUM ANNI LABENTIS OCTOBREM MENSEM caelesti Reginae a Rosario sacrum dicatumque esse volumus. — Decernimus itaque et mandamus, ut in orbe catholico universo hoc item anno solemnia Deiparae a Rosario peculiari religione et cultus

splendore celebrentur; utque a prima die proximi octobris ad secundam subsequentis novembris, in omnibus ubique curialibus templis, et si Ordinarii locorum utile atque opportunum iudicaverint, in aliis etiam templis sacrariisve honori Deiparae dedicatis, quinque saltem Rosarii decades, adiectis Litanis Lauretanis religiose recitentur: optamus autem ut ad has preces conveniente populo, eodem tempore vel sacrum ad altare fiat, vel Sacramento augusto ad adorandum proposito, sacrosancta deinceps hostia pius supplicantium coetus rite lustretur. — Magnopere probamus, sodalitates a Rosario Virginis solemni pompa vicatim per urbes, accepta maioribus consuetudine, publicae religionis causa procedere. Quibus autem in locis id iniuria temporum forte non licet, quidquid publicae religioni ex hac parte detractum est, frequentiore redimatur ad sacras aedes accursu; et diligentiore virtutum christianarum exercitatione fervor pietatis eluceat.

Eorum autem gratia, qui quae supra iussimus facturi sunt, libet caelestes Ecclesiae thesauros recludere, in quibus ipsi incitamenta simul et praemia pietatis inveniant. Omnibus igitur qui intra designatum temporis spatium, Rosarii cum Litanis publicae recitationi interfuerint, et ad mentem Nostram oraverint, septem annorum itemque septem quadragenarum apud Deum indulgentiam singulis vicibus obtinendam concedimus. Quo beneficio frui pariter posse volumus, quos supplicationibus publicis supra dictis legitima causa prohibeat, hac tamen lege ut eidem sacrae exercitationi privatim operam dederint, itemque Deo ad mentem Nostram supplicaverint. — Eos vero qui supra dicto tempore decies saltem, vel publice in sacris templis, vel iustas ob causas privatis in domibus eadem peregerint, et, expiatis rite animis, sacra de altari libaverint, piaculo omni et statis admissorum poenis ad pontificalis indulgentiae modum exsolvimus. — Plenissimam hanc admissorum suorum veniam omnibus etiam elargimur, qui vel in ipsis beatae Mariae Virginis a Rosario solemnibus, vel quolibet ex octo consequentibus diebus, ablutis pariter salutari confessione animis, ad Christi mensam accesserint, et in aliqua aede sacra pro Ecclesiae necessitatibus ad mentem Nostram Deo et Deiparae rite supplicaverint.

Agite vero, Venerabiles Fratres; quantum Vobis curae est et Mariae honos et societatis humanae salus, tantum studete populorum in Magnam Virginem alere pietatem, augere fiduciam. Divino quidem munere factum putamus, ut, vel turbulentissimis hisce Ec-

clesiae temporibus, in maxima christiani populi parte stet ac vigeat antiqua in augustam Virginem religio et pietas. Nunc vero exhortationibus his Nostris excitatae, vestrisque vocibus incensae christianae gentes vehementiore in dies animi ardore sese in Mariae tutelam fidemque recipiant; et adamare magis ac magis insistant Marialis Rosarii consuetudinem, quam maiores nostri non modo uti praesens in malis auxilium, sed etiam nobilis instar tesseræ christianae pietatis habere consueverunt. Obsecrationes concordēs ac supplices libens excipiet humani generis Patrona caelestis, illudque facile impetrabit, ut boni virtutis laude crescant; ut devii sese ad salutem colligant ac respiscant; ut vindex scelerum Deus ad elementiam ac misericordiam conversus rem christianam remque publicam, amotis periculis, optatae tranquillitati restituat.

Hac spe erecti, Deum ipsum, per Eam in qua totius boni posuit plenitudinem, summis animi Nostri votis enixe obsecramus, ut maxima quaeque Vobis, Venerabiles Fratres, caelestium bonorum munera largiatur: in quorum auspiciū et pignus, Vobis ipsis et Clero vestro et populis cuiusque vestrum curae conceditis, Apostolicam Benedictionem peramanter impertimus.

Datum Romae apud s. Petrum die 1 Septembris A. MDCCCLXXXIII.  
Pontificatus Nostri Anno Sexto.

### LEO PP. XIII.

---

**Sanctissimi Domini Nostri Leonis divina providentia Papae XIII Epistola ad Archiepiscopum Vindobonensem ob memoriam saecularem Vindobonae liberatae.**

VENERABILI FRATRI

CAELESTINO IOSEPHO ARCHIEPISCOPO VINDOBONENSI

### LEO PP. XIII.

*Venerabilis frater salutem et apostolicam benedictionem*

Delectarunt Nos tuae litterae, quibus significabas, solemnia istic apparari ad memoriam faustissimi eventus pridie Idus Septembris recolendam, scilicet Vindobonam duobus ante saeculis eo ipso die teterrima obsidione liberatam: simulque orabas, ut in tali re ad

tempore singularia quaedam pontificalis indulgentiae munera populo tuo in expiationem animarum tribueremus. Te quidem precibus compotem, dato iam in id diplomate, fecimus: idque eo libentius, quo ea, quae benigne concessimus, non modo ad decorem saecularis celebritatis, sed, quod pluris est, ad pietatis exercitationem et incrementum valent. — Ceterum praeclara illa ex hoste potentissimo victoria, quam proxime commemorabitis, fuit profecto eiusmodi, ut eius recordatione non minus Ecclesia quam respublica iure laetetur; propterea quod utriusque consilio operâque parta, utriusque fuit maiorem in modum salutaris. Plures enim iam menses circumsederant civitatem hostes maximis copiis: et quamvis in propugnatione cives cum militibus de virtute certarent, in eo tamen Vindobona erat, ut in hostium veniret potestatem, eandem expertura fortunae conditionem, quae civitates non paucas iam afflixerat. Capta autem urbe imperii maxima, facile intelligitur quid fuisset ceteris imperii partibus, quid ipsi augustae Principum stirpi metuendum. Quid vero si, expugnata Vindobona, elatus victoria hostis impressionem in Occidentem fecisset?

Sed et calamitatis longe gravioris imminere periculum. Neque enim de imperio solum rebusque publicis, sed de ipsa religione fideque catholica ad Vindobonam dimicabatur. Hostiles illi discursus eo nimirum spectabant ut, deleto Evangelio christiano, Mahumedana superstitio per Europam propagaretur: quo semel facto, refugit animus easque dicere reformidat ruinas, quibus esset oppressus Occidens. Quod igitur Deus foederatis principibus largitus est, ut e certamine Vindobonensi superiores discederent, mirabiliter fuit catholico nomini salutare. Ac merito quidem tunc successu gestiens christianus orbis pro magnitudine beneficii studuit singulares gratias Deo bellorum potenti persolvere. Tu vero, Venerabilis Frater, ceterique ex Austria Episcopi, redeunte iam tanti eventus saeculari memoria, opportune decrevistis pietatis significationes renovandas, quas maiores vestri prae ceteris, re recenti, ediderunt.

Cum vero in unius urbis liberatione incolumitas rei christianae ageretur, consequens erat ut eam ob causam tantum contenderet Apostolica Sedes, quantum reapse contendit. Constat enim inter omnes, quod libentes commemoramus hoc loco, clarum illud facinus, fructusque qui consecuti sunt, magna ex parte ad laudem huius Apostolicae Sedis pertinere. Siquidem romani Pontifices decessores Nostri, muneris sui memores, nihil antiquius habere consueverunt, quam ut integritatem fidei catholicae, propulsandis inimicorum

iniuriis, tuerentur. Propterea quemadmodum plures ex iis antea de Hierosolymis liberandis curarant, posteaque s. Pius V auspiciatissimae expeditionis navalis auctor extiterat; eodem modo anno MDCLXXXIII suasor et adiutor rei gerendae Innocentius XI fuit. Is ut Turcarum vim prospexit rei catholicae imminentem, deprecari periculum oportere omni ratione iudicavit. Quamobrem excitationis catholicorum principum studiis, illud assecutus est ut imperator Leopoldus I foedus faceret cum Ioanne Sobieski rege Poloniae, qui maxime necessario tempore civitati subvenit, foederatis copiis summo cum imperio praefectus. Praeterea ancipiti re et suspensis animis inter spem metumque, cunctantes Innocentius impulit, timentes confirmavit; res ad bellum necessarias magnam partem contulit: supplicationes propitiando Deo singulares indixit, denique ad percipiendos conservandosque victoriae fructus prudenter animum apulit. — Itaque in tam difficili tempore rursus apparuit, spem salutis publicae exploratam et verissimam in concordia principum cum Apostolica Sede esse positam: suspicionum et simultatum serere inter utramque potestatem causas, iustitiae simul esse prudentiaeque contrarium, nec minus civitati quam Ecclesiae perniciosum.

Res vero, quas maiorum vidit aetas, admonitioni et exemplo posteris esse oportet: magnorumque eventuum tunc futura est utilis et opportuna recordatio, si salubria ex illis documenta capiantur. Truditur aetas aetate; fuga temporum casus quotidie affert genere varios: verumtamen sunt quaedam in ipsa varietate similitudines. Profecto fuit illa christianarum gentium magna calamitas, quod diu multumque debuerint Mahumedanorum vim atque arma extimescere, qui animo proposuerant, quod maxima Orientis parte effecerant, despoliare Occidentem sapientia christiana, doctrinaeque et legum et morum deterrimum genus imponere. Quod si indignum prohibere iugum, si tantos impetus continere licuit, coniunctioni animorum tribuatur viribusque consociatis romanorum Pontificum, et Principum, et populorum christianorum. Res enim erat cum hostibus validissimis; et summa illa vel religionis vel humanitatis bona, in extremum vocata discrimen, conservari sine tali concordia minime potuissent. — Item aetate hac nostra acerbe exercetur Ecclesia, quamquam aliis et inimicis et artibus. Inferunt arma catholico nomini non tam externi, quam domestici, incruento sed acri tamen funestissimoque certamine. Eodemque tempore ipsam potestatem principum convellere adorti sunt, pessimisque doctrinis perturbant funditus disciplinam civitatis. Iamvero ad sanandum tantum

malum inest in Ecclesiae catholicae institutis virtus mirifica: ita ut, utriusque potestatis amice conspiratis viribus, multo posset expeditius praesentiusque parari remedium. Atque haec, quae Nos tam saepe commemoramus, utinam in animos hominum aliquando penetrarent. Cuius rei caussa vellemus, quotquot ubique sunt qui Ecclesiam vere diligant, communem parentem suam fortes et animosi defenderent, eidemque, quo posset munus suum ad salutem privatam ac publicam commodius efficere, suam singuli operam praestarent. Quoniam vero usitatum inimicis est scriptis praesertim quotidianis ad nocendum abuti, intelligant catholici viri, quanti referat, ut in hac dimicationis forma non segnior defensio quam oppugnatio sit. Ex multis tuendae religionis rationibus, haec Nobis videtur valde probabilis, et omnino accommodata temporibus, scripta scriptis refutare, et insidiosa adversariorum artificia convincere.

Tu vero, Venerabilis Frater, tuique istic in episcopatu collegae, quos tecum pariter per has litteras Nostras alloquimur, date operam, ut expectationem desiderii Nostri auctoritate sapientiaque vestra pro viribus expleatis. Gavisuri sumus nec Ecclesiae solum, sed etiam Imperio, si saecularis memoria nobilissimi triumphus ad firmandam valuerit totius nationis vestrae cum Apostolica Sede concordiam ac benevolentiam, cuiusmodi in illo temporis vestigio fauste feliciter eluxit. Nos quidem vobiscum animo et voluntate coniuncti, nominatim in hos proximos dies, hoc orare Deum omnipotentem enixe studebimus, ut carissimum in Christo filium Nostrum FRANCISCUM IOSEPHUM Imperatorem, augustamque domum Eius sospitet, tueatur; et universo Imperio benigne largiatur salutem et sine ulla offensione tranquillitatem. Tibi interim ceterisque Episcopis, Clero, populoque ex Austria, ex Hungaria, uberrimam caelestium munerum copiam imploramus: quorum auspiciem et praecipuae benevolentiae Nostrae testem, Apostolicam benedictionem universis peramanter in Domino impertimus.

Datum Romae apud s. Petrum die xxx Augusti A. MDCCCLXXXIII.  
Pontificatus Nostri Anno Sexto.

LEO PP. XIII.



# EX S. CONGREGATIONE CONCILII



PINNEN. ET ATRIEN.

AC NULLIUS MONTIS CASSINI

APERITIONIS ORIS ET IURISDICTIONIS.

*Die 5 Maii 1883.*

COMPENDIUM FACTI. Abbatia s. Vincentii in Volturmo, Nullius Dioecesis, iam a IX saeculo pleno iure, oppidum vulgo *Cellino* possedit duplici iurisdictione; nempe civili et ecclesiastica; nec unquam, usque ad promulgationem Concilii Tridentini, exturbata fuit in hac duplici possessione; quin imo pluries, tum a Romanis Pontificibus, tum a principibus saecularibus insignita fuit privilegiis atque honoribus.

Vertente tamen saeculo XVI. post Concilii promulgationem, quo tempore Abbatia in commendam concedebatur alicui Praelato una cum duplici iurisdictione, quaestiones et dissidia inceperunt enasci Abbatem inter et Episcopum Pinnensem, qui innixus decretis conciliaribus autumavit penitus, vel saltem ex parte, destructam fuisse iurisdictionem Abbatibus, hoc tamen contradicente. Imo eo usque res pervenerunt, ut Sixtus V coactus fuerit ad pacem restituendam inter contententes constituere Cardinalem Ioannem Antonium tituli ss. Quatuor Coronatorum tamquam arbitrum quaestionis. Is revera, re mature perpensa, Pontifici quamdam proposuit concordiam, quae deinde ab ipso confirmata fuit. Concordia haec, praeter alia, concedebat tum Episcopo Pinnensi, intra cuius Dioecesis fines erant oppida controversa, tum Abbati

AC NULLIUS MONTIS CASSINI

iurisdictionem alternativam, exercendam ab unoquoque per annum.

Res ita compositae rite processerunt usque ad annum 1700; quando plenaria iurisdictione Abbatiae s. Vincentii in Volturmo incorporata fuit Dioecesi Montis Casini per publicum instrumentum. Quum tamen praedicta concordia ostium aperuerit innumeris incommodis, Episcopus Pinnensis et Abbas in substitutionem huius alternativae iurisdictionis quamdam permutationem locorum proposuerunt, quae nihilominus nunquam ad exitum perducta fuit. Quandoquidem Episcopus Pinnensis, implorato auxilio Regis utriusque Siciliae Ferdinandi secundi, die 31 Augusti 1852 Decretum obtinuit S. C. Consistorialis, motu proprio firmatum, in quo haec statuebantur: « Ut super ipso oppidulo, vulgo *Cellino*, eiusque incolis, territorio, rebus et iuribus ordinaria iurisdictione sit cuique Pinnensi pro tempore Antistiti exclusive dehinc penitus attributa, perpetuoque concedita, reservato tamen quocumque iure patronatus, si quod ante praefatam concordiam favore Abbatis pro tempore Cassinensis inibi extiterit. » Verum in perennem huiusce rei memoriam honorificae quidem recognitionis gratia, ex mandato eiusdem S. S. quotusquisque Pinnensis pro tempore Antistes teneatur quotannis in pervigilio festi s. Benedicti Abbatis sex cereos trilibres Abbatiali Ecclesiae Cassinensi religiose offerre ac tradere.

Abbas vero illius temporis coactus, praesertim ex decretoria Regis voluntate, Decreto obtemperavit et, emissa contra ipsum legitima protestatione, prius in natura dein in numerata pecunia tributum accepit usque ad annum 1872; quo tempore Episcopus cessavit etiam hoc tributum Abbati rependere. Nunc vero, ob mutatas rerum circumstantias hodiernus Abbas animadvertens, nullum modo a saeculari potestate impedimentum metuendum esse, recursum habuit ad S. C. C. humillime implorans: ut decretum revocetur ceu obreptitium, et laesivum iurium suorum.

### Disceptatio Synoptica.

DEFENSIO PRAESULIS CASSINENSIS. Huius patronus ait: Cassinensis Abbas nunquam oppugnavit nec hodie oppugnat alternativae tollendae propositum. Cum vero non modo alternativam habeat cum Episcopo iurisdictionem, sed privativum etiam ius beneficia omnia conferendi, cum scilicet apostolica auctoritate praecipuam partem possideat in hac potestatis divisione, unum quaerit ut sibi cuncta cedenti *aliquid vicissim concedatur* ab Episcopo qui omnia accipit. Episcopus contra voluisset quidem ad initio omnia accipere sed ita ut nihil compensationis loco concederet. Ipse Episcopus confessus est S. Cong. Episc. et Reg. sibi enixe commendavisse, ut rem cum Abbate componeret. Hinc arbitratus, idem Antistes negotium permutationis ope componendum esse scripsit ad Abbatem, sese haud alienum esse a cessione alicuius oppidi. Et Abbas rescripsit libenter excipere aequae permutationis propositum. Etsi vero permutatio ab Episcopo proposita aequa non videretur, tamen Abbas eandem prudenter amplexus est. Hinc res eo pervenerat ut nihil ad permutationis robur deesset, praeter utriusque potestatis sanctionem. Sed Episcopus consilium mutavit et gratuitam concessionem non a Cassinensi Monasterio, sed Pontificis iussu meditari coepit. Et re quidem vera quum die 31 Augusti decretum S. C. Consistorialis editum fuerit, liquere ait defensor, tum quod omnia multo ante parata erant: et decreti fundamentum hoc fuisse videri, nempe concordiam de permutatione perfici non potuisse - *Verum omne ad hanc conciliandam rem consilium incassum prorsus abiit* - atque ideo Pinnensi Antistiti iurisdictionem omnem esse tribuendam.

Dum contra, iuxta Abbatis patronum, haec esset summa rerum, nempe ex litteris evinci, inter utramque partem de permutatione convenisse inter oppida *Cellini* et *Cepagatti*: negotium in suspenso relictum fuisse ab Episcopo qui ad

aliud tempus ablegavit. Interea hunc adivisse Romanum Pontificem, qui hortatus est ut conventionem cum Abbate iniret. Attamen, dum haec agerentur, inopinato decretum erupisse.

Hisce in facto positis, de obreptione imprimis disserit Abbatis Cassinensis defensor, quam luculentissime probari, ait, ex decreti verbis - *Verum omne ad hanc conciliandam rem consilium incassum prorsus abiit.* - Quippe alienissimum a veritate est conciliationem perfici non potuisse. Episcopus enim permutationem obtulit cum oppido *Cepagatti*. Praesule Cassinensi consentiente, ille resiliuit; sed ita resiliuit ut tractatus infra annum esset resumendus. Abbas interea loca lustrare ac deinde consilia cum Episcopo conferre debebat: quod Episcopus aequissimum censuit. In his vero adiunctis atque in ipso tractatu Pontifici narratum est conventionem fieri non posse atque idcirco aliter esse consulendum. Id igitur non modo veritatis occultationem sed deceptionem appellavit. Nam Episcopus non modo nunquam Abbati significavit se nolle rem componere: immo vero semper se permutationi pertractandae paratum significavit, atque ita permutationis propositum semper utrimque confirmatum fuit.

Atque hic defensor primo Episcopi narrationem bona fide sustineri non posse ostendit, qui Pontifici dixit - *ad hanc conciliandam rem consilium incassum prorsus abiit* -. Quippe de Episcopi tractatibus nihil s. Congregatio scire poterat nisi vel ab ipso Episcopo vel ab aliis, Episcopi nomine, accepisset, qui unus omnia gesserat. Atqui permutationis tractatum nunquam in literis partes deseruerunt: ast ipsa pendente visitatione, Episcopus omnia in irritum cessisse Pontifici exposuit.

Ut vero ostenderet quod posita formidolosa occultatione quaeri non debeat, utrum cognita veritas Pontificem nec ne removisset, testem invocat *Innocentium III in literis ad canonicum Pictaviensem cap. 20 de rescriptis*. Ac vulgatum inter prudentes adfirmavit, in his adiunctis supervacaneam esse investigationem, utrum aliae concedendi causae

extiterint, utrum mendacium in grave argumentum incidere, aliave eiusmodi. Satis enim est, datâ operâ corruptam fuisse veritatem, teste *Fagnan. in cap. super literis de rescriptis num. 10 seqq.* et *Schmalzgrueber lib. 1 tit. 3 §. 3 num. 15* qui tradit - *Distinctio illa an Papa vel princeps adhuc dedisset literas nec ne, solum locum habet quando obreptio vel subreptio contingit per simplicitatem vel ignorantiam, non vero quando per dolum: tunc enim in poenam doli et malitiae indistincte vitiatur rescriptum -*.

Quaestionem praeterea de Pontificis mente exploranda, in facto inutilem defensor appellavit. Si enim Pontifex veritatem novisset, scilicet compensationem adhuc pertractari, vel decretum non tulisset, vel ita tulisset, ut Abbas aequa compensatione iacturam rependeret. Hoc imprimis evinci tradit ex decreti textu, in quo una statuendi causa apparet, quod nulla inter partes conventio fieri potuit. Hac vero causa sublata, nihil aliud restat quam incomoda alternativae iurisdictionis: quae tamen eadem ratione deleri potuissent, adhibita inter partes permutatione. Et re quidem vera, ceu scripsit Episcopus ad Abbatem, Pontifex, paucis ante decretum mensibus, voluit negotium dirimi per conventionem; nec per imperium diremit, nisi quia falsis suasionibus deceptus impossibilem conventionem putavit. Unde conclusit non modo insidiosae praereptam concessionem fuisse, sed ea falsitate, quam si s. Congregatio et Pontifex novissent, a concessione abstinuissent.

Tum alterum obreptionis fundamentum ex iurisdictionis titulo desumit, quem Pontifex ignoravit atque ignorantiae causa contempsit. Scilicet rem iudicatam quam et Episcopus et Abbas Cassinensis unanimi suffragio acceptam scripto voverunt, Xystus V. Apostolica constitutione ac motu proprio confirmavit iis verbis - *Auctoritate Apostolica tenore praesentium perpetuo confirmamus et approbamus, illique plenariae et inviolabilis firmitatis robur adiicimus -*, iis omnibus clausulis adiectis quae a quolibet Pontifice aliter decernente expressam derogationem requirunt. Nam post cla-

usulam - sublata - ac decretum irritans, illud etiam adiunxit - *Non obstantibus... statutis et consuetudinibus, privilegiis quoque, indultis et literis Apostolicis etc.* -

Consistoriale decretum huic Apostolicae Constitutioni non derogavit: immo vero eius ne mentionem quidem in decreto incidit. Unum Pontifici narratum fuit - *Inter Pinnensem Ordinarium et Abbatem Cassinensem iam inde ab anno 1859 initam fuisse concordiam.* - At Sacra Congregatio quae decrevit, et Pontifex qui decretum sancivit, prorsus ignoraverunt, Xystum V qui iudicem delegaverat post sententiam, post partium agnitionem Apostolicis literis legem dicere voluisse.

Omissionem vero eiusmodi esse ait Cassinensis Praesulis defensor ut semper voluntatem concedentis removeat: iuris enim praesumptione censetur eum non concessurum, vel saltem alia ratione concessurum fuisse si praecedentem apostolicam constitutionem cognovisset. Quibus in terminis nova concessio perinde habetur ac si facta non sit, auctore *Alexandro III in cap. 3 de rescr. et Schmalzgrueber in lib. 1 tit. 3 §. 9*, qui haec addit « *Ratio est quia si Papa vel princeps recordatus fuisset prioris rescripti, posterius vel omnino non, vel non eodem modo concessisset, ut adeo censeatur citra eius consensum extortum.* »

Quae cum ita sint, obsequii potius quam necessitatis causâ hoc in capite aperitionem oris se implorasse adfirmavit: obreptionis enim vitium ita novissimum decretum et Pontificiam sanctionem inficit ut *ipso iure* irrita censeantur. Neque obiciendum posteriora prioribus derogare, cum inter se contraria sint. Hoc enim in generali tantum lege obtinet, non in speciali, cuiusmodi est Cassinensis iurisdictionis controversia. Imo vero ne in generali quidem lege posteriora derogant prioribus, siquidem haec extra corpus iuris posita sint, teste eodem *Schmalzgrueber in lib. 1 tit. 2 §. 52.*

His expensis, alia quoque ex causa decretum revocari exposcit defensor. Ita enim Apostolica Sedes iustitiam et

aequitatem gentibus ministrat, ut nunquam scienter ab iis deflectere censeatur. Si quando alienis undecumque suasionibus deflectere contingat, idque coram eadem s. Sede probetur, actus ea iubente corrui, quia deliberata et consulta defuit statuendi voluntas: teste *Rota in Romana aperitionis oris quoad decretum 30 maii 1804 lunae 21 april. 1823 coram Corsi § 1 seqq.* quae docuit - *Admittenda statim est oris aperitio adversus supremi Principis ac praesertim Summi Pontificis gratiam vel rescriptum, ubi constet alterius iura graviter ex eo pessumdata ac laesa fuisse* -, atque iterum - *Ex hoc enim satis declaravit Pontifex si rescriptum iuri adversetur et alteri iniuriam attulerit tamquam alienum a voluntate sua, nullius momenti esse aestimandum.* -

Atqui iniuriam quam Episcopus per decretum irrogavit monasterii iuribus apertissime flagrare adfirmavit. Duo decreti fundamenta sunt: concordia, eiusque incommoda, ex quibus decretum concludit iurisdictionem esse Episcopo adscribendam: sed conclusio nulla iustitiae, aequitatis, prudentiae ratione sustineri posset. Licet enim alternativa iurisdictione delenda esset, licet per concordiam removeri non posset atque uni esset adscribenda, licet ratione commoditatis in regimine praeferendus esset Episcopus, decretum in hac nova rerum conditione nullam de monasterii iuribus rationem habuit, quae tamen potiora et antiquiora erant. Cum enim par inter Abbatem et Episcopum esset iurisdictione alternis annis exercenda, beneficiorum tamen collatio privative ad Monasterium pertinebat. Commutari igitur haec iura poterant, deleri non poterant.

Neque obiciendam, ait, publicae utilitatis rationem. Cum enim aliena iura invadere publicae utilitatis causa contingat, ei qui iacturam facit aestimatio debetur. Si episcopus in sua dioecesi cum alterius damno lucratus est, damnum aequa ratione emendare tenetur. Nec movet Episcopo impositum annum illud sex cereorum onus - *honorificae quidem recognitionis gratia* -. Quippe non de honore ageba-

tur, sed de iure. Posset quidem huiusmodi tributis compensatio quaeri, cum alia aequior compensandi causa reperiri nequeat. In causa vero cuilibet ex partibus suum territorium est: alteri oppidum accrescit, alteri non cereos sed territorium rependi decet. Cum igitur s. Consistorialis Congregatio et Pontifex, corrupta rerum veritate, aliud pro alio crediderint, eo negotium reverti postulat Abbatis defensor unde incooperat; scilicet ad permutationem, quam Episcopus semper agnoverat, Abbas exceperat, Pontifex demandaverat.

Neque obreptionis vitium abstergi ait ex clausula - *Motu proprio* -: si enim Pontifex nemine postulante decernit, abstergi vitium potest, non autem si ad cuiusquam preces editis literis Apostolicis clausula illa cum ceteris ex communi quodam usu sit apposita. Praeterea, si constat animum concedentis deceptum fuisse, ea verba nullo in pretio haberi possunt: teste *De Rosa par. 1 cap. 6 n. 109* qui docet - *Motus autem proprius non firmat gratiam contra voluntatem concedentis* -.

DEFENSIO EPISCOPI. Ex alia vero parte observari potest quod nunquam licet adversus Constitutiones SS<sup>m</sup>i Pontificis conqueri, et oris aperitionem concedi, nisi evidentissime constet, eas infici labe et aliquo vitio subreptionis et obreptionis laborare Pontificemque in eis concedendis fuisse deceptum et circumventum, Card. De Luca *de iurisd. disc. 8 num. 6*; Rota coram E<sup>mo</sup> Crescentio *decis. 116 num. 5, et decis. 141 num. 1*, et in *Reatina Applicationis dotium super aperitione oris 17 Iunii 1735 §. Ratio coram SS<sup>mo</sup>.*

Porro nihil horum verificatur in themate. Sane ut dici possit manifeste constare de obreptione et subreptione Pontificemque circumventum fuisse, prae oculis haberi deberent exemplares preces, in quibus vel falsitas insinuaretur, vel veritas reticeretur. At in casu huiusmodi preces Episcopi Pinnensis, impetrantis Decretum a S. C. Consistoriali nos omnino latent. Nefas proinde esse videtur praesumere preces obreptitias vel subreptitias fuisse cum non agnoscantur. Imo hoc in casu contrarium prorsus dici deberet videlicet



preces omnino veritati consonas fuisse, siquidem quoadusque manifestissime non probetur eas aliqua labe infici, praesumendum est pro valore actus et Decreti; quia subreptionem non posse de facili verificari in iis, quae fiunt per Papam praevia consultatione s. Congregationis docet De Luca in *Annot. ad Concil. disc. 8 n. 10.*

Verum hoc etiam omisso, ea quae in Decreto habentur omnem obreptionis suspicionem respuere videntur. Siquidem ea omnia veritati consona sunt, nec aliquid relatum invenitur, quod cum facto concordare non appareat. Imprimis enim dicit Decretum, inter Abbatem et Pinnensem Ordinarium iam inde ab anno 1589 *concordiam* quamdam intercessisse, qua spiritualis iurisdictionis exercitium super oppidulo, vulgo *Cellino*, ab Episcopo et Abbate quotannis alterna vice peragendum continuo erat; et hoc praecise confirmatur ex ipsa assertione Abbatis Cassinensis.

Narratum deinde, legitur in ipso Decreto, fuisse Pontifici ex promiscuo huius alternae iurisdictionis exercitio, gravia quandoque evenisse detrimenta, et quod quamvis quaedam alterutrimque proposita fuerant ad istiusmodi promiscuum iurisdictionis exercitium composite e medio tollendum, rem incassum prorsus abiisse.

Neque dicatur id culpae Episcopi tribuendum esse, qui quamvis nunquam destitisset literis Abbatem hortare ut mutua concordia rem componeret nihilominus deinde ad alia consilia se contulit. Hic enim quaerendum non est cuius culpa vel quanam de causa hoc evenerit, sufficit quod factum Pontifici innotuerit. Relatum siquidem fuerat Pontifici quod proposita concordia perfici non potuit. Ergo si eo tempore quo edebatur Decretum concordia revera peracta non fuit, ut in facto constat, Decretum sustinetur, nec falsitatis nota infirmari ullimode potest. Proinde deneganda omnino videtur aperitio oris in casu.

Verum dato etiam et non concesso, preces obreptitias et subreptitias existere, tamen Decretum cum clausula - *Motus proprii* - tollere vitium subreptionis apud DD. explorata

res est. Audiatur sane inter ceteros Fagnanus in *cap. Super literis de Rescript. n. 37.* « Limita tertio nisi literae fuerint obtentae motu proprio Papae, quia tunc subreptio » etiam scienter facta non vitiat, et hoc propter virtutem » motus proprii ipsius Principis, quae omnem subreptionem » excludit ». *Clement. Si Romanus de praebend. cap. Si motu proprio eod. tit. lib. 6 secundum Bero hic in secunda lectura num. 42; Rota decis. 353 num. 1 part. 4 recent.* Haec enim clausula importat, Principem in rescribendo non processisse tantum ex iis, quae in supplicatione exposita sunt seu ex causis in petitione allegatis, sed ex aliis causis, quas non revelavit motum esse; De Angelis in *Praelect. iuris Can. lib. 1 tit. 3 num. 4.*

Nec interest utrum Decretum cum clausula motus proprii nemine postulante latum fuerit, nec ne. Siquidem Mandosius in *Reg. 16, q. 4. num. 9.* haec habet: « Insu- » per responderi potest quod dato quod supponeremus impe- » trantem supplicasse, et instituisse coram Principe pro gratia » obtinenda, non tamen ex hoc cessat quin possit dici esse » verus motus proprius, et operetur omnes effectus veri et » naturalis motus proprii. In mente enim Principis duo si- » mul motiva concurrere possunt, scilicet concedendi motu » proprio, et ad petitionem partis, et stant ista simul quod » Princeps fuerit requisitus, et tamen potius dicatur motus » ex seipso quam ad instantiam alterius, prout pulchre per » Bald. in *cap. Nisi specialis de offic. legati, Cur. Sen. » cons. 65 super praemissa post num. 8 vers. non per » hoc.* Nec audiretur ad effectum excludendi motum proprium » opponens quod ad alterius instantiam gratia concessa sit: » tum quia Papa de mendacio redargueretur ad Ioan. Andr. » in *capitul. si motu proprio de praeb. lib. 6;* tum quia » (ut dixi) constat Papam uti voluisse hac clausula ». Posito igitur constare Decretum s. C. Consistorialis motu proprio editum esse, iniquum videtur de subreptione insuper loqui, cum omne vitium, si fortasse adfuit in precibus, sublatum censeri debeat ab ipso Decreto motu proprio lato.

Quod magis magisque valere debet in themate ubi expresse cavetur ne supra huiusmodi vitium unquam disquisitio fiat.

Neque opponi posse videtur hoc posterius Decretum (diei 31 Augusti 1852) tantam vim in se non habere infirmandi priorem Constitutionem Sixtinam, exornatam omnibus iis clausulis, quae expressam derogationem requirunt. Quandoquidem Pontifex licet illis expresse non derogaverit nihilominus idipsum voluisse clare ostendit Consistoriale Decretum, in quo tradit solummodo ex peculiaribus circumstantiis illas formulas derogatorias omisisse. Sensus igitur huius Decreti, motu proprio firmati hic est. Voluit Pontifex omnino rescindere illam concordiam anno 1589 peractam; at obstabat Constitutio Sixtina cum clausulis irritantibus quae expressam derogationem requirere videbantur: decrevit proinde quod quacumque ratione ac modo habita fuerit illa concordia etiam si firmata per aliquam Constitutionem cum clausulis, quae specialem mentionem exposcerent, penitus abrogaretur; quia adiuncta non permittebant ut de illis specialis ratio haberetur nec in solemniori Bulla recenserentur. Iamvero notissimum est in iure quod quando verba clara sunt, uti in themate, non possunt ex generalibus iuris regulis restringi, ceu perbelle docet Fagnanus in *c. Super literis 18 de Rescript. n. 34* - ibi - « Ex his collige de » clarificationem ad plenam regulam huius textus, quod literae Apostolicae ad intellectum iuris sint reducendae: pro » oedit enim ubi verba hoc patiuntur; ubi vero nulla est » ambiguitas, cessat haec communis interpretatio *L. Ille » aut ille, §. Cum in verbis ff. De Leg. 3. Innoc. hic. » num. 2 et 3 in fin. Compost. num. 10; Abb. in 1 no- » tab. vers. Quod intelligo ».*

Neque dicatur hoc secundum Decretum motus proprii tollere non posse ius tertii, seu ius quaesitum in prima Constitutione. Quandoquidem haec regula non valet quando in motu proprio eidem fuerit expresse derogatum, ad tradita per Fagnanum in *cap. Super literis de Rescript. num. 35* cum Rota *apud Caesar. de Grsas. decis. 9 alias 3 de Re-*

*script. et decis. 1 num. 10 de verb. signif.* quae decisiones fuerunt postea multoties approbatae, *Seraph. decis. 1082 num. 6 et seqq.* Quod autem in casu Pontifex huic regulae expresse derogaverit satis est ea perlegere quae in articulo II Decreti habentur.

Ex hoc igitur descendere etiam videtur, nullius momenti esse argumentum pro aperitione oris, desumptum ex gravi laesione iuribus Abbatis per decretum Consistoriale illata. Siquidem tunc solum ex hoc capite oris aperitio conceditur cum deest deliberata et consultata principis statuendi voluntas, quia SS<sup>m</sup>us Pontifex, iustitiae et aequitatis cultor et vindex, non praesumitur cuiquam nocere, non vero ubi haec deliberata voluntas adest, ut in casu. Tunc enim cessat huiusmodi praesumptio, et Decretum ex hoc capite amplius non potest infirmari. Cum enim Pontifex habeat in beneficiis et ipsorum bonis omnimodam et absolutam potestatem; *cap. 2 in princ. de prebend. lib. 6* praesertim intercedente legitima causa, teste Fagnano *in lib. Decr. c. 7 tit. Ne Cleric. vel Monachi num. 30*, « potest unire Ecclesias, sup-  
» primere dignitates et alteram alteri subiicere, et iura  
» unius alteri dare ». Imo etiam sine causa Papam posse iura unius Ecclesiae auferre et dare alteri, si vult, aperte docent Lud. Roman. *cons. 400 circa primum in 1 col., et in 10 col., Corneus cons. 349 num. 6*, dicentes hoc esse expressum *in c. Ex multiplici, de decim. et in Clement. Dudum §. Nos de Sepult.*

Cum igitur luce meridiana pateat neque ex capite obreptionis et subreptionis, neque ex capite gravis laesionis infirmari posse Decretum s. C. Consistorialis diei 31 Augusti 1852, optimo iure concludi posse videtur aperitionis oris arbitrium in themate indulgendum haud esse. Idque eo vel magis quia iam a pluribus annis hoc Decretum executioni mandatum sit post enim executum Breve pontificium motu proprio elargitum, postque tempus pacifice praeterlapsum multo fortius os adversus illud obstructum et obclausum est; *Rota in recent. 485 num. 5 part. 4 tom. 2 coram Coc-*

*cino; decis. 1434 n. 7 et 27, et coram Molin. decis. 381 n. 3.* Quaecumque autem futurum sit iudicium, exposci, ait Episcopus, ne ad priorem concordiam reditum fiat, ob damna et incommoda quae adhuc enascerentur ex alternativa iurisdictione. Neque rationabiliter Abbatis de Monte Cassino iurisdictioni subiici posset oppidulum illum, quia Cellino a Monte Cassino distat ducentis kilometris.

Neque ope permutationis res componi posset, quia deest iusta utilitatis Ecclesiae causa; quinimo in themate quaecumque permutatio obsesset: quia fieri tantum posset cum dissitis ecclesiis Dioecesis Pinnensis. Et sollicitudo pastoralis animarum detrimentum caperet ex magna distantia, quae intercedit inter Dioecesim Pinnensem et Monasterium Montis Casini. Hinc rationabile est ut res permaneant in illo statu in quo reperiuntur spatio triginta annorum, nempe post decretum S. C. Consistorialis diei 31 Augusti 1852. Nam in themate etiam praescriptio favore Episcopi magis valet, quia per eam reditus fit ad ius commune. Quo in casu ss. canones adsistunt adeo ut nec titulus requiratur; Fagnanus de Offic. Ord. cap. cum ab Ecclesiarum 3 num. 32.

Accedit etiam quod huiusmodi quaestio, teste Episcopo praeberet occasionem rixarum et altercationum.

Posito igitur ex una parte quod assertionibus Episcopi deferendum sit, cum Episcopus apprime informatus suarum Ecclesiarum existat, Scarfantionius in *Addit. 22 num. 82; Rota decis. 397 num. 6 et seqq. part. 13 rec. decis. 685 num. 9 coram Cerro etc.* et ex altera vero quod passim propter scandala vitanda multa concedantur, quae alias non concederentur, prout etiam multa prohibentur quorum prohibitio alias denegaretur, recedendo etiam a regulis iuris, et inconsueta tolerando; Iacobutius de *concil. lib. 3 art. 12 num. 114 et lib. 9 art. 3 n. 28 tom. 13 part. 1 fol. 339 et 346; Barbat. de praestant. Cardin. quaest. 1 basil. 1 num. 37 et 38 tom. 13 par. 2; Henric. Bott. de Synod. Episc. art. 2 concl. 1 num. 101; Stephanus Gratianus Discept. Forens. cap. 658 num. 9: iure meritoque con-*

cludi posse videtur in casu nihil innovandum esse, ne per innovationem via aperiatur scandalis, quae ab Episcopo timentur.

Hisce omnibus pro utraque parte praemissis, enodanda proposita fuerunt sequentia

### Dubia

#### I. *An intret arbitrium pro aperitione oris in casu.*

Et quatenus affirmative.

#### II. *An et quomodo sit consulendum in casu.*

Ad primum. *Negative.*

Ad secundum. *Provisum in primo: et Episcopum teneri ad solvendam annuam praestationem ad formam Decreti diei 31 Augusti 1852, etiam quoad praeteritum.*

#### EX QUIBUS COLLIGES.

I. Oris aperitionem concedi tantum si evidenter constiterit, Constitutiones Pontificias infici labe et vitio subreptionis et obreptionis; ita ut in eisdem edendis Pontifex deceptus et circumventus fuerit (1).

II. Verba decreti s. C. Consistorialis in themate cum clausula *motus proprii* omnem obreptionis suspicionem respuere videri; nam omnia quae ibidem narrantur veritati consona sunt, neque a facto ullimode discrepant.

III. Praeterea rescripta R. Pontificis, ex motu proprio exarata, infici nequire vitio subreptionis; quae omnino excluditur per virtutem motus proprii ipsius Principis: nescitur enim an Princeps processerit ex causis in petitione allegatis, seu ex aliis etiam, quas non revelavit.

(1) Pontifex indulget *arbitrium aperitionis oris* quando disceptandum est de lite ad quam finiendam decreta pontificia lata fuerint.

IV. Neque dici posse gratiam factam fuisse ad alterius instantiam, quando adest clausula motus proprii; ne Papa de mendacio redargui videatur: etenim stare insimul possunt quod Princeps fuerit requisitus, et tamen potius dicatur motus a seipso.

V. In themate ergo videri non posse dubitari de subreptione; ex quo constat, decretum S. C. Consistorialis editum fuisse motu proprio; quò sublatum fuisse censendum est quodcumque vitium, si adfuit.

VI. Quum enim Pontifex omnimodâ et absolutâ gaudeat potestate in beneficiis et ipsorum bonis, potest unire Ecclesias, si bonum animarum id expetat, suppressere, alteram alteri subiicere, et iura unius alteri dare ex deliberata voluntate; neque praesumitur velle alicui nocere; cum sit ipse iustitiae et aequitatis cultor et vindex.

VII. In themate neminem ambigere posse quod animarum bonum expetierit ut oppidulum *Cellino* omnimodae subiiceretur Episcopi Pinnensis iurisdictioni, in cuius Dioecesi positum est et longe distet a Monte Cassino, ut expeditius bono animarum consuli queat.

---

## EX S. CONGR. EPISCOPORUM ET REGULARIUM

---

RIPANA

IURIUM PAROCHIALIUM.

*Die 27 Aprilis 1883.*

COMPENDIUM FACTI. Ex remotissimis temporibus una tantum extitit paroecia in vetusto Oppido Grottammare, dicata s. Iohanni Baptistae. Anno 1779 accidit vehemens turbo quamplurimas excuteret domus istius paroeciae, in littore maris aedi-

ficatas. Pontifex Pius VI aliquam ingenti ruinae ferre cupiens medelam, onus Architecto dedit, ut in solidiori basi novae extruerentur domus, inter litus maris et montis radices; ubi paroecialis Ecclesia immota mansit. Apud domus, iussu Pontificis noviter ex solo excitatas, in bonum spirituale christifidelium Ecclesia constructa fuit, et s. Pio V dicata anno 1785. Ne spiritualis deficeret adsistentia, Presbyter constitutus fuit in nova Ecclesia cum onere Missam celebrandi diebus festis, doctrinam christianam pueros edocendi, catechismum peragendi, sacramenta in genere administrandi, et infirmis adsistendi. Anno 1787, ut firmiori ratione fidelibus consuleretur per Vicarium curatum, congrua eidem quinquaginta scutatorum constituta et dimidium emolumentorum stolae concessum fuit, ex audientia SS<sup>m</sup>i.

Parvae inter Parochum et Vicarium curatum, successu temporis, agitatae fuerunt controversiae, quae insolutae manserunt. Nunc autem praesens prudentiae EE. Iudicum supponitur quaestio cuius haec est species. Marchio Laureati, divitiis et pietate conspicuus, humilitatis gratiâ, iussit ut proprium cadaver in Ecclesiam s. Pii V more pauperum efferretur. Post eius mortem, dispositio haec religiosam consecuta est executionem, neque Parochus obstitit. Quum tamen eidem innotuerit, marchionis filios, *die trigesima*, nobile velle funus pro anima patris explere, sibi solummodo, ait, ius esse funera, intra suae paroeciae limites peragendi; ita ut si haec in Ecclesia s. Pii explerentur, illuc accederet ad sacrum explendum ritum. Huiusmodi declaratio Vicario Parocho haud arridens, lis inter eos nata est, a quo ritus sollemnis conficeretur. Episcopalis Curia interdum, prudenti consilio, Parocho s. Ioannis Baptistae litteras dedit, ut sacram perficeret functionem, nomine et delegatione Episcopi. Dein iussit utramque partem deductiones facere, in sui iuris tutelam; quae deductiones haud respiciebant solemne funus tantum, sed indolem in genere et independentiam a parochia, nec non relationes Parochum inter et Vicarium curatum. Quibus expletis, eadem episcopalis Curia sententiam protulit, quoad quinque quaestiones principales, qua iura Ecclesiae matricis prorsus servantur. Constituit enim sententia, ad parochum huius Ecclesiae, ceu unicum Parochum, pertinere ius funera explendi etiam in Ecclesia



s. Pii V; super quam, utpote quae sit Ecclesia hand independens, neque exempta, sed filialis improprie, adiutrix, vel succursalis, plenam iurisdictionem Parochus habet; ceu plena est animarum cura, ad quam exercendam idem parochus ius et onus habet super omnes singulosque incolas, nedum antiquarum, sed etiam novarum domorum.

Ab hac sententia Vicarius curatus appellare statuit apud s. Congregationem Ep. et Reg. sub die 7 Februarii 1881: sed quum annus et ultra iam transiisset, neque appellationem prosecutus esset, Parochus s. Ioannis petiit ut appellatio perempta declareretur, aut saltem confirmaretur sententia Curiae episcopalis.

### Disceptatio Synoptica.

Duplex in themate fuit enucleanda quaestio; quoad nempe appellationis interpositae peremptionem, et quoad iura quae sibi quisque vindicavit Parochus et Vicarius Curatus.

ANIMADVERSIONES QUOAD PRIMAM QUAESTIONEM. Quoad appellationem ex officio animadversum fuit, eam peremptam esse, et sententiam Curiae episcopalis iam transiisse in rem iudicatam. Quando enim ille, cui adversa fuit sententia appellationem interponit, sed prosequi actus eiusdem appellationis, tempore utili, negligit, facto appellationi nuncium mittit, sententiamque excipit: *Iura enim vigilantibus succurrunt, dormientibus obstant.* Hinc pluribus in casibus appellatio interposita et postea deserta, nullius momenti reputatur: idque rite fieri certum est; eoquod evenire posset ut malâ partis victae cupiditate, inutiles fierent sententiarum effectus, litesque in aevum producerentur. Quamobrem Gregorianus Codex §. 969, 970, 97 hisce ut obviam iret incommodis sex integros indulget menses appellanti ad appellationem prosequendam; quo tempore inutiliter elapso iure pleno appellatio perimitur.

Ex iure canonico iam annus designatus fuerat prosequendae appellationis gratiâ, ad tradita per Huth *Ius Canonic tit. 28 de appellat. resp. 4.* « Annus incipit decurrere » a die interpositae appellationis. Intra id temporis, si appellans, iusto impedimento cessante, appellationem suam

» non fuerit prosecutus, deserta censebitur; ita tamen de  
 » appellatione introducta, sed non continuata pronuntiet  
 » iudex ad quem ». Idem praescribit Clementina 3 *de ap-  
 pel.* « quod si, iusto impedimento cessante, non fecerit, de-  
 » bebit eius appellatio deserta censi ». Iure ergo in the-  
 mate appellatio perempta censi debet; ex quo annus et  
 ultra elapsus sit et actus ad iudicem secundi gradus haud  
 transmissi sint.

Attamen haud omittendum esse, leges canonicas in suis  
 dispositionibus praeferre in praxi specialem aequitatem; si  
 praecipue constet de appellantis voluntate, et quod usque  
 ab initio adhibita non fuerit forma processus stricte regu-  
 laris. Idque evenisse in themate ipsa episcopalis Curia de-  
 posuit. Exemplum vero recens prostat in *Viterbien.* appel-  
 lationis die 13 Iunii 1879 (1): in qua haud admissa fuit  
 praescriptionis appellatio, quamvis pars succumbens, quum  
 obtinuisset *audiatur*, per tres annos litem non curaverit.

- DEFENSIO PAROCHI. Relate autem ad sententiam Curiae  
 episcopalis animadversum fuit quod novae domus iussu Pon-  
 tificis Pii VI extractae, usque adhuc non constituerint pa-  
 roeciam distinctam et a prima dismembratam. Quamvis au-  
 tem rescriptum extet s. Congregationis Ep. et Reg. diei  
 16 Aprilis 1869, per quod facultas facta fuit Ordinario dis-  
 membrandi illam Ecclesiam; tamen rescriptum hoc nullius  
 fuit roboris, quia municipium numquam congruam condi-  
 tionem impositam implevit.

Haud admittit eadem sententia in Ecclesia s. Pii V  
 erectam fuisse veram propriamque vicariam perpetuam; quia  
 documenta non adsunt, neque dismembratio antiquae paroe-  
 ciae facta, neque territorii limites designati fuerunt. Ex  
 quibus deduxit, numquam in Ecclesia s. Pii V institutum  
 fuisse Vicarium perpetuum, qui iure aequiparari possit Pa-  
 rochis: quoniam dari nequit in aliqua Ecclesia adesse vica-  
 rium perpetuum absque praecedenti erectione vicariati; Leu-  
 renius *For. Eccles. p. 1 q. 115.* Idque eo fortius verifica-  
 tur in Ecclesia s. Pii V, cuius Vicarius curatus onere missae  
 pro populo numquam auctus fuit. Neque prodest, ut cen-  
 seatur vicarius perpetuus, quod Cardinalis Corandini nomen  
 dederit vicarii curati Sacerdoti praeponendo Sacramento-

(1) Prostat quaestio haec Vol. XII pag. 631.

rum administrationi in Ecclesia s. Pii V. ex quo alia deficiunt requisita. De Luca ait in quaestione huic consimili *disc. 33 de paroch.* n. 11 « Sacerdos in ista nova Ecclesia » praepositus, non rector sed vicarius, seu adiutor rectoris » dicendus esset ».

Pariter neque relevat quod hic vicarius curatus institutionem ab Episcopo accipiat, post Municipii praesentationem; quia in iure novum non est quod parcho alicui designetur ab Episcopo cappellanus aut vicarius, qui parcho opem ferat in animarum ministerio; De Luca *loc. cit.* « Est quidem iste famulatus, sed necessarius, ut scilicet quis » cogatur habere illum famulum, vel ministrum, seu adiutorem, quem superior illi, quamvis invito, assignet. »

Praeterea eadem Curiae sententia recolit duo rescripta quae respiciunt statum vicarii curati, ut colligat eiusdem indolem. Per rescriptum diei 18 Augusti 1785 indulgetur duorum beneficiorum translatio ab Ecclesia matrici in Ecclesiam s. Pii V; et rector alterius ex illis deputatur in cappellanum curatum, adiectis certis oneribus. Per aliud vero rescriptum diei 31 Augusti 1787 indulta fuit reductio missarum Parcho Ecclesiae matricis, ut hic praestaret viginti scutata in annum pro congruae Vicarii curati complemento. Ex quibus ergo rescriptis emergit, Ecclesiam s. Pii V nil aliud esse quam succursalem, vel adiutricem veteris paroeciae, pro sollicitiori curae animarum implemento: et vicario curato eiusdem Ecclesiae nil aliud fuisse datum, quam determinata onera, cum certo emolumento. In actu institutionis nullum ius tributum umquam fuit vicario curato, qui nullum exercuit officium parochiale. Et re quidem vera numquam baptizare valuit, matrimoniis adsistere, communionem paschalem administrare, admittere ad primam communionem pueros, funera explere, statum animarum conficere, et alia exequi quae parochi sunt propria; quaeque a Parcho Ecclesiae s. Ioannis Baptistae peraguntur. Ex quibus colligit: 1. curam et ius parochiale integrum permanere apud Ecclesiam matricem; 2. unicam in oppido Grottammare esse paroeciam, et unum eius rectorem; 3. sacerdotem novae ecclesiae praepositum nil aliud esse, quam parochi Ecclesiae matricis coadiutorem, iuxta De Luca *cit. disc. n. 10.* « Cum » formalis erectio novae paroeciae independentis, ex hac parte

» praetensa, secuta non esset, ita ut revera unica parochia  
 » esset dicta antiqua, seu matrix, moderna vero per quam-  
 » dam improprietatem, potiusquam proprie dicta filialis, esset  
 » adiutrix, eiusque pars vel membrum: consequenter sacer-  
 » dos in ista praepositus non rector, sed vicarius seu adiutor  
 » rectoris dicendus est ».

Tandem quoad dimidium emolumentorum stolae, vicario tributum per rescriptum diei 31 Augusti 1787, animadvertit sententia episcopalis Curiae, Parochum illius temporis, apud Episcopum proprium reclamavisse propter aequivocationem in rescripto incursum: etenim dici debuit, quarta pars, loco dimidii. Praeterea hanc divisionem numquam ad actum inductam fuisse notatum fuit: hinc nec ex consuetudine, quae deest, cogi potest Parochus matricis nuncium mittere iuri parochiali; id quod numquam fecerunt eius praedecessores. Hisce ergo innixus argumentis expetit Parochus matricis ut sententia Curiae episcopalis plene confirmetur.

DEFENSIO VICARII CURATI. Duplex, ait iste, est vicariorum genus: sunt enim in iure canonico vicarii temporanei, et vicarii perpetui; quorum indolem determinat, Ferraris *V. Vicarius parochialis*. « Vicarius perpetuus dicitur » qui auctoritate Episcopi canonice est institutus ad de- » serviendum alicui Ecclesiae loco principalis rectoris, » cum assignatione congruae portionis fructuum, quos inde » percipere debet. Dicitur canonice institutus, nam vicarii » perpetui habent verum titulum. Vicarius vero temporalis » dicitur qui auctoritate Episcopi pro peragendo ecclesia- » stico servitio, in locum alterius, ad tempus, sive ad volun- » tatem constituentis sufficitur ».

Vicarium s. Pii V esse perpetuum erui ex canonica institutione ab Episcopo facta, absque ulla clausula, quae innuat officii amovibilitatem; quin Parochus matricis sese ingerere queat in eius praesentationem aut nominationem. Eadem res eruitur quoque ex conventionem adstipulata praestandi emolumentorum dimidium, et ab onere sibi invicem coadiuvandi in casu necessitatis.

Quoad iura vicarii perpetui animadvertendum est quod vicarius perpetuus in Ecclesia parochiali *canonice institutus* acquirit ius in re, verumque titulum canonicum in tali beneficio.

Quod firmavit etiam sequenti animadversione; nempe Vicarii perpetui in quos tota cura animarum translata est, dicuntur habere vere titulum Ecclesiae parochialis, et curam animarum non tantum in exercitio, sed etiam in habitu; et quamvis proprie non dicantur rectores curae animarum, cum enim canonico titulo sunt subrogati in animarum curam, ad omnia tenentur, ad quae tenentur rectores. Unde pro regula constituitur, ut dispositio loquens de parochiali habeat locum in Vicario perpetuo, qui venit appellatione beneficii curati.

Ex hac animadversione eruit Vicarius curatus; sese esse Vicarium perpetuum in Ecclesia s. Pii V, propter suam canonicam institutionem, et possessionem, ob stolae emolumenta ab eodem percipienda, ob celebrationem missae in quolibet die Hebdomadae maioris, et ob domorum benedictionem in Sabbato sancto. Et consequenter, quum iura sua certa ac determinata sint, Parochus matricis nequibat, invito Vicario, sacram implere functionem ab haeredibus marchionis Laureati, Vicario commissam. Docent enim Liturgistae, exequias defunctorum post tumulationem, haud accenseri posse iuribus parochialibus; Baruffaldi *tit. de exequiis n. 9.* « Ius » celebrandi exequias non comprehenditur inter iura parochialia ».

Prosequutus suam defensionem Vicarius ait: sese haud esse servum necessarium, sed Vicarium cum institutione, qui habet exercitium curae in actu; ex quo arguit illegalem fuisse praesentiam Parochi matricis in praedicto funere. Neque maiora sibi tribuit iura illis quae sibi indulgent citata Pontificis rescripta; quae a dismembratione qualibet praescindunt. Si enim dismembratio adfuisset, duae existerent paroeciae distinctae, quaestioque praesens exularet, quae innititur existentiae Paroeciae et Vicariati perpetui. Sed si Vicarius est perpetuus habet ius in re, et titulum canonicum; et tota cura actualis, seu cura quoad exercitium, competit Vicario. Neque dici potest Vicarius temporalis, quia hoc in casu inutilis foret patroni praesentatio et immissio in possessionem *cum omnibus oneribus et emolumentis in dictis rescriptis Sanctitatis Suae assignatis*; quae clausulae innunt conditionem rectoris esse vicarii perpetui.

Parum vero vel nihil refert quod territorium formiter

non fuerit divisum; sufficit enim factum materialis divisionis; cum fideles veteris oppidi, numero 449 omnino distincti sint a fidelibus novi oppidi numero 1449; et quisquis ex contententibus suas agnoscat oves, eas benedicit, servatque in benedicendo domus, die Sabbati sancti, materialem divisionem, quam sequitur in funeribus et in reliquis.

Ex eo autem quod vicarius s. Pii V missam pro populo non applicat, colligi nequit, ut facit contraria sententia, illum non esse vicarium, sed adiutorem rectoris. Nam citata Pontificis rescripta consulere noluerunt Parochi commodo, sed novae Ecclesiae; ut inibi divina officia fierent, christifideles missam audirent, sacramenta, aliaque spiritualia exercitia reciperent. Cum ageretur de bono populi provehendo, Parochus matricis haud interfuit neque auxilium petiit.

Exclusâ cappellani auxiliaris ideâ, manet vicarii curati conceptus; quo in casu facile intelligitur curam ad Pontificis auctoritatem usque recursum fuerit, et qua de causa huius vicarii curati, cum onere residentiae, determinatae fuerint obligationes, eiusque favore constitutum emolumentorum dimidium.

Ex quibus omnibus conclusit orator, vicarium s. Pii V esse perpetuum et inamovibilem; et proinde Parochum matricis nequivisse sese ingerere in funus marchionis Laureati. Quia quum curae exercitium demandatum sit vicario curato, *cura actualis* ablata fuit a Parocho matricis; et quia exequiae expletæ, non praesente cadavere, non cooptantur inter functiones paroeciales, et conficiendae erunt a vicario curato.

Hisce aliisque praemissis, duo enucleanda proposita fuere

### Dubia.

I. *An iocum sit peremptioni appellationis in casu.*

Et quatenus negative

II. *An, et quomodo confirmanda, vel infirmanda sit sententia Curiae episcopalis in casu.*

RESOLUTIO. Sacra Congr. Ep. et Reg. re ponderata, sub die 27 Aprilis 1883 censuit respondendum:

Ad I. *Providebitur in secundo.*

Ad II. *Resolutionem Curiae episcopalis esse confirmandam.*

EX QUIBUS COLLIGES :

I. Duplicis esse generis vicarios parochiales; perpetuos, nempe et temporales: perpetui ab Episcopo instituuntur loco principalis rectoris, cum assignatione congruae portionis fructuum ad inserviendum cuiusdam ecclesiae; temporales vero sufficiuntur pro peragendo ecclesiastico servitio in locum alterius, ad tempus, seu ad voluntatem constituentis superioris.

II. Innumera autem esse argumenta quae suadent, vicarios perpetuos praefereandos esse vicariis temporalibus, qui non sunt instituti in ecclesiis: decet enim ut quaelibet Ecclesia proprium habeat sacerdotem, ceu sponsa virum, qui eam caste et sincere regat.

III. Naturale vitium est negligere quod a pluribus communiter possidetur, neque se nihil habere, qui non totum habeat, arbitretur.

IV. Vicarios temporales, ad nutum amovibiles ecclesiam minus diligere, nec ovium sollicitam curam gerere; quum saepe removeantur, etiam sine causa, quia verum titulum non habent, et nomine alieno agunt.

V. Vicarios perpetuos in quos tota cura animarum transfertur, quique habent verum titulum ecclesiae parochialis, constitui non posse, nisi prius erigatur vicaria perpetua.

VI. Vicariam perpetuam in themate erectam non fuisse videri; deficiunt enim acta et documenta, quae id probent: neque vetus paroecia reapse unquam dismembrata fuit, neque vicarius onere missae pro populo unquam auctus est.

VII. Hinc vicarium in themate frui siquidem perpetuitate; sed qua rector beneficii perpetui ad quod praesentatur a municipio patrono, et in quo instituitur ab Episcopo: minime vero qua vicarius in exercitio curae animarum in ecclesia succursali. Ex quo enim vetus paroecia dismembrata non fuit, unica manet Ecclesia matrix, et ipse vicarius non rector. sed adiutor rectoris dicendus est.

## EX S. CONGREGATIONE RITUUM

---

### OSTIEN. ET VELITERNEN.

Dubia quoad officium votivum in octava alicuius festi et quoad lectiones legendas in primo nocturno in festo s. Dominici.

Hodiernus Redactor Kalendarii pro usu Dioeceseos Ostien. et Veliternen. a Sacra Rituum Congregatione haec declarari humillime expetivit, nimirum:

I. Quotiescumque infra Octavam alicuius Festi eam habentis non occurrat Duplex vel Semiduplex, neque ullum Festum ad tramitem novarum rubricarum reponendum sit, fieri ne prorsus debet de Octava, aut licitum est recitare Officium votivum respectivum prouti ex Decreto Urbis et Orbis diei 5 Iulii vertentis anni indultum fuit?

II. In Festo sancti Dominici confessoris, nuper a SSmo Dño Nostro Leone Papa XIII ad ritum duplicem maiorem evecto, quae nam lectiones in primo Nocturno legendae sunt?

Et Sacra eadem Congregatio ad relationem infrascripti Secretarii sic rescribendum censuit:

Ad I. *Affirmative ad primam partem; negative ad secundam.*

Ad II. *Legendae sunt Lectiones de Communi Confessoris non Pontificis secundo loco.* BEATUS VIR.

Atque ita declaravit, rescripsit ac servari mandavit die 13 Augusti 1883.

---

## OFFICIA VOTIVA PER ANNUM

---

Officia haec Votiva per annum ritu Semiduplici pro singulis hebdomadae Feriis a Summo Pontifice LEONE XIII per Decretum Urbis et Orbis Sacrorum Rituum Congregationis die 5 Iulii 1883 generali Indulto concessa, persolvi possunt, iuxta idem Indultum, loco Officiorum Ferialium occurrentium, quocumque anni tempore, exceptis Feria IV Cinerum, Feriis totius temporis Passionis, ac Sacri



Adventus a die 17 ad 24 Decembris inclusive. Habent iuxta Rubricas prout alia Festa Semiduplicia novem Lectionum, tum Commemorationes Ferie et Festi simplicis occurrentis, tum nonam Lectionem de Homilia super Evangelium eiusdem Ferie, aut de Sancto. Adduntur Commemorationes communes, seu Suffragia Sanctorum ut in Psalterio, si faciendae sint, omissa Commemoratione eius, de quo fit Officium Votivum. Si die praecedenti aut sequenti occurrat Officium aliud quodcumque novem Lectionum, Vesperae Officii Votivi currentis ordinandae erunt iuxta Rubricam de *Concurrentia Officii*.

## PRO FERIA II.

## OFFICIUM VOTIVUM

## DE SANCTIS ANGELIS

## SEMIDUPLEX

In I. Vesperis.

*Antiph.* Angeli Domini. cum  
*reliqu. de Laud. Psalmi ut in*  
*I. Vesp. de Communi Apost.*

*Capitulum. Exod. 23. d.*

Ecce ego mittam Angelum meum, qui praecedat te, et custodiat in via, et introducat in locum quem paravi. Observa eum, et audi vocem eius.

## Hymnus.

Te splendor et virtus Patris,  
Te, vita, Iesu, cordium,  
Ab ore qui pendent tuo,  
Laudamus inter Angelos.  
Tibi mille densa millium  
Ducum corona militat:  
Sed explicat victor crucem  
Michaël, salutis signifer.  
Draconis hic dirum caput

In ima pellit tartara,  
Ducemque cum rebellibus  
Coelesti ab arce fulminat.

Contra ducem superbiae  
Sequamur hunc nos principem,  
Ut detur ex Agni throno  
Nobis corona gloriae.

Patri simulque Filio,  
Tibique, sancte Spiritus,  
Sicut fuit, sit iugiter  
Saeclum per omne gloriae.  
Amen.

ÿ. In conspectu Angelorum  
psallam tibi, Deus meus. ñ. Adorabo ad templum sanctum tuum, et confitebor nomini tuo.

*Ad Magnif: Ant.* Omnes sunt\*  
administratorii spiritus, in ministerium missi propter eos, qui haereditatem capiunt salutis.

## Oratio.

Deus, qui miro ordine Angelorum ministeria, hominumque dispensas: concede propitius; ut a quibus tibi ministrantibus in caelo semper assistitur, ab his in terra vita nostra muniatur. Per Dominum.

*Ad Matutinum.*

*Invit.* Regem Angelorum Dominum; \* Venite, adoremus.

*Ps.* Venite exultemus.

*Hymnus.* Te splendor. *ut supra.*

## In I. Nocturno.

*Ant.* Multa magnalia \* de Michaële Archangelo, qui fortis in praelio fecit victoriam.

*Ps.* 8. Domine, Dominus noster.

*Ant.* Gabriel Archangelus locutus est Mariae dicens: Ecce concipies in utero et paries Filium et vocabis nomen eius Iesum.

*Ps.* 10. In Domino confido.

*Ant.* Benedicite Deum coeli,\* dixit Angelus Raphael, et coram omnibus viventibus confitemini ei, quia fecit vobiscum misericordiam suam.

*Ps.* 14. Domine, quis habitabit.

‡. Stetit Angelus iuxta aram templi.

℞. Habens thuribulum aureum in manu sua.

*Lectio I. Nocturni de Scriptura occurrente.*

℞. i. Venit Michaël Archangelus cum multitudine Angelorum, cui tradidit Deus animas sanctorum, \* Ut perducatur eas in paradysum exultationis.

‡. Emitte, Domine, Spiritum

sanctum tuum de coelis, spiritum sapientiae et intellectus. Ut perducatur.

℞. ii. Respondit Angelus Domini, et dixit; Domine exercituum, \* Usquequo tu non misereberis Ierusalem et urbium Iuda, quibus iratus es?

‡. Iste enim septuagesimus annus est. Usquequo.

℞. iii. In conspectu Gentium nolite timere: vos enim in cordibus vestris adorare et timere Dominum: \* Angelus enim eius vobiscum est.

‡. Stetit Angelus iuxta aram templi, habens thuribulum aureum in manu sua. Angelus.

Gloria Patri. Angelus.

*In quadragesima vero et Feria II. Rogationum dicuntur sequentes Lectiones.*

## De libro Exodi.

*Lectio i. Cap. 23. d.*

Ecce ego mittam Angelum meum, qui praecedat te, et custodiat in via, et introducat in locum quem paravi. Observa eum, et audi vocem eius, nec contemnendum putes: quia non dimittet cum peccaveris, et est nomen meum in illo. Quod si audieris vocem eius, et feceris omnia quae loquor, inimicus ero inimicis tuis, et affligam affligentes te. Praecedetque te Angelus meus.

℞. Venit Michaël.

Ex Zacharia Propheta.

*Lectio II Cap. 1. b. ii.*

Factum est verbum Domini ad Zachariam, filium Barachiae, filii Addo, prophetam, dicens: Vidi per noctem, et ecce vir ascendens super equum rufum, et ipse stabat inter myrteta, quae erant in profundo: et post eum equi rufi, varii, et albi. Et dixi: Quid sunt isti, Domine mi? Et dixit ad me Angelus, qui loquebatur in me: Ego ostendam tibi quid sint haec. Et respondit vir, qui stabat inter myrteta, et dixit: Isti sunt, quos misit Dominus ut perambulent terram. Et responderunt Angelo Domini, qui stabat inter myrteta, et dixerunt: Perambulavimus terram, et ecce omnis terra habitatur, et quiescit.

ñ). Respondit Angelus.

*Lectio iii. Cap. 2.*

Et levavi oculos meos, et vidi: et ecce vir, et in manu eius funiculus mensorum. Et dixi: Quo tu vadis? Et dixit ad me: Ut metiar Ierusalem, et videam quanta sit latitudo eius, et quanta longitudo eius. Et ecce Angelus, qui loquebatur in me, egrediebatur, et Angelus alius egrediebatur in occursum eius. Et dixit ad eum: curre, loquere ad puerum istum, dicens: Absque muro habitatur Ierusalem prae multitu-

dine hominum et iumentorum in medio eius. Et ego ero ei, ait Dominus, murus ignis in circuitu; et in gloria ero in medio eius.

ñ). In conspectu.

In II Nocturno.

*Ant.* Ascendit fumus \* aromatum in conspectu Domini de manu Angeli.

*Ps. 18.* Coeli enarrant.

*Ant.* Immittet Angelus Domini \* in circuitu timentium eum, et eripiet eos.

*Ps. 23.* Domini est terra.

*Ant.* Laudemus Dominum, \* quem laudant Angeli, quem Cherubim et Seraphim, Sanctus, Sanctus, Sanctus, proclamant.

*Ps. 33.* Benedicam Dominum.

ÿ). Ascendit fumus aromatum in conspectu Domini. ñ). De manu Angeli.

De Sermone S. Gregorii  
Papae.

*Ex Homilia 34. in Evang.*

Lectio iv.

Quia Angelorum nomina interpretando perstrinximus, superest, ut ipsa officiorum vocabula breviter exsequamur. Virtutes etenim vocantur illi nimirum spiritus, per quos signa et miracula frequentius fiunt. Potestates etiam vocantur hi, qui hoc potentius ceteris in suo ordine perceperunt, ut eorum ditioni virtutes

adversae subiectae sint, quorum potestate refraenantur, nec corda hominum tantum tentare praevalent, quantum volunt.

℞. Omnes Angeli stabant in circuitu throni, et seniorum, et quatuor animalium: \* Et ceciderunt in conspectu throni in facies suas, et adoraverunt Deum. ℣. Adorate Dominum omnes Angeli eius. Et ceciderunt.

#### Lectio v.

Principatus etiam vocantur, qui ipsis quoque bonis Angelorum spiritibus praesunt, qui subiectis aliis dum quaeque sunt agenda disponunt, eis ad explenda divina ministeria principantur. Dominationes autem vocantur, qui etiam potestates principatum dissimilitudine alta transcendunt. Nam principari est inter reliquos priorem existere: dominari vero est etiam subiectos quosque possidere. Throni quoque illa agmina sunt vocata, quibus ad exercenda iudicia semper Deus omnipotens praesidet. Unde et per Psalmistam dicitur: Sedes super thronum, qui iudicas aequitatem.

℞. Stetit Angelus iuxta aram templi, habens thuribulum aureum in manu sua, et data sunt ei incensa multa: \* Et ascendit fumus aromatum de manu Angeli in conspectu Domini. ℣. In conspectu Angelorum psallam tibi: adorabo ad templum sanctum

tuum, et confitebor nomini tuo, Domine. Et ascendit.

#### Lectio vi.

Cherubim quoque plenitudo scientiae dicitur; et sublimiora illa agmina idcirco Cherubim vocata sunt, quia tanto perfectiori scientia plena sunt, quanto claritatem Dei vicinius contemplantur. Seraphim etiam vocantur illa spirituum sanctorum agmina, quae ex singulari propinquitate Conditoris sui incomparabili ardent amore. Seraphim namque ardentes vel incendentes vocantur; quorum profecto flamma amor est: quia quo subtilius claritatem divinitatis eius adspiciunt, eo validius in eius amore flammescunt.

℞. In conspectu Angelorum psallam tibi, et adorabo ad templum sanctum tuum: \* Et confitebor nomini tuo, Domine.

℣. Super misericordia tua et veritate tua: quoniam magnificasti super nos nomen sanctum tuum. Et. Gloria Patri. Et.

#### In III. Nocturno.

*Ant.* Misit Dominus \* Angelum suum, qui percussit omnem virum robustum, et bellatorem, et principem exercitus regis Assyriorum.

*Ps. 95.* Cantate Domino.

*Ant.* Adorate Dominum \* omnes Angeli eius: Audivit, et laetata est Sion.

*Ps. 96. Dominus regnavit.*

*Ant. Benedicite Domino \* omnes Angeli eius, potentes virtute, facientes verbum illius ad audiendam vocem sermonum eius.*

*Ps. 102. Benedic anima mea Domino.*

ÿ. In conspectu Angelorum psallam tibi, Deus meus.

ñ. Adorabo ad templum sanctum tuum, et confitebor nomini tuo.

Sequentia sancti Evangelii secundum Ioannem.

*Cap. 1.*

In illo tempore: Vidit Iesus Nathanaël venientem ad se, et dicit de eo: Ecce vere Israëlita, in quo dolus non est. Et reliqua.

Homilia sancti Bernardi  
Abbatis.

*In Ps. Qui habitat.*

*Sermo 11.*

Lectio vii.

Quae vero sunt sanctorum Angelorum viae? Profecto illae, quas Unigenitus enarravit, dicens: Videbitis Angelos ascendentes et descendentes super Filium hominis. Ascensio igitur et descensio viae illorum; ascensio propter se, descensio, vel potius condensio propter nos. Sic beati illi spiritus ascendunt per contemplationem Dei, descendunt per compassionem tui, ut custodiant te in omnibus viis tuis. Ascendunt ad

vultum eius, descendunt ad nutum eius: quoniam Angelis suis mandavit de te. Nec tamen vel descendendo visione gloriae fraudantur, quia semper vident faciem Patris.

ñ. Angelus Domini descendit cum Azaria et sociis eius in fornacem, et excussit flammam ignis de fornace: \* Et non tetigit eos omnino ignis, neque contristavit.

ÿ. Benedictus Deus eorum, qui misit Angelum suum, et eruit servos suos, qui crediderunt in eum. Et non.

Lectio viii.

Cum ascendunt ad contemplationem, inquirunt veritatem, de qua et desiderando satiantur, et satiando desiderant, Cum vero descendunt, faciunt nobiscum misericordiam, ut custodiant nos in omnibus viis nostris. Administratorii enim spiritus sunt, missi in ministerium propter nos. Plane ministri nostri, non domini nostri. Et in hoc Unigeniti formam imitantur, qui non venit ministrari, sed ministrare, qui stetit inter discipulos tamquam qui ministrat. Fructus angelicarum viarum, quod ad ipsos spectat, sua ipsorum beatitudo, et obedientia est caritatis: quod autem ad nos pertinet, inde quidem obtentus divinae gratiae, hinc vero custodia viae nostrae: siquidem Angelis suis mandavit

de te, ut custodiant te in omnibus indigentis tuis.

ꝛ. Tu, Domine, qui misisti Angelum tuum sub Ezechia, rege Iuda, et interfecisti de castris Sennacherib centum octoginta quinque millia: \* Et nunc Dominator coelorum mitte Angelum tuum bonum ante nos, in timore et tremore magnitudinis brachii tui.

ꝥ. Ut metuant qui cum blasphemia veniunt adversus sanctum populum tuum. Et. Gloria Patri. Et.

### Lectio ix.

Interim ergo mandavit Angelis suis Deus, non quidem ut amoveant te a viis tuis, sed in eis ipsis te custodiant, et quasi per vias suas, vias tuas dirigant in vias ipsius. Quonam modo, inquis? Nempe ut quod Angelus ex sola caritate purius agit, ut propria saltem necessitate compulsus et admonitus, descendas, et condescendas; exhibere scilicet proximo misericordiam: et rursus cum eodem Angelo levans desideria tua, tota animi cupiditate ascendere studeas ad summam et perpetuam Veritatem. Hinc enim monemur levare corda nostra cum manibus; hinc audimus quotidie: Sursum corda. Hinc quoque negligentes arguimur, et dicitur nobis: Filii hominum, usquequo gravi corde? ut quid diligentis vanitatem et quaeritis

mendacium? Exoneratum enim cor et leve levatur magis, ut quaerat et diligit veritatem.

Te Deum laudamus.

### *Ad Laudes et per Horas.*

*Ant. 1. Angeli Domini \* Dominum benedicite in aeternum.*

*Ps. Dominus regnavit cum reliquis.*

*2. Angelis suis \* Deus mandavit de te, ut custodiant te in omnibus viis tuis.*

*3. Angeli eorum \* semper vident faciem Patris mei, qui est in coelis.*

*4. Laudate Deum, \* omnes Angeli eius, laudate eum, omnes virtutes eius.*

*5. Angeli, Archangeli, \* Throni et Dominationes, Principatus et Potestates, Virtutes coelorum, laudate Dominum de coelis, alleluia.*

### *Capitulum, ut in primis Vesperis.*

#### *Hymnus.*

Christe, sanctorum decus Angelorum,

Gentis humanae Sator et Redemptor,

Coelitum nobis tribuas beatas.

Scandere sedes.

Angelus pacis Michael in aedes

Coelitus nostras veniat, serenae.

Auctor ut pacis lacrimosa in  
orcum

Bella releget.

Angelus fortis Gabriel, ut  
hostes

Pellat antiquos, et amica  
coelo,

Quae triumphator statuit per  
orbem,

Templa revisat.

Angelus nostrae medicus sa-  
lutis

Adsit e coelo Raphaël, ut  
omnes

Sanet aegrotos, dubiosque  
vitae

Dirigat actus.

Virgo dux pacis, Genitrixque  
lucis

Et sacer nobis chorus Ange-  
lorum

Semper assistat, simul et mi-  
cantis

Regia coeli.

Praestet hoc nobis Deitas  
beata

Patris, ac Nati, pariterque  
Sancti

Spiritus, cuius resonat per  
omnem

Gloria mundum. Amen.

ÿ. In conspectu Angelorum  
psallam tibi, Deus meus. ñ. Ado-  
rabo ad templum sanctum tuum,  
et confitebor nomini tuo.

*Ad Benedictus.* *Ant.* Ange-  
lus, qui loquebatur \* in me, et  
suscitavit me, quasi virum qui  
suscitatur a somno suo.

*Oratio.*

Deus, qui miro ordine. *ut  
supra.*

*Ad Tertiam.*

*Ant.* Angelis suis.

*Capit.* Ecce ego. *ut supra.*

ñ. *br.* Stetit Angelus \* Iuxta  
aram templi. Stetit.

ÿ. Habens thuribulum au-  
reum in manu sua. Iuxta. Gloria  
Patri. Stetit.

ÿ. Ascendit fumus aromatum  
in conspectu Domini.

ñ. De manu Angeli.

*Ad Sextam.*

*Ant.* Angeli eorum.

*Capitulum.* *Apoc.* 5. c.

Audivi vocem Angelorum mul-  
torum in circuitu throni, et ani-  
malium, et seniorum: et erat nu-  
merus eorum millia millium, voce  
magna dicentium: Salus Deo no-  
stro.

ñ. *br.* Ascendit fumus aro-  
matum \* In conspectu Domini.  
Ascendit.

ÿ. De manu Angeli. In con-  
spectu. Gloria Patri. Ascendit.

ÿ. In conspectu Angelorum  
psallam tibi, Deus meus. ñ. Ado-  
rabo ad templum sanctum tuum,  
et confitebor nomini tuo.

*Ad Nonam.*

*Ant.* Angeli, Archangeli.

*Capitulum.* *Apoc.* 12. b.

Factum est praelium magnum  
in coelo: Michaël et Angeli eius

praeliabantur cum dracone, et draco pugnabat, et angeli eius: et non praevaluerunt, neque locus inventus est eorum amplius in coelo.

℞. *br.* In conspectu Angelorum \* Psallam tibi, Deus meus. In.

✚. Adorabo ad templum sanctum tuum, et confitebor nomini tuo. Psallam. Gloria Patri. In.

✚. Adorate Deum. ℞. Omnes Angeli eius.

*In II. Vesperis.*

*Ant.* Angeli Domini. *cum reliquis, de Laud. Psalmi ut in primis Vesperis; et loco ultimi.*

*Ps. 137.* Confitebor tibi Domine in toto corde meo: \* quoniam audisti.

*Capit. et Hymnus ut supra in I. Vesperis.*

✚. In conspectu Angelorum psallam tibi, Deus meus. ℞. Adorabo ad templum sanctum tuum, et confitebor nomini tuo.

*Ad Magnif. Ant.* Sancti Angeli, \* qui Deo in coelis semper adsistitis, defendite nos in praedio, ut non pereamus in tremendo iudicio.

PRO FERIA III.

OFFICIUM VOTIVUM

DE SANCTIS APOSTOLIS

SEMIDUPLEX

*Omnia de Communi Apostolorum iuxta diversitatem temporis, praeter sequentia.*

*Oratio.*

Deus, qui nos per beatos Apostolos tuos ad agnitionem tui nominis venire tribuisti: da nobis eorum gloriam sempiternam et proficiendo celebrare, et celebrando proficere. Per Dominum nostrum.

*In I. Nocturno.*

*Lectiones de Scriptura occurrente. In Quadragesima vespere.* Sic nos existimet homo. *de communi Apostolorum.*

*In II. Nocturno.*

De Sermone S. Augustini  
Episcopi.

*Sermo 43. de Sanctis.*

Lectio iv.

Isti sunt lux mundi: quia per ipsos lumen fidei, et verae scientiae primum Dominus huic mundo tradidit et ab errorum ac peccatorum tenebris gentes et populos eruit. Isti sunt sal terrae:



...trahat non a-  
 ...este desidera-  
 ...ponere. sed  
 ...mibus a. edifi-  
 ...sentium re-  
 ...um divitias  
 ...esaurum ap-  
 ...edicinas quae-  
 ... sed omnes  
 ...micos in Deo  
 ... Deum: quia  
 ...a dilectio.  
 ... am maledixe-  
 ... et persecuti  
 ...erint omne  
 ...s. mentien-  
 ...aniete et  
 ...ras vestra

...zines,  
 ...-expro-  
 ...-en ve-  
 ...pter

C  
 9  
 possi  
 rabe  
 et cor  
 d

domare, quia nihil amaverunt in omni re, nisi Dei voluntatem. Ita et nos, fratres, diligamus in omnibus rebus Dei facere voluntatem, et creatorem nostrum amemus in semetipso, creaturam vero in conditore suo, et sic habebimus ordinatissimam caritatem: quia Deus caritas est, et qui diligit hanc dilectionem, diligit Deum. Et si ita dilexerimus, diligit nos ipse Deus, diligunt nos et sancti Apostoli iudices nostri, et exorant pro nobis, ut in universali iudicio Christi cum ipsis in perpetuum coronemur.

℞. Isti sunt triumphatores, et amici Dei, qui contemnentes iussa principum, meruerunt praemia aeterna: \* Modo coronantur et accipiunt palmam.

℣. Isti sunt, qui venerunt ex magna tribulatione, et laverunt stolas suas in sanguine Agni. Modo. Gloria Patri. Modo.

*Tempore Paschali.*

℞. Isti sunt agni novelli, qui annuntiaverunt, alleluia: modo venerunt ad fontes. \* Repleti sunt claritate, alleluia, alleluia.

℣. In conspectu Agni amicti sunt stolis albis, et palmae in manibus eorum. Repleti.

Gloria Patri. Repleti.

*In III. Nocturno.*

Lectio sancti Evangelii secundum Matthaeum.

Lectio vii. Cap. 19.

In illo tempore: Dixit Petrus ad Iesum: Ecce nos reliquimus omnia, et secuti sumus te: quid ergo erit nobis? Et reliqua.

Homilia S. Hilarii Episcopi.

*Comm. in Matth. cap. 20.*

Apostoli dictis Domini haec reddunt, reliquisse se omnia, et cum ipso esse. Quibus Dominus, cum sederit in maiestatis suae sede, sessuros super sedes duodecim, ac totidem tribus Israël iudicaturos spondit; omnibusque qui universa reliquerint propter nomen eius, fructum centupli praemii reservatum: multos autem ex novissimis primos, et ex primis futuros novissimos. Multa sunt quae non sinunt nos simplici intellectu dicta Evangelica suscipere.

℞. Isti sunt, qui viventes in carne, plantaverunt Ecclesiam sanguine suo: \* Calicem Domini biberunt, et amici Dei facti sunt.

℣. In omnem terram exivit sonus eorum, et in fines orbis terrae verba eorum. Calicem.

*Tempore Paschali.*

Ego sum vitis vera, et vos palmites: \* Qui manet in me, et ego in eo, hic fert fructum multum, alleluia, alleluia. ℣. Sicut dilexit me Pater, et ego dilexi vos. Qui.

quia per eos terrigenae condimentum saporis vitae aeternae perceperunt, ut restringerent carnis lasciviam, et a putredine peccatorum et vitiorum vermibus servarentur illaesi. Isti sunt lapides pretiosi, quos in fundamento coelestis aedificii positos Ioannes in Apocalypsi sua describit: quia praedicatio eorum Ecclesiae fundamenta locavit. Unde et Paulus ait: Vos estis cives Sanctorum et domestici Dei, superaedificati super fundamentum Apostolorum et Prophetarum.

℞. Vidi coniunctos viros habentes splendoras vestes, et Angelus Domini locutus est ad me, dicens: \* Isti sunt viri sancti, facti amici Dei. ∫. Vidi Angelum Dei fortem, volantem per medium coelum, voce magna clamantem et dicentem. Isti.

*Tempore Paschali.*

℞. Lux perpetua lucebit sanctis tuis, Domine, \* Et aeternitas temporum, alleluia, alleluia. ∫. Laetitia sempiterna erit super capita eorum: gaudium et exultationem obtinebunt. Et.

• Lectio v.

Hoc ergo considerantes, fratres carissimi, quae tanti duces populi nos docuerunt, studeamus factis implere, quae illi iusserunt. Discamus eorum exemplo mundi divitias contemnere, prae-

sentis saeculi voluptatem non amare, regnum coeleste desiderare, Christo nihil praepondere, sed eius mandatis in omnibus obedire, paupertatem praesentium rerum diligere, virtutum divitias habere, sapientiae thesaurum appetere, spirituales delicias quaerere, nulli invidere, sed omnes homines diligere, amicos in Deo et inimicos propter Deum; quia haec est vera et sola dilectio.

℞. Beati estis cum maledixerint vobis homines, et persecuti vos fuerint, et dixerint omne malum adversum vos, mentientes propter me: \* Gaudete et exultate, quoniam merces vestra copiosa est in coelis.

∫. Cum vos oderint homines, et cum separaverint vos et exprobraverint, et eiecerint nomen vestrum tamquam malum propter Filium hominis. Gaudete.

*Tempore Paschali.*

℞. Virtute magna reddebant Apostoli \* Testimonium resurrectionis Iesu Christi Domini nostri, alleluia, alleluia. ∫. Repleti quidem Spiritu sancto loquebantur cum fiducia verbum Dei. Testimonium.

Lectio vi.

Isti ergo Principes nostri, in amore Dei perfectissimi, et in proximorum dilectione impleti, hinc potuerunt mundi impetum vincere, et cruentum saeculum

domare, quia nihil amaverunt in omni re, nisi Dei voluntatem. Ita et nos, fratres, diligamus in omnibus rebus Dei facere voluntatem, et creatorem nostrum amemus in semetipso, creaturam vero in conditore suo, et sic habebimus ordinatissimam caritatem: quia Deus caritas est, et qui diligit hanc dilectionem, diligit Deum. Et si ita dilexerimus, diligit nos ipse Deus, diligunt nos et sancti Apostoli iudices nostri, et exorant pro nobis, ut in universali iudicio Christi cum ipsis in perpetuum coronemur.

℞. Isti sunt triumphatores, et amici Dei, qui contemnentibus iussa principum, meruerunt praemia aeterna: \* Modo coronantur et accipiunt palmam.

℣. Isti sunt, qui venerunt ex magna tribulatione, et laverunt stolas suas in sanguine Agni. Modo. Gloria Patri. Modo.

*Tempore Paschali.*

℞. Isti sunt agni novelli, qui annuntiaverunt, alleluia: modo venerunt ad fontes. \* Repleti sunt claritate, alleluia, alleluia.

℣. In conspectu Agni amici sunt stolis albis, et palmae in manibus eorum. Repleti.

Gloria Patri. Repleti.

*In III. Nocturno.*

Lectio sancti Evangelii secundum Matthaeum.

Lectio vii. Cap. 19.

In illo tempore: Dixit Petrus ad Iesum: Ecce nos reliquimus omnia, et secuti sumus te: quid ergo erit nobis? Et reliqua.

Homilia S. Hilarii Episcopi.

*Comm. in Matth. cap. 20.*

Apostoli dictis Domini haec reddunt, reliquisse se omnia, et cum ipso esse. Quibus Dominus, cum sederit in maiestatis suae sede, sessuros super sedes duodecim, ac totidem tribus Israël iudicaturos spondit; omnibusque qui universa reliquerint propter nomen eius, fructum centupli praemii reservatum: multos autem ex novissimis primos, et ex primis futuros novissimos. Multa sunt quae non sinunt nos simplici intellectu dicta Evangelica suscipere.

℞. Isti sunt, qui viventes in carne, plantaverunt Ecclesiam sanguine suo: \* Calicem Domini biberunt, et amici Dei facti sunt.

℣. In omnem terram exivit sonus eorum, et in fines orbis terrae verba eorum. Calicem.

*Tempore Paschali.*

Ego sum vitis vera, et vos palmites: \* Qui manet in me, et ego in eo, hic fert fructum multum, alleluia, alleluia. ℣. Sicut dilexit me Pater, et ego dilexi vos. Qui.

## Lectio viii.

Interpositis nonnullis rebus, quae ex natura humani sensus sibi contrariae sunt, rationem quaerere coelestis intelligentiae admonemur. Apostoli dicunt, et sequi se Christum, et se omnia reliquisse. Quomodo igitur fiunt tristes, et quomodo metuunt dicentes, salvum esse neminem posse? Namque et ab aliis fieri poterat, si quid fecissent ipsi. Deinde cum fecissent ipsi; quare metus, vel unde susceptus est? Additur etiam in responsione Domini, haec apud homines impossibilia, possible apud Deum. Numquid apud hominem impossibilia erant, quae et Apostoli fecisse se gloriantur, et fecisse eos Dominus agnoscit?

℞. Isti sunt viri sancti, quos elegit Dominus in caritate non ficta, et dedit illis gloriam sempiternam:

\* Quorum doctrina fulget Ecclesia, ut sole luna.

℣. Sancti per fidem vicerunt regna, operati sunt iustitiam. Quorum. Gloria Patri. Quorum.

*Tempore Paschali.*

℞. Candidi facti sunt Naza-

raei eius, alleluia: splendorem Deo dederunt, alleluia: \* Et sicut lac coagulati sunt, alleluia, alleluia.

℣. Candidiores nive, nitidiores lacte, rubicundiores ebore antiquo, sapphiro pulchriores. Et. Gloria. Et.

## Lectio ix.

Omnis itaque hic sermo est spiritalis. Quid autem Dei virtuti tam possibile est, quam ut per fidem salvet? ut per aquam regeneret? ut per crucem vincat? ut per Evangelia adoptet? ut per resurrectionem ex morte vivificet? Quibus auditis Apostoli cito credunt, seseque omnia reliquisse profitentur. Sed hanc eorum obedientiam cito Dominus remuneratur, omnem difficultatem superioris quaestionis absolvens, cum dicit: Vos, qui secuti estis me, in regeneratione, iudicabitis duodecim tribus Israël. Haec enim illa regeneratio est, quam Apostoli sunt secuti, quam lex indulgere non potuit, quae eos super duodecim thronos in iudicandis duodecim tribubus Israël, in duodecim Patriarcharum gloria copulavit.

Te Deum laudamus.

PRO FERIA IV.

OFFICIUM VOTIVUM

DE S. IOSEPH SPONSO B. M. V.

CONFESSORE ET CATHOLICAE  
ECCLESIAE PATRONO

SEMIDUPLEX

---

*In I. Vesperis.**Ant. de Laud.; reliqua ut  
in Comm. Conf. non Pont..  
practer sequentia.**Capitulum. Gen. 49. d.*

Benedictiones patris tui con-  
fortatae sunt benedictionibus pa-  
trum eius, donec veniret desi-  
derium collium aeternorum: fiant  
in capite Ioseph, et in vertice  
Nazaraei inter fratres suos.

*Hymnus.*Te Ioseph, celebrent agmina  
coelitum:Te cuncti resonent christiadum  
chori.Qui clarus meritis, iunctus es  
inclytae

Casto foedere Virgini.

Almo cum tumidam germine  
coniugemAdmirans, dubio tangeris an-  
xius,Afflatus superi Flaminis Ange-  
lus

Conceptum puerum docet.

Tu natum Dominum stringis,  
ad exterasAegypti profugum tu sequeris  
plagas;Amisum Solymis quaeris, et in-  
venis.

Miscens gaudia fletibus.

Post mortem reliquos mors  
pia consecrat,Palmaeque emeritos gloria su-  
scipit:Tu vivens, superis par, frueris  
Deo,

Mira sorte beatior.

Nobis, summa Trias, parce  
precantibus,Da Ioseph meritis sidera scan-  
dere:Ut tandem liceat nos tibi per-  
petim

Gratum promere canticum.

Amen.

✚. Constituit eum dominum  
domus suae. ✚. Et principem o-  
mnis possessionis suae.

*Ad Magnif. Ant.* Cum esset  
desponsata \* Mater Iesu Maria  
Ioseph, antequam convenirent, in-  
venta est in utero habens de Spi-  
ritu sancto.

*Oratio.*

Deus qui ineffabili providen-  
tia beatum Ioseph sanctissimae  
Genitricis tuae sponsum eligere  
dignatus es: praesta, quaesumus;  
ut quem protectorem veneramus  
in terris, intercessorem habere  
mereamus in coelis: Qui vivis  
et regnas.

*Ad Matutinum.**Invit.* Laudemus Deum no-

strum \* In veneratione beati Ioseph, protectoris nostri.

*Ps.* Venite, exultemus.

*Hymnus.* Te, Ioseph. *ut supra.*

*In I. Nocturno.*

*Ant.* Ascendit Ioseph \* a Galilaea de civitate Nazareth in Iudaeam, in civitatem David, quae vocatur Bethlehem, ut profitetur eum Maria.

*Ant.* Venerunt pastores \* festinantantes: et invenerunt Mariam, et Ioseph, et infantem positum in praesepio.

*Ant.* Ecce Angelus Domini \* apparuit in somnis Ioseph, dicens: Surge, et accipe puerum, et matrem eius et fuge in Aegyptum.

‡. Confitebor nomini tuo.

‡. Quoniam adiutor et protector factus es mihi.

*Lectiones de Scriptura occurrente.*

‡. i. Clamavit populus ad regem, alimenta petens: Quibus ille respondit: Ite ad Ioseph. ‡. Salus nostra in manu tua est: respice nos tantum, et laeti serviemus regi. Quibus.

‡. ii. Fecit me Deus quasi patrem regis, et dominum universae domus eius: \* Exaltavit me, ut salvos faceret multos populos.

‡. Venite ad me, et ego dabo vobis omnia bona Aegypti, ut

comedatis medullam terrae. Exaltavit.

‡. iii. Iam laetus moriar quia vidi faciem tuam, et superstitem te relinquo. Non sum fraudatus aspectu tuo: \* Insuper ostendit mihi Dominus semen tuum. ‡. Qui pascit me ab adolescentia mea, benedicat pueris istis, et invoceatur super eos nomen meum.

Insuper. Gloria Patri. Insuper.

*In Quadragesima vero, Feriis Quatuor Temporum, et Vigilia Ascensionis dicuntur sequentes Lectiones.*

De libro Genesis.

Lectio i. Cap. 39.

Igitur Ioseph ductus est in Aegyptum, emitque eum Putiphar, eunuchus Pharaonis, princeps exercitus, vir Aegyptius, de manu Ismaelitarum, a quibus perductus erat. Fuitque Dominus cum eo, et erat vir in cunctis prospere agens: habitavitque in domo domini sui, qui optime noverat Dominum esse cum eo, et omnia quae gereret, ab eo dirigi in manu illius. Invenitque Ioseph gratiam coram domino suo, et ministrabat ei: a quo praepositus omnibus, gubernabat creditam sibi domum et universa quae ei tradita fuerant: benedixitque Dominus domui Aegyptii propter Ioseph et multiplicavit tam in aedibus quam in agris cunctam

eius substantiam: nec quidquam aliud noverat, nisi panem quo vescebatur. Erat autem Ioseph pulchra facie, et decorus aspectu.

¶. Clamavit populus.

Lectio ii. *Cap. 41.*

Placuit Pharaoni consilium, et cunctis ministris eius, locutusque est ad eos: Num invenire poterimus talem virum, qui spiritu Dei plenus sit? Dixit ergo ad Ioseph: Quia ostendit tibi Deus omnia quae locutus es, numquid sapientiosem et consimilem tui invenire potero? Tu eris super domum meam, et ad tui oris imperium cunctus populus obediet; uno tantum regni solio te praecedam. Dixitque rursus Pharaon ad Ioseph: Ecce constitui te super universam terram Aegypti. Tulitque annulum de manu sua, et dedit eum in manu eius: vestivitque eum stola byssina, et collo torquem auream circumposuit. Fecitque eum ascendere super currum suum secundum, clamante praecone, ut omnes coram eo genu flecterent, et praepositum esse scirent universae terrae Aegypti.

¶. Fecit me Deus.

Lectio iii.

Dixit quoque rex ad Ioseph: ego sum Pharaon: absque tuo imperio non movebit quisquam manum aut pedem in omni terra

Aegypti. Vertitque nomen eius, et vocavit eum lingua aegyptiaca Salvatorem mundi. Deditque illi uxorem Aseneth, filiam Putiphare, sacerdotis Heliopoleos. Egressus est itaque Ioseph ad terram Aegypti (triginta autem annorum erat quando stetit in conspectu regis Pharaonis), et circumvit omnes regiones Aegypti. Venitque fertilitas septem annorum: et in manipulos redactae segetes congregatae sunt in horrea Aegypti. Omnis etiam frugum abundantia in singulis urbibus condita est. Tantaque fuit abundantia tritici ut arenae maris coaequaretur, et copia mensuram excederet.

¶. Iam laetus moriar.

*In II. Nocturno.*

*Ant.* Consurgens Ioseph, \* accepit puerum et matrem eius nocte, et secessit in Aegyptum: et erat ibi usque ad obitum Herodis.

*Ant.* Defuncto Herode, \* Angelus Domini apparuit in somnis Ioseph in Aegypto dicens: Surge, et accipe puerum et matrem eius, et vade in terram Israel: defuncti sunt enim qui quaerebant animam pueri.

*Ant.* Accepit Ioseph \* puerum et matrem eius, et venit in terram Israel.

‡. Respice de coelo et vide, et visita vineam istam.

¶. Et perforce eam.



Sermo S. Bernardi Abbatis

*Homilia 2. super Missus.*

Lectio iv.

Desponsata est Maria Ioseph, vel potius (sicut ponit Evangelista) viro, cum nomen erat Ioseph: virum nominat, non quia maritus, sed quod homo virtutis erat: vel potius quia iuxta alium Evangelistam, non vir simpliciter, sed vir eius dictus est, merito appellatur quod necessario putatur. Debuit ergo vir eius appellari, quia necesse fuit et putari: sicut et pater Salvatoris non quidem esse, sed dici meruit, ut putaretur esse, dicente hoc ipso Evangelista: Et ipse Iesus erat incipiens quasi annorum triginta, ut putabatur, filius Ioseph.

ñ). Dedisti mihi protectionem salutis tuae, et dextera tua suscepit me: \* Protector meus, et cornu salutis meae, et susceptor meus.

ÿ). Ego protector tuus sum, et merces tua magna nimis. Protector.

Lectio v.

Non est dubium, quin bonus et fidelis homo fuerit iste Ioseph, cui Mater desponsata est Salvatoris. Fidelis, inquam, servus et prudens, quem constituit Dominus suae Matris solatium, suae carnis nutritium, solum denique in

terris magni consilii coadiutorem fidissimum. Huc accedit, quod dicitur fuisse de domo David. Vere enim de domo David. Vere de regia stirpe descendit vir iste Ioseph, nobilis genere, mente nobilior. Plane filius David, non degenerans a patre suo David; prorsus, inquam, filius David, non tantum carne, sed fide, sed sanctitate, sed devotione, quem tamquam alterum David Dominus invenit secundum cor suum, cui tuto committeret sacratissimum atque secretissimum sui cordis arcanum: cui, tamquam alteri David, incerta et occulta sapientiae suae manifestavit, et dedit illi non ignarum esse mysterii, quod nemo principum huius saeculi agnovit.

ñ). Statuet filios suos sub tegmine illius, et sub ramis eius morabitur: protegetur sub tegmine illius a fervore: \* Et in gloria eius requiescet. ÿ). Sperate in eo, omnis congregatio populi: effundite coram illo corda vestra. Et.

Lectio vi.

Cui denique datum est, quod multi reges et prophetae cum vellent videre, non viderunt, audire et non audierunt, non solum videre et audire, sed etiam portare, deducere, amplecti, deo-seculari, et nutrire et custodire. Non tantum autem Ioseph, sed et Maria descendisse credenda

est de domo David: alioquin non esset desponsata viro de domo David, si non esset et ipsa de domo David. Ambo igitur erant de domo David: sed in altera completa est veritas, quam iuravit Dominus David, altero tamen conscio et teste adimpletae promissionis.

℞. Si consistant adversum me castra non tenebit cor meum: \* Si exurgat adversum me praelium, in hoc ego sperabo. √. In te cantatio mea semper, quoniam tu adiutor fortis. Si. Gloria Patri. Si.

### In III. Nocturno.

*Ant.* Audiens Ioseph \* quod Archelaus regnaret in Iudaea pro Herode, patre suo timuit illo ire.

*Ant.* Admonitus in somnis, \* Ioseph secessit in partes Galilaeae, et veniens habitavit in civitate quae vocatur Nazareth; ut adimpleretur quod dictum est per Prophetas: Quoniam Nazaraeus vocabitur.

*Ant.* Erat pater Iesu \* et mater mirantes super his quae dicebantur de illo; et benedixit illis Simeon.

√. Invocavi Dominum, Patrem Domini mei.

℞. Ut non derelinquat me in die tribulationis.

Lectio sancti Evangelii secundum Lucam.

*Acta, Tom. XVI. fasc. CLXXXIV.*

Lectio vii.

Cap. 3. c.

In illo tempore: Factum est autem, cum baptizaretur omnis populus et Iesu baptizato et orante, apertum est coelum. Et reliqua.

Homilia sancti Augustini  
Episcopi.

*Lib. 23. contra Faust. cap. 7. 8.*

Sic de coelo dictum est super aquam Iordanis; Hic est Filius meus dilectus, in quo mihi bene complacui: quemadmodum dictum est et in monte. Neque enim quia et ibi de coelo vox ipsa sonuit, Filius Dei ante non fuit: quandoquidem ex utero Virginis ille accepit formam servi, qui cum in forma Dei esset, non rapinam arbitratus est, esse se aequalem Deo. Denique idem Apostolus Paulus alio loco apertissime dicit: Cum autem venit plenitudo temporis, misit Deus Filium suum factum ex muliere, factum sub lege, ut eos, qui sub lege erant, redimeret, ut filiorum adoptionem reciperemus. Ipse ergo est Filius Dei, qui et Dominus David secundum divinitatem, et idem ipse Filius David ex semine David secundum carnem.

℞. Ioseph, fili David, noli timere accipere Mariam, coniugem tuam; quod enim in ea natum est, de Spiritu sancto est: pariet autem filium, \* Et vocabis nomen eius Iesum. √. Ipse enim salvum,

faciet populum suum a peccatis eorum. Et vocabis.

Lectio viii.

Quod si nobis credere non prodesset, non hoc tam attente idem Apostolus Timotheo commendaret dicens: Memor esto Christum Iesum resurrexisse a mortuis, ex semine David, secundum Evangelium meum. Quid ergo iam moveat sancti Evangelii sectatorem, quod sine concubitu Ioseph Christus natus ex Virgine, filius tamen David appellatur, eum generationum seriem non usque ad Mariam, sed usque ad Ioseph Matthaheus Evangelista perducatur? Primo quia mariti eius fuerat propter virilem sexum potius honoranda persona: neque enim quia concubitu non permixtus, ideo non maritus, cum ipse Matthaheus narret ab Angelo Mariam coniugem ipsius appellatam, qui narrat, quod de Spiritu Sancto conceperat.

℞. Surge et accipe puerum et matrem eius, et fuge in Aegyptum: \* Et esto ibi, usque dum dicam tibi.

℣. Ut adimpleretur quod dictum est a Domino per prophetam dicentem: Ex Aegypto vocavi filium meum. Et. Gloria Patri. Et.

Lectio ix.

Cum vero unus idemque narrator utrumque dicat, utrumque commendat, et virum Mariae Ioseph,

et Christi Virginem Matrem, et Christum ex semine David, et Ioseph in serie progeneratorum Christi ex David: quid restat, nisi et Mariam non fuisse extraneam a cognatione David, et eam Ioseph coniugem non frustra appellatam propter ordinem sexus et animarum confoederationem; et Ioseph potius propter dignitatem virilem ab ordine generationum illarum non fuisse separandum, ne hoc ipso videretur ab illa femina separatus, cui eum coniungebat mentis affectus?

Te Deum laudamus.

Ad Laudes et per Horas.

*Ant.* 1. Iacob autem \* genuit Ioseph, virum Mariae, de qua natus est Iesus, qui vocatur Christus.

*Ps.* Dominus regnavit *cum reliq.*

2. Missus est \* Angelus Gabriel a Deo in civitatem Galilaeae, cui nomen Nazareth, ad Virginem desponsatam viro, cui nomen erat Ioseph.

3. Ascendit autem \* Ioseph a Galilaea de civitate Nazareth, in Iudaeam, in civitatem David, quae vocatur Bethlehem.

4. Et venerunt festinantes, \* et invenerunt Mariam, et Ioseph, et infantem positum in praesepio.

5. Et ipse Iesus \* erat incipiens quasi annorum triginta, ut putabatur filius Ioseph.

*Capitulum Gen. 49. d.*

Benedictiones patris tui *ut supra.*

*Hymnus.*

Coelitum, Ioseph, decus, atque  
nostrae

Certa spes vitae, columenque  
mundi,

Quas tibi laeti canimus, benignus  
Suscipe laudes.

Te Sator rerum statuit pudicae  
Virginis sponsum voluitque Verbi  
Te patrem dici, dedit et mini-  
strum

Esse salutis.

Tu Redemptorem stabulo iacen-  
tem,

Quem chorus Vatum cecinit fu-  
turum,

Aspicis gaudens, humilisque na-  
tum

Numen adoras.

Rex Deus regum, Dominator  
orbis,

Cuius ad nutum tremit inferorum  
Turba, cui pronus famulatur ae-  
ther,

Se tibi subdit.

Laus sit excelsae Triadi perennis,  
Quae tibi praebens superos ho-  
nores,

Det tuis nobis meritis beatae  
Gaudia vitae.

Amen.

✚. Dedisti mihi protectionem  
salutis tuae. ʀ). Et dextera tua  
suscepit me.

*Ad Bened. Ant.* Ioseph, fili  
David \* noli timere accipere Ma-

riam coniugem tuam; quod enim  
in ea natum est, de Spiritu San-  
cto est.

*Oratio.*

Deus qui ineffabili providen-  
tia. *ut supra.*

*Ad Tertiam.*

*Ant.* Missus est.

*Capit.* Benedictiones. *ut supra.*

ʀ). *br.* Constituit eum \* Do-  
minum domus suae. Constituit.

✚. Et principem omnis pos-  
sessionis suae. Dominum. Gloria  
Patri. Constituit.

✚. Confitebor nomini tuo.

ʀ). Quoniam adiutor et prote-  
ctor factus es mihi.

*Ad Sextam.*

*Ant.* Ascendit autem.

*Capitulum. Gen. 49. c.*

Deus patris tui erit adiutor  
tuus, et Omnipotens benedictet  
tibi benedictionibus coeli desuper.

ʀ). *br.* Confitebor. \* Nomini  
tuo. Confitebor.

✚. Quoniam adiutor et pro-  
tector factus es mihi. Nomini. Glo-  
ria Patri. Confitebor.

✚. Iustus germinabit sicut li-  
lium. ʀ). Et florebit in aeternum  
ante Dominum.

*Ad Nonam.*

*Ant.* Et ipse Iesus.

*Capitulum. Gen. 49. c.*

Filius accrescens Ioseph, filius  
accrescens, et decorus aspecti:  
filiae discurrerunt super murum.

ñ. *br.* Iustus germinabit \* Sicut lilium. Iustus. ý. Et florebit in aeternum ante Dominum. Sicut. Gloria Patri. Iustus.

ý. Plantatus in domo Domini. ñ. In atriis domus Dei nostri.

*In II. Vesperis.*

*Omnia ut in primis Vesperis, praeter:*

ý. Sub umbra illius quem desideraveram sedi.

ñ. Et fructus eius dulcis gutturi meo.

*Ad Magnif. Ant.* Fili, quid fecisti \* nobis sic? Ecce pater tuus et ego dolentes quaerebamus te.

---

PRO FERIA V.

OFFICIUM VOTIVUM

DE SS. EUCHARISTIAE SACRAM.

SEMIDUPLEX

ut in Appendice Breviarii Rom.

---

In quadragesima vero Lectiones primi Nocturni erunt ut in Festo, nempe Feria V post Dominicam Ssmae Trinitatis.

PRO FERIA VI.

OFFICIUM VOTIVUM

DE PASSIONE D. N. I. C.

SEMIDUPLEX

*In 1. Vesperis*

*Ant.* Calicem salutaris \* accipiam: et nomen Domini invocabo.

*Ps. 115.* Credidi.

*Ant.* Cum his \* qui oderunt pacem, eram pacificus: dum loquebar illis impugnabant me gratis.

*Ps. 119.* Ad Dominum cum tribularer.

*Ant.* Ab hominibus \* iniquis libera me Domine.

*Ps. 139.* Eripe me Domine.

*Ant.* Custodi me \* a laqueo quem statuerunt mihi, et a scandalis operantium iniquitatem.

*Ps. 140.* Domine clamavi ad te.

*Ant.* Considerabam \* ad dexteram, et videbam, et non erat qui cognosceret me.

*Ps. 141.* Voce mea ad Dominum.

*Capitulum. Philipp. 2.*

Fratres: Hoc enim sentite in vobis, quod et in Christo Iesu: qui cum in forma Dei esset, non rapinam arbitratus est esse se aequalem Deo: sed semetipsum exinanivit, formam servi accipiens, in similitudinem hominum factus, et habitu inventus ut ho-

mo. Humiliavit semetipsum, factus obediens usque ad mortem, mortem autem crucis.

*Hymnus.*

Moerentes oculi, spargite lacrimas,

Et luctu resonent intima cordium:

Illatas refero Numini ab impiis Poenas, et fera vulnera.

Accincta, heu! gladiis turba satellitum

Arreptum Dominum fustibus impetit,

Nunc caedit colaphis, nunc quatit horridis

Divinum caput ictibus.

Haud finis sceleri: traditur improbo

Christus carnifici; nec mora, barbarus

In regem superum non timet impio Ausu vertere dexteram.

Audite, o populi, Numen amabile, Manante ex humeris undique sanguine,

Lictoris rabidi sustinet impetum, Et vocem premit innocens.

Quis non illacrimet? Iam nova condidit

Tormenta indomitae gentis iniquitas:

Infigit cerebro, proh dolor! efferis

Sertum vepribus asperum.

Heu crimen! trahitur funibus improbis

Funesti Dominus supplicii ad locum;

Illic oppetiit funere, spiritum Patri restituens suo.

Passo pro miseris tam fera vulnera

In terris resonet debita gloria; Sacrumque assidue nomen in aethera

Humanum genus efferat. Amen.

γ. Oblatus est quia ipse voluit.

δ. Et livore eius sanati sumus.

*Ad Magnif. Ant.* O vos omnes \* qui transitis per viam, attendite, et videte si est dolor sicut dolor meus.

*Oratio.*

Domine Iesu Christe, qui de coelis ad terram de sinu Patris descendisti, et sanguinem tuum pretiosum in remissionem peccatorum nostrorum fudisti: te humiliter deprecamur; ut in die iudicii, ad dexteram tuam audire mereamur: Venite benedicti. Qui vivis et regnas cum Deo Patre in unitate Spiritus sancti Deus.

*Ad Complet. et per Horas diei, in fine Hymnorum dicitur:* Sit laus Patri, ac Paraclito, Natoque Patris unico, Nostrae dedit qui prodigus Pretium salutis sanguinem.

Amen.

*Ad Matutinum.*

*Invit.* Christum Regem crucifixum \* Venite, adoremus.

*Hymnus*

Aspice, infami Deus ipse ligno  
 Pendet, effuso madidus cruore;  
 Aspice, immiti manus alme clavo  
 Finditur alte.

Hunc, velut pravi sceleris mi-  
 nistrum,  
 Inter indignos medium latrones  
 Cerne: crudelis fuit ista gentis  
 Dirā voluntas.

Pallet heu! vultus; caput ecce  
 lassum  
 Flectitur: clausis oculis Redem-  
 ptor  
 Spiritum sacro meritis onustum  
 Fundit ab ore.

O cor, aes durum superas, ge-  
 mendo  
 Ni scelus tergas; tua culpa Chri-  
 stum  
 Stipiti affixit, tua culpa morti  
 Subdidit atrae.  
 Sit Deo aeternum decus omne in  
 aevum,  
 Qui pius nostri generis Redem-  
 ptor,  
 Criminis labem miseris nocentem  
 Sanguine tersit. Amen.

*In 1. Nocturno.*

*Ant.* Astiterunt reges ter-  
 rae, \* et principes convenerunt in  
 unum adversus Dominum, et ad-  
 versus Christum eius.

*Ps. 2.* Quare fremuerunt gen-  
 tes.

*Ant.* Multiplicati sunt \* qui  
 tribulant me; multi insurgunt ad-  
 versum me.

*Ps. 3.* Domine quid multi-  
 plicati sunt.

*Ant.* Diviserunt \* sibi vesti-  
 menta mea, et super vestem meam  
 miserunt sortem.

*Ps. 21.* Deus, Deus meus re-  
 spice in me.

ÿ. Oblatus est; quia ipse vo-  
 luit.

ñ. Et livore eius sanati su-  
 mus.

*Lectiones de Scriptura occur-  
 rente.*

ñ. i. Vineā mea electa, ego  
 te plantavi, dicit Dominus, et tu  
 facta es mihi nimis amara: \* Quia  
 parasti crucem Salvatori tuo.

ÿ. Popule meus, quid feci tibi  
 aut in quo contristavi te? re-  
 sponde mihi. Quia.

ñ. ii. Ego eduxi te de Aegy-  
 pto, demerso Pharaone in mare  
 rubrum, et ante te praeivi in co-  
 lumna nubis: \* Et tu me tradi-  
 disti principibus sacerdotum, et  
 me duxisti ad praetorium Pilati.

ÿ. Populus meus, quid feci  
 tibi, aut in quo contristavi te?  
 responde mihi, Et.

ñ. iii. Ego propter te flagel-  
 lavi Aegyptum cum primogenitis  
 suis. \* Et tu me flagellatum tra-  
 didisti, \* Qui, tamquam agnus  
 coram tondente se, obmutui, et  
 non aperui os meum.

ÿ. Popule meus, quid feci tibi  
 aut in quo contristavi te? respon-  
 de mihi. Et tu. Gloria Patri. Qui,  
 tamquam.

*In Quadragesima vero, et*

*Feriis Quatuor Temporum dicuntur sequentes Lectiones.*

De Epistola beati Pauli Apostoli ad Romanos.

Lectio i. Cap. 5.

Commendat caritatem suam Deus in nobis: quoniam cum adhuc peccatores essemus, secundum tempus, Christus pro nobis mortuus est: multo igitur magis nunc iustificati in sanguine ipsius, salvi erimus ab ira per ipsum. Si enim cum inimici essemus, reconciliati sumus Deo per mortem Filii eius: multo magis reconciliati, salvi erimus in vita ipsius. Non solum autem: sed et gloriamur in Deo per Dominum nostrum Iesum Christum, per quem nunc reconciliationem accepimus. Si enim unius delicto mors regnavit per unum: multo magis abundantiam gratiae, et donationis, et iustitiae accipientes, in vita regnabunt per unum Iesum Christum.

ñ. Vineae mea.

Lectio ii.

Igitur sicut per unius delictum in omnes homines in condemnationem: sic et per unius iustitiam in omnes homines in iustificationem vitae. Sicut enim per inobedientiam unius hominis, peccatores constituti sunt multi: ita et per unius obedientiam, iusti constituentur multi. Lex autem subintravit ut abundaret

delictum. Ubi autem abundavit delictum, superabundavit gratia. Ut sicut regnavit peccatum in mortem: ita et gratia regnet per iustitiam in vitam aeternam, per Iesum Christum Dominum nostrum.

ñ. Ego eduxi.

Lectio iii. Cap. 6.

Quid ergo dicemus? permanebimus in peccato ut gratia abundet? Absit. Qui enim mortui sumus peccato, quomodo adhuc vivemus in illo? An ignoratis quia quicumque baptizati sumus in Christo Iesu, in morte ipsius baptizati sumus? Consepulti enim sumus cum illo per baptismum in mortem: ut quomodo Christus surrexit a mortuis per gloriam Patris, ita et nos in novitate vitae ambulemus. Si enim complantati facti sumus similitudini mortis eius: simul et resurrectionis erimus. Hoc scientes, quia vetus homo noster simul crucifixus est, ut destruat corpus peccati, et ultra non serviamus peccato. Qui enim mortuus est, iustificatus est a peccato. Si autem mortui sumus cum Christo: credimus quia simul etiam vivemus cum Christo.

ñ. Ego propter.

*In II. Nocturno.*

*Ant.* Inimici mei \* dixerunt mala mihi: Quando morietur, et peribit nomen eius?



*Ps. 40.* Beatus qui intelligit.

*Ant.* Alieni insurrexerunt \* in me, et fortes quaesierunt animam meam.

*Ps. 53.* Deus in nomine tuo.

*Ant.* Conculcaverunt me \* inimici mei tota die; adversum me omnes cogitationes eorum in malum.

*Ps. 55.* Miserere mei Deus, quoniam.

†. Proprio Filio suo non percit Deus. ⁊. Sed pro nobis omnibus tradidit illum.

Sermo sancti Bernardi Abbatis.

*Feria 4. Hebd. S. Serm. de Passione Domini.*

#### Lectio iv.

In passione dominica, fratres, tria specialiter convenit intueri: opus, modum, causam. Nam in opere quidem patientia, in modo humilitas, in causa caritas commendatur. Patientia autem singularis, quod videlicet: cum supra dorsum eius fabricarent peccatores; cum sic extenderetur in ligno, ut dinumerarentur omnia ossa eius; cum fortissimum illud propugnaculum, quod custodit Israël, undique foraretur; cum foederentur manus eius et pedes, sicut agnus ad occisionem ductus sit et tamquam ovis coram tondeute non aperuit os suum. Non adversus Patrem murmurans, a quo missus fuerat; non adversus humanum genus, pro quo, quae

non rapuit, exsolvebat; non denique vel contra populum ipsum peculiarem sibi, a quo pro tantis beneficiis tanta mala recipiebat.

⁊. Ego propter te Chananaeorum reges percussi, et dedi tibi sceptrum regale: \* Et tu dedisti capiti meo spineam coronam, et percussisti arundine caput meum. †. Popule meus, quid feci tibi, aut in quo contristavi te? responde mihi. Et.

#### Lectio v.

Modum ipsum, si diligenter attendas, non modo mitem, sed et humilem corde cognosces. Nempe in humilitate iudicium eius sublatum est, cum nec ad tantas blasphemias, nec ad falsissima, quae sibi obiiciebantur crimina responderet. Vidimus, inquit, eum et non erat ei aspectus, nec speciosum forma prae filiis hominum, sed opprobrium hominum et tamquam leprosum, novissimum virorum, plane virum dolorum a Deo percussus et humiliatus; ita ut nulla esset ei species, neque decor. O novissimum et altissimum! O humilem et sublimem! O opprobrium hominum et gloriam Angelorum! Nemo illo sublimior, neque humilior. Denique sputis illitus est, opprobriis saturatus est, morte turpissima condemnatus est, cum sceleratis deputatus est. Nihilque merebitur vel ista humilitas, quae hunc habet modum; imo quae tam est

ultra modum? Sicut est patientia singularis, sic et humilitas admirabilis; utraque sine exemplo.

ñ. Ego duxi te per desertum quadraginta annis, et manna cibavi te: \* Et tu me cecidisti alapis et flagellis.

ÿ. Popule meus, quid feci tibi, aut in quo contristavi te? responde mihi. Et.

Lectio vi.

Utramque tamen magnifice causa ipsa commendat, nimirum caritas est. Propter nimiam enim caritatem suam, qua dilexit nos Deus, ut servum redimeret, nec Pater Filio, nec sibi Filius ipse pepercit. Vere nimiam, quia et haec mensuram excedit, modum superat, plane supereminens universis. Maiorem, inquit, caritatem nemo habet, quam ut animam suam ponat quis pro amicis suis. Tu maiorem habuisti, Domine, ponens eam etiam pro inimicis. Cum enim adhuc inimici essemus, per mortem tuam et tibi reconciliati sumus et Patri. Quae nam ergo alia videbitur esse, vel fuisse, vel fore huic similis caritati? Vix pro iusto quis moritur. Tu pro iniustis passus es, moriens propter delicta nostra, qui venisti iustificare gratis peccatores, servos facere fratres, captivos cohaeredes, exsules reges.

ñ. Ego exaltavi te magna virtute: \* Et tu me suspendisti in patibulo crucis, \* In qua expan-

di manus meas ad populum non credentem et contradicentem.

ÿ. Popule meus, quid feci tibi, aut in quo contristavi te? responde mihi. Et. Gloria Patri. In qua.

In III. Nocturno.

Ant. Filii hominum \* dentes eorum arma et sagittae, et lingua eorum gladius acutus.

Ps. 56. Miserere mei Deus; miserere mei.

Ant. Intenderunt arcum \* rem amaram, ut sagittent in occultis immaculatum.

Ps. 63. Exaudi Deus orationem meam cum deprecor.

Ant. Factus sum \* sicut homo sine adiutorio, inter mortuos liber.

Ps. 87. Domine Deus salutis meae.

ÿ. Factus est obediens usque ad mortem.

ñ. Mortem autem crucis.

Lectio sancti Evangelii secundum Ioannem.

Lectio vii. Cap. 19.

In illo tempore: Sciens Iesus, quia omnia consummata sunt, ut consummaretur Scriptura, dixit: Sitio. Et reliqua.

Homilia S. Cyrilli Episcopi Alexandrini.

Comment. in Ioannem.

Lib. 12. cap. 35.

Cum luculenter omnia impietate Iudaeorum essent peracta,

nec quidquam ad summam crudelitatem deesset, tandem sanctissima caro Christi naturale quid patitur. Multis enim, ac variis doloribus exsiccata, siti torquetur. Multum enim possunt dolores ad commovendam sitim; innatum enim calorem exagitant, vel, quod in profunditate humidum est, consumunt et igneis ardoribus dolentis viscera urunt. Sicut igitur ceteras passiones, sic hanc etiam sponte Christus perpassus est. Bibere igitur petit: illi autem adeo longe ab omni humanitate aberant, ut pro iuvante potu atque iucundo nocentem et acerbum attulerint, et humanitatem, qua moveri videbantur, in impietatem converterint. Nam cum petenti dabant, caritatis habitum suscipere videbantur; sed non est possibile mentiri Scripturam, in qua ex persona Christi dicitur: Et dederunt in escam meam fel, et in siti mea potaverunt me aceto.

α). Ego te potavi aqua salutis de petra: \* Et tu me potasti felle et aceto.

γ). Popule meus, quid feci tibi, aut in quo contristavi te? responde mihi. Et.

#### Lectio viii. *Idem Cap. 36.*

Cum ergo accepisset Iesus acetum, dixit: Consummatum est: et inclinato capite tradidit spiritum. Consummatum iam esse Salvator dicit, quia saeviendi Iudaeo-

rum potestas in ipsum per mortem suam terminum habuit. Quid enim non excogitarunt, aut quid supremæ inhumanitatis relictum sibi est? Quis caedendi, quis contumeliandi modus non adhibitus? Merito igitur consummatum esse, ait. Cumque tempus iam esset, ut etiam spiritibus apud inferos praedicaret (venit enim, ut tam vivorum quam mortuorum dominaretur), mortem pro nobis suscepit: et hanc naturae nostrae propriam passionem sponte subiit secundum carnem, quamvis, ut Deus vita naturaliter sit, ut spoliatis inferis, primitiae dormientium, et primogenitus (ut Scripturae dicunt) mortuorum factus, recursum ad vitam naturae nostrae largiretur.

α). Ego ante te aperui mare: \* Et tu aperuisti lancea latus Salvatori tuo, \* Qui redemit mundum in sanguine suo. γ). Popule meus, quid feci tibi, aut in quo contristavi te? responde mihi. Et. Gloria. Qui.

#### Lectio ix.

Inclinavit igitur caput. Accidit enim morientibus, vigore carnis iam consumpto et anima, quae corpus retinet, abeunte, inclinatio capitis. Quamobrem verbis, hoc modo usus Evangelista est. Sic et tradidisse spiritum, a consuetudine nostra sibi dictum est; multi enim sic exstingui, et mori dicuntur. Quamvis mihi videatur

ideo non simpliciter mortuum esse, sed tradidisse spiritum Evangelista dixisse; quia in manus Dei Patris animam suam commendavit, ut ipse dixit: Pater! in manus tuas commendo spiritum meum. Quod nobis magnae spei fundamentum, atque originem praebet.

Te Deum laudamus.

*Ad Laudes  
et per Horas.*

*Ant. 1.* Fui flagellatus \* tota die, et castigatio mea in matutinis.

*Ps.* Dominus regnavit. *cum reliq.*

2. Veni ad montem myrrhae \* et ad collem thuris; tamquam agnus ad occisionem ductus, obtutui, et non aperui os meum.

3. Foderunt manus meas \* et pedes meos, dinumeraverunt omnia ossa mea.

4. Consolantem me \* quaesivi, et non inveni: dederunt in escam meam fel, et in siti mea potaverunt me aceto.

5. Cum accepisset Iesus \* acetum, dixit: Consummatum est; et inclinato capite emisit spiritum.

*Capitulum. Philipp. 2.*

Fratres: Hoc enim sentite in vobis. *ut supra.*

*Hymnus.*

Saevo dolorum turbine  
Iactatur, atris obrutus

Poenis, acerba sustinens  
Redemptor affixus cruci.  
Pedes manusque horribili  
Clavi cruentant vulnere;  
Cor, vultus, artus, pectora  
Sacro redundant sanguine.  
Flet, orat, et clamans obit:  
Cor matris ictum concidit;  
Heu, Mater! heu, Fili! dolor  
Ingrata frangat pectora.  
Montes, sepulchra, saxaque  
Scinduntur; arva, flumina,  
Rupes et aequor contremunt,  
Templique velum scinditur.  
Sol, luna, coelum, sidera  
Plangunt, et orbis ingemit:  
O vos viri, vos parvuli,  
Nuptae, puellae, plangite.  
Adstate moerentes cruci,  
Pedes beatos ungite,  
Lavate fletu, tergite  
Comis, et ore lambite.  
Tu, caritatis victima,  
Ut nostra tollas crimina,  
Nobis salubri perficis  
Adoptionem sanguine  
Nostra ergo pax et gaudium  
Sis, vita, Iesu, et praemium;  
Sis ductor et lux in via,  
Merces, corona in patria. Amen.  
‡. Ipse vulneratus est propter  
iniquitates nostras.

‡. Et attritus est propter  
scelera nostra.

*Ad Bened. Ant.* Ad Iesum autem \* cum venissent, ut viderunt eum iam mortuum, non fregerunt eius crura; sed unus militum lancea latus eius aperuit, et continuo exivit sanguis et aqua.

*Oratio.*

Domine Iesu Christe. *ut supra.*

*Ad Primam.*

In *ñ. br. ÿ.* Qui pro nobis pati dignatus es.

*Ad Tertiam.*

*Ant.* Veni ad montem myrrhae.

*Capit.* Fratres: Hoc enim. *ut supra.*

*ñ. br.* Oblatus est, \* Quia ipse voluit. Oblatus est.

*ÿ.* Et livore eius sanati sumus. Quia. Gloria Patri. Oblatus est.

*ÿ.* Proprio Filio non pepercit Deus. *ñ.* Sed pro nobis omnibus tradidit illum.

*Ad Sextam.*

*Ant.* Foderunt manus meas.

*Capitulum. Zach. 13.*

Quid sunt plagae istae in medio manuum tuarum? Et dicet: His plagatus sum in domo eorum qui diligebant me.

*ñ. br.* Proprio Filio suo \* Non pepercit Deus. Proprio.

*ÿ.* Sed pro nobis omnibus tradidit illum. Non. Gloria. Proprio.

*ÿ.* Factus est obediens usque ad mortem.

*ñ.* Mortem autem Crucis.

*Ad Nonam.*

*Ant.* Cum accepisset Iesus.

*Capitulum. Is. 53.*

Generationem eius quis enarrabit? Quia abscissus est de terra viventium: propter scelus populi mei percussi eum.

*ñ. br.* Factus est obediens: \* Usque ad mortem. Factus.

*ÿ.* Mortem autem crucis. Usque. Gloria Patri. Factus.

*ÿ.* Ipse vulneratus est propter iniquitates nostras.

*ñ.* Et attritus est propter scelera nostra.

*In II. Vesperis.*

*Omnia ut in I., praeter sequ.*

*ÿ.* Ipse vulneratus est propter iniquitates nostras.

*ñ.* Et attritus est propter scelera nostra.

*Ad Magnif. Ant.* Deponens Ioseph \* corpus Iesu involvit sindone, et posuit eum in monumento exciso. Fuit planctus magnus in illa die; mulieres autem sedentes contra sepulchrum dolebant, sicut doleri solet in morte primogeniti.

## PRO SABBATO

OFFICIUM VOTIVUM

DE IMMACULATA CONCEPTIONE B. M. V.

SEMIDUPLEX

ut in Appendice Breviarii  
Romani

---

In Quadragesima vero et sabbatis Quatuor temporum Lectiones primi Nocturni erunt ut in die 8 Decembris.



ROMAE

PRO FERIA III.

OFFICIUM VOTIVUM

DE SS. APOSTOLIS PETRO ET PAULO

SEMIDUPLEX

*Omnia de Comm. Apost. pro diversitate temporis, praeter sequentia.*

*In utrisque Vesperis.*

ŷ. Constitues eos principes super omnem terram.

ñ. Memores erant nominis tui, Domine.

*Ad Magnif. Ant.* Petrus Apostolus, \* et Paulus Doctor gentium, ipsi nos docuerunt legem tuam, Domine.

*Oratio.*

Deus, cuius dextera beatum Petrum ambulans in fluctibus, ne mergeretur, erexit, et coepistolium eius Paulum, tertio naufragantem, de profundo pelagi liberavit: exaudi nos propitius, et concede; ut amborum meritis aeternitatis gloriam consequamur: Qui vivis.

*In I. Nocturno.*

*Lectioes de Scriptura occurrente.*

*In Quadragesima vero, dicuntur sequentes Lectiones.*

Incipit Epistola prima beati Petri Apostoli.

Lectio i. Cap 1.

Petrus, Apostolus Iesu Christi, electis advenis dispersionis Ponti, Galatae, Cappadociae, Asiae et Bithyniae, secundum praescientiam Dei Patris, in sanctificationem Spiritus, in obedientiam, et aspersionem sanguinis Iesu Christi: gratia vobis et pax multiplicetur. Benedictus Deus, et Pater Domini nostri Iesu Christi, qui secundum misericordiam suam magnam regeneravit nos in spem vivam, per resurrectionem Iesu Christi ex mortuis, in haereditatem incorruptibilem, et incontaminatam, et immarcescibilem, conservatam in coelis in vobis, qui in virtute Dei custodi-

mini per idem in salutem, paratam revelari in tempore novissimo.

Lectio ii.

In quo exultabitis, modicum nunc si oportet contristari in variis tentationibus: ut probatio vestrae fidei multo pretiosior auro (quod per ignem probatur) inveniatur in laudem, et gloriam, et honorem, in revelatione Iesu Christi: quem cum non videritis, diligitis: in quem nunc quoque non videntes, creditis: credentes autem exultabitis laetitia inenarrabili et glorificata: reportantes finem fidei vestrae, salutem animarum.

Lectio iii.

De qua salute exquisierunt atque scrutati sunt prophetae, qui de futura in vobis gratia prophetaverunt, scrutantes in quod vel quale tempus significaret in eis Spiritus Christi: praenuntians eas quae in Christo sunt passiones, et posteriores glorias: quibus revelatum est quia non sibi metipsa, vobis autem ministrabant ea, quae nunc nuntiata sunt vobis per eos, qui evangelizaverunt vobis, Spiritu sancto misso de coelo, in quem desiderant Angeli prospicere.

*In II. Nocturno.*

Lectio iv.

De Sermone S. Leonis Papae.

*Ex hom. 82. in Natal. Ss. Ap. Petri et Pauli.*

Neronis furor per omnium vitiorum inflammatus excessum, in hunc eum usque torrentem suae praecipitavit insaniae, ut primus nomini Christiano atrocitatem generalis persecutionis inferret quasi per sanctorum Apostolorum Petri et Pauli necesse gratia Dei posset extinguere; quibus hoc ipsum erat maximum lucrum, ut contemptus vitae huius occiduae, perceptio fieret felicitatis aeternae. Pretiosa est ergo in conspectu Domini mors sanctorum eius: nec ullo crudelitatis genere destrui potest sacramento crucis Christi fundata religio. Non minuitur persecutionibus Ecclesia, sed augetur: et semper Dominicus ager segete ditiori vestitur, dum grana, quae singula cadunt multiplicata nascuntur. Unde duo ista praeclara divini seminis germina in quantam sobolem germinarint, beatorum millia Martyrum protestantur, qui apostolicorum aemuli triumphorum, Urbem nostram purpuratis, et longe lateque rutilantibus populis ambiunt, et quasi ex multarum honore gemmarum conserto uno diademate coronarunt.

Lectio v.

De quorum praesidio, dilectissimi, divinitus nobis ad exemplum patientiae et confirmationem fidei

praeparato, universaliter quidem in omnium sanctorum commemoratione laetandum est: sed in horum excellentia Patrum merito est excellentius gloriandum, quos gratia Dei in tantum apicem inter omnia Ecclesiae membra pro-  
vexit, ut eos in corpore, cui caput est Christus, quasi geminum constitueret lumen oculorum. De quorum meritis atque virtutibus, quae omnem loquendi superant facultatem, nihil diversum, nihil debemus sentire discretum: quia illos et electio pares, et labor similes, et finis fecit aequales.

Lectio vi.

Sicut autem et nos experti sumus, et nostri probavere maiores, credimus atque confidimus, inter omnes labores istius vitae, ad obtinendam misericordiam Dei, semper nos specialium patronorum orationibus adiuvandos: ut, quantum propriis peccatis deprimimur, tantum apostolicis meritis erigamur. Per Dominum nostrum Iesum Christum, cui est cum Patre et sancto Spiritu eadem potestas, una divinitas, in saecula saeculorum. Amen.

In III. Nocturno.

Lectio sancti Evangelii secundum Matthaeum.

Lectio vii. *Cap. 19.*

In illo tempore: Dixit Petrus ad Iesum: Ecce nos reliquimus

omnia, et secuti sumus te: quid ergo erit nobis? Et reliqua.

Homilia sancti Ambrosii  
Episcopi.

*In Ps. 118. Sermo 8.  
post init.*

Ecce nos omnia dereliquimus, et secuti sumus te. Hoc est, non quaesivimus quae saeculi sunt, non quaesivimus partem de possessionibus, sed te elegimus portionem. Reliquisti ergo omnia, Petre, quae habebas; unde habes quod habere te dicis? Surgit claudus, et sono tui sermonis erigitur: sanitatem aliis donas, qui indigebas ipse tuae salutis auxilio. Reliquisti ergo quae habebas, et coepisti, quae non habebas. Christus tibi portio, Christus tibi possessio est: illius nomen tibi munificum, illius nomen tibi est fructuosum, illius nomen tibi tributa dependit, et bona tributa, non pecuniae, sed gratiae.

Lectio viii.

Quicumque reliquerit patrem, aut matrem, aut domum, aut fratres aut sorores, centuplum accipiet in hoc saeculo, et vitam aeternam possidebit. Multos quidem in hoc saeculo, qui sub pauperibus donaverunt, uberiore thesauro locupletatos fuisse cognovimus. Est pulcherrimus locus, ut etiam ad misericordiam provocentur. Sed non debent a Domino saecularem huiusmodi exigere mercedem, nec



sperare quae mundi sunt; sed magis, quia iis, quia omnia reliquerint, Deus portio est. Ipse est utique merces perfecta virtutum, qui non centupli enumeratione, sed perfectae plenitudinis aestimatione censetur. Ego, inquit, Deus tuus sum: Non dixit: Ero, sed: Iam sum, iam inhabito, iam possideo.

## Lectio ix.

Habes, homo, inter multa proposita, etiam huiusmodi portionem. Proposuit tibi Dominus in portione possessiones, in portione aurum, in portione argentum, in portione honores, in portione

nobilitatem proposuit etiam in portione seipsum. Habes igitur plurimas portiones; elige quam putas; non te numerus perturbet, sed excitet gratia; non te labor avertat, sed fructus invitet.

Te Deum laudamus.

Ad Laudes.

†. In omnem terram exivit sonus eorum.

‡. Et in fines orbis terrae verba eorum.

Ad Bened. Ant. Gloriosi principes terrae, \* quomodo in vita sua dilexerunt se, ita et in morte non sunt separati.

---

## MISSAE VOTIVAE PER ANNUM

---

Hae Missae celebrantur diebus singulis designatis iuxta Apostolicum Indultum generale per Decretum Sacrorum Rituum Congregationis die 5. Iulii 1883. Secunda et tertia Oratio erunt ut in Semiduplicibus pro diversitate temporis. Fient quoque Commemorationes de Simplicibus, ac de Feria cum eius Evangelio in fine Missae, prout de iis actum est in respondente Officio Votivo per annum, juxta Rubricas Missalis Dicitur *Gloria* et omittitur *Credo*.

PRO FERIA II.

## DE SANCTIS ANGELIS

*Missae* Benedicite Dominum omnes Angeli eius: *quae inve-*

*nitur inter Missas votivas.*

*Secunda et tertia Oratio pro diversitate temporis ut in Semiduplicibus.*

*Non dicitur Credo.*

PRO FERIA III.

## DE SANCTIS APOSTOLIS

*Introitus. Ps. 138.*

Mihi autem nimis honorati sunt amici tui, Deus: nimis confortatus est principatus eorum.

*Ps. ibid.* Domine, probasti me, et cognovisti me: tu cognovisti sessionem meam: et resurrectionem meam.

†. Gloria Patri.

*Oratio.*

Deus, qui nos per beatos Apostolos tuos ad agnitionem tui nominis venire tribuisti: da nobis eorum gloriam sempiternam et proficiendo celebrare, et celebrando proficere. Per Dominum nostrum Iesum Christum Filium tuum: Qui tecum vivit et regnat.

*Secunda et tertia Oratio pro diversitate temporis ut in semiduplicibus.*

Lectio Epistolae beati Pauli Apostoli ad Ephesios. *Ephes. 4. b.*

Fratres: Unicuique nostrum data est gratia secundum mensuram donationis Christi. Propter quod dicit: Ascendens in altum captivam duxit captivitatem: dedit dona hominibus. Quod autem ascendit, quid est, nisi quia et descendit primum in inferiores partes terrae? Qui descendit, ipse est et qui ascendit super omnes coelos, ut impleret omnia. Et ipse dedit quosdam quidem apostolos, quosdam autem prophetas, alios vero evangelistas,

*Actu Tom. XVI. fasc. CLXXXIV.*

alios autem pastores, et doctores ad consummationem sanctorum in opus ministerii, in aedificationem corporis Christi; donec occurramus omnes in unitatem fidei, et agnitionis Filii Dei, in virum perfectum, in mensuram aetatis plenitudinis Christi.

*Graduale Ps. 44.* Constitues eos principes super omnem terram: memores erunt nominis tui, Domine.

†. Pro patribus tuis nati sunt tibi filii: propterea populi confitebuntur tibi.

Alleluia, alleluia.

†. *Ps. 138.* Nimis honorati sunt amici tui, Deus: nimis confortatus est principatus eorum. Alleluia.

*Post Septuagesimam, omissis Alleluia, et Versu sequenti, dicitur:*

*Tractus. Ps. 125.* Qui seminant in lacrimis, in gaudio metent.

†. Euntes ibant, et flebant, mittentes semina sua.

†. Venientes autem venient cum exultatione, portantes manipulos suos.

✠ *Sequentia sancti Evangelii secundum Matthaeum.*

*Matth. 19. d.*

In illo tempore: Dixit Petrus ad Iesum: Ecce nos reliquimus omnia, et secuti sumus te: quid ergo erit nobis? Iesus autem dixit illis: Amen dico vobis, quod vos, qui secuti estis me, in regeneratione, cum sederit Filius

hominis in sede maiestatis suae, sedebitis et vos super sedes duodecim, indicantes duodecim tribus Israël. Et omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros, propter nomen meum, centuplum accipiet, et vitam aeternam possidebit.

*Non dicitur Credo.*

*Offertorium. Ps. 18.* In omnem terram exivit sonus eorum: et in fines orbis terrae verba eorum.

*Secreta.*

Gloriam, Domine, sanctorum Apostolorum tuorum perpetuam venerantes: quaesumus; ut eam, sacris mysteriis expiati, dignius celebremus. Per Dominum.

*Praefatio de Apostolis.*

*Communio. Matth. 19.* Vos, qui secuti estis me, sedebitis super sedes, indicantes duodecim tribus Israël.

*Postcommunio.*

Perceptis, Domine, sacramentis, suppliciter exoramus: ut, intercedentibus beatis Apostolis tuis, quae pro illorum veneranda gerimus passione, nobis proficiant ad medelam. Per Dominum.

*Tempore Paschali.*

*Missa ut supra, praeter sequentia.*

*Introitus. Ps. 63.*

Protexisti me, Deus, a conventu malignantium, alleluia: a multitudine operantium iniquitatem, alleluia, alleluia.

*Ps. Ibid.* Exaudi, Deus, orationem meam cum deprecor: a timore inimici eripe animam meam.

†. Gloria Patri.

*Post Epistolam.*

Alleluia, alleluia.

†. *Ps. 88.* Confitebuntur coeli mirabilia tua, Domine: etenim veritatem tuam in ecclesia sanctorum. Alleluia.

†. *Ioan: 15.* Ego vos elegi de mundo, ut eatis, et fructum afferatis, et fructus vester maneat. Alleluia.

*Offertorium. Ps. 44.* Constitues eos principes super omnem terram: memores erunt nominis tui, Domine, in omni progenie et generatione, alleluia, alleluia.

*Communic. Ps. 18.* In omnem terram exivit sonus eorum: et in fines orbis terrae verba eorum, alleluia, alleluia.

PRO FERIA IV.

DE S. IOSEPH SPONSO B. M. V.  
*Confessore et Catholicae  
Ecclesiae Patrono.*

*Introitus. Ps. 32.*

Adiutor, et protector noster est Dominus: in eo laetabitur cor nostrum, et in nomine sancto eius speravimus.

*Ps. 79.* Qui regis Israël, intende: qui deducis, velut ovem, Ioseph.

†. Gloria Patri.

*Oratio.*

Deus, qui ineffabili providentia beatum Ioseph sanctissimae

Fenitricis tuae sponsum eligere dignatus es: praesta, quaesumus; ut quem protectorem veneramus in terris, intercessorem habere mereamur in coelis: Qui vivis et regnas.

*Secunda et tertia Oratio pro diversitate temporis ut in Semiduplicibus. Quo tempore Oratio A cunctis, dicenda veniet, in eadem omittitur nomen S. Ioseph. Lectio libri Genesis. Gen. 49. c.*

Filius accrescens Ioseph, filius accrescens, et decorus ad spectu: filiae discurrerunt super murum. Sed exasperaverunt eum, et iurgati sunt, invideruntque illi habentes iacula. Sedit in forti arcus eius et dissoluta sunt vincula brachiorum, et manuum illius per manus potentis Iacob: inde pastor egressus est, lapis Israëli, Deus patris tui erit adiutor tuus, et Omnipotens benedicet tibi benedictionibus coeli desuper, benedictionibus abyssi iacentis deorsum, benedictionibus uberum et vulvae. Benedictionibus patris tui confortatae sunt benedictionibus patrum eius, donec veniret desiderium collium aeternorum: fiant in capite Ioseph, et in vertice Nazaraei inter fratres suos.

*Graduale. Ps. 20.* Domine, praevenisti eum in benedictionibus dulcedinis: posuisti in capite eius coronam de lapide pretioso.

✠. Vitam petiit a te, et tribuisti ei longitudinem dierum in saeculum saeculi.

Alleluia, alleluia.

✠. Fac nos innocuam, Ioseph, decurrere vitam: sitque tuo semper tuta patrocinio. Alleluia.

*Post Septuagesimam, omittis Alleluia, et Versu sequenti, dicitur:*

*Tractus. Ps. 111.* Beatus vir, qui timet Dominum: in mandatis eius cupit nimis.

✠. Potens in terra erit semen eius: generatio rectorum benedicetur.

✠. Gloria, et divitiae in domo eius: et iustitia eius manet in saeculum saeculi.

*Tempore Paschali omittitur Graduale, et eius loco dicitur: Alleluia, alleluia.*

✠. De quacumque tribulatione clamaverint ad me, exaudiam eos, et ero protector eorum semper. Alleluia.

✠. Fac nos innocuam, Ioseph, decurrere vitam: sitque tuo semper tuta patrocinio. Alleluia.

✠ Sequentia sancti Evangelii secundum Lucam. *Luc. 3. d.*

In illo tempore: Factum est autem cum baptizaretur omnis populus, et Iesu baptizato, et orante, apertum est coelum: et descendit Spiritus sanctus corporali specie sicut columba in ipsum: et vox de coelo facta est: Tu es Filius meus dilectus, in te complacui mihi. Et ipse Iesus erat incipiens quasi annorum triginta, ut putabatur, filius Ioseph.

Non dicitur Credo.

Offertorium. *Ps. 147.* Lauda

Ierusalem Dominum : quoniam confortavit seras portarum tuarum, benedixit filiis tuis in te.

*Secreta.*

Sanctissimæ Genitricis tuæ sponsi patrocínio suffulti, rogamus, Domine, clementiam tuam : ut corda nostra facias terrena cuncta despiciere, ac te verum Deum perfecta caritate diligere : Qui vivis.

*Communic. Matth. 1.* Iacob autem genuit Ioseph virum Mariæ, de qua natus est Iesus, qui vocatur Christus.

*Postcommunio.*

Divini muneris fonte refecti, quaesumus, Domine Deus noster : ut, sicut nos facis beati Ioseph protectione gaudere ; ita eius meritis et intercessione, coelestis gloriæ facias esse participes. Per Dominum.

PRO FERIA V.

DE SS. EUCHARISTIAE SACRAMENTO

*Missa Cibavit eos ex adipe frumenti : quæ invenitur inter Missas votivas.*

*Secunda et tertia oratio pro diversitate temporis, ut in Semiduplicibus.*

*Non dicitur Credo.*

*Praefatio de Nativitate.* Quia per incarnati Verbi mysterium.

PRO FERIA VI.

DE PASSIONE D. N. I. C.

*Missa Humiliavit : quæ invenitur inter Missas votivas.*

*Secunda et tertia Oratio pro diversitate temporis.*

*Non dicitur Credo.*

*Praefatio de Cruce.* Qui salutem humani generis.

PRO SABBATO

DE IMMACULATA CONCEPTIONE B. M. V.

*Missa Gaudens gaudebo : ut in Festo die 8 Decembris.*

*Secunda Oratio de Sancta Sancto, tertia Ecclesiae vel pro Papa.*

*Non dicitur Credo.*

*In Secreta vero dicitur : Salutarem hostiam, quam in commemoratione Immaculatae Conceptionis.*

*Praefatio de B. Maria Virg.* Et te in Conceptione Immaculata.

ROMAE

PRO FERIA III.

*Missa Votiva de Ss. Apostolis*

PETRO ET PAULO

*Missa Mihi autem : quæ invenitur inter Missas votivas in Missali Romano.*

*Tempore Paschali dicitur eadem Missa praeter Introitum, Graduale, Offertorium et Communionem, quæ sumenda sunt in Missa votiva de Ss. Apostoli.*

# EX S. CONGREGATIONE CONCILII

ANDRIEN.

IURIUM ET PRIVILEGIORUM

*Die 2 Iunii 1883.*

COMPENDIUM FACTI. Suppressa per decretum S. C. C. diei 23 Aprilis 1857 cura animarum habituali et actuali, quæ principaliter a Capitulo Cathedralis subsidiarie vero a Capitulo Collegiatae s. Nicolai super universa urbe Andriensi ab immemorabili exercebatur, sex noviter Paroeciae in totidem Ecclesiis ab ipso decreto designatis erectae fuerunt, quarum una in Ecclesia divo Augustino dicata, Ordini olim Discalceatorum s. Augustini pertinente.

Praefatum decretum vero decernebat « 1. Super paroecia cathedralis, sic extincta ac suppressa, sex noviter erigendas et instituendas esse paroecias cum pleno iure parochialitatis, praesertim cum fonte baptismali, aliisque de iure ac consuetudine competentibus, peracta territoriali circumscriptione, assignato unicuique proprio ambitu cum aequali, quo magis fieri poterit, animarum numero. 2. Huiusmodi paroeciarum erectionem faciendam esse in determinatis Ecclesiis, intra ambitum civitatis Andriensis existentibus, ut infra: nimirum primam in Ecclesia cathedrali, alteram in collegiata Ecclesia s. Nicolai, tertiam in collegiata Ecclesia Mariae V. ab Angelo salutatae, quartam in Ecclesia s. Augustini.... omnesque sic erectas de respectivo providendas esse rectore Sacerdote a Clero saeculari, per formalem concursum eligendo, ac liberae habendas esse collationis R<sup>m</sup>i Episcopi pro tempore, una excepta paroecia, in Cathedrali Ecclesia erigenda ».

In Ecclesia sancti Augustini iam a 41 circiter annis reperiebatur Clerus collegialis Sanctissimae Annuntiatae qui sub initio anni 1813 in eandem *iuribus integris* translatus, non modo omnes functiones chorales sed etiam alias ab antiquo ibi fieri solitas usque ad hanc diem pacifice peregit, nec non SS<sup>m</sup>ae Eucharistiae Sacramentum ante erectionem novae paroeciae perpetuo inibi asservavit.

Modo vero cum hodiernus Parochus nonnulla iura in medium protulisset, quae iuribus et privilegiis Cleri adversari videbantur, hic per supplicem libellum diei 4 Februarii 1882 S. C. C. adivit varia proponens dubia

### Disceptatio Synoptica.

DEFENSIO CLERI SSMAE ANNUNTIATAE. Clerus hic praecipuis totus in eo fuit ut probaret sibi unice competere rectoriam Ecclesiae s. Augustini. Quod ut evinceret ab initio suae allegationis demonstrare contendit se veram collegialitatem habere et verum Capitulum esse. Quamvis enim decretum erectionis canonicae amplius non reperiatur, tamen Clerus talia possidere indicia collegialitatis affirmavit, ut collegialitas ipsa satis abunde praesumatur, imo probetur. Sane defectum decreti erectionis nihil obesse collegialitati alicuius Ecclesiae, ubi ipsa a centum annis, sive ab immemorabili indicia et dotes collegiatarum exhibeat, docent passim dd. et praecipue Pitorrius *disc. eccl. 116; num. 30; Lotter. de ref. benef. lib. 1 qu. 14 num. 52; De Luca disc. 51 num. 4 et 5 de praeem.*

Iamvero in Ecclesia ss. Annuntiatae ab antiquissimo tempore, teste Capitulo Cathedralis, adfuit determinatus numerus Canonorum, qui cum Priore unum corpus efficiebant, qui collegiatarum insignibus ornati, distinctum stallum habebant in choro, qui et divina officia, non exclusa Missa conventuali, celebrabant, qui conventus capitulares agebant, et capitulari utebantur sigillo, qui separatas praebendas obtinebant, quae, teste Episcopo, conferebantur cum

Bulla collationis, ceu beneficia. Ecclesia vero ab anno 1570 usque ad nostra tempora *Collegiata* appellari consuevit, non solum ab Episcopis in actis visitationis, sed etiam a SS<sup>ms</sup> Pontificibus Innocentio XI et Alexandro VII.

Haec autem esse certissima collegialitatis indicia, etiamsi sumantur seiunctim, docent dd. Revera Petra *ad Const.* 7 Innoc. IV *sect. 2 num. 34* pro tessera collegialitatis assignat « Si Ecclesia fuerit habita uti collegiata et in actis visitationis ab Ordinario talis asseratur »; Barbosa *Ius. Can. lib. 2 cap. 6.* « Potissima collegialitatis coniectura est, si » in Ecclesia adsit aliquis uti caput, et clerici vel Canonici » ut membra; » Card. De Luca *disc. 51 num. 4 et 5 de praemin.* « Cum constat quod usque ab anno 1292 in istis » Ecclesiis adessent Canonici, soliti provideri in titulum, quorum numerus praefinitus erat, atque Ecclesiae enunciatur collegiatae . . . hinc adesse dicitur centenaria, qua » occurrente de plano resultat probatio dicti privilegii (collegialitatis) quoniam centenarius possessor allegare potest » privilegium apostolicum, et quemcumque titulum meliorem, unde non indigent adminiculativa probatione, deducta » ex signis; cum ipsa sola diurna possessio ad id sufficiat, » ex dicto privilegio centenariae possessionis »; Lotter. *de ref. benef. qu. 14 num. 41 ex cap. Cum Eccl. num. 2 de off. Ord.*; Ferraris *v. collegium* et S. C. C. in *Montisfalisci Collegiatae 15 Septembris 1856.*

Probata igitur collegialitate, et per consequens capacitate possidendi, Clerus prosecutus est asserens, sibi tribuendam esse rectoriam Ecclesiae s. Augustini, utpote qui in ipsam usque ab initio huius saeculi translatus fuerit legitimâ approbatione...atque investitus fuerat a competenti auctoritate de rectoria et administratione dictae Ecclesiae, domusque annexae. Ad cuius rei demonstrationem primo loco in medium attulit quemdam contractum emphyteuticum, initum die 21 Decemb. 1821, quo eidem Clero concedebantur nonnullae partes fabricae suppressi caenobii Augustinianorum. Praeterea citavit ad id evincendum etiam inscriptionem in



Ecclesia s. Augustini existentem; nec non quemdam publicum instrumentum diei 22 Ianuarii 1813 continens concordiam initam inter ipsum Clerum et Capitulum Cathedralis super ius peragendi functiones in antiqua Ecclesia SS<sup>nae</sup> Annuntiatae.

Cum igitur Clerus praedictus in Ecclesiam s. Augustini, nemine eam possidente, translatus fuerit a legitima auctoritate, sponte sua sequitur, ipsum exclusivum dominum eiusdem Ecclesiae evasisse et rectorem.

Verum, hisce etiam omissis, Clerus sibi competere rectoriam arguit ex pacifica possessione iurium inde manantium usque ad hanc diem. Exploratissimum enim est in iure possessionem relevare ab onere probandi, cum pariat dominii praesumptionem *cap. 2 de Rest. spoliat. in 6*, ita ut iuxta *Reg. 36* Cancell. Apostolicae, etiam pacifica triennalis possessio satis sit ad aliquem in suo beneficio manutenendum. Fortius autem id valere debet in casu ubi possessio firmatur consuetudine et praescriptione quadraginta quatuor annorum cum titulo aequipollenti centenariae seu immemoriali, ad tradita per De Luca *de haered. disc. 33 sub num. 13 vers. Si igitur, et de iudiciis disc. 21 num. 42*, qua praescribi possunt res omnes omniaque iura, quia est melior titulus et fortior de mundo ad reddendos tutos possessores iuxta Pitonium *de Contr. Patron. alleg. 58 num. 10. et 11.*

Neque dici posse videtur Clerum amisisse possessionem rectoriae Ecclesiae s. Augustini per erectionem Paroeciae. Quandoquidem cum in decreto erectionis iuribus cleri expresse non fuerit derogatum, hoc facile praesumi non potest. Princeps enim non praesumitur velle tertio praeiudicare *l. 2 §. Si quis a Principe ff. Ne quid in loc. pub. et in cap. Super eo de off. deleg.*, multo autem minus stante regula Cancellariae de non tollendo iure quaesito, Fagnanus *in cap. Cum olim de sent. et re iud. num. 23*. Unde recte arguunt dd. quod etiamsi Papa det alicui facultatem capiendi possessionem propria auctoritate, semper subintelligitur, nisi possessio sit plena, *Alex. cons. 83 col. 2 vol. 2;*

*Dec. cons. 95, et 96 part. 1 col. 7; Fagnan. in cit. cap. num. 39.*

Constito itaque quod Ecclesia s. Augustini iam occupata fuerit a 44 annis a Clero antè Parochum, et Pontifex Cleri iuribus non derogaverit, prono alveo fluere videtur ipsum unicum dominum esse Ecclesiae s. Augustini eiusque exclusivum rectorem, quia qui prior est tempore potiore esse iure constat ex *cap. ult. 75 distinct. cap. Concilia §. hinc etiam 17 dist. cum concord.*

Hoc vero in vado posito ad Clerum quoque pertinere tum collectionem tum administrationem eleemosynarum dicendum est, ad tradita per Pitonium *de contr. Patron. alleg. 54 num. 3 et 38 et in alleg. 34 num. 10; Sperell. dec. 117 num. 32. et 20 part. 11 rec.; et De Luca de Praeemin. disc. 11 num. 17 - ibi - oblationes quae fiunt in Ecclesia ad ipsam eiusque rectorem pertinent ex deductis apud Merlin. dec. 257 alias dec. 37 part. 5 recent.* Atque hoc ad exclusionem Parochi, ceu respondit S. R. C. in *Decreto Urbis et Orbis diei 12 Ianuarii 1704 ad dubium 28.*

Quoad secundum dubium recolendum est, quod cum Ecclesia s. Augustini pertineat ad Clerum, hic peragere valet eas functiones, quas antea in Ecclesia SSmæ Annuntiatae et post translationem et Paroeciae erectionem, in Ecclesia s. Augustini usque modo explere consuevit. Canonicis enim independenter a Parocho fas est in propria Ecclesia eas omnes functiones peragere quae parochiales non sunt, ut tridua, novendiales supplicationes aliaque istiusmodi, nec non conciones assuetas haberi ceu colligitur ex decisione S. C. Ep. et Reg. in *Senogallien. 6 Aprilis 1623* relata a Ferraris in sua *Biblioth. Can. v. Collegiatam n. 61 et 65; ex Decreto Urbis et Orbis S. R. C. 12 Ianuarii 1704; et ex resolutionibus S. C. C. in Hortona 5 Iunii 1738, in Pinnen. Iurium et praecminentiarum 26 Aug. 1826, in quibus haec vel laicorum Confraternitatibus absque Parochorum consensu competere decernitur.*

Hisce positis cum celebratio Missae solemnisi feriae V in

Coena Domini et benedictio fontis baptismalis in Sabbato Sancto, uti omnes aliae functiones Hebdomadae sanctae, non sint de iuribus *mere parochialibus*, iuxta Decretum *Urbis et Orbis S. R. C. in dubio 7*, et Monacell. *formul. leg. part. 2 tit. 13 formul. 1 n. 54*; ita ad Clerum haec omnia modo spectare videntur. Atque hoc eo vel magis quia haec etiam capellanis Sodalitatum in suis Ecclesiis permittuntur, teste Benedicto XIV in *Instit. Eccl. 105 §. 7. n. 111*.

Ad tertium dubium gradum faciens clerus sibi competere autumavit asservationem clavis Tabernaculi, SSmnae Eucharistiae administrationem, nec non ius funerandi. Haec autem erumpere dicit ex recognitione horum privilegiorum facta a Capitulo cathedralis Ecclesiae.

Quae iura quum obtineret clerus dum residebat in ecclesia SS. Annuntiatae, translatione sequutâ, eadem iura translata dicenda sunt in novam ecclesiam; *Glossa in cap. privilegium de reg. Iuris in VI*; Innoc. *cap. ex iniuncto sub n. 2 de oper. non nunciatione*. In specie autem asseruit Clerus ex indulto Apostolico sese frui privilegio asservandi habitualiter SS. Eucharistiam.

Ceterum etiam admissio quod sive pro asservatione SS. Eucharistiae, sive pro iure funerandi authenticis indultis et privilegiis caruerit Clerus; nihilominus quoniam per centenariam consuetudinem vel praescriptionem quicumque tituli praesumantur, ceu tradit Rota *cor. Coccin. dec. 2226 n. 14*, hinc facile ingenio suo quisque videt, in themate etiam praesumi posse titulos indulti et privilegii, tum pro asservatione SSmnae Eucharistiae, tum pro iure funerandi. Notum enim est quod quamvis Parochi habeant iuris adsistentiam in funeribus decedentium in propria Paroecia, tamen ius funerandi potest alteri etiam competere ex privilegio speciali, prouti docet s. Rotae Auditorium in *Romana Iurium parochialium 4 Iulii 1654 cor. Zorate*.

Nec abolita dicenda sunt haec Cleri privilegia post erectionem Paroeciae, quandoquidem Pontifex ea sarta tecta que servare voluit cum in decreto erectionis caverit quod ad

præcavenda iurgia ratio habeatur ad cuiuscumque Ecclesiae antiquitatem, splendorem, præerogativas ac privilegia, si quæ habeant. »

Quoad quartum dubium clerus admisit ius esse Parocho celebrandi primam missam; quia id firmatum fuit consuetudine et decreto dioecesano. Attamen haud tolerare potuit quod parochus horam saepe mutet sub specie populi commoditatis, et præsumat quod nemo ex capitularibus missam celebret vel ante, vel tempore missae paroecialis.

Cum igitur constet decreta Synodi dioecesanae Clericos et laicos subiectos ligare, uti resolvunt Massobr. *de Synodo Episcopi cap. 4 dub. 77 et 78*; Gavant. *v. Synod. dioeces. num. 65*; Barbosa *in Collect. in Conc. Trid. sess. 24 de Reformat. cap. 2 num. 35*; cumque iniquum sit ut unius negligentiam alter gravetur, quia negligentia seu culpa sua sibi cuique imputari debet, *l. in condemnatione §. unicuique ff. de reg. iuris cap. mora sua lib. 6 l. subtracto C. de furt. l. transactione finita C. de transact., Anch. cons. 141 col. 1 num 2*, Mandosius *in Reg. 31 quaest. 10 num. 13*; merito deducitur Clerum in celebratione missarum ad libitum Parochi ligatum non esse.

Ad ultimum tandem dubium Clerus deveniens sibi competere ait facultatem excludendi Parochum a sacristia et aliam eidem assignandi. Ipse enim post contractum emphyteuticum dominus evasit sacristiae, et quoniam iuris regula assistit domino, ut illam pro lubito uti valeat, ex vulgari axioma *quod quilibet est rei suae moderator et arbiter*, potest prohibere aliis ne propriam domum seu fundum eo invito ingrediantur; De Luca *de praemin. disc. 12 num. 2*. Accedit etiam quod Clerus, utpote emphyteuta, debet cavere ne super re emphyteutica servitus perpetua imponatur, ex deductis per Afflict. *decis. 380 n. 2 et 3*, Fulgin. *de Emphyt. tit. de renunci. quaest. 3 num. 1 et seq.*, De Luca *de Servit. disc. 22 num. 2*.

DEFENSIO PAROCHI. Ex altera vero parte Parochus s. Augustini evincere studuit sibi tribuendam esse rectoriam su-

per eandem Ecclesiam. Sane Parochus, qui habet suum populum distinctum et separatum cum territorio suis finibus designato, habet pro se praesumptionem libertatis et independentiae; Fagnanus in *cap. Ad audientiam num. 10 de Eccl. aedif.* Rota in *Recen. decis. 569 num. 1 et 24 part. 19, in Aretina Iurium paroch. 27 Februarii 1704* §. *Depulso coram Ansaldo*, ac proinde habet in iure fundatam intentionem libere exercendi in sua Ecclesia omnes ss. functiones, primumque locum in eis tenendi supra ceteros, qualibet maiori dignitate seu maioritate fulgentes, etiam si agatur de Capitulo collegiato, Gratianus *disc. for. 298 num. 89*; Barbosa *de Off. et Potest. Parochi part. 1 cap. 9*. In sua enim Ecclesia et paroeciâ Curatus reputatur Praelatus *arg. in cap. in Apib. 7 quaest. 1*, Abbas in *cap. Decernimus num. 16 de Iudic.* et quodammodo Episcopus ac illius vices gerens, ut praeter adductos Fagn. in *cap. Literae num. 18 de Matrim. contract. contra interdict. Ecclesiae.*

Ast nedum praesumptio, verum facta quoque militare videntur favore parochi: nam Ecclesia s. Augustini in Paroeciam erecta fuit per verba « *hanc Ecclesiam divo Augustino dicatam in Paroeciam erigimus.* » Hinc per hoc factum institutionis in paroeciam, ecclesia illa addicta fuit Parocho, ceu rectori. Qua de re nullum verbum adest in Bulla, quo reddatur Paroecia dependens a Clero quoad Ecclesiam, et quoad alia praetensa: quinimo in Clero uti principalis apparet paroecia. Praeterea plenam possessionem Ecclesiae s. Augustini concessam fuisse Parocho indubitanter eruitur ex actu collationis eiusdem Ecclesiae, in quo haec leguntur: « *Quam possessionem adeptus est vicarius curatus per claves, et per Ecclesiam stando et deambulando, aliosque actus facièndo, qui denotant veram et realem possessionem pacifice, quiete et nemine contradicente.* » Porro sicuti in civili iure traditio clavium importat dominium et possessionem aedificii rerumque in eo contentarum *l. 72 ff. de contract. empt. l. 1 §. 21 in fin. de ff. ad*

*quir. vel omitt. possess.*; ita in canonico iure retentionem clavium Ecclesiae denotare proprietatem et possessionem eiusdem in eo qui eas retinet, exploratissimum est; De Luca *de Sent. disc. 90 num. 4, Rota in Fanen. Ecclesiae et Clavium 5 Iulii 1680 §. Firmato, in Augustana Iurispatronatus super negotio principali 31 Ianuarii 1692 §. Hisque coram Ursino.* Quae omnia maiorem vim accipiunt ex facto quod Parochus iam plura contulit pro Ecclesiae manutentione, quam Clerus omnino negligit.

Neque regerere iuvat Clerum inibi ante Parochum translatum fuisse legitimam auctoritatem; proindeque praecedentiam habere debere supra Parochum ipsum in rectoria Ecclesiae s. Augustini. Quandoquidem Parochus praeprius eidem Clero denegare contendit collegialitatem, eo quia desideretur vera erectio canonica. Comperit enim esse nullam esse posse collegialem Ecclesiam sine Apostolico beneplacito, Rebuff. *Prax. benef. tit. de Erectione in Colleg. in fin. vers. quidquid*; Pignatell. *consult. 90 num. 1 tom. 2, et cons. 109 num. 1 et seqq. tom. 9, De Luca de Benef. disc. 14 num. 12.*

At dato etiam quod in casu signis et indiciis agendum sit, ea unisona et certissima esse deberent, uti tradit Mascard. *de Prob. conclus. 584, Rota decis. 341 num. 2 coram Roxas, et in Posnanien. Parochialis 4 Aprilis 1758 coram Bussio num. 4,* quae in themate desiderari videntur. Improprie enim Clerus hic, ait Parochus, vindicat qualitatem Ecclesiae collegiatae, cum notum sit illam esse institutionem laicalem, quae appellatur *Communia* vel *Receptitia*: cuius participationes exiguntur ratione famulatus aut servitii; sed nulla adest erectio in titulum collativum. Hinc deest basis pro Collegio, nempe ius Canoniae; idque demonstratur etiam ex facto quod numquam neque Apostolica Sedes, neque Ordinarii sese ingesserint in collatione harum *Participationum*.

Nihil proinde in contrarium probare valent attestations Capituli Cathedralis. Quidquid enim asseratur, certum tamen

est, ait Parochus, stallum, sigillum, appellationem Collegiatae etc. signa aequivoca esse collegialitatis, quae referri congrue possunt ac verificari in Ecclesiis mere receptivis, Si desit basis collegialitatis *ius Canonicae*; seu collatio trium, saltem beneficiorum erectorum in titulum; Card. De Luca *de iurisd. disc. 13 n. 7 et seqq. et de benef. disc. 14 et seqq.* Corrad. *in praxi benef. l. 2 cap. 9 num. 19 et seqq.*, Petra *ad Const. 7 Innoc. IV sect. 1 num. 21 et seqq.*, Gonzalez *ad Reg. octav. gloss. 19 n. 15*. Ceterum in posteriori quodam documento contrarium omnino asseritur, et expresse traditur, Clerum non collegialem, sed receptivum esse.

Sublata autem huic clero collegialitate, praeeminentiam super Parochia idem habere nequit. Et in absurda etiam hypothese, quod Clerus collegialitatem haberet, tamen haud pertinet ad eundem neque rectoria, neque eius legitima possessio; quia nullum adest documentum id comprobans. Quinimo contrarium inventum fuit documentum anno 1823, ex quo eruitur concessionem Ecclesiae s. Augustini, favore Cleri factam, precariam et temporaneam esse, non perpetuam; proinde non dominium sed solum limitatum usum Clero praebere.

Hinc corruiat pariter necesse est argumentum Cleri a praescriptione desumptum. Exploratum enim est ad praescriptionem habendam, requiri titulum habilem ad transferendum dominium, cuius generis certe non est temporanea concessio. Cum igitur constet de vitiositate tituli in casu, praescriptio bonae fidei enervatur, et tempus praeterlapsum, omisso etiam quod fuerit interruptum, nihil valet; Fachin. *l. 8 contr. c. 33*, Mascar. *de Probat. vol. 4 concl. 1378 num. 63 et seqq.* Phir. *tit. 26 de praescript. num. 88*, Schmalzgrueb. *de Praescript. §. 5 num. 84*.

Porro cum extra dubitationis aleam positum sit, quod omnes proventus singularum Paroeciarum respectivis Parochis cedere debeant, *cap. 9 de his quae fiunt a Praelat.*, ita ut omnes oblationes et eleemosynae Missarum, intra li-

lites Paroeciae factae et recollectae, de iure ad Parochum loci spectent una cum earum administratione, ut notat Abbas *in cap. 9 l. 3 Decr. num. 2 vers. administrationem autem.* Fagnan. *in cap. 9 num. 30,* Barbosa *de Off. et Potest. Parochi p. 3 cap. 24 num. 5, 24,* Reiffenst. *l. 3 Decr. tit. 30;* prono alveo fluere videtur Parocho in casu oblationes et eleemosynas esse adiudicandas. Et ratio est quia, ut tradit Ferraris in sua *Biblioth. Canon. num. 13 v. oblationes,* ex intentione offerentis censentur fieri Parocho *ratione curae animarum, administrationis Sacramentorum, et aliorum divinatorum,* cum ipse teneatur *ex officio suo pro populo orare,* *Can. Quia Sacerdotes 13 caus. 10 quaest. 1.*

Quoad vero secundum dubium observari potest quod cum Parochus in sua Ecclesia loco Imperatoris, Regis et Episcopi habeatur *cap. duo 23 quaest. 4 et Abbas in cap. venerabilis num. 19 de elect. ad ipsum pertinere debet moderatio functionum, etiam non parochialium, quae in sua Ecclesia peraguntur, uti decrevit S. C. Rit. in Decreto Urbis et Orbis 12 Iun. 1704.*

Atque eo fortius denegandum esse videtur in casu hoc illimitatum ius Clero peragendi Tridua etc. tum quia, aiente Parocho, illud nunquam possedit, sed solum reducebatur ad novendiales supplicationes Nativitatis Christi et Sñae Annuntiatae, tum quia contra consuetudinem immemoriam vellet has functiones ante vespervas peragere, et contra naturam Cleri receptivi unum solum delegare pro iisdem explendis.

Sibi autem competere edisserit Parochus munus praedicandi; et hoc non modo quando agatur de simplici explanatione doctrinae Christianae et Evangelii, verum etiam quoties ipse voluerit per seipsum illud obire. Parochum enim in sua Ecclesia, neque a contraria consuetudine, neque ab Universitate, neque ab Episcopo expoliari imo et impediri posse a concionandi munere, quando per se ipsum illi cupit satisfacere docent De Luca *Amot. ad Conc. disc. 3 num. 2, Miscel. disc. 27 num. 3 et 5:* et resolutum fuit a S. C. C.



*in Florentina Iuris praed. 26 Ianuarii 1697; in Rossanen. Praed. 22 Febr. 1698.*

Ad parochos autem spectare celebrationem Missae solemniss in Coena Domini et benedictionem fontis baptismalis, praeter auctores quamplurimos, declaravit S. C. C. *in Neapolitana 18 Maii 1602* ubi habetur: *In Ecclesiis parochialibus... sacerdotalia munera et presbyterales functiones quae populi, et animarum curam quodammodo concernere videntur, quales sunt... fontis baptismalis benedictiones... celebrationes Missarum feria V in Coena Domini... ad Parochum spectare debere censuit.* Cuius dispositionis rationem dat Monacell. *in formul. leg. part. 2 num. 64 et 65. tit. 13.*

Tertium dubium aggrediens Parochus, ambigendum non esse, ait, de favorabili sibi responso. Cum enim ius funerandi et administrandi Sacramenta et praesertim SS. Eucharistiam recenseatur inter iura parochialia, sibi in sua Ecclesia vel aliis a se deputatis competere exploratum esse dicit, post Concilium Tridentinum et innumeras decisiones a S. C. C. hac super re latas, quas referre supervacaneum esset. Clavem vero s. Tabernaculi a Parocho asservendam esse in Ecclesia parochiali pluries pariter decrevit S. C. C. et praesertim *in Neapolitana die 14 Novembris 1695.*

Demum, ait Parochus, quidquid sit de privilegiis, eidem clero concessis, in bonum populi, quando una erat paroecia, nunc eidem derogatum esse constat, non modo ex decreto S. C. C. die 23 Aprilis 1857, quo novae Paroeciae erigebantur *cum pleno iure parochialitatis aliisque de iure ac consuetudine competentibus*, verum etiam per decretum Episcopi illius executorium, ubi numero 10 decernebatur, ut Paroeciis, sic erectis iura parochialia competere *« quacumque exceptione vel appellatione remota, in posterum inviolabiliter ab omnibus singulisque servanda, non obstantibus privilegiis, indultis, praerogativis, constitutionibus, etsi praecipua mentione dignis, contrariis quibuscumque »* etc.

Quoad horam missae parocialis animadvertit Parochus; neque antiquam consuetudinem, quae reapse non existit, neque legem Synodalem, quae in desuetudinem ivit, attendendas esse; sed consulendum esse maiori populi commoditati. Qua de re ob bonum populi spirituale, merito Parochus inhibere potest ne alii Sacerdotes celebrent diebus festis, ante vel durante Missa parochiali, in qua ipse tenetur explanare doctrinam Christianam, ne scilicet fideles abstrahantur ab auditione concionis, quae fieri debet in Missa parochiali, ut declaravit S. C. C. apud Nicol. v. *Missa n. 3.* Hinc etiam est quod S. C. C. sub *die 28 Ianuarii 1640* Episcopis insinuare censuit, ut pro prudentia curent, ut in diebus festivis prius celebretur Missa in Ecclesia parochiali quam alibi.

Ultimo tandem loco sacristiae usum ad se pertinere edisserit Parochus, ita ut nec a Clero ullimode exturbari possit. Quandoquidem cum sacristia accessorium sit Ecclesiae parochialis, quae a Parocho legitime possidetur, sacristiam etiam ad se spectare autumavit; accessorium enim semper sequitur conditionem principalis.

Accedit quod Clerus omne ius amisit supra sacristiam ex dispositis in articulo 4 contracti emphyteutici cum Religiosis augustinianis initi: quia per 15 annos haud solvit canonem quem solvere debebat quotannis sub poena caducitatis.

Quibus utrinque animadversis, enodanda proposita fuere sequentia

### Dubia.

I. *An rectoria Ecclesiae s. Augustini pertineat ad Parochum; ita ut eidem competat oblationum administratio et eleemosynarum collectio in casu.*

II. *An Clerus valeat in praedicta Ecclesia, peragere functiones, tridua, novendiales supplicationes, concionesque habere ut antea, et celebrare Missam feriae V in Coena Domini, benedicere fontem baptismalem in Sabbato sancto in casu.*

III. *An ad Clerum vel Parochum pertineat assertio clavis Tabernaculi et administratio SS. Eucharistiae, et ius funerandi in casu.*

IV. *An tempore Missae parochialis, vel ante, possint sacerdotes Missam celebrare.*

V. *An possit Clerus sacristiae usum retinere, et aliam Parocho assignare in casu.*

RESOLUTIO. Sacra C. C. die 2 Iunii 1883, re perpensa, censuit respondere:

Ad I. *Affirmative in omnibus, exceptis eleemosynis et oblationibus, quae directe et nominatim Clero offeruntur.*

Ad II. *Affirmative, absque tamen functionum parochialium perturbatione, et excepta celebratione Missae feriae V in Coena Domini et benedictione fontis baptismalis in Sabato Sancto.*

Ad III. *Pertinere ad Parochum; qui tamen teneatur praebere Clero Tabernaculi clavem pro functionibus fieri solitis cum expositione SS<sup>m</sup>i Sacramenti.*

Ad IV. *Tempore Missae parochialis, negative, in reliquis provideat Episcopus.*

Ad V. *Quoad usum affirmative, in reliquis negative.*

#### EX QUIBUS COLLIGES.

I. Parochum in sua Ecclesia reputari Praelatum, aut Episcopi vices gerentem; hinc in suo territorio habet praesumptionem libertatis et independentiae, et intensionem in iure fundatam libere peragendi ss. functiones, et primum tenendi locum in eisdem peragendis.

II. Ad Parochum spectare omnes respectivae paroeciae proventus; ita ut ad eundem spectent de iure omnes oblationes, et eleemosynae collectae intra fines suae paroeciae, una cum earumdem administratione; nam oblato censetur

offerre Parocho ratione curae animarum, et administrationis Sacramentorum.

III. In themate haud ambigendum concessam fuisse parochi plenam possessionem Ecclesiae s. Augustini per traditionem clavium; quae denotant proprietatem et possessionem eiusdem Ecclesiae, post decretum pontificium et Episcopi executionem.

IV. Stallum, sigillum, et appellationem Collegiatae haud esse certa signa, quibus secure dignosci possit an aliqua Ecclesia sit reapse Collegiata; praesertim si desint beneficia collativa, erecta in titulum.

V. In themate, si demas nonnulla aequivoca signa, nil aliud habes, quod Collegiatae indolem revelet; et quod praecipuum est, deficit quodcumque beneficium assequendum ad nominationem alterius et per canonicam institutionem.


VI. Ad praescribendum requiri titulum habilem a quo dominium transferri queat; hinc haud sufficeret possessio temporanea alicuius rei vel possessio malae fidei; a quibus certe non gignitur titulus dominii.

VII. Et si ex decreto Urbis et Orbis (1) resolutum fuerit quod Missa sollemnis in Coena Domini, et benedictio fontis baptismalis non sint de iuribus mere parochialibus, tamen ad parochos spectare indubium est.

VIII. Tempore Missae paroecialis alias celebrare Missas, in eadem Ecclesia vetitum esse, quamplurimas innuere resolutiones ss. Congregationum ne fideles abstrahantur ab auditione concionis, quae fieri debet in Missa paroeciali (2).

(1) Decretum hoc habes Vol. I. pag. 591 in nota.

(2) Recole Volumen IV. pag. 250.



## MATRIMONII

---

*Diebus 17 Martii et 2 Iunii 1883.*

COMPENDIUM FACTI. Anno vertente 1870 die vero 11 Augusti matrimonium rite celebratum est in faciem Ecclesiae inter Florindum U. et Conceptam M. e pago G. quatuordecim tantum annos natam. Post matrimonii celebrationem sponsi mulieris domum petiere, ut ientaculum ab eius patre paratum sumerent. Dein immediate, iuxta illius loci consuetudinem, sponsi separati sunt, et vir ad propria rediit, quin unquam amplius cum Concepta loqueretur. Civile, quod audit, coniugium iniri nequivit ob defectum in muliere aetatis a iure requisitae.

Sed vix legalem attingit aetatem Concepta, civili coram magistratu virum duxit alium Florindum M. Florindus U. et ipse solitudinis pertaesus, civili ritu sese devinxit cuidam Claudinae.

Demum conscientiae ut consulerent, anno 1875 uterque Sacratissimum Principem adiverunt ut dispensationem consequerentur a matrimonio rato et non consummato.

Confecto rite processu in Curia Dioecesana coniugum, causa oeconomice proposita est cum voto Theologi et Canonistae.

### Disceptatio Synoptica.

QUAE THEOLOGUS IN SUO VOTO ADDUXIT. Tria discutienda sumpsit Theologus. 1° an matrimonium consummatum fuerit, 2° an valide contractum, 3° an adsint causae pro concedenda dispensatione.

Nullum oriri posse dubium, ait, de matrimonii non consummatione, quandoquidem in id uno ore consentiant et iurate sponzorū declarationes, et testium depositiones.

Revera fieri nequivisse ut si matrimonii consummatio locum habuisset, tot inter testes, maxime vero mulieres propinquas, consanguineas, amicitia et vicinitate coniunctas, natura curiosas ad huiusmodi investiganda, et loquaces, ne unus quidem vel levem suspicionem afferret, nedum congressus inter sponso, sed nec contactus.

Contra exploratum esse sponso in puerili pene aetate, ex voluntate parentum ad nuptias celebrandas ductos fuisse: ac deinceps sub parentum custodia constitutos paternam domum quemque eorum nunquam deseruisse, seiunctos vixisse. Mulierem vero, non multo post, patre vix defuncto, civile quod aiunt, connubium cum alio contraxisse a quo filios accepit. Itaque cum moralis certitudo adsit post matrimonium, excepto temporis momento quo ientaculum a patre sponsae oblatum perduravit, nunquam nec colloquutos simul sponso fuisse, matrimonii non consumationem in comperto esse.

Sed non solum de matrimonii non consummatione moralem certitudinem haberi, verum etiam gravem dubitationem exoriri de ipsa matrimonii huius validitate. Quandoquidem exploratissimum sit apud Doctores omnes, ac veluti axioma receptum, ad matrimonium non sufficere consensum quemlibet voluntarium et liberum, sed liberum requiri *absque ulla involuntarii admixtione*. Iamvero constare pueros illos, rudes, nec voluntate nec sponte sua ad matrimonium contrahendum ivisse, sed ductos a parentibus. Nam Vicarius foraneus testatus est: matrimonium illud initum fuisse magis ex parentum interesse, quam ex contrahentium voluntate. Sponsum qui eo tempore puer erat, iam virum factum declarasse: *contra omnem voluntatem suam, et ex solo patris et novercae imperio se nuptias contraxisse: novercam enim intererat, Conceptam, quae eius soror erat, viri sui filio coniungere: se quasi vi ductum Ecclesiam adivisse*. Idem et Conceptam declarasse - *Quatuordecim annos nata eram (inquit) cum parentes mei ad Florindum ducendum me induxerunt - Nunquam sed huiusmodi in-*

*tentionem habui.* In id et omnes testes convenire. Hoc subsequencia confirmare: nam ex toto processu compertum haberi, sponso imposterum nunquam amplius simul colloquutos esse. Igitur si in actum externum pueri imperiti et rudes parentibus ex utraque parte impellentibus consenserunt, pro certo haberi posse: eos matrimonium contrahere voluisse, et forsitan, quid agerent nescivisse. — S. Thomam (12 q. 6 art. 6 ad 2) scribere *voluntarium dicitur quod est secundum inclinationem voluntatis.* Atqui cum nulla voluntatis inclinatio existerit in Florindo et Concepta, nihil voluntarii in illis esse potuisse, ac propterea nullum reperiri consensum.

Idipsum ex ignorantia confirmari. S. Thomam (ibid art. 8) tradere de ignorantia quod . . . . *privat cognitione quae praeexigitur ad voluntarium: sicut cum aliquis ignorat aliquam circumstantiam actus, et ex hoc aliquid agit quod non faceret, si sciret.* Nimis enim probabile esse, pueros illos rusticos, inter propinquos rusticos viventes, nihil de Sacramenti religione cognovisse, nec de matrimonii obligationibus effectibus et vinculo nunquam amplius disiungendo.

Ad tertium procedens Theologus, causam pro dispensatione concedenda adesse ostendit ex odio quod inter sponso ortum est, de quo Praepositus Curatus testimonium reddit. Sponso autem nec posse nec velle in concordiam redire. Id etiam unanimi voce testes affirmare.

QUAE CANONISTA IN SUO VOTO DISPUTAVIT. — Eadem ac Theologus diverso ordine, (nam prius de defectu consensus egit, postea vero de non consummatione) sed pari argumentorum pondere aggressus est Canonista. Ultimo loco de causis dispensationis concedendae disputans, inquit: principalem causam dispensationis concedendae esse scandalum, quia id cedit in commune damnum: ceu tradit Sanchez. *Lib. 2 disput. 6* et timorem necis vel gravis rixae, et fortius fornicationis periculum utrumque enim sponsum in concubinato vivere. Timorem insuper necis ex parte concubinae relate ad sponsum, ex parte vero concubinarum relate ad sponsam,

hisce praesertim temporibus certissimum inesse. Nam si odio mutuo sese iam prosequuntur, valde de eorum vita timendum fore, si ad convivendum cogentur. - Quare Eugenium III dispensasse matrimonium ob odium quod inter coniuges emererat - Sanchez *loc. cit.*

Aliam causam esse cum alter coniugatorum asserit, animum contrahendi non habuisse, nec ulla spes superest ut consensus ratificetur. In casu non alterum ex sponsis, sed utrumque eorum voluntate contrahendi expertem fuisse, nec ullam spem superesse ut consensum redimere velint, immo ab eo quam maxime abhorrent.

Demum tertiam suppetere rationem in legitimatione prolis ex parte sponsae, quae civili actu iamdiu copulata invenitur cum Florindo M. filiosque ex eo accepit:

ANIMADVERSIONES AD SERTORIS VINCULI MATRIMONIALIS. Agens primo loco de defectu consensus, is consultorum votis reponebat; eam libertatis laesionem in matrimonio requiri, quae sit ex metu a causa externa et iniusta incusso ad actum extorquendum. Ignorari in casu num metus intervenerit ex malis quae quis minatur. Nec ad timorem reverentialem esse confugiendum, nam ut hic talis sit qui consensum inficiat, minas adnexas habere debet uti docuit S. Rota *Decis. coram Emerix.*

Ad dispensationem super matrimonio rato concedendam accedens, ante omnia actorum defectus indigitabat. Deficere enim aiebat in processu iudicis, matrimonii vindicis, et notarii iuramentum, de munere sibi tradito fideliter obeundo. Id autem peculiare haberi in processu, quod in matrimonii vindicem assumptus fuerit ille idem Vicarius foraneus, qui totus antea in eo fuerat, ut dispensationem pro sponsis a s. Sede obtineret. Hunc autem inconsummationis et non existentiae matrimonii patrocinium suscepisse.

Proclamatum esse in iure, possibilitate et praesumptione matrimonii obsistente, denegandam esse dispensationem. Matrimonii consummationem semper praesumi ex sola consummationis possibilitate S. C. C. in *Chien Matr. 26 Dei 1791*



et in *Spoletana* 20 Dec. 1873 §. Hoc - Solam coniugum confessionem ad contrarium adstruendum haud sufficere; Bernardi de *dissociat. coniugum* cap. 1. Imo assertionem iurata coniugum, non haberi nisi ut probationem adminiculum: et si quando habita fuit uti vera probatio, id admissum fuisse per quamdam exceptionem quoad magnates. Illud praeterea, quod gravius est, exigi, ut sponsorum assertiones de non consummato inter se matrimonio, sint undequaque concordēs.

In casu sponsorum assertionem contradictione laborare. Etenim cum sponsi de reliquo tempore quod matrimonium sequutum est, excepto primo momento semper concordēs sunt, (post sumptum ientaculum unumquemque domum rediisse) virum asserere: se quandoque Conceptam vidisse, hanc vero se *nunquam* ipsum *amplius adspexisse*.

Remanere ergo probationem per testes. Hos autem negativum factum ponere, deponentes: *reor commercium inter se non habuisse*, cuius causam afferunt aliud factum - *una simul non cohabitabant - nunquam simul cubaverunt*. Verum hoc parvi momenti esse. Sufficere enim amoris et veneri momenta temporis inopinatasque occasiones. Ergo coniunctionis possibilitatem per testes non excludi.

Accedere his, quod testes loquentes de personis quae pluribus abhinc annis putido contubernio utuntur, prouti ambo coniuges isti, eas *honestas et religiosas proclamant*. Huiusmodi testibus non esse fidem praestandam, cum de matrimonii inconsummatione deponunt.

Tandem omnem pro dispensatione concedenda causam deesse. Haec teste *Schmalzgrueber Ius Eccles. Univ. part. 4 tit. 49*, gravis esse debet. Et *Conscium de Separat. thori lib. 1 cap. 16* addere: *causam concernere debere bonum publicum*.

Discordias in facto nullas huc usque inter sponso extitisse. Quod si per dispensationis concessionem malum removeri velit scandalum perseverantis, potius quam boni veri malum probationem haberi posse Aetas namque nostra ad divortia pro-

clivis est. Cavendum esse ne dispensationes huiusmodi nimis frequentes, pro divortiiis sumantur. In talibus nos versari circumstantiis, ut pro religionis et fidei tutamine necessaria omnino severitas evaserit.

His aliisque disputatis, propositum est resolvendum

### Dubium

*An sit consulendum SSmo pro dispensatione a matrimonio rato et non consummato in casu.*

RESOLUTIO. Sacra Congr. in comitiis diei 17 Martii 1883 responsum dedit: *Praevia sanatione actorum affirmative, imposita tamen partibus separatione per tempus, Archiepiscopo administratori benevisum.*

Reproposita causa in comitiis diei 2 Iunii 1883 cum novis animadversionibus defensoris ex officio, Eñi Patres eandem ediderunt sententiam per rescriptum: *In decisis.*

### EX QUIBUS COLLIGES :

I. Exclusa per sponsorum testiumque concordēs depositiones consummatione matrimonii, moralem haberi non consummationis certitudinem.

II. Matrimonium non dari sine consensu. Consensum vero in matrimonio deficere, si desit contrahentium voluntas sive ex ignorantia sive ex coactione.

III. Ignorantiam haberi cum ob teneram nimis aetatem ingenique ruditatem, quae matrimonii Sacramenti propria sunt, contrahentes latent omnino.

IV. Coactionem non pro omnibus similem requiri, sed indoli, sexui, ac potissime aetati proportionalem.

V. Cum de adolescentibus agitur haud graves minas requiruntur ut suasum sit, eos parentum voluntati in matrimonio contrahendo obtemperasse.

VI. Causas dispensationis concedendae sct̄ validas haberi in probato periculo odii inter coniuges, nec non in remotione publici scandali.

## CAESARAUGUSTANA

## LUCRATIONIS DISTRIBUTIONUM

*Die 5 Maii 1883.*

Per summaria precum.

COMPENDIUM FACTI. Capitulum Ecclesiae Caesaraugustanae exposuit S. C. Congregationi: iuxta Bullam Clementis XII Dignitates et Canonicos huius Ecclesiae frui 45 diebus absentiae cum perceptione distributionum choralium, et aliis 45 diebus iuxta Concilium Tridentinum cum amissione ipsarum distributionum; Beneficiatos vero 20 diebus liberis. Cum autem, confectis in praesenti statutis Capitularibus, iuxta novissimum Hispaniae Concordatum, 45 dies liberi pro Canonicis, et 20 pro Beneficiatis, pauci videantur... ideo adprecatum ut... indulgere dignetur quod Dignitates et Canonici huius Ecclesiae frui possint iure abessendi a residentia per 90 dies, a Tridentino concessos, absque amissione distributionum, et Beneficiati per 40, dum alii, in numero sufficienti, Praelati iudicio, resideant et omnia onera fideliter adimpleant.

### Disceptatio Synoptica.

PRECES RESPUENDAE VIDENTUR. In primis precibus a Capitulo porrectis haud assentiendum esse videtur, praesertim si ius novissimum inspiciatur. Requidem vera ex praescriptione Concilii Tridentini distributiones, non ab aliis lucrari possunt quam ab his qui divinis officiis reapse adsistunt. *Sess. 24 cap. 12 de Reform.* Et merito quidem, distributiones enim quotidianae in gratiam cultus divini institutae sunt, ut sic Canonici et Capellani promptius et frequentius pro officiis divinis recitandis ad Ecclesiam convenirent, *Cap.*

*Unic. de Cleric. non resid. in. 6<sup>o</sup> Clement. Rota part. 8 Decis. 24 num. 17 et 18.* Huius S. Congregationis praxis semper consona fuit conciliari praescriptioni; ita ut si aliquando huic dispositioni derogatum fuit, id factum est non nisi iustis et legitimis interveientibus causis. quae sunt infirmitas, vel necessitas, vel evidens Ecclesiae utilitas. iuxta idem sacrosanctum Concilium Tridentinum loco cit. cui concinunt Doctores et praesertim Benedictus XIV *in Synod. Dioec. lib. 12 cap. 1 num. 3.* Cum igitur in themate nulla ex hisce causis concurrat, sponte veluti sua fluere videtur, Capitulo concedi non posse distributiones pro tempore vacationis: eo praesertim quia compertum in iure est, distributiones quotidianas introductas esse ratione laboris et servitii Ecclesiae praestiti, et huius dumtaxat intuitu dari. Ast Canonici qui non resident nullum praestant servitium; et aeque non est ut distributionibus participant quotidianis. Cum vero tam Canonici per 45 dies et Beneficiati per 20 ex privilegio Clementis XII valeant abesse a choro et percipere distributiones, hoc iam contenti esse possent.

PRECES EXCIPIENDAE VIDENTUR. Ex altera vero parte Capitulum animadvertit quod: a tempore Concilii et Bullae, ita res immutatae sunt, et Ecclesiae reditus imminuti et perincerti, vitae necessitates rerumque pretium magno auctae, ut allata tertia parte pro amissis distributionibus, pro vita et decore Canonicorum et residentium parum vix necessarium superabit. Iamvero quamvis pro generali regula et sacrorum canonum ac Conc. Tridentini sanctione Canonici ut lucrentur distributiones debeant legi residentiae subiacere et statis horis choro intervenire, uno tamen ore ad. traditur, regulam hanc limitationem pati praesertim ex benignitate S. C. quoties iustis ac rationabilibus causis sit innixa. Quas inter causas principem tenet locum reddituum tenuitas; cum ad assiduum et quotidianum servitium altari praebendum, haud sit cogendus qui ex altare non habet unde vivat. Hinc causae huic innixa S. C. C. saepe

saepius quotidianum servitium ad certum dierum numerum cohibuit. Ita in *Sutrina Officiaturae dici 23 Februarii 1782*.

Praeterea Ecclesia cathedralis Caesaraugustana hoc habet speciale quod, capitulo diviso in duas residentias pro utraque Ecclesia, Salvatoris scilicet et Beatae Mariae de Columna, Canonici obstricti sunt duplicibus muneribus Missae conventualis, Feriae, Vigiliae, Officii et aliis quamplurimis actibus cultus divini, qui quidem solemnissime simul in duabus Ecclesiis celebrantur, cum maximo et duplici residentium incommodo et labore. Cum autem rectae rationi et sacerorum canonum dispositioni conforme sit, quod onus imponatur proportionabiliter ad stipendium, Bonac. *Tom. 1 De hor. can. Disp. V quaest. 3 punct. 5 num. 1 et disp. 2 quaest. 1. num. 2 et 5. Antonelli de Iure Cleric. cap. ult. §. 2 n. 85 et seqq. Reiffenstuel Ius. Can. 463 tit. lib. 3 n. 107* congruum videtur ut Capitulo Cesaraugustano, quod aliunde gravia onera habet, indulgeatur ut saltem non amittat distributiones tempore vacationis; praesertim quia cultus divinus nullum prorsus detrimentum patiat.

Hisce praenotatis, quaesitum est an rescribendum esset pro gratia.

RESOLUTIO. Sacra Cong. Concilii, re discussa, sub die 5 Maii 1883, gratiam negavit rescribens:

*Non expedire.*

#### EX QUIBUS COLLIGES:

I. Canonicos a choro absentes nullimode facere suas posse distributiones quotidianas, quae debentur tantum interessentibus choro statis horis.

II. Nam quotidianae distributiones a iure inductae sunt ratione laboris et choralis servitii: nempe ut spe panis quotidiani etiam tardi et negligentes fierent in choro assidui.

III. In themate defuisse videntur causae quae a rigore uris recedere suaderent et oratorum preces excipere; dum oratores ex pontificio privilegio iam perciperent, hasce distributiones pro dimidio temporis absentiae conciliaris.



## EX SACRA RITUUM CONGREGATIONE

### DECRETUM

quo festa Immaculatae Conceptionis et S. Iosephi inseruntur in caeremoniali Episcoporum, tum quoad usum Pallii, tum quoad dies, quibus Episcopi solemniter celebrare solent.

Ob recentem ad ritum Duplicis primae classis evectionem Festi Immaculatae Beatae Mariae Virginis Conceptionis, et Festi Sancti Iosephi eiusdem Deiparae Sponsi, Catholicae Ecclesiae Patroni, quum eadem Festa inter solemniora accensenda sint, Sacra Rituum Congregatio congruum duxit ut in Caeremoniali Episcoporum, tum Lib. I. Cap. XVI. n. 4, in quo agitur de usu Pallii, tum Lib. II. Cap. XXXIV. n. 2, ubi dies enumerantur quibus Episcopi solemniter celebrare solent, utraque ex praedictis festivitibus amodo inseratur. Hanc porro Sacrae ipsius Congregationis sententiam, per infrascriptum Secretarium Sanctissimo Domino Nostro Leoni Papae XIII relatum, Sanctitas Sua ratam habens, praecepit ut in novis praefati Libri liturgici editionibus, eiusmodi additamentum perficiatur.

Die 9 Septembris 1883.

Pro Eñõ et Rñõ Dño Card. D. BARTOLINI S. R. C. PRAEFECTO

C. Card. DI PIETRO Episc. Ostien. et Velitern.

LAURENTIUS SALVATI S. R. C. *Secretarius.*

## DECRETUM

quo varia resolvantur dubia quoad recitationem officiorum votivorum per annum, loco feriarum.

Quum nonnulla oborta sint Dubia circa Indultum generale a Sanctissimo Domino Nostro Leone Papa XIII datum per Decretum Sacrorum Rituum Congregationis sub die 5 Iulii nuper praeteriti quoad recitationem Officiorum *Votivorum per annum* loco feriarum, Sacra eadem Congregatio sui muneris esse censuit ea sedulo examini subiicere, atque exinde authenticam declarationem emittere.

Quapropter idem Sacer Ordo subsignata die ad Vaticanum in particulari coetu coadunatus insequentia Dubia expendenda suscepit, nimirum:

I. An verba Indulti *« quoad privatam vero recitationem ad libitum singulorum de Clero »* intelligenda sint de eis tantum, qui nullo canonico titulo ad Chorum tenentur?

II. An statuta, de consensu Capituli, seu Communitatis ab Ordinario approbata, recitatione Officii votivi, liceat quaecumque ab ea acceptatione recedere?

III. An Indultum ipsum ita acceptari possit, ut quibusdam anni diebus de Feria aliis vero de Votivis Officiis in Choralis recitatione agi valeat?

Emi porro ac Rmi Patres, omnibus accurate perpensis, sic rescribere rati sunt:

Ad I. *Affirmative.*

Ad II et III: *Negative.* Atque ita rescripserunt, declaraverunt, ac servari mandarunt.

Die 10 Novembris 1883.

D. Cardinalis BARTOLINIUS S. R. C. PRAEFECTUS.

LAURENTIUS SALVATI S. R. C. *Secretarius.*



## EX S. CONG. S. R. U. INQUISIT.

## DECRETUM

**Quoad matrimonia mixta quae iniri solent coram haeretico ministro.**

Non latet quibusdam in locis haeticum ministrum agere personam magistratus mere civilis, coram quo se sistere solent coniuges aut etiam debent ob finem politicam, nempe ut habeantur civiliter honesti coniuges prolesque censeatur legitima. Tunc vero urgentibus haeticis, aut lege civili imperante, non improbat quod pars catholica una cum haetica se sistat ante vel post contractum ad formam Tridentini matrimonium, etiam coram ministro haeresi addicto, ad actum civilem dumtaxat implendum. Etenim ad dubium olim sic expressum « Utrum Catholicus coram proprio catholico paroco cum haeretico contrahens licite possit, urgentibus haeticis, matrimonium hoc ratificare coram ministro haeretico, si nulla hinc ritus haeretici professio habeatur aut colligatur, et quidquid minister haeticus in casu agit civilis dumtaxat et politica postulatio sit, et censeatur » per hanc s. Congregationem responsum fuit *affirmative*.

Verum enim vero quotiescumque minister haeticus censeatur veluti sacris addictus, et quasi Parochi munere fungens, non licet catholicae parti una cum haetica matrimonialem consensum coram tali ministello praestare, eo quia adhiberetur ad quamdam religiosam coeremoniam complendam, et pars catholica ritui haeretico se consociaret; unde oriretur quaedam implicita haeresi adhaesio, ac proinde illicita omnino haberetur cum haeticis in divinis communicatio. Ea propter etsi perniciose haec consuetudo inoleverit, ita ut a Clero de facili corrigi non possit; nihilo tamen secius omni adhibito studio ac zelo evellenda erit. Et sane Benedictus XIV aperte docet non licere contrahentibus se sistere coram ministro haeretico, quatenus assistat ut minister addictus sacris, et contrahentes peccare mortaliter, et esse monendos.

Opportune itaque a Te instructi et commoniti Parochi ac Missionarii edoceant fideles, qua publicis in Ecclesiis Catechesibus, qua privatis instructionibus circa constantem Ecclesiae doctrinam et



praxim, ita ut a mixtis contrahendis nuptiis quoad fieri possit salubriter avertantur; sin autem, abhorreant prorsus a celebrando matrimonio coram haeretico ministro sacris addicto, id quod omnimode illicitum et sacrilegum est. Ita responsum fuit Ordinario Trevirensi sub fer. IV. 21 Aprilis 1847.

Sciant insuper Parochi, si interrogentur a contrahentibus, vel si certe noverint eos adituros ministrum haeticum sacris addictum ad consensum matrimonialem praestandum, se silere non posse, sed monere eosdem debere sponsos de gravissimo peccato quod patrant, et de censuris in quas incurrunt. Veruntamen ad gravia praecavenda mala si in aliquo peculiari casu Parochus non fuerit interpellatus a Sponsis, an liceat nec ne adire ministrum haeticum, et nulla fiat ab iisdem sponsis explicita declaratio de adeundo ministrum haeticum, praevideat tamen eos forsitan adituros ad matrimonialem renovandum consensum, ac insuper ex adiunctis in casu concurrentibus praevideat monitionem certo non fore profuturam, imo nocituram, indeque peccatum materiale in formalem culpam vertendum; tunc sileat, remoto tamen scandalo, et dummodo aliae ab Ecclesia requisitae conditiones atque cautiones rite positae sint, praesertim de libero religionis exercitio parti catholicae concedendo, nec non de universa prole in religione catholica educanda. Quod si tandem consensus coram parcho velit renovari, postquam praestitus iam fuerit coram ministro haeretico, idque publice notum sit, vel ab ipsis sponsis parcho notificetur; parochus huic matrimonio non intererit nisi servatis uti supponitur ceteroquin servandis, pars catholica facti poenitens, praeviis salutaribus poenitentiis, absolutionem a contractis censuris rite prius obtinnerit, Sacra igitur Congregatio plurimum in Domino confidit, Te praemissis prudenter et firmiter inhaerentem effecturum, ut inviolabilis doctrinae sartum tectum servetur depositum, catholicorum mores fidei respondeant, damna apprehensa arceantur, ac fideles doctrina et exemplo roborati incedant per semitas iustitiae.

Ita per Decretum datum in generali Congregatione Emorum ac Rmorum DD. S. R. E. Cardinalium in rebus fidei Generalium Inquisitorum Feriae IV die 17 Februarii 1864.

—

## LITTERAE

**LITTERAE in forma Brevis, quibus commendatur rosarii quotidia-  
na recitatio; quibusque edicitur esse in R. Pontificis opta-  
tis ut in Dioecesium singularum templo principe quotidie,  
in templis curialibus diebus festis singulis recitetur rosarius,  
et decernitur ut in Litanis Lauretanis addatur REGINA  
SACRATISSIMI ROSARII ORA PRO NOBIS.**

LEO PP. XIII.

AD PERPETUAM REI MEMORIAM.

Salutaris ille *spiritus precum*, misericordiae divinae munus idem et pignus, quem Deus olim effundere pollicitus est *super domum David et super habitatores Ierusalem*, etsi numquam in Ecclesia catholica cessat, tamen experrectior ad permovendos animos tunc esse videtur cum homines magnum aliquod aut ipsius Ecclesiae aut reipublicae tempus adesse vel impendere sentiunt. Solet enim in rebus trepidis excitari fides pietasque adversus Deum, quia quo minus apparet in rebus humanis praesidii, eo maior caelestis patrocinii necessitas intelligitur.— Quod vel nuper perspexisse videmur, cum Nos diuturnis Ecclesiae acerbitatibus et communium temporum difficultate permoti, pietatem christianorum per epistolam Nostram Encyclicam appellantes, Mariam Virginem sanctissimo Rosarii ritu colendam atque implorandam Octobri mense toto decrevimus. Cui quidem voluntati Nostrae obtemperatum esse novimus studio et alacritate tanta, quantam vel rei sanctitas vel caussae gravitas postulabant. Est enim neque in hac solum Italia nostra, sed in omnibus terris pro re catholica, pro salute publica, supplicatum: et Episcopis, auctoritate, Clericis exemplo operaque praeaeuntibus, magnae Dei matri habitus certatim honos. Et mirifice sane Nos declaratae pietatis ratio multiplex delectavit: templa magnificentius exornata: ductae solemni ritu pompae: ad sacras conciones, ad synaxin, ad quotidianas Rosarii preces magna ubique populi frequentia. Nec praeterire volumus quod gestienti animo accepimus de nonnullis locis, quos procella temporum vehementius affligit: in quibus tantus extitit fervor pietatis, ut pre-

sbyterorum inopiam privati redimere, quibus in rebus possent, suomet ipsi ministerio maluerint, quam sinere ut in templis suis indictae preces silerent.

Quare dum praesentium malorum sensum spe bonitatis et misericordiae divinae consolamur, inculcari bonorum omnium animis intelligimus oportere, id quod sacrae Litterae passim aperteque declarant, sicut in omni virtute, sic in ista, quae in obsecrando Deo versatur, omnino plurimum referre perpetuitatem atque constantiam. Exoratur enim placaturque precando Deus: hoc tamen ipsum, quod se exorari sinit, non solum bonitatis suae, sed etiam perseverantiae nostrae vult esse fructum. — Talis autem in orando perseverantia longe plus est hoc tempore necessaria, cum tam multa Nos tamque magna, ut saepe diximus, circumstent ex omni parte pericula, quae sine praesenti Dei ope superari non possunt. Nimis enim multi oderunt *omne quod dicitur Deus et colitur*: oppugnatur Ecclesia neque privatorum dumtaxat consiliis, sed civilibus persaepe institutis et legibus: christianae sapientiae adversantur immanes opinionum novitates, ita plane ut et sua cuique et publica tuenda salus sit adversus hostes acerrimos, extrema virium coniuratos experiri. Vere igitur huius tanti proelii complectentes cogitatione certamen, nunc maxime intuendum animo esse censemus in Iesum Christum Dominum Nostrum, qui quo Nos ad imitationem erudiret sui, *factus in agonia prolixius orabat*.

Ex variis autem precandi rationibus ac formulis in Ecclesia catholica pie et salubriter usitatis, ea quae Rosarium Mariale dicitur, multis est nominibus commendabilis. In quibus, quemadmodum in Litteris Nostris Encyclicis confirmavimus, illud permagnum, quod est Rosarium praecipue implorando Matris Dei patrocinio adversus hostes catholici nominis institutum: eaque ex parte nemo ignorat, sublevandis Ecclesiae calamitatibus idem saepe et multum profuisse. Non solum igitur privatorum pietati, sed publicis etiam temporibus est magnopere consentaneum, istud precandi genus in eum restitui honoris locum, quem diu obtinuit, cum singulae christianorum familiae nullum sibi abire diem sine Rosarii recitatione paterentur. His Nos de causis omnes hortamur atque obsecramus, ut quotidianam Rosarii consuetudinem religiose et constanter insistant: itemque declaramus, Nobis esse in optatis ut in Dioeceseon singularum templo principe quotidie, in templis Curialibus diebus festis singulis recitetur. Huic autem excitandae tuendaeque exercitationi pietatis magno usui esse poterunt familiae

Ordinum religiosorum, et praecipuo quodam iure suo sodales Dominicaniani: quos omnes pro certo habemus tam fructuoso nobilique officio minime defuturos.

Nos igitur in honorem magnae Dei genitricis Mariae; ad perpetuam recordationem implorati ubique gentium per mensem Octobrem a purissimo Eius Corde praesidii; in perenne testimonium amplissimae spei, quam in Parente amantissima reponimus; ad propitiam eius opem magis in dies impetrandam, volumus ac decernimus, ut in Litaniis Lauretanis, post invocationem, *Regina sine labe originali concepta*, addatur praeconium, *Regina sacratissimi Rosarii ora pro nobis*.

Volumus autem, ut hae Litterae Nostrae firmæ rataeque, uti sunt, ita in posterum permaneant: irritum vero et inane futurum decernimus, si quid super his a quoquam contigerit attentari: contrariis non obstantibus quibuscumque.

Datum Romae apud S. Petrum sub annulo Piscatoris die XXIV Decembris An. MDCCCLXXXIII, Pontificatus Nostri Anno Sexto.

TH. CARD. MERTEL.

---

EX S. CONGREGATIONE CONCILII

---

CESARAUGUSTANA

INDULTI

Die 2 Iunii 1883.

Per summaria precum

COMPENDIUM FACTI. Mense Februario decurrentis anni Capitulum metropolitanum Cesaraugustae in Hispania, supplicem libellum Sacratissimo Principi porrexit, exponens: « Hisce duabus Ecclesiis metropolitanis, nempe Salvatoris

et B. Mariae Virginis de Columna, a tempore, cuius non est memoria, in maioribus earum altaribus, a Choro valde dissitis, sanctum sacrificium Missae, dum in Choro hora prima cantatur, diebus de praecepto cum magno fidelium concursu privatim a Canonicis celebrari. Hae Missae, quae de prima dicuntur, ut plurimum fundatae sunt ab antiquissimis temporibus, et pro piis benefactoribus condigne offeruntur. Cum autem in praesenti Statuta capitularia, iuxta novissimum Concordatum et ius commune perficiantur, et Missas celebrare in altari maiori, durante Officio divino, prohibitum sit a S. Rituum Cong. sub die 2 Martii 1620; eas vero omittere haud congruum videatur, ob morem, saeculis confirmatum, magnam frequentiam populi, propter commoditatem temporis, assistentis, debitum piis fundatoribus et scandalum inde oriturum. Ideo a Sanctitate Vestra humillime ac reverenter adprecantur, ut, si bene placuerit, facultatem et indultum pro continuanda dictarum Missarum celebratione dum prima in Choro cantatur, de Vestra Apostolica benignitate largiri dignetur.»

Eminentissimus praefatae Ecclesiae metropolitanae Archiepiscopus huiusmodi preces favorabili voto prosequutus est per haec verba: « Attentis circumstantiis opportunum existimo, ut a Vestra Beatitudine indultum concedatur ».

### Disceptatio Synoptica.

INDULTUM VIDETUR CONCEDENDUM. Expetitur indultum haud denegandum videtur si paulisper perpendantur rationes a Capitulo allatae in superius escripto supplici libello. Ac praeprimis id suadet consuetudo hucusque servata, a tempore cuius non est memoria; quae quidem aequivalet privilegio, ita ut quidquid induci potest per privilegium, possit etiam per talem consuetudinem, ceu tradit *L. Hoc iure §. Aquae ductus ff. de Aqua quotidian. et aestiv., et Cap. Su-*

*per quibusdam 26 §. Praeterea de Verb. signif.* Idque eo vel magis si animadvertatur altaria maiora, in quibus celebrantur Missae, esse valde dissita a Choro, ideoque nec impedimentum nec confusionem psallentibus ingeri. Cesare hinc videtur finis legis praedictam Missae celebrationem prohibentis, et consequenter illius quoque dispositio.

Hisce accedit utilitas populi, qui numerosus ad praedictas Missas audiendas concurrat, stante temporis commoditate. Accedit quod huiusmodi Missae celebrantur ut piis relictis fiat satis. Accedit favorabile Eminentissimi Archiepiscopi votum, quod a S. C. C. iugiter magno in pretio haberi solet.

INDULTUM DENEGANDUM VIDETUR. Verumtamen animadvertere non omittam quod praxis legendi Missas in altari maiori, dum horae canonicae recitantur in choro sit omnino reprobanda. Aperte enim refragatur tum Rubricis, tum Decretis s. Rituum Congr. quae constanter praedictam praxim tanquam abusum reiecit; ita in *Oscen. 2 Martii 1620* legitur: « Proposito in C. S. R. suprascripto supplici libello, » eadem S. C. censuit . . . omnino tollendum abusum celebrandi Missas privatas in Altari maiori, dum in choro » cantantur horae canonicae: in aliis vero altaribus, quae » sunt in conspectu chori, idem faciendum si commode fieri » potest, quod pro sua prudentia, opportunis remediis pro » videat Episcopus ». Et die 27 Septembris 1817 eadem S. R. C. proposito dubio: *Utrum tolerari possit consuetudo ignoti initii legendi Missam dum in choro dicitur hora prima,* responsit: *Negative et servantur Rubricae.*

Quae cum ita se habeant, ruere videntur rationes a Capitulo allatae. Sane admitti nequit consuetudo, cum ea nullatenus induci valeat contra Rubricas vel Decreta S. R. C. Quoad Rubricas enim recolendum est, Decreta RR. Pontificum s. Pii V, Clementis VIII et Pauli V, quae illarum observantiam mandant, esse irritantia. Quo vero ad Decreta S. R. C. habetur authentica eiusdem Congregationis declaratio, sub

die 3 Augusti 1839, quae ita refertur apud Gardellini tom. 3 pag. 536. « An inveterata quaecumque in contrarium con-  
 » suetudo derogare possit legi a decretis Sacrae Congrega-  
 » tionis praescriptae? - EE. ac RR. Patres sacris tuendis  
 » ritibus praepositi, respondendum censuerunt: *Negative iu-*  
 » *ata alia decreta.* Atque ita decernendum ac servandum  
 » omnino, dixere ».

Nec in maiori pretio habenda est asserta populi utilitas; populus enim non tenetur huic Missae, prae ceteris, interesse, neque maiorem fructum ex ea percipit. Quod si ob temporis commoditatem populi utilitas revera id exigeret, nil impedit quominus chori horarius mutetur, cum in potestate Capituli et Episcopi sit statuere chori horarium, prouti passim docent Canonistae, vel Missa celebretur in altari non contemplato in praefato Decreto S. R. C.

Perperam insuper urgetur quod altare maius valde distet a choro; siquidem est semper altare chori, et maior vel minor distantia non tollit inconveniens, propter quod prohibita fuit praedicta Missae celebratio. Adeo enim hac in re insistendum putavit S. R. C. ut mandaverit: « in aliis  
 » vero altaribus, quae sunt in conspectu chori idem facien-  
 » dum, si commode fieri potest, quod pro sua prudentia, op-  
 » portunis remediis provideat Episcopus ».

Hisce praemissis, quaesitum fuit ab Emissis Patribus quomodo essent dimittendae Capituli preces.

RESOLUTIO. Sacra C. C. sub die 2 Iunii 1883, re cognita, censuit respondere:

*Attentis peculiaribus circumstantiis pro gratia, facto verbo cum SSmo.*

#### EX QUIBUS COLLIGES:

I. Tempore quo cantantur horae canonicae in choro Missas privatas ad Altare maius celebrari non posse, ne confusio et impedimentum ingeratur psallentibus.

II. In themate tamen ex gratia indultum esse, ut contraria consuetudo servaretur: forsán quia erat immemorabilis, et alia favebant adiuncta, tum quoad populi commodum, tum quoad onerum satisfactionem, ne scandalum oriretur.

---

OLINDEN.

MATRIMONII

*Die 1 Septembris 1883.*

COMPENDIUM FACTI. Die 17 Iulii 1875, praemissis rite praemittendis, Mathildes et Alexander sacro matrimonii foedere sese obligarunt coram Ecclesia. Postea maritalem domum sponsi ingressi sunt, rei uxoriae operam daturi; verum frustra semel, iterum, ac tertio id cessit. Vir enim numquam mulieris vas penetrare valuit; etsi mulier asseruerit sese habuisse ad viri libitum, idque vir negaverit. In hac partium contradictione, amor coniugalis ita frigescere coepit, ut tribus post mensibus a celebrato matrimonio, mulier petierit a Curia Episcopali, ut nullitas initi matrimonii declararetur ex capite impotentiae ex parte viri. Episcopalis Curia quum ad sacrorum canonum tramitem actus explevisset processuales, sententiam protulit; qua iussit, ut coniuges in timorem Domini enatam animorum aversionem compescerent et per triennium sub eodem tecto vitam degerent coniugalem. Reliquit tamen mulieri actrici ius Apostolicam Sedem adeundi ad impetrandam dispensationem super matrimonio rato et non consummato.

Ab huiusmodi Curiae sententia appellavit mulier apud s. Sedem petens ut sententia eadem reformaretur, quoad iusam triennem cohabitationem, ob minas omnigenas sibi a viro factas. Petiit insuper ut matrimonii nullitas declararetur, sin minus dispensatio a matrimonio rato concederetur. Quam gratiam expetivit etiam vir; qui renuit tamen ut actio pro-



poneretur ita ut eius impotentia declaretur. Hoc enim evincto impedimentum dirimens constitueretur ad aliud ineundum matrimonium.

Tum acta processualia, tum prolatam sententiam, una cum libello appellationis ad S. Sedem Episcopalis Curia transmisit.

### Disceptatio Synoptica.

DEFENSIO MULIERIS - De nullitate matrimonii disseruit orator mulieris in primo defensionis capite, atque uxoris integritatem certissimum indicium esse atque infallibile asseruit de impotentia viri. Fallacissimam vero peritorum opinionem ait, qui pro illius potentia iudicant, teste *Bouchier della dissoluzione del matrimonio pag. 3*: atque adeo fallacem, ut quoties uxor *virgo* coniugis impotentiam incuset, reiiciendam omnino esse demonstret, Strykius *de iure sens. disc. I de vis. cap. 1 num. 55*.

Ita ab externis potentiae signis et ab optima partium conformatione, extrinsecus tantummodo perspecta, potentiae virilis argumentum nemo educere potest. Quod ita perspectum esse, ait, ut constans semper et certum fuerit doctorum suffragium de posthabenda potentiae probatione ab externo coniugis adspectu; quos inter enumerat Cocchium *disc. physic. anathom. §. 4*, Marchangelum *disser. physic. medic. §. 6*, Barzellotti *medic. legal. cap. 3 lib. 1*, Roubaud *de l'impuissance et de la sterilité pag. 112 seqq.* Et mox Ursayam, Costropalao, Alexandrum de Naevo, Card. De Luca, et Coscium *de sep. thori lib. 3 cap. 2 n. 298 et seqq.* - ibi - « Iudicium medicorum excludens impotentiae vitium ex signis externis est fallacissimum, quia potest esse internum . . . . - Sed eorundem iudicium circa » potentiam ex defectu externi vitii desumptum nequaquam » est attendendum ad excludendum etiam vitium internum. »

Iam vero saepe saepius non modo vitium indole sua exterius non apparet atque in corpore delitescit, sed adeo

delitescit ut virilitatis signa non excludat. Scilicet virilitatis signum non deest, sed ad matrimonialem actum explendum non sufficit quia quumcittissime evanescit; Roubaud *op. cit.* pag. 128.

Hisce positis mulieris patronus prosecutus est: sese usque ab initio censuisse virum perpetuâ laborare impotentiâ sed relativâ, ita ut dum aptus esse possit cum corrupta muliere, minime vero cum virgine. Quod ex coniugum depositione confirmatur; nam ex viri testimonio clarum fit tam breves fuisse erectiones ut non sufficerent ad consummationem explendam. A muliere autem asseritur omnem prorsus defuisse erectionem in viro.

Quae cum ita sint, licet in omnibus admitti debeat cognitorum iudicium, illud certo constat quod ex omnimoda frigidityte vel ex debilitate virium, foemineum vas Alexander permeare non potuit. Atqui in hoc matrimonii finis versatur, iuxta communem doctrinam quam tradit Sanchez *de matrim. lib. 7 disp. 93 et 94*. Huiusmodi homines, si frigidi nequeant ex rigore dici, frigidis tamen quoad effectum aequiparantur, ut docet Sotus *lib. 4 sentent. disc. 34 qu. 1 art. 3*. « Quamvis masculi instrumentum erigatur, si tamen impotens sit seminare, frigidus censetur. Iamvero, licet quis potens sit seminare, tamen praepropere, ita ut non possit vas idoneum captare, sed foris tantum funderet, ut frigidus habetur. » Zacchias *quaes. medic-legal. tit. 1 quaes. 5 n. 11 et n. 22*, Barzellotti *op. cit. lib. 1 cap. 4 §. 67*. Hoc siquidem erectionis genus aliter appellari nequit quam spuria erectio vel semierectio; Cocchius *loc. cit. §. 9*.

Etsi igitur in Alexandro umbratilis, larvato modo, prodisset erectio; atque illam quisquam propriis oculis et sine artificio comparatam vidisset, non ideo de eius virilitate exurgeret argumentum, teste Rota in *decis. 11 num. 11 ad ornatum* Card. De Luca *de matr.* « Signa autem sunt omnino certa et evidenter concludunt omnimodam impotentiam quando habent solam instantaneam erectionem

» in totum flaccescentem, aut erigitur instantanee et inu-  
 » tilitur. » Imo vero haec rerum conditio impotentiae no-  
 mine designatur. Hanc impotentiam in themate esse perpe-  
 tuam ac respectivam eduxit orator ex DD. sententia, ex  
 factorum adiunctis, ex partium depositionibus et ex copula  
 non sequuta: quamvis nil referat an absoluta vel respectiva  
 sit quia utraque matrimonium dirimit, quoties matrimonii  
 finis consequi nequeat.

Quaesivit autem orator an viri impotentia matrimonium  
 praecesserit nec ne: et multa ait praecedentiam ostendere.  
 Ac primo iuris praesumptio occurrit: tale enim impedi-  
 mentum non modo censetur perpetuum, sed praecedens ma-  
 trimonium, ex regula generali, etiam in dubio; Engel *lib.*  
*4 tit. 55 n. 9.* « In dubio an impotentia praecesserit ma-  
 » trimonium vel postea supervenerit, praesumendum est prae-  
 » cessisse. » Reiffenstuel *lib. 4 tit. 11 num. 21 et num.*  
*39, Guttierrez de matrim. cap. 116, Abbas in cap. Fra-*  
*ternitatis, Mascard. de probat. concl. 816 et 129 iuncto*  
*cap. final. de frigid. et malef.*

Haec iurisprudencia tanto maiorem vim obtinet in casu  
 quia constat ex actis, atque ex unanimi coniugum confes-  
 sione pluries tentatam copulam fuisse: finem vero illos non  
 attigisse. Atqui, si vitium in primo congressu ac deinde  
 semper erupit, ac tentamina illico post matrimonium facta  
 sunt, fingi non potest inertiam non praecessisse.

Sed aliam etiam praesumptionem exposuit, quam liberior  
 Alexandri vita suppeditat. Ille enim ut perfectam virilita-  
 tem suam probaret testes adduxit, qui dies cum illo in for-  
 nicibus et lupanaribus exacto anno absumere solebant, at-  
 que eum saepissime venerea lue infectum fuisse testantur.  
 At neminem latet quam frequenter poenam huiusmodi culpa  
 adducere soleat, et quam facile perpetua impotentia galli-  
 cam luem sequatur. Conclisit igitur omnia iuris argumenta  
 veram impotentiam ac propterea matrimonii nullitatem de-  
 monstrare.

Absonum denique et inopportunum esse contendit triennale illud experimentum quod Olindensis Curia requirit. (1)

Tum aliud defensionis caput aggressus est mulieris orator, quod *dispensationem* respicit. Hanc ille semper indulgendam esse ait, iustis suadentibus rationibus, non modo cum dubitari de nullitate possit, sed etiamsi vir certissime ad matrimonium aptus esset habendus. Primo igitur de non sequuta consummatione disseruit, de qua serio disputari non potest, quia omnes iudiciales cognitores, nemine excepto, virginem mulierem designarunt.

Neque omissionis vel negligentiae eorum relationes redargui possunt, quia nihil omissum fuit ex iis omnibus quae s. Congregatio in notissima *Instructione* sive ad formam, sive ad substantiam requirit. Iusiurandum omnibus delatum est, matrona semper adstitit, balneum tribus horae quadrantibus productum, quisque ex cognitoribus solus cum matrona mulieris corpus inspexit. (2)

Dein orator loquens de virginitatis iudicio, ait: grave integritatis argumentum haberi ex hymenis integritate, qui consistere non posset ubi hominis irruptio totum obicem confregisset: adeo ut corrupta virgo sine hymenis laceratione fingi nequeat.

Sed alia etiam virginitatis indicia urgere contendit, quae

(1) Triennale experimentum recessisse ab aula, nempe haud amplius imponi ab Apostolica Sede, quilibet eruere valet ex millenis resolutionibus super quaestiones matrimoniales quas hisce in nostris ephemeridibus saepe retulimus. Ingravescens in diem populi malitia ab huiusmodi specimine abstinendum ductum fuit; quippe quod gravia in populo et in coniugibus parere queat discrimina. Merito igitur Ursaya conclusit Tom. 1 part. 1 dis. 12 n. 27. « Quando ex aliis probationibus constat de impedimento impotentiae, tali casu nec licitum est, nec permitti debet triennale experimentum. »

(2) Mirandum non est si specimen super mulieris corpus actum sit immediate per medicos, non per obstetrices. Mos enim eiusmodi in multis invaluit provinciis, non improbante S. C. Congregatione. Sic non improbatum fuit examen medicorum in causis *Venetiarum matrimonii 28 Iulii 1860; Patavina matrimonii 23 Septembris 1865; Praegen. dispensationis 18 Iulii 1868*. Praxis haec obtinuit in universo Imperio austriaco, prout eruitur ex instructione pro iudiciis ecclesiasticis imperii austriaci, quoad causas matrimoniales; quae loquitur de peritis cognitoribus, nec obstetrices meminit.

iidem cognitores a iudice rogati singulatim designarunt. Omnibus propterea in unum collectis, summa totius iudicii neque clarior esse potest, neque certior; omnes enim retulerunt, defloratam non fuisse, et conservare perfectam virginis integritatem. (1)

De causis propterea disseruit, quas et gravitate et numero magis quam in aliis, id genus, controversiis in casu occurrere affirmavit. Causa profecto et in iure idonea et in facto certa esse debet: sed non eadem semper ad dispensationem gravitas requiritur. Gravior scilicet tum causa esse debet, cum alter ex coniugibus dispensationem postulat, alter resistit: quia gratiae effectum etiam invitus experitur. Cum vero uterque pariter gratiam adprecaturo multo facilius concedi solet atque adeo facilius ut nonnulli putaverint etiam sine alia causa gratiam concedi: omnes autem sentiant leviozem quamlibet rationem, dummodo non incongruam, admitti. *Cosci de sep. thori lib. 3 cap. 2 n. 95 et seq.*

Quod vero in casu uterque pariter coniux dispensationem petat, de actrice evincere, non oportet. De viro autem, ait defensor, nunquam illum mulieris actionem reiicere voluisse: unum reiicisse, impotentiae dedecus.

Insuper eiusmodi causas enucleavit, quae non modo utroque consentiente sufficerent, sed alterutro etiam resistente certissime praevalerent. Ac primo, si praeter assensum utriusque in dispensationem, tanta animi aversio ac dissociatio patet, ut nulla pacis conciliandae spes oriri possit, hoc unum ad dispensationem exuberat: quia odii et simultatis causa ad dispensandum gravissima censetur; *Card. De Luca de matr. disc. 9 num. 8; Lancellotti penes Ursayam tom. 3 par. 2 disc. 21 not. 62; Clericat. de sacr. matr. dec. 14 sub num. 45; Corrad. in praex dispens. lib. 8, cap. 7*

(1) Cognitores iuxta *De Luca disc. 33 de iudic. Abbas in cap. proposuisti 4 de probat. n. 3* potius arbitri, quam periti nuncupandi sunt in iis quae non modo ad eorum scientiam, sed etiam ad

oculos manusque pertinent. Hinc contra medicorum suffragium in arte propria iudices haud facile insurgunt in edenda sententia.

*num. 33.* Quae dissociatio animorum et odia, ait orator, in casu gravissima sunt et in dies augentur. Nam dissentionibus, initio ortis, contemptui, quem impotentiae dedecus adduxit in mulierem, addi debent atroces calumniae viri contra mulieris honestatem. Quomodo hisce in adiunctis honesta mulier instaurare posset commune contubernium cum homine pravo atque abiecto?

In iure vero cum odia inter coniuges fervere coeperint, non modo semper fit dispensationi locus, sed quam citius fieri possit dispensationi consulendum est; *Cosci de separ. thori lib. 3 cap. 2 num. 117 seq.* « Quia flamma litis » et temporis longitudo magis odium urget et magis animi exasperantur » atque in *op. cit. lib. 1 cap. 16, num. 251.* Absonum denique ait orator de componendis adhuc animis disserere. Contemptus enim atque odium ita inter coniuges flagravit atque ita vehementer inter utriusque familias efferbuerunt, ut qui eos iterum in contubernio componere vellet, facilius mortua corpora vivis coniungeret.

Actrix vero quae in viridi aetatis robore versatur, si vinculum per dispensationem non dissolvatur, ad perpetuam continentiam damnaretur in magna civitate, ubi vigilat improborum invidia ut desperantes, impunitate oblata, ad haereticorum castra perducant. Omnia igitur in tanto discrimine metuenda censuit, quia desperantium quandoque una salus dicitur nullam sperare salutem: atque animadvertit aeternae salutis discrimen, propter fornicationis metum, inter gravissimas dispensationis causas recenseri; *Cosci de separ. thori. lib. 1 n. 250 et seqq.*; *Sanchez loc. cit. n. 3*; *Menoch. de praesum. lib. 2 pr. n. 42. (1)*

(1) In themate, praeter alia, innuit dispensationem elargiendam esse, viri impotentia; quae relate ad uxorem Mathildem rite evicta videtur. Quo in casu potiusquam propria dispensatio, dicenda esset prudens iustitia, sub nobiliori titulo pontificiae concessionis iuxta Card. De Luca de matrim. disc. 9 n. 8 « Stan-

» turalis, videbatur potius quaedam ad-  
 » ministratio iustitiae, ita prudentialiter  
 » sub alio titulo magis honesto, more  
 » principis administratae; cum ita utrius-  
 » que partis iuribus consultum remane-  
 » ret; ne scilicet vir iudicialiter decla-  
 » retur impotens, quod quidem abhor-  
 » rebat.... »

ANIMADVERSIONES DEFENSORIS S. VINCOLI. Hic in prima parte suae orationis, ponderatis circumstantiis extrinsecis quoad testes, coniuges eorumque depositiones, conclusit, esse admittendam collusionem inter eosdem coniuges, vel saltem nullam eisdem fidem esse adhibendam. In altera parte autem virum esse potentem et de non consummatione matrimonii omnimodam certitudinem non haberi ostendere conatus est; ita ut ad dispensationem deveniri non possit, eo vel magis quod legitimae causae deficient.

Deplorato in re tam lubrica neque testes neque medicos peritos, quas decet adhibuisse cautelas, dixit Mathildem actionem nullitatis matrimonii instituisse, non confisam in iustitia causae et rerum veritate, sed confisam in protectione et fama fratris sui Malachiae, medici in civitate Olindensi, nec non in protectione alterius fratris Sigismundi, qui cum iudex sit, huc illuc quaeritavit testes eorumque depositionibus adfuit, ut influentiam ageret.

Ast hoc posthabito, ait Vindex, veracitatem testium nutare si consideretur et eorum conditio, et tenor eorum depositionum. Et primo exclusit meretrices, quae, ceu personae infames, a iure repelluntur a testimonio ferendo. Ostendit autem testes sibi contradicere et pura mendacia proferre minime dubitare. Hisce autem contradictionibus et mendaciis testium, fastigium imponere, subdit, virum et uxorem, qui prius sibi acriter contradicunt, postea paullatim conveniunt. Hinc suspicatur collusionem iuxta Constitutionem *Dei Miseratione; quia litigantes in specie quidem discordes, revera inter se concordēs sunt et invicem colludentes contractum matrimonium dissolvi cupiunt.*

Atque post haec mulier actionem nullitatis relinquit atque petit dispensationem, neque ex parte viri ullam oppositionem experitur. Ex quo matrimonii vindex collusionem adesse autumavit, quia magna collusionis praesumptio habetur, ut ait Menechius *De Praes. Lib. V Praes. 25 num. 3, quando unus litigantium victus est ob id quod noluit defendere causam, producendo iura, quibus illam*

*tueri potuisset.* Ex his omnibus concludit, hanc causam iudicari non posse, cum tot defectus in testibus eorumque depositionibus habeantur.

Ad secundum suae orationis caput transvolans defensor recolit, matrimonium iuxta leges ecclesiae celebratum semper praesumi validum, et propterea tale existimandum esse matrimonium Mathildis et Alexandri. Quod si quis vellet eius nullitatem ostendere, necesse esset ut tales probationes adduceret, quae contrariam possibilitatem excluderent, iuxta ea quae tradit Card. De Luca *De Benef. dis. 8. num. 8. - Probatio remanet aequivoca et non bene concludens, qualis dicitur illa quae habet contrariam possibilitatem.* Et S. Rota *decis. 257 num. 6. cor. Priolo - Probatio debet perneccesse concludere, alias per solam possibilitatem in contrarium excluditur, et coram Celso Decis. 161. num. 3. - Sola possibilitas sufficit ad hoc, ut probatio dicatur non concludens.*

Iamvero a contraria parte, pro nullitate matrimonii adstruenda, afferri ait multas doctorum auctoritates ut viri impotentia evincatur. Ast in hoc ab aequivoco cavendum advertit, ne scilicet confundantur potentia cum actu: illam esse necessariam, non vero hunc ad matrimonii validitatem; ideoque, probatâ potentiâ, etiam matrimonii validitatem probatam esse. Potentiam vero probari edicit praesertim per medicorum attestaciones, ut firmat Card. De Argenvillieres in voto apud Costant. *t. 5. n. 19. - « A pluribus saeculis recte sapienterque receptum est, ut ante omnia, vir ipse de cuius potentia vel impotentia quaeritur, a medicis et chirurgis, a iudice ecclesiastico eligendis, accurate inspiciatur. Nam si ex iurata istorum relatione appareat in eo legitima conformatio partium genitalium cum congruo motu ad copulam et coitum, statim et sine ullo alio processu est repellenda. »* Iamvero in casu inspectio locum habuit; medici periti a iudice ecclesiastico electi uno ore virum potentem retulerunt.

Neque negotium facessere autumavit quae contra afferun-



tur scriptorum auctoritates, quia ipsi loquuntur de possibilitate quod vir optime conformatus impotens esse possit: non negavit possibilitatem, sed in facto hanc impotentiam non existere contendit, dum et morbus syphiliticus Alexandrum iam cruciaverit. Quod potentiam optime ostendit, ceu docetur ab Ursaya *Disc. eccl. tom. 4. p. 1. dis. 13.* ubi haec habet « Longe autem inter se distant, virum 'nullam » habere erectionem vel illam habere minus stabilem et » brevis perdurationis. Eo quia in primo casu defectus eiusdem erectionis dicitur residere in partibus solidis, seu » musculis et nervis etc.; in secundo vero ille dicitur consistere in fluido, seu in humoribus, qui emendari facile » potest, vel temporis vel aetatis beneficio vel refrigerantium. »

Post haec vinculi adsertor disserendum suscepit de matrimonii consummatione, quam ait praesumi praesumptione iuris et de iure ex cohabitatione, vel etiam commodo unius horae, qua durante coniuges soli permanserint. Ex quo deducit matrimonium inter Mathildem et Alexandrum consummatum praesumi. Ad hanc praesumptionem destruendam quid affertur? Mulier incusat viri impotentiam sed haec iam exclusa fuit; et si vir cum ea perfecte congressi non potuit, hoc factum esse per oppositionem ab uxore exhibitam:

Nihilominus valde dubium esse, subdit, an matrimonium consummatum fuerit. Porro vir deposuit in congressu cum uxore semen effudisse, quamvis certum non sit an semen vaginam penetraverit vel in eius labiis effusum fuerit. Hoc unum dubium sufficiens est ut mulieris preces reiiciantur. Data vero seminis virilis effusione in pudendis mulieris, nemo certus esse potest an consummatio habuerit locum nec ne. Canonistae et medicinae forensis scriptores consummationis possibilitatem concordantes affirmant; Sanchez *De Matr. Lib. 2. dis. 21. num. 2.* - ibi - « Conveniunt omnes (matrimonium) consummari quacumque arte semen recipiatur » intra vas naturale, absque penetratione illius; quia ea co-

» pula sufficiens est generationi, per eamque sponsi una  
 » caro efficiuntur. » Schmalzgrueber *iur. eccl. tom. 4. p. 3.*  
*tit. 15. n. 37.* - ibi - « sequitur sexto matrimonium ab  
 » eo contractum valere, qui non totum semen possit intra  
 » vas fundere; sed partem dumtaxat; quia ea seminis pars  
 » intra vas recepta sufficiens est ad consummandum matri-  
 » monium et efficiendum, ut vir cum sua uxore fiat una  
 » caro. »

Nonnullos praeterea attulit ad hoc idem evincendum  
 medicinae forensis scriptores, inter quos Gasper, *man. prat.*  
*di med. leg. vol. 2 part. spec. sez. 1 c. 3 §. 3.* et ex his  
 omnibus patere, ait, possibilitatem consummationis matri-  
 monii minime excludi et per consequens, dispensationem  
 non esse indulgendam.

Quod vero attinet ad virginitatis signa, quae in Ma-  
 thilde reperiuntur, advertit quod inspectio tunc in pretio ha-  
 beri solet quando constet de viri impotentia, non quando  
 certum est virum esse potentem. Signa vero virginitatis  
 fallacissima esse prosequitur, si medicinae forensis scripto-  
 ribus fides sit adhibenda. Zacchias *Quaest. med. legal. Lib.*  
*IV tit. 2, q. 1 num. 13* haec habet: « Virginitatis nullae  
 » dantur certae et inseparabiles notae: acceptissima est  
 » conclusio recentioribus omnibus. Ratio autem est quia  
 » ea potissimum signa, quibus in eius attestatione fiden-  
 » dum est vel fallacia sunt vel realiter nulla sunt, et  
 » nihil certi promittunt. » Quod firmatur testimonio Bar-  
 zellotti *Med. legal. Cap. 4. §. 43.*

In casu rem difficiliorem esse quia multo tempore ab  
 usu viri abstinens Mathildes eius muliebria coarctari po-  
 tuerunt ut habet citatus Barzellotti *op. cit. §. 32.* Neque  
 de praesentia hymenis valde sollicitus videtur matrimonii  
 vindex confisus testimonio supra citati Barzellotti *cap. 1.*  
*§. 32.* et Laurae *Tract. de med. leg. sez. 11. §. 11;* qui  
 ait, quam plurimas meretrices hymenem conservasse.

Ex quibus deducit nulla haberi posse certitudinem de non

secuta consummatione, ac proinde rationem non haberi cur dispensatio concedatur.

Quoad causas ait, eas esse debere gravissimas ex Schmalzgrueber, *Ius eccl. univ. par. 4 tit. 19 §. 53* « Certum est non sufficere quamlibet causam, sed omnino gravem postulari, quia in illis casibus, in quibus obligatio nascitur ex iure divino et naturali, urgentiora dispensationis motiva requiruntur. » Quas graves causas in casu haberi defensor negavit: nam adducuntur mutuae inimicitiae; sed timendum ne inimicitiae ex condicto praeferantur ad collusionem contegendam.

Adducitur pariter damnum spirituale; sed hoc esse somnium praesertim in actrice, cui desiderium est monasterium ingrediendi, simul ac quaestio haec absoluta fuerit. Impotentiam iam evidenter exclusam fuisse conclusit. Quae vero de saevitiis, de cibo subtracto, et stupiditate viri aliisque, minime probari; ita ut etiam patronus Mathildis in his minime insistendum opportunum censuerit.

Quibus, aliisque praenotatis, enodanda fuerunt proposita duo sequentia

### Dubia.

I. *An sententia Curiae episcopalis Olindensis sit confirmanda vel infirmanda in casu.*

Et quatenus affirmative ad primam partem, negative ad secundam.

II. *An sit consulendum SSmo pro dispensatione a matrimonio rato et non consummato in casu.*

RESOLUTIO. Sacra C. Congregatio, re disceptata, sub die 1 Septembris 1883, respondit:

*Ad primum. Providebitur in secundo.*

*Ad secundum. Affirmative, vetito viro transitu ad alias nuptias, inconsulta Sacra Congregatione. (1)*

(1) Confer Vol. XI pag. 598 nota in calce; ubi aliquid monuimus de clausula - *vetito viro transitu ad alias*

*nuptias inconsulta, S. Congregatione.* In themate patet S. Congregationem moralem certitudinem hausisse de incun-

## NULLIUS CLUNIEN.

## FACULTATIS ADVOCANDI

*Die 4 Augusti 1883.*

COMPENDIUM FACTI. Sacerdos Iosephus Aloisius, diocesis Clunensis in Hispania in utroque iure doctor, Sacratissimum Principem adivit suppliciter implorans facultatem exercendi officium advocati in laico tribunali Hispaniarum Regni. Conquisitus Ordinarius, pro informatione et voto, deque legitima petitionis causa, respondit: « Relatus sacerdos Iosephus orthodoxae doctrinae et irreprehensibilis vitae fama apud omnes iuste fruitur, et sanctae Ecclesiae immunitates tam in foro, quam extra forum, ut quam maxime propugnare spondet et promittit ».

## Disceptatio Synoptica.

EA QUAE ORATORI ADVERSANTUR. Quamvis post haec nemo unquam dubitabit de bonis oratoris moribus deque eius recta voluntate in exoptanda facultate, nihilominus preces reiiciendae videntur. Canones enim expresse vetant quominus clerici officium advocati coram Iudice saeculari, et in negotiis seu causis saecularibus exercent. Ita habetur statutum in *Cap. Clerici 1.* quod est desumptum ex Concilio Lateranensi sub Alexandro III. *cap. 12;* nec non in capite *Cum Sacerdotis De Postuland.*

Et merito quidem: etenim advocare in causa saeculari et coram iudice saeculari, est negotium saeculare *Cap. 1.*

summatione matrimonii, sed intactam reliquisse quaestionem de viri impotentia; supra quam omnem non deposuit anxietatem, ceu formula vetito viro etc.

satis innuit. Quoad deductiones et practicas applicationes recoli possunt Vol. XIV, 58; XII, 177, 624; XI, 53, 134, 427.

*Ne Clerici vel Monachi saecularibus negotiis se immisceant;* ideoque clericis in sacris Ordinibus constitutis advocare regulariter prohibitum est, quia nemo militans Deo saecularibus negotiis se implicare debet, *I ad Timoth. 2.*

Immo « cum Sacerdotis officium sit nulli nocere, sed » omnibus velle prodesse. non est ulli Sacerdoti licitum, » ait Gregorius IX. in *cap. 3. tit. cit.*, nisi pro seipso vel » Ecclesia sua, vel, si necessitas immineat, pro coniunctis » personis aut miserabilibus postulare seu in iudicio advo- » care. » Advocatus enim dum uni parti assistit et patrocinatur, alteri nocet quam oppugnat, ut optime advertit Schmalzgrueber *part. V, tit. 37, num. 1.* Cum igitur parum decens sit dignitati et excellentiae status sacerdotalis, ut sacerdos curias saeculares passim adeat, ibique causas saeculares pro aliis patrocinetur; id nullo pacto concedi posse videtur. Eo vel magis in themate cum nullae exprimantur causae, quibus hoc munus permittitur, quaeque enumerantur ab ipso iure: scilicet causa religionis vel Ecclesiae, causa propria vel consanguineorum, et causa pauperum et miserabilium. Et si aliquando etiam extra hos casus clericis conceditur advocare, praesertim si non habent unde vivant, quia beneficio ecclesiastico carent, id tamen pro clericis tantum in minoribus ordinibus constitutum intelligendum esse tenet Gloss. in *cap. 1. cit. n. 5; Piringh. hic. n. 7, Vriestn. n. 14.* Quapropter expetita facultas Sacerdoti oratori deneganda videtur.

EA QUAE ORATORI FAVENT. Ex altera vero parte animadvertendum est, officium advocati gerere penes etiam tribunalia civilia non esse a iure ita alienum, ut nunquam licitum sit: quandoquidem ipsi Canones ponunt exceptiones, et passim id permittunt, praesertim si clericus sufficienti sustentatione careat. Audiantur verba citati capituli: « Cle- » rici si stipendiis ecclesiasticis sustententur non possunt esse » advocati ad lites coram Iudice saeculari et in causis sae- » cularibus, nisi etc. »

Duo tantum adnumerantur casus iuxta Schmalzgrueber

*loc. cit.* in quibus cuiusvis clerico advocare rigorose prohibitum est, scilicet in causa sanguinis ob periculum irregularitatis, et in causa contra Ecclesiam a qua habet beneficium propter ingratitudinem. Extra hos casus igitur, cum ab ipso Canone passim concedatur, non videtur adesse illam indecentiam, illud ecclesiastici status dedecus, ob quod clerici ab eiusmodi muniis generaliter removentur.

Neque obstat quod orator in sacerdotali dignitate sit constitutus. Quandoquidem Sacerdotes etiam huiusmodi indultis passim donantur, ceu docet Benedictus XIV *De Synodo Dioec. lib. 13, cap. 10, num. 12.* — ibi — « Fatemur in » *Brevibus* paulo liberalius agi. Sacerdoti enim saeculari, » qui scientiae et iuris peritia famam sibi comparavit, in » dulgetur ut in tribunalibus etiam laicalibus possit tam » civiles, quam criminales causas agere, prout advocati laici » solent, dummodo in criminalibus iudiciis ad defensionem » tantummodo scribat et agat. »

Tandem in themate non desunt rationes seu causae, quibus Oratoris preces fidenter innitantur. Ordinarius enim de eius paupertate testatur. Temporum difficultates etiam optimam pro gratiis rationem constituere posse idem dicit. Et denique addit: « Convenientiam ut nonnulli sint advocati clerici, quibus hodie civile pateat tribunal, ut Ecclesiae et clericorum immunitates et iura facilius in eo possint, data occasione, defendi. »

Quibus praenotatis, quaesitum est an preces oratoris essent dimittendae favorabili responso.

RESOLUTIO. Sacra C. Concilii, re perpensa, sub die 4 Augusti 1883 censuit respondere:

*Attentis etc. dummodo absit scandalum et orator in causis criminalibus vel omnino abstineat, vel ad defensionem tantum scribat et agat, pro gratia et ad tempus Episcopo benevisum, facto verbo cum SSmo.*

#### EX QUIBUS COLLIGES.

I. Advocare apud saecularia tribunalia, non esse ita alie-

num a ss. canonibus, ut nunquam id liceat sacris ordinibus auctis; dum iidem ss. canones aliquam faciant exceptionem, praecipue si clerici sufficienti careant substantatione.

II. Ex Benedicto XIV *De Synod. Dioec. lib. 13, c. 10, n. 12* erui, indulgeri Sacerdoti saeculari, qui scientiae et iuris peritiae famam sibi comparavit, ut in laicalibus tribunalibus agat causas civiles et criminales; dummodo in his scribat tantum ad defensionem.

III. Advocare autem in causa sanguinis ob periculum irregularitatis, et contra ecclesiam, a qua habet clericus beneficium, propter ingratitude, praeferre videtur dedecus ecclesiastici status, ob quod clerici omnino repellantur ab eiusmodi muniis exercendis.

IV. In themate causas non defuisse videri, quibus Apostolica Sedes innixa, expetitam gratiam concederet: nam sufficienti caret substantatione orator, qui, data occasione, apud civilia tribunalia Ecclesiae, clericorumque immunitates et iura facilius defendere valeat.

---

## MUTINEN.

### VOCIS IN CAPITULO

*Die 2 Iunii 1883.*

Quaestio haec proposita fuit die 18 Martii 1882 sub dubitandi formula: « *An et in quibus comitiis capitularibus Archipresbyter Minor (1) vocem habeat in casu.* » Cui dubio s. C. C. respondit: *Negative in omnibus.*

Defensor Archipresbyteri minoris beneficium novae auditionis obtinuit, et pro viribus partes egit sui clientis, certans competere eidem clienti vocem in capitulo. Idque ut facilius obtineret in tria capita orationem suam divisit. Et

(1) Quaestio haec per integrum relata fuit Vol. XV pag. 127: quod recolas oportet ut speciem facti agnoscas.

in primo capite demonstrare studuit, vocem in capitulo competere Archipresbytero Minori, quia ipse est vere ac proprie canonicus cum praebenda, cui accessit dignitas Archipresbyteri Minoris. In secundo ostendit ipsi vocem competere, licet non esset canonicus, sed dignitas tantum, quia huiusmodi dignitati adnexa fuit praebenda, et quia in ipsa erectione effecta fuit de capitulo cum stallo in choro et voce in capitulo; quod binae Bullae Apostolicae aperte perhibent. Denique nonnullis difficultatibus obviam ivit, easque refutare curavit. Quibus, aliisque adductis, enucleandum propositum fuit

### Dubium

*An sit standum vel recedendum a decisis in casu?*

RESOLUTIO. S. C. Concilii, sub die 2 Iunii 1883, re iterum ponderata, censuit respondere: *Quoad comitia in quibus agitur de negotiis veteris massae in decisis; quoad reliqua recedendum a decisis.*

EX QUIBUS COLLIGES :

Archipresbyterum minorem habere vocem in capitulo in omnibus comitiis capitularibus, exceptis illis, in quibus agatur de veteris massae administratione.

---

## MONTISALTI

INTERPRETATIONIS, ET COMMUTATIONIS VOLUNTATIS  
ET ABSOLUTIONIS

*Die 7 Iulii 1883.*

COMPENDIUM FACTI. Sacerdos Raphael Amadio supremo quo decessit elogio anno 1877 proprios fratres Augustinum



et Ioannem haeredes instituit. Ioanni autem onera imposuit sacris supellectilibus exornatum continuo servandi sacellum domui suae adnexum; in quo curaret etiam ut omnibus diebus festivis missa celebraretur. Ad quam missam audiendam omnes de populo accedere possent, quia sacello sunt fores in muro externo. Voluit etiam ut, curâ Ioannis fratris, aliae celebrarentur quinque missae quotannis in secunda Dominica Septembris iuxta suam intentionem, in honorem B. Mariae Virginis dolore transfixae.

Ioannes voluntati fratris sui obtemperans iniuncto oneri religiose satisfacit. Sed cum reputasset sibi demandatum tantum onus celebrationis, Missae festivae applicationem arbitrio Sacerdotis reliquit. Dubitans vero de hac sua agendi ratione, et tranquillitati suae conscientiae consulere volens, supplicem libellum S. Sedi porrexit, quo rogavit: 1. ut absolutio ei impertiatur ab omissa applicatione, quatenus haec ex testamento urgeat; 2. ut legatum, cum durioris observantiae ob temporum discrimina evasum fuerit, auctoritate suprema commutetur.

### Disceptatio Synoptica

MISSA APPLICANDA NON VIDETUR. Revera onus applicationis videtur exclusum, si attendantur verba adhibita in testamento. Quum enim testator voluit applicationem, eam demandavit adiunctis verbis: « *iuxta meam intentionem* » uti in secundo commate: ita ut ex regula discretivae conici possit tantum celebrationem missarum in primo commate praescriptum fuisse. S. Rota in *Tuden. Servit. super bono iure 21 Martii 1757 §. 11 coram Frangipane*.

Hinc accedit quod persentit Episcopus: « spectata testamenti forma... obligationem applicationis ex ipso testamento erui non posse... Scimus autem testamentum legem facere; quare nescirem in conscientia iniungere onus certum pro obligatione aut nulla, aut certe dubia, et si testamentum est lex, seu veluti lex, iuxta omnes DD. *lex*

» *dubia non potest parere obligationem certam.* Nec minoris ponderis apud sacros DD. est illud aliud effatum, quo dicitur: *in dubiis minimum esse tenendum.* » Id magis magisque suadet causa erectionis, quae fuit ut incolae facilius sacrum audirent, quo in casu a s. C. C. semper exclusum fuit onus applicationis; Amostaz *de causis piis l. 3, cap. 3, num. 46 et 52*; s. Congregatio in *Novarien. 22 Novembris 1727*, et in *Spoletana 18 Septembris 1751*.

MISSA VIDETUR APPLICANDA. Contra compertum apud omnes est sacra celebrari non posse sine applicatione; imposita igitur celebratione, censeri quoque iniunctam applicationem, nisi haec expresse exclusa fuerit; Pignatell. *consult. 139, num. 15, tom. 1*. Iuvat insuper animadvertere: cum res tota pendeat ab interpretatione voluntatis testatoris, bene occurrit ad hanc manifestandam testimonium alterius fratris, qui fidem facit impositam fuisse etiam applicationem. Nec urgenda nimis est regula discretivae; cum enim applicatio sequatur semper celebrationem, tenenda potius est alia regula *in obscuris inspiciendum esse quod est verosimilius, 55 Iur. in 6.* et verosimilius est, eum, qui celebrationem missae mandavit, etiam suffragium animae suae respexisse. Quod semper praesumendum est, nisi testator contrariam voluntatem patefecerit; Benedictus XIV. *de sacrif. Missae lib. 3, cap. 9*.

Quoad autem absolutionem super praeteritis omissionibus, quatenus EE. PP. censuerint impositum onus applicationis in casu adesse, oratori favet bona fides, quam iustam concedendae condonationis causam semper reputavit S. Congregatio, ut in *Tudertina Reductionis et Absolutionis 27 Aprilis 1805*.

Ad alteram vero supplicis libelli partem i. e. petitionem commutationis voluntatis, animadvertendum praepremis novum non esse ut Sedes Apostolica, suprema auctoritate qua pollet, commutationi voluntatis indulgeat, quoties iusta causa suadeat: Conc. Trid. *Sess. 22, cap. 6, de Reform.* Et revera haec in casu concurrat. Demortuo enim Sacerdote

fratre oratoris, qui nunc sacra facit, nonnisi gravibus impensis, ob deficientiam presbyterorum, onus iniunctum adimpleri potest. Quod esset praeter ipsius testatoris voluntatem, qui si potuerit posteriora temporum discrimina respicere, certe fratri tantum onus non imposuisset.

Nec minori in pretio sunt quae habet Episcopus in suo voto: « Si suppleatur ex thesauro Ecclesiae, casu quo talis » reapse fuerit intentio testatoris, nulli damnum ullum affertur, et anima testatoris seu aliae pro quibus tale suffragium ipse voluerit, reficiuntur. Quare submissee operarum ut preces ita favorabiliter excipiantur. Quod ideo arbitratum sum cogitans, quod si legata certa et indubiae obligationes Missarum moderno misero tempore perdifficile adimplentur: quid erit sentiendum de dubiis et incertis, et ex quo fieret ut onerarentur dubiis practicis dum vivunt non sine animarum pernicie, vel gravi timore perditionis aeternae mortem subirent? »

Sed contra nemo non novit, quod leges severe praescribunt ut defunctorum voluntates religiose serventur: *Can. 4, Ultima voluntas caus. 13, qu. 2 et Clemens V in decret. Quia contingat de relig. dom.* Quod enim in certum opus ex pia morientium dispositione destinata sunt, facile in aliud converti non debent. Et commutatio voluntatis tantum tunc concessa fuit, quum gravis et iusta causa suasit. Quae in casu exulare videtur. Nam testamentum paucis abhinc annis confectum est; et quamvis tempora in peius prolabantur, attamen non evenit illa rerum mutatio, quae requireretur ad praescriptum onus in opus consimile commutandum.

Quibus praenotatis, quaesitum est quomodo essent dimittendae oratoris preces.

RESOLUTIO. S. C. C. re cognita sub die 7 Iulii 1883, censuit respondere: *Non constare de onere applicationis.*

# EX S. CONG. S. R. U. INQUISIT.

---

## RESCRIPTUM

ad Vicarium Apostolicum B. quo innuitur eos, qui matrimonia mixta contraxerunt absque Ecclesiae consensu, debere Episcopum adire pro cautione danda de amovendo periculo salutis aeternae a se et a sua prole.

Eñi ac Rñi DD. S. Rñae E. Cardinales contra haeticam praevitatem Generales Inquisitores in Congregatione generali habita Feria IV, die 9 vertentis mensis martii; lectis literis Amplitudinis Tuae, quibus Eño Cardinali Praefecto de Propaganda Fide referabas, Te in quadam ad Clerum tuum instructione omnibus Presbyteris curam animarum exercentibus praescripsisse, ne coniuges, qui de suo matrimonio mixto clandestino inito dolentes et poenitentes, reconciliari Deo desiderant, monere omittant de necessitate obtinendi ab Episcopo dispensationem, ut matrimonio suo valide quidem sed illicite contracto, in posterum uti licite valeant; hanc vero praescriptionem nonnullis Missionariis occasionem dedisse dubitandi utrum huiusmodi obligatio a Te imponi potuerit: re diligenter et mature perpensa, instructionem ita declarandam a Te esse censuerunt; nempe oportere ut a praefatis coniugibus Ecclesiae cuius sanctissima lex violata est, satisfiat, eidemque cautiones de periculo salutis aeternae a se et a sua prole amovendo in foro etiam externo praestentur, atque hoc fine recursum ad Episcopum postulari.

Haec dum Tibi significo, impensos animi mei sensus eidem testatos volo, cui fausta omnia a Domino precor. Amplitudinis Tuae addmus uti frater

Romae, 12 Martii 1881.

P. Card. CATERINI

# EX SACRA RITUUM CONGREGATIONE

---

## DUBIA

### quoad recitationem officiorum votivorum

Sacrae Rituum Congregationi insequentia Dubia pro opportuna declaratione proposita fuere, nimirum:

*Dubium I.* Cum ex Decreto diei 5 Iulii 1883 liberum sit, iis, qui nullo canonico titulo ad chorum tenentur, recitare, quibusdam feriis exceptis, vel officium votivum vel officium feriale, huic feriae respondens, quaeritur: utrum obligatio adhuc maneat solum officium votivum recitandi, ubi istud officium antea iam fuerat speciali privilegio alicui Dioecesi concessum, ita ut praefatis diebus ferialibus non detur optio inter officium feriale et officium votivum? Et quatenus affirmative, an optio detur diebus contentis in novo Indulto 5 Iulii 1883, in alio praecedenti exceptis?

*Dubium II.* Tempore Paschali in Officio votivo Passionis est ne addendum *alleluia*, et servanda eiusdem temporis propria?

*Dubium III.* In Rubrica Officiis votivis nuper indultis praemissa statuitur, ut eadem Officia habeant tum commemorationem, tum IX lectionem de Festo simplici occurrenti: quaeritur igitur, an praedicta Officia votiva recitari possint, nedum loco Officiorum ferialium, prout in Decreto diei 5 Iulii 1883, sed etiam loco Officii alicuius Festi simplicis (v. g. s. Agnetis secundo) quod unice ea die in Calendario assignetur?

*Dubium IV.* Ex eadem Rubrica, Vesperae Officii votivi currentis ritus semiduplicis, si die praecedenti, vel sequenti, occurrat Officium aliud quodcumque IX Lectionum, ordinandae sunt iuxta Rubricam de concurrentia Officii. Cum autem Officium votivum cum alio item votivo, vel cum alio semiduplici concurrere possit; quaeritur utrum hoc in casu Vesperae, iuxta praefatam Rubricam generalem Breviarii tit. XI n. 4. semper dicendae sint a capitulo de sequenti, cum commemoratione praecedentis; an vero habenda sit ratio dignitatis unius Officii votivi prae alio, iuxta eundem

Rubricae n. 2? Et quid praesertim agendum sit, cum Officium votivum Sanctissimi Sacramenti concurret cum Officio de Passione D. N. I. C.?

*Dubium V.* Cum festum Sanctorum Apostolorum Simonis et Iudae die 28 Octobris incidit in feriam secundam, quaenam in secundis Vesperis adhibenda est Oratio pro Commemoratione Officii votivi de Apostolis, quod sequenti feria tertia recitari contingat?

*Dubium VI.* Si in Vigilia, feriis quatuor Temporum, aliisque feriis propriam Missam habentibus, recitetur in Choro Officium votivum, sunt ne canendae duae Missae, altera de Officio votivo, altera de Vigilia, vel feria, an potius unica dicenda est Missa de Vigilia, vel feria cum commemoratione Officii votivi?

*Dubium VII.* Quoties Feria tertia recitatur Officium votivum omnium Sanctorum Apostolorum, omittine debet in suffragiis ad Vesperas ac Laudes commemoratio Apostolorum Petri et Pauli?

His porro Dubiis ab infrascripto Secretario relatis, sacra eadem Congregatio, post accuratum omnium examen, sic rescribere rata est:

*Ad I.* — Affirmative ad primam et secundam partem.

*Ad II.* — Affirmative, et adhibeatur color rubeus toto anni tempore.

*Ad III.* — Provisum in Rubrica Officiorum.

*Ad IV.* — Quoad 1. Ad primam partem affirmative, ad secundam negative. Quoad 2. Totum de praecedenti, nihil de sequenti.

*Ad V.* — Sumatur Oratio pro aliquibus locis die XXIX Iunii scilicet: « Deus qui nos Beatorum Apostolorum commemoratione laetificas: praesta quaesumus; ut quorum gaudemus meritis instruamur exemplis. Per Dominum. »

*Ad VI.* — Affirmative ad primam partem, negative ad secundam.

*Ad VII.* — Negative. Atque ita declaravit ac rescripsit die 24 Novembris 1883.

*Ne Clerici vel Monachi saecularibus negotiis se immisceant;* ideoque clericis in sacris Ordinibus constitutis advocare regulariter prohibitum est, quia nemo militans Deo saecularibus negotiis se implicare debet, *I ad Timoth. 2.*

Immo « cum Sacerdotis officium sit nulli nocere, sed » omnibus velle prodesse, non est ulli Sacerdoti licitum, » ait Gregorius IX. in *cap. 3. tit. cit.*, nisi pro seipso vel » Ecclesia sua, vel, si necessitas immineat, pro coniunctis » personis aut miserabilibus postulare seu in iudicio advocare. » Advocatus enim dum uni parti assistit et patrocinatur, alteri nocet quam oppugnat, ut optime advertit Schmalzgrueber *part. V, tit. 37, num. 1.* Cum igitur parum decens sit dignitati et excellentiae status sacerdotalis, ut sacerdos curias saeculares passim adeat, ibique causas saeculares pro aliis patrocinetur; id nullo pacto concedi posse videtur. Eo vel magis in themate cum nullae exprimantur causae, quibus hoc munus permittitur, quaeque enumerantur ab ipso iure: scilicet causa religionis vel Ecclesiae, causa propria vel consanguineorum, et causa pauperum et miserabilium. Et si aliquando etiam extra hos casus clericis conceditur advocare, praesertim si non habent unde vivant, quia beneficio ecclesiastico carent, id tamen pro clericis tantum in minoribus ordinibus constitutum intelligendum esse tenet Gloss. in *cap. 1. cit. n. 5;* Piringh. *hic. n. 7,* Vriestn. *n. 14.* Quapropter expetita facultas Sacerdoti oratori deneganda videtur.

EA QUAE ORATORI FAVENT. Ex altera vero parte animadvertendum est, officium advocati gerere penes etiam tribunalia civilia non esse a iure ita alienum, ut nunquam licitum sit: quandoquidem ipsi Canones ponunt exceptiones, et passim id permittunt, praesertim si clericus sufficienti sustentatione careat. Audiantur verba citati capituli: « Clerici si stipendiis ecclesiasticis sustententur non possunt esse » advocati ad lites coram Iudice saeculari et in causis saecularibus, nisi etc. »

Duo tantum adnumerantur casus iuxta Schmalzgrueber

*loc. cit.* in quibus cuivis clerico advocare rigorose prohibitum est, scilicet in causa sanguinis ob periculum irregularitatis, et in causa contra Ecclesiam a qua habet beneficium propter ingratitude. Extra hos casus igitur, cum ab ipso Canone passim concedatur, non videtur adesse illam indecentiam, illud ecclesiastici status dedecus, ob quod clerici ab eiusmodi muniis generaliter removentur.

Neque obstat quod orator in sacerdotali dignitate sit constitutus. Quandoquidem Sacerdotes etiam huiusmodi indultis passim donantur, ceu docet Benedictus XIV *De Synodo Dioec. lib. 13, cap. 10, num. 12.* - ibi - « Fatemur in » *Brevibus* paulo liberalius agi. Sacerdoti enim saeculari, » qui scientiae et iuris peritia famam sibi comparavit, in » dulgetur ut in tribunalibus etiam laicalibus possit tam » civiles, quam criminales causas agere, prout advocati laici » solent, dummodo in criminalibus iudiciis ad defensionem » tantummodo scribat et agat. »

Tandem in themate non desunt rationes seu causae, quibus Oratoris preces fidenter innitantur. Ordinarius enim de eius paupertate testatur. Temporum difficultates etiam optimam pro gratiis rationem constituere posse idem dicit. Et denique addit: « Convenientiam ut nonnulli sint advocati clerici, quibus hodie civile pateat tribunal, ut Ecclesiae et clericorum immunitates et iura facilius in eo possint, data occasione, defendi. »

Quibus praenotatis, quaesitum est an preces oratoris essent dimittendae favorabili responso.

RESOLUTIO. Sacra C. Concilii, re perpensa, sub die 4 Augusti 1883 censuit respondere:

*Attentis etc. dummodo absit scandalum et orator in causis criminalibus vel omnino abstineat, vel ad defensionem tantum scribat et agat, pro gratia et ad tempus Episcopo benevisum, facto verbo cum SSmo.*

#### EX QUIBUS COLLIGES.

I. Advocare apud saecularia tribunalia, non esse ita alie-



num a ss. canonibus, ut nunquam id liceat sacris ordinibus auctis; dum iidem ss. canones aliquam faciant exceptionem, praecipue si clerici sufficienti careant substantatione.

II. Ex Benedicto XIV *De Synod. Dioec. lib. 13, c. 10, n. 12* erui, indulgeri Sacerdoti saeculari, qui scientiae et iuris peritiae famam sibi comparavit, ut in laicalibus tribunalibus agat causas civiles et criminales; dummodo in his scribat tantum ad defensionem.

III. Advocare autem in causa sanguinis ob periculum irregularitatis, et contra ecclesiam, a qua habet clericus beneficium, propter ingratitude, praeferre videtur dedecus ecclesiastici status, ob quod clerici omnino repellantur ab eiusmodi muniis exercendis.

IV. In themate causas non defuisse videri, quibus Apostolica Sedes innixa, expetitam gratiam concederet: nam sufficienti caret substantatione orator, qui, data occasione, apud civilia tribunalia Ecclesiae, clericorumque immunitates et iura facilius defendere valeat.

---

## MUTINEN.

### VOCIS IN CAPITULO

*Die 2 Iunii 1883.*

Quaestio haec proposita fuit die 18 Martii 1882 sub dubitandi formula: « *An et in quibus comitiis capitularibus Archipresbyter Minor (1) vocem habeat in casu.* » Cui dubio s. C. C. respondit: *Negative in omnibus.*

Defensor Archipresbyteri minoris beneficium novae auditionis obtinuit, et pro viribus partes egit sui clientis, certans competere eidem clienti vocem in capitulo. Idque ut facilius obtineret in tria capita orationem suam divisit. Et

(1) Quaestio haec per integram relata fuit Vol. XV pag. 127: quod recolas oportet ut speciem facti agnoscas.

in primo capite demonstrare studuit, vocem in capitulo competere Archipresbytero Minori, quia ipse est vere ac proprie canonicus cum praebenda, cui accessit dignitas Archipresbyteri Minoris. In secundo ostendit ipsi vocem competere, licet non esset canonicus, sed dignitas tantum, quia huiusmodi dignitati adnexa fuit praebenda, et quia in ipsa erectione effecta fuit de capitulo cum stallo in choro et voce in capitulo; quod binae Bullae Apostolicae aperte perhibent. Denique nonnullis difficultatibus obviam ivit, easque refutare curavit. Quibus, aliisque adductis, enucleandum propositum fuit

### Dubium

*An sit standum vel recedendum a decisis in casu?*

RESOLUTIO. S. C. Concilii, sub die 2 Iunii 1883, re iterum ponderata, censuit respondere: *Quoad comitia in quibus agitur de negotiis veteris massae in decisis; quoad reliqua recedendum a decisis.*

### EX QUIBUS COLLIGES :

Archipresbyterum minorem habere vocem in capitulo in omnibus comitiis capitularibus, exceptis illis in quibus agatur de veteris massae administratione.

---

## MONTISALTI

INTERPRETATIONIS, ET COMMUTATIONIS VOLUNTATIS  
ET ABSOLUTIONIS

*Die 7 Iulii 1883.*

COMPENDIUM FACTI. Sacerdos Raphael Amadio supremo quo decessit elogio anno 1877 proprios fratres Augustinum

et Ioannem haeredes instituit. Ioanni autem onera imposuit sacris suppellectilibus exornatum continuo servandi sacellum domui suae adnexum; in quo curaret etiam ut omnibus diebus festivis missa celebraretur. Ad quam missam audiendam omnes de populo accedere possent, quia sacello sunt fores in muro externo. Voluit etiam ut, curâ Ioannis fratris, aliae celebrarentur quinque missae quotannis in secunda Dominica Septembris iuxta suam intentionem, in honorem B. Mariae Virginis dolore transfixae.

Ioannes voluntati fratris sui obtemperans iniuncto oneri religiose satisfecit. Sed cum reputasset sibi demandatum tantum onus celebrationis, Missae festivae applicationem arbitrio Sacerdotis reliquit. Dubitans vero de hac sua agendi ratione, et tranquillitati suae conscientiae consulere volens, supplicem libellum S. Sedi porrexit, quo rogavit: 1. ut absolutio ei impertiatur ab omissa applicatione, quatenus haec ex testamento urgeat; 2. ut legatum, cum durioris observantiae ob temporum discrimina evasum fuerit, auctoritate suprema commutetur.

### Disceptatio Synoptica

MISSA APPLICANDA NON VIDETUR. Revera onus applicationis videtur exclusum, si attendantur verba adhibita in testamento. Quum enim testator voluit applicationem, eam demandavit adiunctis verbis: « *iuxta meam intentionem* » uti in secundo commate: ita ut ex regula discretivae coniici possit tantum celebrationem missarum in primo commate praescriptum fuisse. S. Rota in *Tuden. Servit. super bono iure 21 Martii 1757 §. 11 coram Frangipane.*

Hinc accedit quod persentit Episcopus: « spectata testamenti forma... obligationem applicationis ex ipso testamento erui non posse... Scimus autem testamentum legem facere; quare nescirem in conscientia iniungere onus certum pro obligatione aut nulla, aut certe dubia, et si testamentum est lex, seu veluti lex, iuxta omnes DD. *leu*

» *dubia non potest parere obligationem certam.* Nec minoris ponderis apud sacros DD. est illud aliud effatum, quo dicitur: *in dubiis minimum esse tenendum.* » Id magis magisque suadet causa erectionis, quae fuit ut incolae facilius sacrum audirent, quo in casu a s. C. C. semper exclusum fuit onus applicationis; Amostaz *de causis piis l. 3, cap. 3, num. 46 et 52*; s. Congregatio in *Novarien. 22 Novembris 1727*, et in *Spoletana 18 Septembris 1751*.

MISSA VIDETUR APPLICANDA. Contra compertum apud omnes est sacra celebrari non posse sine applicatione; imposita igitur celebratione, censi quoque iniunctam applicationem, nisi haec expresse exclusa fuerit; Pignatell. *consult. 139, num. 15, tom. 1*. Iuvat insuper animadvertere: cum res tota pendeat ab interpretatione voluntatis testatoris, bene occurrit ad hanc manifestandam testimonium alterius fratris, qui fidem facit impositam fuisse etiam applicationem. Nec urgenda nimis est regula discretivae; cum enim applicatio sequatur semper celebrationem, tenenda potius est alia regula *in obscuris inspiciendum esse quod est verosimilius, 55 Iur. in 6.* et verosimilius est, eum, qui celebrationem missae mandavit, etiam suffragium animae suae respexisse. Quod semper praesumendum est, nisi testator contrariam voluntatem patefecerit; Benedictus XIV. *de sacrific. Missae lib. 3, cap. 9*.

Quoad autem absolutionem super praeteritis omissionibus, quatenus EE. PP. censuerint impositum onus applicationis in casu adesse, oratori favet bona fides, quam iustam concedendae condonationis causam semper reputavit S. Congregatio, ut in *Tudertina Reductionis et Absolutionis 27 Aprilis 1805*.

Ad alteram vero supplicis libelli partem i. e. petitionem commutationis voluntatis, animadvertendum praepremis novum non esse ut Sedes Apostolica, suprema auctoritate qua pollet, commutationi voluntatis indulgeat, quoties iusta causa suadeat: Conc. Trid. *Sess. 22, cap. 6, de Reform.* Et revera haec in casu concurrat. Demortuo enim Sacerdote

fratre oratoris, qui nunc sacra facit, nonnisi gravibus impensis, ob deficientiam presbyterorum, onus iniunctum adimpleri potest. Quod esset praeter ipsius testatoris voluntatem, qui si potuerit posteriora temporum discrimina respicere, certe fratri tantum onus non imposuisset.

Nec minori in pretio sunt quae habet Episcopus in suo voto: « Si suppleatur ex thesauro Ecclesiae, casu quo talis » reapse fuerit intentio testatoris, nulli damnum ullum affertur, et anima testatoris seu aliae pro quibus tale suffragium ipse voluerit, reficiuntur. Quare submitte operer ut preces ita favorabiliter excipiantur. Quod ideo arbitratum sum cogitans, quod si legata certa et indubiae obligationes Missarum moderno misero tempore perdifficile adimplentur: quid erit sentiendum de dubiis et incertis, et ex quo fieret ut onerarentur dubiis practicis dum vivunt non sine animarum pernicie, vel gravi timore perditionis aeternae mortem subirent? »

Sed contra nemo non novit, quod leges severe praescribunt ut defunctorum voluntates religiose serventur: *Can. 4, Ultima voluntas caus. 13, qu. 2 et Clemens V in decret. Quia contingat de relig. dom.* Quod enim in certum opus ex pia morientium dispositione destinata sunt, facile in aliud converti non debent. Et commutatio voluntatis tantum tunc concessa fuit, quum gravis et iusta causa suasit. Quae in casu exulare videtur. Nam testamentum paucis abhinc annis confectum est; et quamvis tempora in peius prolabantur, attamen non evenit illa rerum mutatio, quae requireretur ad praescriptum onus in opus consimile commutandum.

Quibus praenotatis, quaesitum est quomodo essent dimittendae oratoris preces.

RESOLUTIO. S. C. C. re cognita sub die 7 Iulii 1883, censuit respondere: *Non constare de onere applicationis.*

## EX S. CONG. S. R. U. INQUISIT.

## RESCRIPTUM

ad Vicarium Apostolicum B. quo innuitur eos, qui matrimonia mixta contraxerunt absque Ecclesiae consensu, debere Episcopum adire pro cautione danda de amovendo periculo salutis aeternae a se et a sua prole.

Eñi ac Rñi DD. S. Rñae E. Cardinales contra haeticam praevitatem Generales Inquisitores in Congregatione generali habita Feria IV, die 9 vertentis mensis martii; lectis literis Amplitudinis Tuae, quibus Eño Cardinali Praefecto de Propaganda Fide referebas, Te in quadam ad Clerum tuum instructione omnibus Presbyteris curam animarum exercentibus praescripsisse, ne coniuges, qui de suo matrimonio mixto clandestino inito dolentes et poenitentes, reconciliari Deo desiderant, monere, omittant de necessitate obtinendi ab Episcopo dispensationem, ut matrimonio suo valide quidem sed illicite contracto, in posterum uti licite valeant; hanc vero praescriptionem nonnullis Missionariis occasionem dedisse dubitandi utrum huiusmodi obligatio a Te imponi potuerit: re diligenter et mature perpensa, instructionem ita declarandam a Te esse censuerunt; nempe oportere ut a praefatis coniugibus Ecclesiae cuius sanctissima lex violata est, satisfiat, eidemque cautiones de periculo salutis aeternae a se et a sua prole amovendo in foro etiam externo praestentur, atque hoc fine recursum ad Episcopum postulari.

Haec dum Tibi significo, impensos animi mei sensus eidem testatos volo, cui fausta omnia a Domino precor. Amplitudinis Tuae addimus uti frater

Romae, 12 Martii 1881.

P. Card. CATERINI

# EX SACRA RITUUM CONGREGATIONE

## DUBIA

### quoad recitationem officiorum votivorum

Sacrae Rituum Congregationi insequentia Dubia pro opportuna declaratione proposita fuere, nimirum:

*Dubium I.* Cum ex Decreto diei 5 Iulii 1883 liberum sit, iis, qui nullo canonico titulo ad chorum tenentur, recitare, quibusdam feriis exceptis, vel officium votivum vel officium feriale, huic feriae respondens, quaeritur: utrum obligatio adhuc maneat solum officium votivum recitandi, ubi istud officium antea iam fuerat speciali privilegio alicui Dioecesi concessum, ita ut praefatis diebus ferialibus non detur optio inter officium feriale et officium votivum? Et quatenus affirmative, an optio detur diebus contentis in novo Indulto 5 Iulii 1883, in alio praecedenti exceptis?

*Dubium II.* Tempore Paschali in Officio votivo Passionis est ne addendum *alleluia*, et servanda eiusdem temporis propria?

*Dubium III.* In Rubrica Officiis votivis nuper indultis praemissa statuitur, ut eadem Officia habeant tum commemorationem, tum IX lectionem de Festo simplici occurrenti: quaeritur igitur, an praedicta Officia votiva recitari possint, nedum loco Officiorum ferialium, prout in Decreto diei 5 Iulii 1883, sed etiam loco Officii alicuius Festi simplicis (v. g. s. Agnetis secundo) quod unice ea die in Calendario assignetur?

*Dubium IV.* Ex eadem Rubrica, Vesperae Officii votivi currentis ritus semiduplicis, si die praecedenti, vel sequenti, occurrat Officium aliud quodcumque IX Lectionum, ordinandae sunt iuxta Rubricam de concurrentia Officii. Cum autem Officium votivum cum alio item votivo, vel cum alio semiduplici concurrere possit; quaeritur utrum hoc in casu Vesperae, iuxta praefatam Rubricam generalem Breviarii tit. XI n. 4. semper dicendae sint a capitulo de sequenti, cum commemoratione praecedentis; an vero habenda sit ratio dignitatis unius Officii votivi prae alio, iuxta eiusdem

Rubricae n. 2? Et quid praesertim agendum sit, cum Officium votivum Sanctissimi Sacramenti concurret cum Officio de Passione D. N. I. C.?

*Dubium V.* Cum festum Sanctorum Apostolorum Simonis et Iudae die 28 Octobris incidit in feriam secundam, quaenam in secundis Vesperis adhibenda est Oratio pro Commemoratione Officii votivi de Apostolis, quod sequenti feria tertia recitari contingat?

*Dubium VI.* Si in Vigilia, feriis quatuor Temporum, aliisque feriis propriam Missam habentibus, recitetur in Choro Officium votivum, sunt ne canendae duae Missae, altera de Officio votivo, altera de Vigilia, vel feria, an potius unica dicenda est Missa de Vigilia, vel feria cum commemoratione Officii votivi?

*Dubium VII.* Quoties Feria tertia recitatur Officium votivum omnium Sanctorum Apostolorum, omittine debet in suffragiis ad Vesperas ac Laudes commemoratio Apostolorum Petri et Pauli?

His porro Dubiis ab infrascripto Secretario relatis, sacra eadem Congregatio, post accuratum omnium examen, sic rescribere rata est:

*Ad I.* — Affirmative ad primam et secundam partem.

*Ad II.* — Affirmative, et adhibeatur color rubeus toto anni tempore.

*Ad III.* — Provisum in Rubrica Officiorum.

*Ad IV.* — Quoad 1. Ad primam partem affirmative, ad secundam negative. Quoad 2. Totum de praecedenti, nihil de sequenti.

*Ad V.* — Sumatur Oratio pro aliquibus locis die XXIX Iunii scilicet: « Deus qui nos Beatorum Apostolorum commemoratione laetificas: praesta quaesumus; ut quorum gaudemus meritis instruamur exemplis. Per Dominum. »

*Ad VI.* — Affirmative ad primam partem, negative ad secundam.

*Ad VII.* — Negative. Atque ita declaravit ac rescripsit die 24 Novembris 1883.



## MONITUM

**quoad nonnullas lectiones historicas reformatas.**

A Sacra Rituum Congregatione prodierunt in lucem nonnullae Breviarii Romani et Proprii Sanctorum Summorum Pontificum Lectiones historicae ex integro, vel ex parte reformatae. Ne ulli aequivocationi hac in re pateat aditus, opportunum censetur declarare, huiusmodi modificationes ab eadem Sacra Congregatione approbatas atque editas fuisse ad hoc tantummodo, ut in novis Breviarii et Proprii praedicti editionibus, rite perficiendis, inseri debeant; minime vero ut ad eas assumendas ii obligentur, qui Horas Canonicas recitant iuxta editiones iam existentes.

Ex Secretaria eiusdem Sacrae Congregationis die 14 Decembris 1883.

LAURENTIUS SALVATI S. R. C. *Secretarius.*

---

 DECRETUM

**quo praecipitur addendum esse in Litanis Lauretanis  
Regina sacratissimi Rosarii, ora pro nobis,**

URBIS ET ORBIS

Ad praesidium columenque militantis Ecclesiae virum sanctissimum excitavit misericors Deus, Dominicum Guzmanum, inclitum Ordinis Praedicatorum conditorem et patrem, qui pugnare pro Ecclesia catholica aggressus est, maxime precatione confisus, quam Sacri Rosarii Mariani nomine primus instituit, et per se suosque Alumnos longe lateque disseminavit. Admirabilem hanc orandi formulam nobilis instar tesseræ christianæ pietatis Catholici semper habere consueverunt. Quare vix ac Sanctissimus Dominus Noster LEO PAPA XIII ad opem a Iesu Christo per Mariam Virginem Eius Matrem praesentibus necessitatibus impetrandam, integrum mensem

Octobrem Rosarii precibus in toto catholico Orbe hoc anno exigendum, encyclicis datis Litteris, indixit; ubique sacrorum Antistites et fideles populi, supremi Pastoris voluntati obtemperantes frequentissima Rosarii recitatione pietatis suae et dilectionis erga Dei Matrem peramantissimam splendida argumenta exhibuerunt, certam spem foventes se, eadem Beatissima Virgine opitulante, a caelesti misericordiarum Patre in praesentibus tam privatis, quam communibus christianae reipublicae calamitatibus efficacius optata subsidia impetraturos.

Iamvero Sanctissimus idem Dominus Noster summopere cupiens tum augeri cultum erga ipsam augustam Dei Genitricem hac praesertim orandi consuetudine eidem Virgini gratissima, tum Christifideles ad hoc obsequium Ei praestandum magis magisque excitari humillimas preces sibi oblatas a Rmo Patre Iosepho Maria Larroca Magistro Generali Ordinis Praedicatorum, nimirum ut Litanis Lauretanis addendam indulgeat Reginae a Rosario invocationem, quae iamdudum apud Dominicianam Familiam in usu est, benignae ac perlibenter excepit. Voluit propterea Sanctitas Sua praecipitque, ut ceteris Litaniarum Lauretanarum beatae Mariae praeconiis, et hoc in Ecclesia universa in posterum addatur postremo loco, scilicet « *Regina Sacratissimi Rosarii, ora pro nobis* ».

Mandavit praeterea super his expediri Litteras in forma Brevis. Contrariis non obstantibus quibuscumque. Die 10 Decembris 1883.

D. Card. BARTOLINIUS S.R.C. PRAEFECTUS

L. ✠ S.

LAURENTIUS SALVATI S. R. C. *Secretarius:*

---

## DECRETUM

**Quo mandatur nonnullas preces esse recitandas in fine cuiusque Missae, sine cantu celebratae, in omnibus Urbis et Orbis catholici Ecclesiis.**

URBIS ET ORBIS

Iam inde ab anno MDCCCLIX sa. me. Pius PP. IX, ad impetrandam Dei opem, quam tempora difficilia et aspera flagitabant, praecipit, ut, in templis omnibus Ditionis Pontificiae, certae pre-

ces quibus sacras Indulgentias adiunxerat, peracto sacrosancto Missae sacrificio, recitarentur. Iamvero gravibus adhuc insidentibus malis nec satis remota suspicione graviorum, cum Ecclesia catholica singulari Dei praesidio tantopere indigeat, Sanctissimus Dominus Noster LEO PAPA XIII opportunum iudicavit, eas ipsas preces nonnullis partibus immutatas toto orbe persolvi, ut quod christianae reipublicae in commune expedit, id communi prece populus christianus a Deo contendat, auctoque supplicantium numero divinae beneficia misericordiae facilius assequatur. = Itaque Sanctitas Sua per praesens Sacrorum Rituum Congregationis Decretum mandavit, ut in posterum in omnibus tum Urbis tum catholici orbis Ecclesiis preces infra scriptae, ter centum dierum Indulgentia locupletatae, in fine cuiusque Missae sine cantu celebratae, flexis genibus recitentur, nimirum:

a Ter Ave Maria, etc.

Deinde dicitur semel Salve Regina, etc. et in fine:

γ. Ora pro nobis sancta Dei Genitrix,

δ. Ut digni efficiamur promissionibus Christi.

OREMUS

Deus, refugium nostrum et virtus, adesto piis Ecclesiae tuae precibus, et praesta; ut, intercedente gloriosa et Immaculata Virgine Dei genitrice Maria, beato Iosepho, ac beatis Apostolis tuis Petro et Paulo et omnibus Sanctis, quod in praesentibus necessitatibus humiliter petimus, efficaciter consequamur. Per eundem Christum Dominum nostrum.

η. Amen.

Contrariis non obstantibus quibuscumque. Die Epiphaniae Domini VI Ianuarii MDCCCLXXXIV.

D. CARDINALIS BARTOLINIUS S. R. C. PRAEFECTUS  
L. ✠ S.

Laurentius Salvati S. R. C. Secretarius.



**EPISTOLA ENOYOLICA SSmi D. N. Leonis XIII ad Episcopos Galliae:**  
 qua innuitur, iuvenes, dum artes docentur, quibus ad humanita-  
 tem informari solent, apprime notitiâ officiorum erga Deum im-  
 buendos esse: consulendum ne desint scholae catholicae, ani-  
 morumque concordiae prospiciendum ad protuenda nominis catho-  
 lici iura.

**Venerabiles fratres salutem et apostolicam benedictionem**

Nobilissima Gallorum gens, multis in rebus pace bellove prae-  
 clare gestis, singularem quamdam sibi comparavit in Ecclesiam catho-  
 licam laudem meritorum quorum nec interitura est gratia, nec  
 gloria consenescent. Institutis christianis, praeunte rege Clodoveo,  
 mature susceptis, hoc sane perhonorificum fidei pietatisque testi-  
 monium simul et praemium tulit, ut *primogenita Ecclesiae filia*  
 nominaretur. Ex eo tempore, Venerabiles Fratres, saepe maiores  
 vestri ad magnas res et salutes visi sunt divinae ipsius provi-  
 dentiae adiutores: nominatim vero ipsorum est nobilitata virtus  
 in vindicando ubique terrarum catholico nomine, in christiana  
 fide ad barbaras gentes propaganda, in liberandis tuendisque san-  
 ctioribus Palaestinae locis, ut non sine causa vetus illud vim  
 proverbii obtinuerit, *gesta Dei per Francos*. Atque his rationibus  
 contigit, ut fidei animo sese pro nomine catholico devotes, in  
 societatem gloriarum Ecclesiae aliquo modo venire potuerint, et  
 complura publice privatimque instituire, in quibus exiuvia vis re-  
 ligionis, beneficentiae, magnanimitatis cernitur. Quas patrum ve-  
 storum virtutes Romani Pontifices, Decessores Nostri maiorem in  
 modum probare consueverunt, reddendaque pro meritis benevole-  
 ntia, non semel ornare Gallorum nomen laudibus voluerunt. Amplis-  
 simae quidem illae sunt, quas Innocentius III et Gregorius IX,  
 magna illa Ecclesiae lumina, maioribus vestris tribuebant: quo-  
 rum prior in epistola ad Archiepiscopum Rhemensem, *regnum*  
*Franciae*, ait, *praerogativa quadam diligimus caritatis, utpotè*  
*quod prae ceteris mundi regnis Apostolicae Sedi ac Nobis obse-*  
*quiosum semper extitit et devotum*: alter vero in epistola ad san-  
 ctum Ludovicum IX, in regno Galliae, *quod a devotione Dei, et*  
*Ecclesiae nullo casu avelli potuit, numquam libertas ecclesiastica*

*Acta Tom. XVI. fasc. CLXXXVII*

*perit nullo numquam tempore rigorem proprium christiana fides amisit: quin imo pro earum conservatione reges et homines dicti regni sanguinem proprium fundere et se periculis multis exponere minime dubitaverunt.* — Parens autem naturae Deus, a quo mercedem virtutum recteque factorum utique in terris accipiunt civitates, multa Gallis ad prosperitatem largitus est, laudes bellicas, pacis artes, gloriam nominis, imperii auctoritatem. Quod si oblita quodammodo Gallia sui, munus a Deo demandatum aliquando defugiens, maluit infensos spiritus adversus Ecclesiam sumere, tamen summo Dei beneficio nec diu nec tota desipuit. Atque utinam funestos illos religioni ac civitati casus, quos proximiora aetati nostrae tempora pepererunt, sospes evasisset! Verum posteaquam mens hominum novarum opinionum imbuta veneno, auctoritatem Ecclesiae passim coepit reiicere infinita libertate ferox, cursus praeceps, quo proclive erat factus est. Nam cum mortiferum doctrinarum virus in ipsos hominum mores influxisset, humana societas huc magnam partem sensim evasit, ut omnino desciscere a christianis institutis velle videatur. Ad hanc perniciem per Gallias dilatandam non parum valuerunt superiore saeculo quidam insaniente sapientia philosophi, qui christianae veritatis adorti sunt fundamenta convellere, eamque philosophandi rationem inierunt, quae excitata iam immodicae libertatis studia vehementius inflammaret. Proxima fuit eorum opera quos rerum divinarum impotens odium nefariis inter se societatibus coniunctos tenet, quotidieque facit opprimendi catholici nominis cupidiores: an vero maiore, quam uspiam, in Gallia contentione, nemo quam Vos, Venerabiles Fratres, iudicare melius potest.

Quapropter paterna caritas, qua universas gentes prosequimur, sicut alias Nos impulit ut nominatim Hiberniae, Hispaniae, Italiaeque populos, datis ad Episcopos litteris, convenienter temporibus ad officium cohortaremur, ita nunc ad Galliam suadet mentem cogitationemque convertere. — Ea enim molimenta, quae diximus, non Ecclesiae solum nocent, sed ipsi quoque sunt pernicio-sa et funesta reipublicae, propterea quod fieri non potest ut prosperitas civitati comitetur, virtute religionis extincta. Et sane ubi vereri Deum homo desiit, maximum iustitiae tollitur fundamentum sine qua bene geri rem publicam vel ipsi ethnicorum sapientes negabant posse: neque enim satis habitura dignitatis est auctoritas principum, neque satis virium leges. Plus apud unumquemque valebit utilitas, quam honestas: vacillabit incolumitas iurium

malo custode officiorum poenarum metu: et qui imperant, facile in dominatum iniustum, et qui parent, levi momento in seditionem et turbas delabentur. - Praeterea quia nihil est in rerum natura boni, quod non bonitati divinae acceptum referendum sit, omnis hominum societas, quae a disciplina et temperatione sui abesse Deum iubeat, quantum est in se, divinae beneficentiae adiumenta respuit, planeque est digna, cui caelestis tutela denegetur. Itaque quantumvis opibus firma et copiis locuples esse videatur, gerit tamen interitus sui in ipsis reipublicae visceribus inclusa semina, neque spem habere potest diuturnitatis. Scilicet gentibus christianis, non fere secus ac singulis hominibus, tam est inservire Dei consiliis salubre, quam deficere periculosum; eisque illud plerumque accidit, ut quibus temporibus fidelitatem suam erga Deum vel Ecclesiam studiosius retinent, in optimum statum naturali quodam itinere veniant; quibus deserunt, excidant. Has quidem vices in annalibus temporum intueri licet; earumque domestica et satis recentia exempla suppeterent, si vacaret ea recordari quae superior vidit aetas, cum procax multorum licentia tremefactam Galliam funditus miscuit, rem sacram et civilem eodem excidio complexa.

Contra vero haec, quae certam civitatis ruinam secum ferunt facile depelluntur, si in constituenda gubernandaque tum domestica tum civili societate catholicae religionis praecepta serventur. Ea enim sunt ad conservationem ordinis et ad reipublicae salutem aptissima.

Ac primo quidem ad societatem domesticam quod attinet, interest quam maxime susceptam e coniugio christiano sobolem mature ad religionis praecepta erudiri; et eas artes, quibus aetas puerilis ad humanitatem informari solet, cum institutione religiosa esse coniunctas. Alteras seiungere ab altera idem est ac reipsa velle ut animi pueriles in officiis erga Deum in neutram partem moveantur: quae disciplina fallax est, et praesertim in primis puerorum aetatulis perniciosissima, quod revera viam atheismi munit, religionis obsepat. Omnino parentes bonos curare oportet, ut sui cuiusque liberi, cum primum sapere didicerunt, praecepta religionis percipiant, et ne quid occurrat in scholis quod fidei morumve integritatem offendant. Et ut ista in istituenda sobole diligentia adhibeatur, divina est naturalique lege constitutum, neque parentes per ullam causam solvi ea lege possunt. Ecclesia vero, integritatis fidei custos et vindex, quae, delata sibi a Deo condi-

tore suo auctoritate, debet ad sapientiam christianam universas vocare gentes, itemque sedulo videre quibus excolatur praeceptis institutisque iuventus quae in ipsius potestate sit, semper scholas quas appellant *mistas* vel *neutras*, aperte damnavit, monitis etiam atque etiam patribusfamilias, ut in re tanti momenti animum attenderent ad cavendum. Quibus in rebus parendo Ecclesiae, simul utilitati paretur, optimaque ratione saluti publicae consulitur. Etenim quorum prima aetas ad religionem erudita non est, sine ulla cognitione adoleseunt rerum maximarum, quae in hominibus alere virtutum studia et appetitus regere rationi contrarios solae possunt. Cuiusmodi illae sunt de Deo creatore notiones, de Deo iudice et vindice, de praemiis poenisque alterius vitae expectandis, de praesidiis caelestibus per Iesum Christum allatis ad illa ipsa officia diligenter sancteque servanda. His non cognitis, male sana omnis futura est animorum cultura: insueti ad verecundiam Dei adolescentes nullam ferre poterunt honeste vivendi disciplinam, suisque cupiditatibus nihil unquam negare ausi, facile ad miscendas civitates pertrahentur.

Deinde illa saluberrima aequae ac verissima, quae ad civilem societatem vicissitudinemque iurium et officiorum inter sacram et politicam potestatem spectant. - Quemadmodum enim duae sunt in terris societates maximae, altera civilis, cuius proximus finis est humano generi bonum comparare temporale et mundanum, altera religiosa cuius est homines ad veram illam felicitatem perducere, ad quam facti sumus, caelestem ac sempiternam, ita gemina potestas est; aeternae naturalique legi obediens ambae, et in rebus quae alterutrius ordine imperioque continentur, sibi singulae consulentes. Verum quoties quidquam constitui de eo genere oporteat, de quo utramque potestatem, diversis quidem causis diversoque modo, sed tamen utramque constituere rectum sit, necessaria est et utilitati publicae consentanea utriusque concordia; qua sublata, omnino consecutura est anceps quaedam mutabilisque conditio, quacum nec Ecclesiae nec civitatis potest tranquillitas consistere. Cum igitur pactis conventis inter sacram civilemque potestatem publice aliquid constitutum, est tunc profecto quod iustitiae interest, interest idem rei publicae, concordiam manere integram; propterea quod sicut alteri ab altera praestantur officia mutua, ita certus utilitatis fructus ultro citroque accipitur et redditur.

In Gallia, ineunte hoc saeculo, posteaquam ingentes illi, qui paulo ante fuerant, motus civiles terroresque conquieverant, ipsi

rerum publicarum rectores intellexere, haud posse melius fessam tot ruinis civitatem sublevari, quam si religio catholica restitueretur. Futuras utilitates opinione praecipiens Pius VII Decessor Noster, voluntati primi Consulis ultro obsecutus est, facilitate indulgentiaque usus tanta, quanta maxima per officium licuit. — Tunc de summis capitibus cum venisset, fundamenta posita sunt tutumque iter munitum restituendis ac sensim stabiliendis rebus religionis opportunum. Et revera plura eo tempore ac posteriore aetate prudenti iudicio constituta sunt, quae ad incolumitatem et decus Ecclesiae pertinere videbantur. Permagnae exinde perceptae utilitates, tanto pluris aestimandae, quanto gravius in Gallia omnia sacra essent antea prostrata et afflicta. Publica dignitate religioni reddita, plane instituta christiana revixere: sed mirum quanta ex hoc facto in prosperitatem civilem bona redierunt. Etenim ex turbulentissimis fluctibus vixdum emersa civitas, cum vehementer tranquillitatis disciplinaeque publicae firma fundamenta requireret, ea ipsa quae requirebat, oblata sibi a religione catholica percommode sensit; ita ut appareat, illud de concordia inunda consilium prudentis viri populoque bene consulentis fuisse. Quare, si ceterae rationes deessent, tamen omnino eadem causa, quae tunc ad pacificationem suscipiendam impulit, nunc deberet ad conservandam impellere. Nam inflammatis passim rerum novarum studiis, in tam incerta expectatione futurorum novas discordiarum causas inter utramque potestatem serere, interiectisque impedimentis beneficam Ecclesiae prohibere aut remorari virtutem, inconsulta res esset et plena periculi.

At vero hoc tempore huius generis eminere pericula non sine sollicitudine et angore videmus: quaedam enim et acta sunt et aguntur cum Ecclesiae salute minime congruentia, posteaquam nonnulli infenso animo instituta catholica in suspicionem invidiamque adducere, eaque civitati praedicare inimica vulgo consueverunt. Neque minus sollicitos anxiosque habent Nos eorum consilia, qui, dissociandis Ecclesiae reique publicae rationibus, salubrem illam riteque initam cum Apostolica Sede concordiam serius ocius diremptam vellent.

Nos quidem in hoc rerum statu nihil praetermisimus, quod tempora postulare viderentur. Legatum Nostrum Apostolicum, quoties oportere visum est, facere expostulationes iussimus: quas qui rem publicam gerunt prono se ad aequitatem animo accipere testati sunt. — Nos ipsi, cum lata lex est de collegiis sodalium re-



ligiosorum tollendis, animi Nostri sensa litteris consignavimus ad dilectum Filium Nostrum S. R. E. Cardinalem Archiepiscopum Parisiensium datis. Simili modo, missis superiore anno mense Iunio ad summum rei publicae Principem litteris, cetera illa deploravimus, quae saluti animarum nocent, et Ecclesiae rationes incolumes esse non sinunt. Id vero effecimus tum quod sanctitate et magnitudine muneris Nostri apostolici permovebamur, tum quod vehementer cupimus ut accepta a patribus et maioribus religio sancte inviolateque in Gallia conservetur. Hac via, hoc ipso tenore constantiae certum Nobis est rem Galliae catholicam perpetuo in posterum defendere. — Cuius quidem officii iusti ac debiti Vos omnes, Venerabiles Fratres, adiutores strenuos semper habuimus. Revera sodalium religiosorum coacti dolere vicem, perfecistis tamen, quod erat in potestate vestra, ne indefensi succumberent, qui non minus de re publica quam de Ecclesia meruerant. Hoc autem tempore, quantum leges sinunt, in eo evigilant maximae curae cogitationesque vestrae, ut probae institutionis copia suppeditet iuventuti: et de consiliis quae adversus Ecclesiam nonnulli agitant, non praetermisistis ostendere, quantum ipsi civitati essent allatura perniciem. Atque has ob causas nemo iure criminabitur, aut aliquo Vos respectu rerum humanarum duci, aut constitutae reipublicae adversari: qui cum Dei agitur honos, cum salus animarum in discrimen adducitur, vestrum munus est harum rerum omnium tutelam defensionemque suscipere. — Pergite itaque prudenter et fortiter in episcopali munere versari: caelestis doctrinae praecepta tradere, et qua sit ingrediendum via in tam magna temporum iniquitate populo demonstrare. Eandem omnium oportet esse mentem idemque propositum, et ubi communis est causa, similem in agendo adhibere rationem. Providete ut nusquam scholae desint, in quibus notitia bonorum caelestium officiorumque erga Deum diligentissime alumni imbuantur, et discant penitus Ecclesiam cognoscere eidemque dicto esse audientes usque adeo ut intelligant et sentiant, omnes labores, eius causa, patibiles putandos. Abundat Gallia praestantissimorum hominum exemplis, qui pro fide christiana nullam ab sese calamitatem, ne vitae quidem ipsius iacturam deprecati sint. In ipsa illa perturbatione, quam commemoravimus, viri invicta fide perplures extiterunt, quorum virtute et sanguine patrius stetit honos. Iamvero nostris etiam temporibus virtutem in Gallia cernimus per medias insidias et pericula satis, Deo iuvante, se ipsam tueri. Munus suum Clerum in-

sistit, idque ea caritate, quae sacerdotum est propria, ad proximorum utilitates semper prompta et sollerti. Laici viri magno numero fidem catholicam profitentur aperto impavidoque pectore: obsequium suum certatim huic Apostolicae Sedi multis rationibus et saepe testantur: institutioni iuventutis ingenti sumptu et labore prospiciunt, necessitatibus publicis opitulantur liberalitate et beneficentia mirabili.

Iamvero ista bona, quae laetam spem Galliae portendunt, non conservanda solum sed etiam agenda sunt communi studio maxime perseverantia sedulitatis. In primis videndum est ut idoneorum virorum copia magis ac magis Clerus locupletetur. Sancta sit apud sacerdotes Antistitum suorum auctoritas: pro certo habeant sacerdotale munus, nisi sub magisterio Episcoporum exerceatur, neque sanctum, nec satis utile neque honestum futurum. — Deinde necesse est in patrocinio religionis multum elaborare lectos viros laicos, quibus cara est communis omnium mater Ecclesia, et quorum dicta tum scripta tuendis catholici nominis iuribus magno usui esse possunt. Ad optatos autem fructus maxime est conspiratio voluntatum et agendorum similitudo necessaria. Profecto nihil magis inimici cupiunt, quam ut dissideant catholici inter se: hi vero nihil magis quam dissidia fugiendum putent, memores divini verbi, *omne regnum in seipsum divisum desclabitur*. Quod si, concordiae gratia, necesse est, quemquam de sua sententia iudicioque desistere, faciat non invitus, sperata utilitate communi. Qui scribendo dant operam, magnopere studeant hanc in omnibus rebus animorum concordiam conservare; iidem praeterea quod in commune expedit malint, quam quod sibi: communia coepta tueantur; disciplinae eorum, quos *Spiritus Sanctus posuit Episcopos regere Ecclesiam Dei*, libenti animo pareant, auctoritatemque vereantur; nec suscipiant quicquam praeter eorumdem voluntatem, quos, quando pro religione dimicatur, sequi necesse est tamquam duces.

Denique, quod facere in rebus dubiis semper Ecclesia consuevit, populus universus, Vobis auctoribus, obsecrare obtestarique Deum insistat, ut respiciat Galliam, iramque misericordia vincat. In ista fandi scribendique licentia pluries est divina violata maiestas, neque desunt qui non modo beneficia Salvatoris hominum Iesu Christi ingrante repudient, sed etiam impia ostentatione profiteantur, nolle se Dei numen agnoscere. Omnino catholicos decet hanc sentiendi agendique pravitatem magno fidei pietatisque studio compensare, publiceque testari, nihil sibi esse Dei gloria prius,

nihil avita religione carius. Ii praesertim qui alligati arctius Deo, intra monasteriorum claustra aetatem degunt, excitent nunc sese ad caritatem generosius, et divinum propitiare numen humili prece, poenis voluntariis, suique devotione contendant. His rationibus eventurum, Deo opitulante, confidimus, ut qui sunt in errore resipiscant, nomenque Gallicum ad genuinam magnitudinem revirescat.

In his omnibus, quae hactenus diximus, paternum animum Nostrum, Venerabiles Fratres, et amoris, quo universam Galliam complectimur, magnitudinem recognoscite. Nec dubitamus quin hoc ipsum studiosissimae voluntatis Nostrae testimonium ad confirmandam augendamque valeat salutarem illam inter Galliam et Apostolicam Sedem coniunctionis necessitudinem, unde nec levia in communem utilitatem bona omni tempore profecta sunt. - Et hac cogitatione laeti, Vobis, Venerabiles Fratres, civibusque vestris maximam caelestium munerum copiam adprecamur quorum auspiciem et praecipuae benevolentiae Nostrae testem Vobis universaeque Galliae Apostolicam benedictionem peramanter in Domino impertimus.

Datum Romae apud S. Petrum die VIII Februarii a. MDCCCLXXXIV,  
Pontificatus Nostri Anno Sexto.

LEO PP. XIII.

---

# EX S. CONGREGATIONE CONCILII

## ARGENTINEN. ET ALGERIEN.

### EXCARDINATIONIS ET SUSPENSIONIS

*Die 7. Iulii 1883*

COMPENDIUM FACTI. Sub die 30 Iunii 1879 Aemilius Strub, oriundus ex Dioecesi Argentinensi, exposuit R. Pontifici: sese, Alsatiâ Borussia imperio subiectâ, petiisse Algerinam Dioecesim anno 1872, ut militiam devitaret, et divino servitio totum se manciparet. Benigne ab Antistite exceptum fuisse et spatio sex annorum studio Rethoricae, Philosophiae, et Theologiae incubuisse in Seminario; et absque testimonialibus Episcopi originis promotum fuisse ad tonsuram minoresque ordines. Pluries rogavisse algeriensem Antistitem, sed frustra, ut sibi facultas fieret aut religionem ingrediendi, aut originis Dioecesim repetendi; seseque paratum exhibuisse ad expensas compensandas pro sua educatione in illo Seminario. Idque petiisse, ait, tum quia coelum Algerinum suae valetudini infensum persenserat, tum ne, ob militiae desertionem iam ad multam libell. 375 damnatus, cum obligatione sistendi coram iudice, ulterioribus multis propria familia vexaretur. Qua de re, anno 1878 patrios lares repetens, per annum integrum permansisse in Seminario Argentinensi, ut adhuc theologiae studio incumberet. Vix in patriam reversum in militari regesto adscriptum fuisse, quamvis ab activo servitio dispensaretur, sibique prohibitum fuisse reditum in algeriensem Dioecesim. Quum autem Antistes algeriensis petitam gratiam permanendi in Dioecesi originis

concedere renuerit, expetivit a Pontifice Romano, ut iterum Episcopo argentinensi subiectus, ab eo Sacros ordines suscipere valeret. Sub die 9 Aprilis 1881 S. C. Cong. responsum dedit oratoris precibus: *Attentis peculiaribus circumstantiis, Aemilium ordinandum esse ab Episcopo argentinensi, praeviis litteris testimonialibus Archiepiscopi algeriensis, facta eidem compensatione expensarum.*

Quaestio tamen non quievit: Primus enim algeriensis Archiepiscopus causam iterum ad trutinam revocari petiit, ratus in magnum suae dioecesis detrimentum sententiam esse datam. Interim quum argentinensis Episcopus (qui conquistus ab Episcopo Tutelensi in eius seminarium clericum Strub miserat, Germanicam linguam docturum) litteras dimissorias ad s. Subdiaconatus Ordinem eidem clerico concessisset, quin testimoniales ab Archiepiscopo algeriensi expeteret; absque hisce litteris ille ab Episcopo Tutelensi die 3 Iulii 1882 ordinatus est. Hac de re algeriensis Praesul petiit etiam ut interim quaestio enodaretur, an clericus ad ordines promotus, et Episcopus ordinans in suspensionem inciderint.

Episcopus argentinensis rogatus, respondit, id evenisse errore quodam; ceterum de hoc errore excusationem ab Illmo ac Rmo Praesule petere paratus sum, ait. Quod si in sua petitione subsistat, ut Episcopus ordinans et Clericus ordinatus suspendantur, eandem Ipsi poenam infligi requiro, quum ipse praedictum Aemilium ad tonsuram et minores Ordines initiaverit, quin unquam litteras testimoniales, nec excardinationem ab Ordinario argentinensi expostulaverit.

### Disceptatio Synoptica

ANTISTITIS ALGERIENSIS IURA. Eius favore primum animadversum fuit quod Tridentina Synodus *Sess. 23. cap. 8 de Reform.* decrevit ut *unusquisque a proprio Episcopo ordinetur*. Proprium vero Episcopum esse non modo illum, in cuius dioecesi quis natus est, sed et illum in cuius dioecesi quis domicilium perpetuum contraxit, unanimiter do-

cent DD., et inter alios Passerinus in VI<sup>o</sup> *Decretal.*, de temp. ordinat., art. 2, num. 29 (editione anni 1667). Et sanxit Innocentius XII celebri Bulla *Speculatores diei 4 Novembris 1694*, ubi proprium ordinandi Episcopum esse decrevit illum aut *originis*, aut *perpetui domicilii*, aut *beneficii*, aut *familiaritatis*. Si quis igitur perpetuum domicilium alicubi figat, Episcopo loci, ad effectum ordinationis, subditus efficitur.

Iamvero Aemilium Strub perpetuum domicilium Algeriae contraxisse ex mox dicendis apparet. Recolere necesse est, facto et animo domicilium contrahi: facto nempe habitationis, et animo perpetuo in loco manendi. Ita ex *leg. Domicilium 20 ff. Ad Municipalem*, et Glossa ibi v. *Domicilium* ubi legitur: « *Facto subintellige et animo: nam haec duo sunt necessaria;* » aliisque sexcentis. Si quis igitur in aliquem locum pergat, animumque perpetuo manendi habeat; incontinenti domicilium acquirit iuxta Passerinum in VI<sup>o</sup> *Decret. loc. cit. n. 29* - ibi - « *Quum domicilium acquiratur animo et libertate acquirentis, hinc* » *statim ac in instanti in quo quis se confert ad aliquem* » *locum, animo ibi perpetuo manendi, acquirit, ibi domici-* » *lium.* » Porro factum, utpote quid externum, facilis est probationis: non ita vero animus, qui potius argui solet vel ex translatione maioris partis bonorum, vel ex habitatione ob causam non precariam, vel ex iuramento, aut alia quacumque certa partis declaratione.

In themate autem habitatio, seu factum, exploratissima est: animus vero perpetuo in loco manendi ab ipso Strub declaratus fuit, et solemnī pactione evinctus. Siquidem algeriense Seminarium gratuito ingredi ipse petiit, obtinuitque. Gratuita vero educatio exteris alumnis hoc pacto datur, ut ipsi dioecesis servitio mancipientur adeoque incardinentur. Id docent regulæ vel a primordiis dioecesis in Seminario statuta. Id etiam, quamvis praefatae regulæ deessent, ipsa ratio dictaret, quum nequeat supponi dioecesim absque causa aut sua utilitate graves educationis sumptus

sufferre velle. Merito igitur gratuita educationis susceptio, veluti certa contestatio habetur de domicili con-  
trahendi animo, imo veluti vera eiusdem promissio. Siquidem ex gratuita educatione verus contractus dioecesim inter et alumnum exoritur, contractus nempe *innominatus - do ut facias -* iuxta *L. 7, §. 1 ff., tit. de pact.; et L. 1, §. 2 ff., tit. de rer. permut.*, dandi nempe educationem, ut in posterum dioecesi inserviat.

Quum igitur Aemilius Strub Seminarium gratuito ingressus sit, atque ita vera pactione animum permanendi declaraverit ac promiserit, iam dubitare non licet an ipsi animus permanendi fuerit.

In vado igitur semel posita animi existentia, et exinde etiam Algerino domicilio Clerici Strub probato, pone sequitur, iuxta praemissa, hunc clericum Algeriënsis Praesulis subditum evasisse, ac extinctam proinde esse Ordinarii originis iurisdictionem, ad tradita per textum in *can. Ubi-cumque 13, quaest. 2*, ubi legitur: « Si quis de provincia » ad provinciam transierit, et ibi domicilium sibi colloca- » verit, liber factus a ditione prioris iudicis, iurisdictioni » illius iudicis subditur, in cuius provinciam sedem sibi e- » legit ». Cui concinit Pitonius *discept. 122, num. 17*, et S. C. C. in *Burgi S. Domnini seu Cremen. Ordinationis 1 Augusti 1750*, ubi §. 3 traditur, quod Clerici qui semel uni Episcopo sese addixerunt, nequeant ab altero ceteris ordinibus honestari.

Neque dicas quod ex Bulla *Speculatores*, ut domicilium ad effectum ordinationis contrahatur, necesse sit commorari in loco per statutum tempus, et iuramentum de voluntate permanendi emittere. Haec enim requiri videntur ut *satis superque perpetuo ibidem permanendi animus* evincatur, ceu ait Pontifex. Porro quum essenziale sit animi existentia, modus vero quo haec comprobetur secundarium in lege videatur, non inconcinne supponitur iuramentum aliaque ibi recensita non taxative sed adminiculative vel exemplariter esse dicta et exigi.

Quae interpretandi ratio nec nova nec insolita est in canonica iurisprudencia imo exemplo quam simili et celeberrimo quoad matrimonium commendatur. Sane Bened. XIV Constit. *Paucis ab hinc* proposita quaestione – quidnam requiratur ad quasi domicilium adipiscendum, – respondebat: « In hac re nullo alio pacto responderi potest, nisi quod » antequam matrimonium contrahatur, *spatio saltem unius » mensis*, ille qui contrahit habitaverit in loco ubi matrimonium celebratur. » Attamen mensis a Pontifice praescriptus ad quasi domicilium acquirendum non est absolute necessarius, et potest suppleri, ceu plures DD. praesertim recentiores tradunt et videtur a responsione S. C. C. in causa *Gratianopolitana 3 Aprilis 1841*; ac tandem S. C. S. Officii die *14 Martii 1867* aperte declaravit in instructione ad Episcopos Angliae et Americae Septemtrionalis, scribens: « In Constitutione Benedicti XIV *Paucis ab hinc »* nullo pacto eiusmodi tempus (acquirendi quasi domicilium) » coarctatum fuisse ad unum mensem ». A pari igitur in Constitutione *Speculatores* tempus aliaque adminicula ad animum agnoscendum praescripta posse suppleri videtur.

Modo dictis dioecesis consuetudo fulcimentum praebet. « Ingrata enim (ait Eñus Archiepiscopus) et singulari huiusce renascentis Dioeceseos conditione factum est, ut ab ipsius origine omnes Episcopi, ad satisfaciendum muneri suo, idest ad efformandum dioecesanum clerum, extraneos iuvenes adhuc laicos debuerint accipere, et in dioecesanis Seminariis gratuito educare eo pacto, ut iuvenes illi quum ad Ordines promoti fuissent Dioecesi ad normam iuris et iustitiae inservirent, illius Clero adscriberentur et proinde ibi perpetuum figerent domicilium. Sic absque ulla exceptione a tribus successivis Episcopis per 45 annos res se gessit. . . Adiungendum etiam est quod huic consuetudini, vi summae necessitatis inductae, nullus unquam extraneus Episcopus per annos 45 contradixit ». Adeo ut exteri alumni gratuito in Seminario enutriti, non solum dioecesi incardinati eo ipso censerentur, sed et ad ordines per 45



annos promoti esse videntur absque Episcopi Originis dimissoriis litteris, quamvis conditionibus ab Innocentio XII pro domicilio acquirendo statutis plene non satisfecerint. Quae praxis quamquam legibus canonicis iudicetur contraria, tamen quum 45 annorum consuetudine probetur, legitime praescripta dicenda est. Consuetudo enim iuxta id quod tradit Devoti *Institut. Canon. proleg. cap IV, §. 50*, « ius » est inductum moribus hominum et usu diuturno, quae vim » legis habet, modo honesta sit, laudabilis, ab omnibus diu » servata, tacito aut expresso Pastorum consensu introdu- » cta ». Et si sit legi scriptae contraria tamen adhuc valet, et praescribit post 40 annorum tempus, ceu DD. tradunt ex *cap. 50, de elect. et elect. potest.*, et *cap. 3 de causa possess.*

Concludendum igitur videtur, Aemilium Strub vel ex contracto domicilio, vel ex consuetudinis lege in dioecesi viginti, Ordinarii algeriensis iurisdictioni plene subesse, absque eius venia discedere non posse, neque ab alio quocumque ordinari.

Iure algeriensis Praesulis semel firmato, superest videndum utrum circumstantiae extent, quibus clericus Strub a domicili lege dispensari valeat. Verum, omnibus inspectis, causas pro excardinatione minime adesse constat. *Primo* non lex militaris imperii, testante Consule generali Germanico Algeriae commoranti, et facto ipso docente, quum Strub hodie Tutelae habitet extra fines imperii. *Secundo* non aeris africani molestia; etenim medico et Archiepiscopo testibus, Strub optima valetudine Algeriae fruebatur. Non tandem *tertio* religionem ingrediendi votum; de eodem enim dubitare fas est, quum adhuc executioni mandatum non fuerit.

Vicissim vero causae quibus ad redeundum compellatur gravissimae existere videntur; et primum ratio contractus. Ex gratuita enim educatione superius innuimus quemdam contractum innominatum - *do ut facias* - dioecesim inter et et Strub obortum esse. Ast pacta et contractus servare ius

utrumque iubet: et ideo Aemilius liberari ab hac obligatione nequit exhibendo Seminario sumptus in sui educationem peractos; nam promissor *facti*, obligatione non liberatur praestando id quod interest, iuxta Cuiacium ad *l. 72 ff. tit. de verbor. oblig.* Et sane potest quidem conveniri is, qui factum promisit, idque si intra tempus utile haud praestitit, ad id quod interest; sed quod promissor facti cogi non possit ad factum praestandum; aut quod liberetur offerendo id quod interest, in nullo legum textu legitur, iuxta eundem auctorem. Ideoque ratione contractus praefatus clericus omnino ad residentiam urgendus videtur. Nam, ait Episcopus, si clerico Strub abeundi concedatur licentia, Dioecesis Algeriensis cum octo presbyteris tantum qui in ea nati sunt, manere posset; dum alii omnes 269 extranei sunt et eadem ratione redire possent ad natale solum.

Igitur ne perniciosum exemplum exhibeatur, et ansa fugiendi clero Algerino praebetur, Aemilio Strub gratia excommunicationis deneganda videtur, et in huiusmodi iudicio quamvis gravi et duro persistendum esse, quia bono privato bonum publicum praeferre necesse est. Ideoque, attentis omnibus hisce circumstantiis, recedendum quoque esse videtur a decisio *per Summaria precum die 9 Aprilis 1881.*

Postremo tum Aemilium, tum Episcopum ordinantem suspensionem incurrisse aperte eruitur tum ex Concilii Tridentini *Sess. 23 cap. 8 de Ref.*; tum ex Constitutione *Apostolicae Sedis num. III. suspens. lat. sentent.*; et ex rescripto S. C. C. *die 9 Aprilis 1881*, quod ad normam praedictarum legum exaratum fuit. Sane Concilium Tridentinum *cit. loco* haec habet: « *Quod si quis ab alio promoveri petat, nullatenus id ei... permittatur, nisi eius probitas et mores Ordinarii sui testimonio commendentur. Si secus fiat, ordinans a collatione ordinum per annum, et ordinatus a susceptorum ordinum executione, quandiu proprio Ordinario videbitur expedire, sit suspensus* ». Et *Const. Apost. Sedis cit. l.* « *Suspensionem per annum ab Ordinum administratione ipso iure*

*incurrunt ordinantes alienum subditum, etiam sub praetextu...., absque eius Episcopi litteris dimissorialibus; vel etiam subditum proprium, qui alibi tanto tempore moratus sit, ut canonicum impedimentum contrahere ibi potuerit, absque Ordinarii eius loci litteris testimonialibus ».*

DEFENSIO CLERICI AEMILII. Favore huius clerici animadversum fuit videri illum non contraxisse domicilium Algeriae validum ad effectum ordinationis: nam Bulla *Speculatores* §. VI haec habet: « Nulli Episcopo seu cuiusvis » loci Ordinario, tametsi Cardinalatus honore fulgeat, lice- » re externum quempiam sibi ratione originis, aut domici- » lii, ad *iuxta modum inferius declarandum legitime con-* » *tracti* non subditum, ac clericalem tonsuram promovere ».

Et inferius §. XI prosequitur: « *subditus autem ratione domicilii ad effectum suscipiendi ordinis is dumtaxat censeatur qui licet alibi natus fuerit, illud tamen adeo stabiliter constituerit in alio loco, ut vel per decennium in eo habitando, vel maiorem rerum ac bonorum suorum partem cum instructis aedibus in locum huiusmodi transferendo, ibique insuper per aliquod considerabile tempus commorando, satis superque suum perpetuo ibidem permanendi animum demonstraverit, et nihilominus ulterius se in utroque casu vere et realiter animum huiusmodi habere iureiurando affirmet* ». Ad effectum igitur ordinationis non qualecumque domicilium valere videtur, sed id *dumtaxat* quod contrahitur *iuxta modum* in Bulla claratum.

Nec dici potest decennium et iuramentum adminiculative seu exemplariter exigi, veluti si possent suppleri per alia quae animum permanendi satis evincerent. Hoc enim excluditur verbis *dumtaxat* et *iuxta modum*, quibus statui videtur, quod si tempus praescriptum aut iuramentum desint, numquam domicilium ad effectum ordinationis validum habeatur.

Quod si in matrimoniis *mensis* a Benedicto XIV requi-

situs ad arguendum quasi domicilium potest suppleri, hoc est, quia Constitutio *Paucis abhinc* non dicit, ceu Bulla *Speculatores*, ad effectum matrimonii requiri domicilium *iuxta modum* inferius declarandum, neque addit domicilium utile contrahi *dumtaxat* post mensis lapsum: sed verbis adeo benignioribus usa est ut in eam sententiam DD. venire potuerint, quod nempe mensis ille « nihil aliud est » nisi probatio quaedam praesumptiva in rebus dubiis de » vera sinceraque voluntate permanendi per maiorem anni » partem » ceu tradidit Card. Tarquini in *Parisien. matrimonii 11 Ianuarii 1868*; statutum nempe, non ad definiendum et coarctandum legitimum quasi domicilii tempus, sed ad suppeditandum Parocho et iudici praesumptionis iuridicae argumentum in aliquo casu; et Parocho quidem, ut tuta conscientia matrimonio intersit; iudici vero, ut de celebrati matrimonii validitate sententiam ferat.

At in Bulla *Speculatores* diversa res esse videtur, omniaque suadere, decennium et iuramentum esse de necessitate ad domicilium pro ordinatione acquirendum; quod praecipue evincitur ex ratione et scopo ipso Innocentianae legis. Siquidem vel ante ipsam tractatum in iure erat, habitationem sufficientem ad efficiendum subditum quoad reliqua sacramenta, satis non esse quoad sacramentum Ordinis, iuxta ea quae late disserit Sanchez *de matrim. lib. 3. disp. 23*. Verum cum adhuc verificarentur abusus, fraudes et scandala decernit §. VI *Nulli Episcopo*. . . . uti supra relatam est.

Igitur quum vetus disciplina exigeret quidem, ad ordinationis effectum, domicilium speciali modo contractum praeter ceteris sacramentis; et tamen hoc a Pontifice sufficiens adhuc non esset repertum; iam contrahendi domicilii modum specialius ipse determinare voluit, ita ut abusus tollerentur, et incommoda ac scandala evenire solita quando clerici non sint incardinati, et iurisdictionem alicuius Episcopi continuo et necessario non persentiant compercerentur.

Porro si huiusmodi est latae legis causa, et modus contrahendi domicilium directe fuit a legislatore intentus, iam ipse non est aliquid secundarium in lege, sed omnino essentialia, adeo ut nullo modo praeteriri valeat.

Honorantes *Praev. secret. trib. Vicar. cap. 8, nota quinto, pag. 98* similem latae legis rationem profert: voluisse nempe Pontificem praepedire, ne ad ordinationis effectum duo vel plura domicilia simultanea haberentur. Sed hisce ratiocinationibus vel melius valet DD. auctoritas. Siquidem De Angelis *Praelect. par. Canon. vol. 3, cap. 8*, Vecchiotti *Institut. Canon., vol. 3, cap. 8*; Lucidi *De visitat. ss. Limin., in 2 relat. capit., num. III, art. 2*; Honorantes *l. cit. cap. 9, nota prima*; Ferraris *v. Ordo, art. 3*; alique antiquiores heic citati, absque ulla dubitatione tradunt, decennium et iuramentum absolute requiri ad domicilium pro ordinatione acquirendum.

Hisce omnibus fastigium ponit S. C. Cong. in millenis resolutionibus, post Bullam *Speculatores* editis. In quibus ex non plene adimpletis conditionibus in praedicta Bulla statutis, et praesertim ex iuramenti omissione, domicilium invalidum esse iudicatum est, aut saltem non fuit declaratum validum vel etiam admissam post iurisiurandi fidem; *Elboren. 23 Augusti 1721, Tarracinen. Ordinationis 1 Iulii 1741, Ariminen. seu Feretrana Ordinationis 14 Ianuarii 1747* et aliae quamplurimae.

Tum igitur ex sensu explicito et patulis verbis Bullae Innocentianae, tum ex ratione et scopo legis, tum ex interpretatione Doctorum, tum ex praxi et auctoritate S. C. C. concludendum videtur, decennium aliaque et praesertim iuramentum omnimode necessaria esse pro domicilio contrahendo ad effectum ordinationis, neque ea posse ulla ratione suppleri.

Ex hisce omnibus quae dicta sunt consequi videtur, Aemilium Strub domicilium Algeriae non contraxisse: quia iuramentum de permanentia non praestitit, scilicet conditionem essentialiam ad domicilium contrahendum omisit; praeterquam-

quod neque decennali habitationi, aut rerum suarum translationi satisfacit. Ideo nullimode Aemilius domicilium Algeriae iniisse, et consequenter neque illius Ordinarii subditum unquam evasisse videtur: a quo promoveri debeat aut possit ad ss. Ordines.

Sed neque contractus ille innominatus, seu melius tacitum pactum dioecesim inter et Strub initum in seminarii ingressu, valide opponi potest. Siquidem hoc pacto clericum Strub domicilium ad effectum ordinationis validum contraxisse, post dicta, neque suspicari potest. Dici ad summum valeret, in vim huius pacti clericum Strub ad domicilium contrahendum, emisso iuramento, teneri. At vero neque hoc secundum tueri verosimiliter potest.

Contractus enim innominati - *do ut des, ut facias etc.* - iuxta *Leg. 3, §. 2; Leg. 5, pr. seq. ff. De cond. caus. dat.; Leg. 5, §. 1, ff. De praescrip. verb.* obligationem non inducunt usque dum ex una parte saltem non sint completi. Porro educatio Aemilii Strub a Dioecesi completa non est: ideo ipse a contractu resilire posse videtur.

Verum parumper concesso et contractum in sua obligatione subsistere et Aemilium Strub Algeriae domicilium vere contraxisse, eius causa adhuc perdita non videretur. Ad sunt enim causae quibus ab utraque obligatione forsitan liberetur.

Recolendum siquidem est ipsum Algeriam venisse, nativâ terra hostilibus armis invasâ et acatholico regno adiunctâ. Quibus igitur adversabatur, fugiebat: consulere insuper volebat ecclesiasticae suae vocationi. Quum igitur advenisset Algeriam, et in illo passionis aestu atque exagitato animo Seminarium ingressus fuisset, parum consideravisse impositam sibi conditionem, vel tamquam minus malum illam assumpsisse, supponere aequum est. Porro in obligatione sic assumpta mordicus insistere durum videtur.

Addi debet, Aemilium Strub Seminarium ingressum esse adhuc minorem, ceu ipse Archiepiscopus Algeriensis testatur. Porro praescribit *leg. 3 Cod. De int. test. min.* « con-

*tractum a minore initum non servari; et minorem implorare in integrum restitutionem, si necdum tempora praefinita excesserint, causa cognita non prohiberi ».*

Inutiliter tandem provocatio fieri videtur ad dioecesis algeriensis damnum, tum quia hodie res immutatae sunt, tum quia ceteri de clero dioecesi et paroeciis iam incardinati comparari non possunt cum Aemilio Strub, nec easdem ac ille abeundi rationes adducere.

De ultimo tandem quaestionis capite, scilicet de suspensione, aliqua dicturus, recolo in primis quòd argumentum retorqueri posset. Siquidem algeriensis Praesul et ipse ad Ordines promovit Aemilium Strub non modo absque dimissoriis, sed et absque veris testimonialibus Episcopi originis, solis litteris Parochi contentus, quod, ceu Ordinarius argentinensis notat, facere profecto non licebat.

Verumtamen hoc omisso, favore Aemilii Strub et Argentinensis ac Tutelensis Antistitum animadvertendum est, quod disputatur inter DD. utrum literis testimonialibus opus sit, quando adolescentulus in seminario alienae dioecesis studiorum curriculum confecerit, et dein pro ordinatione in patriam regressus sit. Plures quidem affirmant inixi resolutionibus S. C. C. in *Asculana seu Montisalti 7 Februarii 1733: Bononien. seu Ferrarien. 14 Nov. 1733*; quia hoc tempore potuerit alumnus aliquo canonico impedimento irretiri.

Ast pro negativa et contraria sententia adest responsio conceptis verbis data in *Bosanen. Iurisdict. 17 Maii 1769*; et aliis relatis a Riganti *Ad reg. Cancel. 24, §. 3, tom. II, 386; pag. 193*; et praesertim in *Spoletina et Reatina Ordinationis 11 Iulii 1840*.

Ex quibus concludi posse videretur, in themate Aemilium Strub eiusdemque ad Subdiaconatum ordinantem suspensionem proprie non incurrisse. Eo vel magis etiam quod omissio petitionis testimonialium evenisse dicatur ex quodam errore, putantes scilicet ad invicem has testimoniales petitas iam fuisse ab aliis et obtentas.

Quibus utrinque praenotatis proposita fuere diluenda sequentia

### Dubia

I. *An recedendum sit a decisis per Summaria precum die 9 Aprilis 1881, adeo ut Archiepiscopus algeriensis possit etiam sub censuris Aemilium Strub ad redeundum in propriam Dioecesim, et ad ss. Ordines a se recipiendos, servatis servandis, cogere in casu.*

II. *An Aemilius Strub et Episcopi eum ordinantes in censuras inciderint in casu.*

RESOLUTIO. Sacra C. Congregatio, re ponderata, sub die 7 Iulii 1883 censuit respondere:

Ad I. *Affirmative in omnibus.*

Ad II. *Negative.*

### EX QUIBUS COLLIGES:

I. Nullum Episcopum alienum subditum ad ss. Ordines promovere posse, nisi post litteras dimissoriales, aut testimoniales a proprio Episcopo obtentas.

II. Id innui a veteri Ecclesiae disciplina, et a recentiori, et praecipue ab Innocentio XII, qui in Bulla *Speculatores*, ad hoc datâ, collegit, confirmavit et ampliavit quidquid hac super re a iure constitutum fuerat et a S. C. C. declaratum prodiit.

III. Huic disciplinae rigori, causam dedisse scandala, abusus, fraudes, et sacrilegam illorum impudentiam, qui ab alienis Episcopis susciperent sacros ordines, a propriis denegatos, aliquibus obstantibus impedimentis.

IV. Uti essenziale haberi ad contrahendum domicilium, quoad ordines recipiendos, modum a *Constit. Speculatores* praescriptum: quod nempe quis per decennium, aut per considerabile habitationis tempus in aliquo loco commorando



animum ostenderit ibi perpetuo manendi; et in utroque casu iureiurando affirmet sese realiter huiusmodi animum habere.

V. Proprios dici subditos, quoad ordines recipiendos, vel per beneficium assecutum vel per originem, vel per domicilium, vel per familiaritatem cum Episcopis; ita ut Episcopus qui ordinaret non suos absque litteris dimissorialibus, aut suos ratione domicilii, beneficii et familiaritatis absque litteris testimonialibus, Ordinans et ordinatus poenas incurrerent a iure constitutas.

VI. In themate ergo liquidum esse neque Algeriensem Ordinarium rigore iuris licite conferre potuisse tonsuram et minores ordines Aemilio Strub absque litteris dimissorialibus aut testimonialibus Episcopi originis; neque Episcopum originis potuisse eundem clericum ad maiores ordines promoveri absque eisdem litteris.

VII. Attamen immunes a poenis ecclesiasticis evasisse Ordinantes Episcopos et Clericum ordinatum declaravit S. C. C. forsitan quia ex errore et bona fide egit Tutelensis Episcopus; et quia Algeriensis Antistes praxi et consuetudini suae Dioecesis innixus ordinavit, haud requirens ulla litteras Episcopi originis (1)

---

## HERBIPOLEN

### MATRIMONII.

*Die 7 Iulii 1883.*

COMPENDIUM FACTI. Adamus et Margarita die 16 Novembris 1879 matrimonium coram Ecclesia Catholica, servatâ Tridentini formâ Herbipoli contraxerunt. Reversi dein ad natale mariti oppidum, sequenti die matrimonium coram civili magistratu inierunt. Huius diei vespere inter horam decimam et undecimam Margarita

(1) Recole Vol. VI 498 et Vol. XIV, 392 et 398, ubi plura in subiecta materia collecta sunt.

tali furenti insania correpta est, ut ad domum parochialem currens exclamaverit. « *Ego Virgo pura et immaculata sum et manebo, Dominus Adamus est Diabolus.* » Deinde magno clamore aufugiens crucem lapideam valde altam, iuxta Ecclesiam, conscendit, Christum Crucifixum amplexura. Complurium virorum operâ de cruce infelix mulier amota, domum suam reducta fuit, et altera die hospitali Iuliano civitatis W. curanda tradita. Verum cum ex medicorum consilio insanabili morbo laborare iudicatum esset, in domo delirantium in Werneck recepta, absque ulla sanationis spe adhuc detinetur.

Hac gravi calamitate vir percussus supremum civile tribunal adivit; sui matrimonii nullitatem exostulans ex defectu consensus ex parte mulieris, et die 17 Iunii 1881 voti compos factus fuit. Civili hac sententia obtenta, Adamus supplici S. C. Congregationi oblato libello die 10 Augusti eiusdem anni, enixas porrexit preces ut praedictum matrimonium quatenus nullum declarare non placuerit, tamen utpote ratum et non consummatum dispensatione Apostolica solveretur.

De mandato S. Congregationis processus in Herbipolensi curia instructus fuit tum super nullitate, tum super non sequuta consummatione. Primo enim quoad nullitatem duo Medici, Rienecker Universitatis professor et director domus delirantium, et Deissenberger ex officio rei sanitariae praepositus declararunt morbum, quo Margarita laborabat, esse veram insaniam. Hanc vero insaniam solere praecedere per aliquot dies statum melancholiae, quem vocant periodum incubationis. Quapropter uterque medicus suo testimonio asseruit, Margaritam die nuptiarum fuisse suae mentis impotem, ac libero et imperturbato usu rationis et voluntatis destitutam.

Testes vero ad tribunal acciti Catharina Reiter, et Barbara Schëller deposuerunt se ante nuptiarum diem sponsam tristem, anxiam, et valde stupidam vidisse. Barbara Neidel vero asseruit quod Margarita postquam narraverit eidem

morbum et mortem parentum, fleverit per aliquot minuta, deinde desistens a fletu de aliis loquuta fuerit. Deposuit in super Parochus, Margaritam tempore Missae nuptialis sponsum interrogasse an et ipse vidisset lumen splendidum et duos Angelos coram se stantes.

Contra sed vero aliter deposuerunt alii testes. Parochus sponsae testatur se in Margarita nihil quod admiratione excitaret advertisse, licet saepius cum ea conversaretur. Insuper Andreas Kraus, Barbara Troll et Georgius Troll Margaritam semper sanae mentis, industriae deditam et nunquam perturbatam cognovisse edixerunt.

Quoad probationem inconsummationis vero, licet omissa fuerit mulieris inspectio, vir tamen sub iureiurandi fide testatus est, se neque ante neque post nuptias cum Margarita copulam carnalem habuisse. Ipsius autem veracitatis plures alii testes fidem faciunt; insuper cognati sponsum deposuerunt sponsum in eodem cubiculo per noctem nunquam fuisse.

Omnibus igitur perpensis Consistorium episcopale decrevit: 1. Matrimonium inter Adamum et Margaritam propter defectum consensus requisiti ex parte sponsae uti invalidum, sin minus ut dubium habendum esse. 2. Matrimonium ut non consummatum censendum esse. 3. Acta Sedi Apostolicae esse proponenda ad hunc finem ut matrimonium declaretur invalidum; sin minus ut dispensatio super matrimonium ratum sed non consummatum obtineatur. Cui sententiae etiam matrimonii defensor acquiescere putavit.

Reverendissimus Episcopus Herbipolensis acta ad S. C. C. transmittere curavit, et sententiae sui Consistorii adhaerens pro dispensatione obtinenda preces geminavit sequentibus de causis: ait enim 1. adesse periculum perversionis in viro ut vel ad civiles tantum nuptias transiliat, vel a fide deficiens achatholicam ducat. 2. Sponsum ipsum gratia dignum esse, utpote probum et catholicum, eique uxoris adiutorium in rebus suis domesticis valde necessarium. 3. Denique nullam affulgere spem sanationis mulieris ex medicorum consilio.

Quibus SS<sup>mo</sup> relatis die 14 Septembris 1882, causa oeconomice proposita fuit cum voto Theologi et Canonistae una cum animadversionibus Defensoris matrimonii ex officio, quorum sinopsim damus.

### Disceptatio Synoptica

**VOTUM THEOLOGI.** Theologus primo quaesivit an matrimonium hoc nullum dici possit. Et quamvis, ait ille, civile tribunal et episcopale consistorium inter se convenient quoad nullitatem ob defectum pleni et liberi consensus ex parte mulieris, tamen res haud ita clara est, ut nullum supersit dubium. Fatemur enim infelicem mulierem debuisse iam ab aliquot, ante matrimonii celebrationem, diebus, insaniae morbo laborare, saltem in eo statu, quem dicunt incubationis; fatemur etiam in hoc statu incubationis infirmam non amplius humano modo agere, sed potius ex vi phantasiae et imaginationis: ast haec non sufficere videntur ad probandum consensum a Margarita praestitum nec liberum, neque plenum fuisse. Norunt enim omnes, amentes lucida habere intervalla, quibus existentibus et ipsi humano modo agunt cum plena advertentia et cognitione finis. Ut itaque probetur consensum praestitum a Margarita neque plenum, neque liberum fuisse, probandum esset, dictam Margaritam nedum laborasse insaniae morbo ab aliquot diebus ante matrimonii celebrationem, sed etiam in ipso actu, quo consensum praestitit, excluso quocumque lucido intervallo, sui compotem non fuisse et consensum ex vi phantasiae et imaginationis praestitisse. Hoc autem non probant neque civile tribunal neque episcopale consistorium. Haec praemisit theologus, non ut concluderet pro validitate matrimonii, sed ut quaestionis status magis claresceret.

Animadvertit autem causam insaniae Margaritae ipsum fuisse matrimonium, ceu colligere est ex omnibus actis omniumque attestationibus. Omnia enim in hoc conspi-

rant, ut evincant, infelicem mulierem valde anxiam fuisse de suo matrimonio, pluries manifestasse animi angorem propter partum futurum, et non obscure indigitasse firmum propositum servandae virginitatis. Omnia in ipsa processerunt quadam progressionem, quae invincibiliter manifestavit, insaniam eo fuisse graviorem, quo dies matrimonii et occasio amittendae virginitatis appropinquabat. Quando exiit de domo sua, ut ait Curatus, nullum dederat amentiae signum, sed tantum animum praetulerat anxium et melancholicum. Cum appropinquaret hora pro matrimonio civili statim lineamenta vultus immutata sunt locumque habuerunt phantasticae visiones, ex testium relationibus. Ast haec omnia auxerunt quando ad matrimonii ecclesiastici celebrationem perventum est. Tunc enim et perturbatior facies, et oculus stupidior, et soluta ab omni lege imaginatio.

Et, ut referunt testes, tunc incoepit luminis coelestis manifestatio, et angelorum apparitio. Et quando quaestio de amittenda virginitate primitus instituta fuit, tunc exarsit furor et fuga consecuta est. Adivit virginitatis amatrix pastorem a quo sperabat protectionem, affirmans se virginem esse et in suo proposito permansuram. Sed quando audivit se de suis officiis moneri, tunc continendae insaniae incapax redditur mulier et terribili exclamat voce et crucem extraordinaria virtute conscendit et Christum ulnis ita amplectitur ut omnes stupeant.

Ex quibus arguit consultor, matrimonium et desiderium conservandae virginitatis causam moralem vel occasionalem insaniae fuisse Margaritae. Ipsa videbat in matrimonio proximam virginitatis amissionem et timebat; et in perturbatione angelos praesentes conspiciebat, quos appellabat custodes suae virginitatis. Potius quam de amentiae effectibus, voluit consultor inquirere de amentiae causa. Ait enim: notum est apud omnes, amentes quoscumque etsi lucida intervalla quamplurima habeant, illa tamen non habere in eo. per quod amentes facti sunt. Si ergo causa moralis

amentiae Margaritae ipsum fuit matrimonium, impossibile omnino est, ut ipsa egerit humano modo et sine ullo influxu perturbatae imaginationis, cum ad tale matrimonium consensum praestare visa est. Fieri siquidem nequit ut amens quis humano modo agat in eo per quod amens evasit. Et ideo si alia amentiae causa fuisset, tunc forsitan concedi posset quod infelix mulier humano modo egisset quando consensum in matrimonio praestitit.

Quae omnia confirmantur argumento ex ipso facto desumpto, et praesto sunt argumenta ex quibus tribunal civile et ecclesiasticum matrimonii nullitatem deduxerunt. Et ne illa inutiliter repetamus, animadvertere sufficiat, ait, phantasticas visiones et civilis et ecclesiastici matrimonii celebrationem semper comitatas fuisse; ex quibus patet quod mulieris imaginatio in hisce actis ponendis semper perturbata fuerit. Hinc quum matrimonium christianum celebratum fuit, et missae mulier assisteret, Angelos se vidisse testata est, et adeo clara fuit visio ut virum interrogaret an et ipse eosdem Angelos vidisset. Haec animum patefacere omnino perturbatum, et mentem illusionibus imbutam clarum est: et ideo certum quoque reddunt matrimonium a Margarita contractum invaliditate laborare.

Quod si, prosequutus est Consultor, dubitari posset de matrimonii validitate, tamen eius inconsummatio res clara ita est, ut nemini dubitare liceat. Neminem latet requiri ad hoc evincendum argumenta luce meridianâ clariora. Et eiusmodi argumenta exhibentur a viro, de cuius probitate et veracitate plenum ferunt omnes testimonium; et cuius assertio ipsius mulieris verbis, licet in mentis excessu prolatis, comprobatur. Certum est Adamum pluries asseruisse suoque iuramento confirmasse, sese uxorem suam numquam cognovisse, neque ante, neque post contractum matrimonium. Et verba mulieris plurimi esse facienda ex dicendis patebit. Et sane posito semel quod causa moralis amentiae Margaritae fuerit ipsum matrimonium et propositum servandae virginitatis, duo exurgunt argumenta, omni exceptione ma-

iora. Etenim dato etiam quod vir adhibuisset vim ad obtinendam consummationem, fortiorem vim opposuisset mulier ad illam impediendam, et quidem efficaciter. Scimus enim ex actibus processus ex solo timore amittendae virginitatis, in furorem acta mulier, tantâ vi praedita apparuit, ut posset crucem conscendere, et tam arcte amplexari, ut neque plures viri valerent ad illam removendam. Quid potuisset vir si per vim oneri coniugali subiicere voluisset mulierem?

Et dato etiam quod vir, aut vi aut suasionibus matrimonium consummasset; quomodo mulier capta amore virginitatis usque ad insaniam, exclamare potuisset se virginem esse et virginem permanere velle? Nonne potius ploratus edidisset ob amissionem boni illius, ad quod omni vi ferebatur? Aspernanda siquidem essent mulieris verba si amentiae causa alia esset ac virginitatis studium.

Ceterum dubitari nequit de non consummatione, ex quo sponsorum cognati, teste Episcopo, asseruerunt istos duos numquam in eodem cubiculo per noctem fuisse. Ex quibus omnibus, conclusit consultor, clarum fit matrimonium Adami cum Margarita, etsi validum, certo et evidenter non fuisse consummatum.

Quoad dispensationis causas, ait Consultor; matrimonium hoc neque ratum neque consummatum fuisse, hinc dari posset Adamo documentum libertatis. Quod si nullitas haud satis probata videri possit, tunc causa dispensationis, in eo poni debet, quod Adamus, recusata dispensatione, civiliter contrahere queat.

VOTUM CANONISTAE. Praemisit hic insaniam mulieris manifeste cognitam fuisse die sequenti post celebrationem matrimonii: nam etsi ante sacri ritus celebrationem mulier aliquâ laborare melancholiâ visa sit, nemo tamen pro certo affirmare potuit, eam neque actu nuptiarum, neque antea correptam insaniâ fuisse. Quamobrem hic non agitur de persona iam insana vel furiosa, uti tali cognita ante matrimonium, deinde facta sui compos, vel quae in

dilucido intervallo matrimonium contraxit; sed de persona, quae manifesta signa insaniae ante matrimonium numquam dedit, sed tantum praebuit rationem dubitandi, an actu contrahendi matrimonium fuerit adeo compos sui, ut potuerit praestare deliberatum et plenum consensum, prout in matrimonio requiritur. Hinc statuit consultor sibi inquirendum esse an motiva in actis processualibus recensita valeant ad faciendam plenam probationem de praesumpta insania mulieris in actu contrahendi matrimonium.

Quibus praemonitis, ait, sese censere haud satis constare de insania Margaritae in actu contrahendi matrimonium nullum dici queat. Ad id rite evincendum relationem duorum medicorum examini subiecit eruitque, insaniam mulieris esse haereditariam; ante matrimonium mulierem insaniam laborare; testes deponere Margaritam ante nuptias vidisse valde melancholicam et perturbatam, et tempore celebrationis Missae nuptialis dixisse sponso se vidisse duos Angelos et lumen: die autem nuptias immediate sequenti fuisse furore correptam.

Atqui haec argumenta non valere, ait, in themate ad plenam faciendam probationem de insania Margaritae eo momento quo coniugale foedus ipsa inivit. Et quoad insaniam haereditariam, ait, antequam haec evolvatur, reducitur ad simplicem dispositionem corporis ad ipsum morbum; quae dispositio sive proxima, sive remota non privat personam usu rationis, neque plenam voluntatis deliberatione, usque dum sit sufficienter evoluta, seu in actum reducta.

Neque dici potest insaniam iam a diversis diebus ante matrimonium fuisse evolutam, licet latentem, eo quod everteretur doctrina canonistarum et theologorum, quam Ecclesia tenuit usque ad praesens, Menochius *lib. 6 de praesumpt. 45 n. 18* ait: « An et quando quis praesumatur » furiosus, demens etc. Primus est quando non constat eum » de quo quaeritur antea furore agitatum fuisse: hoc sane » casu furiosus is non praesumitur sed sanae mentis ». Sub *n. 20* rationem assignat dicens: « Natura ipsa parit homi-



» nes sanae mentis, et ideo qui asserit aliquem esse insa-  
 » num, repugnat ipsi naturae, atque ita ei adversatur prae-  
 » sumptio, quae a natura ipsa descendit. » (1) Ast si ad-  
 mittatur vera duorum Medicorum theoria quod nempe furor  
 antequam violenter manifestetur, iam a diebus antecedenti-  
 bus privaverit personam patientem usu rationis et delibe-  
 ratione voluntatis, doctrina auctorum relata verificari ne-  
 quiret. Neque verificari pariter posset *Can. Neque furiosus 26*  
*caus. 32 p. 7. Fabiani Papae: « Neque furiosus neque*  
*furiosa matrimonium contrahere possunt, sed si contra-*  
*ctum fuerit non separentur. »* Quae verba dd. intelligunt  
 de furiosis qui matrimonium inierunt ante furiam; quod su-  
 perveniente furia non est dissolvendum. Et ideo assertio  
 duorum Medicorum haud visa est consultori argumentum  
 satis concludens in casu.

Neque satis sunt testium depositiones, quibus innituntur  
 duo Medici, quin viderint Margaritam in actu vel antea  
 celebrationem nuptiarum. Mulieres enim sunt, quae deponunt  
 vidisse Margaritae vultum tristissimum: quia nescitur an  
 tristitia haec et pertubatio pervenerit ad constituenda vera  
 insaniae phenomena. Quis autem ignorat quod puella quae-  
 libet aliquâ agitetur apprehensione dum novum amplectatur  
 statum sive coniugalem sive religiosum? ast dici nequit  
 non esse compos sui per hanc agitationem. Quinimo apprehensio  
 haec, verba, et fletus quem per aliquot minuta  
 emisit, de quibus loquitur testis Barbara, validum sunt  
 argumentum quo affirmari queat, ipsam Margaritam contra-  
 xisse cum plena advertentia ac plena deliberatione voluntatis.

(1) Menochio addi potest Sanchez  
*lib. disp. 8. n. 17. « Dubitatis tamen*  
*» quae praesumantur in dubio? Dicitur*  
*» sic: quando non constat, eum de quo*  
*» tractatur antea furore correptum esse,*  
*» non praesumitur furiosus, sed sanae*  
*» mentis ut constat ex l. 2 C..... » Et*  
*Pontius de matrim. sacr. lib. 4, c. 1*  
*n. 9 ait: « Quando dubium fuerit an*  
*» insanus, vel sanae mentis contraxe-*

*» rit.... quod attinet ad forum exterius*  
*» praesumptionibus agendum: si enim*  
*» antea in amentiam incidisset, quae*  
*» aliquo tempore continuo perseveratur.*  
*» Sicut contra, si antea non visus est*  
*» insanus, et postea inveniatur, prae-*  
*» sumitur mente sanâ contractum ge-*  
*» stum esse: natura enim homines sanae*  
*» mentis producit ».*

Quam plenam mentis sanitatem plenamque voluntatis deliberationem immediate ante matrimonium adfuisse in Margarita alii deponunt testes. Atqui iuxta Menochium *lib. 6 de praesumpt. praesumpt. 45 n. 21*: « Magis cre- » datur *testium* attestationibus aliquem esse sanae, quam » insanae mentis: cum attestationes illae convenient et na- » turae et ipsi iuri cummuni. »

Quoad matrimonii inconsummationem censuit consultor hanc satis constare, quamvis in processu nonnulla defuerint ad normam Benedictinae Constitutionis. Ratio enim aequitatis exigit ut ad probandam inconsummationem matrimonii, non requirantur argumenta ineluctabilia, quando inter sponsos locum non habuerit condormitio, neque illa cohabitatio quae opportunitatem consummandi matrimonium praebet. Sed sufficit ut rationabiles ac fide dignae probationes accedant ad coniugum confessionem. In casu de quo agitur res ita se habent; nam adsunt coniugum confessio, testium iuramentum et persuasibilia adminicula, dum desunt condormitio et praedicta cohabitatio. Adesse autem iustas dispensationis causas a matrimonio rato et non consummato censuit consultor. Et primam causam adesse ait in morbo insanabili Margaritae ex medicorum sententia. Adamus aliter deberet expectare uxoris mortem, ut ad alias nuptias transire posset, idque cum perversionis et incontinentiae periculo. Adamus enim fassus est, se vitam coelibem ducere non posse, et absque uxore haud valere rebus suis domesticis consulere. Tandem causa dispensationis est ipsum matrimonium quod est sine fine, sine effectibus, sine ullo bono matrimoniali.

ANIMADVERSIONES DEFENSORIS S. VINCOLI. Doluit iste imprimis negligentiam qua factum est, ut aliqui testes non vocarentur, alii rite non subiicerentur examini, et septima manus tum viri, tum mulieris, haud excussa fuerit. Haec autem omissio eo magis deploranda videtur quia S. C. C. iusserat fieri processum etiam super matrimonii nullitate; in quo maximi fuisset momenti cognoscere conditionem mu-

lieris, tempore matrimonium praecedente. Omnia haec ommissa fuere; quae autem expleta sunt doluit, peracta non fuisse ad tramites legis. Sic defensor matrimonii numquam citatus apparuit, dum *Const. Benedectina* §. 7 iubeat citari defensorem matrimonii; declarando irrita et cassa quae peracta fuerint in iudicio, eo non legitime citato aut intimato. Huic omissioni alia addenda est: haud inquisitum est aliquid speciale, sicuti fieri debuerat, super non consummatione matrimonii, neque corporali inspectioni subiecta fuit mulier; dum id facile expleri posset, quia director hospitii dementium ait, Margaritam quoad omnia sese passive haberi. Et quamvis durum alicui id videri possit, tamen tutior via erat ad non consummationis matrimonii persuasionem inducendam. Omissiones has haud levis ponderis esse, sed substantialia attingere ratus est defensor; ita ut praetermissi fuerint modi detegendae veritatis tutiores.

Quoad nullitatem matrimonii, defensor ait, pauca tantum advertere, quum thesim iam demonstraverit, argumentis iuris et facti, consultor canonista. Adsertoribus ideo contrariae sententiae porro probandum esset Margaritam insaniam iam laborasse quum consensum praestitit: dum contra scitum est, eam libere et sponte ad nuptias celebrandas accessisse, et perfecte intellexisse quod erat actura. Id parochi testimonio evincitur, qui ait: sese nihil animadvertisse in Margarita, quod admirationem excitaret. Quinimo quum magistratus civilis esset adeundus ipsa Margarita sponsum ad hoc provocavit, licet antea nonnisi angorem et timorem nuptiarum habuisset. Ast caeremonia civilis celebrata fuit postridie quam matrimonium ecclesiasticum initum fuerat. Igitur si Margarita urgebat sponsum ad absolvendum civilem contractum, quomodo praesumi potest ipsam, die antecedente, iam tali dementiam correptam fuisse, ut minime intelligeret quid ageret, neque liberum consensum praestare posset?

Exaggerationem medicorum esse, ait defensor, quidquid dictum est de *vultu tristissimo*, de *lineamentis pertur-*

*bationis*, de *ploratu* etc. quibus existens ante nuptias dementia probari praesumebatur. Nam puellae nuptias initurae facile turbantur, et fletus emittunt, quin dici possint ex tali perturbatione libertatem et cognitionem amittere.

Gradum faciens ad dispensationem super matrimonio rato et non consummato, quamvis consultores in unam abeant sententiam, quod scilicet dispensatio sit concedenda, defensor censuit eos forsitan magis pietate, quam rei veritate ductos esse; sed aliud a se exposcere sanctitatem vinculi et debitum tuendae veritatis; ex quo non consummatio matrimonii haud probata fuerit.

In iure certum est hanc dispensationem non concedi nisi plenissime probetur matrimonium consummatum non fuisse non per coniecturas et praesumptiones, sed per argumenta undequaque absolutissima. In casu eiusmodi probatio omnino desideratur; nam habemus viri confessionem iurantem neque ante, neque post nuptias copulam carnalem cum Margarita habuisse. Ast scitum est ex *dd.* nihil faciendam esse coniugum assertionem, etsi iuratam. Et quamvis testes aliqui referant, duos sponso numquam fuisse per noctem in eodem cubiculo, dubium restat quod per diem matrimonium consummari potuerit, et per consequens negari debet dispensatio; quia consummationis possibilitas haud prorsus exulat. Per integrum diem commodum habuerunt consummandi matrimonium: possibile ne est illos diem integrum transegisse sese mutuo tantum respicientes?

Alium habent sponsi integrum diem post initum civile contractum: supervenit nox. coniuges domum maritalem pacifice cohabitant, et solummodo hora noctis undecima, Margarita e domo aufugit. Sed quid egerunt ab hora quinta ad undecimam? Et notandum quod sermo sit de regionibus septemtrionalibus, in quibus caeli rigor haud sinit homines huc illuc tempore nocturno vagari.

Ast ex commoditate unius horae praesumptio enascitur carnalis coniunctionis; quae praesumptio nonnisi per concludentissimas probationes excludi potest: et in hisce adiun-

ctis S. C. C. numquam dispensationem concedendam esse putavit.

Haec omnia vehementem inducunt praesumptionem, matrimonium non fuisse consummatum; ad evincendam vero non consummationem quatuor adductae fuerunt rationes quae omnes probandi vi destitutae defensori visae sunt.

Tandem concludens defensor ait: quum vero evidenter non pateat matrimonium non fuisse consummatum, loqui de dispensationis causis prorsus inutile cuique apparere debet.

Quibus animadversis sequentia enodanda proposita fuere

### Dubia

I. *An constet de nullitate matrimonii in casu.*

Et quatenus negative

II. *An sit consulendum SSmo pro dispensatione a matrimonio rato et non consummato in casu.*

RESOLUTIO. Sacra C. C. re disceptata, sub die 7 Iulii 1883 censuit respondere:

*Ad I. praevia sanatione actorum affirmative.*

*Ad II. Provisum in primo.*

### EX QUIBUS COLLIGES:

I. Ex dd. in dubio num perturbatio privarit contrahentem requisita deliberatione, standum esse pro valore actus; quia certum est matrimonium fuisse initum et dubitatur tantum an contractum fuerit cum sufficienti usu rationis, qui tamen praesumitur.

II. Ideo, quando non constat cum de quo agitur, furore antea correptum fuisse, praesumi non posse furiosum, sed sanae mentis habendum esse, quia natura homines producit sanae mentis, et ipsi naturae adversaretur qui contra-

rium diceret, et sic dicenti adversaretur praesumptio, quae ab ipsa natura descendit.

III. Quamobrem ad iudicium ferendum super validitate contractus matrimonialis, primo inquirendam esse naturam, gradum, gravitatem, et formam infirmitatis mentis; ut intelligi possit an subiectus seu patiens eo pervenerit, ut libertatem amiserit moralem ad agnoscendam matrimonialis contractus entitatem.

IV. Quamvis amentes quicumque lucida intervalla habeant quamplurima, eadem tamen non habere, experientia constat, in rebus illis per quas amentia fatigantur; et in quibus agere humano modo, et sine ullo influxu perturbatae imaginationis non valent.

V. Plenam mentis sanitatem plenamque voluntatis deliberationem immediate ante matrimonium non habuisse Margaritam in themate visum esse Eñis Iudicibus; ita ut actus matrimonialis entitatem plene illa non agnoverit, cum nuptias inivit, quarum nullitas declaratur in praesenti iudicio.

VI. Etenim matrimonium ineundum, et desiderium servandae virginitatis causam fuisse videri occasionalem vel moralem insaniae miserae uxoris: ceu innuere videntur eius vultus immutatio, oculorum offuscatio, et ploratus quum ipsi actus explerentur, quibus ad matrimonium contrahendum accedebatur.



## ALIPHANA

### DELATIONIS INSIGNIUM.

*Die 4 Augusti 1883.*

COMPENDIUM FACTI. Anno 1863 postulante Municipio civitatis Pedemontii ab Aliphis nuncupatae, Rex atque Episcopus analogis decretis Capitulo Collegiatae SS<sup>mae</sup> Annuntiat<sup>ae</sup>, et S. Mariae Maioris ad caeremoniarum decorem

augendum concesserunt insignia eadem, quae induit Cathedralis Ecclesia.

Facta huiusmodi facultate, Capitulum Ecclesiae Cathedralis de novitate dispositionis admiratus, querimoniam movit, et contra Episcopale decretum protestationem emisit, quippe quia huiusmodi decreto propria iura ac privilegia laedi videbantur.

Tunc Canonici SS<sup>mae</sup> Annuntiatae, haud legitimam concessionem putantes, ea usi non sunt, remque S. Sedis iudicio remiserunt, petentes tamen ut memoratis insignibus honestarentur. Canonici vero S. Mariae Maioris, quamvis initio rite factam putaverint Episcopi concessionem, deinceps et ipsi ad conscientiae tranquillitatem, ab Apostolica Sede confirmationem et sanctionem expostularunt, insignibus tamen minime depositis.

Verum obstetit Capitulum Ecclesiae Cathedralis debitam distinctionem servandam esse contendens. In hypothesi autem, quod Canoniorum Ecclesiarum collegiatarum votis fieret satis, usum Cappae magnae ad instar Canoniorum maiorum Ecclesiarum Neapolis et Capuae a Sacratissimo Principe expetebat.

Hisce habitis libellis, die 18 Martii anni 1874 Ordinario Aliphano scriptum fuit pro informatione, et voto. Hic S. C. C. mandatis obsequens die 18 Maii eiusdem anni responsum omnino petitionibus favorabile remisit, in quo ultro confitens neque Regi, neque Episcopo potestatem fuisse illorum insignium usum Canonicis concedere, animadvertibat quod Episcopus tunc temporis sic agens inolitus abusus sequutus est: nam alii Episcopi illius regionis quoque insignia huiusmodi concedere soliti fuerunt. Quos abusus praecipue a suprema civili auctoritate derivasse aiebat, quae ius sibi arrogabat Episcopis facultatem concedere, ut huiusmodi insignia Canonicis indulgere possent. Ast quamvis conditio Collegiatae s. Mariae Maioris quoad insignium delationem illegitima sit, censeo, ait Episcopus, plenam sanatoriam esse concedendam illis canonicis ab Apostolica Sede.

Municipium in hoc negotio primas partes habuisse ait Episcopus; et Pedemontii civitas, decem circiter animarum millibus constans, plures clarissimas familias recenset, quae aegerrime ferrent inspicere Canonicos exutos insignibus lapsu annorum duodecim adhibitis. Canonicos autem singulos laudavit Antistes, alios natalium nobilitate, alios praeclaris, quibus nitent vitae meritis. Et ideo Collegiatae petitionem enixe commendavit.

Cum autem ad pacem servandam insignium distinctio inter Cathedralis Capitulum et Collegiatae sit absolute necessaria, hinc Capituli cathedralis petitionem aequam et canonicorum merita, ea esse dixit Episcopus, ut gratiam mereantur. Alia plura circa eorum merita omittendo, animadvertibat, ab eorum consilio et opera maxime repetere quidquid in Dioecesis utilitatem ipse perageret, ideoque eorum preces etiam atque etiam commendabat ut gratitudinis ac benevolentiae, qua ipsos prosequeretur, signum aliquod exhiberet.

Disserens vero de petitione Canonicorum Collegiatae SS<sup>m</sup>ae Annuntiatae, qui Regis ac Episcopi concessionem nihili facientes, modo iisdem insignibus donari exoptarent, edicebat ipsos potiori ratione hac gratia dignos censendos, quia eorundem agendi ratio exerit ecclesiasticum zelum, et S. Sedis iuribus debitum obsequium. Praeconium agens Episcopus horum quoque canonicorum, ait, inferiores aliis canonicis haud esse habendos, praeclara ob merita istorum praecipue erga Seminarium. Illud enim ab eadem Collegiata rectorem et confessarios et professores pene gratis habet.

Quibus litteris acceptis, in plenariis EE. PP. comitiis diei 24 Aprilis 1875 huiusmodi causa disceptata fuit, et proposito dubio « *An et quomodo excipiendae sint preces tum Collegiatarum, tum Cathedralis Ecclesiae in casu* » responsum fuit « *Dilata* ». Hac tamen adhibita mitiori rescripti formula, EE. PP. demandarunt Ordinario significari oblatis precibus haud esse indulgendum, ne potrahatur, ac quodammodo honestari videatur abusus insignium huiusmodi



qui longe lateque in Ditione neapolitana invaluerat ob civilis potestatis praeposteras opiniones. Simul vero praecipiebatur, ut Capitulum S. Mariae maioris ea insignia dimitteret, quae licet illegitime obtenta, scienter tamen suscepit.

Huiusmodi responsum tam Episcopus, quam Canonici S. Mariae Maioris aegro animo tulerunt atque novum admoveverunt supplicem libellum, gratiam eandem expostulantes: iterumque Episcopus enixe preces commendavit. Die 4 Septembris iterum causa ventilata fuit et responsum obtinuit - *Dilata*. -

Octo iam circiter anni effluxerant, cum Episcopus die 30 Aprilis mox elapsi, SSmo Principi preces instauravit ut usus Cappae utriusque Collegiatae pluribus ex rationibus inferiorius exponendis indulgeretur.

### Disceptatio Synoptica.

PRECES REIICIENDAE VIDENTUR. Episcopi et utriusque Collegiatae votum excipi haud posse videtur, contradicente Capitulo cathedralis Ecclesiae. Iisdem enim insignibus, quae Collegiatae peroptant, ipsum Cathedralis Capitulum utitur. Porro tritum in iure est Cathedralis Ecclesiae Capitulum prohibere posse, quominus Capitulum Collegiatae eadem insignia gestet; Scarfantionius ad *Ceccop. lib. 1 tit. 7 num. 27*. Et optimo sane iure: distinctio enim esse debet inter Cathedralis et Collegiatae Canonicos, tamquam inter maiores, ac minores, ceu ad rem notat Pitonius *Discept. Ecclesias. 49 num. 4*. Cum autem nobilior habitus maioritatem personae designet, iuxta textum in c. *Ut Apostolicis de Privileg. in 6º* inconveniens prorsus est, quod Collegiatae Canonici eadem insignia ac Canonici Cathedralis gestent.

Idque eo vel magis admittendum, quia huiusmodi Collegiatas insignes esse minime probatum fuisse videtur. Quo in casu huiusmodi insignium usum S. Sedem concedere haud

solere tradunt Corrad. in *prax benefic. lib. 2 cap. 14 num. 3, 4 et 14*, Ceccop. *lucubr. canon. lib. 1 num. 91*, Pitonius *dict. discept. Eccles. 49 n. 1*.

Nec refert istorum insignium usum ab Episcopo iam concessum fuisse: siquidem Episcopi circa habitus et insignia per Canonicos in choro gestanda, ac etiam illorum colores nullam prorsus auctoritatem habent, cum omnia Summo Pontifici sint reservata, ceu tradit Scarfant. ad Ceccoper. *Lucubr. Canon. lib. 1 tit. 6 num. 3*. Idque etiam monet Ricc. *decis. 332 sub num. 3 §. Caeterum*, ubi refert ita decisum fuisse contra Archiepiscopum Neapolitanum, et S. Rit. Congreg. idem pluries statuit ut in *Hydruntina 1 Septembris 1612, Placentina 16 Ianuarii 1620*, et in *Troiana Indulti Cappae Canonicales 10 Septembris 1705*.

Tandem ea de causa huiusmodi indultum haud concedendum videtur, quia sana ratio dictat, ut nihil de iis innovetur, quae recte constituta sunt. Novitates enim semper odiosas esse monet Chrysostomus in *Epist. 1 ad Corinth. hom. 7* ubi ait - *Nihil magis animos perturbat, quam innovatio*. - Quod adamussim in nostro casu eveniret, Cajitulum enim Cathedralis ex hoc privilegio Collegiatarum Canonicis indulto, suam dignitatem laesam putari, ac proinde dissensiones, quae inter Canonicos utriusque ordinis cum fidelium scandalo tot annis excitatae fuerunt, iugiter perdurarent. Cum igitur haud expediat privilegium alicui concedere, quod in alterius praeiudicium vergat, oratorum preces reiiciendas esse videtur.

PRECES EXCIPIENDAE VIDENTUR. Verum ex alia parte haec animadvertenda occurrunt. Constat ex supplicii Ordinarium libello, quod huiusmodi Collegiatae non existunt eo in loco, quo Cathedralis reperitur, imo distant ab ipsa. Hoc posito, expetita insignia concedenda viderentur. Siquidem in casu non verificatur indecentia, et incongruentia illa, quae tantopere extollitur, et ob quam dictorum insignium usus denegatur, praesertim si limitatio adiceretur illis non u-

tendi, cum uterque Clerus in functionibus conveniant. Ad rem Pitonius *cit. discept. 49 num. 6* - ibi - « Haec » procedunt si Cathedralis et Collegiata sint in eodem loco, » sed utrum si distent inter se, et per multum tractum » milliarium Cathedralis sit remota a loco Collegiatae, pos- » sit concedi idem habitus Collegiatae, qui per Canonicos » Cathedralis gestatur cum limitatione, quando uterque Cle- » rus non conveniat in functionibus, ego negativam repor- » tavi in *Troiana Indulti Cappae Canonialis*. Sed con- » trarium sustineri posset, non obstante contradictione Ca- » thedralis: nam tali ope cessat indecentia, et incongruen- » tia ob distantiam utriusque Cleri, ac etiam ex eo quod ubi » simul conveniunt Canonici utriusque Ecclesiae, illi Col- » legiatae non possunt eundem habitum deferre limitatum » ut supra, ex qua limitatione in congressibus satis obvia- » tur indecentiae, et demonstratur maioritas Cathedralis, » ut probat *text. in dict. cap. Ut Apostolicae in 6.* » Quae sententia potiori iure admittenda videtur, si perpendatur usum cappae non designare iurisdictionem, sed tantum perfectionem, gravitatem, et ornamentum personarum, ut tenet Ceccoper. *Lucubr. Canon. lib. 1 n. 93*, ideoque aliquando peculiaribus ex causis Collegiatae Canonicis concessa fuerunt insignia etiam nobiliora illis Canonicorum Cathedralis, ut patet exemplo Ecclesiae Collegiatae oppidi Summae in Nolana Dioecesi, cuius Canonicis usus cappae magnae fuit indultus, non obstante quod Canonici Cathedralis Nolanae non haberent; Pignatell. *tom. 6 con. 59 n. 8.*

Huiusmodi indultum praeterea largiendum videretur quia dictarum Collegiatarum Canonici plausibilem vitae rationem ducunt, nonnulli ad spectatissimas familias pertinent, ac plures institutioni Clericorum Seminario promovendae naviter incumbunt. His accedit quod ingentem pecuniae vim impenderunt ut Collegiatae existentiam, ac bonorum possessionem omnibus mediis contra fiscum vindicarent. De Canonicis vero alterius Collegiatae multa retulit Episcopus uti in facti specie scriptum fuit. Hinc Ordinarius iam a principio quae-

stionis in votis habebat ut gratia indulgeretur nedum ob allatas rationes, sed etiam ob tristes consequentias quae prodire possent ex gratiae negatione. Eius itaque petitioni annuendum videretur, ac proinde praeclara Canoniorum merita hac ratione rependendo, simul ipsi animus adiceretur ut maiori alacritate animarum saluti procurandae vacare pergant.

Quibus expositis, hoc unum adnotari remanet. Inter causas huiusmodi insignia concedendi divini cultus augmentum praecipue a Doctoribus recensetur. Iamvero ex huc usque relatis nedum constat huiusmodi causam in themate verificari, sed imo hac concessione talia emolumenta consequi, quae hisce praesertim temporibus plurimi sunt facienda. Haud igitur ambigendum videretur ex peculiaribus saltem circumstantiis illud indultum elargiri, quod Episcopo, Clero omnique civium ordini optatissimum est.

Hisce itaque utrinque perpensis, quaesitum fuit ab Em̃is Patribus an et quomodo Praesulis ac Collegiatarum preces excipi liceret. Quod si annuendum censuerint, decernerent etiam utrum votis Capituli Cathedralis fieri satis posset, cum in hypotesi indulti Collegiatis concessi, et ipsum enixe postulet facultatem induendi insignia, quae induit capitulum Cathedralis Neapolitanae aut Capuanae. Quod si haec omnia elargiri minime putarent, perpenderent an saltem, iuxta Praesulis votum, indulgenda esset Cappa Magna, vel Palliolium, vulgo *Mantelletta*, quorum insignium usu paucis ab hinc annis a Summo Pontifice Avellinenses obtinuerunt.

Hisce aliisque praenotatis, enodandum propositum fuit sequens

### Dubium

*An et quomodo excipiendae sint preces tum Collegiatarum, tum Cathedralis Ecclesiae in casu.*

RESOLUTIO. Sacra C. C. sub die 4 Augusti 1883, re perpensa, censuit respondere:

*Negative in omnibus et amplius.*

## EX QUIBUS COLLIGES:

I. Romani Pontificis auctoritati reservatum esse Canonicis concedere habitus et insignia in choro gestanda, istorumque colores decernere.

II. Qua de re Episcopi eoque minus laici etiam regiâ auctoritate fulgentes nihil hisce in rebus constituere valent.

III. Capitulum cathedralis prohibere posse quominus capitulum Collegiatae eadem gestet insignia.

IV. Insignium concessionem in themate ita abusive atque illegitime factam fuisse, ut eam nullimode Apostolica Sedes ratam habere voluerit; quamvis apprime in votis Ordinarii id esset, et ad hoc canonicos, eorumque preces totis viribus et verbis amplissimis commendavisset.

---

 POLICASTREN.

## INTERPRETATIONIS VOLUNTATIS

*Die 7 Iulii. 1883.*

*Fer summaria precum*

COMPENDIUM FACTI. Nicolaus Flora anno 1843 suum instituens haeredem universalem, nepotem Antonium Flora sacerdotem, variis eundem oneravit legatis. Et inter alia testator decrevit: volo ut ex fructibus libellarum 850 perpetuo fiat dos, conferenda quotannis puellis pauperioribus e familia Flora. Legatum implevit haeres, quoties censuit esse casum: retinuit enim haeres sibi addicere posse fructus libellarum 850, quoties desint puellae pauperes e familia Flora. Sed hoc postulavit ut authentice declararetur a S.C.C.

## Disceptatio Synoptica.

QUAE HAEREDI ADVERSANTUR. Tralatitium in iure est quod si clara testatoris voluntas a suae dispositionis verbis haud evidenter appareat, tunc interpretatio eiusdem voluntati magis consentanea sit admittenda. Iamvero quod in casu reditus illius summae impendi debeant vel in augmentum sortis, vel pro pinguiori dote constituenda insequentibus annis, si aliquando contingat nullam puellam ex familia Flora dotem expetere, testamentariae dispositioni maxime convenire videtur. Statuit enim testator ut libellae 850 perpetuo devinctae manerent ad id, ut ex eorumdem fructibus dos conferretur quotannis puellis nubilibus et pauperioribus e familia Flora. Quibus verbis dum suam voluntatem satis ostendit huiusmodi reditum in illarum puellarum favorem perpetuo cedere debere, quemcumque alium ab illius perceptione exclusit.

Praeterea cum voluerit puellis e sua familia tantum descendentibus consulere, ac simul pecuniae summam tam exiguam statuerit, praesumi rationabiliter potest, id ideo effecisse, quia cum frequenter huiusmodi dos insoluta permaneret, paucis annis talis reditus constitueretur, qui congruae doti efformandae par esset, uti in hisce legatis communiter fieri solet iuxta Reg. Iur civ. 114 - ibi - « *In obscuris inspicere solet quod verosimiliter est, quod plerumque fieri solet.* » His accedit quod suo nepoti potioem haereditatis partem reliquit; et ideo a quocumque emolumento e dotis legato obtinendo, excludere voluisse merito argui potest.

Demum cum haud raro eveniat, quod nulla puella dotem expostulet, si altera interpretatio testatoris dispositioni tribuatur, sequeretur maius emolumentum ex hoc legato obtenturum haeredi, et post eius obitum, personae forsitan testatoris extraneae, quam illis in quorum favore fuit constitutum; quod absolute repugnare videtur.

Cum itaque nullum prudens dubium admitti possit, quod testator voluerit memoratum redditum pro dotis constitutione iugiter impendendum fore, sponte sua fluere videtur coniecturis locum dari haud posse ad tradita per *Cap. Ultima voluntas 14 quaest. 2 §. Disponat - ibi - « Non dari locum coniecturis, ubi mens pro libertate, et voluntas testatoris apertissima est. »* Cui consonat *Romana Rota* statuens, quod ubi voluntas est satis clara et manifesta, eiusdem quaestio non admittitur, nec ex coniecturis aequivocis declarari debet, *decis. 60 n. 6 part. 48 tom. 1 inter recent.*

QUAE HAEREDI FAVENT. Ex altera vero parte tuto affirmari posse videtur memoratum redditum in haeredis favorem cedere debere, si contingat nullam puellam dotis obtinendae idoneam adesse. Cum enim haeres, qui patrum mentem, citatis verbis expressam, optime noverat, tunc tantum legatum fuerit executus cum puella dotis assequendae capax reperiebatur; si testatoris voluntatem haud fideliter interpretatus fuisset, certe familia Flora suas querelas movisset. Sed ex Episcopi relatione apparet res pacifice iugiter processisse, quod indicium haud dubium est, hanc reapse testatoris voluntatem fuisse.

Quae haeredis interpretatio patrum dispositionis, plurimi facienda videtur, quia plurium annorum observantiae innititur. Observantiam autem diuturni temporis maximi existimandam esse ius utrumque docet. Ea siquidem summo pere inservit testatoris voluntati declarandae, et discernendae voluntati incertae ac dubiae a voluntate certa et clara. *Rota decis. 162 n. 2 part. 10 inter recent.* Quare observantia dicitur optima interpres legis foundationis ex *Lotter. de re benefic. Disc. 60 n. 9, Tondut. quaest. beneficial. part. 3 cap. 151*, et maiorem omnium auctoritatem sibi vindicat, si, ut in casu, sit illi proxima et coeva, *Piton. discept. ecclesiastic. disc. 159 num. 44*, et *S. C. in Cerinolen. Interpretationis 1 Aprilis 1876 §. Orta.*

Quibus in utramque partem notatis quaesitum fuit quid esset oratori respondendum.

RESOLUTIO. Sacra C. C. re cognita, sub die 7 Iulii 1883, censuit respondere:

*Negative et fructus cumulandos esse in augmentum subsidii dotalis.*

---

## EX S. C. EPISCOPORUM ET REGULARIUM

---

### PRAGEN. SEU MILITARIS ORDINIS CRUCIGERORUM CUM RUBEA STELLA

SUPER REFORMATIONE ET APPROBATIONE STATUTORUM.

*Die 27 Aprilis 1883.*

COMPENDIUM FACTI. Sacer militaris Ordo Crucigerorum cum rubea stella, qui, ut fertur, in Palestina natus, et in Bohemia institutus a beata Agnete, filia Primislai I. regis Bohemiae, anno 1217 suam obtinuit approbationem a Gregorio IX per Constitutionem *Omnipotens Deus 14 Aprilis 1238*. Constat per huius antiquas Constitutiones, quibus titulus *Regula s. Patris Aurelii Augustini*, Ordinem hunc eiusdem s. Augustini regulas professum fuisse usque a tempore suae institutionis. Finis Instituti huius ab ini-



tio fuit armis Ecclesiae iura protueri, caritatem exercere erga pauperes, peregrinos et praecipue erga infirmos; ita ut eorundem Domus totidem essent hospitalia, et quam pauci ex eis ad sacros ascenderent ordines. Successu temporis vero, quum imperatorum regumque munificentia plures Ordo idem consecutus fuerit Ecclesias, plures facti sunt Sacerdotes; ita ut nunc pene omnes sacris initiati sint ordinibus. Anno 1853 typis Seminarii Pragensis iterum cusa fuere huius ordinis antiqua Statuta: quae si nunc nullo comitata sunt decreto, tamen dicuntur omnino similia illis quae in *forma communi* approbata fuerunt a Clemente X per Constitutionem *Cum sicut dilecti* 1675.

Nuper per Capitulum generalem nonnullae factae fuerunt his constitutionibus modificationes; quas Apostolicae Sedis approbationi subiecit Minister generalis. Qui, ex corde, Petri sedi addictus, certiores fecit omnes fratres, sese eorundem modificationum approbationem a s. Sede imploraturum. « Inviolabili Statutorum istorum, scribebat ille, robori utique adhuc deest suprema Ecclesiae sententia et Sedis Apostolicae approbatio; ast omnem movebo lapidem, ut et haec pretiosissima corona operi nostro imponatur, scopumque meum, uti sentio, eo certius assequar, si statuta ab omnibus recepta et aliquanto saltem tempore in usu fuerint; supra enim commemoratus Summus Pontifex Clemens X priora statuta s. Ordinis nostri expressa sub conditione approbavit, *dummodo sint in usu, nec sint revocata.* »

Ex quibus verbis antiqua statuta videntur approbata in forma communi, haud specifica. (1). Harum modificationum quamplurimae sunt accessoriae; duae autem respiciunt ge-

(1) Confirmatio pontificia duplex est: nempe in forma *specifica* et in forma *communi*. Per confirmationem specificam leges peculiares sunt leges pontificales; hinc Bonifacius VIII *cap. 22 de Praeb. in 6. habet*: « *Nostra facimus, quae probamus, et quibus no-*

*stram impertimur auctoritatem....* » Quoad approbationem in forma communi Bened. XIV *de syn. dioc. l. 13, 3, 11* ait: « In forma communi confirmari dicuntur Statuta, quae non singulatim examinantur, neque approbantur a Pontifice motu proprio, et ex certa scien-

neralem Ordinis disciplinam: quarum prima respicit Caput II §. 2 veterum Statutorum. In hoc enim legebatur: « Fra-  
 » tres in sacris constituti, sicut et Sacerdotes pensum ho-  
 » rarum canonicarum non *seorsim* singuli, sed simul in Ora-  
 » torio distincte et devote, iuxta rubricas Breviarii Ro-  
 » mani tempore determinato persolvent ». Cui praescri-  
 » ptioni haec suffecta fuit modificatio: « Fratres in sacris con-  
 » stituti sicut et sacerdotes pensum horarum canonicarum,  
 » si *non simul in Oratorio*, saltem *singuli seorsim* di-  
 » stincte et devote, iuxta rubricas Breviarii Romani, tem-  
 » pore determinato persolvent ».

Altera inducta modificatio tollit punctum quartum Ca-  
 pitis IX antiquorum statutorum; a quo arma micidialia re-  
 tinere vetatur in propriis cellis, hanc adducendo causam:  
 » quia conventus strictam clausuram non habet et securi-  
 » tas, quae hodie ac praecipue frequentioribus in urbibus  
 » non est certissima ». Attamen notandum est, id suasio-  
 ni inniti quod Conventus hospitalis strictam clausuram  
 non habeat. Dum constitutiones anno 1853 iterum cusae,  
 text. nuperrimarum modificatarum *Cap. X n. 3* sic se ha-  
 beant: « Nullus cubiculum alterius studiorum et orationis  
 » tempore praesumat ingredi, ne si qui minus timorati fue-  
 » rint, magis confabulationibus, aut aliis actibus inconve-  
 » nientibus, aliorum quietem et studia turbent. Nec item  
 » aliquam feminam, etiamsi mater, soror aut consanguinea  
 » foret, nisi de speciali superioris licentia intra conventus  
 » clausurae septa introducat ».

Eius Archiepiscopus Pragensis rogatus de opinione et  
 voto multa animadvertit, quae visa sunt obstare quominus  
 indulgeretur expetita Apostolica approbatio.

» tia; atque Apostolicae auctoritatis  
 » robor illis non adicitur absolute, sed  
 » solum conditionate; videlicet, si iuste,  
 » canonice ac provide facta sint; et dum-  
 » modo ss. canonibus, Tridentini Con-

» cillii decretis et Constitutionibus apo-  
 » stolicis non adversentur.... Etenim  
 » talis confirmatio nihil novi iuris aut  
 » efficacitatis illis tribuit, qua antea  
 » carerent ».

Sacra dein Congregatio votum expetivit duorum consultorum, quorum inferius referimus synopsis.

### Disceptatio Synoptica

**VOTUM PRIMI CONSULTORIS.** Dubium prae primis sibi enodandum proposuit consultor, an nova haec statuta sint approbatione apostolicâ confirmanda. Et ut ad dubii resolutionem procederet, prius generales ad rem, dein peculiare super respectivis articulis perfecit considerationes.

Quum regulares Ordines, ait, habeant a Papa potestatem sibi condendi leges et statuta, eaque variis necessitatibus aptandi, servatis de iure servandis: ordo Crucigerorum potuit haec statuta conficere et pro variatis temporum locorumque circumstantiis eadem accommodare, dummodo observaverit canonicas et apostolicas praescriptiones. Neque pontificia veterum statutorum confirmatio, utpote facta in *forma communi*, impediabat legitimam eorum revisionem ad tradita per Bened. XIV de Synodo *dioec. l. 8, c. 5, n. 11*. « Statutum ab Apostolica auctoritate confirmatum in forma communi integrum est statuentibus delere, atque ab illius obligatione aliquem ex iusta causa eximere ». Qua de re patet Crucigeros suum ius praetergressos non esse quum revisionem statutorum peregerint et approbationem apostolicam expostulaverint.

Potius videndum est, ait consultor, an probandum sit praecipuum criterium in reformandis statutis quod sibi proposuerunt reformatores: reconciliandi nempe theoriam cum praxi, legis scriptae rigorem temperando ad inclitae consuetudinis exigentiam et commodum. Hinc generalis Minister circulares litteras ad fratres dando aiebat: « porrigo vobis, in hisce statutis, vivendi normam, quae non novum et forsitan gravius humeris vestris imponit iugum; et quae potius in quantum fieri potuit allevare et imminuere conatur onera statui nostro singularia. Nova et difficiliora haud in eis reperietis, ast invenietis plura omissa, et multa in favorem vestrum mutata »

Huiusmodi statuendi benignitas respondere videtur spiritui Iesu Christi dicentis: *iugum meum suave est et onus meum leve*; nec non matris Ecclesiae, quae legum vetustiorum severitatem in gratiam fidelis populi et cleri, iuxta tempora, loca et personas temperare consuevit. (1) Respondet etiam regulae s. Augustini, qui de ipsa ait fratribus: « donet Dominus ut observetis haec omnia.... non sicut » servi sub lege, sed sicut liberi sub gratia constituti ». Igitur benignior veterum statutorum moderatio in Crucigerorum Ordine non improbanda videtur.

Ex longissimi temporis consuetudine multa invecta in ordine fuere, ut ait magnus Magister Crucigerorum, quae adamussim non concordant cum omnibus et singulis statutorum mandatis; quae tamen abrogari nequeunt et quarum observantia pene impossibilis evadit, intuitu praesentium temporum et praecipue pro nonnullis fratribus qui extra conventum pragensem degunt.

Consuetudinem valere legem veterem abrogare, et esse optimam legum interpretem aiunt dd. dummodo sit rationalis, neque adversetur legem divinam aut naturalem. Tunc enim, ait Angelicus, manifestatur per consuetudinem, quod lex alterius non est utilis, sicut etiam manifestaretur, si lex contraria verbo promulgaretur. Hic pariter occurrunt monita s. Augustini ad Ian. « *ipsa mutatio consuetudinis, etiam quae adiuvat utilitate, novitate perturbat* ». Et Bened. XIV Const. Paternae charitatis – *quod possumus cogendum est, non quod optamus*. –

Neque parvipendenda est ratio, quod fratres quum statuta solemniter profiterentur, ea in mente habuerunt quae in vigente consuetudine noverunt, non quae verbo et litterae respondent. Ad rem s. Alphonsus: *certum est, quod postquam regula per legitimam consuetudinem relata est quam-*

(1) *Ex cap. Ex parte ult. de transactionibus* Honorius III ait:.... « In his vero, super quibus ius non invenitur expressum procedas (aequitate Acta Tom. XVI. fasc. CI. XXXVII.

» servata) semper in humaniorem partem declinando, secundum quod per sonas et causas, loca et tempora videntur postulare ».

*vis primi religiosi peccarint, secundi tamen non tenentur eam observare... I. M. l. 4, n. 44.*

Hinc ex his generalibus animadversionibus eruere censuit consultor quod nova statuta, quibus Capitulum Crucigerorum fratrum conscientiae et quieti consulere voluit, probari possint, in forma *communi et conditionata* ceu probata fuerunt a Clemente X.

Quod si ageretur de confirmatione istorum Statutorum in forma specifica tunc magnus apparet labor grandisque difficultas. Nam confirmationi novorum Statutorum quae observantiam fovent relaxatam, opponitur Tridentinum Sess. 25 c. 1 pro Regularium reformatione, normam praebendo: « *ubi collapsa est vetus et regularis disciplina instauretur, et constantius ubi conservata est perseveret* ». Et ad hunc finem Concilium vaticanum intendisse ex praeparatis schematibus Constitutionum pro Regularibus colligitur.

Quamobrem consultor proposuit varias animadversiones praesertim quoad articulos innovationis introductae in favorem Crucigerorum. Sic per innovationem inductam quoad Caput II §. 2, quamque supra retulimus, animadversum fuit auferri omnino obligationem ad communem Breviarii per solutionem. Ast minus decet apostolicam approbationem in forma specifica apponere novis statutis, quae veteribus derogant quoad pietatis officia, quae sunt secundum regulam, sicuti est istud de persolutione divini officii in communi.

Tum iuris, tum facti animadversiones egit Consultor quoad caput 10 n. 1. « *Tametsi conventus hospitalis strictam clausuram non habeat...* » Quoad ius appellavit consultor ad canonicam clausurae legem, a Benedicto XIV censuris confirmatam; qua cuicumque adimitur facultas permittendi feminis ingressum in quorumcumque regularium virorum monasteria. Insuper Pius IX Bulla *Apostolicae Sedis* inter excommunicationes latae sententiae art. 7 recenset. « *Mulieres violantes regularium virorum clausuram, et superiores aliosque eas admittentes* ». Quoad factum animadvertit, Crucigeros pragenses admittere intra eorum con-

ventum nedum saeculares viros, sed etiam feminas sub praetextu non strictae clausurae, a qua legē clausurae obstringuntur Crucigeri, utpote solemnia vota professi. Quoniam vero iuxta diversa instituta variasque circumstantias limites clausurae soleant plus minusve extendi; in casu videretur quod extendi posset tantum ad internam fratrum habitationem: quia in ordine Crucigerorum, sunt hospitalia pauperum et parochiae seu curatae. Tali modo constituta clausura, patere posset mulieribus accessus, per externam portam Conventus ad hospitale et officium parochiale, cum debita tamen cautela, et ex rationabili causa.

Tandem animadvertit Consultor nonnulla alia in novis statutis omitti, uti de socio in egressu assignando; alia admittere, uti de vestiario et de peculio privato et cetera quae ad normam Tridentini et Apostolicarum praescriptionum minime substineri possent.

**VOTUM SECUNDI CONSULTORIS.** Etiam Consultor alter consentit approbari posse in sua generalitate nova Crucigerorum statuta, exceptis duabus modificationibus. Quarum prima respicit recitationem horarum canonicarum, altera vero clausuram conventorum.

Duas hasce modificationes haud sustineri posse tuta conscientia censuit Eñus Antistes pragensis, et cum eo uterque consultor. Nam immutatio quae respicit recitationem horarum canonicarum legitima haud fulcitur consuetudine, et argumentis falsis aut absurdis innitur.

Quoad clausuram pariter uterque consultor in sententiam ivit Eñi Archiepiscopi Pragensis. Nam certum est Crucigeros, veros esse religiosos; qui solemniter ligantur tribus votis fundamentalibus, quique uti tales habentur ab Ecclesia. Et sicuti ceteri tenentur religiosi ad observantiam legum illarum quas tum sacri canones, tum pontificiae constitutiones pro omnibus generaliter constituerunt. Inter quas leges praecipue recensetur lex clausurae, in cuius favore Bened. XIV in Bulla *Regularis disciplinae* habet: « providis saluberrimisque constitutionibus, ordinationibus-

» que, sub poena etiam excommunicationis latae sententiae, feminis quibuscumque aditum ingressumque intra » Monasteriorum clausuram interdixerunt ».

Quoad alias Statutorum immutationes, quas dixit minoris momenti, varias fecit animadversiones, et proposuit variationes consultor; sed cum Eñño Archiepiscopo et altero Consultore censuit novis Statutis non esse denegandam Apostolicam approbationem in forma communi, peractis tamen nonnullis variationibus. Hisce aliisque per consultores animadversis, sequentia proposita fuere enucleanda

### Dubia.

I. *An et quomodo approbari debeant modificationes peractae a Capitulo generali anni 1879 quoad veteres constitutiones in casu.*

Et quatenus affirmative ad secundam partem

II. *An et qualis provisio capienda sit quoad recitationem divini officii et clausuram in casu.*

III. *An et quomodo excipiendae sint aliae accessoriae modificationes, a Rñnis Consultoribus propositae, praecipue quoad approbationem in forma specifica in casu.*

RESOLUTIO. Sacra Congr. Ep. et Reg. die 27 Aprilis 1883, omnibus rite perpensis, censuit respondere:

Ad I. *Negative et ad mentem: mens est ut servetur regula s. Augustini in sua prima ordinatione, recitetur divinum officium in communi, observetur clausura iuxta sacros canones, s. Concilium Tridentinum et Constitutiones Apostolicas; et induatur habitus religiosus. (1) In reliquis dilata.*

(1) Inter alias modificationes cap. VII p. 5, loco tunicae additur habitus et vestis civilis iuxta locorum, rerumque circumstantias, in quibus plures confratres versantur. Cui modificationi opponitur Trid.

Sess. 14 cap. 6 de ref. « Quia vero etsi » habitus non facit monachum, tamen » clericos vestes proprio congruentes ordi » dini semper deferre . . . »

Ad II. *Provisum in primo.*

Ad III. *Dilata.*

EX QUIBUS COLLIGES :

I. Duplicem esse, ex dd. confirmationem quae Constitutionibus Regularium accedere potest ex benignitate Apostolicae Sedis, nempe *in forma communi et in forma specifica.*

II. In forma communi confirmari statuta quae non singulatim examinantur, neque a Pontifice probantur *motu proprio et certa scientia* et solum conditionate; nempe si iuste, canonice ac provvide facta sint, ac non adversentur sacris canonibus, Tridentino, et Constitutionibus Apostolicis.

III. In forma specifica confirmari, cum praemittitur causae cognitio, singula statuta diligenter expenduntur, nulla adii-citur conditio, sed accedit Apostolica auctoritas cum clau-sula *motu proprio* atque *ex certa scientia.*

IV. Constitutiones approbatas in forma specifica induere naturam legis pontificiae; constitutiones confirmatas in forma communi, hanc naturam non induere, et deleri pos-sunt a statuentibus.

V. Religiosos Ordinis regularis teneri ad observantiam clausurae, et ad recitationem horarum canonicarum in com-muni dubitari a nemine posse, post Tridentinas sanctiones et Apostolicas constitutiones, ad id editas. (1)

VI. Crucigeros in themate esse veros religiosos Ordinis regularis omnia suadent; quia eisdem nihil desit ex his quae regularem Ordinem constituunt.

(1) Religiosos solemniter professos teneri ad officii divini recitationem in cho-ro, eruitur etiam ex responso dato a Pio IX in audientia 6 Augusti 1858. A Magi-stro generali ordinis Praedicatorum pro-positum fuit dubium: « An professi vo-

torum simplicium teneantur ad officium divinum ». Cui dubio responsum fuit: « Non teneri ad privatam recitationem divini officii; *debere tamen choro in-teresse, ut solemniter professi* ». Vol. XV pag. 250 harum ephem.



## EX S. CONGREGATIONE DE PROPAGANDA FIDE

**LITTERAE** circulares, quibus graviter monentur familiae Religiosae, quae Orientalium Missionum curam susceperunt, ut exigant studium linguarum, quae necessariae sunt in hunc finem, ab illis qui huic s. ministerio mancipare se velint.

Reverendissime Pater,

Quandoquidem, miserante Deo, ostium ad conversionem haereticorum et schismaticorum quotidie latius aperiri dignoscitur; et regiones iam albae ad messem videntur, oportet eos praeprimis qui ab Apostolica Sede ad hoc opus procurandum mittuntur, prudenti usos oeconomia, collatisque viribus et consiliis alacrius coeptis insistere, satagentes ne umquam ea careant scientiarum ac litterarum cognitione, quae in diversis missionum locis necessaria est ad apostolicum munus rite ac utiliter obeundum. Cum enim fides, docente Apostolo, per auditum sit, auditus per verbum Christi, nemo autem credat nisi audiat praedicantem, necesse est hunc eo uti sermone quam auditores probe noverint et intelligant. Nisi enim, ait apostolus Paulus (I. Corinth. XVI. 9), *vos per linguam.. manifestum sermonem dederitis, quomodo scietur id quod dicitur? Eritis enim in aera loquentes. Tam multa, ut puta, genera linguarum sunt in hoc mundo; et nihil sine voce est. Si ergo nesciero virtutem vocis, ero ei, cui loquor, barbarus; et qui loquitur, mihi barbarus.* Quamobrem in Ecclesiae primordiis divinitus et praeter ordinem factum est, ut apostoli omnia loquerentur genera linguarum; quarum notitiam in illis rerum adiunctis humano studio assequi non poterant. Ecclesia autem constituta, tale subsidium non a Deo praeter ordinem expectandum fuit, sed humano labore atque industria comparandum. Quare nil crebrius atque instantius ab Apostolica Sede desideratum est, expetitur, iussum, quam ut missionarii tempestive addiscerent et probe callerent linguas, quibus populi ab ipsis erudiendi uti consueverunt; eamque ob causam plura S. Congreg. de Propaganda Fide decreta prodierunt, quae etiam apostolicarum mis-

sionum collegia respiciunt, in quibus religiosi viri ad christianam fidem catholicamque religionem propagandam mittendi opportune instituuntur. Etsi vero in calamitosis hisce temporum adiunctis ea vix, aut ne vix quidem, consistere possint, non tamen necessaria media volentibus et conantibus deficiunt. Nulla enim est ferme ex celebrioribus Europae urbibus, in qua sive ad commercii negotia utilius procuranda, sive ad diplomaticas relationes tutius fovendas, Orientalium linguarum scholae desiderentur.

Has vero praevertisse visa est Apostolica Sedes, quandoquidem post editum oecumenici concilii Viennensis decretum de orientalium linguarum cathedris apud praecipuas nonnullas universitates instituendis, eas in Pontificio romano Athenaeo erexit, atque ad novissima haec tempora, quoad licuit, fovit atque aluit. Novissime vero s. m. Pius PP. IX. sollicitus quam qui maxime de Ecclesiarum ritus orientalis miserrima conditione relevanda, hoc etiam in earum utilitatem sancivit, ut peculiare linguarum quae apud illas usurpantur cathedrae in hac alma Urbe extarent, in quibus tum literalis tum vernacula earum loquendi atque scribendi forma traderetur; quod sacrae huius Congregationis cura ac studio in aedibus s. Apollinaris penes Pont. seminarium romanum iam pridem factum est. Hac ratione provide consultum fuit procurandis eidem Congregationi fidelibus doctisque interpretibus, atque etiam missionariis citius atque utilius instituendis. Decessoris sui vestigiis inhaerens SS<sup>ms</sup> D. N. LEO div. prov. PP. XIII, studiosissimus et Ipse restituendi iamdiu discissam apud orientales Ecclesias catholicam unitatem, tanto operi adiutricem manum strenue admovit, dato etiam mandato, ut solertissimi ex earumdem scholarum auditoribus, cura sacrae huius Congregationis, in Orientem mittantur, ut linguas, ritus moresque ecclesiarum orientalium ipsi coram audiant, inspiciant, penitus addiscant. Quo scholarum praesidio si usi fuerint qui sacris missionibus in illis regionibus obeundis se devovere intendunt, celerius atque utilius diversas quae illic usurpantur linguas callebunt, et ubi ad praestituta sibi loca devenierint, servi inutiles diu non erunt, verum sacris suis ministeriis citissime perfungi poterunt.

Quam ob rem sacra haec Congregatio pro negotiis orientalibus universos moderatores religionum familiarum, quae orientalium missionum curam susceperunt, sedulo graviterque monet, ut studium linguarum, quae eum in finem necessariae sunt, ab iis omnino exigant qui ad sacrum illud ministerium incumbere velint, Missio-

num autem Praefectis mandat, ut id ipsum severe exigant; et quos noverint desides in hac sui muneris parte adimplenda, huic s. Congregationi denunciare non morentur. Demum RR. PP. DD. delegati apostolici pro suo munere ad omnimodam praemissorum executionem advigilabunt, et memoratam s. Congregationem edocere non praeterrmittent.

Hisce praesidiis, praeter alia, instructi apostolici viri, quibus datum est catholicae fidei veritatem atque unitatem promovere, ad animarum salutem procurandam quotidie magis incumbant, minime dubitantes quin misericors Deus opus quod coepit perficiat, confirmet solidetque, et Ecclesiam catholicam aberrantibus ovibus in unicum Christi ovile adductis, nova iugiter filiorum accessione laetificet.

Datum ex aedibus S. C. de Propaganda Fide, die 22 iulii 1883.

IOANNES CARD. SIMEONI *Praefectus.*  
SERAPHINUS CRETONI, *Secretarius*  
*pro Neg. orientalibus.*

---

## EX AEDIBUS VATICANIS

---

### TRIBUNALIA PONTIFICIA IN VATICANO

**Statuta praeliminaria pro dirimendis controversiis, contractuum causarum enatis, cum administratione Aedum Vaticanis.**

1. Sono deferite al giudizio delle Commissioni istituite col riferito *Motu-Proprio* le controversie provenienti dai contratti relativi alle diverse Aziende della Casa Pontificia, e che sono di ordine interno della medesima.

2. Queste controversie saranno trattate avanti le suddette

*1. Iudicum collegiorum, quae per Motum-proprium, iam relatatum, (1) constituta sunt iudicio deferuntur controversiae e contractibus exsurgentes, qui ad varia Domus Pontificiae negotia spectant, quique internum eius ordinem attingunt.*

*2. Huiusmodi controversiae coram iisdem Iudicum collegiis*

(1) Recole Vol. XV, pag. 193.

Commissioni colla procedura stabilita dal Regolamento giudiziario Gregoriano, di cui nel *Motu-Proprio* 10 Novembre 1834, nell' *Editto* 25 Luglio 1835 ed in altre disposizioni relative, meno in quelle parti alle quali espressamente è provveduto col presente Regolamento; e saranno giudicate a norma della legislazione Pontificia.

*Ordinamento delle Commissioni*

3. Le Commissioni di primo e secondo grado avranno un Presidente di nomina di Sua Santità tra i tre prelati che le compongono. Di quella di terzo grado è Presidente Monsig. Uditore Generale della R. C. A. In caso di mancanza, assenza, o impedimento di alcuno dei Presidenti, ne eserciterà le funzioni il Prelato più anziano di nomina nella rispettiva Commissione.

4. A ciascuna Commissione sarà aggiunto un Prelato col titolo di Supplente, a nomina di Sua Santità. I Supplenti, ciascuno nella propria Commissione, faranno le veci, con voto decisivo, pel giudice mancante.

5. Alle Commissioni sarà addetto un Segretario.

*Della procedura*

6. Le controversie deferite al giudizio delle Commissioni sa-

*agentur eo iure eaque forma, quae in Lege iudiciaria Gregoriana (cuius mentio et in Motu-proprio diei X Novembris, anni MDCCCXXXIV et in Edicto d. XXV Iulii an. MDCCCXXXV, aliisque his similibus ordinationibus) statuta fuit; praeterquam in iis, quibus hac praesenti lege expressim consultum est, quaeque Pontificia iudiciorum forma definitur.*

*Ordinatio Collegiorum Iudicum*

3. *Iudicum collegia primi et secundi gradus Praesidem habebunt, qui a Pontifice nominatur inter Praesules, quibus haec eadem collegia constant: collegio autem iudicum tertii gradus praeerit R. P. D. Auditor generalis R. C. A. Deficiente autem, vel absente, quavis de causa, aliquo ex Praesidibus, eius vices geret senior Praesulum, a suo quisque Ordine nominandus.*

4. *Cuique Iudicum collegio adiicietur Praesul, suppletis nomine, a Pontifice designandus. Hac ratione et hoc nomine suffecti, iudicis absentis, suffragio definitivo praediti, vices gerent.*

5. *Iudicum collegiis Secretarius adtribuetur.*

*De Iudiciorum forma*

6. *Controversiae ad iudicium collegiorum iudicum delatae,*

ranno introdotte e trattate col mezzo di memorie.

7. Le memorie, qualunque sia la domanda che si propone, debbono contenere quanto per le citazioni si richiede dal Regolamento giudiziario Gregoriano 10 novembre 1834.

8. La memoria coi documenti giustificativi dovrà esibirsi al Segretario dall'Attore, o dal suo procuratore approvato dalla Commissione; il Procuratore vi unirà il mandato speciale colla facoltà di eleggere il domicilio, che dovrà sempre essere eletto in Roma.

9. Il Presidente della Commissione scriverà a piedi della memoria la sua ordinanza perchè venga comunicata all'altra parte, o parti: assegnerà un termine più o meno breve, secondo le circostanze per esibire la risposta.

La risposta sarà esibita nello stesso modo, e nelle forme che sono prescritte nel paragrafo precedente.

10. La replica, e la duplice si esibiranno egualmente al Segretario, entro il termine da stabilirsi dal Presidente.

Le memorie e le risposte non potranno eccedere il numero di tre fogli, ragguagliati a stampa (sesto ordinario), le repliche e le dupliche non eccederanno il numero di due fogli, raggua-

*per libellos memoriales exhibebuntur, et expedientur.*

*7. Hi libelli memoriales quidquid per illos expetatur, omnia contineant, quae pro vocationibus, in lege iudiciaria Gregoriana diei X Novembris ann. MDCCCXXXIV, praescribuntur.*

*8. Libellus memorialis cum documentis, quibus petitio innotitur, Secretario exhiberi debet ab Actore, vel ab huius Procuratore per collegium adprobato: Procurator adiciet speciale mandatum cum eligendi domicilii facultate, quod quidem Romae semper erit eligendum.*

*9. Collegii Praeses, in calce libelli memorialis suam ordinationem scribet, ut alteri parti vel partibus nota fiat; eique terminum plus minusve brevem praefiget, iuxta temporis locique adiuncta, ad responsionem deferendam*

*Quae quidem responsio eodem modo eademque forma exhibebitur, quae in praecedenti paragrafo praescribitur.*

*10. Contrascripta item, et duplicata exhibebuntur Secretario, infra dierum terminum a Praeside designandum.*

*Libelli memoriales ac responsiones trium foliorum numerum, juxta ea folia quae typis exarata, mensura ordinaria, e prolo prodeunt, non excedant. Repetita et Duplicata duo folia non excedant, comparata ut supra. Pro petitionibus incidentibus,*

gliati come sopra. Per le domande incidentali le memorie e le risposte saranno contenute in un solo foglio, ragguagliato come sopra.

11. Le memorie primordiali coi documenti resteranno nella Segreteria. Delle medesime coi relativi documenti, delle risposte, e repliche se ne esibiranno tante copie conformi, quanti sono coloro che debbano rispondere ed i giudici che debbano decidere la controversia.

12. Le comunicazioni alle parti si faranno dal Segretario, previo semplice avviso da trasmettersi al domicilio eletto.

13. Trascorsi i termini assegnati la Commissione darà il suo Opinamento motivato, accordando un nuovo termine per rispondere, o replicare, e dal Segretario se ne darà comunicazione alle parti, come al § 12. Si dichiara però, che l'Opinamento avrà luogo soltanto per le domande sul merito della causa e non per gli incidenti.

Trascorso il nuovo termine, la Commissione emanerà la decisione definitiva, ancorchè alcuna delle parti non abbia soddisfatto a quanto le incombe.

14. L'estratto d'ogni decisione a cura del Segretario, sarà partecipato alle parti, ai

*seu accessoriis, libelli memoriales et responsiones uno folio continebuntur; comparato ut supra.*

*11. Libelli memoriales primoe Exhibitum cum documentis penes Secretariam manebunt. Memorialium cum relativis documentis, nec non responsionum, et repetitionum tot deferenda erunt exemplaria, primis conformia, quot sunt qui respondere debent, et iudices qui controversiam definituri sunt.*

*12. Communicationes utrique parti contendenti per Secretarium fient, praevisa simplici admonitione ad domicilium transmittenda.*

*13. Elapsis terminis praefixis Collegium suum votum cum eiusdem motivis edet, novo concessio termino, ad respondendum, vel iterum repetendum: omnia haec a Secretario utrique contendentium parti nota fient, ut in paragrapho XII. Declaratur tamen quod huiusmodi votum locum habebit tantummodo in postulationibus circa meritum causae, non item vero circa accessoria, seu incidentia.*

*Novo elapso termino, Collegium suam definitivam sententiam proferet, etiamsi alterutra contendentium pars, ea quae praestare debet, omiserit.*

*14. Summarium cuiusque Decisionis per Secretarium utrique contendentium parti, vel earum Procuratori, in domici-*

loro procuratori nel domicilio eletto: sarà anche affisso nella Segreteria, e nel partecipare ad essi l'estratto, il Segretario enuncierà il giorno dell'affissione.

### *Dell' appello*

15. La parte che vorrà appellare, se la decisione sia appellabile, dovrà esibirne la dichiarazione sottoscritta da essa, o dal suo speciale Procuratore, al protocollo della Commissione, che ha pronunziato la decisione.

Le decisioni interlocutorie, o sopra domande incidentali non sono appellabili se non unitamente alla decisione definitiva sul merito, se, come e quando questa sia appellabile. Tali decisioni quantunque volontariamente eseguite non recano pregiudizio al merito della causa.

16. L'appello dovrà interpersi nel termine di sei mesi dal giorno dell'affissione dell'estratto nella Segreteria: scorso questo termine sarà perento il diritto di appellare.

17. Il Segretario entro trenta giorni dall'interposto appello dovrà trasmettere di ufficio a Presidente della Commissione di appello il fascicolo contenente le memorie delle parti, i documenti, e tutti

*lio quod unaquaque sibi elegit, exscriptum mittetur: adfigetur etiam in secretaria diemque affixionis Secretarius, dum Summarium iisdem contententibus exhibet, una denunciabit.*

### *De Appellatione.*

*15. Quae contententium pars appellare velit (si quidem lata sententia eiusmodi sit, quae appellationem admittat), declarationem a se, vel a suo Procuratore subsignatam exhibere debet apud regestum illius collegii qui sententiam dixerit.*

*Decisiones interlocutoriae, aut supra postulationibus circa incidentia appellationem non admittunt, nisi coniunctim cum Decisione definitiva super merito, quatenus, quomodo, et quando haec appellationem admittat. Huiusmodi autem Decisiones, quamvis sponte adimpletae merito causae haud efficiunt.*

*16. Appellatio intra sex menses a die, quo summarium Decisionis in Secretaria affixum fuit, interponenda est: quo elapso termino, appellandi ius peremptum erit.*

*17. Secretarius infra triginta dies ab interposita appellatione, Praesidi collegii apud quod appellatio facta est, fasciculum, quo libelli memoriales, partium documenta actusque omnes in collegio iudicum primi gradus confecti, contineantur, ex officio*

gli atti intervenuti in primo grado.

Questa trasmissione costituisce la prosecuzione dell'appello.

18. Presso la commissione di secondo grado si osserveranno le medesime regole sopra stabilite pel primo grado.

19. Quando compete un nuovo appello dovrà interpersi nei modi, e nei termini stabiliti nei §§. 15, 16 e nel resto si osserveranno in terzo grado le regole prescritte pel secondo.

20. Le decisioni emanate in terzo grado sono irrettrabili, e contro le medesime non compete alcun reclamo, neppure in via di nullità.

21. È data facoltà alle Commissioni di eseguire le loro decisioni col procedere, ove ne sia il caso all'esame dei testimonii ricevere giuramenti decisori, o suppletori, nominare periti, derogando per questa parte a quanto viene prescritto dal Regolamento giudiziario 10 novembre 1834, dall'Editto sul contenzioso amministrativo 25 luglio 1835, e da altre disposizioni relative.

*transmittet. Quae quidem transmissio Appellationis prosecutionem constituit.*

18. *Penes collegium secundi gradus eadem Regulae servabuntur, quae superius pro collegio primi gradus statutae sunt.*

19. *Quando appellationem iterare liceat, iisdem et modis et terminis ea interponenda erit, quae in paragraphis XV et XVI praescribuntur; quo vero ad cetera, servabuntur in tertio gradu eadem regulae, quae pro secundo constitutae sunt.*

20. *Sententiae in tertio gradu prolatae irrevocabiles sunt et adversus easdem non datur ulla appellatio, neque in viam nullitatis.*

21. *Collegiis Iudicum datur facultas suas sententias exequendi procedendo, si opus sit, ad examen testium, recipiendo iuramenta decretoria aut suppletoria, designando artis peritos, derogando, quoad hoc, iis omnibus, quae in Lege iudiciaria edita die X. Novembris anni MDCCCXXXIV. et in Edicto super negotiis contentiosis administrativis, dato die XXV Iulii ann. MDCCCXXXV. aliisque in statutis his similibus, praescribuntur.*



## EX S. CONGREGATIONE RITUUM

## DECRETUM

**Papien. confirmationis cultus ab immemorabili tempore praeservato  
servo dei SEVERINO BOETIO, philosopho martyri sancto nuncupato.**

Anicius Manlius Torquatus Severinus Boetius ex nobilissima inter Romanas Anicia familia progenitus, eximiae doctrinae laude floruit, sed multo magis Christianae pietatis studio extitit conspicuus. Divitiis affluens pauperes ac miseros liberalitate et benevolentia impense iuvat, philosophica et mathematica studia summopere coluit, theologicis quoque animum applicuit, de quibus disciplinis egregia etiam edidit volumina. Quum tot tamque insignia virtutis et ingenii argumenta prae buisset, primum a Theodorico Gothorum Rege, qui tum Italiae sortes moderabatur, in Senatorum Collegium cooptatus, dein ad supremum consulatus honorem evectus est. Hisce autem auctus honoribus Severinus Boetius, haud neglecto, quo fungebatur, munere reipublicae gubernandae, curas omnes ad bonum Ecclesiae procurandum potissimum convertit. Quare Theodoricus tanti Viri praestantiam demiratus, eum singularis benevolentiae et aestimationis signis complecti non destitit. Verum quum Iustini senioris Imperatoris opera, res catholica in Ariarum perniciem refloresceret, Rex Theodoricus qui eosque Catholicos humanissime tractaverat ratus regnum suum haud stabile fore nisi Catholicam Religionem ulterius promoveret, et iustitiam in tuto collocaret, acerrimus, uti erat, Arianae haeresis sectator, ira efferbuit, et Catholicam Fidem subdolis artibus insectandam sibi proposuit. Idcirco tres praecipuos Catholici nominis proceres perdere deliberavit, nempe Ioannem primum Summum Pontificem, Symmachum Patricium et Severinum Boetium Consulem; his enim de medio sublatis, reliquos Catholicae Fidei cultores animo facile deiectionem iri arbitrabatur. Hinc regis imperio Ioannes Summus Pontifex comprehensus et Ravennam ductus, ibi in teterrimo carcere inedia aliisque aerumnis confectus obiit; Symmachus autem

capite plexus est; et demum Severinus Boetius Ticinum deportatus ac in turri oclusus, gladio percussus occubuit. Eius vero corpus, veritus iniquus Rex ne illi a Catholicis cultus exhiberetur, uti Martyri, clam tumulari praecepit. At paulo post Theodorico e vis erepto, cives Ticinenses corpus Severini Boetii in Basilicam Beato Petro Apostolorum Principi dicatam, et nomine ad caelum aureum distinctam transferre, et honorifico sepulchro condere curarunt. Exinde sacras hasce exuvias, non secus ac Martyris, Catholici venerari ceperunt; proindeque cultum Severino exhibitum ab eius obitu originem duxisse ex probatissimis monumentis satis evincitur.

Haec quidem iure meritoque permoverunt Ticinenses cives aliosque plurimos, praesertim doctrina praestantes, ut huiusmodi cultus, ob eam, quam praefert, nobilitatem insignemque vetustatem, ab Apostolica Sede confirmatio postularetur. Quibus tandem votis obsecundare maxime cupiens hodiernus Ticinensis Episcopus ordinaria potestate constructis processualibus tabulis de immemorabili eodem cultu affirmativam iuridicam sententiam dicere minime dubitavit, eamque supremae Apostolicae Sedis iudicio de more subiecit. Hinc postquam ea, quae a sa. me. Urbani Papae VIII constitutione sancita sunt, rite praestita fuere, in Ordinariis Sacrorum Rituum Congregationis comitiis subsignata die penes Vaticanas Aedes habitis, Emus et Rmus Dominus Cardinalis Lucidus Parocchi, Causae huius relator, sequens proposuit Dubium: *« An sententia lata a Reverendissimo Domino Episcopo Papiensi sit confirmanda in casu, et ad effectum de quo agitur? »*

Eminentissimi porro et Reverendissimi Patres sacris tuendis Ritibus praepositi, omnibus accurato examine perpensis, auditoque voce et scripto R. P. D. Augustino Caprara, sanctae Fidei promotore, rescribendum censuerunt: *Affirmative, seu sententiam esse confirmandam.* Die 15 Decembris 1883.

Facta postmodum de praemissis per infrascriptum Secretarium Sanctissimo Domino Nostro Leoni Papae XIII fideli relatione, Sanctitas Sua rescriptum Sacrae ipsius Congregationis ratum habuit et confirmavit die iisdem Mense et Anno.

D. CARD. BARTOLINIUS S. R. C. PRAELECTUS.

L. ✕ S.

LAURENTIUS SALVATI S. R. C. Secretarius.



# EX SACRA CONGREGATIONE INDULGENTIARUM

## DECRETUM

quo dies determinantur, quibus Chordigeri recipere queunt absolutionem generalem et benedictionem papalem.

B. Pater,

Quum Sacra Congregatio Indulgentiis Sacrisque Reliquiis prae-posita Decreto dato 22 Martii 1879, a SSmo Dño Nostro Leone Papa XIII approbato, constituerit Chordigeris loco Absolutionis generalis dari solitae alumnis nonnullorum Ordinum vere Regularium, Plenariam Indulgentiam esse concedendam quater in anno diebus a Summo Pontefice designandis et pro communicatione bonorum operum cum Sodalibus Tertii Ordinis S. Francisci Assisiensis pariter quater in anno. Papalis vero Benedictionis privilegium semel in anno tantum, Praeses Generalis pii operis, a S. Francisco Salesio nomen habentis, supplex adit Sanctitatem Vestram, ut dies, quibus praefati Chordigeri, quorum plurimi adnumerantur inter Sodales praedicti pii Operis S. Francisci Salesii, gaudere possunt plenaria Indulgentia loco Absolutionis generalis, nec non privilegio Benedictionis Papalis clementer designare dignetur.

Quam gratiam, etc.

Sanctissimus Dñus Noster Leo Papa XIII in Audientia habita die 26 Maii 1883 ab infrascripto Substituto Secretariae S. Congregationis Indulgentiis Sacrisque Reliquiis praepositae, benigne indul- sit ut Chordigeri praefata Indulgentia, necnon communicatione bo- norum operum elargienda iuxta formulam praescriptam ab hac S. Congregatione Indulgentiarum decreto diei 25 Februarii 1739 incipiendo ab iis verbis: „Communicamus vobis, Fratres, orationes, ieiunia, etc., „ gaudere valeant diebus festis S. Francisci Assisiensis, S. Clarae Virginis, S. Antonii Patavini et SS. Stigmatum, S. Pa- tris Francisci; privilegio autem Benedictionis, nomine Summi Pon- tificis elargiendae in festo Immaculatae Conceptionis B. Mariae Virginis, dummodo vere poenitentes, confessi ac S. Communione refecti per aliquod temporis spatium iuxta mentem Sanctitatis Suae pie oraverint. Praesenti *in perpetuum* valituro absque ulla Brevis expeditione. Contrariis quibuscumque non obstantibus. Datum Romae ex Secretaria eiusdem Sac. Cong. Die 26 Maii 1883

AL. CARD. OREGLIA A S. STEPHANO, PRAELECTUS.

IOSEPH M. CAN. COSELLI, *Substitutus*.

## EX AEDIBUS VATICANIS

LITTERAE E<sup>m</sup>i Cardinalis Ludovici Iacobini Secretarii Status ad Apostolicos Nuntios de nuperrima sententia civilium Tribunalium quoad bonorum S. C. de Propaganda Fide conversionem.

*Ill<sup>mo</sup> e R<sup>mo</sup> Signore.*

*Praeclarissime Praesul.*

Dai pubblici fogli V. S. Ill<sup>ma</sup> e R<sup>ma</sup> avrà appreso certamente la notizia della sentenza definitiva pronunciata da questa Corte di Cassazione, colla quale si dichiara la sacra Congregazione di *Propaganda Fide* soggetta alla legge della conversione dei suoi beni immobili.

Non posso quindi dispensarmi dal manifestare a V. S. le considerazioni gravissime che ispira questo nuovo attentato alla dignità ed alla libertà d'azione della S. Sede, di cui la Propaganda rappresenta il più nobile ed efficace mezzo per la propagazione della fede, e con essa, della civiltà.

L'origine e la natura di questa venerabile istituzione rende manifesto come la sentenza di spogliazione pronunciata contro la medesima colpisca direttamente il Papato nella sua azione apostolica, e nell'uso dei mezzi che a quella si attengono.

Dai documenti della sua fondazione si rileva chiaramente averla i Romani Pontefici, fra i quali primeggiano Gregorio XV ed Urbano VIII, considerata come una emanazione del loro *Supremo Ministero Apostolico*: doversi perciò la

*Per publicas ephemerides te iam cognovisse certissime arbitror de sententia a supremo Consilio causis rerum iudicatarum dirimendis, Romae constituto, nuper lata; qua sacra Congregatio christianae Fidei propagandae prae-posita, bonorum, quae possidet, immobilium conversioni, ut aiunt, et ipsa subiacere decernitur.*

*Equidem operae pretium duco ac prorsus necessarium eos tibi mentis cogitatus exponere, quos suggerit hic tam novus, quam impudens Italici Gubernii ausus contra dignitatem libertatemque Sedis Apostolicae, cuius eadem Congregatio, maxime omnium nobile atque praeclarum instrumentum est ac subsidium ad Fidem Christianam propagandam, gentesque civilibus moribus informandas.*

*Huius venerabilis institutionis origo et natura apprimè demonstrat, quam haec expoliationis sententia, contra eam lata s. Petri Sedem recta percussat, eiusque Apostolicam actionem praepediat, quominus mediis, quae ad ipsam referuntur, ut par est, utatur. Et documentis insuper suae foundationis manifeste patet, Romanos Pontifices, inter quos, et quidem praecipue, Gregorium XV et Urbanum VIII arbitratos fuisse eandem congregationem quamdam supremi sui ministerii Apostolici emanationem; ac proinde*

Propaganda tenere in conto d'istituzione eminentemente cosmopolita nell'orbita della sua azione: suo scopo finale essere la propagazione della fede, cioè della verità: i mezzi a lei largamente donati dovere esser indiritti, secondo la volontà dei pii donatori, al conseguimento di tal fine: e quindi il suo patrimonio appartenere alla grande famiglia cattolica.

Dalle quali considerazioni è agevole l'inferirne, che la Propaganda rappresenta la più splendida e la più efficace creazione del Papato, per aver pronti e per mettere in opera i mezzi principali volti a compiere la sua missione divina di propagare la fede e la civiltà fra tutte le genti.

In qual guisa la Propaganda abbia corrisposto a tale destinazione, lo attestano gli Annali delle sue missioni, i quali hanno registrati i prodigi operati dall'Apostolato cattolico dal Thibet alla Scandinavia, dall'Islanda alla Cina, e principalmente nelle due Indie.

Gli scrittori, anche eterodossi, hanno riconosciuto che l'azione assimilatrice, la quale partendo da questo centro s'irradia sulle più remote regioni, ha prodotto ovunque le pacifiche conquiste della religione e dell'incivilimento.

E qui, a maggiormente constatare il carattere universale della Propaganda, vuolsi rilevare che i Romani Pontefici non solamente scorsero con questa istituzione alla conversione dei pagani, ma altresì a fare rifiorire quelle Cristianità che lo scisma di Fozio e l'errore avevano miseramente corrotte.

*habendam esse (intra suae actionis confinia) tamquam institutionem eminenter cosmopolitam; eius tandem institutum esse Fidei seu christianae veritatis propagationem; media, quae ei large attributa sunt, ad hunc finem obtinendum adhibenda esse, iuxta piorum fidelium largientium voluntatem; ac ideo eius patrimonium ad universam familiam catholicam pertinere.*

*Ex his quae hactenus exposui facile est deducere, Congregationem, cui a Christiana Fide Propaganda nomen est, divinam Romani Pontificatus constitutionem sublimiori atque efficaciori modo quam plerasque alias id generis institutiones, praesertere, quod ipsi suppetant ea media, quae in primis valida atque idonea iure existimantur ad missionem rite complendam eidem Romano Pontificatui divinitus traditam, Fidei Christianae in omnes nationes propagandae, easque civilibus moribus informandi.*

*Quam vero satis superque eadem Congregatio huic divino mandato continenter satisfecerit, id sacrarum Missionum annales testantur, qui prodigia referunt per Evangelii praecones patrata in Tibetam, in Scandinavia, in Thule, in Sinis, aliisque regionibus permultis; praesertim vero in utrisque Indiis.*

*Ipsimet scriptores heterodoxi saepe numero testati sunt, vtoam ac praepotentem actionem, quae a romana Ecclesia tamquam e centro ad plagas usque remotissimas se extendit, pedetentim ac pacifice barbaras plerasque nationes religiosas civilesque effecisse.*

*Sed hic quo melius patefiat natura eiusdem Congregationis a propaganda fide erga omnes mundi nationes, iuvat sedulo observare, Romanos Pontifices per hanc maximam institutionem non elaborasse solummodo ut barbaras*

Di che basti rammentare la generosa dotazione del Cardinale Antonio Barberini, il quale volle fondarvi dodici posti per Georgiani, Persi, Melchiti e Copti, sette per Etiopi e sei per Indiani e Armeni.

Or bene, una Istituzione di tal natura - che nella sua origine, nella sua indole, nella sua azione, nel suo patrimonio e nella sua storia - si appalesa essenzialmente universale e cosmopolita - si pretende sottoporre alle leggi particolari d'un governo, al giudizio d'un tribunale locale, che dichiarandola incapace di possedere giuridicamente, la spoglia delle sue proprietà.

Non bastava pertanto l'aver costretto la Propaganda a trascinarsi lungamente dinanzi ai tribunali ed a subire i gravissimi carichi di una lite dispendiosa. Non bastava l'averla assoggettata al pagamento di enormi tasse, che assorbiscono pressochè la quinta parte dei suoi redditi annui, sottratti con ciò alla loro salutare destinazione. A nulla valsero gli uffizii benevoli di personaggi: a nulla approdaroni i tentativi di rendere men dura la sua situazione giuridica ed economica: non si tenne alcun conto degli irrefragabili argomenti allegati nelle sentenze a lei favorevoli, dettate in altre sedi di giudizio, e che meritavano l'approvazione di tutti gli onesti: la stessa volontà formale di un augusto personaggio non fu rispettata oltre là tomba! Si direbbe quasi che una forza occulta aveva decretato la spogliazione della Propaganda, appunto perchè essa è l'incarnazione più splendida del

*regiones Fidei christianae subicerent, sed etiam ut iam Christianae nationes, quas Orientale schisma et haeresis in adeo miseram, qua versarentur, conditionem redegerat, reflorent. Satis heic sit eximiam et largam dotis largitionem ab Eminentissimo Antonio Barberinio factam meminisse qui duodecim annui redditus assignationes peregit pro Georgianis Persis, Melchitis et Costis; septem pro Europaeis, sex demum pro Indis et Armenis.*

*Iam vero huiusmodi institutio quae ratione suae originis, suae constitutionis, suae actionis, sui patrimonii, suaeque historiae formam exhibet naturam ipsam universalem, cosmopolitam; ea est quae modo Gubernii legibus peculiariibus ac Tribunalis localis iudicio subiaci attentatur; quod quidem eam ad iuridice possidendum inhabilem decernens, iis quae ipsa possidet expoliat.*

*Nec satis erat Congregationem propagandae christianae fidei institutam adegisse ut se raperet de tribunali ad tribunal, et gravia litis iudicisque onerosi impendia subiret. Item satis non fuit immanibus eam vectigalibus solvendis subiicere, quae ferme quintam reddituum partem absorbant, beneficentiae videlicet operibus, quibus destinata erat, subtractam.*

*Nulla ratio habita est bonorum officiorum, quae per praeclarissimos viros praestita sunt: conatus omnes ad eiusdem conditionem cum civilem, tum oeconomicam tolerabiliorem reddendam, fuit omnino atque supervacui cessarunt; flocci habita sunt argumenta invictissima exhibita in sententiis eidem favorabilibus, ac honestis profecto quibusque viris comprobatis, nulla demum reverentia habita expressae defuncti Viri praeclarissimi voluntati. Ferme dicere cogemur, vim quamdam occul-*

Papato: e che dinanzi alla prepotenza di quella forza hanno dovuto spuntarsi tutti gli argomenti del diritto e della convenienza, hanno dovuto piegare tutte le rimozioni.

Ad affievolire il valore delle precedenti considerazioni, ed a scemare la responsabilità di così odiosa spogliazione, si vuol far credere che la Propaganda non ritrarrà alcun danno dalla applicazione della legge sulla conversione dei suoi beni immobili, dovendosi l'importo delle proprietà alienate rappresentare da altrettanta Rendita dello Stato, iscritta a suo favore, e potendo inoltre essa aumentare per l'avvenire il suo patrimonio coll'accettazione di nuovi cospicui lasciti. — Peraltro, a dileguare codesti sofismi, è ovvio, innanzi tutto, l'osservare, che interdicensi alla Propaganda il diritto di proprietà, la sua condizione giuridica si dichiara inferiore a quella di qualsiasi cittadino. Che se il diritto di proprietà garantisce l'autonomia e la rispettabilità degli enti riuniti nel civile consorzio, quale oltraggio non si infligge alla Propaganda, col dichiararla inabile a possedere, e col renderla dipendente da un'altra istituzione, che a lei, semplice usufruttaria, e come per limosina, paga un reddito semestrale?

Ma prescindendo da questi riflessi di *ordine morale*, è contrario al vero, che la *condizione economica* della Propaganda non abbia a subire alcun danno dalla legge di conversione.

A quali condizioni sarebbe posta la Propaganda, se la rendita fosse

*tam ideo expoliationem Congregationis a propaganda christiana Fide decrevisse, quod ipsa sit omnium maxime illustris Romani Pontificatus manifestatio; contraque huius extraneae vis potentiam inutiles omnino fore quotquot tum iuris tum aequitatis, quae adduci possint, rationes; supervacuae omnes animadversiones.*

*Ad vim minuendam earum rationum, quas ante protuli, attenuendamque tam invisae expoliationis sponsonem persuadere nituntur, Congregationem Fidei Christianae propagandae nullum ex conversione, ut aiunt, bonorum suorum immobilium, per legem decreta, detrimentum subituram, quum aequivalens pecuniae summa, quae direptis bonis scilicet respondeat, exhibenda eidem sit per schedam quae referat annui redditus titulum in magno Italici Regni libro, eiusdem Congregationis seu Collegii nomine, inscriptum; atque ipsimet sartum tectum ius sit proprii patrimonii augendi per legatorum, si quae deinceps contigerit, acceptationem.*

*Ad haec sophismata refutanda iuvat in primis animadvertere, interdico Congregationi, cui a propaganda christiana Fide nomen est, possidendi iure, iuridicam illius conditionem deteriore fieri, quam quae sit cuiusque civis. Siquidem verum est proprietatis ius tutam facere autonomiam dignitatemque tueri earum personarum, quae in hominum societate constitutae sunt, quam atrox iniuria est eandem congregationem iure ad possidendum inhabilem edicendo, atque eidem, tamquam alii superiori instituto subiectae, redditum sexto quoque mense solvere, ut qui usu rei tantum fructuque fruatur, et, aliqua etiam ratione, elemosynae titulo?*

*Sed ut praeteream has morales ordinis animadversiones, nec illud profecto verum est quod as-*

ridotta, o se ne sospendesse del tutto il pagamento, come è accaduto in altri Stati? Chi potrebbe assicurare che essa verrebbe esattamente ed integralmente pagata nell'ipotesi di crisi finanziarie, di guerreschi avvenimenti, e di sinistre eventualità? Si è forse dimenticato che per sola ragione di *rappresaglia* fu sospeso per molti anni il pagamento delle pensioni ecclesiastiche, che gravavano i beni indeamati dal Governo Subalpino?

È poi della più alta importanza il rammentare, che la Propaganda per la sua condizione speciale e per soddisfare alle straordinarie esigenze della sua azione mondiale, è non di rado obbligata a disporre in parte anche dei suoi capitali, non essendo bastevoli al bisogno le rendite ordinarie. Così avvenne allorchè si dovette sovvenire nelle recenti carestie ai cristiani della Cina e del Tonchino, e quando fu d'uopo soccorrere con ingenti somme alle gravissime condizioni del Vicariato di Costantinopoli.

Oltre a ciò lo sviluppo sempre maggiore del Cattolicesimo fra gli infedeli, e la crescente facilità delle comunicazioni, reclamano la fondazione di nuovi centri di missioni, e con esse di seminari, di collegi, di università, di vicariati, di prefetture apostoliche; su di che basti il rammentare che sotto il glorioso pontificato di Leone XIII, già 18 nuovi Vicariati Apostolici furono eretti.

E fu per le accennate ragioni, ed a fine di meglio provvedere all'accresciuto movimento delle mis-

*seritur, Congregationis a propaganda christiana fide oeconomiam et ut aiunt, materialem conditionem, per bonorum eiusdem immobilium conversionem, salvam fore.*

*Quid erit de s. Congregatione cum huius annui redditus imminuti fuerint aut eorum solutio intercepta ac prorsus suspensa, quemadmodum in quibusdam aliis regionibus evenisse constat? Quis spondere poterit eosdem annuos redditus si fides publica periclitetur, aerariumve deficiat; aut immineat anticipiti fortuna bellum, aut denique quodvis aliud infortunium forte contingat, accurate atque integre solutum iri? Num e memoria excidit, nuper uno clarigationis nomine ac praetextu, ecclesiasticarum pensionum provenientium ex bonis, quae aerario publico adiudicata fuerant, solutiones a Gubernio subalpino suspensas dilatasque fuisse?*

*Praeterea maximi momenti est hic meminisse, Congregationem propagandae christianae Fidei, ratione ipsa specialis suae conditionis, et ut subveniat necessitatibus extraordinariis, quas eius actio, ut ita dicam mundialis, profecto amplectitur, cogi saepe ad ipsa capita distrahenda, deque sorte sua aliqua ex parte disponendum; quum ordinarii redditus, quibusdam in adiunctis, impares necessitati sint: quod quidem contigit, exempli gratia, cum nuper annonae inopia christianos Sinarum et Tunki-populos vehementer afflixit: item cum gravissimis calamitatibus Vicariatus Apostolici Constantinopolitani, immensi pecuniae summa collata, opem ferre necesse fuit.*

*Insuper Catholicae Religionis inter Infideles explicatio, et communicationum cum exteris quibusque gentibus facilitas continenter excrescens, novarum Missionum sacrarum foundationem exigunt; ac proinde etiam Seminariorum,*





sta al controllo governativo, il quale toglierà ad esame il suo stato economico, l'impiego fatto delle sue rendite, e l'andamento della sua amministrazione! Ecco a quale prezzo di nuove umiliazioni dovrebbsi implorare il permesso di adire una eredità e di accettare un legato! Che se non si ritenesse necessario di concedere l'autorizzazione governativa, il disposto della legge diverrebbe illusorio, e la Propaganda si vedrebbe esposta ad un rifiuto non meno indecoroso che pregiudizievole.

Nell'ipotesi poi più benigna che si accordasse l'impetrata facoltà, i nuovi capitali dovrebbero convertirsi in rendita dello Stato e quindi anch'essi correrebbero tutti i pericoli sopra enumerati.

Questi evidenti argomenti fanno comprendere facilmente quale giudizio debba portarsi su certi sofismi escogitati nell'intento di attenuare il valore di una sentenza condannata dalla comune riprovazione.

Valendosi delle precedenti considerazioni la S. V. richiamerà l'attenzione del signor Ministro degli affari esteri sopra la gravità particolare di questo ulteriore attentato ai diritti della Santa Sede; all'esercizio del potere del Pontefice, al libero uso dei mezzi necessari per la propagazione della fede. Da queste violazioni trarrà Ella nuovo argomento per far comprendere i molteplici oltraggi e le vessazioni che rendono ogni giorno più penosa e trepida la situazione del Supremo Capo della Chiesa. Che se ragioni di altissimo ordine ed influenze rispettabili non hanno po-

*probare volet, utrum conditiones oeconomicae, in quibus Congregatio eadem versatur re ipsa eiusmodi sint, ut hoc patrimonii augmentum provocent atque exigant.*

*En eadem Congregatio Italici Gubernii inspectioni subiecta; quod quidem sibi ius reservabit statum illius oeconomicum, usumque reddituum, administrationis denique rationem ac processum inquirendi. En cuius novae deiectionis pretio Congregatio ipsa, Legati alicuius aut donationis cuiuslibet excipiendae facultatem implorare debebit; quam si forte denegari contingat, quod ea non expedire iudicetur, legis statuta illusoria forent, Congregatio cui nomen est a propaganda christiana Fide, repulsam tam iniquamquam uam incommodam patietur.*

*Sed etsi ea permissio concedatur (ut quod extremum est paulisper admittam), novum patrimonium in aerarii publici redditus converti deberet, omniaque pericula supra exposita profecto subire.*

*Hae rationes omnes, quae adeo manifestè evidentia fulgent, facile demonstrant, quanti faciendae sint ea sophismata, quae producuntur ad imminuendam sententiae vim, opinione publica iam reprobatae.*

*His animadversionibus innixa Amplitudo tua curabit ut iste Minister ab exteris negociis attentionem serat super gravitate huius novi ausus Italici Regiminis contra S. Sedis iura, contra Pontificiae potestatis exercitium, liberumque mediorum usum, quae Fidei Christianae propagationi sunt omnino necessaria.*

*Item ex hac iurium violatione eadem Amplitudo tua occasionem captabit ut iniurias vexationesque per plurimas ostendat atque enarret, quae quidem Romani Pontificis conditionem quotidie difficiliorem intolerabilioremque reddunt.*

*Si quidem praecipuae supremi*

sioni, che il Pontefice Pio IX di sa: me: decretò di stabilire una Congregazione speciale della Propaganda per gli affari di Rito orientale con apposita Segreteria.

Avvertasi infine che nella Propaganda hassi a ravvisare non solamente il centro principale delle missioni, ma altresì una istituzione educativa e scientifica di primo ordine; in cui fiorisce un collegio di oltre a cento alunni colle relative cattedre di letteratura, di filosofia, di teologia, e di linguistica; e che possiede una ricchissima biblioteca, un museo assai pregevole ed una tipografia poliglotta.

Che se la Propaganda per sopperire alle ingenti spese richieste per tanti titoli è stata qualche volta obbligata a disporre di una parte de suoi capitali, la Provvidenza e la pietà dei fedeli non sono venute meno giammai a rifornire largamente il suo patrimonio.

Si cerca di opporre che la legge di conversione non impedisce alla Propaganda di aumentare il suo asse colla accessione di nuovi lasciti. Sia pure: ma ciò le viene consentito alla condizione che il governo l'autorizzi ad accettare ulteriori capitali. Siffatta condizione è innanzi tutto sommamente umiliante per un'istituzione di tale natura, la quale viene astretta a mendicare dall'altrui consenso i suoi mezzi di sussistenza. Il governo poi prima di concedere tale autorizzazione vorrà verificare se le condizioni economiche della Propaganda siano tali da richiedere l'aumento del suo patrimonio. E così la Propaganda sarà sottopo-

*Collegiorum, Universitatum, Vicariatum, Praefectoratum denique apostolicorum constitutionem. Sufficiat hic meminisse, Leone XIII Pontifice, duos deviginti Vicariatus Apostolicos erectos fuisse.*

*His rationibus permotus Pontifex S. M. Pius IX, ut harum sacrarum Missionum progressui consuleret, specialem Congregnem pro negotiis Orientalis ritus agendis cum proprio Secretario destinavit.*

*Denique animadvertere iuvat Congregationem hanc non esse tantummodo dirigendarum Sacrarum Missionum praecipuum centrum, sed maximam in primis institutionem educationi et scientiae comparandae tradendaeque; quae quidem Collegium possidet centum eoque amplius alumnorum cum plerisque literarum, Philosophiae, Theologiae ac Philologiae Cathedralis: Bibliotheca pretiosissimis libris referta; Musaeo perretusto, et Officina demum libraria poliglotta.*

*Si quidem Congregatio Christianae Fidei propagandae praeposita, ut immania dispendia his omnibus agendis necessaria sustineret, fuit saepe numero coacta distrahere partem sortis, divina Providentia, Fideliumque pietas illius patrimonium iterum opibus augere numquam destiterunt.*

*Obiicitur: conversionis, ut aiunt, lex Congregationem Collegiumque propagandae christianae Fidei nequaquam impedit, quominus novis legatis excipiendis suum asem augeant. Esto; sed ista facultas eidem non fiet nisi adiecta conditione, ut Italici Gubernii specialis concessio intercedat: quae quidem conditio nimis abiecta est atque indecora huiusmodi naturae institutioni, quae cogeret enim subsistentiae suae media atque adminicula ab aliis mendicare. Dein civile gubernium antequam eandem facultatem concedat, profecto inspicere et com-*

sta al controllo governativo, il quale toglierà ad esame il suo stato economico, l'impiego fatto delle sue rendite, e l'andamento della sua amministrazione! Ecco a quale prezzo di nuove umiliazioni dovrebbero implorare il permesso di adire una eredità e di accettare un legato! Che se non si ritenesse necessario di concedere l'autorizzazione governativa, il disposto della legge diverrebbe illusorio, e la Propaganda si vedrebbe esposta ad un rifiuto non meno indecoroso che pregiudizievole.

Nell'ipotesi poi più benigna che si accordasse l'impetrata facoltà, i nuovi capitali dovrebbero convertirsi in rendita dello Stato e quindi anch'essi correrebbero tutti i pericoli sopra enumerati.

Questi evidenti argomenti fanno comprendere facilmente quale giudizio debba portarsi su certi sofismi escogitati nell'intento di attenuare il valore di una sentenza condannata dalla comune riprovazione.

Valendosi delle precedenti considerazioni la S. V. richiamerà l'attenzione del signor Ministro degli affari esteri sopra la gravità particolare di questo ulteriore attentato ai diritti della Santa Sede; all'esercizio del potere del Pontefice, al libero uso dei mezzi necessari per la propagazione della fede. Da queste violazioni trarrà Ella nuovo argomento per far comprendere i molteplici oltraggi e le vessazioni che rendono ogni giorno più penosa e trepida la situazione del Supremo Capo della Chiesa. Che se ragioni di altissimo ordine ed influenze rispettabili non hanno po-

*probare volet, utrum conditiones oeconomicae, in quibus Congregatio eadem versatur re ipsa eiusmodi sint, ut hoc patrimonii augmentum provocent atque exigant.*

*En eadem Congregatio Italici Gubernii inspectioni subiecta; quod quidem sibi ius reservabit statum illius oeconomicum, usumque reddituum, administrationis denique rationem ac processum inquirendi. En cuius novae deiectionis pretio Congregatio ipsa, Legati alicuius aut donationis cuiuslibet excipiendae facultatem implorare debet; quam si forte denegari contingat, quod ea non expedire iudicetur, legis statuta illusoria forent, Congregatio cui nomen est a propaganda christiana Fide, repulsam tam inquamquam incommodam patietur.*

*Sed etsi ea permissio concedatur (ut quod extremum est paulisper admittam), novum patrimonium in aerarii publici redditus converti deberet, omniaque pericula supra exposita profecto subire.*

*Hae rationes omnes, quae adeo manifestā evidentia fulgent, facile demonstrant, quanti faciendae sint ea sophismata, quae producuntur ad imminuendam sententiae vim, opinione publica iam reprobatae.*

*His animadversionibus innixa Amplitudo tua curabit ut iste Minister ab exteris negotiis attentionem ferat super gravitate huius novi ausus Italici Regiminis contra S. Sedis iura, contra Pontificiae potestatis exercitium, liberumque mediorum usum, quae Fidei Christianae propagationi sunt omnino necessaria.*

*Item ex hac iurium violatione eadem Amplitudo tua occasionem captabit ut iniurias vexationesque per plurimas ostendat atque enarret, quae quidem Romani Pontificis conditionem quotidie difficiliorem intolerabilioremque reddunt.*

*Si quidem praecipuae supremi*

tuto valere ad impedire una sentenza di non minore ingiuria che danno pel Papato, e giudicata dai più savî di ogni partito sommanente impolitica, è purtroppo a temere che l'audacia ed i disegni della rivoluzione s'impongano sempre maggiormente e riducano il Sommo Pontefice a durissime strettezze.

Si ha pertanto fiducia che dietro riflessi di sì grave momento il governo presso cui Ella è accreditato vorrà efficacemente interessarsi a favore di un'Istituzione, che forma la gloria precipua del Papato e del mondo cattolico, e vorrà maturamente ponderare se possa ulteriormente tollerarsi che il Sommo Pontefice sia fatto segno a tali spogliazioni e violenze, che gli rendono sommamente difficile, se non impossibile, di compiere la sua spirituale missione.

La S. V. darà lettura e lascerà copia di questo mio dispaccio al signor ministro degli affari esteri.

Con sensi della più distinta stima passo a confermarmi.

Roma, 10 febbraio 1884.

Di V. S. Ill<sup>ma</sup> e R<sup>ma</sup>.

Servitore

*ordinis rationes, si officia studiaque Virorum maxime spectandorum, sententiam Romano Pontifici adeo iniuriosam perniciosamque, atque ab omnibus cordatis quibusque viris habitam tamquam ipsi rei publicae gerendae rationi repugnantem, impedire nequaquam potuerunt, iure heu! timendum est, perduellium audaciam consiliaque fore ut quotidie vi imperioque excrescant, atque supremum Ecclesiae Catholicae Pontificem ad teterrimas angustias adducant.*

*Hae tanti momenti rationes in spem adducunt fore ut supremi istic rei publicae administratores, penes quos Legati munere Amplitudo tua fungitur, animo benevolentis curam et patrocinium suscipiant Institutionis, quae unum constituit e praecipuis Romani Pontificatus atque Ecclesiae Catholicae ornamentis: ac serio considerent, utrum tolerari deceat ac possit, quum res ita se habeant, ut Romanus Pontifex his similibusque violentis et direptionibus sit quotidie expositus, quae ipsi supra modum difficile, ne dicam impossibile reddunt suae divinae Missionis complementum.*

*Harum literarum lectionem et exemplar Administro ab exteris negociis Amplitudo tua exhibeat.*

*Meae erga Amplitudinem tuam existimationis testimonium confirmo.*

*Romae 10 Februarii 1884.*

# EX S. CONGREGATIONE CONCILII

CRACOVIEN.

IURIUM CANONICALIUM

*Die 1 Decembris 1883.*

COMPENDIUM FACTI. Iosephus Pelczar, et Stanislaus Spis Canonici Cracoviensis Capituli simulque Theologiae Professores in Universitate die 7 Decembris 1881 S. C. C. haec exposuerunt :

« Vi conventionis inter Sedem Apostolicam et regimen regni Poloniae, anno 1818 initae, quatuor Canonicatus in illustri Capitulo cracoviensi pro todidem professoribus munus docendi in alma Universitate Iagiellonica explentibus in perpetuum destinati sunt, simulque ius praesentandi ad eosdem canonicatus ab Episcopo cracoviensi, qua ordinario collatore, memoratae Universitati traditum est. Canonici ab Universitate praesentati, qui vulgo *Canonici Academici* dicuntur, iisdem a principio iuribus ac alii gaudebant: quoad obligationes vero quaedam privilegia a Sancta Sede obtinuerunt, ut officiis suis facilius fungi possent. Posteriori tempore tum circa numerum canonicorum eorumque praebendas, tum circa iura Episcopi, difficultates sat graves exortae sunt; ad quas removendas Pontifices Gregorius XVI et Pius IX decreta reformationis Capituli cracoviensis, mediante Sacra Congregatione Consistoriali, annis 1838, 1851, 1859 ediderunt ».

« Ultimum decretum, a Sanctissimo Domino Pio P. IX sancitum die 10 Maii 1859 et hucusque obligans, numerum Praelatorum et Canonicorum determinat, iura officia-

que eorum exponit, singulas praebendas commemorat. In specie vero quoad Canonicos academicos statuit: - 1 ut sint quatuor, - 2 ut todidem habeant proprias praebendas quarum nomina sunt... - 3 ut possint obtinere simul beneficia curata iurispatronatus academici - 4 ut ad obsequia in Ecclesia cathedrali in tantum sint obligati, in quantum officiis parochialibus et munere docendi non fuerint impediti, hinc, ut Canonici academici beneficium curatum haud possidentes, saltem diebus dominicis et festivis choro intersint; dispensentur vero: *a*) a visitatione Ecclesiae Cathedralis diebus ferialibus, *b*) a turno septimanali, *c*) a praesentia in sessionibus capitularibus per hebdomadam haberi solitis. Cuius dispensationis haec erat potissimum ratio, quod usque ad recentissima tempora quatuor dumtaxat erant ordinarii professores in facultate theologica Cracoviensi, qui disciplinis tradendis occupati vix alia officia suscipere poterant, idque eo minus, quod ut plurimum cum canonice curatum beneficium iurispatronatus Academici possiderent ».

« Ast nunc mutata est facies rerum, nam numerus professorum Theologiae auctus est, onera vero eorum sunt imminuta; adeo ut, praeter officia muneris sui, ea quoque, quae Canonicis incumbunt, commode adimplere queant; praeterea cumulatio muneris professoris cum beneficio curato iam facta est impossibilis ».

« His perpensis, nos Canonici academici, paucis abhinc mensibus rite instituti et installati, nullum tamen beneficium curatum possidentes, illustri Capitulo exposuimus, renuntiare nos debere et velle dispensationi a Sancta Sede concessae, cuius ratio iam cessaverit, paratosque esse ad omnia Canonicorum officia implenda, imprimis ad visitationem quotidianam Ecclesiae cathedralis, ad turnum septimanalem, ad praesentiam in sessionibus consuetis et consequenter ad residentiam ».

Capitulum, quin oblatam operam exciperet, omnia iura petentibus abiudicavit; iudicavitque canonicos academicos,

utpote in decreto Pii IX nominatos tertio loco, ad canonicos gremiales non pertinere, omnibusque canonicis posponi, tum in sessionibus, tum in processionibus.

Qua de re duo oratores exposcebant ut s. Congregatio decerneret sese non amisisse iura omnia quae ab initio habebant; ita ut arceri nequeant si omnia canonicorum officia explere velint. Episcopus rogatus de sua sententia, audito capitulo, transmisit votum Capituli cui adhaerere declaravit. Adiecit autem etiam nunc munus Canonici et professoris conciliari non posse. Votum autem Capituli omnibus canonicorum academicorum petitionibus obstitit.

### Disceptatio Synoptica

IURA CAPITULI. Qui cracoviensis Capituli iura protutus est duplicem in partem allegationem suam divisit. In prima demonstrare curavit Canonicos academicos esse mere honorarios, vel supernumerarios, in altera adversariorum argumenta refutavit.

Horum Canonicorum itaque originem innuens retulit quod cracoviensis Universitas circa dimidium saeculi XV iuspatronatum super tres paroeciales Ecclesias assecuta, illas Professoribus sive actu exercentibus, sive emeritis, conferebat. Cum autem hi animarum curae vacare non possent, Coadiutoribus illam committebant; Paroeciae tamen reditus percipiebant, et honoris causa titulo Canonicorum honestabantur. Diebus vero festis ad Cathedralem accedebant, ut Choro tamquam Canonici honorarii adsisterent; quod ex monumentis tabularii Universitatis constare dixit.

Canonicos istos mere honorarios esse confirmavit ex Tractatu Vindobonensi anni 1815, in quo civilis potestas voluit, ut memorati Canonici conservarentur, imo et quartus additus fuit. Si enim ad Capituli gremium pertinuisent, inutile prorsus fuisset id statuere.

Quoad Bullam vero Pii VII anni 1815 *Ex imposita nobis* ad ecclesiastica Poloniae negotia componenda edita,



observavit, Summum Pontificem in ea decrevisse, ut in singulis Cathedralibus Regni Poloniae, suppresso prius, et immutato eorundem statu, unumquodque Capitulum ex duodecim tantum Canonicis, Dignitatibus etiam comprehensis, efformaretur. De Canonicis vero academicis cracoviensis Capituli nullam mentionem fecit. Quod omittendum haud erat si Summus Pontifex voluisset cracoviense Capitulum sexdecim Canonicis de gremio componi, comprehensis etiam quatuor academicis, nullâ canonicali praebendâ fruentibus: idque potiori ratione facere debuisset, quia cuiuscumque Cathedralis statum immutavit. Pontifex igitur hos Canonicos a Capituli gremio prorsus exclusit.

Cum Canonici de gremio nonnisi anno 1833 ad duodecim fuerint redacti, hinc Praesul qui Pontificis dispositionem antea exequi non poterat, eodem anno decretum edidit, quo de bonis omnibus Cathedralis duodecim praebendas fixas pro quatuor Dignitatibus et Canonicis constituit, ac optionem pro ea tantum vice permisit, eo quod nondum quisque determinatam unicuique praebendam assequi poterat. Reliqua vero bona pro quotidianis distributionibus assignavit. Quoniam autem Canonici de gremio etiam quibusdam villis cum domibus, titulo praestimonii cum iure optionis fruebantur, praestimonia huiusmodi atque optionis iura abolevit; et Capituli statum iuxta Pontificis mentem immutavit. Quoad Canonicos academicos vero nulla facta fuit mentio sive ad aliquod praestimonium consequendum, sive ad canonicalem praebendam optandam, ex quibus arguit Orator, ipsos ut mere honorarios ab Episcopo fuisse habitos.

Variae autem exarserunt controversiae in Capitulo, quibus consultum fuit per decretum Pii IX diei 10 Maii 1859, quo nedum confirmata fuit exhibita ordinatio ad divisionem bonorum capitularium, sed etiam indulta fuit Capitularibus de gremio facultas reformandi vetera aut nova conficiendi.

Sustinuit autem Orator plurima discrimina in illa ordinatione inter Canonicos qui tenentur ad quotidianum servi-

tium, et quatuor Academicos inveniri. Et re quidem vera Capitulum statuit quatuor Dignitates et octo Canonicos iuxta Bullam Pii VII anni 1818 ad obsequia Ecclesiae Cathedralis, et ad continuam residentiam teneri. Quoad Canonicos academicos voluit ut permanerent, *ad mentem constitutionis anteaetae Reipublicae Cracoviensis*, scilicet tamquam beneficiati Curati alterius Ecclesiae, et Canonici honorarii Cathedralis cum praebenda beneficii simplicis, qui propterea nonnisi diebus festis Choro interessent.

Voluit insuper ut assignata fixa praebenda quatuor Dignitatibus, octo Canonicis optio permetteretur, et denegavit academicis, quos vere honorarios habuit. Permisit tamen ut Episcopus posset *Canonicum Professore... de praebenda academica, ad Canonicatum collationis suae vacantem, et obsequiis quotidianis in Ecclesia Cathedrali oneratum transferre*, dimissa prius praebenda academica et parociali.

Statuit praeterea quod principalis cura divini cultus in Cathedrali duodecim Canonicis incumberet, Academici vero diebus festis *Choro interesse teneantur, atque in distributionibus aequa lance cum aliis Praelatis et Canonicis participabunt*, quod si beneficia curata possiderent, diebus festis officia parochialia exerceant, et tantum in solemnitate Corporis Christi, et s. Stanislai Episcopi cracoviensis *Choro interesse teneantur*. Ex quibus arguit Orator, huiusmodi distinctionem horum Canonicorum originem confirmare qui initio erant veri Parochi, et nonnisi ad honorem Canonici nuncupati fuerunt.

Aliud discrimen invenit in eo quod Academici ad sessiones capitulares accedere non deberent, quamvis diebus festis ad illas accedere possent, et observat id suae thesi haud obesse cum Canonici de gremio etiam extraneis vocem activam in sessionibus concedere possent, dummodo unanimiter id fiat; Reiffenst. *lib. 1 Decret. tit. 6 num. 161. Cap. Scriptum est 40 h. tit. de elect. Cap. Causam 8, et Quia propter tit. 2 h. tit.*

Tandem in eadem statutorum declaratione Capitulum *art. 4* edixit Canonicis academicis nullum ius esse ad domus et curias capitulares, quae veterum praestimoniorum partem efficiebant, sed illas conferendas esse *Praelatis et Canonicis ad continuam penes Ecclesiam Cathedralis residentiam, et ad quotidiana in eadem obsequia obstrictis.*

Allatis argumentis Patronus observantiam addidit ex fide procuratoris capituli Cathedralis. Libros autem praesentiarum, et actorum capitularium plenissimam in iudicio probationem facere dixit iuxta Canonistas omnes cum *Barbosa de Canon. et Dignit. Cap. 37 num. 28.* Quod si Canonici academici potiusquam honorarii, de gremio fuissent, nullam rationem assignari posse sustinuit, cur nunquam oneri celebrationis Missae solemnis diebus festis, et turno septimanali fuerint subiecti. Ideoque ex huc usque expositis hoc unum consequi tuetur, nempe Canonicos academicos nonnisi honorarios, vel ad summum supernumerarios dicendos esse, ac praebendam illis ab Episcopo statutam, simplex beneficium constituere cum paroeciali compatibile.

Ad alterum suae allegationis caput Patronus deveniens adversariorum argumenta refutare nisus est, inquit: perperam eos ad sua iura vindicanda afferre Decretum Consistoriale anni 1838, in quo iuxta eos inter Canonicos academicos, et reliquos nullum discrimen, nisi quoad praebendas statuitur. Siquidem in alio Decreto eiusdem Congregationis anni 1859 dicitur « iam revocatum abrogatumque fuisse Decretum illud, quod per hanc S. C. Consistorialem sub die 12 Martij 1838 latum fuit, ad hoc negotium tunc temporis controversum aliquo modo componendum. »

Subdunt vero Decretum anni 1859 eos ab ordine Canonicorum de gremio non reiecisse, sed ab aliquibus canonicalibus oneribus dispensasse, dispensatio vero iura non tollit, secus rationem poenae haberet. Falsum esse Patronus contendit, ibi de mera dispensatione agi, etenim nedum contextus sed ipsa verba aliter sonat. Siquidem illo Decreto

ordinatio Capituli confirmatur. Iamvero illa ordinatio non solum ad observantiam antiqua statuta revocavit, et declaravit duodecim esse Canonicos ad obsequia praestanda et ad residentiam obstrictos, Canonicos vero Professores ad mentem Constitutionis anteaetae Reipublicae permanere, sed etiam statuit priores duodecim principaliter, et quatuor academicos secundario ad Chorum teneri: inde conclusit: academici « ad praesentiam tempore divinorum officiorum, » diebus ferialibus, et turnum septimanalem non obstrin- » gantur. » Statuit scilicet ipsos hoc onus non habere. At dixit, aliquem ab onere iam suscepto dispensare, et aliud esse declarare, eundem numquam fuisse subiectum.

Inepte pariter, ait, illos adducere Kalendarium Dioecesis anni 1831, 1840, 1850, in quo nonnulli Canonici academici, utpote seniores, reliquis antecedunt. Siquidem 1. usque ad annum 1831 nunquam id in Kalendario apparuit: 2. ab anno 1828 ad annum 1859 aliqua confusio ex academicorum causa in capitulo exorta fuit; 3. ex Apostolica auctoritate capitulum sua statuta magis declaravit. Accedit demum quod Episcopi illius Dioecesis declarationes illas approbarunt, et hodiernus Antistes academicorum petitionibus contradicit.

Quoniam vero eo quod voce fruuntur in Capitulo pro negotiis gravioris momenti, uti Canonici de gremio renunciari vellent, opponit Card. De Luca, qui in *disc. 19 num. 28 de Canonicis et Capit.* ait « habere votum in » Capitulo non facit Canonicum, quum de consuetudine » etiam simplices Presbyteri possint huiusmodi praerogati- » vam obtinere. »

Iniuriâ demum conclusit, academicos in dubium revocare valorem statutorum, quae anno 1860 Capitulum renovavit, vel declaravit, cum vi Decreti consistorialis id peregerit.

IURA CANONICORUM ACADEMICORUM. Horum orator totus in facto fuit ut revinceret incorporationem quatuor Canonicatum favore Universitatis antiquissimam esse, quippe

quae auctoritate Ioannis XXIII et Martini V cum plenitudine iuris, cum stallo in choro et loco in *Capitulo* praestituta fuit et a Delegato Apostolico anno 1422 executioni commissa, cuius decreto declaratur, professorem Sacerdotem ab Academia praesentatum recipi in *Canonicum et fratrem cum stallo in choro et voce in Capitulo, cum iuris plenitudine assignato*. Incorporationem hanc fuisse recognitam saeculo decimo quarto ab historiographo Deglosz, et ab Episcopis. Quin imo anno 1815 virtute peculiaris conventionis inter S. Sedem, et Regnum Poloniae praescriptum fuit, ut *quatuor in cracoviensi Capitulo Canonicatus prototidem Professoribus in Academia Jagellonica nuncupata exercentibus haberentur exclusive, perpetuoque destinata* - ac subinde constanter in ipsa S. Cong. Consist. an. 1858 et 59 incorporatio quatuor canonicatum favore Universitatis cracoviensis semper agnita fuit, nec ulla iurium Canonicalium derogatio tanto temporis decursu obvenit. Nec profecto quaestionem enatam fuisse Orator adurget nisi Capitulum, insciis interesse habentibus, nec audita Universitate veneranda patrona, provisionalia statuta confecisset, quae secularia iura et praerogativas de facto canonicis academicis ademerunt, etsi Articulus IX Decreti consist. prohibuisset ne contra ss. Canones, et Concilium Tridentinum statuta conficerentur, *ita quidem ut sacris canonibus, Apostolicis Constitutionibus, aut Tridentinae praesertim Synodo consentanea omnimode sint, neque ullatenus refragentur*.

Hisce aliisque ex historia praemissis, in duo capita Defensor divisit allegationem. In primo scilicet uti comperitissimum praemisit esse in iure, quod cum causa in petitorio deagatur omnis prorsus exulet difficultas ex turbido statu, qui controversiae originem dedit, praesertim cum antiqua erectio et prudens observatio cum iure comuni et inviolabilibus Canoniae principiis concordet. Observantia siquidem etsi difformis semper praevalere debet, nam observantia *etiam vario modo secuta remanet sub dispositione iuris communis*:  
*Rota Decis. 294 part. IV. tom 1*

Ad hunc nobiliorem titulum, theseosque criterium controversia circumscripta, animadvertit: pariter compertissimum esse in iure in quolibet Canoniatu duo intrinsecus distingui *canoniam* scilicet, et *praebendam*. Enimvero intuitu Canoniae in quolibet Canoniatu certa investito iura ita competere adursit, ut si ista denegentur Canonicus essentialibus requisitis canonicatus destituatur; praebendam vero, quae a privatorum placitis, et elargitionibus dependet, varie et diversimode dimetiri posse, ita ut pro maiori vel minori dote maius, minusve servitium assignari valeat. Imo, uti ait Bouix *de Capitul. Cap. 1. §. 3. Canoniam concipitur, et absolute subsistere potest absque praebenda*. Ex quibus colligitur prouti exponit Ceccoperius *Lubrationses Can. Lib. I. Cap. II. n. 18 aliud esse canoniam, et aliud praebendam, unamque ab altera non parum differre, quia Canoniam est ius habendi sedem in choro et vocem in Capitulo ex electione in fratrem - Praebenda vero ex se non habet sedem in choro*; Barbosa *de Canon. Cap. XII. n. 11*. Semel igitur ac quis in Canonicorum numerum est adlectus perfecte acquirit iura Canonicalia omnia, Felin. *in Cap. Ferrarien. num. 23 de Constitut. Fagnan. Cap. Dilectus de Praeb. etc.* Cum itaque, ait orator, spatio quinque saeculorum antiqui Canoniatu *Leskocoviensis, Karnisiensis, Krzeworensis, et Guniovens* iidem semper manserint, incontroversum est eosdem pristina iura ex canoniam derivantia haud amisisse, cum subinde nullam subierint abrogationem, et spatium quinque saeculorum favore Cracoviensis Universitatis supeditat *melio*rem titulum de mundo.

Hocce constituto principio, nullam limitationem, aut iurium abrogationem in propositis quaesitis demonstrare studuit. Sane vero quoad primum dubium extra controversiam positum esse, contendit, omnes videlicet Canonicos virtute ipsius canoniam gaudere stallo in choro, ita ut etiam qui minimo servitio ligantur quotidie intervenire possint, ceu ad rem S. C. C. statuit in *Romana 5. Iulii 1785*, ubi etiamsi

Canonicus Amidei quatuor vicibus per annum interesse deberet, proposito Dubio - *An Canonicus Amidei possit choro interesse aliis diebus praeter eos, qui a testatore praecipiantur* - *Affirmative* - respondit. Pariter incontroversum esse, ait, sive in iure sive in facto, eos, qui abes-  
sendi indultum obtinuerint, quoties interveniant, distribu-  
tiones inter praesentes percipere. Causam porro tenacis op-  
positionis Orator arguit esse repetendam a violatione ipsius  
Decreti consistorialis, quod praeservat in *Art. VII. n. 3.*,  
quosdam fundos, praesertim suppressam praebendam S. Geor-  
gii ut *cum suis redditibus ad mentem Concilii Tridentini  
Massae Capitulari pro augendis quotidianis distributioni-  
bus adiiciantur, et incorporentur.*

Nec, subiungit, in Canonicorum dispendium est verten-  
da gratia qua, iusta concurrente, ac durante causa Sum-  
mus Pontifex decreto Consistoriali eosdem ad quotidianam  
Visitationem turnumque hebdomadalem in Ecclesia Cath-  
edrali non obstrinxit - *non obstrigantur*: cum ista verba  
vinculum tollant, ac libertatem adeundi relinquunt. Prae-  
sertim cum in eodem contextu idem sonent ac dispensen-  
tur, hoc enim verbum adhibetur infra ubi a *praesentia  
quoque in consuetis sessionibus capitularibus dispensentur.*  
Unde ex hoc deduxit quod, seclusa dispensatione et finali  
causa, omnia Canonicatus munera adimplenda forent, cum  
dispensatio non sit *Iurium* abrogatio.

Quae porro antea impedimenta dispensationem suaserant  
in praesentiarum cessasse ostendit. Nullum enim impedi-  
mentum ex officio parochiali, quod nec habent Canonici, et  
lege Imperiali anni 1860 prohibetur cumulatio beneficii  
curati. Neque adest incompatibilitas ex parte muneris do-  
cendi, quia duplicatus est numerus Professorum; antea sci-  
licet anno 1859 quatuor, nunc octo s. Theologiam expla-  
nant, et horae praelectionum partim meridie, partim ho-  
ris pomeridianis habentur, ita ut insimul commode servi-  
tio choralis praesentes esse possint. Ad haec retulit, decla-  
rationem Canonicorum Academiae, qui fatentur se posse,

velle et in *conscientia debere* adesse in Ecclesia cathedrali, praesertim cum valde mite sit servitium, et anniversaria celebrentur pro defunctis Canonicis et persaepe pro defunctis Academicis. Ostendit insuper Episcopum nullam habere iurisdictionem in Universitate, sed tantum curare ut sana Doctrina theologica tradatur.

Quapropter, subiunxit Orator, non sunt eisdem pro personali servitio quotidianae distributiones, aliaeque obventiones denegandae, quae iampridem universo Capitulo, nemine excepto, pro huiusmodi officiis debebantur et speciatim praebenda s. Georgii erat designata pro augendis quotidianis distributionibus iuxta Concil. Trid. *Sess. 21 cap. 3. de ref.* Quotidianas porro distributiones *proprie illas esse quae in dies praestantur pro servitio*, ac labore mere personali, et *frequentius sunt illae, quae obtinentur pro exequiis, et associatione cadaveris, ac similibus*: De Luca *De Iurep. Disc. 10. n. 12.* Pignatelli *Cons. 49. tom. VI. n. 12.* Fagnanus *in cap. Cum Dilectus de praeb. Moneta De distrib. Part. II, quaest. I. num. 7.* Quinimo etiam Canonicos secundae erectionis, et etiam illos, qui sine ulla restrictione adlecti extra numerum fuerunt, percipere emolumenta antiquae massae: unde argumentum excrescit favore Canonicatum eiusdem naturae, qui nec extra numerum sunt, nec secundae erectionis.

Alterum quod attinet dubium paucis se expedivit Orator, et ex solemnibus actu possessionis cuncta sosphismata et, si quae opponantur, difficultates resolvere affirmavit. Novus equidem Canonicus ab Universitate praesentatus fideliter iurat se fideliter iura spiritualia et temporalia respectivi canonicatus servaturum. Nec umquam auditum est ut Canonicis eiusdem Ecclesiae prohibeatur celebratio in altari maiori; quod si etiam de facto Canonici academici se abstinuerint a dicta celebratione, ex hoc nil aliud deduci posse affirmavit nisi quod, cum hic actus inter facultativos recenseatur, per *non usum* nullum praeiudicium infertur, De Luca



*de Benef. disc. 97. num. 13 etc. Rota coram Olivati Dec. 280. num. 8.*

Relate ad redintegrationem domorum, quae in tertio proponitur dubio, comprobare eandem studuit defensor ex plenitudine canonicae: ita ut quod universo Canonicorum coetui spectat, id ipsum alicui non sit denegandum. De hoc notorio facto in testimonium compellat Rm̄um Ioannem Schindler, cui qua subdelegato commissa fuit executio Decretorum S. Consistorialis Congregationis. De hoc meminit primum Decretum anni 1838 « *Domus Capituli propria hunc in modum ordinata praestimonia optabunt et possidebunt.* » Nec alterum Decretum anni 1859 hoc inhabitandi ius abrogat aut imminuit, quod Canonici Academici per *spatium quinque saeculorum* pacifice possederunt.

Factum porro possessionis confirmari subdit a statuto additionali, quod prorsus, inaudita patrona ceterisque interesse habentibus, domus Canonicis academicis ademit. Quod enim adimitur iam antecedenter existebat, simulque demonstrat aliam in antecessum usque ad annum 1860 obtinuisse observantiam. Quod si etiam nonnulli negligentibus fuerint in vindicandis iuribus proprii canonicatus, hanc negligentiam haud nocere affirmavit, sicuti articuli additionales contra canones confecti nullum inferre possunt damnum et praepudicium illis, qui nomine proprio veniunt; S. Congregatio in *Platien. Iurium et Praeeminentiarum 14 Februarii 1879* iuxta doctrinam Fagnani *Lib. 2 Decr. De transaction. cap. Veniens*, et Reiffenstuel *eod. cap.*

Subinde Orator nullas adesse difficultates ostendere studuit: assignatis enim domibus favore Canonicorum academiae nil aliunde sequitur, nisi quod per simplicem notificationem publico Aerario factam, ex *hoc momento Capitulum minora tributa solvet*. Quamquam animadvertit hasce difficultates esse spernendas, cum agatur de reddendo unicuique ius suum, et res clamet ad dominum.

Ad quartum Dubium, nempe quoad interventum ad sessiones consuetas, ait Orator, Canonicos academicos ex ple-

nitudine canonicae habere vocem in omnibus sessionibus capitularibus. Ius enimvero habendi locum et vocem in Capitulo consequitur ad *canoniam ex cap. Dilectus de praeb. Moneta cap. I part. II de Distribut. quaest. 20 n. 1*. Id enim intrinsecus titulo canonicae absque ulla imminutione inhaerere docet S. Congreg. in *Senen. Vocis in Capitulo diei 27 Feb. 1768* - ibi - « *Proprium esse canonicae ut* » Canonicis tribuat *indistinctum, et aequale ius vocis ad* » omnia, quae in Capitulo fiunt, et collegialiter expediuntur » Fagnan. *in cap. cum M. de Constit. n. 26, Barbosa de Canon. cap. 12, Lothar. de re benef. lib. 1. q. 15*. Quod principium applicat Card. De Luca *Disc. 37 de Can.* etiam iis qui improprie supra numerum Canonici nuncupantur, idemque fusius affirmat Pignatellius *in Consult. 48 tom. VI per tot.* et Fagnanus in casu de Canonicis receptis supra numerum in *cap. Dilectus de praeb. n. 19* concludit quod isti ad limites installationis vocem consequuntur.

Sed vero subdit orator cum nulla adinveniat distinctio inter Canonicos cracovianes ex antiquissima fundatione, principium generale, ut omnes aequaliter in omnibus Capitularibus sessionibus interveniant, nullis limitationibus et clausulis est circumscribendum. Id apprime innotescere propugnavit ex ipso decreto Consistoriali anni 1859, in cuius *Cap. VI n. 8* clare ostenditur quod seclusa, aut cessante dispensatione, Canonici academici deberent esse praesentes *in consuetis sessionibus, et aliis in quibus necessaria circa cultum divinum absolvendum ordinantur, vel negotia oeconomica tractantur*. Atque duo apprime inibi distinguuntur, primum facultas non interveniendi, unde donec Canonici academici dispensatione uterentur haud erant invitandi; alterum, praecisa obligatio et absoluta interveniendi ad electiones *Candidatorum* ad Ecclesiae cracoviensis Episcopatum: unde necessaria in hoc casu erat invitatio, licet haec iterum iniungatur quoad alios Canonicos aliunde et semper invitandos.

Ad postremum dubium, nempe ut Canonici academici in choro et processionibus praecedentiâ fruantur iuxta prioritatem temporis respectivi processus, haec animadvertit. Statim ac electus recipitur in fratrem unius Collegii, illico et immediate ab illa die praecedendi praerogativam nanciscitur. *Qui prior est tempore, potior est iure, Reg. 54 in 6.* Cum omnes indiscriminatim Canonici efficiantur membra unius corporis a die adeptae possessionis, consequi exinde arguit, ut quod membrum prius conformavit corpus maneat prius, quod posterius posteriori maneat loco, praescindendo a maiori vel minori dignitate collatorum; ceu exemplis revincit ex. gr. Collegiatae s. Eustachii de Urbe, ubi adest Canonicatus qui licet sit peculiaris patronatus, attamen praecedentiâ utitur super iis, qui sive a Summo Pontifice sive ab Eñño Titulari nominantur. Id revinci posse ait ex eo quod generatim haec praecedentia competit etiam Canonicis novae erectionis, nisi aliter et expresse in lege foundationis cautum fuerit; S. C. in *Nullius, seu terrae Pontiani Praecedentiae 5 Maii 1735, Embricen. Iurium Canonic. 18 Sept. 1745* et aliae quamplurimae. Ac omissis ceteris in una *Civitatis Castelli 25 Iunii 1831* decrevit non posse *Capitulum* statuta condere quibus Canonicus a iure praecedentiae, vocis activae, et passivae aliisque iuribus excludatur.

Huic praecedentiae nullam fuisse introductam limitationem si excipiantur arbitrariae innovationes clanculum et non auditis interesse habentibus peractae. Quibus attamen, subdit Orator, praevalere semper debet praecedens observantia, spreto ultimo statu, qui originem liti dedit, quae est iuri communi conformis. Anno siquidem 1756 nulla occurrit distinctio inter Capitulares. Post Breve anni 1838 in gremio duodecim Canonicorum tres Academici recensentur, atque idipsum subinde 1850 et 1852, ex productis Kalendaris observatum fuisse commonstrat, in quibus omnes Canonici sive collationis Episcopalis sive nominati ab Universitate iuxta antianitatem possessus proprias occupant Sedes.

Hisce ex utraque parte animadversis, proposita fuerunt enodanda sequentia

### Dubia.

I. *An Canonicis Krzewowiensi, et Leskowiensi, vulgo academicis, ius sit choro interessendi diebus ferialibus, et respectivis quotidianis distributionibus fruendi in casu.*

II. *An iisdem liceat celebrare in altari maiori in casu.*

III. *An ius habeant optandi domum canonicalem in casu.*

IV. *An et in quibus sessionibus capitularibus ius habeant interveniendi in casu.*

V. *An iisdem ius competat sedendi in choro et procedendi cum Capitulo inter ceteros Canonicos iuxta ordinem senii in casu.*

RESOLUTIO. Sacra C. Congr. re mature discussa, sub die 1 Decembris 1883 censuit respondere:

Ad I. *Affirmative, dummodo prudenti iudicio Episcopi detrimentum non afferatur muneri primario docendi in Universitate.*

Ad II. *Affirmative.*

Ad III. *Affirmative.*

Ad IV. *Affirmative in omnibus.*

Ad V. *Affirmative.*

### EX QUIBUS COLLIGES

I. In quolibet canonicatu duo distingui, nempe canonicam et praebendam: *canonica* investito confert certa iura in canonicatu; ita ut si ista iura denegentur, canonicus despoliaretur essentialibus requisitis eiusdem canonicatus; praebenda autem diversimode dimetiri potest quia dependet a privatorum elargitionibus.

II. Hinc differre inter se canonicam et praebendam pa-

tere; quia canonia est ius habendi sedem in choro, et vocem in capitulo ex electione in fratrem; praebenda autem ex se non habet sedem in choro.

III. In controversiis horum iurium, difficultatem adimere antiquam erectionem et prudentem observantiam, quae cum iure communi et canonicae principiis concordet; nam observantia etsi difformis, seu etiam vario modo sequuta, remanet sub dispositione iuris communis.

IV. Canonicos academicos in themate habere in sui favore antiquam institutionem, quia istorum canonicatus numquam abrogati videntur, et observantiam, quamvis difformis appareat; ideo iura omnia ex canonia derivantia non amisisse dicendi videntur, omniaque exercere posse.

V. Dispensationem ab operibus haud secum ferre iurium abrogationem et officiorum: quia gratia in discrimen obtinentis verti nequit, et quia si causa finalis dispensationis cesset, onera et officia implenda sunt.

VI. Canonici academici in themate, iusta concurrente causa, a nonnullis muneribus dispensati fuerunt ab Apostolica Sede per verba *non obstrigantur*; ne autem gratia in eorundem damnum vertatur dicendum videtur, eorum iura intacta mansisse, et illorum onera nunc reviviscere, quia causa finalis cessavit.



## DECRETORUM

### ET APPELLATIONIS

*Die 7 Iulii 1883.*

COMPENDIUM FACTI. Ad Archiepiscopalem Curiam M. formali accusatione delatum est: Davidem Sacerdotem ante Missae celebrationem naturale ieiunium infringere. Curia Tribunali Ecclesiastico rei inquisitionem iudiciumque super huiusmodi imputatione ferendum commisit. Pro-Vicarius generalis Curiae M., ut hac in re tutius procederet, as-

sessores sibi adscivit Angelum R. Theologum metropolitenum, et Iosephum M. Protonotarium Apostolicum, utrumque praesulem, Iosephum G. examinatorem et iudicem prosynodalem, et Praepositum Parochum S. Stephani. — Iosephus M. adversae valetudinis ergo officio nuntium misit.

Accusato examini subiecto, testibusque ab eo productis una cum accusationis testibus excussis, ille binas proposuit exceptiones: alteram nempe adversus Iosephum G. quem, ob inimicitiam in se conceptam ab officio assessoris removendum asserebat: alteram, contra Gervasium Notarium, inter testes accusationis praecipuum, de cuius pariter aperta in se inimicitia plura afferebat.

Pro-Vicarius generalis qui iam a die 4 Decembris 1882 accusato praefixerat terminum dierum 18, postea die 15 eiusdem mensis prorogatum, pro exhibitione responsionis replicationi a Procuratore Fiscali proditae, die 5 Ianuarii decretum edidit: « *ob frivolitatem rationum quaeis innititur epistola super remotione Assessoris Iosephi G. haud opportunum ducit executoriam sententiam dicere, decretumque diei 15 Decembris 1882 firmum tenet.* » Die vero, 10 Ianuarii, cum instaret accusatus pro exclusione Notarii Gervasii testis, et pro productione in sui favorem testium Magni et Cavanna decrevit iterum Pro Vicarius generalis: *quoad credibilitatem testis Gervasii, probationes aliaque elementa in actis edere superfluum esse, ad hoc ut iudex, suo tempore, depositiones in pretio habeat....., ideo intra terminum iudiciale rigorose sumptum et non prorogandum diei 17 currentis, decretum supradictum executioni mandetur per responsionis definitivae praesentationem.*

Die 15 Ianuarii libellum protulit David pro appellatione ad S. C. Concilii, eo quod ob reiectionem recusationis Assessoris Iosephi G, recusationemque procedendi ante omnia super exceptione contra Gervasium Notarium, et tandem ob Iudicis imperitiam, praeclusa sibi via esset legitimae defensionis, conditioque intolerabilis imposita contra ss. Canonum praescriptiones

Hac accepta appellatione Curia Archiepiscopalis die 19 Ianuarii decrevit: interpositam appellationem pura ac simplicia decreta respicere, quibus appellationis remedium applicabile minime est; ideoque appellationem haud admitti.

Appellationis libellus ab Davidis patrono exhibitus habebat: 1. debere hac in causa Iosephum G. ab assessoris officio abstinere 2. excludendum esse Gervasium testem 3. esse admittendos uti testes C. et M. et alium quemcumque haud inhabilem pro defensione inducendum.

S. C. rem pro informatione et voto ordinario detulit, suspensa interim actorum prosecutione.

Curiae defensor incidenter petiit coram S. C. declarari esse locum moderationi appellationis a decretis Curiae diebus 5 et 10 Ianuarii editis: tum quia decreta erant simpliciter ordinataria, ideoque inappellabilia, tum etiam quia gravamen non continebant quod in appellatione a definitiva sententia reparari nequiret. Proposuit itaque aliud dubium praeiudiciale: - *An sit locus moderationi appellationis a decretis Curiae archiepiscopalis 5 et 10 Ianuarii 1883*: quod propter oppositionem defensoris sacerdotis Davidis propositum est per *memoriale* una cum merito in die propositionis causae.

### Disceptatio Synoptica

SACERDOTIS DAVIDIS DEFENSIO. Eius patronus praenocabat: plurimorum odium in se cumulasse Davidem propter directionem ephemeridis cui titulus X quo iura Ecclesiae et religionis contra modernos *catholicos liberales* solerter tueretur. Adversarios in lucem edidisse aliud diarium Y, eum in finem ut ephemeridem X ad nihilum redigerent. Quod consilium cum in vanas auras abiisset, ideo accusationem de non servato naturali ieiunio molitos fuisse adversarios, quos inter eminere illum ipsum notarium Gervasium qui ephemeridis Y redactor fuerat.

Ad rem propius deveniens contendebat, praesulem Iosephum G. nequire assessoris officium servare: eum nam-

que fuisse inter subsignatores protestationis contra praetensas intemperantias ephemeridis X. Firmum namque manere principium de quo Pignattell. *Consult. Can. tom. 10 Cons. 97 num. 43* - *Finis praecipuus recusationum et reiectionum iudicum ut lites sine suspitione procedant, et dirimantur sine ulla captione, et quia periculosum sit coram iudice suspecto litigare. Satis namque superque alea iudicis per se dura et incerta est, ut opus non sit addi aliud periculum, et discrimini suspecti iudicis rem committere. Imo recusationem fieri posse ubi et leviores causae suspicionis facilius reiiciunt iudices quam testes. Quia plures iudices facilius habentur quam testes.*

Perperam reponi recusationem huiusmodi ob suspensionem dari ex iure debere ante litis contestationem. Regulam enim exceptionem pati, quando nova supervenit causa iudicem recusandi. Tunc in quocumque termino processus causa reperitur, adhuc fas esse iudicem recusari *Cap. insinuante de offic. delegati*. Quin imo, etiamsi de novo non superveniat causa, sed tantum ad notitiam veniat, recusationem exerceri posse *Cap. pastoralis de except.* Igitur terminum usque quem admitti debeat revocatio esse sententiam definitivam exclusive: ac proinde etiam conclusionem in causa admitti debere, cum definitivam sententiam praecedat. *Pignatt. loc. cit. num. 60.*

Testem Gervasium inimicitiam contra Davidem non paucis abhinc annis fovisse, ob rationes politicas quas in suo diario is exposuit. Huiusmodi odium pluribus modis innotuisse, hoc est tum calumniis tum insimulationibus tum diffamationibus. Igitur cum constet Gervasium inter capitales Accusati inimicos esse recensendum, eundem ad testimonium ferendum inhabilem ex iure dicendum esse. *Reiff. lib. II. tit. 20 num 142 et seqq. Cap. si testes §. testium fides 4 quaest. 3 et Cap. cum oporteat 19 de accusat.* Leuren. *Iur. eccles. lib. 2 tit. 20 quaest. 594* Schmalzgrueber *lib. 2 tit. 20 num 39 43.* Inimicitiae argumentum praebere certissimum atrocem iniuriam *Reiffenst. loc. cit. num. 13*



Gervasium vero non inimicum tantum se revelasse, sed esse accusatorem delatoremque primum Davidis: et etiamsi eum auctorem non dixeris insidiae in Davidem paratae, certe inter eiusdem complices esse.

Dicendum quoque esse de Curiae recusatione pro novis admittendis testibus favore accusati, quae irrationabilis omnino est. Productionem enim testium, ex utroque iure, admitti etiam post publicationem nominum eorundem immo in causis criminalibus, locum fieri productioni novorum testium etiam post conclusum in causa absque ulla limitatione. Id obtinere praesertim si testes producantur ex parte rei *Leg. Unius 148 §. cogniturum ff. de quaest. et citati Auctores Schmalzgr. loc. cit. num. 126 Leuren. lib. 2 tit. 20 quaest. 564 Reiff. lib. 2 tit. 19 num. 162 et seqq.*

Praetensam inappellabilitatem decretorum Curiae esse reiiciendam. Antiquo enim iure a quocumque decreto appellationem admitti solitam; abusibus viam aperuisse. Hoc ex *regula 37 Cancellariae Cap. 1 sess. 13 et a Concil. Trid. cap. 20 Sess. 24.* Hodie vero appellationis limitationem cavillationibus locum praebere. Attamen pro certo teneri posse, triplici modo ab interlocutoriis sententiis appellationem dari 1. Si tangant substantiam negotii principalis; 2. Si non possint reparari per definitivam; 3. Si difficultatem ingerant circa causae decisionem. Primi capitis theoriam haberi penes Rigant. *in reg. 37 Camill. p. 127 et apud Scacc. de appell. quaest. 17 limit. 17 memb. 1 n. 168.* Inficiari neminem valere, in casu meriti decisionem a probatione pendere; probationem vero consistere in testium depositionibus, quae si favore accusati praepediantur, reo defensio per probationis subtractionem praecluditur.

Secundi capitis pronunciatum, quod nempe appellabilis sit interlocutoria quando infert gravamen irreparabile per definitivam confirmari in iure per *leg. 2 ff. de appell.* Scacc. *loc. cit. limit. 2 membr. 8 num. 2 verb. « Confirmatur » et num. 3 et seq.* Ridolphin. *prax. iudic. part. 1 cap. 13 num. 298 seq.* In themate id verificari de adses-

sore Iosepho G. cum Rigantius *loc. cit. num. 125 doceat Rursus decretum quo quis declarat se iudicem competentem dicitur continere gravamen irreparabile per definitivam.*

Per definitivam reparari nullo modo posse Curiae decreta circa exceptiones contra testem Gervasium editas, nec non circa facultatem accusato competenti producendi in sui favorem testes.

Quod tandem ab interlocutoria detur appellatio quando haec difficultatem ingerit circa causae decisionem, hauriri ab auctore Scaccia *loc. cit.*

Tertio in capite pertractabat defensor de ipsa accusatione infractionis ieiunii naturalis, de qua testes omnes singulares deponunt. Unum remanere Gervasium qui, utpote solus, nullus a iure proclamaretur. In themate vero nullos admitti valere testes eo quod omnes actores et denunciatores fuerint iuxta tradita per Leuren. *for. eccles. lib. 2 tit. 20 quaest. 585.*

Tandem insidiosum et omnino captiosum modum iudicandi accusatum fuisse asserebat, quia proposito accusationis articulo, responsionis lex eidem imposita fuit prout sequitur « cogatur ut singillatim et super quolibet articulo in quolibet positione contento respondeat pure et simpliciter » *credit vel non credit*: aut si positio iuxta opinionem impunitati esset partim vera, partim non, respondeat per verbum » *non credit ut ponitur.* » Iamvero hanc iudicii formam nullam irritamque decerni a Leurenio *For. eccles. lib. 2 tit. 20 quaest. 644* et a Reiffenst. *lib. 2 tit. 18 num. 204 208.*

Concludebat: testimoniis omni fide dignissimis et in ipso processu relatis, prorsus exclusum iri factum celebrationis Missae die 20 Aprilis.

DEFENSIO CURIAE M. Hic per orationem divisam, agebatur primo de instantia incidenti Curiae hoc est de appellationis moderatione. Sane in decreto diei 5 Ianuarii 1883 iudicem causae decrevisse « attenta futilitate rationum qui-

› bus petitio contenta in epistola diei 4 Ianuarii 1883 in-  
› nititur, non putat emittendam esse sententiam interlocu-  
› toriam (super remotione adessoris G) firmumque tenet  
› quoad effectus omnes decretum diei 15 Decembris 1882. ›  
Duo igitur hoc in decreto contineri: 1. non edendam esse  
sententiam interlocutoriam 2. firmum habendum esse quoad  
omnes effectus decretum diei 15 Decembris 1882.

Iamvero ab hoc primo decreto nullam dari appellatio-  
nem, quippe quod non est definitivum quo quaestio princi-  
palis de infractione ieiunii naturalis ante Missam fuerit de-  
cisa. Neque opponi posse, iuxta Tridentinum, huiusmodi de-  
cretum habere vim definitivi, eiusque gravamen per appel-  
lationem a definitivo reparari nequire. At nullum existere  
gravamen palam esse, dato sacerdoti Davidi congruo termi-  
no pro exhibitione reduplicationis contra replicationem Fi-  
sci. Haec quoad secundam decreti partem: nam primam, in  
qua interlocutoriae sententiae quoad remotionem Assessoris  
G. pronuntiatio denegatur, nullum suppeditare gravaminis  
motivum, cum sententia nulla adsit.

In altero decreto diei 10 Ianuarii 1883 statutum esse.  
1. executioni mandandam esse dispositionem alterius prae-  
cedentis decreti diei 5 Ianuarii per definitivae reduplicatio-  
nis exhibitionem. 2. De opposita inhabilitate testis Gerva-  
sii R. ex capite inimicitiae, ac de petito ex parte rei con-  
venti examine testium M. et C. ad eam inimicitiam pro-  
bandam, deviantem: hanc necesse esse probationes afferre  
pro credibilitate testis R. adstruenda, an iudex suis loco et  
tempore valeat eas dispositiones iustitia dicit aestimare.

*[The following text is extremely faint and largely illegible due to the quality of the scan. It appears to be a continuation of the legal discussion or a separate note.]*

Supremum signaturae Tribunal appellationem denegasse in Decisione cui titulus *Circumscriptionis et Appellationis diei 3 Augusti 1826 coram Grossi* in qua praemisso decretum deputationis Periti iudicialis in causa esse mere praeparatorium, quia per illud via aperiebatur ad magis rectam magisque accuratam causae definitionem, additum est sub § 3 *non esse novum ab hisce decretis nullam dari vel suspensionem vel devolutivam appellationem ne aliter iudicia usque a sui exordio intercipientur litesque fiant propemodum immortales*. Similiter decisum fuisse in *Setina Appellationis diei 10 Septembris 1826 coram Grossi* Haec fundamentum habere in L. 7 *Cod. de appellat. non recip.*

Huc usque de inappellabilitate decretorum Curiae. Deinde ea iusta et confirmanda intrinsecus quoque esse ostendebatur ex iam tradita ratione quod ea essent mere ordinatoria, et nihil continerent circa remotionem Adessoris Iosephi C, inhabilitatem testis Gervasii et examen testium M et C.

Non esse sacerdotis Davidis inimicum Adsessorem Iosephum G. Nam licet ea quae in ephemeride X David scribebat non approbaverit; ex hoc non sequi Davidis inimicum esse. Pro excludendo iudice capitales inimicitias requiri, iuxta decisionem supremi Tribunalis signaturae in *Bononien Redditionis rationis super remotione iudicis diei 3 Aprilis 1845 coram Ferrari*, et Decisionem *Veliterna Circumscriptionis et Recusationis Iudicis 29 Maii 1841 coram Ianni § ultimo*.

Ceterum Iosephum non esse in causa iudicem, sed Adsessorem hoc est consiliarium: ideo litigatori praeiudicare nequire sententia sua.

Eadem ex ratione non esse removendum Gervasium testem, uti inhabilem propter inimicitiam. Iudices namque iuxta L. 9. *Cod. de iudic. debere in sententia definitiva in primis rei qualitatem plena inquisitione discutere, et tunc utramque partem saepius interrogare, num quid novi ad-*

*dere desideret.* Ideo nequire a litigatoribus cogi ad iudicium ferendum prout iis libuerit super editarum probationum valore, aut in initio, aut in medio processus. Hinc magistratus arbitros facti appellari cuius extimatio ex *L. 69 ff. de iud.* remittitur religioni iudicantium.

Religionem et credibilitatem Gervasii confovare suus parochus, qui eum omni exceptione maiorem dicit quoad probitatem ac honestatem. Idipsum testari praesidem societatis catholicae a S. Vincentio a Paulo; quin immo ipsos testes ab imputato inductos Gervasii virtutes rectumque animum extollere.

Tandem testes M. et C. haud esse examini subiiciendos ob eorum inanitatem. Ceterum Vicarium Generalem eorum testimonium in appellato decreto haud repudiassc.

Concludebatur petitione rescripti ad utraque dubia a se proposita - *Non esse locum appellationi* -.

RESOLUTIO. S. Concilii Congregatio in Sessione habita die 7 Iulii 1883 resolvendum sumpsit unicum ex officio propositum.

### Dubium

*An sustineantur decreta Curiae Archiepiscopalis 5 et 10 Ianuarii 1883 in casu.*

Et responsum prodiit: *Quoad Assessorem G. ac testem R. affirmative: quo vero ad testes M. et C. negative.*

### EX HIS COLLIGES

I. Iudicis recusationem rem esse magni momenti, quae nonnisi gravissimis de causis excipi meretur.

II. Pro iudice recusando unam ex causis legitimis esse apertam iudicis inimicitiam contra reum.

III. Verum non ex quocumque adversi animi indicio ob alias causas, vel ex reprobatione alicuius operis vel opinionis rei conventi, talem iudicis inimicitiam esse admittendam, quae ipsum iudicii ferendi incapacem efficiat.

IV. Multo magis levia indicia non sufficere pro remotio-  
ne Adsectoris, qui non est de iudicibus sententiam proferen-  
tibus, sed tantum consiliarii munus explet.

V. Nec testem esse recusandum ob vaga inimicitiae in-  
dicia, praesertim si agatur de viro caeteroquin probitate ac  
honestate insignem.

VI. Appellationem dari a sententia interlocutoria vel etiam  
ordinatoria, quae utcumque, etiam indirecte causae meritum  
afficiat.

VII. Itaque si magnum causae punctum sit in probatione  
facti, factum autem nonnisi per testes probari possit, a sen-  
tentia quae vel suspectum testem admittat, vel inductos  
ab imputato testes reiiciat, merito appellationem interponi.

---

## EX S. CONGREGATIONE EP. ET REG.

---

### SUESSANA

#### CONFINIUM PAROCHIALIUM

*Die 23 Septembris 1881 et 16 Februarii 1883.*

COMPENDIUM FACTI. Iosephus Parochus s. Ioannis Ba-  
ptistae Dioecesis Suessanae, Curiae episcopali retulit, paro-  
chum s. Nicolai iurisdictionem super nonnullis familiis sibi  
subiectis usurpasse. Idem proinde valde adlaboravit ut res  
a Curia aliqua dirimeretur ratione, sive in sui favorem sive  
contra, ceu ad Episcopum scripsit anno 1879.

Episcopus importunitate Parochi recurrentis adactus, die  
4 Martii 1880, dum sacram perageret Dioecesis visitatio-  
nem, decretum edidit, quo nedum familias controversas, sed  
integrum subiecit vicum iurisdictioni parochi s. Nicolai.

Tunc Parochus s. Ioannis Baptistae qui antea sese in-  
differentem esse iactaverat quomodolibet resolveretur quae-

stio, decretum eiusmodi excipere recusavit; utpote quod prolatum *extra formam iuris et cum praeiudicio parochi obtinentis*, falsisque innixum documentis fuerit. Attamen decreto in sua firmitate permanente violentis usus verbis parochus idem voluntatem pandidit, civilem adeundi potestatem ad rem dirimendam. Tunc Ordinarius suspensionem eidem Parocho minatus est.

Cum autem Antistes hic diem obiisset supremum, Parochus s. Ioannis Baptistae R. Pontificem, supplici oblato libello, adivit adversus decretum Episcopi, sibi infensum. Episcopalis curia autem institit pro decreti observantia; quaesivitque an Parochus ille, ob iurisdictionis impedimentum, ab eodem positum, in censuris inciderit. Cui dubio s. Congregatio respondit: *consulat probatos auctores*.

Die autem 15 Ianuarii 1881 dum instaret parochus, ut decretum ab Apostolica Sede infirmaretur, novus Episcopus, qui sacram erat initurus visitationem, ab eadem s. Congregatione quaesivit normam agendi cum eiusmodi parochus tum quoad censuras, tum quoad dispositionem decreti 4 Martii 1880.

### Disceptatio Synoptica.

EA QUAE ADDUXIT PAROCHUS S. NICOLAI. Vicus, ait hic, quem Parochus s. Ioannis Baptistae ad suam paroeciam pertinere praesumit, olim divisus erat per arcum, qui ceu limes duarum paroeciarum positus fuerat. Pars superior ad paroeciam s. Ioannis, pars vero inferior et extra portam, ad paroeciam s. Nicolai pertinebat. Quod firmatur per veterem topographiam oppidi *Mondragone* et ex eo quod processiones in octava Corporis Christi producebantur usque ad arcum ceu limitem iurisdictionis parochi s. Ioannis Baptistae.

Parochus s. Nicolai adduxit etiam in sui favorem duo testimonia: alterum Syndici e *Mondragone*, alterum vero Cancellarii Episcopalis; quibus edicitur duos in Curiam exhibitos fuisse libros paroeciae s. Nicolai, in quibus nomina

referuntur natorum et mortuorum ab anno 1743, ad annum 1842. In libris eisdem nomina reperiuntur personarum quae domicilium habebant in controverso vico. Animadvertit praeterea idem parochus decreta in s. Visitatione, ab Episcopis emissa, observanda esse, ad tradita per s. *Rotam decis. 90 n. 16 coram Emeria*; et per s. C. Concilii in *Sorana 22 Iunii 1754*. Hisce omnibus addi potest argumentum *a simili*. In concursu enim ad ecclesias paroeciales datur appellatio tantum in devolutivo, ne sine pastore longius maneant fideles; idem fieri debere in circumscriptione territoriali retinendum esse ratio dictare videtur, ut fideles certum semper habeant pastorem. Quoad concursus paroeciales sic se habet De Luca *disc. 35 de iudiciis n. 53*: « Ut illa appellatio quae in concursibus ad paroeciales conceditur non debeat interim retardare executionem praedictionis: ob praedudicium scilicet quod resultaret curae animarum, quodve oves remaneant sine pastore ».

EA QUAE ADDUXIT PAROCHUS S. IOANNIS. Parochus hic certavit pro nullitate decreti episcopalis, quia prolatum *extra formam iuris*, falsisque suffultum documentis fuerit. Ut evinceret quod asseruit, alia duo attulit documenta ab eodem Municipio emissa et contraria iam relatis a Parocho s. Nicolai. Exhibuit praeterea fides complurimas Curiae episcopalis, ex quibus apparet incolas non paucos controversi vici pertinere ad paroeciam s. Ioannis Baptistae.

Praeterea aiebat: appellationem rite interpositam suspendere etiam decreta in s. Visitatione emissa, docet De Luca in *Conc. Trid. disc. 5 n. 5 et 6*. « Apud Episcopos » aliosque praelatos, eorumque officiales opinio circumfertur » ut multa eis liceat in visitatione, quodque eorum provisiones subiaceant illi suspensioni, quam appellatio de iure inducit in casibus, in quibus effectus suspensivus non sit sublatus. Verum erronea opinio est ita generaliter ac indefinite hoc praetendere, quoniam id percutit solum ea quae concernunt correptionem morum, aliasque provisiones, quas in forma extrajudiciali, potius more



- › prudentis patrisfamilias prompta dare oporteat, vel con-
- › gruat, non autem in iis, in quibus more iudicis, atque in
- › figura iudicii procedi oporteat..... ›

Etiam s. Rota dum substinet decretorum observantiam, ceu in *cit. dec. coram Emeria* dictum est, tamen adiicitur: « Ubi autem contra solitum factum sit non valet. » Et in *cit. resolutione Sorana* diei 22 Iunii 1754 supra relata additur: « quod tunc obtinet, quoties aliter non suadet necessitatis et utilitatis ratio. »

Hisce aliisque praenotatis, propositum fuit enodandum

### Dubium

*An et quomodo sustineatur decretum episcopale s. Visitationis diei 4 Martii 1880 in casu?*

RESOLUTIO. Sacra Congregatio Ep. et Reg. sub die 23 Septembris 1881 censuit respondere:

*Dilata: et coadiuventur hinc inde probationes: exhibeantur praesertim acta dismembrationis Paroeciae s. Michaelis de anno 1741; (1) nec non primae erectionis et restorationis paroeciae sancti Nicolai, aliaque documenta ad rem facientia.*

Post dictam resolutionem a partibus transmissa fuere nonnulla alia documenta, paene nullius entitatis. Cancellarius episcopalis autem retulit in Curiae registris haud reperiri potuisse decretum Episcopi per quod dismembratio paroeciae facta fuit anno 1741. Tandem Curia episcopalis enixe rogavit, ut lis omnino dirimeretur ad removenda scandala pacemque reducendam. Petiit etiam eadem Curia, ut posthabitis partium deductionibus, quae aliunde parvificiendae sunt, Apostolica Sedes, de plenitudine potestatis novos paroeciarum limites constitueret.

Hisce noviter animadversis, idem dubium enucleandum propositum fuit nempe:

(1) Relatum fuit Episcopum Verdesca anno 1741 fines certos constituisse Paroeciae s. Michaeli in Collegiata s. Ioannis Baptistae.

*An et quomodo sustineatur decretum episcopale s. Visitationis diei 4 Martii 1880 in casu.*

Et s. Congregatio Ep. et Reg. sub die 16 Februarii 1883 respondit:

*Affirmative: et pro nunc sustineri decretum Episcopi diei 4 Martii 1880, et ad mentem: mens est ut Episcopus utatur respectivis vacationibus pro constituendis, stabili ratione, paroeciarum finibus. »*

#### EX QUIBUS COLLIGES :

I. In dismembratione paroeciarum et in concursu ad ecclesias paroeciales contra decreta Episcoporum ex iure dari appellationem tantum in devolutivo: ita ut effectus decretorum nequeat suspendi, ne praeiudicium curae animarum afferatur.

II. Erroneam esse opinionem, ait De Luca in *Conc. Trid. disc. 5, n. 5 et 6* quod contra omnes Episcoporum provisiones in s. Visitatione, generaliter et indefinite detur appellatio tantum in devolutivo, ita ut appellatio rite interposita numquam suspendere valeat decreta aut provisiones in s. Visitatione emissas.

III. Eiusmodi appellationem in devolutivo iuxta De Luca tantum dari, praeter casus a iure positos, quoad ea quae concernunt correptionem morum aliasque provisiones quas in forma extraiudiciali prompte dari oporteat ab Episcopo, more prudentis patrisfamilias, potius quam iudicis instar.

IV. Sacram Congregationem noluisse decernere an Parochum censuris devinctus fuerit ob impeditam Episcopi iurisdictionem.

---

### BAMBERGEN. SEU HERBIPOLEN.

#### PRAECEPTI ET SUSPENSIONIS

COMPENDIUM FACTI. Antonius parochus in Dioecesi herbipolensi anno 1872 excipiebat in suo famulatu Catharinam nubilem annorum 27, ex honestis parentibus progenitam.

stio, decretum eiusmodi excipere recu-  
 prolatum *extra formam iuris et cum*  
*obtinens*, falsisque innixum documentis  
 creto in sua firmitate permanente viole-  
 rochus idem voluntatem pandidit, civilem  
 ad rem dirimendam. Tunc Ordinarius  
 Parocho minatus est.

Cum autem Antistes hic diem obiis-  
 rochus s. Ioannis Baptistae R. Pontifice  
 libello, adivit adversus decretum Episcopi  
 Episcopalis curia autem institit pro  
 quaesivitque an Parochus ille, ob iu-  
 mentum, ab eodem positum, in censu  
 dubio s. Congregatio respondit: *consulo*

Die autem 15 Ianuarii 1881 dum in  
 decretum ab Apostolica Sede infirmaretur  
 qui sacram erat initurus visitationem, a  
 gatione quaesivit normam agendi cum eis  
 quoad censuras, tum quoad dispositione  
 tii 1880.

**Disceptatio Synoptica**

EA QUAE ADDUXIT PAROCHUS S. N.  
 hic, quem Parochus s. Ioannis Baptistae  
 ciam pertinere presumit, olim divisus  
 ceu limes duarum paroeciarum positus  
 ad paroeciam s. Ioannis, pars vero inter  
 ta ad paroeciam s. Nicolai pertine  
 ve topographiam oppidi *Mondovio*  
 pe s. corporis Christi s. Corporis Ch  
 ne s. in iurisdictione

... ai adduxit  
 ... dicitur de  
 ... quibus

... Mi-  
 ... et  
 ...

... tuere  
 ... cella-  
 ... ad re-  
 ... re-  
 ... bratio  
 ... opalis  
 ... scan-  
 ... ta, ut  
 ... parvifa-  
 ... testatis

... leandum

... data et locu-

*modo sustineatur decretum episcopale s. Vi-  
4 Martii 1880 in casu.*

Gregatio Ep. et Reg. sub die 16 Februarii 1883

*ne: et pro nunc sustineri decretum Episcopi  
i 1880, et ad mentem: mens est ut Episco-  
respectivis vacationibus pro constituendis, sta-  
paroeciarum finibus. »*

QUIBUS COLLIGES :

asmembratione paroeciarum et in concursu ad ec-  
eciales contra decreta Episcoporum ex iure dari  
m tantum in devolutivo: ita ut effectus decre-  
eat suspendi, ne praeiudicium curae animarum

roneam esse opinionem, ait De Luca in *Conc.*  
*n. 5, n. 5 et 6* quod contra omnes Episcoporum  
es in s. Visitatione, generaliter et indefinite detur  
o tantum in devolutivo, ita ut appellatio rite in-  
numquam suspendere valeat decreta aut provisio-  
s. Visitatione emissas.

Eiusmodi appellationem in devolutivo iuxta De Luca  
o dari, praeter casus a iure positos, quoad ea quae  
nunt correptionem morum aliasque provisiones quas  
rma extraiudiciali prompte dari oporteat ab Episcopo,  
prudens patrisfamilias, potius quam iudicis instar.  
v. Sacram Congregationem noluisse decernere an Pa-  
um censuris devinctus fuerit ob impeditam Episcopi  
sdictionem.

---

## BAMBERGEN. SEU HERBIPOLEN.

### PRAECEPTI ET SUSPENSIONIS

COMPENDIUM FACTI. Antonius parochus in Dioecesi herbi-  
lensi anno 1872 excipiebat in suo famulatu Catharinam  
abilem annorum 27, ex honestis parentibus progenitam.

Gervasium vero non inimicum tantum se revelasse, sed esse accusatorem delatoremque primum Davidis: et etiamsi eum auctorem non dixeris insidiae in Davidem paratae, certe inter eiusdem complices esse.

Dicendum quoque esse de Curiae recusatione pro novis admittendis testibus favore accusati, quae irrationabilis omnino est. Productionem enim testium, ex utroque iure, admitti etiam post publicationem nominum eorumdem immo in causis criminalibus, locum fieri productioni novorum testium etiam post conclusum in causa absque ulla limitatione. Id obtinere praesertim si testes producantur ex parte rei *Leg. Unius 148 §. cogniturum ff. de quaest. et citati Auctores Schmalzg. loc. cit. num. 126 Leuren. lib. 2 tit. 20 quaest. 564 Reiff. lib. 2 tit. 19 num. 162 et seqq.*

Praetensam inappellabilitatem decretorum Curiae esse reiiciendam. Antiquo enim iure a quocumque decreto appellationem admitti solitam; abusibus viam aperuisse. Hoc ex *regula 37 Cancellariae Cap. 1 sess. 13 et a Concil. Trid. cap. 20 Sess. 24.* Hodie vero appellationis limitationem cavillationibus locum praebere. Attamen pro certo teneri posse, triplici modo ab interlocutoriis sententiis appellationem dari 1. Si tangant substantiam negotii principalis; 2. Si non possint reparari per definitivam; 3. Si difficultatem ingerant circa causae decisionem. Primi capitis theoriam haberi penes Rigant. *in reg. 37 Camill. p. 127 et apud Scacc. de appell. quaest. 17 limit. 17 memb. 1 n. 168.* Inficiari neminem valere, in casu meriti decisionem a probatione pendere; probationem vero consistere in testium depositionibus, quae si favore accusati praepediantur, reo defensio per probationis subtractionem praecluditur.

Secundi capitis pronunciatum, quod nempe appellabilis sit interlocutoria quando infert gravamen irreparabile per definitivam confirmari in iure per *leg. 2 ff. de appell. Scacc. loc. cit. limit. 2 membr. 8 num. 2 verb. « Confirmatur » et num. 3 et seq. Ridolphin. prax. iudic. part. 1 cap. 13 num. 298 seq.* In themate id verificari de adses-

sore Iosepho G. cum Rigantius *loc. cit. num. 125 doceat Rursus decretum quo quis declarat se iudicem competentem dicitur continere gravamen irreparabile per definitivam.*

Per definitivam reparari nullo modo posse Curiae decreta circa exceptiones contra testem Gervasium editas, nec non circa facultatem accusato competenti producendi in sui favorem testes.

Quod tandem ab interloquutoria detur appellatio quando haec difficultatem ingerit circa causae decisionem, hauriri ab auctore Scaccia *loc. cit.*

Tertio in capite pertractabat defensor de ipsa accusatione infractionis ieiunii naturalis, de qua testes omnes singulares deponunt. Unum remanere Gervasium qui, utpote solus, nullus a iure proclamaretur. In themate vero nullos admitti valere testes eo quod omnes actores et denunciatores fuerint iuxta tradita per Leuren. *for. eccles. lib. 2 tit. 20 quaest. 585.*

Tandem insidiosum et omnino captiosum modum iudicandi accusatum fuisse asserebat, quia proposito accusationis articulo, responsionis lex eidem imposita fuit prout sequitur « cogatur ut singillatim et super quolibet articulo in quolibet positione contento respondeat pure et simpliciter » *credit* vel *non credit*: aut si positio iuxta opinionem impunitati esset partim vera, partim non, respondeat per verbum » *non credit* ut ponitur. » Iamvero hanc iudicii formam nullam irritamque decerni a Leurenio *For. eccles. lib. 2 tit. 20 quaest. 644* et a Reiffenst. *lib. 2 tit. 18 num. 204 208.*

Concludebat: testimoniis omni fide dignissimis et in ipso processu relatis, prorsus exclusum iri factum celebrationis Missae die 20 Aprilis.

DEFENSIO CURIAE M. Hic per orationem divisam, agebatur primo de instantia incidenti Curiae hoc est de appellationis moderatione. Sane in decreto diei 5 Ianuarii 1883 iudicem causae decrevisse « *attenta futilitate rationum qui-*

› bus petitio contenta in epistola diei 4 Ianuarii 1883 in-  
› nititur, non putat emittendam esse sententiam interlocu-  
› toriam (super remotione adessoris G) firmumque tenet  
› quoad effectus omnes decretum diei 15 Decembris 1882. ›  
Duo igitur hoc in decreto contineri: 1. non edendam esse  
sententiam interlocutoriam 2. firmum habendum esse quoad  
omnes effectus decretum diei 15 Decembris 1882.

Iamvero ab hoc primo decreto nullam dari appellatio-  
nem, quippe quod non est definitivum quo quaestio princi-  
palis de infractione ieiunii naturalis ante Missam fuerit de-  
cisa. Neque opponi posse, iuxta Tridentinum, huiusmodi de-  
cretum habere vim definitivi, eiusque gravamen per appel-  
lationem a definitivo reparari require. At nullum existere  
gravamen palam esse, dato sacerdoti Davidi congruo termi-  
no pro exhibitione reduplicationis contra replicationem Fi-  
sci. Haec quoad secundam decreti partem: nam primam, in  
qua interlocutoriae sententiae quoad remotionem Assessoris  
G. pronuntiatio denegatur, nullum suppeditare gravaminis  
motivum, cum sententia nulla adsit.

In altero decreto diei 10 Ianuarii 1883 statutum esse,  
1. executioni mandandam esse dispositionem alterius prae-  
cedentis decreti diei 5 Ianuarii per definitivae reduplicatio-  
nis exhibitionem. 2. De opposita inhabilitate testis Gervasii  
B. ex capite inimicitiae, ac de petito ex parte rei con-  
venti examine testium M. et C. ad eam inimicitiam pro-  
bandam, declarasse: haud necesse esse probationes afferre  
pro credibilitate testis R. adstruenda, ut iudex suis loco et  
tempore valeat eius depositiones iustitia duce aestimare.

Bina decreta Pro-Vicarii Generalis vere non fuisse sen-  
tentias interlocutorias, sed simpliciter ordinatorias processus:  
cum in his nihil iudex constituerit circa remotionem Ad-  
essoris Iosephi G. inhabilitatem testis Gervasii R. relectio-  
nemque aliorum testium sed unum praefixisse terminum pro  
reduplicationis exhibitione, quae, antequam claudatur pro-  
cessus, viam sternit conclusioni in causa, et pronuntiationi  
definitivae sententiae.

Supremum signaturae Tribunal appellationem denegasse in Decisione cui titulus *Circumscriptionis et Appellationis diei 3 Augusti 1826 coram Grossi* in qua praemisso decretum deputationis Periti iudicialis in causa esse mere praeparatorium, quia per illud via aperiatur ad magis rectam magisque accuratam causae definitionem, additum est sub § 3 *non esse novum ab hisce decretis nullam dari vel suspensionem vel devolutivam appellationem ne aliter iudicia usque a sui exordio intercipientur litesque fiant propemodum immortales*. Similiter decisum fuisse in *Setina Appellationis diei 10 Septembris 1826 coram Grossi* Haec fundamentum habere in L. 7 *Cod. de appellat. non recip.*

Huc usque de inappellabilitate decretorum Curiae. Deinde ea iusta et confirmanda intrinsecus quoque esse ostendebatur ex iam tradita ratione quod ea essent mere ordinataria, et nihil continerent circa remotionem Adessoris Iosephi C, inhabilitatem testis Gervasii et examen testium M et C.

Non esse sacerdotis Davidis inimicum Adsessorem Iosephum G. Nam licet ea quae in ephemeride X David scribebat non approbaverit; ex hoc non sequi Davidis inimicum esse. Pro excludendo iudice capitales inimicitias requiri, iuxta decisionem supremi Tribunalis signaturae *in Bononien Redditionis rationis super remotione iudicis diei 3 Aprilis 1845 coram Ferrari*, et Decisionem *Veliterna Circumscriptionis et Recusationis Iudicis 29 Maii 1841 coram Ianni § ultimo*.

Ceterum Iosephum non esse in causa iudicem, sed Adsessorem hoc est consiliarium: ideo litigatori praeiudicare nequire sententia sua.

Eadem ex ratione non esse removendum Gervasium testem, uti inhabilem propter inimicitiam. Iudices namque iuxta L. 9. *Cod. de iudic. debere in sententia definitiva in primis rei qualitatem plena inquisitione discutere, et tunc utramque partem saepius interrogare, num quid novi ad-*



*dere desideret.* Ideo nequire a litigatoribus cogi ad iudicium ferendum prout iis libuerit super editarum probationum valore, aut in initio, aut in medio processus. Hinc magistratus arbitros facti appellari cuius extimatio ex *L. 69 ff. de iud.* remittitur religioni iudicantium.

Religionem et credibilitatem Gervasii confovere suus parochus, qui eum omni exceptione maiorem dicit quoad probitatem ac honestatem. Idipsum testari praesidem societatis catholicae a S. Vincentio a Paulo; quin immo ipsos testes ab imputato inductos Gervasii virtutes rectumque animum extollere.

Tandem testes M. et C. haud esse examini subiiciendos ob eorum inanitatem. Ceterum Vicarium Generalem eorum testimonium in appellato decreto haud repudiassc.

Concludebatur petitione rescripti ad utraque dubia a se proposita - *Non esse locum appellationi* -.

RESOLUTIO. S. Concilii Congregatio in Sessione habita die 7 Iulii 1883 resolvendum sumpsit unicum ex officio propositum.

### Dubium

*An sustineantur decreta Curiae Archiepiscopalis 5 et 10 Ianuarii 1883 in casu.*

Et responsum prodiit: *Quoad Assessorem G. ac testem R. affirmative: quo vero ad testes M. et C. negative.*

### EX HIS COLLIGES

I. Iudicis recusationem rem esse magni momenti, quae nonnisi gravissimis de causis excipi meretur.

II. Pro iudice recusando unam ex causis legitimis esse apertam iudicis inimicitiam contra reum.

III. Verum non ex quocumque adversi animi indicio ob alias causas, vel ex reprobatione alicuius operis vel opinionis rei conventi, talem iudicis inimicitiam esse admittendam, quae ipsum iudicii ferendi incapacem efficiat.

IV. Multo magis levia indicia non sufficere pro remotio-  
ne Adessoris, qui non est de iudicibus sententiam proferen-  
tibus, sed tantum consiliarii munus explet.

V. Nec testem esse recusandum ob vaga inimicitiae in-  
dicia, praesertim si agatur de viro caeteroquin probitate ac  
honestate insignem.

VI. Appellationem dari a sententia interlocutoria vel etiam  
ordinatoria, quae utcumque, etiam indirecte causae meritum  
afficiat.

VII. Itaque si magnum causae punctum sit in probatione  
facti, factum autem non nisi per testes probari possit, a sen-  
tentia quae vel suspectum testem admittat, vel inductos  
ab imputato testes reiiciat, merito appellationem interponi.

---

## EX S. CONGREGATIONE EP. ET REG.

---

### SUESSANA

#### CONFINIUM PAROCHIALIUM

*Die 23 Septembris 1881 et 16 Februarii 1883.*

COMPENDIUM FACTI. Iosephus Parochus s. Ioannis Ba-  
ptistae Dioecesis Suessanae, Curiae episcopali retulit, paro-  
chum s. Nicolai iurisdictionem super nonnullis familiis sibi  
subiectis usurpasse. Idem proinde valde adlaboravit ut res  
a Curia aliqua dirimeretur ratione, sive in sui favorem sive  
contra, ceu ad Episcopum scripsit anno 1879.

Episcopus importunitate Parochi recurrentis adactus, die  
4 Martii 1880, dum sacram perageret Dioecesis visitatio-  
nem, decretum edidit, quo nedum familias controversas, sed  
integrum subiecit vicum iurisdictioni parochi s. Nicolai.

Tunc Parochus s. Ioannis Baptistae qui antea sese in-  
differentem esse iactaverat quomodolibet resolveretur quae-

stio, decretum eiusmodi excipere recusavit; utpote quod prolatum *extra formam iuris et cum praeiudicio parochi obtinentis*, falsisque innixum documentis fuerit. Attamen decreto in sua firmitate permanente violentis usus verbis parochus idem voluntatem pandidit, civilem adeundi potestatem ad rem dirimendam. Tunc Ordinarius suspensionem eidem Parocho minatus est.

Cum autem Antistes hic diem obiisset supremum, Parochus s. Ioannis Baptistae R. Pontificem, supplici oblato libello, adivit adversus decretum Episcopi, sibi infensum. Episcopalis curia autem institit pro decreti observantia; quaesivitque an Parochus ille, ob iurisdictionis impedimentum, ab eodem positum, in censuris inciderit. Cui dubio s. Congregatio respondit: *consulat probatos auctores*.

Die autem 15 Ianuarii 1881 dum instaret parochus, ut decretum ab Apostolica Sede infirmaretur, novus Episcopus, qui sacram erat initurus visitationem, ab eadem s. Congregatione quaesivit normam agendi cum eiusmodi parochi tum quoad censuras, tum quoad dispositionem decreti 4 Martii 1880.

### Disceptatio Synoptica.

EA QUAE ADDUXIT PAROCHUS S. NICOLAI. Vicus, ait hic, quem Parochus s. Ioannis Baptistae ad suam paroeciam pertinere praesumit, olim divisus erat per arcum, qui ceu limes duarum paroeciarum positus fuerat. Pars superior ad paroeciam s. Ioannis, pars vero inferior et extra portam, ad paroeciam s. Nicolai pertinebat. Quod firmatur per veterem topographiam oppidi *Mondragone* et ex eo quod processiones in octava Corporis Christi producebantur usque ad arcum ceu limitem iurisdictionis parochi s. Ioannis Baptistae.

Parochus s. Nicolai adduxit etiam in sui favorem duo testimonia: alterum Syndici e *Mondragone*, alterum vero Cancellarii Episcopalis; quibus edicitur duos in Curiam exhibitos fuisse libros paroeciae s. Nicolai, in quibus nomina

referuntur natorum et mortuorum ab anno 1743, ad annum 1842: In libris eisdem nomina reperiuntur personarum quae domicilium habebant in controverso vico. Animadvertit praeterea idem parochus decreta in s. Visitatione, ab Episcopis emissa, observanda esse, ad tradita per s. *Rotam decis. 90 n. 16 coram Emeria*; et per s. C. Concilii in *Sorana 22 Junii 1754*. Hisce omnibus addi potest argumentum *a simili*. In concursu enim ad ecclesias paroeciales datur appellatio tantum in devolutivo, ne sine pastore longius maneant fideles; idem fieri debere in circumscriptione territoriali retinendum esse ratio dictare videtur, ut fideles certum semper habeant pastorem. Quoad concursus paroeciales sic se habet De Luca *disc. 35 de iudiciis n. 53*: « Ut illa appellatio quae in concursibus ad paroeciales conceditur non debeat interim retardare executionem praedictionis: ob praedudicium scilicet quod resultaret curae animarum, quodve oves remaneant sine pastore ».

EA QUAE ADDUXIT PAROCHUS S. IOANNIS: Parochus hic certavit pro nullitate decreti episcopalis, quia prolatum *extra formam iuris*, falsisque suffultum documentis fuerit. Ut evinceret quod asseruit, alia duo attulit documenta ab eodem Municipio emissa et contraria iam relatis a Parocho s. Nicolai. Exhibuit praeterea fides complurimas Curiae episcopalis, ex quibus apparet incolas non paucos controversi vici pertinere ad paroeciam s. Ioannis Baptistae.

Praeterea aiebat: appellationem rite interpositam suspendere etiam decreta in s. Visitatione emissa, docet De Luca in *Conc. Trid. disc. 5 n. 5 et 6*. « Apud Episcopos » aliosque praelatos, eorumque officiales opinio circumfertur » ut multa eis liceat in visitatione, quodque eorum provisiones subiaceant illi suspensioni, quam appellatio de iure inducit in casibus, in quibus effectus suspensivus non sit sublatus. Verum erronea opinio est ita generaliter ac indefinite hoc praetendere, quoniam id percutit solum ea quae concernunt correptionem morum, aliasque provisiones, quas in forma extraiudiciali, potius more

» prudentis patrisfamilias prompta dare oporteat, vel con-  
 » gruat, non autem in iis, in quibus more iudicis, atque in  
 » figura iudicii procedi oporteat..... »

Etiam s. Rota dum substinet decretorum observantiam, oeu in *cit. dec. coram Emerio* dictum est, tamen adiicitur: « Ubi autem contra solitum factum sit non valet. » Et in *cit. resolutione Sorana* diei 22 Iunii 1754 supra relata additur: « quod tunc obtinet, quoties aliter non suadet ne- » cessitatis et utilitatis ratio. »

Hisce aliisque praenotatis, propositum fuit enodandum

### Dubium

*An et quomodo sustineatur decretum episcopale s. Visitationis diei 4 Martii 1880 in casu?*

RESOLUTIO. Sacra Congregatio Ep. et Reg. sub die 23 Septembris 1881 censuit respondere:

*Dilata: et coadiuventur hinc inde probationes: exhibeantur praesertim acta dismembrationis Paroeciae s. Michaelis de anno 1741; (1) nec non primae erectionis et restorationis paroeciae sancti Nicolai, aliaque documenta ad rem facientia.*

Post dictam resolutionem a partibus transmissa fuere nonnulla alia documenta, paene nullius entitatis. Cancellarius episcopalis autem retulit in Curiae registris haud reperiri potuisse decretum Episcopi per quod dismembratio paroeciae facta fuit anno 1741. Tandem Curia episcopalis enixe rogavit, ut lis omnino dirimeretur ad removenda scandala pacemque reducendam. Petiit etiam eadem Curia, ut posthabitis partium deductionibus, quae aliunde parvificiendae sunt, Apostolica Sedes, de plenitudine potestatis novos paroeciarum limites constitueret.

Hisce noviter animadversis, idem dubium enucleandum propositum fuit nempe:

(1) Relatum fuit Episcopum Verdesca anno 1741 fines certos constituisse Pa-  
 roeciae s. Michaeli in Collegiata s. Ioannis Baptistae.

*An et quomodo sustineatur decretum episcopale s. Visitationis diei 4 Martii 1880 in casu.*

Et s. Congregatio Ep. et Reg. sub die 16 Februarii 1883 respondit:

*Affirmative: et pro nunc sustineri decretum Episcopi diei 4 Martii 1880, et ad mentem: mens est ut Episcopus utatur respectivis vacationibus pro constituendis, stabili ratione, paroeciarum finibus. »*

#### EX QUIBUS COLLIGES :

I. In dismembratione paroeciarum et in concursu ad ecclesias paroeciales contra decreta Episcoporum ex iure dari appellationem tantum in devolutivo: ita ut effectus decretorum nequeat suspendi, ne praeiudicium curae animarum afferatur.

II. Erroneam esse opinionem, ait De Luca in *Conc. Trid. disc. 5, n. 5 et 6* quod contra omnes Episcoporum provisiones in s. Visitatione, generaliter et indefinite detur appellatio tantum in devolutivo, ita ut appellatio rite interposita numquam suspendere valeat decreta aut provisiones in s. Visitatione emissas.

III. Eiusmodi appellationem in devolutivo iuxta De Luca tantum dari, praeter casus a iure positos, quoad ea quae concernunt correptionem morum aliasque provisiones quas in forma extraiudiciali prompte dari oporteat ab Episcopo, more prudentis patrisfamilias, potius quam iudicis instar.

IV. Sacram Congregationem noluisse decernere an Parochum censuris devinctus fuerit ob impeditam Episcopi iurisdictionem.

---

### BAMBERGEN. SEU HERBIPOLEN.

#### PRAECEPTI ET SUSPENSIONIS

COMPENDIUM FACTI. Antonius parochus in Dioecesi herbipolensi anno 1872 excipiebat in suo famulatu Catharinam nubilem annorum 27, ex honestis parentibus progenitam.

Quæ tamen, sex annos ante ab officiali exercitus Bavariæ seducta, filium peperit extra legitimum matrimonium. Ceterum huius puellæ fama integra apud omnes erat, si prædictum excipias factum. Et superior scholasticus ante id temporis scholam *artium* eidem puellæ crediderat; cui præfuit spatio plurimum annorum. Nemo ex parocianis miratus est quod femina hæc apud parochum maneret.

Veruntamen novi administratores municipii, liberales sub specie zeli, sed odium et vindictam præferentes in parochum eiusque famulam, Curia episcopali detulerunt, Christifideles scandalum pati ex eo quod apud parochum sit famula filium illegitimum enixa. Addiderunt etiam quod femina illa in Ecclesia haud permaneret in loco, suis paribus destinato; quodque parochus apud quamdam processionem fuisse cum famula super currum eundem. Quoad parochi mores nihil, neque eius detractores, innuere valuerunt: et episcopalis Curia nullum adesse testata est dubium de integritate et honestate parochi eiusdem.

Has delationes Curia haud parvipendit; sed parochum accersivit, variisque peractis inquisitionibus, quoad huiusmodi feminam, per decretum diei 22 Iunii 1877 iussit parochum illico a se remove famulam, cuius non ignorat noxam. Attamen duo lapsi sunt anni et femina apud parochum manebat. Hinc sub die 19 Iulii 1879 Curia eadem episcopalis, alio edito decreto, addidit præcepto poenam suspensionis, ni parochus, spatio quatuor hebdomadarum famulam non removisset.

Parochus tunc adversus huiusmodi decretum et suspensionis interminationem appellavit apud Curiam Bambergensem. A qua tamen appellatio hæc reiecta fuit, utpote omni destituta fundamento. Animo sed vero haud deiectus presbyter suam detulit appellationem ad Apostolicam Sedem, ut nullius valoris sententia hæc declararetur.

6

### Disceptatio Synoptica.

IURA PAROCHI. Ambigere nemini licet de rigore sacrorum canonum quoad presbyteros, communem retinentes habitationem cum feminis suspectis aut concubinariis. Et censuræ et poenæ ecclesiasticæ hosce adversus presbyteros iam constitutæ fuerunt: quæ tamen applicantur *servatis servandis*, prae oculis etiam habendo quod lex poenalis latam haud admittit interpretationem. Ex regula enim iuris 15 in 6 notum est « *odia restringi et favores convenit ampliari* » Et Schmalzgrueber cum aliis quamplurimis doctoribus *Ius Eccl. univ. lib. III. tit. 2, n. 7.* habet: « Olim (*concupinariis*) diversis coercebantur poenis, nec unus idemque in iis infligendis servatus est ordo. Hodie circa eosdem observanda sunt potissimum decreta poenalia Tridentini, ut patet ex Bulla Pii V edita anno 1566, ubi Dioecesium Ordinariis in virtute sanctæ obedientiæ præcipit ut districtè illa observari faciant. Porro ordo adversus eosdem procedendi describitur a memorata synodo *Sess. 21 cap. 6 et Sess. 25 cap. 14 de ref.* 1. Iubet eos moneri; et quidem monitione speciali, ut notat Gallemart ad *cap. 14*: unde non sufficit generalis per edictum aut in synodo facta, licet alias hæc trinae monitionis vim habeat. 2. Si ita moniti non abstinerint, ipso facto privati sint tertiâ parte fructuum, obventionum et proventuum beneficiorum suorum quorumcumque, et pensionum quæ fabricæ Ecclesiæ, aut alteri pio loco pro arbitrio Episcopi. 3. Si in delicto eodem... nec secundæ monitioni paruerint, eo ipso amittunt, et proventus omnes... atque insuper a beneficiorum suorum administratione, quandiu Ordinario videbitur suspendi debent. 4. Si ita suspensi nihilominus eas non expellent iubentur beneficiis... perpetuo privari... 5. Si etiam sic puniti a scandalosis huiusmodi commerciis non destiterint, præter prædictas poenas, excommunicationis gladio plectantur... Is cui infligitur poena a Tridentino taxata, debet esse vere concubiniarius. Talis esse ille dicitur clericus, qui concubinam vel



domi suae, vel etiam extra illam alibi instar uxoris continuo retinet, et assiduam cum ea retinet consuetudinem. Unde poenae istae non cadunt in eum qui simplicem incontinentiam commisit absque qualitate concubinatus, ut declaratum est a Card. apud Gallemart ad caput 14 c. princ. et ratio est, quia poenae cum odiosae sint restringi debent. » Hisce in iure animadversis, notatum fuit parochum studuisse factum excusare per haec quae sequuntur rationum momenta; nempe sibi adhuc impossibile fuisse aliam sufficere famulam, quae rem domesticam prudenter curare sciret et valeret. Raro ait his in locis famula huiusmodi culpaee experta invenitur; nam mulieres, undequaque moribus integrae, aut nuptias incunt, aut monasterium ingrediuntur. Quamobrem his in adiunctis minus favorabilibus lex quae impedit Clericum excipere in suo famulatu feminam lapsam aut minorem quadraginta annis, in praxi a longo tempore haud asservatur. Fateor enim legem huiusmodi vim suam efficaciter exerere posse, quando agitur de famulis et presbyteris quorum fama aliquâ deturpetur actione contra bonos mores; ast in themate nullum adducere valuerunt factum adversus parochum eiusque famulam, neque eorum detractores.

Quod si lex prohibens revocari vellet ad pristinum vigorem, eximi per exceptionem adprecatus est orator, ne per mulieris expulsionem detrimentum patiatur et res domestica bonaque Parochi fama coram paroecianis.

Eiectio autem famulae, praedictae, ait parochus, nimis dura pro me ipso, nunc sexagenario foret; qui iam per 25 annos continua affectione capitis nervo-rheumatica angor, et dubietate excrucior an aliam idoneam inveniam famulam, pro innumeris valetudinis meae incommodis.

Famula praeterea quae, post primam culpam, vitam omnino commendabilem duxit, quamplures et meliores insumpsit suae vitae annos Parocho fideliter inserviando. Ex quo fit ut eadem quoddam ius manendi in parochi domo sibi acquisiverit; et inhumana videri posset eius expulsio, quam pauci exposcunt paroeciani ad vindictam explendam.

Deinde domo Parochi egressa mulier haec infirmae valetudinis, gravi premeretur necessitate, cui parochus nullum ferre posset auxilium in sua indigentia. Quinimo, praeter damnum, parochi vituperaretur fama, quae quoad mores adhuc intacta mansit, et obmurmuratio gigni posset ex facto expulsionis coactae.

Quamobrem hisce aliisque innixis argumentis, petiit parochus, ut revocata sententia Curiae Bambergensis, datum praeceptum et censurae interminatio revocarentur.

IURA CURIAE. Praemisit Curia, parochum Antonium haud ignorasse culpam mulieris quam aegro animo, ait ille, ab initio excepit in domum suam. Quo posito eidem reverenda erat lex ecclesiastica ubique adhuc vigens, et cuius origo ita antiqua est, quantum concinnatio Decretalium Gregorii IX *lib. 3 tit. 2 cap. 1* (ibi). « Inhibendum est, ut nullus Sacerdos feminas de quibus suspicio potest esse retineat. Sed neque illas quas canones concedunt matrem, amitam et sororem quia instigante diabolo, et in illis scelus perpetratum reperitur, aut etiam in pedissequis earumdem. Sed si qua de his necessitatem habuerit, presbyteri habeant in vico aut in Villa domum longe a sua conversatione, et ibi eis quae sunt necessaria subministrent. Prohibendum quoque est ut nulla femina ad altare praesumat accedere, aut presbytero ministrare aut intra cancellos stare, sive sedere. »

Quae lex confirmatur a Tridentino *Sess. 25 cap. 14 de ref.* - ibi - « Prohibet sancta Synodus quibuscumque clericis ne concubinas aut alias mulieres, de quibus potest haberi suspicio, in domo vel extra, retinere aut cum iis ullam conversationem habere audeant. » Ex hisce, ait Curia, facile arguitur, personam lapsam cooptari posse inter illas mulieres, *de quibus possit haberi suspicio.*

Quod autem applicata non fuerit lex ista in locis aliquibus ex eo forsitan repeti potest, quod nulla querela admota sit contra aliquem parochum, habentem in suo famulatu mulierem lapsam; ita ut haec diu in domo parochi permanere valuerit. Verum quum querela adsit de scandalo, ceu

in themate, superior auctoritas tacere nequit, quia periculum est in mora. Risum autem movet, quod parochus nullam aliam invenire potuerit mulierem, moribus integram, ut aliam sufficeret!

Censuit autem Curia episcopalis, adversus parochi opinionem, municipii administratores querelam admovisse zelo bonae causae, non autem odio et vindictâ. Fatemur nuperimos administratores municipales hostes Dei et liberales esse; quod tamen fortius parochum sollicitare debebat ad omnem tollendam scandali occasionem pro his Ecclesiae hostibus, removendo famulam, quam quilibet uti lapsam agnoverat. Exceptio autem in iuris applicatione a parochi pro se invocata, nullimode a Curia indulgeri potest; quia id disciplinae ecclesiasticae relaxationem innueret, praemiumque pertinaciae.

De damnis, quibus mulier obviam iret si depellatur, magis, ait sententia Curiae, culpandus est parochus quam famula. Ista enim bona fide nescivit quibus legibus sese subiecit parochi domum ingrediendo moribus haud integris; parochus autem noverat legem Ecclesiae prohibentem, et tamen mulierem excepit in domum suam, nec de lege certiores illam fecit.

Hisce praenotatis, enucleandum propositum fuit

### Dubium

*An confirmanda vel infirmanda sit sententia Curiae archiepiscopalis Bambergensis in casu.*

RESOLUTIO. Sacra Congr. Ep. et Reg. die 17 Augusti 1883 censuit respondere: *Sententiam Curiae archiepiscopalis esse confirmandam, et ad mentem: mens est ut scribatur R. P. D. Episcopo Herbipolensi ut de alia parochia provideat parochum, qui tunc derelinquere famulam debet.*

EX QUIBUS COLLIGES. I. Nedum veras concubinarias, sed etiam alias feminas, de quibus tantum suspicio haberi pos-

ait, arcendas esse a domibus presbyterorum ius et Doctores clamant.

II. Ait enim Trid. Sess. 25 cap. 14 de ref. « *Prohibet s. Synodus quibuscumque clericis ne concubinas aut alias mulieres, de quibus potest haberi suspicio in domo vel extra retinere aut cum iis ullam conversationem habere.* »

III. In themate noxam, qua sese mulier foedaverat, antequam domum parochi ingrederetur, praeuisse suspicionem, et scandali occasionem: ex quo factum est ut auctoritas ecclesiastica tacere nequiret: quamquam de moribus parochi integra permanserit fama.

---

## EX SACRA RITUUM CONGREGATIONE

---

### DECRETUM

Hispanen Beatificationis et Canonizationis Ven. Servi Dei Fr. Dydaei Iosephi a Gadibus  
Sacerdotis professi Ord'nis Minorum Sancti Francisci Capuccinorum:

#### Super Dubio

*An constet de Virtutibus Theologicalibus Spe, Fide, et Caritate in Deum et Proximum, nec non de Cardinalibus Prudentia, Iustitia, Fortitudine et Temperantia, earumque adnexis, in gradu heroico, in casu et ad effectum de quo agitur ?*

Inter ea multa, in quibus excellit generosa Hispanorum natio illud maxime accensetur, quod quamplurimos genuerit atque auerit de re Catholicae Religionis praeclare meritos, et ad vesanam retundendam impiorum hostium audaciam strenuos propugnatores. Ex his extitit, decurrente superiore saeculo, Venerabilis Dydacus Iosephus, qui Gadibus, Granatensis Regni urbe, nobili genere ortus, vel primos ipsos integerrimae vitae annos admirabili austeritate,

aliarumque christianarum virtutum cultura transegit. Exinde sublimioris perfectionis desiderio flagrans, inclitae Franciscanorum Capulorum familiae adscribi obtinuit, ubi quasi arbor frugifera super rivos aquarum plantata ita effloruit, ut una cum seraphici Patris externa asperi habitus humilitate, eius quoque mores apprime induerit, praesertim amorem eximium Crucis Christi, spiritumque vehementis caritatis. Haec tantopere pectus eius pervasit, ut quamvis ingenio tardior, ac loquelae non satis expeditae, assumptus tamen speciali Dei nutu ad opus ministerii annuntiandi populis verbum veritatis, illico in novum suae gentis Apostolum immutatus apparuerit. Solam Dei gloriam et animarum salutem inexplebili ardore quaerens, ab orationibus, ieiuniis, itineribus et laboribus numquam destitit, ut ubique per oppida et civitates pene universae Ibericae regionis, confluyente immensa hominum, ab infimis ad summos, multitudine, praedicaret Evangelium poenitentiae in remissionem peccatorum, doctrinas pravas et vitia extirparet, cunctosque doceret vias rectas. Pretiosis divinae largitatis thesauris ditatus, tamquam imbres mittebat eloquia sapientiae suae et tamquam ignem etiam duriora corda calefacientem, ita ut nemo resistere posset spiritui qui loquebatur. Hinc veluti homo sanctus a Deo missus, ac veluti alter Iacobus et Vincentius ad Hispaniae salutem datus, vulgo habitus est. Et inter admirandi huius Apostolatus labores, caritate magis ac divini honoris zelo, quam viribus consumptus, sacramentis Ecclesiae rite susceptis, Arundae, Malacitanae Diocesis oppido, placidissime quievit in osculo Domini nono Kalendas Aprilis Anno MDCCCI aetatis LVIII. Quae de eximia eius sanctitate hominum animis insederat opinio, magis ac magis post felicem ipsius obitum praesertim per Hispaniam diffusa est. Pacatis itaque rei sacrae ac publicae rebus, instructus fuit auctoritate ordinaria in Hispalensi Archidioecesi Processus eoque probato, sa. me. Pius IX Summus Pontifex Commissionem introductionis eius Causae propria manu signavit decimo octavo Kalendas Februarii anni MDCCCLXIII. Expeditis deinceps Litteris Remissorialibus, conditi fuerunt Apostolici Processus tum in eadem Archidioecesi Hispalensi, tum in Malacitana Diocesi. Sancita eorum validitate,

aliisque absolutis, quae iuxta Canonis Constitutiones praemittenda erant, ad severum virtutum examen in Sacra Rituum Congregatione deventum est, tribus de more institutis disquisitionibus. Primo in Comitibus Antepreparatoriis pridie Idus Iunii anno MDCCCLXXVII in Aedibus Reverendissimi Cardinalis Dominici Bartolini, loco Reverendissimi Cardinalis Capalti Causae Ponentis, tunc morbo impediti. Deinde in Praeparatorio Conventu in Pontificalibus Aedibus Vaticanis collecto tertio Nonas Februarii anni MDCCCLXXX. Postremo in ipsis Vaticanis Aedibus in Generali Congregatione coram Sanctissimo Domino Nostro Leone XIII superiore anno MDCCCLXXXIII nono Kalendas Iunii coadunata. In qua idem Reverendissimus Cardinalis Dominicus Bartolini Sacrorum Rituum Congregationi Praefectus, qui iam e vivis erepto cl. me. Cardinali Hannibali Capalti relatori successerat, sequens proposuit Dubium: *« An constet de Virtutibus Theologicalibus Fide, Spe, et Caritate in Deum et Proximum, nec non de Cardinalibus Prudentia, Iustitia, Fortitudine et Temperantia, earumque adnexis, in gradu heroico, in casu et ad effectum de quo agitur? »*. Et Reverendissimi Cardinales ac Patres Consultores suas ex ordine protulere sententias; Sanctissimus vero Dominus Noster suum distulit supremum ferre iudicium, ac suffragatores adhortatus est ut secum preces fundere pergerent ad uberius lumen et consilium in tam gravi negotio sibi a divina Sapientia impetrandum.

Tandem Sanctissimus Dominus Noster hac recurrente sacra die Dominica in Septuagesima, oblata piissime salutari Hostia in suo privato Sacello, in nobiliori eiusdem Palatii Vaticani aula ad se accersivit praefatum Reverendissimum Cardinalem Dominicum Bartolini, Sacrae Rituum Congregationi Praefectum et huius Causae relatores, una cum R. P. Augustino Caprara Sanctae Fidei Promotore, et me infrascripto Secretario, iisque adstantibus edixit: *« Constare de Virtutibus Theologicalibus Fide, Spe et Caritate in Deum et Proximum, nec non de Cardinalibus Prudentia, Iustitia, Fortitudine et Temperantia, earumque adnexis, Ven. Servi Dei Dydaci Iosephi a Gadibus, in gradu heroico, in casu et ad effectum de quo agitur. »*

Huiusmodi Decretum in vulgus edi et in Acta Sacrorum Rituum Congregationis referri mandavit, Quarto Idus Februarii anno MDCCCLXXXIV.

D. CARD. BARTOLINIUS S. R. C. PRAEFECTUS

L. ✕ S.

LAURENTIUS SALVATI S. R. C. SECRETARIUS

---

## DECRETUM

.Mentis Falleoli seu Viterbien. Beatificationis et Canonizationis  
Ven. Servae Dei Sor. Mariae Gertrudis Salandri Ordinis Sancti Dominici  
Fundatricis Monasterii Sanctissimi Rosarii in Oppido Valentani.

### Super Dubio

*An constet de Virtutibus Theologalibus Fide, Spe, et Caritate in Deum et Proximum, nec non de Cardinalibus Prudentia, Iustitia, Fortitudine et Temperantia, earumque adnexis, in gradu heroico, in casu, et ad effectum de quo agitur?*

Rex aeternae veritatis nihil odit magis, quam fatuam mentis humanae superbiam, ideoque propriis fidentes viribus, sui que opinione inflatos perculit; humiles vero plerumque feminas superno auxilio roboratas, ad sanctitatis fastigium, et ad ardua quaeque pro sui nominis honore gerenda eligere consuevit. Ex harum numero Venerabilis Maria Gertrudis Salandri novum tamquam sidus in inclita Dominici Gusmani familia, elapso saeculo, eluxisse visa est. Romae honestis parentibus edita in lucem, in sinceræ religionis et morum sanctitate, piæ praesertim aviae curis, una cum aetate crevit. Annum vigesimum primum egressa, ut ad se vocantem Christum liberius sequeretur, plurimis obstaculis superatis, in Viterbiensi Sanctae Catharinae Senensis monasterio regularis vitae institutum suscepit. Exactis ibi aliis viginti annis, cum illis sancti-

monialis praeclaro suo profuisset exemplo, ad novum sacrarum virginum Monasterium in Valentani oppido erigendum, ut divinae obtemperaret voluntati, se transtulit. Porro quasi altera Senensis Catharina, quam sibi a tenera aetate imitandam proposuerat, haec quoque electa virgo Maria Gertrudis spiritus sapientiae et intellectus a Deo ornata, eximiis virtutibus, imprimisque flagrantissima divina caritate ubique excelluit. Haec pariter ad divini Sponsi gloriam dilatandam se totam impendit, et prorsus virili pectore laboravit, in eo potissimum ut Dominicanam Sororum institutionem ad primigeniam observantiae pulchritudinem reduceret. Erga matrem Ecclesiam amore plena, ideo novum Monasterium fundatum voluit, ac titulo Beatissimae Dei Genitricis Mariae a Rosario dicatum, ut esset quovis tempore tamquam propugnaculum bene munitum, in quo sodales Virgines orationum armis et sacri Rosarii recitatione adversus religionis hostes dimicarent. Ac tandem, cum in tota sua vita suavem Christi odorem late effudisset ad caelestem Sponsum feliciter migravit undecimo Kalendas Aprilis anno MDCCXLVIII, aetatis suae LVIII iam expleto. Ob sanctitatis famam magis invalescentem, post pretiosum eius obitum, informativi Processus cum Valentani in Dioecesi Faliscodunensi, tum Romae et Viterbii conditi fuerunt, atque Idibus Augusti anni MDCCCLXIII a Summo Pontifice Clemente XIII signata est Commissio introductionis Causae. Constructi deinde sunt Processus Apostolici, et omnium Processuum validitate comprobata, cum rerum publicarum perturbationes Causae cursum diu interceptissent, de virtutibus primo initum fuit iudicium in Antepreparatorio Sacrorum Rituum Congregationis Conventu penes Reverendissimum Cardinalem cl. me. Constantinum Patrizi Episcopum Ostiensem et Veliternensem eidem Sacrae Congregationi Praefectum et Causae Ponentem, pridie Kalendas Septembris anno MDCCCLXXV; deinde iterum in Comitii Praeparatoriis apud Pontificias Aedes Vaticanas tertio Kalendas Maii anno MDCCCLXXIX; ac tertio in Comitii Generalibus habitis in ipsis Vaticanis Aedibus coram Sanctissimo Domino Nostro LEONE PAPA XIII superiore anno MDCCCLXXXIII decimo septimo Kalendas Februarii. Cum ibi Reverendissimus Car-



dinalis Aloisius Oreglia a Sancto Stephano, Causae Relator proposuisset dubium: *« An constet de Virtutibus Theologicalibus Fide, Spe, et Caritate in Deum et proximum, nec non de Cardinalibus Prudentia, Iustitia, Fortitudine et Temperantia, earumque adnexis, in gradu heroico, in casu et ad effectum de quo agitur ? »*; tum Reverendissimi Cardinales, tum Patres Consultores suas protulere sententias: Beatissimus Pater noluit illico iudicium hoc absolvere, suamque aperire mentem, sed adstantes hortatus est ut secum fasis precibus lumen et consilium in re tam gravi a Divino Spiritu implerarent.

Id vero tandem praestare statuit hac adveniente die Dominica in Septuagesima. Ideoque piissime celebrato Sacrosancto Sacrificio in privato suo oratorio hanc nobiliorem petiit Pontificii sui Palatii Vaticani aulam et accitis Reverendissimis Cardinalibus Dominico Bartolini Sacrae Rituum Congregationi Praefecto, et Aloisio Oreglia a Sancto Stephano Causae Relatore, una cum R. P. Augustino Caprara S. Fidei Promotore, et me infrascripto Secretario iisdemque adstantibus solemniter declaravit: *« Constare de Virtutibus Theologicalibus Fide, Spe, et Caritate in Deum et Proximum, nec non de Cardinalibus Prudentia, et Iustitia, Fortitudine et Temperantia, earumque adnexis, Venerabilis Servae Dei Sororis Mariae Gertrudis Salandri, in gradu heroico, in casu, et ad effectum de quo agitur »*.

Decretum hoc in vulgus edi, et in Acta Sacrorum Rituum Congregationis referri mandavit, Quarto Idus Februarii anno MDCCCLXXXIV.

D. Card. BARTOLINIUS S.R.C. PRAEPECTUS.

L. S.

LAURENTIUS SALVATI S. R. C

# EX ACTIS CONSISTORIALIBUS

*Die 24 Martii 1884.*

**ALLOCUTIO SS̄mi D. N. Leonis Papae XIII; qua iterum damnatur et improbatur quidquid Romae actum est et agitur cum iniuria Apostolicae Sedis.**

## VENERABILES FRATRES

Post excitatos seditionum fluctus, quorum immanes impetus in excidium civilis romanorum Pontificum principatus expugnationemque Urbis evasere, sicut Pius IX f. r. decessor Noster, ita et Nos Apostolicae Sedis iura tueri omnique contentione vindicare studimus, prout muneris officique Nostri ratio postulabat. Similique animi constantia, quoties quid iniqui vidimus in rerum novarum continuatione attentatum, veritatis iustitiaeque patrocinium suscepimus: nominatim hanc vim, quam iamdiu sustinemus, quantum repugnando potuit, propulsandam curavimus.

Verumtamen, arcano permittentis Dei consilio, vehemens illa tempestas diurnitate non resedit. Quod profecto vix opus est verbis exequi, praesertim apud Vos, Venerabiles Fratres, quibus est id, quod dicimus, quotidiano spectaculo ac prope experimento cognitum. Nihil enim cunctantes inimici in cursu consiliorum suorum, hic stabilire quotidie firmiter res suas moliuntur, omnia circumspicientes quamobrem iure optimo incommutabilique possessione consedissee in Urbe iudicentur. Huc pertinet eorum in agendo considerata dexteritas: rerum eventus per dispositas causas apparati: captatio, domi, popularis aerae: quaesita foris voluntatnm assensio: omnes denique artes, quae ad obtinendam conservandamque potentiam prodesse videantur. Quoniam igitur Ecclesiae romanae Pontificatus rationes quanto magis illi pessumdare adnituntur, tanto Nos studiosius conservare debemus, idcirco hodierna die in hoc amplissimo consessu vestro denuo improbamus damnamusque quodcumque est cum Apostolicae Sedis iniuria actum, itemque testamur, omnia Nos iura eius ex integro et in perpetuum salva velle. Neque vero aut regni cupiditate aut rerum humanarum appetentiā ducimur, quod nonnulli insigni stultitia atque impudentia pari

criminantur: sed conscientia permovemur officii, et iurisiurandi religione, et ipsis exemplis Decessorum Nostrorum eorumque virtute et sanctitate magnorum, qui pro conservando principatu civili quodcumque oportere visum est, summa fortitudine constantiaque dimicaverunt. In quo quidem principatu, praeter legitimas causas titulosque egregios et varios, inest similitudo et forma, quaedam sacra, sibi propria, nec cum ulla republica communis, propterea quod securam et stabilem continet Apostolicae Sedis in exercendo Augusto maximoque munere libertatem. Nemo est enim quin sciat, id semper Pontificibus usuvenisse, ut, amisso imperio civili, in diminutionem incurrerent libertatis; quod rursus vel in Nobismetipsis nunc idem perspicui potest sub casu alieni arbitrii varios incertosque subiectis. Nuperrimus ille et gravis de patrimonio, quod haec Apostolica Sedes christiano nomini propagando addiderat. Causa agebatur cum apostolico officio Pontificis maximi apta in primis et connexa, eademque tanto rebus humanis maior, quanto christianae propagatio sapientiae et salus hominum sempiterna. Atqui tamen operi nobilissimo, quod sapiens Pontificum munificentia instituit, et gentium christianarum aluit liberalitas, vis praesentium temporum non pepercit: ita sane ut ad futuram eius incolumitatem nova Nos inire consilia necessitas ipsa coegerit.

Ista quidem acerba: acerbiora praesentimus, et pati parati sumus. Novimus enim, decretum inimicis esse usque eo Pontificatum romanum iniuriose tractare, ut, ex aliis in alias coniectus difficultates, ad extrema, si fieri possit, urgeatur. Detestabile insanumque propositum: quod, si consentaneum iis est, qui consiliis sectarum nequissimarum inserviunt, et conculcari Ecclesiam mancipiove reipublicae dari gestiunt, profecto longe alienum ab eorum voluntate esse oportet, qui germana patriam caritate diligant, qui Pontificatus virtutem et magnitudinem non praeiudicata opinione, sed rei natura metiantur, qui beneficia ipsius tum omnibus gentibus, tum maxime Italarum generi et parta meminerint, et expectanda considerent.

Verum praecipua firmissimaque spe in Deo posita, qui vindex est aequitatis et iustitiae, animum interea a praesentium cogitatione malorum ad laetiora quaedam revocemus, quae cum Ecclesiae utilitate amplissimique Collegii vestri ornamento colligantur. Nimirum romanae honorem purpurae hodierna die deferre constitui-  
 mus IOSEPHO SEBASTIANO NETO Patriarchae Lisbonensi, et GULIELMO SANFELICE Archiepiscopo Neapolitano, virtutum doctrinaeque laude, muneribus episcopalibus naviter sapienterque gestis, et immota in hanc sedem Apostolicam fide praestantibus

Quid vobis videtur?

Auctoritate itaque omnipotentis Dei, sanctorumque Apostolorum Petri et Pauli ac Nostra creamus Sanctae Romanae Ecclesiae Presbyteros Cardinales

IOSEPHUM SEBASTIANUM NETO

GULIELMUM SANFELICE

Cum dispensationibus, derogationibus et clausulis necessariis et opportunis. In nomine Patris ✠ et Filii ✠ et Spiritus ✠ Sancti. Amen.

SSm̄us Pater habita relata allocutione, creavit et publicavit S. R. E. Cardinales

**EX ORDINE PRESBYTERORUM**

R. P. D. Iosephum Sebastianum Neto Patriarcham Ulyssiponensem, natum in Lagis, Dioecesis Pharonensis die 8 Februarii 1841.

R. P. D. Gulielmum Sanfelice e Ducibus de Aquavella Congregationis Benedictinae Casinensis, Archiepiscopi Neapolitani, natum Aversae die 18 Aprilis 1834.

Quibus praemissis, proposuit sequentes Ecclesias:

CATHEDRALES ECCLESIAS OSTIEN. ET VELITERNEN. invicem perpetuo canonice unitas vacan. per obitum clar. me. Camilli dum viveret S. R. E. Cardinalis de Petro, postremi illarum Episcopi apud romanam curiam defuncti; quas optavit Ems̄ ac Rms̄ Dominus Carolus ipsius S. R. E. Cardinalis Sacconi, sacri Collegii Decanus, Portuensis ac S. Rufinae Episcopus iisdem tamen dimissis Ecclesiis.

CATHEDRALES ECCLESIAS POR-

TUEN. ET S. RUFINAE, invicem perpetuo canonice unitas vacan. per translationem, vigore optionis Ems̄ ac Rms̄ Domini Caroli S. R. E. Cardinalis Sacconi, Sacri Collegii Decani, ad Sedes Cathedrales Ostien. et Veliternen. invicem pariter perpetuo canonice unitas, quas optavit Ems̄ ac Rms̄ Dominus Ioannes Baptista praefatae S. R. E. Cardinalis Pitra, Episcopus Tusculanus, ipsâ tamen Ecclesiâ dimissâ.

CATHEDRALEM ECCLESIAM AL-

BANEN. vacan. per dimissionem ab Ẽmo ac R̃mo Domino Gustavo Adulpho S. R. E. Episcopo Cardinali d'Hohenlohe, libere ac sponte in manibus SANCTITATIS SUAE emissam, et ab eadem acceptam; quam optavit Ẽmus ac R̃mus Dominus Raphael tituli s. Crucis in Hierusalem eiusdem S. R. E. Presbyter Cardinalis Monaco Lavalletta, praedicto Titulo Presbyterali dimisso.

CATHEDRALEM ECCLESIAM PRAENESTIN. vacan. per obitum clar. me. Antonini dum viveret S. R. E. Cardinalis de Luca, ultimi illius Episcopi, apud romanam curiam defuncti; quam optavit Ẽmus ac R̃mus Dominus Aloisius Tituli S. Anastasiae eiusdem S. R. E. Presbyter Cardinalis Oreglia a Sancto Stephano, dimisso praedicto Titulo Presbyterali.

CATHEDRALEM ECCLESIAM SABINEN. cum ei adnexo titulo Abbatialis Ecclesiae s. Mariae Farfensis, vacan. per obitum clar. mem. Aloisii dum viveret S. R. E. Cardinalis Bilio, ultimi illius Episcopi, apud romanam curiam defuncti; quam optavit Ẽmus ac R̃mus Dominus Thomas Maria Tituli s. Priscae eiusdem S. R. E. Presbyter Cardinalis Martinielli, praedicto Titulo Presbyterali dimisso.

CATHEDRALEM ECCLESIAM TUSCULAN. vacan. per translationem, vigore optionis Eminentissimi ac

R̃mi Domini Ioannis Baptistae, S. R. E. Cardinalis Pitra ad sibi invicem perpetuo canonice unitas Ecclesias Portuen. et S. Rufinae; quam optavit Ẽmus ac R̃mus Dominus Eduardus Tituli ss. Ioannis et Pauli eiusdem S. R. E. Presbyter Cardinalis Howard, praedicto Titulo Presbyterali dimisso.

METROPOLITANAM ECCLESIAM TURONEN. vacan. per obitum bo. me. Caroli Theodori Colet, ultimi illius Archiepiscopi, extra romanam curiam defuncti, favore R. P. D. Guillelmi Renati Meigneu Antistitis Atrebatensis, ad nominationem perillustris Viri Iulii Grevy Gallicae Reipublicae Praesidis.

METROPOLITANAM ECCLESIAM ROTHOMAGEN. vacan. per obitum clar. me. Henrici Mariae Gastonis S. R. E. dum viveret Presbyteri Cardinalis de Bonnechose, ultimi illius Archipraesulis, extra romanam curiam defuncti, favore R. P. D. Leonis Benedicti Caroli Thomas Episcopi Ruppelensis, ad nominationem perillustris Viri Iulii Grevy Gallicae Reipublicae Praesidis.

METROPOLITANAM ECCLESIAM MONTIS REGALIS vacan. per obitum bo. me. Iosephi Mariae Pardo de Parco, ultimi illius Archiepiscopi, extra romanam curiam defuncti, favore R. P. D. Dominici Gasparis Lancia de Brolo Episcopi titularis Philadelphiensis.

**METROPOLITANAM ECCLESIAM MECHLINIEN.** vacan. per obitum clar. me. Victoris Augusti Isidori S. R. E. dum viveret Presbyteri Cardinalis Dechamps, e Congregatiene SS<sup>mi</sup> Redemptoris, ultimi illius Archiepiscopi, extra romanam curiam defuncti, favore R. P. D. Petri Lamberti Goossens Namurcensis Antistitis.

**ARCHIEPISCOPALEM ECCLESIAM SYPONTIN.** cum administratione Vestanae Sedis, vacan. per obitum bo. me. Beniamini Feuli, ultimi illius Archipraesulis ac respectively administratoris, extra romanam curiam defuncti, favore R. D. Friderici Pizza Presbyteri Neapolitani.

**ARCHIEPISCOPALEM ECCLESIAM MITYLENE.** titularem vacan. per translationem R. P. D. Antonii Iosephi de Freitas Honorato ad Metropolitanam Sedem Bracharensem, favore R. D. Antonii Mendes Bello, Presbyteri dioeceseos Egitanensis, qui etiam deputatus fuit in suffraganeum ad pontificalia, ceteraque pastoralia munia in civitate et Patriarchatu Lisbonensi obeunda.

**CATHEDRALEM ECCLESIAM CASANEN.** vacan. per translationem ad Sedem Caiacen. R. P. D. Raphaelis Danise, Ordinis Clericorum Regularium, Infirmis Ministrantium, favore R. P. D. Antonii Pistocchi Episcopi titularis Sinopolitani et coadiutoris cum

futura successione Antistitis ss. Marci ac Bisiniani.

**CATHEDRALEM ECCLESIAM CAIACEN.** seu Calatin. vacan. per obitum bo. me. Iosephi Spinelli, ultimi illius Episcopi, extra romanam curiam defuncti, favore R. P. D. Raphaelis Danise Ordinis Clericorum Regularium, Infirmis Ministrantium.

**CATHEDRALEM ECCLESIAM BALNEOREGIEN.** vacan. per obitum bo. me. Raphaelis Corradi, ultimi illius Episcopi, extra romanam curiam defuncti, favore R. D. Herculis Boffi, Presbyteri Setin.

**CATHEDRALEM ECCLESIAM DIANEN.** vacan. per obitum bo. me. Dominici Fanelli, ultimi illius Episcopi, extra romanam curiam defuncti, favore R. D. Vincentii Addressi Presbyteri Caietanae Archidioeceseos.

**ECCLESIAM EPISCOPALEM SAMARIEN.** titularem sub Archiepiscopo Caesariensi vacan. per successionem R. P. D. Iacobi Corna Pellegrini ad Cathedralam Sedem Brixiansem, favore R. P. Fr. Alexii Biffoli Ordinis Servorum Beatae Mariae Virginis, Presbyteri Romani, qui etiam deputatus fuit in coadiutorem cum futura successione R. P. D. Philippi Fratellini, Antistitis Forosemproniensis, qui expressum ad hoc praebens assensum ob suam senio confectam aetatem alterius indiget ope ad pontificalia, ceteraque pastoralia munia illa in civitate

atque dioecesi salubriter ac fructuose in Domino obeunda.

**ECCLESIAM EPISCOPALEM TEIEN.** titolarem sub Archiepiscopo Ephesino vacan. per translationem R. P. D. Thomae Gomes de Almeida ad Cathedralē Sedem Egitanensem, favore R. D. Stanislai De Luca, Presbyteri Monopolitanae dioeceseos. Qui etiam deputatus fuit in coadiutorem cum futura successione R. P. D. Livii Parlatore, Episcopi ss. Marci ac Bisiniani, qui expressum ad hoc praebens assensum ob suam senio confectam aetatem, alterius indiget ope ad pontificalia, ceteraque pastoralia munia obeunda.

**ECCLESIAM EPISCOPALEM BIRTHAN.** titolarem sub Archiepiscopo Edesseno vacan. per obitum bo. me. Adulphi Pinsonault, ultimi illius Episcopi, extra romanam curiam defuncti, favore R. D. Paschalis Alphonsi Mariae Iaderosa, Presbyteri dioeceseos Aecerrarum. Qui etiam deputatus fuit in coadiutorem cum futura successione R. P. D. Dominici Ramaschiello Antistitis s. Agathae Gothorum, qui ob suam provectam aetatem et infirmam valetudinem, alterius indiget ope ad pontificalia, ceteraque pastoralia munia obeunda.

**ECCLESIAM EPISCOPALEM IASSEN.** titolarem sub Archiepiscopo Stauropolitano vacan. per obitum bo. me. Stephani Ludovici Charbon,

ultimi illius Episcopi extra romanam curiam defuncti, favore R. D. Caietani D'Alessandro Presbyteri Panormitani. Qui etiam deputatus fuit in coadiutorem cum futura successione R. P. D. Rogerii Blundo, Antistitis Cephaludensis, qui expressum ad hoc praebens assensum, ob suam provectam aetatem alterius exigit opem ad pontificalia, ceteraque pastoralia munia obeunda.

**ECCLESIAM EPISCOPALEM BERISEN.** titolarem sub Archiepiscopo Sebastensi vacan. per obitum bo. me. Michaelis Moysis Araoz, ultimi illius Episcopi, extra romanam curiam defuncti, favore R. D. Casimiri Ruszkiewicz, Presbyteri Seynensis, seu Augustoviensis. Qui etiam deputatus fuit in suffraganeum Varsaviensem ad pontificalia, ceteraque pastoralia munia illa in archidioecesi obeunda.

**ECCLESIAM EPISCOPALEM DULMEN.** titolarem iam sub Archiepiscopo Spalatensi vacan. per translationem ad Sedem Mobiliensem R. P. D. Dominici Manucy, favore R. D. Cyrilli Lubowidzki, Presbyteri dioeceseos Luceoriensis. Qui etiam deputatus fuit in suffraganeum Luceoriensem ac Zytomiriensem ad pontificalia, ceteraque pastoralia munia obeunda.

**ECCLESIAM EPISCOPALEM THESPIEN.** titolarem sub Archiepiscopo Thebano, vacan. per obitum

bo. me. Petri Ignatii de Benavente, ultimi illius Episcopi, extra romanam curiam defuncti, favore R. D. Antonii Baranowski Presbyteri Samogitiensis. Qui etiam deputatus fuit in suffraganeum Samogitiensem ad pontificalia, ceteraque pastoralia munia obeunda.

**ECCLESIAM EPISCOPALEM SERREN.** titularem sub Patriarcha Constantinopolitano vacan. per obitum bo. me. Christophori Donbiski, ultimi illius Episcopi, extra romanam curiam defuncti, favore R. D. Henrici Petri Delega Kosowski, Presbyteri Varsaviensis. Qui etiam deputatus fuit in suffraganeum Plocensem ad pontificalia, ceteraque pastoralia munia obeunda.

**ECCLESIAM EPISCOPALEM TROIAN.** titularem sub Archiepiscopo Cyziceno vacan. per obitum bo. me. Guillelmi Morris, ultimi illius Episcopi, extra romanam curiam defuncti, favore R. D. Caroli Pollner, Presbyteri Varsaviensis archidioeceseos. Qui etiam deputatus fuit in suffraganeum Uladislaviensem seu Calissiensis ad pontificalia, ceteraque pastoralia munia obeunda.

**ECCLESIAM EPISCOPALEM CAPHARNEN.** titularem sub Archiepiscopo Petrensi, vacan. per obitum bo. me. Bernardini Trionfetti, ultimi illius Episcopi, extra romanam curiam defuncti, favore R. D. Ioannis Baptistae Ber-

tagna Presbyteri Astensis. Qui etiam deputatus fuit in auxiliarem Emi ac Revmi Domini Caletani Titulo s. Mariae in Transpontina S. R. E. Presbyteri Cardinalis Alimonda, Archipraesulis Taurinensis, ad pontificalia, ceteraque pastoralia munia de eius consensu ac libito obeunda.

**ECCLESIAM EPISCOPALEM IONOPOLITAN.** titularem sub Archiepiscopo Gangrensi vacan. per successionem R. P. D. Francisci Xaverii Leray ad metropolitanam Sedem Novae Aureliae, favore R. D. Iacobi Daddi, Presbyteri Panormitani. Qui etiam deputatus fuit in auxiliarem R. P. D. Petri Ieremiae Michaelis Angeli ex Marchionibus Celesia Archipraesulis Panormitani ad pontificalia, ceteraque pastoralia munia de eius consensu ac libito in illa civitate et archidioecesi obeunda.

**CATHEDRALEM ECCLESIAM GADICEN.** seu Gaditan. vacan. per translationem R. P. D. Iacobi Català et Albosa ad sedem Barcinonensem, favore R. P. D. Vincentii Calvo et Valero iam Antistitis Santandriensis.

**CATHEDRALEM ECCLESIAM RUPPELLEN.** vacan. per translationem R. P. D. Leonis Benedicti Caroli Thomas ad Metropolitanam Sedem Rothomagensem, favore R. P. D. Petri Mariae Stephani Gustavi Ardin, iam Antistitis Oranensis.

**CATHEDRALEM ECCLESIAM AM**



BIANEN. vacan. per translationem R. P. D. Amati Victoris Francisci Guilbert ad Metropolitanam Sedem Burgigalensem, favore R. P. D. Ioannis Baptistae Mariae Simonis Iacquet, iam Episcopi Vapincensis, ad nominationem perillustri Viri Iulii Grevy Gallicae Reipublicae praesidis.

CATHEDRALES ECCLESIAS CALAGURITAN. ET CALCEATEN. invicem canonicè unitas, vacan. per obitum bo. me. Gabini Catalina del Amo, ultimi illarum Episcopi, extra romanam curiam defuncti, favore R. P. D. Antonii Mariae Cascaiares et Azara, iam Episcopi titularis Doxensis et in Hispaniarum regnis Militarium Ordinum Prioris, ad praesentationem Sereni Regis Catholici.

CATHEDRALEM ECCLESIAM ANGOLEN. ET CONGEN. vacan. per promotionem R. P. D. Iosephi Sebastiani Neto ad Patriarchalem Sedem Lisbonensem, favore R. P. D. Antonii Thomae da Silva Leitao e Castro iam Episcopi titularis Lycopoliensis, atque Praelati de Mossambique ad praesentationem Serenissimi Portugalliae et Algarbiorum Regis Fidelissimi.

CATHEDRALEM ECCLESIAM VAPINCEN. vacan. per translationem R. P. D. Ioannis Baptistae Mariae Simonis Iacquet ad Sedem Cathedralam Ambianensem, favore R. D. Ioannis Leonis Gouzot Presbyteri dioeceseos Petrocorti-

censis ad nominationem perillustri Viri Iulii Grevy Gallicae Reipublicae Praesidis.

CATHEDRALEM ECCLESIAM ORANEN. vacan. per translationem R. P. D. Petri Stephani Mariae Gustavi Ardin ad Sedem Rupellensem, favore R. D. Natalis Victoris Goussail, Presbyteri dioeceseos Montis Albani ad nominationem perillustri Viri Iulii Grevy Gallicae Reipublicae praesidis.

CATHEDRALEM ECCLESIAM NAMURCEN. vacan. per translationem R. P. D. Petri Lamberti Goossens ad metropolitanam Sedem Mechliniensem, favore R. D. Eduardi Iosephi Belin Presbyteri dioeceseos Tornacensis.

CATHEDRALEM ECCLESIAM CORDUBEN. in ditione Argentina Americae meridionalis vacan. per obitum bo. me. Mamertiab Esquiui, ultimi illius Episcopi, extra romanam curiam defuncti, favore R. P. Fr. Ioannis a Capistrano Tissera, Ordinis Minorum Observantium s. Francisci expressè professi, Presbyteri Cordubensis.

ECCLESIAM EPISCOPALEM LEREN. titularem sub Archiepiscopo Rhodiensi vacan. per obitum bo. me. Ioannis Thomae Hynes, ultimi illius Episcopi, extra romanam curiam defuncti, favore R. D. Crescentii Carrillo et Ancona, Presbyteri Emeritensis de Iucania. Qui etiam deputatus fuit

in coadiutorem cum futura successione R. P. D. Leandri Rodriguez de la Gala, Antistitis Iucatanensis.

**ECCLESIAM EPISCOPALEM DANABEN.** titularem sub Archiepiscopo Damasceno, vacan. per obitum bo. me. Edmundi Francisci Guierry, ultimi illius Episcopi, extra romanam curiam defuncti, favore R. P. Fr. Mariani Markovic Presbyteri archidioeceseos Werhbovensis et Ordinis Minorum Observantium s. Francisci. Qui etiam deputatus fuit in Apostolicum administratorem Ecclesiae Banialucensis, a praefata **SANCTITATE SUA** per Apostolicas Literas *« Ex hac augusta Principis Apostolorum Cathedra »* datas III Nonas Iulii 1881 institutae, Cathedralitatis honore auctae, et a primaeva erectione sua vacantis.

**ECCLESIAM EPISCOPALEM ANASTASIOPOLITAN.** titularem sub Archiepiscopo Ephesin. vacan. per obitum bo. me. Petri Ferdinandi Witte, ultimi illius Episcopi, extra romanam curiam defuncti, favore R. D. Caroli Schwarz, Presbyteri Pragensis Archidioeceseos. Qui etiam deputatus fuit in auxiliarem Emi ac Rmi, D. Friderici Iosephi, Titulo s. Augustini S. R. E. Presbyteri Cardinalis Schwarzenberg, Archipraesulis Pragensis, ad pontificalia, ceteraque pastoralia munia de eius consensu ac libito obeunda.

**ECCLESIAM EPISCOPALEM PHILOMELIEN.** sub Archiepiscopo Synnadensi vacan. per obitum bo. me. Iosephi Ponsot, ultimi illius Episcopi, extra romanam curiam defuncti favore R. D. Stephani Neszveda, Presbyteri Vaciensis dioeceseos. Qui etiam deputatus fuit in auxiliarem R. P. D. Antonii Iosephi Peitler, Antistitis Vaciensis ad pontificalia, ceteraque pastoralia munia de eius consensu ac libito obeunda.

**ECCLESIAM EPISCOPALEM TABRACEN.** sub Archiepiscopo Carthaginen. vacan. per successionem ad Sedem Kingstonien. R. P. D. Remigii Gaulin, favore R. P. Fr. Bernardini di Milia Ordinis Minorum Capulatorum s. Francisci, Presbyteri Compsanae archidioeceseos.

**CATHEDRALEM ECCLESIAM BUDVICEN.** vacan. per obitum bo. me. Ioannis Valeriani Tirsik ultimi illius Episcopi extra romanam curiam defuncti, favore R. D. Francisci de Paula e Comitibus de Schönborn Presbyteri Pragensis, ad nominationem sacrae Caesareae Maiestatis Francisci Iosephi I. Austriae Imperatoris, Bohemiae et Hungariae Regis Apostolici.

**ECCLESIAM CATHEDRALEM SANTANDARIEN.** favore Iacobi Sanchez y Castro, canonici lectoralis Legionensis.

**ECCLESIAM CATHEDRALEM OVTEN.** favore R. P. Fr. Raimundi

Martinez y Vigil ex Ordine Praedicatorum.

ECCLESIAM CATHEDRALEM S. IACOBI CAPITIS VIRIDIS favore R. Domini Ioachimi Augusti de Barros, Parochi s. Salvatoris

Per Breve autem pontificium sequentes Ecclesiae collatae fuerunt:

ECCLESIA TITULARIS ARCHIEPISCOPALIS CYRREN. R. P. D. Nicolao Adames, iam Episcopo Luxemburgensi.

ECCLESIA TITULARIS ARCHIEPISCOPALIS SALAMINEN. R. P. D. Patrio Ioanni Ryan, coadiutori Petri Riccardi Kenrick, Archiepiscopi s. Aloysii Statuum Unitorum Americae.

ECCLESIA TITULARIS ARCHIEPISCOPALIS SIRACEN. R. P. D. Adamo Claessens, iam Episcopo titulari Tranopolitan.

ECCLESIA METROPOLITANA SYDNEYEN. in Nova Galles R. P. D. Patrio Francisco Moran, iam Episcopo Ossorien.

ECCLESIA METROPOLITANA NOVAE AURELIAE. R. P. D. Francisco Xaverio Leray, iam Episcopo titulari Ianopolitan.

ECCLESIA TITULARIS ARCHIEPISCOPALIS AMIDEN. R. D. Beniamino Cavicchioni, electo Delegato Apostolico pro Statibus Aequatoris, Boliviae et Peruviae.

ECCLESIA TITULARIS EPISCOPALIS IOPPEN. R. P. D. Eugenio O'Connell, iam Episcopo e Grass Valley.

e Tarquetà Archidioecesis Bracharensis.

ECCLESIAM EPISCOPALEM TITULAREM PHILADELPHIEN. favore R. D. Henrici Iosephi Read da Silva, canonici Cantoris in Loanda.

ECCLESIA CATHEDRALIS MOBILIEN. IN ALABAMA R. P. D. Dominico Manney, iam Episcopo titulari Dulmen.

ECCLESIA CATHEDRALIS HARLEMEN. R. D. Gaspari Bottman, Canonico Theologo et praesidi magni Seminarii.

ECCLESIA CATHEDRALIS HAMILTONEN. R. P. Magistro Iacopo Iosepho Carbery, socio P. Generalis ordinis Praedicatorum.

ECCLESIA CATHEDRALIS LUXEMBURGEN. R. P. Ioanni Koppes parochi apud Esch sur l'Alzette.

ECCLESIA CATHEDRALIS BUDVICEN. in Boemia R. D. Francisco di Pauloa e comitibus Schörnborn.

ECCLESIA CATHEDRALIS BALLARETEN. in Australia R. D. Iacobo Moore, Vicario capitulari.

ECCLESIA TITULARIS EPISCOPALIS CISSAMEN. R. P. Adriano Rouger e Congregatione Missionis, Vicario Apostolico e Kiang-si meridionali in Sinis.

ECCLESIA TITULARIS EPISCOPALIS BODONEN. R. D. Rodulpho de Courmont e Congregatione Spiritus Sancti et s. Cordis Mariae, Vicario Apostolico e Zanzibar.

**ECCLESIA TITULARIS EPISCOPALIS COLOPHONIEN.** R. P. Francisco Xaverio Riehl e Congregatione Spiritus Sancti, et s. Cordis Mariae, Vicario Apostolico e Sene-gambia.

**ECCLESIA TITULARIS EPISCOPALIS ABDERITAN.** R. P. Alfonso de Voss e Congregatione Cordis immaculati Mariae, Vicario Apostolico Mongoliae Occiduo-meridionalis.

**ECCLESIA TITULARIS EPISCOPALIS ELEUTHEROPOLITANA** R. P. Theodoro Ermanno Butsès e Congregatione Cordis immaculati Mariae, Vicario Apostolico Mongoliae orientalis.

**ECCLESIA TITULARIS EPISCOPALIS ROSALIEN.** R. P. Andreae Chin-

chon e Praedicatoribus, Vicario Apostolico Emoy in Sinis.

**ECCLESIA TITULARIS EPISCOPALIS HIEROCAESARIEN.** R. P. Francisco Xaverio Van-Camelbeke e Congregatione pro missionibus exteris Parisiorum, Vicario Apostolico Concinsinae orientalis.

**ECCLESIA TITULARIS EPISCOPALIS FUSSOLAN.** R. P. Paulo Mariae Reynaud e Missione, Vicario Apostolico e Tche-Kiang in Sinis.

**ECCLESIA TITULARIS EPISCOPALIS CANEEN.** R. D. Nicolao Donnelly, Canonico et paroco Dublini, deputato in auxiliarem Emi et Revmi Cardinalis Eduardi Mac-Cabe, Archiepiscopi Dublinensis.



## EX S. CONGREGATIONE DE PROPAGANDA FIDE

—————

**LITTERAE Emi Cardinalis Praefecti S. Congregationis Propagandae Fidei, quibus varia constituuntur contra, extra Italiam, ad fidelium oblationes colligendas.**

*Illmo e Rmo Signore.*

*Praeclarissime Praesul.*

È nota alla S. V. la sentenza emanata ai 29 gennaio p. p. dalla suprema Corte di Cassazione di Roma, a Sezioni riunite, circa la convertibilità dei beni di questa s. Congregazione. Secondo siffatto pronunciato, già qualificato abbastanza dalla pubblica opinione, la Propaganda viene equiparata a particolari enti ecclesiastici locali e

*Nota iam Tibi profecto est sententia, quae die 20 Ianuarii, proxime elapsi, e Supremo Consilio Causis rerum iudicatarum dirimendis, Romae constituto prodiit; quaque huius Congregationis bona converti (ut aiunt) posse decretum est. Per huiusmodi iudicium, iam satis publica opinione damnatum, sacra haec Congregatio, cuilibet ecclesiastico coetui comparatur, atque una eademque lege quae*

perciò compresa nella legge di conversione del patrimonio di tali enti, conservati nella provincia romana. (Legge 19 giugno 1873.) Ora, siccome V. S. già conosce, ben altra è la natura di questo Istituto, indubbiamente internazionale, sia riguardato il carattere della missione affidatagli, sia la provenienza dei capitali che costituiscono il suo patrimonio.

L'atto fondamentale con cui Gregorio XV, di s. m. diè principio a questa magnifica opera, gloria della s. Sede e insieme dell'Italia, la serie delle costituzioni pontificie emanate a riguardo di essa durante i due secoli e mezzo della sua esistenza, a traverso le crisi anco le più violente dell'Europa, avevano chiarito abbastanza avanti a tutto il mondo, che i Pontefici stabilirono questo Istituto allo scopo esclusivo di farne l'istromento per esercitare efficacemente il proprio ministero dell'apostolato, colla propagazione della fede su tutta la faccia della terra; al quale effetto gli conferirono i più ampt e straordinari poteri. Per assicurargli la piena libertà nell'esercizio di tanto sublime officio, essi stessi per i primi gli fornirono mezzi pecuniari, e in questo intendimento medesimo i fedeli di tutte le nazioni volenterosamente concorsero ad aumentare il suo patrimonio, che non a vantaggio di un popolo solo era destinato, ma a bene dell'intiera umanità.

Pertanto apparisce manifesto che la sentenza accennata sopra non colpisce già i beni di un particolare istituto che danneggia il

*lata est die 19 Iun. an. 1873 de Patrimonio in Gubernii proprietatem convertendum, comprehenditur.*

*Iamvero sicut tu, Illustrissime Rm̃e Dñe, probe nosti, diversae omnino naturae est hoc Institutum, quod nimirum ad omnes nationes pertinet, tum ratione provinciae ipsi demandatae, tum etiam ratione originis eorum bonorum, quae illius Patrimonium constituunt.*

*Ipse primaevae institutionis actus, quo videlicet s. m. Gregorius XV. Rom. Pont. huic magnifico operi, quod profecto est S. Sedis, imo etiam Italiae decus, initium dedit: Pontificiae Constitutiones ad illud spectantes, duobus subinde saeculis, cum dimidio, difficillimis toti Europae temporibus, editae, satis superque ostenderunt, Romanos Pontifices hoc perficiendo Instituto, nihil aliud intendisse, quam ut instrumentum sibi quodammodo compararent ad ministerium suum Apostolicum, quod est in primis in universum mundum Christianae Fidei propagatio, explicandum: qua de causa amplissima eidem potissimae iura attribuerunt. Quo vero in hoc adeo praeclaro Ministerio exercendo pleniori libertate Institutum gauderet, eidem pecuniarum subsidia priores contulerunt: eademque deinceps de causa omnium nationum fideles populi ad eius augendum Patrimonium convenere; quod quidem non uni genti, sed universae hominum societati destinabatur.*

*Patet igitur apertissime, sententiam, cuius supra memini, non privati cuiusquam tantummodo Instituti bona percellere; sed patrimonium ministerio ipsi Apostolico exercendo, quod est gentes omnes Christiana Fide civibusque moribus informare, unice destinatum. Huic igitur ministerio sententia illa officit, sive quum illud periculo exponat eius-*

capitale destinato esclusivamente all'esercizio dello stesso ministero apostolico del Romano Pontefice per la conversione delle genti alla luce della Fede e della civiltà. Essa lo danneggia, sia esponendo la Propaganda al pericolo di vedere quandochessia perire questi beni, o totalmente o parzialmente, per effetto di non improbabili eventualità, sia mettendo anco nell'arbitrio dei partiti signoreggianti, e però nella più deplorabile incertezza, il pagamento delle rendite, e soprattutto togliendole la libera disposizione degli stessi suoi capitali ad essa del tutto necessaria, visto il carattere d'iniziativa proprio della sua natura e le frequenti occasioni di dover accorrere agli straordinari bisogni delle varie missioni.

Il S. Padre affittissimo per questo nuovo e fiero attentato agli imprescrittibili diritti del suo apostolato, e prevedendo le tristi conseguenze derivanti dalla conversione dell'attuale patrimonio della S. C., già del resto nella massima parte alienato, lite pendente, dal governo, sente il dovere di provvedere nei migliori modi al sicuro avvenire di sì benemerito Istituto. Perciò si è degnato ordinarci che a garantire tal sicurezza io dichiarai, conforme faccio colla presente, che quindi innanzi la Sede amministrativa della Propaganda, per tutte quelle donazioni, lasciti, e oblazioni colle quali piacesse alla pietà dei fedeli concorrere alle continue e ingenti sue spese, viene trasferita fuori dell'Italia. E per provvedere alla maggior comodità comune; si è determinato di stabilire nelle diverse

*modi bona sive ex parte, sive omnino, quibusdam temporum adiunctis quae contingere solent, aliquando amittendi; sive quum factionum quarumcumque hodie crasse dominantium arbitrio concedat, atque idcirco dubiam admodum incertamque redditu statuti annui redditus solutionem; ac demum praesertim quum eidem Congregationi potestatem adimat, quam ipsa ratio et natura eiusdem Congregationis postulat; sua per se bona disponendi; potestatem inquam summopere necessariam ob calamitates, quae saepe numero contingere solent, quibusque subveniendum per ipsam est, exterarum Missionum.*

*SSm̄us Pater ob tam atrocem iniuriam tamque grave vulnus sacris Apostolatus sui iuribus recens inflictum summo dolore affectus, tristitiaque praevidens, quae ex Patrimonii quod ad S. Congregationem pertinet, quodque ceteroquin, dum adhuc sub iudice lis esset, iam ex parte ab Italico Gubernio divenditum fuit, conversione, ut aiunt, consecutura sunt, officii sui esse iure existimavit, huius Instituti, tam bene de Ecclesia meriti, incolumitati consequentibus temporibus, eo quo modo possit, consulere atque prospicere.*

*Quapropter, huius videlicet incolumitatis confirmandae gratia, mihi praecipere dignatus est, ut (quod praesentibus literis ago) edicerem, administrationis sedem omnium donationum, legatorum atque oblationum, quas per pios Fideles eidem Congregationi Fidei Christianae propagandae fieri contingeret, ut continuis ingentibusque impensis occurrant, extra Italiam translatum iri.*

*Atque quo maiori omnium commoditati consulatur, quaedam centra seu Procurationes in variis mundi plagis constituere visum est; ubi quae iidem offerent*

parti del mondò varii centri o Procure, ove le loro offerte possono essere poste fuori d'ogni pericolo, e a libera e indipendente disposizione di questa s. Congregazione per vantaggio delle ss. Missioni. Tali Procure vengono indicate nella nota che se le aggiunge, e che insieme colla presente circolare sarà dalla S. V. recata a conoscenza di tutti i fedeli alle sue cure affidati. Mi riservo di comunicarle in seguito ove occorra ulteriori istruzioni. Del resto la S. C. nutre ferma fiducia che il nuovo colpo recato alla Chiesa, lungi dallo indebolire la pietà dei cattolici, le sarà stimolo potente, perchè con generosità sempre maggiore sovengano ai bisogni delle missioni che si fanno di giorno in giorno più imperiosi e molteplici.

Intanto ecc.

Dalla Propaganda 15 Marzo 1884.

GIO. CARD. SIMEONI *Prefetto*

† D. ARCIV. DI TIRO, *Secretario*

**NOTA DELLE PROCURE  
IN EUROPA**

Vienna  
Monaco di Baviera } *Presso le Nun-  
Parigi } zature Apo-  
Madrid } stoliche.*  
Lisbona }  
Aja - *Presso l' Internunzio Apo-  
stolico.*  
Belgio - *Presso l' Arcivescovo di  
Malines.*  
Malta - *Presso l' Agente della Sa-  
cra Congregazione.*  
Londra - *Presso l' Eñno Cardinale  
Arcivescovo.*  
Dublino - *Presso l' Eñno Cardinale  
Arcivescovo.*  
Costantinopoli - *Presso il Vicario  
Patriarcale pei latini.*

*nullo modo periclitantur et liberae atque omnino independenti eiusdem Sacrae Congregationis dispositionis pro sacris Missionibus committantur.*

*Huiusmodi centra seu Procuraciones in Nota prostant quae hic exhibetur, quaeque per Te in omnium Fidelium, qui Tibi commissi sunt, notitiam deducetur. Quae praeterea innuenda sunt, opportuniori tempore Tibi, Rñe Dñe, exponam.*

*Ceterum S. Congregatio haec armissimam spem nutrit fore ut quam novum, tam grave vulnus Ecclesiae infictum non modo Catholicorum pietatem imminuat, verum etiam efficacem calcar admoveat, atque maiori semper generositate sacrarum Missionum necessitatibus quae et numero et vi quotidie excrescunt, libenter subveniant.*

*Datae e Collegio a Propaganda Christiana Fide. Die 15 Martii 1884.*

IO. CARD. SIMEONI *Praefectus*

† D. ARCHIEP. TYREN. *a Secretis.*

**CATALOGUS PROCURATIONUM  
EUROPAE REGIONES**

Vienna  
Monachium Bavariae } *Apud Nun-  
Lutetia Parisiorum } tios Apo-  
Matritum } stolicos.*  
Ulyssipo }  
Haja - *Penes Internuntium Apo-  
stolicum.*  
Belgium - *Penes Archiepiscopum  
Mechlinen.*  
Melita - *Penes Procuratorem Sa-  
crae Congregationis.*  
Londinum - *Penes Eñnum Card.  
Archiepiscopum.*  
Dublinum - *Penes Eñnum Card.  
Archiepiscopum.*  
Constantinopolis - *Penes Vicarium  
Patriarchalem Latinorum.*

## IN ASIA

Bombay }  
Calcutta } *Presso i Vicari Aposto-*  
Madras } *lici.*

## ASIAE REGIONES

Bombayum }  
Calicutta } *Penes Vicarios*  
Madrasium } *Apostolicos.*

## IN AMERICA

Nuova-York - *Presso l'Emo Car-*  
*dinale Arcivescovo.*

S. Francisco }  
Quebec } *Presso i rispettivi*  
Toronto } *Arcivescovi.*

Rio Janeiro - *Presso l'Internun-*  
*zio Apostolico.*

Buenos-Ayres - *Presso il Delegato*  
*Apostolico.*

Quito - *Presso il Delegato Aposto-*  
*lico.*

## AMERICAE REGIONES

Nova Yorchia - *Penes Emum Card.*  
*Archiepiscopum.*

S. Franciscus }  
Quebechum } *Penes proprios*  
Torontum } *Archiepiscop.*

Rivus Janeirus - *Penes Internun-*  
*tium Apostolicum.*

Buenos Ayres - *Penes Delegatum*  
*Apostolicum*

Quitum - *Penes Delegatum Apo-*  
*stolicum.*

## IN OCEANIA

Sydney - *Presso l'Arcivescovo.*

## OCEANIA

Sydneyum - *Penes Archiepisco-*  
*pum.*

## IN AFRICA

Algeri - *Presso l'Emo Cardinale*  
*Arcivescovo.*

## AFRICA

Algeria seu Julia Caesarea - *Penes*  
*Emum Card. Archiepiscopum.*

*N. B. Quante volte la distanza*  
*impedisca ai fedeli di far pervenire*  
*le somme ai centri accennati, po-*  
*tranno all'effetto dirigersi al pro-*  
*prio Ordinario.*

*N. B. Quoties locorum distan-*  
*tia impediatur quominus pecunia a*  
*Fidelibus oblata ad centra, quae*  
*supra indicantur, perveniat, pot-*  
*erunt hi ad proprios Episcopos se*  
*convertere.*

## EX S. CONGREGATIONE CONCILII

## ALBARICINEN.

## SERVITII CHORI ET ALTARIS

*Die 4 Augusti 1883.*

COMPENDIUM FACTI. Ecclesiam Cathedrallem Albaricinen-  
sem, Dioecesi Secobricensi unitam, Summus Pontifex Grego-  
rius XIII anno 1577 penitus distinxit atque separavit, ex-  
presse cavens ut Episcopus et Capitulum restitutae Dioece-  
sis antiquas constitutiones capitulares immutare, aliasque



insuper de novo condere valerent. Vigore huiusmodi facultatum Episcopus et Capitulum anno 1593 antiquas Constitutiones recensuerunt, simulque nonnullas alias de novo ediderunt; et sub n. 18 constituerunt quod Dignitates, et octo Canonici deberent servire per hebdomadas; exceptis diebus inibi designatis, in quibus Decanus supplet Praelatum absentem vel non celebrantem.

Huic constitutioni innixus Decanus nunquam aut choro per hebdomadas interfuit, aut missas conventuales per turnum litare consuevit; sed celebravit tantummodo Episcopo absente vel non celebrante.

Quum autem concordatum anni 1851 statuerit Dioecesim Albaricinensem Terulensi uniri, et Ecclesiam illius cathedralis in Collegiatam redigi; Hispanicum gubernium decreto anni 1852 numerum Canonicorum et Beneficiatorum, dotationem eorundem (quae nunc ex pensionibus a gubernio solvendis constituitur) ceterasque cultus assignationes tamquam pro ecclesia collegiata reduxit.

In novo huiusmodi statu Capitulum Constitutionem 18 reformandam esse censuit; atque reipsa in comitiis capitularibus habitis die 21 Octobris 1878, Episcopo administratore Apostolico praeside, consentientibus omnibus praeter Decanum, declaratum ac sancitum fuit quod, ex concessione et acquiescentia Capituli, Decanus dominus Andreas Comas celebrabit Missas *Mitrae*; sed sub conditione ne praerogativa haec ad alios decanos transiret; ita ut istius successores in Decanatum servire debeant per hebdomadas, alternatim ceu alii capitulares. Quod quidem decretum Episcopus administrator Apostolicus, nedum viva voce et voto ratum habuit, verum etiam scripto confirmavit die 2 Novembris 1878.

Extinctae hinc videbantur controversiae et lites Decanum inter et Capitulum, sed malo fato acrius exarserunt cum anno 1880, Andrea Comas demortuo, Decanus renunciatus fuit Canonicus Ioseph Zapater, qui illico ac possessionem accepit decreto capitulari propalam obstitit. Sed ne

longius adhuc protraherentur istae dissensiones, Vicarius capitularis rem Apostolicae Sedis iudicio commisit.

### Disceptatio Synoptica

DEFENSIO CAPITULI. Neminem latet Capitulum facultate pollere statuendi leges, quæ eius particulare regimen respiciunt, *Cap. cum accessissent 8 de Constit. Cap. Significatum 11 de Praebendis* et unanimiter tradunt Gonzalez in *decret. lib. 1 tit. 2 de Constit. cap. 6 n. 5*, Scarfant. ad Ceccoper. *lucub. canon. tom. 2 lib. 4 tit. 6 num. 23*: Idque eo fortius in casu retinendum videtur, quia decretum a Capitulo conditum est cum consensu et approbatione Episcopi administratoris Apostolici. Concurrente enim Episcopi consensu, Capitulum ardua quoque et concernentia statum universalem ecclesiae statuere valet. Ad rem s. Rota in *causa Paduana 26 Ianuarii 1618, part. 4 recent.* « De » iure, in iis, quae non concernunt statum universalem ecclesiae, Capitulum etiam sine consensu Episcopi potest » facere statuta. Et in specie de concernentibus ordinatio- » nem chori fuit dictum in causa Ilerdensi (19 Martii 1597 » coram Corduba). . . Hoc autem multo magis potest fa- » cere Capitulum, consentiente Episcopo, quia tali casu po- » test statuere etiam ardua et concernentia universalem » statum ecclesiae, ut tradunt omnes. . . et fuit dictum in » Ilerdensi causa (coram Corduba) de qua supra. »

Pariformiter eâdem facultate, qua Capitulum valet propria statuta condere, potest et illa immutare atque abrogare; omnis enim res per quascumque causas nascitur, per easdem dissolvitur *cap. 1 de Reg. Iuris*. Concinit s. Rota *part. 17 recent. decis. 37 n. 11* - ibi - « Neque enim » dubium est, quin ea auctoritate, qua canonici valent con- » dere statuta... eâdem potestate valeant antiquiori dero- » gare. Et *part. cit. decis. 308 n. 9*. Eâdem facultate, » qua in iis, quae ecclesiae regimen concernunt, licet capitulis ecclesiarum statuta condere; licet quoque condita

› abrogare. › Idipsum docet S. C. C. in *Senogalliensi 9 Maii 1829* §. *Neque*: « Tandem inest Capitulo facultas › propria decreta immutandi, declarandi, revocandi, dum- › modo in his eadem quae anteactis decretis solemnitas in- › tercedat. S. C. *EE. et RR. 13 Martii 1615.* ›

Quae exposita sunt, capitulum confirmare curavit verbis decreti Nuntii Apostolici, qui executus fuit Litteras Gregorii XIII 20 Iulii 1582. Quo decreto Episcopo et Capitulo concessum fuit antiquas immutare constitutiones, addere et constituere quidquid magis conficiat ad disciplinam, decus et regimen chori, sacrarum functionum, et ad proprium singulorum munus. Qua facultate utentes capitulares condiderunt constitutiones et variis temporibus, quum opus esset, easdem modificaverunt, immutarunt et aliquid novi addiderunt.

Sive igitur ius communè inspiciatur sive ius particulare, iugi observantiâ firmatum, idem semper consequitur, Capitulum nempe plenè ac perfecto iure potuisse una cum Episcopo administratore edere decretum diei 21 Octobris 1878. Atque id eo magis quia constitutio 18 per Concordatum evanuit; nam Gubernium omnia beneficiorum bona sibi addixit, promittendo beneficiatis annuos redditus.

Hinc dicendum videtur cessasse formam explendi onera in antiqua bonorum distributione fundatam: et capitulum iure putavisse onus peragendi divina officia adimpletum iri ab omnibus et singulis canonicis, nemine excepto: et huic ordinationi Decanum iniuria obstitisse: dum libenter et absque disceptatione sese subiecit Concordato, a quo deleta fuit constitutio 33, vi cuius Decanus tradere debebat Vicario parochi 24 ducata, quae nunc non rependit.

Tandem Capituli ius certius fieri videtur, si ad trutinam parumper revocetur decretum superius memoratum, iuxta communis iuris censuram. Sane concil. Trid. *Sess. 24 cap. 12 de Reform.* diserte statuit: « Praeterea obtinentibus in eis › dem Cathedralibus, aut Collegiatis Dignitates, Canonica- › tus, Praebendas aut portiones non liceat vigore cuiusli-

» bet statuti aut consuetudinis, ultra tres menses, ab eis-  
 » dem Ecclesiis quolibet anno abesse: salvis nihilominus  
 » earum Ecclesiarum constitutionibus, quae longius servitii  
 » tempus requirunt. . . Omnes vero divina per se et non  
 » per substitutos compellantur obire officia. . . atque in  
 » choro, ad psallendum instituto, hymnis et canticis Dei  
 » nomen reverenter, distincte, devoteque laudare. » Concor-  
 » dat *cap. Conquerente 6 et cap. penult. de Cleric. non re-*  
*resident., cap. Extirpandae 30 §. Qui vero de Praebend.*  
 Posita vero hac saluberrima iuris dispositione, intelligi haud  
 datur quonam pacto Decanus detrectare nunc valeat obser-  
 vantiam decreti capitularis praescribentis, quod ipse per heb-  
 domadas, ceu alii Capitulares, onera chori impleat. Dubium  
 enim non est quin et Decanus comprehendatur in praefata  
 Conc. Trid. dispositione, quae se extendit ad illas etiam  
 Dignitates, quibus competit iurisdictio in Canonicos et exem-  
 ptio a iurisdictione Ordinarii, ceu docet S. C. C. apud Garziam  
*de Benef. par. 3 cap. 2 num. 180 et 181.*

Post haec nemo non videt Decanum frustra conqueri de  
 capitulari decreto, vi cuius abrogata manet Constitutio 18.  
 Superius enim adnotata dum evidenter ostendunt decretum  
 capitulare adamussim respondere sanctionibus Conc. Tri-  
 dent. *Sess. 24 cap. 12 §. Praeterea*, luculenter etiam e-  
 vincunt Constitutionem 18 nullitatis vitio laborare, utpote  
 a praescriptionibus eiusdem Conc. *loc. cit.* abnormem.

Nec hilum proficit quod Decanus, ad eludendas praefatas  
 iuris sanctiones refert: *S. R. C. iterum atque iterum decla-*  
*rasse, hac de re, ius seu potius obligationem, quam prima*  
*dignitas habet celebrandi Missas pontificales aliasque sole-*  
*mnes functiones peragendi, absente vel impedito Praelato.*  
 Etenim istae declarationes ad summum comprobarent De-  
 canum habere tale ius vel onus, praeter munus alternandi  
 cum ceteris Canonicis per hebdomadas.

DEFENSIO DECANI. Verumtamen Decanus totis viribus de-  
 creto capitulari obsistit ex eo quod ius illi tributum a Con-  
 stitutione 18 atque longissima consuetudine firmatum, nec

abrogatum fuit a Concordato, nec abrogari potuit a Capitulo una cum Episcopo administratore Apostolico. Quod ut clarius evadat, praemonendum puto, ait decanus, ex iuris communis dispositione quasdam Dignitates adesse, quae non secus sunt de Capitulo quam ut solemniore functiones in maioribus anni festivitibus peragant, ita ut nedum residentiae legibus et Conventualium turno minime teneantur; De Luca *De Canon. et Dignit. disc. 4 n. 5. S. Rota Decis. 708 part. 1 recent.*, verum etiam neque quotidianas distributiones lucrentur, neque vocem habeant in Capitulo, nec stallum in choro; De Luca *loc. cit. disc. 1 n. 6* - ibi - « De » iure ac, cessante particulari consuetudine, Dignitates non » dicuntur de Capitulo. . . tum etiam quia illae sunt exem- » ptae a turno Missarum conventualium, aliarumque quoti- » dianarum provisionum sacerdotalium, solis Canonicis incum- » bentium, cum dignitatibus distributae sint aliquae maio- » res solemnitates aliaeque functiones. »

Revera Conc. Trid. duplicem dignitatum speciem agnovit; alteram nempe aliquid commune cum Capitulo habentem, ut in *cap. 3 Sess. 21 de Reform.*, et alteram contra quae nihil cum eo habet commune, ut in *Sess. 22 eod. cap. de Reform.* Ita notat Fagnanus in *cap. Quia nonnulli de Cleric. non resident. num. 12* - ibi - « Concilium » duo genera dignitatum et officiorum in collegiatis Ecclesiis distinxit, quod etiam animadvertit Navarrus in » *Manual. c. 27*. Unum earum dignitatum, quae participant de redditibus mensae capitularis, de quibus intelligitur *cap. 3 Sess. 21*, alterum earum, quae proprios et » separatos habent redditus, et nihil habent commune cum » Capitulo; quas etiam agnovit ius commune. . . et non » obligant ad residentiam. . . et de his intelligitur *cap. 3. Sess. 22.* »

Difficultatem vero, quae exurgit ex *Sess. 24 cap. 12 §. Praeterea*, ita praeoccupat laudatus Fagnanus *loc. cit. num. 20*: « Nec urget quod Conc. in *d. §. Praeterea* generaliter loquatur, aptumque sit comprehendere obtinen-

» tes quascumque dignitates; quia dispositio generalis sub-  
 » sequens non refertur ad ea, de quibus specialiter supra  
 » cautum est, ad *L. Doli clausula de Verbor. obligat.* »  
 Hisce in iure praenotatis, perpendendum occurrit quod licet ex actorum fasciculo haud liquido appareat, utrum Decanus ante novissimum Concordatum proprios et separatos habuerit redditus, quidque nunc habeat commune cum Capitulo, ut ad tramites Conc. Trident. tuto dignosci valeat an ipse adnumerandus sit inter Dignitates residentiales *cap. 3. sess. 21* vel non residentiales *cap. 3 sess. 22*; nihilominus, omnibus adiunctis pensitatis, inter hasce ultimas praedictus Decanus recensendus omnino videtur.

Ac praeprimis Decanum minime participasse de redditibus mensae capitularis; atque proprios potius ac separatos habuisse redditus, satis colligi posse videtur ex eo quod Canonici, prouti refert Capitulum, stipendium Missae conventualis iugiter perceperunt ex quadam massa canonicali constituta prius ex bonis suppressae praebendae et postea ex annuis redditibus; qui decimae vocabantur; dum e contra Decanus nihil unquam de praedicta massa percepit. Accedit quod ius in praedicta Constitutione sancitum fuerit ab omnibus Decanis praefatae Ecclesiae constanter semperque exercitatum, nec in diuturno lapsu temporum a nullo unquam Capitularium in dubium revocatum.

Colligitur hinc quod etiamsi concederetur Constitutionem 18 contra sanctiones Conc. Trid. *Sess. 24 cap. 12* editam fuisse; ius tamen Decani in eodem firmitatis robore permaneret, cum ipse sibi vindicare posset meliorem titulum de mundo, consuetudinem videlicet longissimam, quae in Ecclesia Albaricinen. viget ab anno 1593 usque in praesens, quaeque immemoriali aequiparatur.

In vado itaque posito perantiquo Decani iure, facili negotio evinci posse videtur decretum capitulare 21 Octobris 1878 minime substineri. Licet enim Capitulum et Episcopus valeant statuta abrogare sicut et condere; haec tamen potestas limitatur ubi iustae causae deficient vel praeiudi-

ciun tertio generetur. Ita, prae ceteris, Reiffenstuel *lib. 1 Decretal. tit. 2 num. 533* « . . . indubitatum est quod » Capitula et Communitates illae, quibus competit facultas » condendi Statuta, denuo *istis de causis* haec eadem tol- » lere atque revocare valeant, *dummodo inde nullum ter- » tium praeiudicium generetur.* » Requiritur equidem iustae causae, quia lex debet esse necessaria, seu non tradi, nisi ex instanti necessitate, *can. Erit autem lex dist. 4 iuncto can. Regulae dist. 29.* Praesertim vero, quod leges nonnisi gravi de causa sint abrogandae aut immutandae, recte monet Imperator *L. 3 ff. de constitut. Princip.* - ibi - *In rebus novis constituendis evidens esse utilitas debet, ut recedatur ab eo iure, quod diu aequum visum est.* Reiffenstuel *loc. cit. num. 488.* Requiritur insuper ut revocatio statuti nullum tertio praeiudicium afferat, quia ex *iuris reg. 33 in 6, mutare quis consilium non potest in alterius praeiudicium.*

Porro in themate nedum iustae causae exulare videntur verum etiam praeiudicium haud leve Decano afferri conspicitur ex eo quod potiora istius iura evertuntur, tum videlicet non residendi in choro, tum celebrandi Missas pontificales, aliasque solemniores functiones peragendi.

Accedit S. R. C. pluries declarasse, quod, absente Praelato, primae dignitati pertineat Missas pontificales celebrare, aliasque solemniores functiones peragere; Ferraris *verb. canonicus art. 5 num. 85 et seq.*

Neque audiendum est Capitulum asserens Decani iura saltem ex Concordato abrogata manere. Tunc enim id admitti valeret, si evinceretur Concordatum vel expresse derogasse Constitutioni ceu tradit *Cap. 1 de Constit. in 6* - ibi - « Quia tamen locorum specialium et personarum singularium consuetudines et Statuta, cum sint facti et in » facto consistant, potest (R. Pontifex) probabiliter igno- » rare; ipsis, dum tamen rationabilia, per Constitutionem » a se noviter editam, nisi expresse in ipsa, non intelligi- » tur in aliquo derogare; » vel saltem aliquid statuisse De-

cani iuribus directe contrarium; Reiffenstuel *in tit. de Constit. num. 491 et seq.* Iamvero Concordatum nihil habere contendit Decanus, quod suis iuribus vel expresse deroget vel saltem sit ipsis directe contrarium; ideoque praedicta iura in eodem statu permanere conclusit, quo antea erant.

Quibus aliisque animadversis, propositum fuit enodandum sequens

## DUBIUM

*An Decretum capitulare diei 21 Octobris 1878 sustineatur in casu.*

RESOLUTIO. Sacra Concilii Cong. re cognita, sub die 4 Augusti 1883, censuit respondere: *Affirmative et amplius.*

EX QUIBUS COLLIGES. I. Cum ex *cap. 1 de reg. iuris* omnis res per quascumque nascitur causas per easdem et dissolvatur, ambigi nequit canonicos posse immutare, declarare, revocare statuta a se condita, dummodo eadem solemnitas in his intercedat, quae anteactis decretis intercessit.

II. Capitulum, ex s. Rota, accedente Ordinarii consensu, nedum facere statuta valet quae chori ordinationem respiciant, sed alia quoque maiora, quae statum ecclesiae concernant.

III. Ambigi inde non posse in themate quod Capitulum, accedente Episcopi administratoris auctoritate: pleno iure revocaverit constitutionem 18, respicientem Decanum; idque eo fortius quia abnormis a Tridentini sanctione, qua omnes capitulares choro inservire iubentur.

IV. Ait enim *Sess. 21 cap. 12 de ref.* quod obtinentes dignitates, canonicatus, praebendas, aut portiones nequeant abesse a choro ultra tres menses, vigore cuiuslibet *statuti aut consuetudinis.*

V. Ius quod in Capitulis primae Dignitati inest celebrandi missas pontificales aliasque functiones solemnes peragendi, absente vel impedito Praelato, censeri potius onus vel obligationem tali dignitati inhaerentem, praeter munus alternandi per hebdomadas cum ceteris canonicis.



VI. In themate haud abs re animadverti posse videtur; ex constitutione 18 privilegium vel munus canendi missas, solemnesque functiones peragendi, stricte loquendo, proprium esse Episcopi; ast conventio 18 abrogata Sedesque episcopalis per Concordatum suppressa fuit: ergo quae iura aut privilegia Decanus sibi vindicabit, quae vicissim sunt iura et privilegia Episcopi, in casu non amplius existentis?



## BAIONEN.

### DISPENSATIONIS AB IRREGULARITATE

*Die 1 Septembris 1883.*

*Per summaria precum.*

COMPENDIUM FACTI. Episcopus Baionensis, supplici libello Sacratissimo Principi oblato die 2 Iunii 1883 exposuit quod: « Aemilius, decem et octo annos natus et iam a pluribus annis in Seminario dioecesano ecclesiasticis vacans studiis, magnopere cupit ad ministerium sacerdotale promoveri posse. Sed obstat impedimentum irregularitatis a nativitate, propter defectum in conformatione dexteræ manus; et ad pedes Sanctitatis Vestrae provolutus super hac irregularitate dispensationem suppliciter postulat. Defectus autem in eo consistit quod digitus index unum solum articulum habeat cum parva ungula; digitus medius omnino deficit; digitus annularis duos habet articulos sicuti digitus minimus; pollex est integer. Orator cum huiusmodi debili manu putat convenienter peragere posse omnes coere monias ss. Sacrificii Missae; atque in examine a se facto ita iudicavit magister Coere moniarum Cathedralis Ecclesiae Baionensis. Nos Episcopus Baionensis vera esse testamur ab Oratore exposita; et cum pietas et intelligentia, quibus pollet, spem nobis afferant utiliter ipsum Sacerdotio functurum, gratum habebimus quod Sanctitas Sua dignetur concedere postulata dispensationem.

Insuper exhibita fuit attestatio Magistri coereoniarum, quae ita se habuit: « Phalanx, quae locum indicis tenet, facile moveri potest et uniri cum pollice, ita ut hostiam sive supra corporale sive supra patenam Aemilius apprehendat, illam commode tenet ac levat: calicem discooperit, tenet ac levat. Ad summum, diligenti examine peracto, nihil expertus sum quod periculum exhibeat sive irreverentiae sive scandali pro populo, nequidem in administratione sacrae Synaxis. »

### Disceptatio Synoptica.

GRATIA DENEGANDA VIDETUR. Scitum est irregularitatem ex defectu corporis derivare quoties aliquis nec sine irreverentiae periculo, nec sine populi admiratione propter debilitatem vel deformationem membri sacra munera explere nequeat iuxta *can. 3. dist. 55 et cap. Presbyterum 1. de cler. aegrot.* Hinc nullum subesse potest dubium quin praefatus orator, ob relatam dexteræ manus deformitatem, irregularis ex defectu corporis sit. Et licet magister coereoniarum suo testimonio, diligenti examine habito, fidem faciat periculum et scandalum abesse in sacro peragendo, cum in themate agatur de clerico promovendo, gravis illico contra eum difficultas exurgit. Idque eruitur ex constanti s. Congregationis praxi: ceu videre est in *Burgen. Dispensationis ab irregularitate* 23 Ianuarii 1864, *Pampilonen. dispens.* 13 Septembris 1856 et aliae quamplurimae.

GRATIA CONCEDENDA VIDETUR. His tamen non obstantibus, haud raro invenitur S. C. C. preces promovendorum benigniter excepisse eosque ab irregularitate dispensasse, dummodo ex una parte defectus adeo gravis non esset, ut sacris explendis impedimentum praeberet, et scandalum in populo excitaret; ex altera vero concurrerent boni mores oratoris, ab Episcopo commendati, et spes utilitatis Ecclesiae, ex tali promotione obventurae. Cuius quidem concessionis exempla habentur in *Maceraten. Disp. 17 Decemb. 1853;*

in *Matheranen. Disp. 22 Septembris 1860*; in *Burdigalen. Disp. 28 Ianuarii 1865*; in *Cephaluden. Disp. 16 Iunii 1866*; in *Parisien. Disp. 20 Decembris 1856*; in *Apuana Disp. 17 Decembris 1859, et 27 Sept. 1860* et in *Pinhelen. Disp. 16 Iunii 1865*.

Hisce ex utraque parte animadversis, quaesitum est quo modo preces oratoris essent dimittendae.

RESOLUTIO. Sacra Cong. Concilii, re ponderata sub die 1 Septembris 1883, respondit:

*Pro gratia usque ad presbyteratum inclusive, facto verbo cum SSmo.*

---

## AVERSANA

### EXECUTIONIS VEL COMMUTATIONIS VOLUNTATIS

*Die 1 Septembris 1883.*

Per summaria precum.

COMPENDIUM FACTI. Retulit Michael Coscioni, quemdam suum propinquum canonicum in fundo rustico suae proprietatis parvam extruxisse Ecclesiam anno 1755, et in eadem duas erexisse cappellanas mere laicales. Utrique beneficio assignavit libellas 2550. Suis haeredibus et successoribus onus imposuit Ecclesiam decenter servandi, sacris supellectilibus consulendi, et cappellanos nominandi; qui, percipiendo fructus constitutae dotis, quilibet pro sex anni mensibus, missam litare deberet cunctis diebus festis.

Fundator tamen conditionem adiecit, institutionem nullius fore valoris si quolibet tempore et quacumque de causa instrumentum ad unguem non impleretur; ita ut constituta dos in liberam redeat possessionem fundatoris, haeredum, eiusque successorum. Nunc, ait orator, cum lege civili Cappellanae omnes extinctae sint, instrumentum foundationis ad unguem impleri nequit; et ideo dos duorum beneficiorum libera evadit a quocumque onere.

Attamen orator postulavit, ut res decerneretur iudicio s. Congregationis; quae si resolveret adhuc sustineri Cappellaniarum institutionem; tunc petiit, ut suae paupertatis intuitu, vendere posset, necessitate enim adigitur, liberum a quocumque onere praedium, cui innititur hypotheca pro dote Cappellaniarum earundem. Ordinarius retulit, oratoris preces veritate niti.

### Disceptatio Synoptica

PRECES REPELLENDAE VIDENTUR. Oratoris precibus haud annuendum apparet, eo quod conditio a fundatore adiecta nondum verificata fuerit. Cappellaniarum enim etsi laicalium fundationes Ecclesiasticae auctoritati immediate subiiciuntur, ideoque civilis potestatis circa easdem dispositio cum sit iniusta, est prorsus despicienda. Quare licet civilis auctoritas eas non recognoscat, earundem tamen executionem impedire minime potest. Cum itaque etiam nunc temporis, haud obstante civili lege, fundatoris voluntas ad unguem exequi valeat, oratoris petitio reiicienda videtur.

Neque ad voluntatis commutationem deveniendum apparet. Defunctorum enim voluntatem, suffragia et pias causas praesertim respicientem, pro lege habendam, ac religiose servandam utrumque ius amico foedere clamat *can. Ultima voluntas dist. 13 quaest. 2 cap. 3 et 17 de Testam. L. 12 ff. de verb. signif.* unde commutatio difficile conceditur, nisi iusta et necessaria causa intercedat, hoc praescribente *Conc. Trident. Sess. 22 cap. 6 de Reform.* Et etiamsi descendentium egestas soleat inter iustas et sufficientes commutationis voluntatis causas connumerari, haec tamen gravis esse debet, et cui alio faciliiori modo opitulari nequeat. Iamvero haec extrema haud videntur in themate occurrere, siquidem apparet oratorem gravi egestate minime premi, praesertim quia constat non illud praedium tantum possidere.

PRECES NON VIDENTUR RESPUENDAE. Verum ex adverso animadvertere praestat, clausulam a fundatore adiectam am-

plissimam esse. Cum itaque ipse nullam distinctionem admittat circa causam impediendam suae voluntatis executionem, neque nobis inter ecclesiasticam et civilem potestatem distinguendum est. Quod autem civilis auctoritas revera impediatur Cappellaniarum laicalium foundationem et existentiam, patet ex eo quod hisce foundationibus legalem existentiam deneget. Iamvero deficiente istis Cappellaniis legali existentia, quavis firmitate carent, nec Ecclesiae certum remedium suppetit earum perpetuitati, aliqua ratione, consulendi. Ex quibus sponte sequi videtur conditionem a fundatore appositam purificatam fuisse, ideoque pecuniae vim pro Cappellaniarum dote statutam in oratoris favorem cedere debere.

Verum etiam ex redditus exiguitate ad eandem conclusionem deveniendum apparet. Et sane annuus redditus harum Cappellaniarum est libellarum 127,50, quae duobus Cappellanis tribuendae forent cum onere unam Missam celebrandi omnibus diebus festis; et consulendi sacris suppellectilibus. Iam vero, ait orator, designati redditus haud satis essent pro Ecclesiae conservatione, quae vasta est, et opus habet magnis reparationibus. Cum igitur ex redditus tenuitate fundatoris voluntas nullo pacto ad unquam exequi valeat, asserendum videtur, huiusmodi piam institutionem quocumque robore destitutam esse.

Quod si EE. PP. in contrariam sententiam abire censeant, perpendant, ex officio dictum est, an saltem ob Oratoris paupertatem voluntatis commutatio indulgenda foret. Siquidem praesumendum est, pios fundatores subsidium denegaturos non fuisse consanguineis, si eorum infortunia, et inopiam praevidissent. Quam praesumptionem iustissimam, in iure quoque valere, ostendunt quamplurima S. C. C. decreta ceu videre est in *Sorana Suspens. nominationis 3 Decembris 1831, Isclana Commut. volunt. 11 Decembris 1880* aliisque. Et licet extrema paupertas inter iustas commutationis voluntatis causas recenseatur, tamen non desunt S. C. C. exempla in quibus commutatio etiam ad gravem inopiam indulta fuerit, veluti perhibent exempla in *Ianuen.*

*Capellaniae 31 Iulii 1819, et Sabinen. relata inter Summaria precum 3 Augusti 1863. Nec absolutam tantum, sed relativam quoque paupertatem respicere S. C. C. consuevisse constat ex Aquen. Capellaniae 3 Februarii 1787, Montisalti Beneficii 27 Iunii 1829 et alibi.*

In themate vero constat, Oratorem si non in absoluta, in relativa tamen et communi egestate versari: nam ex adversa fortuna vendere praedium cogitur, ut senes parentes filiosque alere valeat.

De qua egestate non dubitare videtur ipse Vicarius generalis, qui censuit gratiam indulgendam fore. Quibus animadversis, quaesitum fuit quid esset respondendum oratori.

RESOLUTIO. Sacra C. C. re perpensa, sub die 1 Septembris 1884 censuit respondere:

*Non constare de resolutione Cappellaniarum, sed pro gratia, ut traditis brevi manu ab oratore ducatis 400, ab Episcopo pro causa pia, caute et utiliter investiendis; reliqua summa in oratoris subsidium cedere valeat, et fundus libere alienari queat, facto verbo cum SSmo.*

EX QUIBUS COLLIGES:

I. Quamlibet piam foundationem effugere civilium potestatum auctoritatem quoad inidimplementum, infractionem, reductionem, aut commutationem.

II. Romanos tantum Pontifices, iustâ et legitimâ interveniente causâ, testatorum voluntates et foundationes ad certas pias causas in alios usus vel causas commutare posse.

III. Nam etsi dispositiones testamentariae, quae Deum et animam concernunt, veluti leges habendae sint, super quibus nullum ius habet saecularis potestas, tamen clausulam continent tacitam - *salvâ auctoritate Summi Pontificis* -.

IV. Quae omnia confirmata fuisse in themate patet: dum enim s. Concilii Congreg. resolvit *non constare de resolutione Cappellaniarum*, exclusit civilem auctoritatem; et dum concessit ut *fundus libere alienari posset*; admisit auctoritatem inesse pontifici convertendi pias dispositiones in alios usus, et in alias causas.

## A P U A N A

## SPONSALIMUM

*Die 1 Septembris 1883.*

COMPENDIUM FACTI. Anno 1879 Antonius Novelli et Rosa Pallaia, ambo iam aetate maiores, coram propinquis, tabellione et testibus sponsalitium contractum inierunt, sibi invicem promittentes, coniugium iuxta legem ea die celebratum iri qua uterlibet peteret. Insimul vero sponsae parentes dotem filiae constituerunt 4500 libellas, quarum 1000 mater spondebat, 3500 pater: priores sponso tradendas intra tres menses, ceteras vero intra triennium a die celebrationis matrimonii religiosi aut civilis contractus. In cuius dotis securitatem hypothecae dederunt duos fundos et fideiussorem posuerunt filium suum Henricum vectuarium.

At vero quum in posterum Antonius Novelli ex quibusdam argumentis duxisset, familiam Pallaia solvendo non esse, ab initis sponsalibus resilire decrevit, et alias nuptias inhiare coepit. Re perspecta, Rosa die 9 Decembris 1880 protestationem in Apuana Curia emisit, declarans se nunquam permissuram fore matrimonium Antonii cum alia quaque muliere, unaque petens ut sponsus ad datam fidem observandam cogeretur.

Conventus Antonius resiliendi a sponsalibus rationem in eo posuit, quod familia Pallaia solvendo par non erat, idque pluribus per suum advocatum adductis argumentis probare nisus est. Quibus tamen non obstantibus, Apuana Curia sententiâ diei 27 Octobris 1881 declaravit non constare de familiae Pallaia impossibilitate solvendi dotem 4500 libellarum: ideoque Antonium Novelli non posse ea de causa a sponsalitio contractu recedere.

Antonius ab hac sententia appellavit apud s. Sedem, sed non transmisit omnia acta processus neque authentice, neque in copia conformi, quia renuit pecuniam apud Curiam depone-  
nere, qua actorum copia conficeretur.

Sacra C. C. tunc mandavit Episcopo ut partes ad conciliationem, prout posset, adduceret. Qua re frustra per tentata, Antistes curavit, ut saltem mulier, ob spirituale sponsi bonum iuri suo cederet. Haec autem respondit: sese aegro animo cedere suis iuribus; sed hoc tantum peragi posse paternarum Episcopi sollicitudinum gratiâ, dummodo Antonius libellas rependeret 4500, parvae compensationis instar pro damnis acceptis. Asseruit enim, sese, fidem praestando Antonio, pluries nuptias posthabuisse prorsus ineundas. At sponsus hanc damnorum compensationem omnino respuens, petiit ut, seposita omni disceptatione de causae merito, ex gratia, sibi solutio ab initis sponsalibus concederetur.

### Disceptatio Synoptica.

ANTONII DEFENSIO. Ait defensor, favore Antonii recolere iuvat quod quamvis appellatio iuxta iuris praescripta interposita non videatur, tamen quum ipse magis quam ius suum prosequuturus, gratiam impetraturus accedat, iam audiendus videretur. Notum siquidem est quod S. C. C. soleat causam iterum ad iudicium admittere, quamvis legitime appellatio interposita non fuerit, dummodo iustae ad id faciendum rationes suppetant; et facilius etiam si eadem causa sub novo aspectu reproponatur. Etenim *mutato facto, receditur a resolutis* iuxta *Rot. dec. 372, n. 1, p. 11 Recent.*; De Luca *De benefic. discept. 88 n. 3*. Quid simile evenisse coniiicimus in *Pistorien. Sponsalium super dispensatione* proposita per summaria precum die 7 Iunii 1856. In ea vir, qui ad matrimonium cum sponsa contrahendum intra 30 dies damnatus fuerat, appellationis beneficio valedicens satius duxit supplicem apud S. C. C. instare, ut a sponsalium vinculo exsolveretur: quod et consequutus est.

Quibus positis, plura in themate concurrere videntur quae suadent, sententiam Apuanae Curiae sustineri non posse, vel saltem ex gratia oratorem a quacumque sponsalium obligatione esse solvendum. Quoad primum meminisse iuvabit,



quod impossibilitas solvendae dotis iustam causam praebet rescindendi sponsalia, ceu tradit *cap. 3 De illis, De condit. appos.* Porro non posse a sponsae familia dotem persolvi complura evincunt. Et prae primis id evincere videtur fides Officialis census civilis bonorum, vulgo catasto, ex qua fide eruitur parvam esse vim patrimonii ad Rosae familiam pertinentis.

Quum autem Rosae genitoribus sint tres alii filii, quibus haereditaria pars saltem legalis relinquenda foret, tuta pro Rosa haud superesse potest dos libell. 4500. Idque eo magis quia patrimonium Rosae parentum, gravatur aere alieno, cum hypotheca libellarum 6971, ex fide officialis hypothecarum. Hinc non dubitatur gratis, familiam Pallaia solvere non posse promissam dotem.

Neque aliquid in contrarium valere videtur hypotheca in securitatem dotis concessa: quum enim huius familiae bona alia maioris vis hypotheca antea gravata fuerint, iam suspicari licet utrum haec posterior efficax extitura sit.

Neque melius relevat fideiussorem esse datum; hic enim Caroli Pallaia filius est, ideoque ratione familiae ditior non est: sed neque ratione individualis laboris: etenim vectuarius est, et, ceu notat patronus Antonii Novelli apud Apuanam Curiam, dives ex tali officio adeo non videtur, ut susceptam cautionem adimplere posse credatur.

Quod vero fastigium ponere in hac re videtur est factum ipsum familiae Pallaia. Etenim quum ad suam securitatem, et ad iudicium ante Apuanam Curiam institutum finiendum, Antonius Novelli vellet legalem bonorum familiae Pallaia peritiam conficere, responsum negativum obtinuit. Ex hisce ergo patet Antonium resilire posse a sponsalibus, et sententiam Curiae prorsus infirmam esse.

Verum, parumper hac dotis questione omissa, alia suppetunt quae suadent pro sponsalium executione non esse insistendum. Sane quum in irritum cesserint Episcopi conatus, non semel adhibiti, ut partes ad amicabilem conciliationem adducerentur, iam ut Antonius Novelli ad datam fidem ob-

servandam cogeretur, necesse foret ad coactionem et ad censuras recurrere. Hoc quidem tradit *cap. 10 d. spons. et matr.* Verum, ceu docent DD., hoc locum habet si coactio prospere cedere praevideatur. Cfr. De Angelis *h. tit. num. 5.* Dum contra ex consideratione quod coacta coniugia soleant difficiles exitus habere, *in cap. 17 eius tit.* iniungitur a Pontifice partem reluctantem monendam potius esse quam cogendam.

At in themate talia concurrere videntur, quae non solum sive coactionem sive monitionem fieri excludunt, sed e converso dispensationem a sponsalium vinculo concedendam esse suadent. Sane Antonius fassus est se neque amplius amare neque aliquâ aestimatione prosequi Rosam posse. Et haec lis ipsa in longum tempus, per plures nempe annos traducta, testimonium aversionis eius a sponsa luculentum praebet, et hoc ipso rationabilem causam ne ad coactionem deveniatur constituit, ceu pluribus cumulatis auctoritatibus docet Cosci *rot. 7 num. 103.*

Hisce accedit quod idem Novelli credit, sicut et apud S. C. C. deposuit, Rosam durante litis cursu cum alio viro amori indulsisse. In praesens vero, duobus per tabellionem adductis testibus, rem cum alio viro eam habuisse coarguit. Quae quamvis vera non essent, quum tamen credantur, sponsi animum a sponsa ferme abalienant, et cuicumque utili sive coactioni sive suasioni viam praecludere videntur.

Hisce attentis circumstantiis, unaque simul prae oculis habita dotis quaestione, superius relata, nec non sponsae animo se abdicandi a sponsalibus sub compensationis conditione in specie exposita, illa iusta causa adesse videtur, qua concurrente, sponsalia impune dissolvi posse docet *cap. Ea litteris 10, De sponsal.*

DEFENSIO ROSAE. Pro altera vero parte in primis animadversum fuit quod appellatio Antonii legitime interposita non videatur. Haec enim fieri debebat intra decendium a die latae sententiae iuxta *auth. hodie, cum glos. ibid. cap.*

*De Appell.*; et cap. *Quod ad consult. 15, De sent. et re iudic.* - ibi - « Cum post decem dierum spatium contentia » in auctoritatem transeat rei iudicatae, qui ad provocationis » subsidium intra id temporis non recurrit, appellandi sibi » aditum denegavit. » Insuper appellatio regulariter proponenda est coram *iudice a quo*, et acceptis *Apostolis* seu libellis dimissoriis, cum ipsis adire licet *iudicem ad quem*, ut praescribit *lib. I ff. De lib. dimiss.*; et unanimiter tradunt DD. praesertim Reiffenstuel *lib. 5, tit. 28 De appell.*

Atqui in casu nihil ex hisce observatum est; non quidem temporis spatium, quia post decem menses tantummodo appellatio interposita fuit; sed neque appellandi modus, quia, non monita Apuana Curia, S. Sedem directe orator adivit. Ideoque eius instantia iam e limine reiicienda videtur.

Quod fortius dicas oportet si attendas intrinsecum causae meritum. Ratio enim praecipua resiliendi a sponsalibus ferme Antonio fuit timor non consequendi a sponsae parentibus dotem. Verum hic timor rationabilis non apparet. Sane stipulatio dotis iis iuris adminiculis firmata est, quibus certa eius solutio fieret. Nam hypothecae traditi sunt duo fundi et fideiussor constitutus est Henricus Pallaia, qui, vectuarium agens, asseritur habere quo assumptae obligationi abunde satisfaciatur.

Quae cum ita sint, ad evincendum quod familia Pallaia solvere promissam dotem non valeret, probandum fuisset, ceu Curia notavit in sua sententia, quod coniuges Pallaia vel non possiderent duos fundos hypothecae traditos, vel quod eorum integer valor libellis 4500 inferior esset; ac insuper quod huic familiae alia media praesto non essent, quibus assumptum onus adimplerent. Neutrum vero sufficienter Antonius ostendisse videtur. Siquidem eius praecipuum argumentum est ex censuario valore fundorum familiae Pallaia.

Verum, omisso etiam quod documenta lata ab officiali census civilis plene inter se convenire non videantur, ideoque veluti suspecta forent amandanda; meminisse iuvabit qua incertitudine census civilis bonorum, vulgo *catasto*, exaratus

in Italia sit, praesertim vero in Apuana provincia, et quam parum verus praediorum valor exinde desumi valeat.

Qua de re valor fundorum desumptus ex documentis census civilis, iam augendus esset ut iustam valoris aestimationem attingeret. Quod si fiat vis patrimonialis bonorum familiae Pallaia adeo modica non apparebit, ut solvendo dotem par non sit. Quod autem Rosa, durante litis cursu, indulserit amori cum alio viro; et cum alio quoque rem habuerit, ceu deposuit Antonius, a veritate prorsus abhorret. Parochus enim puellae retulit et testatus est, neminem id scire, neminem excepto Antonio, hoc audivisse; omnesque, qui puellam norunt, paratos esse testimonium reddere de modestia, bonisque moribus, quibus Rosa exornatur.

Itaque reiecto timore non consequendi dotem, reiectaque calumnia detractoris, nulla alia inveniri causa videtur, qua aversio Antonii in Rosam rationabilis censeatur, nisi similitas ex litis calore exorta, quam nihili esse faciendam et, ea non obstante, ad coactionem deveniendum esse docet S. Rota *decis. 376 n. 6, coram Ludovisio; et decis. 421 num. 10, coram Cavalerio*. Et sane ius certum mulieris ex hac levi causa non esset posthabendum.

Ast vero si in contrariam abire sententiam, et sponsalia solvere EE. PP. censeant, definire quoque oportebit, ex officio animadversum fuit, utrum et quaenam compensatio mulieri sit tribuenda. Si enim ad Episcopi animadversiones obsequens ipsa fuit ut suo iuri cederet, hoc ipsi laudi est, et maiori merito ut a s. C. C. consequatur eam compensationem quam petit, et quae sponso a contractu resilienti plerumque praescribi solet, ceu in Bisinianen. *Dissolutionis sponsalium 13 Septembris 1841; Nullius Ferentilli Sponsalium 29 Maii 1852; Pistorien. Sponsalium super Dispensatione 7 Iunii 1856*, propositis per Summaria precum, et aliis sexcentis.

Hisce aliisque animadversis, quaesitum est quonam responso dimittenda essent sequentia

**Dubia**

I. *An constet de legitima appellatione in casu.*

Et quatenus affirmative


II. *An sententia Curiae confirmanda vel infirmanda sit in casu.*

Et quatenus affirmative ad primam partem, et negative ad secundam.

III. *An sit consulendum SSmo pro dispensatione in casu.*

RESOLUTIO. Sacra Congregatio Concilii, re perpensa, sub die 1 Septembris 1883, censuit respondere:

*Ad I. Negative. Ad II. Provisum in primo. Ad III. Affirmative; solutis tamen ab oratore libellis 1500 favore mulieris (1).*

**SYRACUSANA****INTERPRETATIONIS VOLUNTATIS**

*Die 1 Decembris 1883.*

Per Summaria precum.

COMPENDIUM FACTI. Sacerdos Rosano dioecesis Syracusanae die 11 Martii anni 1879 cum suo olographo testamento institutis haeredibus ac executoribus testamentariis, de omnibus bonis suis religiose disponebat. Inter ceteros autem testamenti articulos sub N. 4 sic mentem suam expressit: executores testamentarii curabunt ut fiant tria funera; quorum primum die 31 Maii pro Eleonora, matre

(1) Sententia Curiae episcopalis post decem dies iure in rem indicatam transit; hinc illegitima fuit appellatio Antonii, emissa post decem menses. Et sponsalia valida permanent, etiam ex iudicio S. C. Congregationis. Quam autem nulla adfuerit iusta causa a spon-

salibus resiliendi ex parte viri Apostolica Sedes dispensationem concessit imposita tamen aliqua damnorum compensatione favore mulieris laesae. Ad coactionem non venit si aliquod periculum odii aut discordiae prospiciatur Confer Vol. X, pag. 195 in nota.

mea; secundum die 10 Decembris pro Emmanuele patre meo; tertium in die anniversarii mortis meae, erogando libellas 45 pro tribus anniversariis. Fiat missa cum cantu, cum adstantia solius chori; et hoc expleto, si aliquid supersit celebrentur missae lectae.

Paulo post, die 4 mensis Septembris eiusdem anni e vivis sublatus est. Mox administratores omnia pia relicta adamussim in executionem demandare coeperunt, etiam funeralia praedicta. Hinc die 31 Maii anni 1880, primum funus celebratum est pro Eleonora testatoris matre, alterum pro ipso die anniversaria 4 Septembris, et tertium pro patre die 10 Decembris. Quod et in anno insequenti similiter praestitum est.

Exinde vero administratores suspensam voluerunt funeralium celebrationem rati, eorumdem perpetuitatem non constare ex testatoris verbis. Hoc ut Archiepiscopus rescivit, illico institit pro funerum celebratione, administratores admonendo, eosdem haud posse taliter voluntatem testatoris interpretare.

Quapropter die 12 Aprilis vertentis anni Sacerdos Vitale, unus ex administratoribus, per supplicem libellum s. Sedi exhibitum, expetebat auctorabilem interpretationem illius testamenti articuli integro autographo transmissio.

### Disceptatio Synoptica

ONUS NON VIDETUR PERPETUUM. Ex una parte videtur per unam singulorum anniversariorum celebrationem iam satis adimpletam esse testatoris voluntatem. Verba enim recitati articuli clarissima sunt et nullam praesecerunt ambiguitatem. Iam vero *ubi verba sunt clara nullam admittunt interpretationem, neque voluntatis coniecturam: Gloss. in cap. Cum Dilectus 8 de consuet.* Et hac in re optime invocari potest principium illud « *testator quod voluit expressit, quod non voluit non expressit.* » Quid enim impedire potuit quominus ipse saltem verbum unum *in perpetuum* adiecisset? Id enim exprimere potuisset ac valuisset

praesertim cum satis sagacem se ostendit in ceteris dispositionibus ordinandis.

Nec obiici potest quod Sacerdos voluerit potius pluries sacrum pro se suorumque parentum fieri quam semel tantum; quandoquidem iam aliunde satis pro anima sua provisum sciebat per institutionem ac foundationem aliorum piorum operum. Inter quae illud praesertim de educatione iuvenum sese militiae Ecclesiae adscribentium; animae vero parentum potuit et ipse in vita meminisse. Quare nihil esse videtur quod inducat ad perpetuitatem dispositionis iudicandam: eo vel magis quod multiplicatis in infinitum funeralibus, aliis operibus expresse a testatore intentis detraheretur.

ONUS VIDETUR ESSE PERPETUUM. Ex altera vero parte, iuxta receptissimam iuris regulam, quod menti testatoris, non verborum cortici sit adhaerendum; si ad totius dispositionis contextum attendatur, in contrariam omnino conclusionem deveniri oportere videtur. Omnia enim suadent pium illud legatum in perpetuum intelligendum esse. Id enim in primis suadet interpretatio ipsorum administratorum, qui iam secunda vice iniunctioni testatoris satisfecerunt; id suadet perpetuitas aliorum operum in ipso testamento contentorum; id pinguis haereditas; id etymologica vocis anniversarii vis, quae, ut optime animadvertit Archiepiscopus, iam in se perpetuitatis conceptum continet; id denique ipsa pietas testatoris suadet. Quis enim unquam rationabiliter cogitare potest pium Sacerdotem, qui integram haereditatem in pios usus distribuit, voluisse unam tantum Missam pro se celebrari? Quis sibi suadere poterit testatorem, qui tam sollicitum erga defunctos parentes se ostendit, voluisse expectare mortem suam ut uno tantum Sacrificio eorum animam suffragaret?

Quibus aliisque praemissis, quaesitum est quid esset respondendum oratori.

RESOLUTIO. Sacra C. Congr. re cognita respondere censuit:  
*Funerum onus esse perpetuum.*

## CENTUMCELLARUM

APERITIONIS ORIS ET SUSPENSIONIS LEGATI

*Die 1 Septembris 1883.*

COMPENDIUM FACTI. Franciscus Vidau, supremo quo decessit elogio diei 1 Ianuarii 1825, annum redditum 500 libellarum reliquit, ut aliquis ex propria familia descendens, vel eo deficiente, ut unus ab Episcopo electus ex tribus adolescentulis, a Municipii praeside praesentandis, in sacris disciplinis in Centumcellarum Seminario institueretur.

Verum anno 1881, nemine existente ex familia Vidau, qui s. militiae initiari cuperet, puella Augusta Vidau pio testatori vinculo sanguinis coniuncta bonisque omnibus destituta a S. C. C. expostulavit, ut in sui ipsius favorem annum redditum converteretur, praesertim quia sibi offerebatur conveniens quoddam matrimonium. Sui voti compos facta, die 22 Aprilis 1882 sequenti dimissa fuit responso: « *Pro gratia ad triennium;* » quam resolutionem SS<sup>ms</sup> benigne approbare et confirmare dignatus est, imposito oratrici onere duarum Missarum in suffragium fundatoris.

Porro statim ac huiusmodi resolutio ad aures pervenit cuiusdam viduae Magdalenae Stecchetti Vidau Viterbii degentis, quae iam antea penes Episcopum repetitis vicibus institerat ut aliquod subsidium haberet, illico per supplicem libellum ad S. C. C. convolvit humillime implorans, ut sibi prae Augusta, quae octavo gradu distat a testatore, concederetur subsidium libellarum 500. Rationes suae petitionis fuerunt quia proximior erat pio testatori, utpote unica filia eiusdem fratris et haeredis, aetate insuper septuagenaria, gravissima paupertate, et adversa omnino valetudine, immo coecitate laborans, ac insuper duabus filiabus innuptis gravata.

Talibus freta rationibus cum animadverteret pium fundatorem praeter alumnum instituisse etiam quamdam Ca-



pellaniam vel Canonicatum in Cathedrali Centumcellarum, eundemque una cum alumnato vacasse ab anno 1858 usque ad annum 1880, preces pariter obtulit ut sibi partem fructuum cumulatorum spatio 22 annorum adiudicaretur una cum perpetua quadam assignatione super eorundem redditibus.

Rogatus Ordinarius, post brevem historicam narrationem Capellaniam et alumnatus, ita suum epistolium conclusit: sese scire Magdalenam Vidau pauperem et miseratione dignam esse, sed eandem falli dum credit ab anno 1850 ad 1880 vacasse canonicatum, et legatum pro alumno.

Hisce habitis die 22 Ianuarii 1883: « *SSm̄us remisit preces ad S. C. Concilii cum omnibus facultatibus necessariis et opportunis, et cum clausula de aperitione oris arbitrio adversus rescriptum diei 22 Aprilis 1882, et mandavit notificari Episcopo hunc in finem ut moneat partes etc.* »

Revera Augusta Vidau, quae in vim memorati rescripti honestas nuptias conciliare valuit, statim recursum habuit apud S. C. C. exorans, ut, reiecta petitione Magdalenae Stecchetti, rescriptum confirmaretur.

### Disceptatio Synoptica.

IURA MAGDALENÆ STECCHETTI. Patronus a Magdalena adscitus, concedendam esse contendit aperitionem oris contra Rescriptum diei 22 Aprilis 1882. Quod ut evincat animadvertit: certum esse Pontificem noluisse praeiudicium inferre iuri tertii, cum mens Pontificis semper sit nullum laedere, nec aliquod praeiudicium inferre, ex *cap. Cum ordinem in 6<sup>o</sup> de Rescript.* Hinc etiam DD. tradere non esse adimplendum Rescriptum si contineat tertii praeiudicium, Amostazo *de causis piis lib. 5 cap. 2 num. 55.* Quare gratiam aperitionis oris semper concedendam esse, ait, quando constat de gravamine vel iniustitia, vel saltem de vehemēti fumo seu probabili dubietate, ut dicit Card. De Luca *de Praeemin.*

*disc. 8 num. 4, Rota decis. 381 num. 2 coram Molines.*

Verum in casu non solum fumum pro concessione gratiae aperitionis oris, sed gravamen et iniustitiam adesse autumavit ex manifesta obreptione et subreptione Rescripti. Obreptionem patere dicit ex eo quod narratum fuit Pontifici Augustam Vidau descendere a fundatore proximiori gradu, dum ab eo distat octo per gradus: subreptionem vero ex taciturnitate existentiae Magdalenae, neptis fundatoris illiusque supplicationis, dum contra plures preces fudit iam ab anno 1876 ut aliquod subsidium haberet.

Ex hisce omnibus igitur conclusit, reticentiam fuisse veritatem Pontifici eundemque circumventum fuisse ab Augusta. Secus enim gratiam, quam ipsi concessit, certo certius concessisset Magdalenae ob sequentes rationes. Nimirum 1° ob proximiorum gradum quo haec cum pio testatore coniungebatur, 2° ob gravem et diuturnam infirmitatem qua laborat, 3° ob miserabilem conditionem in qua ipsa una cum duabus innuptis filiabus versatur, 4° demum quia prior omnino fuisset in tempore.

Ad secundum dubium gradum faciens Patronus, omnino excipiendas esse ait preces a Magdalena porrectas. Id enim suadere tradit primo voluntatem testatoris praesumptam; quia si ipse e sepulchro surgeret et animadverteret suam neptem tantis aerumnis et angustiis affici, profecto illico suam voluntatem in Magdalenae favorem commutaret. Id suadere etiam subiungit iam allatas rationes infirmitatis, egestatis et utilitatis Magdalenae, nec non duarum filiarum.

IURA AUGUSTAE VIDAU. Ex altera vero parte perpendendum est quod oris aperitio concedi non solet nisi ex magna causa et accedente exorbitanti laesione; Gratian. *discept. 959 in princ. Rota decis. 461 num. 6 et seqq. part. 1 Recent. dec. 267 et 485 part. 4 tom. 2 Recent.*; praesertim si gratia iam executioni demandata est, in specie dictae *decis. 485 num. 5 part. 4 tom. 2 Recent.*; et maxime ubi adest periculum suscitandae litis, quam interest Reipu-

blicae quanto citius finiri, *Cap. Dispendio de Rescript. in 6, Clement. Dispendiosam de Iud. L. properandum in princ. C. eod. tit. L. 1 in princ. C. de nov. cod. faciend.*

Iamvero in themate dum ex una parte gratia iam executata est, quaeque si deleatur, teste Augusta, occasionem rixarum praebet; ex altera vero neutrum verificatur ob quod aperitio oris concedi debeat. Exulat in primis magna causa, quia agitur de concessione, quae Magdalenae grave praeiudicium inferre non potest cum ad annum tantum vel ad summum ad biennium adhuc perdurare debet. Summa deinde quae exposcitur, dum Augustae in praesentibus circumstantiis ingentis esset utilitatis, Magdalenae non nisi parvum commodum afferret.

Neque adesse constat gravem ex parte Magdalenae laesionem. Siquidem laesio necessario praesupponit ius, ita ut ubi hoc non adsit, nec laesionem adesse dicendum est. Porro notum est in themate ex utraque parte agi de gratia obtinenda, quod ostendit omne ius abesse nihilque ex iustitia alicui competere, *L. Ius singular. ff. de Legib.; Pitonius de Controv. Patron. alleg. 100 num. 301; Rota decis. 19 n. 10.* Iure igitur meritoque deneganda videtur aperitio oris in casu.

Neque regerere iuvat Rescriptum diei 22 Aprilis nullum esse ob vitium obreptionis et subreptionis. Quandoquidem hoc nullo pacto probari potest. Teste enim Fagnano in *Lib. 1 Decret. cap. Super literis de Rescript. num. 8*, subreptio vel obreptio ibi adest ubi est expressio falsi, vel taciturnitas veri, quo non expresso vel tacito, Papa nullo modo litteras concessisset, sed potius denegasset.

Porro nihil horum verificatur in supplici libello Augustae S. C. C. oblato, ad effectum obtinendi gratiam eidem concessam; imo omnia cum veritate concordare luculentissime patet: nam exposuit sese descendere ex familia Vidau, orphanam esse, omni fortunae bono carere; ideoque exposcere gratiam percipiendi fructus, dum absit alumnus;

aut saltem pro triennio, titulo dotis, pro honestis ineundis nuptiis, iam paratis. Quae omnia vera esse Ordinarius ipse testatus est.

Nec aliquid ulterius manifestare Augusta debuit. Agebatur enim de gratia, non de iustitia, proindeque Augusta, quae Centumcellis debebat, nec scire poterat, nec tenebatur referre intentionem Magdalенаe obtinendi eamdem gratiam.

Iamvero notum est in iure taciturnitatem ex probabili ignorantia non vitiare rescriptum. Ad rem audiatur Fagnanus in *Lib. 1 Decret. cap. Super Literis de Rescript. num. 68* - ibi - « Sed tu adverte, quia haec conclusio non » procedit, quando subreptio provenit ex ignorantia proba- » bili; tunc enim taciturnitas eius, quo expresso rescriptum » non ita facile fuisset obtentum, illud non vitiat, ut ef- » ficaciter probat textus in *Cap. Gratia de Rescript. lib. 6* » tenendo prout communiter tenetur, quod non ponat casum » specialem: nam si Papa ibi scivisset de alio beneficio, non » ita facile concessisset, et tamen quia illa taciturnitas erat » cooperta iustâ ignorantia, rescriptum valet. »

Verum in absurda etiam hypothesi quod Augusta id agnosceret, nihilominus ex eius taciturnitate nullum argumentum deduci posse videtur pro nullitate rescripti ex capite obreptionis et subreptionis. Quandoquidem subreptio non inducitur ex taciturnitate eorum, quae non retraxissent Papam a gratia concedenda; *Cap. Super literis*, cum ibi plene notatis per DD. maxime per Felin. *n. 8 de Rescript.*, Fagnan. *lib. 4 Decret. Cap. Ad nostram 4 de Coniugio servor. n. 14*, Rota *Recent. decis. 222 n. 25 part. 7 cum concord.*

Atqui circumstantia ab Augusta silentio praetermissa eius praeclarae generis est, ut nullo modo Papam retraxisset a gratiae concessione favore Augustae, quin imo semper ea in hypothesi concessisset Augustae, pro qua firma adhuc remanere debet, prouti expostulatur in secundo dubio.

Sane in supremae defunctorum voluntatis commutatione S. C. C. ut in *Anagnina Capellaniae 27 Iulii 1822*, sem-

per prae oculos habuit Decretalem Innocentii III in *Cap. Magnae, de Vot. votique redempt.* « Praecipua duximus in » hoc negotio attendenda: quid liceat secundum aequitatem: » quid deceat secundum honestatem; quid expediat secundum » utilitatem. » Porro nihil aequius, nihil honestius, nihil utilius, quam honestae probaeque puellae decens procurare coniugium. Omnia militare videntur in favorem Augustae. Adest etiam praesumpta testatoris voluntas; qui post extinctionem familiae Vidau, vocavit honestos cives, exclusitque advenas.

Praeterea testator expresse cavuit ut quidquid superesset ex redditibus legatorum 1000 libellarum pro Canonicatu et 500 libellarum pro alumnatu, erogari deberet ad constituendas dotes pro egenis puellis Centumcellarum.

Cum igitur Augusta Vidau vinculo sanguinis cum testatore coniuncta, et Centumcellis degens ideo gratiam petiisset titulo dotis, merito praeferenda videtur Magdalenae, quae licet proximior sit pio testatori, tamen nec Centumcellis degit, nec dote indiget ad matrimonium contrahendum.

Non solum ergo nihil movissent Papam qualitates Magdalenae si antea eas novisset, verum etiam hodie ex citatis rationibus firmum remanere debet rescriptum favore Augustae elargitum. Idque eo vel magis in casu, quia semper ea interpretatio fieri debet, quae tendit ad sustinendam gratiam Principis, ut fuit ponderatum in causa *Vicen. Prioratus 22 Martii 1822 coram Patriarcha, Rota decis. 485 n. 6 part. 4 Recent.*

Ulterius pro confirmatione eiusdem Rescripti assistit regula iuris quaesiti, dum fuit elargitum antequam Magdalena comparuisset suamque supplicationem S. C. C. porrexisset. Istius igitur oppositio facta, re amplius non integra et post ius quaesitum Augustae, impedire non debet fruitionem gratiae iam perfectae; cum in gratiosis prior in tempore sit potior in iure, Gloss. in *Cap. Duobus de Rescript. in 6 in v. concurrant*; Felin. in *Cap. Capitulum num. 5 de Rescript.*, Pitonius in *alleg. 45 n. 1*, Rota in *Regien.*

*Juris patronatus 16 Ianuarii 1708 §. Inchoando coram Molines.*

Nec refert quod Magdalena pluries institisset apud Episcopum Centumcellarum, ut aliquod subsidium obtineret ex hisce legatis: et ex eius verbis petenti affulserit spes aliquid obtinendi: nam Episcopus tandem negativum dedit responsum Magdalenae ut Augustae faveret. Ceterum non apud Episcopum sed apud Romanum Pontificem preces suas porrigere debuisset.

Demum certo certius ex eo confirmandum videtur Rescriptum quia, secus Augusta dimittere nequiret aes alienum, contractum post dictum decretum, pro diversis nuptiarum necessitatibus multaque verificarentur incommoda ex parte viri, qui dote privaretur ad onera matrimonii ferenda praevisâ. Aequum igitur non est uni benefacere cum iactura et detrimento alterius. Multa a Magdalena enarrata reiiciuntur ab Ordinario, multaque alia competum est omnino veritati adversari.

Hisce praemissis proposita fuere dirimenda duo sequentia

### Dubia.

I. *An intret arbitrium pro aperitione oris in casu.*

Et quatenus affirmative

II. *An et quomodo sit annuendum precibus ab Oratrice porrectis in casu.*

RESOLUTIO. Sacra Congreg. Concilii, re discussa, sub die 1 Septembris 1883 censuit respondere:

Ad I. *Negative; et attentis particularibus circumstantiis pro gratia, ut exacto triennio, ac eisdem perseverantibus circumstantiis, redditus vacantis alumnatus tradi queant in subsidium Magdalenae eiusque filiarum pariter ad triennium, facto verbo cum SSmo.*

Ad II. *Provisum in primo. (1)*

(1) Confer Vol. XI 186; quo loco dictum est de aperitione oris; quid sit, et quando concedatur.

## VASTEN. ET ORTONEN.

## EXCARDINATIONIS ET ORDINATIONIS

*Die 1 Decembris 1883.*

Per summaria precum.

COMPENDIUM FACTI. Philippus Sciorilli exposuit SS<sup>mo</sup> Patri: sese in sua aetate duodecim annorum, patriam relinquens, petiisse civitates Lanciani et Neapolis; in quibus octo circiter annos vitam degit. Inibi media quaerendo, ut suae religiosae vocationi indulgeret, quum fortunae bonis omnino destitutus esset, exceptum fuisse a canonico Theologo Ortonensi; apud quem sese transferendo, victum et habitationem obtinuit, et inter eiusdem canonici discipulos cooptatus fuit. In secundo huius mansionis anno petiisse ab Administratore Vastensi gratiam ecclesiasticos induendi habitus ut dein ad sacros ordines promoveri valeret: idque sibi denegatum fuisse. Quamobrem a clementia Sanctitatis Suae quaesivit, ut, derogando Bullae *Speculatores* ratione originis, declararetur subditus Administratoris Ortonensis, et sacris indutis vestibus, ab eodem promoveretur ad ss. Ordines.

Omnia et singula ab oratore, exposita veritate prorsus niti testatus est administrator Ortonen. referens illum perhonestis moribus praeditum esse, bonaque supernae vocationis indicia praeseferre, nec non aliquam in studiorum curriculo idoneitatem: paratus ceterum omnia exequi quae S. C. C. in Domino expedire iudicaverit.

Vastensis vero administrator autumavit oratorem gratiâ expetitâ haud esse donandum, sed potius cogendum, quatenus iste clericali militiae nomen dare velit, ad studiorum curriculum implendum in Seminariis designatis pro suorum clericorum educatione.

**Disceptatio Synoptica**

PRECES RESPUENDAE VIDENTUR. Attento voto Ordinarii oratoris, preces ab ipso iudicii limine reiiciendae videntur.

Quandoquidem exploratum in iure est quemlibet subditum absque licentia atque consensu superioris sui ab eius auctoritate subduci haud posse, minusque vero ad sacros aut minores ordines vel ad primam tonsuram promoveri, ceu disertis verbis tradit Conc. Trid. *sess. 14 cap. 2 de Reform.* - ibi - « Nemo Episcoporum . . . alterius subditum . . . absque » sui praelati expresso consensu aut literis dimissoriis ad » aliquos sacros aut minores ordines vel primam tonsuram » promovere seu ordinare valeat. »

Huiusmodi autem iuris principiis insistendum videtur, si paullulum perpendantur rationes, quas pro suo voto tuendo attulit Administrator vastensis. Hic enim, cum Seminarium suum iam a viginti annis interclusum habeat adhuc, salubriter statuit ut illi, qui ecclesiasticae militiae se mancipare vellent, peterent pro lubitu unum ex quinque Seminariis ab eodem designatis in ditione pontificia pro illorum clericali educatione. Orator e contra, qui hucusque vagare potius duxit quam praefati Administratoris vota prosequi, pertentat nunc sub excardinationis praetextu se omnino subducere a praescripta Seminarii disciplina, quae illi maxime necessaria est, ex eo quod nullius fere ingenii sit, et iam in diebus suis processerit huc illuc vagans.

Accedit petitam excardinationem omnino illusoriam fore, prouti ad rem animadvertit Vastensis Administrator. Quandoquidem spatium intercedens Ortonam inter et oppidum originarium, ubi oratoris familia cum omnibus fortunis residet, vix aequat iter trium horarum. Orator hinc, ceu praedictus Administrator asseverat, statim ac sacerdotalem ordinationem assequutus fuerit, ad domesticos lares certo certius remeabit, non amplius Ortonam reversurus: quod in iacturam auctoritatis Episcopalis cederet.

PRECES EXCIPIENDAE VIDENTUR. Ponderandum sed contra est quod licet explorati iuris sit neminem ab alieno Episcopo ordinari posse absque proprii Ordinarii consensu atque approbatione; tamen indubium est Summum Pontificem, quibusdam concurrentibus legitimis causis, concedere



solere, ut quis, renuente proprio Episcopo, ex una in alteram Dioecesim se transferre valeat ad effectum ordines sive minores sive maiores suscipiendi. Eruitur id ex innumeris resolutionibus S. C. C. et praesertim ex *Neapolitana excardinationis 15 Iulii 1848, Burgi S. Sepulcri Irregularitatis ex defectu scientiae 23 Februarii 1875 Anicien. Ordinationis 23 Martii 1778 Boianen. et Termularum Ordinationis seu Excardinationis 20 Maii 1882*. Iamvero legitimae causae, quae oratorem gratia donandum suadent, in casu haud exulare videntur. Adsunt praeprimis oratoris boni optimique mores, quos in huiusmodi gratiis iudulgendis S. C. C. magno in pretio habere solet. Adsunt bona supernae vocationis indicia. Adest sacerdotum inopia, qua Ortonensis Dioecesis laborat. Adest peculiaris circumstantia, quod nempe Orator supernae vocationi ad statum ecclesiasticum valedicere deberet, si gratia expetita haud donetur. Cum enim ipse bonorum fortuna fere omnino destituatur, ad solvendam Seminarii pensionem par non est, sed indiget potius ut quis eius inopiam subleuet, prouti nunc laudabiliter praestatur a Canonico Theologo Ortonae. Quod explicare videtur cur orator haud se receperit ad Seminaria ab Administratore Vastensi designata in sortem Domini vocatis.

Nec oggerere iuvat tarditatem ingenii oratoris, cum sacri canones minime praescribant ut sacerdotes sint etiam doctores, sed ut illam scientiam habeant, qua populum christianum in lege Domini erudire valeant. Orator hinc si pugnam committere haud queat cum religionis hostibus, manebit saltem ad sarcinas, ubi etiam ipse de spoliis inimicorum partem recipiet et offeret Domino.

Ceterum obtenta ab oratore adscriptione in Ortonensem Dioecesim, non amplius Vastensis Administrator, sed Administrator Ortonensis, qui inter suae Dioecesis Clericos oratorem admittere haud dedignatur, de ipsius ingenio ac vitae ratione coram Deo et hominibus respondere tenebitur.

Tandem periculum redditus oratoris in Dioecesim originis facile evanescet, si gratia ei concedatur hac sub lege; quod

nempe orator iuramentum emittat de animo fideliter permanendi in Dioecesi Ortonensi, ceu habetur in *Neapolitana Excardinationis 15 Iulii 1848.*

Quibus expositis, quaesitum fuit ab EE. PP. quid esset oratori respondendum.

RESOLUTIO. Sacra C. C. re disceptata, censuit respondere:

*Praevio iuramento de animo perpetuo permanendi in Dioecesi Ortonensi, pro gratia, facto verbo cum SSmo (1).*

---

## NOVARIEN.

### COMMUTATIONIS VOLUNTATIS ET ABSOLUTIONIS

*Die 1 Decembris 1883.*

Per summaria precum.

COMPENDIUM FACTI. Andreas Ferraris anno 1840 per suum testamentum instituit haerem Iosephum Ferraris eique onus imposuit satisfaciendi legato missae quotidianae, litandae in Cappella ab eodem testatore tunc extruenda, sive in paroeciali Ecclesia. Assignavit autem Cappellano libellas annuas 1200, et pro prima vice nominavit Gabrielem Ferraris, consobrinum suum.

Attamen haeredis fortuna in peius ruit; et Episcopus rogatus retulit quod tempore mortis testatoris haereditas constans libellis 500,000, iam gravabatur tot legatis testamentariis, ut absorberentur libellae 300,000. Neque libellas 200,000, quae supererant, servari potuisse ob ineptam administrationem, et adversas familiae eiusdem vicissitudines: ita ut redditus bonorum quae adhuc extant vix summam tangat libellarum 7,500.

Inter haec moriebatur primus haeres Ioseph Ferraris, et totius familiae haereditas transiit in viduam illius coniu-

(1) *École Volumina har. ephemer.*  
XIV pag. 443, XII pag. 522, XI pag.  
30, X pag. 474, 485. In hisce volumi-

*Acta, Tom. XVI. fasc. CLXXXIX.*

nibus iam relatae sunt aliae quaestiones  
huic consimiles, quaeque citantur in hu-  
ius quaestionis disceptatione.

gem, Iosephinam Calvi, ac unicam eius filiam Mariam, nuptui datam nobili cuidam Barbavara. Ast Maria quoque, post virum suum, brevi demortua est, quinque filios relinquens utroque orbatos parente.

Porro, ut notat Episcopus, hodie ex reditu 7,500 libellarum, 3,000 impenduntur in educatione quinque pupil-  
lorum; reliquae vero vix suppeditant unde honeste vivant alii cohaeredes, et unde taxis fiat satis. Ex hac rerum conditione factum est ut elapso anno Iosephina vidua Iosephi Ferraris, eiusque filia Maria (quae tunc adhuc in vivis erat) humiles S. Pontifici porrigerent preces, petentes, ut benigne exonerarentur a legato missae quotidianae.

Sacerdos Gabriel Ferraris, qui ad legati fruitionem primus a testatore vocatus fuerat, precibus oratricium interrogatus assentiit non modo, sed quia usque in praesens quam pluries legatas missas celebrare omisit, suppliciter de omissionibus absolutionem postulavit, quatenus indigeret, referens quoque numquam aliquid percepisse pro missarum celebratione.

Episcopus enixe preces oratorum commendavit dicens, familiam in egestate versari, dignamque esse expetitâ gratiâ: et parochus ipse, in cuius beneficium vergere posset legatum, huius extinctioni, saltem temporanae, assensum prae-  
buit, donec familia ditescat.

### Disceptatio Synoptica.

QUAE GRATIAE EXPETITAE ADVERSANTUR. In contrarium stat testatoris voluntas, quae sancte observanda est, neque ob communem familiae necessitatem negligi potest. Accedit quod ex hoc legato conveniens pro aliquo sacerdote provisio exoriretur, quae valde curanda et custodienda esset, hisce praesertim temporibus in quibus tot ecclesiastica beneficia, iniuriâ temporum perierunt. Et quum alia plura sint onera haereditario assi familiae Ferraris imposita, ut pensio Biscaldini in annuis libellis 1,000, dotes pro pauperibus filia-

bus in æn. libel. 1,300, aliaque; in hisce potius oeconomicae conditioni familiae praesidium forsitan quaerendum fuisset.

QUAE GRATIAE EXPETITAE FAVENT. Precibus vero favet, quod hic agatur de nobili familia, quae reditu ann. libel. 7,500 non modo alimenta pro plerisque aliaque necessaria comparare cogitur, sed et quinque orphanorum filiorum, adhuc imuberum educationem curare debet. Sed neque pro huius legati conservatione ad cetera onera imminuenda cogitari potest eo quod ex relatis ab Episcopo, familia haec liberari nequit ab illis oneribus.

Alterum argumentum, quo facilius exaudiatur, familia Ferraris esse debet antiqua et constans eius pietas, qua factum est, ut recenti tempore mater heredis libellas erogaret 80,000 ad duo extruenda monasteria religiosarum.

Supervacaneum tandem notare non est, quod hodie ex legum civilium iniuria quidem, sed tamen necessario, legati executio remittenda videtur saltem usque ad quinque pupil-  
lorum maioritatem.

De missarum vero omissionibus ac de earumdem absolute-  
tione parum dicere vacat. Res enim refundi videtur in familiae statum; nec sacerdos Ferraris, qui eleemosynas non obtinebat, coarguendus forsitan est, si missas celebrare omisit, nisi in quantum partem in administratione una simul cum haerede habebat.

Quibus animadversis, quaesitum est quid esset precibus respondendum.

RESOLUTIO. Sacra Congregatio Concilii re cognita, sub die 1 Decembris 1883 censuit respondere:

*Celebrato aliquo Missarum numero, ab Episcopo determinando, pro gratia sanationis, absolutionis, et condonationis quoad praeteritum supplendo etc. docto etc.; nec non suspensionis oneris quoad futurum ad decennium, facto verbo cum SSmo.*

# EX SACRA CONGREGATIONE INDULGENTIARUM

## ORDINIS S. CRUCIS

*Die 15 Martii 1884.*

### De Indulgentia quingentorum dierum adnexa calculis Rosarii per Crucigeros benedicti.

ORDINIS SANCTAE CRUCIS. Quum innumerae propemodum quaestiones et dubia Sacrae Congregationi Indulgentiis Sacrisque Reliquiis praepositae exhibita fuerint, nomine etiam Archiepiscoporum et Episcoporum de authenticitate Indulgentiae dierum quingentorum a Leone Papa X, Litteris in forma Brevis datis die 20 Augusti 1516 concessae et quodammodo confirmatae a Summis Pontificibus Gregorio XVI et Pio IX rescriptis Sacrae Congregationis de Propaganda Fide dierum 13 Iulii 1845 et 9 Ianuarii 1848, quam lucrari dicuntur Christifideles, quoties in *Rosariis* Beatae Mariae nuncupatis et benedictis a Magistro Generali Ordinis Sanctae Crucis vel a Sodalibus eiusdem Ordinis, a Magistro generali ad id specialiter deputatis, orationem dominicam vel salutationem angelicam devote recitaverint, Sacra eadem Congregatio, ut Christifidelium tranquillitati prospiceret, rem mature perpendere et absolvere constituit. Qua oblata opportunitate quaesitum etiam est de necessitate recitandi tertiam saltem partem *Rosarii* B. V. Mariae, ut Indulgentia illa acquiri possit, quemadmodum fortasse innuere videbantur verba quibus Romani Pontifices praefatas Indulgentias adamussim adnexas *Rosariis* a Magistro generali dicti Ordinis benedictis concesserunt. Insuper quum plures Sacerdotes tum a Sanctissimo Domino Nostro Papa, tum a sacra ipsa Congregatione privilegium exostulaverint *Rosaria* benedicendi cum applicatione Indulgentiae quam ipsis Sodales Crucigeri adnectunt, quaesitum quoque est de huiusmodi precibus exaudendis, vel respuendis.

Quae omnia sequentibus dubiis propositis complexa sunt:

I°. *Utrum Indulgentia quingentorum dierum quoties in Rosariis per Crucigeros benedictis oratio dominica, vel salutatio angelica devote dicatur revocanda sit.*

- a) *vel uti apocrypha, seu ratione dubiae authenticitatis.*
- b) *vel uti indiscreta, seu ratione indiscretae concessionis.*
- c) *vel ob alias extrinsecas rationes.*

Et quatenus negative ad omnes I dubii partes

II°. *Utrum eadem Indulgentia rata habenda sit et confirmanda, vel potius dicenda sit ratihabitione et confirmatione non indigere.*

III°. *Utrum pro acquirenda eadem Indulgentia necesse sit integrum Rosarium devote recitare.*

IV°. *Utrum expediat aliis etiam Sacerdotibus concedi privilegium benedicendi Rosaria cum applicatione Indulgentiae quo gaudent Sodales Crucigeri?*

Et Patres Eminentissimi in Congregatione Generali habita die 11 Martii 1884 in Aedibus Apostolicis Vaticanis rescripserunt:

*Ad I. Negative in omnibus.*

*Ad II. Non indigere.*

*Ad III. et IV. Negative.*

Die vero 15 eiusdem mensis et anni facta ab infrascripto Sacrae Congregationis Secretario relatione, Sanctissimus Dominus Noster Leo Papa XIII Patrum Cardinalium responsiones benigne approbavit.

Datum Romae ex Secretaria Sacrae Congregationis Indulgentiarum Sacrisque Reliquiis praepositae die 15 Martii 1884.

AL. CARD. OREGLIA a S. STEPHANO PRAEFECTUS.

FRANCISCUS DELLA VOLPE SECRETARIUS.

~~~~~

COMPENDIUM FACTI. Extat in Bibliotheca Seminarii Leodiensis apographum Litterarum Pontificis Leonis X, quibus asseritur, ab hoc Pontifice traditam fuisse Generali Canonicorum regularium s. Augustini Ordinis s. Crucis in Hollandia, qui Crucigeri vel Cruciferi nuncupantur, facultatem benedicendi Rosaria cum applicatione Indulgentiae 500 dierum, quoties Oratio Dominica, vel Salutatio Angelica in iis devote a fidelibus dicatur. Quae facultas ampliata fuit per rescriptum Gregorii XVI anni 1845, et per aliud Pii IX, anni 1848.

De authenticitate antiquae huius Indulgentiae nullum ab hac s. Congregatione institutum examen, nulla lata est sententia: solum anno 1872 incidens mota est quaestio, utrum post decretum 14 Aprilis 1856, quo sub *nullitatis poena*, exemplar cuiusvis concessionis ad hanc s. Congr. deferendum edicatur, antiqua illa conces-

sio perduraret, cuius exemplar delatum hactenus non fuerat, et tunc primum, orto dubio, exhibebatur. Quum evidenter illud decretum *re-trospectivam* vim habere non possit et generales Indulgentiarum concessionem, non autem *personales* facultates respiciat s. Congr. die 11 Apr. 1872 respondit: *« Facultates, de quibus agitur, non comprehenduntur in decreto die 14 Aprilis 1856. »*

Quae s. Congregationis responsio interpretata fuit à nonnullis ceu implicita recognitio authenticitatis huius indulgentiae. Ast facili modo evictum fuit, huiusmodi interpretationem erroneam esse. Composita vero hac incidenti quaestione, sub silentio relinqui nequibat dubium de ipsius indulgentiae concessionis authenticitate. Quapropter Eius s. Congr. Praefectus mandavit, ut authenticum exemplar totius Brevis Leonis X, seu primitivae concessionis exhiberetur, simul cum aliis authenticis documentis, quibus ad examen revocatis, s. Congregatio pro opportunitate sententiam ferre posset, ad fidelium tranquillitatem: praesertim quum haec quaestio de Rosariis, per Crucigeros benedictis, iam non modo localis et Hollandica, sed poene Urbis et Orbis dici posse videatur.

Etenim post novam Pii IX concessionem iam ab anno 1853 magis magisque popularis erga huiusmodi Rosaria devotio aucta est, iamque ex Hollandia non modo in Belgium et Galliam atque Germaniam, sed in dissitas etiam regiones atque in omnes Orbis partes benedicta Rosaria diffunduntur vel undecumque in Hollandiam benedicenda mittuntur ac, probantibus et faventibus Episcopis, ea indulgentia magis magisque vulgatur. At simul mirum non est ex ipsa huius indulgentiae singularitate ac novitate, nonnullos Episcopos in suspicionem venisse atque dubios haerere, apocrypha ne forte sit et indiscreta, publicanda ne sit an revocanda. Quapropter iam ab aliquot annis hac de re ad sacram hanc Congregationem subinde ab Episcopis litterae datae sunt, praesertim quum eodem decreto 14 Aprilis 1856 *« omnes per Orbem Ordinarii hortentur, ut pro ea, qua pollent et qua uti debent sollicitudine in Dominici gregis bonum usque procurandum, invigilent... uti eiusmodi indulgentiae falsae et apocryphae, quantum fieri potest, minime circumferantur... et si praeterea aliquibus in rerum adiunctis super Indulgentiarum quarumcumque authenticitate ac genuinitate dubii haerent ad s. Congregationem recurrant, ut inde opportunam duorum resolutionem assequantur. »*

Alii contra, et maxime Ordinis Crucigerorum Magister, de eius authenticitate et utilitate nullo modo dubitantes, enixe rogarunt, ut

ea Indulgentia ob *fideliū utilitatem, devotionem, et usum undique frequentissimum*, ab hac s. Congregatione rata haberetur et confirmaretur.

Quamobrem cum Apostolica Sedes iudicium hac super re proferre constituerit, varia solvenda esse dubia arbitratum fuit: super quibus votum emisit consultor, ad id deputatus ab eadem s. Congregatione, et cuius synopsis damus.

### Disceptatio Synoptica.

77 VOTUM CONSULTORIS. Quatuor enodanda fuerunt proposita dubia, ait Consultor, ut iudicio ab EE. PP. proferendo via sterneretur, nempe: *utrum indulgentia 500 dierum, quoties in Rosariis per Crucigeros benedictis, Oratio dominica vel Salutatio Angelica devote dicatur,*

I. *revocanda sit uti apocrypha, seu ratione dubiae authenticitatis:*

II. *vel uti indiscreta, seu ratione indiscretæ concessionis:*

III. *vel ob alias extrinsecas rationes:*

IV. *an potius rata habenda sit et confirmanda.*

Et relate ad haec eadem, singillatim sumpta, suam pandidit sententiam.

Quoad primum dubium ergo consultor quaesivit *utrum ea Indulgentia revocanda sit uti apocrypha seu ratione saltem dubiae authenticitatis*; censuitque respondendum: *Negative*. Et enim licet non exstet adhuc ipsum Leonis X Breve anni 1516, exstat tamen antiquum eiusdem saeculi, imo medii eiusdem saeculi, apographum, quod quantae sit auctoritatis necesse non est ut pluribus persequar, post tanti momenti indicia, quibus comitatur. Praeterea aliud protulit documentum eiusdem saeculi XVI, in quo manifesta fit allusio ad Breve Leonis X, quoad eius partem praecipuam, qua scilicet, facultas eligendi *quoscumque* confessarios, extra Ordinem, restringi decernitur: scilicet *a* auctoritate apostolica tenore praesentium decernimus et *declaramus* quod *de cetero* nullus in dicti Ordinis et praetextu *cuiuscvis indulti Apostolici* Confessorum, qui prius non fuerit per *suam mediatam vel immediatam Superiorem approbatus*, eligere possit.

Nam apud eosdem Crucigeros extat manuscriptum cuiusdam Crucigeri Petri Halloix, qui obiit circa annum 1600. In hoc legitur, inter alia, ordinatio Capituli generalis anni 1517, iubentis ne aliquis cuicumque confiteatur, nisi ordinato ad id per praelatum proprium, prout *declaratum est per Sedem Apostolicam*. Quibus ver-



bis clara est allusio ad Breve Leonis X quod principaliter loquitur de limitandi facultate eligendi quoscumque confessarios; et nova affunditur lux pro quaestione de qua agimus. Et ideo dicere licet quod confirmata authentia huius Brevis quoad primam partem, quae respicit confessarios, dici potest *indirecte* confirmatam fuisse secundam partem, quae respicit rosariorum benedictionem.

Attamen neque directa deest confirmatio secundae partis illius Brevis, in quo de eo privilegio, tamquam de re antiqua fit sermo: scilicet in antiquo libello, cui titulus - *Religio s. Crucis* - Crucigeri Arnoldi Hertzworms, a Mag. Gen. an. 1660 approbato, inter alia antiqua privilegia haec leguntur: « Nec non *viget* illud privilegium, quod . . . concessum est Prioribus generalibus pro benedicendis Rosariis B. M. V. in quibus devote dicentibus Orationem Dominicam vel Salutationem Angelicam, toties quoties id fecerint indulgentia 500 dierum offertur »: atque alio loco eiusdem libelli ipsissima verba Leonis X, quibus privilegium conceditur, alegantur.

Denique pro genuinitate privilegii argumentum est validissimum quatuor fere saeculorum constans usus ac pacifica possessio, sine ulla dubitatione ad haec usque tempora. Adeo ut perspecto decreto anni 1856 scrupulosa quidem orta sit dubitatio, utrum antiquum illud privilegium perduraret, an vero nullitatis poenam incurrisset; sed licet illud decretum primario de Indulgentiis loquatur quae ex se nullae sunt, non ideo quia s. Congregationi non exhibitae, sed quia *falsae, indiscretae* atque *apocryphae*, tamen ne scrupulus quidem incidit dubii quoad eius indulgentiae ac privilegii authenticitatem.

Neque obest, ait Consultor, quod authenticum Breve non invenitur: primo quia hoc argumentum negativum, haberi nequit ceu positivum indicium dubiae authenticitatis; et quia antiquum apographum tantae auctoritatis est, ut nulla difficultas serio vix proponi possit. Pariter, prosecutus est Consultor, adest inter utramque partem Brevis grammatica et logica connexio; nam generali Magistro, praeter facultatem probandi confessarios ampliatur facultas apostolica absolvendi et dispensandi in utroque foro, et insuper additur facultas coronas cum ea indulgentia benedicendi. Licet enim nullus sit intrinsecus nexus ob materiae disparitatem seu ratione materiae, assignari tamen potest nexus extrinsecus, vel quia Magister generalis utramque fortasse, licet disparem, gratiam eodem forte supplicii libello postulaverat, vel quia idem Pontifex gra-

tiosum illud privilegium addere sponte sua voluit, sive ut zelum generalis Magistri, qui ad bonum regularis disciplinae antiqui privilegii restrictionem seu declarationem petierat, praemio aliquo, eo praesertim tempore, haud inusitato, remuneraretur; sive ut odiosam pluribus privilegii restrictionem et declarationem, eorum interpretationi et usui vel abusui contrariam, novo aliquo gratioso privilegio compensaret atque leniret. Cum insuper Breve hoc limitet facultatem eligendi ad libitum confessarium, odiosa erat haec limitatio pro illis quibus imponebatur. Hinc istorum valde interest diligenter inquirere de totius Brevis authenticitate: et nisi manifeste authenticum illud habuissent, limitationem praedictam certe respuissent. Itaque eo ipso quod indulgentiae gratiosa concessio invenitur in Brevi, quod primario de alia re odiosa loquitur, illius authenticitas confirmatur. Et potius suspecta esse posset si ex sese extaret in aliquo perhonorifico Brevi; quod confici potuisset a quopiam e malefidis Indulgentiarum *quaestoribus* illius temporis.

Ast aliquis dicere posset: concessionem Gregorii XVI et Pii IX referendae sunt ad primitivam Leonis concessionem; quae si non esset authentica, illae corruerent, utpote fundamento destitutae. Cui obiectioni respondit consultor, primitivam concessionem ex sese authenticam probari, ex dictis; deinde negavit paritatem cum rescripto s. Congregationis. Quaestio enim s. Congregationi proposita erat ipsi Indulgentiae *extranea*, scilicet de *tempore* datae indulgentiae et dati decreti; adeoque *quaecumque* ea tandem fuisset, evidens erat, eam decreto an. 1856 non comprehendi, quum tanto esset antiquior non modo eo decreto, sed ipso etiam decreto superioris saeculi; 28 Apr. 1756, quod per illud instaurabatur. At postulatio facta Gregorio XVI et Pio IX non erat indulgentiae *extranea*, sed ipsam indulgentiam eamque dumtaxat ac nihil praeterea respiciebat; adeoque Gregorii XVI et Pii IX rescripta haberi iure possent tamquam implicita ac tacita antiquae indulgentiae rati habitio et confirmatio; quum de antiqua adeo indulgentia sermo esset, quae trium iam saeculorum pacifico usu recepta fuisset. Revera Benedictus XIV in eo ipso opere, quod in ipso decreto anno 1856 « ad falsas apocryphasque indulgentias a veris et genuinis haud difficili negotio internoscendas » Episcopis commendatur, scilicet *De Synodo Diaecesana* L. 13 c. 18, haec adnotat n. 4 et 5. « Est hic opportune monendum nonnullas reperiri Indulgentias, quae sine temeritatis nota in dubium revocari nequeunt, quamvis authenticum

earum Indultum non proferatur, cum antiquissima constantique traditione innitantur ac *tacita* vel expressa Romanorum Pontificum confirmatione roborentur ». Cuius rei duplex adducit exemplum, Indulgentiae scilicet Portiunculae, et Indulgentiae plenariae quotidianae, quae dicitur quidem, sed probari nullatenus potest, *rogatu Constantini Imperatoris a s. Silvestro* concessa cuilibet in statu gratiae Lateranensem Ecclesiam invisenti; sed tamen *tacita* Romanorum Pontificum confirmatione iamdudum habebatur ut valida: quamvis enim, ut animadvertit Papebrochius, ab ipso Benedicto XIV allegatus, nequeat efficere Pontifex ut a Silvestro datae sint indulgentiae, quae datae non fuerunt, facere tamen potest ut eae revera *nunc* obtineantur aequae ac si ab ipso Silvestro promanassent. « Cui quidem *firmissimae raticni* adhaerentes (concludit Pontifex) Nos in Nostra Constitutione, quae incipit *Assiduae sollicitudinis* §. 7 ubi res est de Indulgentiis ipsius Ecclesiae Lateranensis, ita statuimus: Omnes et singulas Indulgentias . . . quae *iamdudum*, ipsis Romanis Pontificibus *scientibus* et *consentientibus*, publice in eadem Ecclesia proponi consueverunt, etiamsi de illarum *primaeca concessione* certa monumenta nunc non appareant . . . approbamus et confirmamus, eidemque Basilicae *perinde ac si* per praesentes *ex integro* ipsi concederentur, sine ulla contradictione competere declaramus atque decernimus ».

Huic innixus doctrinae, ait Consultor: licet Gregorius XVI et Pius IX efficere non potuerint ut a Leone X datae sint indulgentiae, quae datae minime fuerint, potuerunt tamen efficere, ut eae revera, post sua rescripta, nunc obtineantur, ac si ab ipso Leone promanassent. Etenim de indulgentia agitur, quae iam a tribus saeculis bona fide, colorato saltem titulo, authentica putabatur, iam post nova rescripta tacite atque implicite, scientibus et consentientibus Romanis Pontificibus, tamquam ex integro instaurata censi potest. Addidit autem rescripta Gregorii XVI et Pii IX esse *ipsius* directe indulgentiae seu privilegii benedicendi Rosaria cum indulgentia 500 dierum pro singulis *Pater et Ave* nova *ampliatio* adeoque nova concessio, ut legentibus patet.

Quoad secundum dabium quaesivit Consultor, *utrum ea indulgentia revocanda sit uti in discreta, seu ratione indiscretae concessionis*; censuitque respondendum: *Negative*. Enimvero indulgentia revocari potest uti indiscreta, vel quia ex ipsa indiscretionem, ut notat Benedictus XIV de indulgentiis *millenorum* annorum loc. cit. n. VIII satis apparet, eam non esse authenticam; vel quia,

licet authentica, tamen iuxta praesentem praxim ad iustam disciplinae moderationem componenda, temperanda, ac revocanda videretur. Atqui ex neutro capite indulgentia haec revocari potest uti indiscreta: non ex primo, eo ipso quod probata est eius authenticitas et quod non de indulgentia millenorum annorum, sed de indulgentia agitur 500 dierum; atque hoc ipso neque ex altero capite, quia revera indiscreta dici nullatenus potest, licet sane non exigua sit indulgentia 500 dierum pro singulis *Pater vel Ave*, et quidem etiamsi non integrum Rosarium recitetur, ut sonant verba Leonis, qui indulgentiam largitur non quidem recitantibus Rosarium, sed simpliciter *Orati nam Dominicam vel Salutationem Angelicam devote dicentibus*.

Et quamvis, ait Consultor, spectato praesenti usu ea indulgentia prima fronte aliquantum indiscreta videri possit, quae non videbatur tempore Leonis X, tamen inde sequitur quidem, similem novam concessionem suadendam nunc forte non esse non vero praeteritam concessionem, ac si esset omnino indiscreta, esse revocandam: secus plurimae antiquiores indulgentiae revocandae forent. Deinde adiecit, etiam recentiori tempore Gregorii XVI et Pii IX iudicio, eam indulgentiam nullatenus uti indiscretam habitam fuisse, quum potius sin minus intensive, saltem extensive eam ampliarint. Et insuper certum est recentiori tempore similes indulgentias concessas fuisse, atque adeo etiam ampliores, quae pariter in plurimos annos ex brevium precum repetitione facile excrescunt: ex. gr. 100 dierum indulgentia, ut alias quam plurimas praeteream, conceditur toties quoties devote dicatur, *Gesù mio, misericordia*. Iamvero milies eoque amplius in die s. Leonardus a Portu Mauritio ea verba, ut pia cordis suspiria, repetebat.

Animadvertit insuper hanc indulgentiam esse per se etiam privilegium seu specialem gratiam Ordinis Crucis concessam, quod profecto sine ulla indiscretionis nota aliquid supra communem modum et mensuram importat. Scilicet haec indulgentia non est generalis omnino atque communis omnibus fidelibus, prout sunt indulgentiae illae 100 dierum, quam in exemplum attulimus; neque generatim simplici recitationi Orationis Dominicae vel Salutationis Angelicae pro omnibus adnexa est, sed indulgentia est specialis pro iis qui ad hoc Rosariis, a Magistro Ordinis Crucis, vel ab eo delegatis, singulari Apostolicae Sedis privilegio, benedictis utantur.

Et ideo concludebat consultor: ex dictis, sive prout est communis indulgentia, sive prout est specialis gratia Ordini Crucis con-

cessa, sive pro tempore Leonis X sive pro nostro tempore, sive in se absolute sive comparate ad alias spectetur, manifeste discreta apparet.

Quoad tertium dubium, idest, *utrum ea Indulgentia revocanda sit ob alias rationes extrinsecas*: censuit consultor pariter esse respondendum: *Negative*. Etenim quum ea indulgentia authentica sit atque omnino discreta, adeoque ob rationem *intrinsecam* revocari non possit, gravissimae sane requirerentur rationes *extrinsecae*, ut nihilominus revocaretur. At vero afferri ne possunt aut abusus qui abrogationem, ut poenam mereantur, aut graves convenientiae rationes, quae abrogationem suadeant non quidem ut poenam, sed ut disciplinarem innovationem, magis congruam praesenti circa indulgentias disciplinae? Nihil sane huiusmodi alicuius momenti allatum est vel afferri potest.

Aliquis, ait Consultor, dicit: latam viam sternere posse abusibus et scandalis ipsam huius indulgentiae propagationem, quae crescit in dies; nam per totum orbem rosaria a crucigeris benedicta diffunduntur, dum haec benedictio antea paucis innotuerat. Et ideo licet intensive et intrinsece non esset indiscreta, admodum inter fideles diffusa, iam extensive et extrinsece indiscreta dici posse videretur.

Cui offensionem respondit consultor: utinam huiusmodi essent abusus omnes, cuiusmodi est tanta haec ab aliquot annis Rosariorum propagatio atque diffusio! Certe ad hanc propagationem augendam Gregorius XVI et Pius IX Generali Ordinis Magistro concesserunt, ut personalem Rosaria benedicendi facultatem nonnullis aliis Crucigeris subdelegaret, atque haec est ratio sancti huius usus (absit ut abusum appellem) ratio prima atque praecipua.

Ast, dicitur, abusus verificatur ex bona fide vel ignorantia populi: plures enim Crucigeris benedicenda deferunt Rosaria iam consuetis indulgentiis scilicet Rosarii vel etiam s. Birgittae ditata. Ac bona fide putant una eademque recitatione omnes simul indulgentias se posse lucrari, scilicet pro singulis *Pater* et *Ave* 100 dies ex communi scilicet Rosarii indulgentia, alios praeterea 100 dies ex indulgentia s. Birgittae, et 500 dies ex addita Crucigerorum indulgentia. Hac in parte, ait Consultor, subrepere potest error: sed quid inde? erit ne abroganda indulgentia Crucigerorum? Ipsi enim ut fertur, data occasione, verbo et scriptis student ex hominum mente depellere opinionem de indulgentiarum accumulatione, iuxta responsum S. Congregationis Indulgentiarum diei 12 Ian. 1878. (1)

(1) *Raccolte* Vol. X pag. 463 et Vol. XI pag. 152 ad I dubium.

Aliquis autem dicit: timendum est ne devotio erga rosarium s. Dominici minuatur, dum facilius et numero maiores acquirantur indulgentiae in rosariis Crucigerorum. Ergone, quaesivit Consultor, abroganda erit istorum indulgentia? Tunc simili ratione abrogandae essent indulgentiae concessae Sodalibus caerulei scapularis, sexies recitantibus *Pater* et *Ave*, et alia abroganda essent scapularia ne devotio tepescat erga antiquissimum primumque B. Virginis a Monte Carmelo! Ast praeterea dicam hoc deesse periculum: nam rosaria s. Dominici annexas habent plures indulgentias partiales, et plenarias, ac privilegia; quibus per se carent Crucigerorum Rosaria. Expediit vero ut adsit modus facilior lucrandi indulgentias pro illis qui quinque decades cum misteriorum memoria recitare quacumque ex causa nolint aut nequeant.

Ceterum licet per se ad Crucigerorum indulgentiam lucrandam non requiratur coronae totius recitatio, quemadmodum probabiliter neque in corona s. Birgittae requiritur, tamen eo ipso quod rosarium benedicatur et indulgentia impertitur fidelibus *Pater* vel *Ave* in rosario recitantibus, satis suaderi videtur rosarii integra recitatio. Experimento quidem compertum est indulgentiae Crucigerorum propagationem non ad minuendam, sed ad augendam rosarii recitationem profuisse: et ideo coronae illae plerumque expetuntur, non quidem ut loco rosarii multae indulgentiae paucis *Pater* et *Ave* devote recitatis acquirantur, sed potius ut eae indulgentiae stimulo sint acriori ut rosarium integrum vel tertia eius pars recitetur. Quamquam vero per accidens in nonnullis praxis recitandi Rosarii imminueretur, non ideo authentica haec indulgentia esset abroganda.

Incongruum videtur nonnullis quod unus tantum canonicorum regularium Ordo, huiusmodi habeat extraordinariam facultatem, ut solum eius Generalis, et illi, de suo Ordine, ab eo subdelegati, hanc annectere valeant rosariis indulgentiam. His Consultor respondit: etsi hic non agatur utrum aliis, praeter Crucigeros, haec facultas communicanda sit, sed utrum abroganda; tamen non deest casus, quo similia privilegia uni tantum Ordini sint concessa, sine ulla communicatione, quin odiosa dicantur.

Animadvertit tandem Consultor, quod ordo Crucigerorum, paulatim visus est hoc saeculo reviviscere; praesertim post privilegii ampliationem a Gregorio XVI et Pio IX factam. Et revocatio huius privilegii, quam maxime noceret ordini qui adhuc quatuor

continetur domibus. (1) Omnibus fere temporalibus bonis, quibus olim Ordo praeditus erat, postremis etiam hisce temporibus spoliatus est ac ad veram paupertatem redactus: eccurnam spiritualibus etiam nunc bonis orbaretur? Eccurnam Ordo qui hac aetate, magis quam primaevo concessi privilegii tempore, pietate ac disciplina floret et bonum Christi odorem diffundit, privilegio suo privandus censeretur? Eccurnam post pacificam quatuor fere saeculorum possessionem, nunc demum e possessione sua exturbandus esset? Eccurnam fideles qui huius potissimum privilegii gratia Ordinem Crucigerorum ubivis agnoscere coeperunt, quique iam a pluribus annis Crucigerorum rosariis, Episcopis et Missionariis ubivis faventibus, devote utuntur, authentica hac Crucigerorum indulgentia, quae recenti praesertim tempore singulari Dei favore ac providentia propagata est, privandi censerentur? Nonne id in scandalum verteret fidelium? Nonne suspicionibus sive contra Ordinem, sive contra hanc aliasque indulgentias aditus aperiretur? Adsunt ne, praeter allatas, rationes quaedam, eaeque ut par est gravissimae quae privilegii et indulgentiae abrogationem suadeant? Imo vero omnia, natura rei, tempus, intrinsecae rationes atque extrinsecae, pro huius privilegii et indulgentiae confirmatione conspirant.

Quoad quartum dubium, nempe *utrum potius haec indulgentia rata habenda sit et confirmanda*: censuit Consultor respondendum esse: *Non indigere*: et requidem vera convenientius videtur, tum pro Ordine ipso tum pro s. Congregatione, quam directa privilegii et indulgentiae rati habitio et confirmatio. Ut enim s. Congregatio respondeat – *Non indigere* – necesse non est ut directo iudicio ratam habeat primitivae concessionis authenticitatem, quum, etiamsi alicui ea non videtur satis probata, authentica certe Gregorii XVI et Pii IX rescripta sufficiant, ut indulgentia nova confirmatione dicatur *non indigere*. Ordini vero Crucis honorabilius est responsum, *confirmatione non indigere*, quam si positivum confirmationis responsum daretur; hoc enim post exorta dubia suspicionem creare posset, eam concessionem confirmatione indignisse, qua ex dictis constat *non indigere*.

Nisi forte confirmatione indigere putanda sit ob rationem a nemine quidem allatam, sed quae cum mihi sese obtulerit, ait consultor, eam dissimulare nullatenus velim. Sacra haec Congregatio

(1) Ex ordinibus Canonicorum regularium nunc supersunt Lateranenses, Praemonstratenses, et Crucigeri.

ab eius institutione anno decimo, scilicet die 7 Martii 1678, decreto suo de indulgentiis apocryphis, post plures abolitas nominatim indulgentias, generatim concludit. — Ac demum omnes Indulgentias concessas *ante Decretum Clementis VIII*, latum die 9 Ianuarii 1597 *coronis, rosariis, granis, seu calculis, crucibus et imaginibus sacris . . . nisi fuerint deinde Romani Pontificis auctoritate innovatae et confirmatae* nullius esse roboris et momenti pariter declarat. Atqui concessio Leonina coronis et rosariis a Magistro generali Ordinis Crucis benedictis anterior est decreto Clementis VIII. Innovata ne fuit deinde ac confirmata? sin minus, confirmatione indigeret. At licet directis documentis probari non possit decreto sacrae Congregationis eo tempore satisfactum fuisse, respondit primum concessionem Leoninam eo ipso quod *personale* erat privilegium, decreto die 7 Martii 1678 non comprehendi, quemadmodum s. Congregatio respondit non comprehendi in decreto 14 Apr. 1856, ob eandem rationem ab alio consultore allatam, quod scilicet decretum *personales* indulgentiarum concessionem, non autem *personales facultates* respiciat: respondit secundo, quod licet forte sive ex ignorantia decreti, sive ex erronea eiusdem interpretatione, sive quacumque ex causa ea concessio non fuisset tunc explicite confirmata, attamen confirmata deinde saltem implicite fuit Gregorii XVI et Pii IX rescriptis. — Ceterum retinuit Consultor, eam neque tunc confirmatione indiguisse, neque nunc nova confirmatione indigere.

---

## EX S. CONGR. S. R. U. INQUISIT.

---

### DECRETUM

**S. R. et Universalis Inquisitionis in una Bombayen. die 21 Februarii super examine praemittendo conditionatae Baptismatis iterationi.**

**Q.** Utrum, quando post diligentem indagacionem de valore baptismi a Ministro haeretico collati nihil constiterit, nisi miniscellum baptizantem pertinuisse ad sectam Anglicanam, cuius Rituale



validam praescribit materiam et formam, hoc factum sufficiat ad praesumendam baptismi validitatem, ita ut ad licite conferendum baptismum conditionatum speciali argumento probari debeat eius invaliditas, an vero praesumi debeat invaliditas baptismi a tali ministello collati, ita ut Sacerdos in tali casu conditionate rebaptizans irregularitatem non incurrat:

*Responsum* - In congregatione Generali S. Romanae et Universalis Inquisitionis habita coram Eminentissimis et Reverendissimis Dominis S. Romanae Ecclesiae Cardinalibus, in rebus fidei generalibus Inquisitoribus, propositis dubiis, iidem E<sup>m</sup>i et R<sup>m</sup>i Domini, praehabito voto DD. Consultorum, decreverunt respondendum prout sequitur, idest: Detur Decretum *in Romana* fer. IV. 20 Novembris 1878; quoad irregularitatem vero, iuxta exposita non fuisse incursum. Decretum autem feriae IV. 20 Novembris 1878, hoc est scilicet: proposito dubio, utrum conferri debeat baptismus sub conditione haereticis qui ad Catholicam fidem convertuntur ex quocumque loco proveniant, et ad quamcumque sectam pertineant. — Eminentissimi responderunt: Negative; sed in conversione haereticorum a quocumque loco vel a quacumque secta venerint, inquirendum est de validitate Baptismi, in haeresi suscepti. Instituto igitur in singulis casibus examine, si compertum fuerit, aut nullum aut nulliter collatum fuisse, baptizandi erunt absolute: si autem pro temporum aut locorum ratione, investigatione peracta, nihil sive pro validitate, sive pro invaliditate detegatur, aut adhuc probabile dubium de baptismi validitate supersit, tunc sub conditione secreto baptizentur; demum si constiterit validum fuisse, recipiendi erunt tantummodo ad abiurationem et professionem fidei.



EPISTOLA ENCYCLICA SS̄mi D. N. LEONIS XIII quoad sectam  
Massonum.

LEO PP. XIII.

VENERABILES FRATRES

SALUTEM ET APOSTOLICAM BENEDICTIONEM.

Humanum genus, postea quàm a creatore, munerumque caelestium largitore Deo, *invidia Diaboli*, miserime defecit, in partes duas diversas adversasque discessit; quarum altera assidue pro veritate et virtute propugnat, altera pro iis, quae virtuti sunt veritatisque contraria. – Alterum Dei est in terris regnum, vera scilicet Iesu Christi Ecclesia, cui qui volunt ex animo et convenienter ad salutem adhaerescere, necesse est Deo et Unigenito Filio eius tota mente ac summa voluntate servire: alterum Satanae est regnum, cuius inditione et potestate sunt quicumque funesta ducis sui et primorum parentum exempla secuti, parere divinae aeternaeque legi recusant, et multa posthabito Deo, multa contra Deum contendunt. Duplex hoc regnum, duarum instar civitatum contrariis legibus contraria in studia abeuntium, acute vidit descripsitque Augustinus, et utriusque efficientem causam subtili brevitate complexus est, iis verbis: *se erunt civitates duas amores duo: terrenam scilicet amor sui usque ad contemptum Dei: caelestem vero amor Dei usque ad contemptum sui* (1). – Vario ac multiplici cum armorum tum dimicationis genere altera adversus alteram omni saeculorum aetate confligit, quamquam non eodem semper ardore atque impetu. Hoc autem tempore, qui deterioribus favent partibus videntur simul conspirare vehementissimeque cuncti contendere, auctore et adiutrice ea, quam *Massonum* appellant, longe lateque diffusa et firmiter constituta hominum societate. Nihil enim iam dissimulantes consilia sua, excitant sese adversus Dei numen audacissime: Ecclesiae sanctae perniciem palam aperteque moliuntur, idque eo proposito, ut gentes christianas partis per Iesum Christum Servatorem beneficiis, si fieri posset, funditus despolient. – Quibus Nos ingemiscentes malis, illud saepe ad Deum clamare, urgente animum caritate, compellimur: *Ece inimici tui scruerunt, et qui oderunt te, extulerunt caput. Super populum tuum mali-*

(1) *De Civit. Dei* Lib. XIV, c. 17.

*gnaverunt consilium: et cogitaverunt adversus sanctos tuos. Disserunt: venite, et disperdamus eos de gente (1).*

In tam praesenti discrimine, in tam immani pertinacique christiani nominis oppugnatione, Nostrum est indicare periculum, designare adversarios, horumque consiliis atque artibus, quantum possumus, resistere ut aeternum ne pereant quorum Nobis est commissa salus: et Iesu Christi regnum, quod tuendum accepimus, non modo stet et permaneat integrum, sed novis usque incrementis ubique terrarum amplificetur.

Romani Pontifices Decessores Nostri, pro salute populi christiani sedulo vigilantes, hunc tam capitalem hostem ex occultae coniurationis tenebris prosilientem, quis esset, quid vellet, celeriter agnoverunt; iidemque praecipientes cogitatione futura, principes simul et populos, signo velut dato, monuerunt ne se paratis ad decipiendum artibus insidiisque capi paterentur. — Prima significatio periculi per Clementem XII anno 1738 facta (2): cuius est a Benedicto XIV (3) confirmata ac renovata Constitutio. Utriusque vestigiis ingressus est Pius VII (4): ac Leo XII Constitutione Apostolica *« Quo graviora »* (5) superiorum Pontificum hac de re acta et decreta complexus, rata ac firma in perpetuum esse iussit. In eandem sententiam Pius VIII, (6) Gregorius XVI (7), persaepe vero Pius IX (8) locuti sunt.

Videlicet cum sectae Massonicae institutum et ingenium comperitum esset ex manifestis rerum indiciis, cognitione caussarum, prolatis in lucem legibus eius, ritibus, commentariis, ipsis saepe accedentibus testimoniis eorum qui essent conscii, haec Apostolica Sedes denuntiavit aperteque edixit, sectam Massonum, contra ius fasque constitutam, non minus esse christianae rei, quam civitati perniciosam: propositisque poenis, quibus solet Ecclesia gravius insones animadvertere, interdixit atque imperavit ne quis illi nomen societati daret. Qua ex re irati gregales, earum vim sententiarum subterfugere aut debilitare se posse partim contemnendo, partim calumniando rati, Pontifices maximos, qui ea decreverant, criminati sunt aut non iusta decrevisse, aut modum in decernendo tran-

(1) *Ps. LXXXII, v. 2-4.*

(2) Const. *In eminenti*, die 24 Aprilis 1738.

(3) Const. *Providas*, die 18 Maii 1751.

(4) Const. *Ecclesiam a Iesu Christo*, die 13 Septembris 1821.

(5) Const. data die 13 Martii 1825.

(6) Encyc. *Traditi*, die 21 Maii 1929.

(7) Encyc. *Mirari*, die 15 Augusti 1832.

(8) Encyc. *Qui pluribus*, die 9 Novemb. 1846. Alloc. *Multiplices inter*, die 25 Septemb. 1865, etc.

sisse. Hac sane ratione Constitutionum Apostolicarum Clementis XII, Benedicti XIV, itemque Pii VII et Pii IX conati sunt auctoritatem et pondus eludere. Verum in ipsa illa societate non defuere, qui vel inviti faterentur, quod erat a romanis Pontificibus factum, id esse spectata doctrina disciplinae catholica, iure factum. In quo Pontificibus valde assentiri plures viri principes rerumque publicarum rectores visi sunt, quibus curae fuit societatem Massonicam vel apud Apostolicam Sedem arguere, vel per se, latis in id legibus, noxae damnare, ut in Hollandia, Austria, Helvetia, Hispania, Bavaria, Sabaudia aliisque Italiae partibus.

Quod tamen prae ceteris interest, prudentiam Decessorum Nostrorum rerum eventus comprobavit. Ipsorum enim providae paternaeque curae nec semper nec ubique optatos habuerunt exitus: idque vel hominum, qui in ea noxa essent, simulatione et astu, vel inconsiderata levitate ceterorum, quorum maxime interfuisset diligenter attendere. Quare unius saeculi dimidiatique spatio secta Massonum ad incrementa properavit opinione maiora; inferendoque sese per audaciam et dolos in omnes reipublicae ordines, tantum iam posse coepit, ut prope dominari in civitatibus videatur. Ex hoc tam celeri formidolosoque cursu illa revera est in Ecclesiam, in potestatem principum, in salutem publicam perniciēs consecuta, quam Decessores Nostri multo ante providerant. Eo enim perventum est, ut valde sit reliquo tempore metuendum non Ecclesiae quidem, quae longe firmiter habet fundamentum, quam ut hominum operā labefactari queat, sed earum causa civitatum, in quibus nimis polleat ea, de qua loquimur, aut aliae hominum sectae non ab-similes, quae priori illi sese administras et satellites impertiunt.

His de caussis, ubi primum ad Ecclesiae gubernacula accessimus, vidimus planeque sensimus huic tanto malo resistere oppositu auctoritatis Nostrae, quoad fieri posset, oportere. — Sane opportunam saepius occasionem nacti, persecuti sumus praecipua quaedam doctrinarum capita, in quas Massonicarum opinionum influxisse maxime perversitas videbatur. Ita Litteris Nostris Encyclicis *« Quod Apostolici muneris »* aggressi sumus *Socialistarum* et *Communistarum* portenta convincere: aliis deinceps *« Arcanum »* veram germanamque notionem societatis domesticae, cuius est in matrimonio fons et origo, tuendam et explicandam curavimus: iis insuper, quarum initium est *« Diuturnum »*, potestatis politicae formam ad principia christianae sapientiae expressam proposuimus, cum ipsa rerum natura, cum populorum principumque salute mirifice cohaerentem. Nunc autem, Decessorum Nostrorum exemplo, in

Massonicam ipsam societatem, in doctrinam eius universam, et consilia, et sentiendi consuetudinem et agendi, animum recta intendere decrevimus, quo vis illius malefica magis magisque illustretur, idque valeat ad funestae pestis prohibenda contagia.

Variae sunt hominum sectae, quae quamquam nomine, ritu, forma, origine differentes, cum tamen communione quadam propositi summarumque sententiarum similitudine inter se contineantur, re congruunt cum secta Massonum, quae cuiusdam est instar centri unde abeunt et quo redeunt universae. Quae quamvis nunc nolle admodum videantur latere in tenebris, et suos agant coetus in luce oculisque civium, et suas edant ephemeridas, nihilominus tamen, re penitus perspecta, genus societatum clandestinarum moremque retinent. Plura quippe in iis sunt arcanis similia, quae non externos solum, sed gregales etiam bene multos exquisitissima diligentia celari lex est: cuiusmodi sunt intima atque ultima consilia, summi factionum principes, occulta quaedam et intestina conventicula: item decreta, et qua via, quibus auxiliis perficienda. Huc sane facit multiplex illud inter socios discrimen et iuris et officii et muneris: huc rata ordinum graduumque distinctio, et illa, qua reguntur, severitas disciplinae. Initiales spondere, immo praecipuo sacramento iurare ut plurimum iubentur, nemini se ullo unquam tempore ullove modo socios, notas, doctrinas indicaturos. Sic ementita specie eodemque semper tenore simulationis quam maxime Massones, ut olim Manichaei, laborant abdere sese, nullosque, praeter suos, habere testes. Latebras commodum quaerunt, sumpta sibi litteratorum sophorumve persona, eruditionis causa sociatorum: habent in lingua promptum cultioris urbanitatis studium, tenuioris plebis caritatem: unice velle se meliores res multitudini quaerere, et quae habentur in civili societate commoda cum quamplurimis communicare. Quae quidem consilia quamvis vera essent, nequaquam tamen in istis omnia. Praeterea qui cooptati sunt, promittant ac recipiant necesse est, ducibus ac magistris se dicto audientes futuros cum obsequio fideque maxima: ad quemlibet eorum nutum significationemque paratos, imperata facturos; si secus fecerint, tum dira omnia ac mortem ipsam non recusare. Revera si qui prodidisse disciplinam, vel mandatis restitisse iudicentur, supplicium de iis non raro sumitur, et audacia quidem ac dexteritate tanta, ut speculatricem ac vindicem scelerum iustitiam sicarius persaepe fallat. — Atqui simulare, et velle in occulto latere; obligare sibi homines, tamquam mancipia, tenacissimo nexu, nec satis declarata causa: alieno addictos arbitrio ad omne facinus adhibere: armare ad caedem dextras,

quaesita impunitate peccandi, immanitas quaedam est, quam rerum natura non patitur. Quapropter societatem, de qua loquimur, cum iustitia et naturali honestate pugnare, ratio et veritas ipsa vincit.

Et vel magis, quod ipsius naturam ab honestate dissidentem alia quoque argumenta eademque illustria redarguunt. Ut enim magna sit in hominibus astutia celandi consuetudoque mentiendi, fieri tamen non potest, ut unaquaeque causa ex iis rebus, quarum causa est, qualis in se sit non aliqua ratione appareat. *Non potest arbor bona malos fructus facere; neque arbor mala bonos fructus facere* (1). Fructus autem secta Massonum perniciosos gignit maximaque acerbitate permixtos. Nam ex certissimis indiciis, quae supra commemoravimus, erumpit illud, quod est consiliorum suorum ultimum, scilicet evertere funditus omnem eam, quam instituta christiana pepererunt, disciplinam religionis reique publicae, novamque ad ingenium suum extruere, ductis e medio *Naturalismo* fundamentis et legibus.

Haec, quae diximus aut dicturi sumus, de secta Massonica intelligi oportet spectata in genere suo, et quatenus sibi cognatas foederatasque complectitur societates: non autem de sectatoribus earum singulis. In quorum numero utique possunt esse, nec pauci, qui quamvis culpa non careant quod sese istius modi implicaverint societatibus, tamen nec sint flagitiose factorum per se ipsi participes, et illud ultimum ignorent quod illae nituntur adipisci. Similiter ex consociationibus ipsis nonnullae fortasse nequaquam probant conclusiones quasdam extremas, quas, cum ex principiis communibus necessario consequantur, consentaneum esset amplexari, nisi per se foeditate sua turpitudine ipsa deterreret. Item nonnullas locorum temporumve ratio suadet minora conari, quam aut ipsae vellent aut ceterae solent: non idcirco tamen alienae a Massonico foedere putandae, quia Massonicum foedus non tam est ab actis perfectisque rebus, quam a sententiarum summa iudicandum.

Iamvero Naturalistarum caput est, quod nomine ipso satis declarant humanam naturam humanamque rationem cunctis in rebus magistram esse et principem oportere. Quo constituto, officia erga Deum vel minus curant, vel opinionibus pervertunt errantibus et vagis. Negant enim quicquam esse Deo auctore traditum: nullum probant de religione dogma, nihil veri, quod non hominum intelligentia comprehendat, nullum magistrum, cui propter aucto-

(1) Matth. VII, 18.

ritatem officii sit iure credendum. Quoniam autem munus est Ecclesiae catholicae singulare sibi que unice proprium doctrinas divinitus acceptas auctoritatemque magisterii cum ceteris ad salutem caelestibus adiumentis plene complecti et incorrupta integritate tueri, idcirco in ipsam maxima est inimicorum iracundia impetusque conversus. — Nunc vero in iis rebus, quae religionem attingunt, spectetur quid agat, praesertim ubi est ad agendi licentiam liberior, secta Massonum: omninoque iudicetur, nonne plane re exequi Naturalistarum decreta velle videatur. Longo sane pertinacique labore in id datur opera, nihil ut Ecclesiae magisterium nihil auctoritas in civitate possit: ob eamque causam vulgo praedicant et pugnant, rem sacram remque civilem esse penitus distrahendas. Quo facto saluberrimam religionis catholicae virtutem a legibus, ab administratione reipublicae excludunt: illudque est consequens, ut praeter instituta ac praecepta Ecclesiae totas constituendas putent civitates. — Nec vero non curare Ecclesiam, optimam ducem, satis habent, nisi hostiliter faciendo laeserint. Et sane fundamenta ipsa religionis catholicae adoriri fando, scribendo, docendo, impune licet: non iuribus Ecclesiae parcitur, non munera, quibus est divinitus aucta, salva sunt. Agendarum rerum facultas quam minima illi relinquitur, idque legibus specie quidem non nimis vim inferentibus, re veranatis ad impediendam libertatem. Item impositas Clero videmus leges singulares et graves, multum ut ei de numero, multum de rebus necessariis in dies decedat: reliquias bonorum Ecclesiae maximis adstrictas vinculis, potestati et arbitrio administratorum reipublicae permittas: sodalitates ordinum religiosorum sublatas, dissipatas. — At vero in Sedem Apostolicam romanumque Pontificem longe est inimicorum incitata contentio. Is quidem primum fictis de causis deturbatus est propugnaculo libertatis iurisque sui, principatu civili: mox in statum compulsus iniquum simul et obiectis undique difficultatibus intolerabilem: donec ad haec tempora perventum est, quibus sectarum fautores, quod abscondite secum agitarant diu, aperte denunciant, sacram tollendam Pontificum potestatem, ipsumque divino iure institutum funditus delendum Pontificatum. Quam rem, si cetera deessent, satis indicat hominum qui conscii sunt testimonium, quorum plerique cum saepe alias, tum recenti memoria rursus hoc Massonum verum esse declararunt, velle eos maxime exercere catholicum nomen implacabilibus inimicitiiis, nec ante quietos, quam excisa omnia viderint, quaecumque summi Pontifices religionis causa instituissent. — Quod si, qui adscribuntur in numerum, nequaquam eiurare conceptis verbis instituta catholica iu-

bentur, id sane tantum abest, ut consiliis Massonum repugnet, ut potius adserviat. Primum enim simplices et incautos facile decipiunt hac via, multoque pluribus invitamenta praebent. Tum vero obviis quibuslibet ex quovis religionis ritu accipiendis, hoc assequuntur, ut re ipsa suadeant magnum illum huius temporis errorem, religionis curam relinqui oportere in mediis, nec ullum esse inter genera discrimen. Quae quidem ratio comparata ad interitum est religionum omnium, nominatim ad catholicae, quae cum una ex omnibus vera sit, exaequari cum ceteris sine iniuria summa non potest.

Sed longius Naturalistae progrediuntur. In maximis enim rebus tota errare via audacter ingressi, praecipiti cursu ad extrema delabuntur, sive humanae imbecillitate naturae, sive consilio iustas superbiae poenas repetentis Dei. Ita fit, ut illis ne ea quidem certa et fixa permaneant, quae naturali lumine rationis perspiciuntur, qualia profecto illa sunt, Deum esse, animos hominum ab omni esse materiae concretionem segregatos, eosdemque immortales. — Atqui secta Massonum ad hos ipsos scopulos non dissimili cursus errore adhaerescit. Quamvis enim Deum esse generatim profiteantur, id tamen non haerere in singulorum mentibus firma assensione iudicioque stabili constitutum, ipsi sibi sunt testes. Neque enim dissimulant, hanc de Deo quaestionem maximum apud ipsos esse fontem caussamque dissidii: immo non mediocrem hac ipsa de re constat extitisse inter eos proximo etiam tempore contentionem. Re autem vera initiatis magnam secta licentiam dat, ut alterutrum liceat suo iure defendere, Deum esse, Deum nullum esse: et qui nullum esse praefracte contendat, tam facile initiantur, quam qui Deum esse opinantur quidem, sed de eo prava sentiunt, ut Pantheistae solent: quod nihil est aliud, quam divinae naturae absurdam quamdam speciem retinere, veritatem tollere. Quo everso infirmatove maximo fundamento, consequens est ut illa quoque vacillent, quae natura admonente cognoscuntur, cunctas res libera creatoris Dei voluntate extitisse: mundum providentia regi: nullum esse animorum interitum: huic, quae in terris agitur, hominum vitae successuram alteram eamque sempiternam.

His autem dilapsis, quae sunt tamquam naturae principia, ad cognitionem usumque praecipua, quales futuri sint privati publicique mores, facile apparet. — Silemus de virtutibus diviniioribus, quas absque singulari Dei munere et dono nec exercere potest quisquam, nec consequi: quarum profecto necesse est nullum in iis vestigium reperiri, qui redemptionem generis humani, qui gratiam caelestem, qui sacramenta, adipiscendamque in caelis felicitatem pro



ignotis aspernantur. - De officiis loquimur, quae a naturali honestate ducuntur. Mundi enim opifex idemque providus gubernator Deus: lex aeterna naturalem ordinem conservari iubens, perturbari vetans: ultimus hominum finis multo excelsior rebus humanis extra haec mundana hospitia constitutus: hi fontes, haec principia sunt totius iustitiae et honestatis. Ea si tollantur, quod Naturalistae idemque Massones solent, continuo iusti et iniusti scientia ubi consistat, et quo se tueatur omnino non habebit. Et sane disciplina morum, quae Massonum familiae probatur unice, et qua informari adolescentem aetatem contendunt oportere, ea est quam et *civicam* nominant et *solutam ac liberam*; scilicet in qua opinio nulla sit religionis inclusa. At vero quam inops illa sit, quam firmitatis expers, et ad omnem auram cupiditatum mobilis, satis ostenditur ex iis, qui partim iam apparent, poenitendis fructibus. Ubi enim regnare illa liberius coepit, demota loco institutione christiana, ibi celeriter deperire probi integrique mores: opinionum tetra portenta convalescere: plenoque gradu audacia ascendere maleficiorum. Quod quidem vulgo conqueruntur et deplorant: idemque non pauci ex iis, qui minime vellent, perspicua veritate compulsi, haud raro testantur.

Praeterea, quoniam est hominum natura primi labe peccati inquinata, et ob hanc causam multo ad vitia quam ad virtutes propensior, hoc omnino ad honestatem requiritur, cohibere motus animi turbidos et appetitus obedientes rationi. In quo certamine despicientia saepissime adhibenda est rerum humanarum, maximique exhauriendi labores ac molestiae, quo suum semper teneat ratio victrix principatum. Verum Nutaralistae et Massones, nulla adhibita iis rebus fide, quas Deo auctore cognovimus, parentem generis humani negant deliquisse: proptereaque liberum arbitrium nihil *viribus attenuatum et inclinatum* (1) putant. Quin immo exaggerantes naturae virtutem et excellentiam, in eaque principium et normam iustitiae unice collocantes, ne cogitare quidem possunt, ad sedandos illius impetus regendosque appetitus assidua contentione et summa opus esse constantia. Ex quo videmus vulgo suppeditari hominibus illecebras multas cupiditatum: ephemeridas commentariosque nulla nec temperantia nec verecundia: ludos scenicos ad licentiam insignes: argumenta artium ex iis, quas vocant *verismi*, legibus proterve quaesita: excogitata subtiliter vitae artificia delicatae et mollis: omnia denique conquisita voluptatum blandimenta,

(1) Conc. Trid. Sess. VI, *De Iustif.* c. 1.

quibus sopita virtus conniveat. In quae flagitiose faciunt, sed sili admodum constant, qui expectationem tollunt bonorum caelestium, omnemque ad res mortales felicitatem abiiciunt et quasi demergunt in terram. — Quae autem commemorata sunt illud confirmare potest non tam re, quam dictu inopinatum. Cum enim hominibus versutis et callidis nemo fere soleat tam obnoxie servire, quam quorum est cupiditatum dominatu enervatus et fractus animus, reperti in secta Massonum sunt, qui edicerent ac proponerent, consilio et arte enitendum ut infinita vitiorum licentia exsaturetur multitudo: hoc enim facto, in potestate sibi et arbitrio ad quaelibet audenda facile futuram.

Quod ad convictum attinet domesticum, his fere continetur omnis Naturalistarum disciplina. Matrimonium ad negotiorum contrahendorum pertinere genus: rescindi ad voluntatem eorum, qui contraxerint, iure posse: penes gubernatores rei civilis esse in maritale vinculum potestatem. In educandis liberis nihil de religione praecipitur ex certa destinataque sententia: integrum singulis esto, cum adoleverit aetas, quod maluerint sequi. — Atqui haec ipsa assentiuntur plane Massones: neque assentiuntur solum, sed iamdiu student in morem consuetudinemque deducere. Multis iam in regionibus, iisdemque catholici nominis, constitutum est ut, praeter coniunctas ritu civili, iustae ne habeantur nuptiae: alibi divortia fieri, lege licet: alibi, ut quamprimum liceat, datur opera. Ita ad illud festinat cursus, ut matrimonia in aliam naturam convertantur, hoc est in coniunctiones instabiles et fluxas, quas libido conglutinet, et eadem mutata dissolvat. — Summa autem conspiratione voluntatum illuc etiam spectat secta Massonum, ut institutionem ad se rapiat adolescentium. Mollem enim et flexibilem aetatem facile se posse sentiunt arbitrato suo fingere, et, quo velint, torquere: eaque re nihil esse opportunius ad sobolem civium, qualem ipsi meditantur, talem reipublicae educendam. Quocirca in educatione doctrinaque puerili nullas Ecclesiae ministris nec magisterii nec vigilantiae sinunt esse partes: pluribusque iam locis consecuti sunt, ut omnis sit penes viros laicos adolescentium institutio: itemque ut in mores informandos nihil admisceatur de iis, quae hominem iungunt Deo, permagnis sanctissimisque officiis.

Sequuntur civilis decreta prudentiae. Quo in genere statuunt Naturalistae, homines eodem esse iure omnes, et aequa ac pari in omnes partes conditione: unumquemque esse natura liberum: imperandi alteri ius habere neminem: velle autem, ut homines cuiusquam auctoritati pareant, aliunde quam ex ipsis quaesitae, id qui-

dem esse vim inferre. Omnia igitur in libero populo esse: imperium iussu vel concessu populi teneri, ita quidem, ut, mutata voluntate populari, principes de gradu deiici vel invitos liceat. Fontem omnium iurium officiorumque civilium vel in multitudine inesse, vel in potestate gubernante civitatem, eaque novissimis informata disciplinis. Praeterea atheam esse rempublicam oportere: in variis religionis formis nullam esse causam, cur alia alii anteponatur: eodem omnes loco habendas.

Haec autem ipsa Massonibus aequae placere, et ad hanc similitudinem atque exemplar velle eos constituere res publicas, plus est cognitum, quam ut demonstrari oporteat. Iamdiu quippe omnibus viribus atque opibus id aperte moliuntur: et hoc ipso expediunt viam audacioribus non paucis ad peiora praecipitantibus, ut qui aequationem cogitant communionemque omnium bonorum, deletis ordinum et fortunarum in civitate discrimine.

Secta igitur Massonum quid sit, et quod iter affectet ex his quae summatim attigimus, satis elucet. Praecipua ipsorum dogmata tam valde a ratione ac tam manifesto discrepant, ut nihil possit esse perversius. Religionem et Ecclesiam, quam Deus ipse condidit, idemque ad immortalitatem tuetur, velle demoliri, moresque et instituta ethnicorum duodeviginti saeculorum intervallo revocare, insignis stultitiae est impietatisque audacissimae. Neque illud vel horribile minus, vel levius ferendum, quod beneficia repudientur per Iesum Christum benigne parta neque hominibus solum singulis, sed vel familia vel communitate civili consociatis; quae beneficia ipso habentur inimicorum iudicio testimonioque maxima. In huiusmodi voluntate vesana et tetra recognosci propemodum videtur posse illud ipsum, quo Satanas in Iesum Christum ardet, inexpiabile odium ulciscendique libido. - Similiter illud alterum, quod Massones vehementer conantur, recti atque honesti praecipue fundamenta evertere, adiutoresque se praebere iis, qui more peccatum quodcumque libeat, idem licere vellent, nihil est aliud quam genus humanum cum ignominia et dedecore ad interitum impellere. - Augent vero malum ea, quae in societatem cum domesticam tum civilem intenduntur pericula. Quod enim alias exposuimus, inest in matrimonio sacrum et religiosum quiddam omnium fere et gentium et aetatum consensu: divina autem lege cautum esse, ne coniugia dirimi liceat. Ea si profana fiant, si distrahi liceat, consequatur in familia necesse est turba et confusio, excidentibus de dignitate feminis, incerta rerum suarum incolumitatisque sobole. - Curam vero de religione publice adhibere nullam, et in rebus civicis ordinan-

dis, gerendis, Deum nihilo magis respicere, quam si omnino non esset, temeritas est ipsis ethnicis inaudita; quorum in animo sensuque erat sic penitus affixa non solum opinio Deorum, sed religionis publicae necessitas, ut inveniri urbem facilius sine solo, quam sine Deo posse arbitrarentur. Revera humani generis societas, ad quam sumus natura facti, a Deo constituta est naturae parente: ab eoque tamquam a principio et fonte tota vis et perennitas manat innumerabilium, quibus illa abundat, bonorum. Igitur quemadmodum singuli pie Deum sancteque colere ipsa naturae voce admonemur, propterea quod vitam et bona quae comitantur vitae a Deo accepimus, sic eandem ob causam populi et civitates. Idcirco qui solutam omni religionis officio civilem communitatem volunt, perspicuum est non iniuste solum, sed etiam indocte absurdeque facere. - Quod vero homines ad coniunctionem congregationemque civilem Dei voluntate nascuntur, et potestas imperandi vinculum est civilis societatis tam necessarium ut, eo sublato, illam repente disrupti necesse sit, consequens est ut imperandi auctoritatem idem gignat, qui genuit societatem. Ex quo intelligitur, imperium in quo sit, quicumque is est, ministrum esse Dei. Quapropter, quatenus finis et natura societatis humanae postulant, legitimae potestati iusta praecipienti aequum est parere perinde ac numini omnia moderantis Dei: illudque in primis a veritate abhorret, in populi esse voluntate positum obedientiam, cum libitum fuerit, abiicere. - Similiter, pares inter se homines esse universos, nemo dubitat, si genus et natura communis, si finis ultimus unicuique ad assequendum propositus, si ea, quae inde sponte fluunt, iura et officia spectentur. At vero quia ingenia omnium paria esse non possunt, et alius ab alio distat vel animi vel corporis viribus, plurimaeque sunt morum, voluntatis, naturarum dissimilitudines, idcirco nihil tam est repugnans rationi, quam una velle comprehensione omnia complecti, et illam omnibus partibus expletam aequabilitatem ad vitae civilis instituta traducere. Quemadmodum perfectus corporis habitus ex diversorum existit iunctura et compositione membrorum, quae forma usque differunt, compacta tamen et suis distributa locis complexionem efficiunt pulcram specie, firmam viribus, utilitate necessariam: ita in republica hominum quasi partium infinita prope modum est dissimilitudo: qui si habeantur pares arbitriumque singuli suum sequantur, species erit civitatis nulla deformior: si vero dignitatis, studiorum, artium distinctis gradibus, apte ad commune bonum conspirent, bene constitutae civitatis imaginem referent congruentemque naturam

Ceterum ex iis, quos commemoravimus, turbulentis erroribus, maximae sunt civitatibus extimescendae formidines. Nam sublato Dei metu legumque divinarum verecundia, despecta principum auctoritate, permessa probataque seditio libidine, proiectis ad licentiam cupiditatibus popularibus, nullo nisi poenarum freno, necessario secutura est rerum omnium commutatio et eversio. Hanc immo commutationem eversionemque consulto meditantur, idque prae se ferunt, plurimi *Communistarum* et *Socialistarum* consociati greges: quorum coeptis alienam ne se dixerit secta Massonum, quae et consiliis eorum admodum favet, et summa sententiarum capita cum ipsis halet communia. Quod si nec continuo nec ubique ad extrema experiendo decurrunt, non ipsorum est disciplinae, non voluntati tribuendum, sed virtuti religionis divinae, quae extingui non potest, itemque saniori hominum parti, qui societatum clandestinarum recusantes servitutem, insanos earum conatus forti animo refutant.

Atque utinam omnes stirpem ex fructibus iudicarent, et malorum quae premunt, periculorum quae impendent, semen et initium agnoscerent! Res est cum hoste fallaci et doloso, qui serviens aurius populorum et principum, utrosque mollibus sententiis et assentatione cepit. — Insinuando sese ad viros principes simulatione amicitiae, hoc spectarunt Massones, illos ipsos habere ad opprimendum catholicum nomen socios et adiutores potentes: quibus quo maiores admoverent stimulos, pervicaci calumnia Ecclesiam criminati sunt de potestate iuribusque regiis cum principibus invidiose contendere. His interim artibus quaesita securitate et audacia, plurimum pollere in regendis civitatibus coeperunt, ceterum parati imperiorum fundamenta quatere, et insequi principes civitatis, insimulare, eiicere, quoties facere secus in gubernando viderentur, quam illi maluissent. — Haud absimili modo populos assentando ludificati sunt. Libertatem prosperitatemque publicam pleno ore personantes, et per Ecclesiam Principesque summos stetisse, quominus ex iniqua servitute et egestate multitudo eriperetur, populo imposuerunt, eumque rerum novarum sollicitatum siti in oppugnationem utriusque potestatis incitaverunt. Nihilominus tamen spectatarum commoditatum maior est expectatio, quam veritas: immo vero peius oppressa plebes magnam partem iis ipsis carere cogitur miseriarum solatiis, quae, compositis ad christiana instituta rebus, facile et abunde reperire potuisset. Sed quotquot contra ordinem nituntur divina providentia constitutum, has dare solent superbiae

poenas, ut ibi afflictam et miseram offendant fortunam, unde prosperam et ad vota fluentem temere expectavissent.

Ecclesia vero, quod homines obedire praecipue et maxime iubet summo omnium principi Deo, iniuria et falso putaretur aut civili invidere potestati, aut sibi quicquam de iure principum arrogare. Immo quod civili potestati aequum est reddere, id plane iudicio conscientiaque officii decernit esse reddendum. Quod vero ab ipso Deo ius arcessit imperandi, magna est ad civilem auctoritatem dignitatis accessio, et observantiae benevolentiaeque civium colligendae adiumentum non exiguum. Eadem amica pacis, altrix concordiae, materna omnes caritate complectitur; et iuvandis mortalibus unice intenta, iustitiam oportere docet cum clementia, imperium cum aequitate, leges cum moderatione coniungere: nullius ius violandum, ordini tranquillitatisque publicae serviendum, inopiam miserorum, quam maxime fieri potest, privatim et publice sublevandam. *Sed propterea putant, ut verba usurpemus Augustini, vel putari vclunt, christianam doctrinam utilitati non convenire reipublicae, quia nolunt stare rempublicam firmitate virtutum, sed impunitate vitiorum* (1). Quibus cognitis, hoc esset civili prudentiae admodum congruens, et incolumitati communi necessarium princeps et populos non cum Massonibus ad labefactandam Ecclesiam, sed cum Ecclesia ad frangendos Massonum impetus conspirare.

Utrumque erit, in hoc tam gravi ac nimis iam pervagato malo Nostrarum est partium, Venerabiles Fratres, applicare animum ad quaerenda remedia. — Quia vero spem remedii optimam et firmissimam intelligimus esse in virtute sitam religionis divinae, quam tanto peius Massones oderunt, quanto magis pertimescunt, ideo caput esse censemus saluberrimam istam adversus communem hostem advocatam adhibere virtutem. Itaque quaecumque romani Pontifices Decessores Nostri decreverunt inceptis et conatibus sectae Massonum impediendis: quaecumque aut deterrendi ab eiusmodi societatibus aut revocandi caussa sanxerunt, omnia Nos et singula rata habemus atque auctoritate Nostra Apostolica confirmamus. In quo quidem plurimum voluntate christianorum confisi, per salutem singulos suam precamur quaesumusque, ut religioni habeant vel minimum ab iis discedere, quae hac de re Sedes Apostolica praeceperit.

Vos autem, Venerabiles Fratres, rogamus, flagitamus, ut colata Nobiscum opera, extirpare impuram hanc luem quae serpit per

(1) *Epist. CXXXVII, al. III, ad Volusianum c. V, n. 20.*

omnes reipublicae venas, enixe studeatis. Tuenda Vobis est gloria Dei, salus proximorum: quibus rebus in dimicando propositis, non animus Vos, non fortitudo deficiet. Erit prudentiae vestrae iudicare, quibus potissimum rationibus ea, quae obstabunt et impediunt, eluctanda videantur. — Sed quoniam pro auctoritate officii Nostri par est probabilem aliquam rei gerendae rationem Nosmetipsos demonstrare, sic statuite, primum omnium reddendam Massonibus esse suam, dempta persona, faciem: populosque sermone et datis etiam in id Litteris episcopalibus edocendos, quae sint societatum eius generis in blandiendo alliciendoque artificia, et in opinionibus pravitas, et in actionibus turpitudine. Quod pluries Decessores Nostri confirmarunt, nomen sectae Massonum dare nemo sibi quapiam de caussa licere putet, si catholica professio et salus sua tanti apud eum sit, quanti esse debet. Ne quem honestas assimilata decipiat: potest enim quibusdam videri nihil postulare Massones, quod aperte sit religionis morumve sanctitati contrarium: verumtamen quia sectae ipsius tota in vitio flagitioque est et ratio et caussa, congregare se cum eis, eosve quoquo modo iuvare, rectum est non licere.

Deinde assiduitate dicendi hortandique pertrahere multitudinem oportet ad praecepta religionis diligenter addiscenda: cuius rei gratia valde suademus, ut scriptis et concionibus tempestivis elementa rerum sanctissimarum explanentur, quibus christiana philosophia continetur. Quod illuc pertinet, ut mentes hominum eruditione sanentur et contra multiplices errorum formas et varia invitamenta vitiorum muniantur in hac praesertim et scribendi licentia et inexhausta aviditate discendi. — Magnum sane opus: in quo tamen particeps et socius laborum vestrorum praecipue futurus est Clerus, si fuerit, Vobis adnitentibus, a disciplina vitae, a scientia litterarum probe instructus. Verum tam honesta caussa tamque gravis advocatam desiderat industriam virorum laicorum, qui religionis et patriae caritatem cum probitate doctrinaque coniungant. Consociatis utriusque ordinis viribus, date operam, Venerabiles Fratres, ut Ecclesiam penitus et cognoscant homines et caram habeant: eius enim quanto cognitio fuerit amorque maior, tanto futurum maius est societatum clandestinarum fastidium et fuga. — Quocirca non sine caussa idoneam hanc occasionem nacti, renovamus illud quod alias exposuimus, Ordinem Tertium Franciscalium, cuius paullo ante temperavimus prudenti lenitate disciplinam, perquam studiose propagare tuerique oportere. Eius enim, ut est ab auctore suo constitutus, haec tota est ratio, vocare homines ad imitationem Iesu Christi, ad amorem Ecclesiae, ad omnia virtutum christianarum

officia: proptereaque multum posse debet ad societatum nequissimarum suppressendam contagionem. Novetur itaque quotidianis incrementis isthaec sancta sodalitas, unde cum multi expectari possunt fructus, tum ille egregius, ut traducantur animi ad libertatem, ad fraternitatem, ad aequalitatem iuris: non qualia Massones absurde cogitant, sed qualia et Iesus Christus humano generi comparavit et Franciscus secutus est. Libertatem dicimus *filiorum Dei*, per quam nec Satanae, nec cupiditatibus, improbissimis dominis, serviamus: fraternitatem, cuius in Deo communi omnium procreatore et parente consistat origo: aequalitatem, quae iustitiae caritatisque constituta fundamentis, non omnia tollat inter homines discrimina, sed ex vitae, officiorum, studiorumque varietate mirum illum consensum efficiat et quasi concentum, qui natura ad utilitatem pertinet dignitatemque civilem.

Tertio loco una quaedam res est, a maioribus sapienter instituta, eademque temporum cursu intermissa, quae tamquam exemplar et forma ad simile aliquid valere in praesentia potest. — Scholas seu collegia opificum intelligimus, rebus simul et moribus duce religione, tutandis. Quorum collegiorum utilitatem si maiores nostri diuturni temporis usu et periclitatione senserunt, sentiet fortasse magis aetas nostra, propterea quod singularem habent ad elidendas sectarum vires opportunitatem. Qui mercede manuum inopiam tolerant, praeterquam quod ipsa eorum conditione in ex omnibus sunt caritate solatioque dignissimi maxime praeterca patient illecebris grassantium per fraudes et dolos. Quare iuvandi sunt maiore qua potest benignitate, et invitandi ad societates honestas, ne pertrahantur ad turpes. Huius rei causa collegia illa magnopere vellemus auspiciis patrocinioque Episcoporum convenienter temporibus ad salutem plebis passim restituta. Nec mediocriter Nos delectat, quod pluribus iam locis sodalitates eiusmodi, itemque coetus patronorum constituti sint: quibus propositum utrisque est honestam proletariorum classem iuvare, eorum liberos, familias, praesidio et custodia tegere, in eisque pietatis studia, religionis doctrinam, cum integritate morum tueri. — In quo genere silere hoc loco nolumus illam spectaculo exemploque insignem, de populo inferioris ordinis tam praeclare meritam societatem, quae a Vincentio patre nominatur. Cognitum est quid agat, quid velit: scilicet tota in hoc est, ut egentibus et calamitosis suppetias eat ultro, idque sagacitate modestiaque mirabili: quae quo minus videri vult, eo est ad caritatem christianam melior, ad miseriarum levamen opportunior.

Quarto loco, quo facilius id quod volumus assequamur, fidei



vigiliaeque vestrae maiorem in modum commendamus iuventutem, ut quae spes est societatis humanae. – Partem curarum vestrarum in eius institutione maximam ponite: nec providentiam putetis ullam fore tantam, quin sit adhibenda maior, ut iis adolescens aetas prohibeatur et scholis et magistris, unde pestilens sectarum afflatus metuatur. Parentes, magistri pietatis, Curiones inter christianae doctrinae praeceptiones insistant, Vobis auctoribus, opportune commonere liberos et alumnos de eiusmodi societatum flagitiosa natura, et ut mature cavere discant artes fraudulentas et varias, quas earum propagatores usurpare ad illaqueandos homines consueverunt. Immo qui adolescentulos ad sacra percipienda rite erudiunt, non inepte fecerint, si adducant singulos ut statuunt ac recipiant, inscientibus parentibus, aut non auctore vel Curione vel conscientiae iudice, nulla se unquam societate obligaturos.

Verum probe intelligimus, communes labores nostros evellendis his agro Dñinico perniciosis seminibus haudquaquam pares futuros, nisi caelestis dominus vineae ad id quod intendimus benigne adiuerit. – Igitur eius opem auxiliumque implorare necesse est studio vehementi ac sollicito, quale et quantum vis periculi et magnitudo necessitatis requirunt. Effert se insolenter, successu gestiens, secta Massonum, nec ullum iam videtur pertinaciae factura modum. Aesclae eius universi nefario quodam foedere et occulta consiliorum communitate iuncti operam sibi mutuam tribuunt, et alteri alteros ad rerum malarum excitant audaciam. Oppugnatio tam vehemens propugnationem postulat parem: nimirum boni omnes amplissimam quamdam coeant opus est et agendi societatem et precandi. Ab eis itaque petimus, ut concordibus animis contra progredientem sectarum vim conferti immotique consistant: iidemque multum gementes tendant Deo manus supplices, ab eoque contendant, ut christianum floreat vigeatque nomen: necessaria libertate Ecclesia potiatur: redeant ad sanitatem devii: errores veritati, vitia virtuti aliquando concedant. – Adiutricem et interpretem adhibeamus MARIAM Virginem matrem Dei, ut quae a conceptu ipso Satanam vicit, eadem se impertiat improbarum sectarum potentem, in quibus perspicuum est contumaces illos mali daemonis spiritus cum indomita perfidia et simulatione reviviscere. – Obtestemur principem Angelorum caelestium, depulsorem hostium infernorum, MICHAEM: item IOSEPHUM Virginis sanctissimae sponsum, Ecclesiae catholicae patronum caelestem salutarem: PETRUM et PAULLUM Apostolos magnos, fidei christianae satores et vindices invictos. Horum patrocinio et communium perseverantia precum futurum confidimus

ut coniecto in tot discrimina hominum generi opportune Deus benigneque succurrat.

Caelestium vero munerum et benevolentiae Nostrae testem Vobis, Venerabiles Fratres, Clero populoque universo vigilantiae vestrae commisso Apostolicam Benedictionem peramanter in Domino impertimus.

Datum Romae apud S. Petrum die xx Aprilis an. MDCCCLXXXIV, Pontificatus Nostri Anno Septimo.

L. FO PP. XIII.

---

## EX SACRA CONGREGATIONE INDULGENTIARUM

---

*Die 13 Martii 1884.*

**BERGOMEN.**

**De Indulgentia toties quoties  
Ecclesiarum Ordinis Sancti Francisci a Paula**

Illustrissimus ac Revm̄us Episcopus Bergomensis Sacrae Congregationi Indulgentiis Sacrisque Reliquiis praepositae referebat, in civitate Dioecesis principe, loco quem dicunt Galgario, fuisse Ecclesiam quae Universis Coelitibus sacra ad Sodales Minimos Sancti Francisci a Paula pertinebat; quaeque proinde omnibus fruebatur Indulgentiis, gratiis, privilegiis, quibus fruuntur omnes Ecclesiae eiusdem Ordinis. Sub initium huius saeculi Minimis Sodalibus ab Ecclesia ista adnexaque domo eiectis, f. m. Pius PP. VII per Litteras in forma Brevis sub die 1 Aprilis 1806 expeditas, *omnes et singulas Indulgentias et peccatorum remissiones ac poenarum relaxationes aliasque spirituales gratias, quibus ANTE ILLUD TEM-  
pus, dum dicta Ecclesia ad fratres praedictos pertinebat ditata erat* pro ipsa Ecclesia confirmavit, et quatenus opus erat, denuo concessit. Pius vero PP. IX s. r. per rescriptum datum sub die prima Iulii 1853 *supraenunciatas Indulgentias ad Ecclesiam Sancti Bartholomaei benigne transtulit, servato tenore concessionis diei 1 Aprilis 1806 etiam quoad tempus, ideoque perpetuis futuris temporibus.*

*Acta. Tom. XVI fasc. CXC.*

Iamvero inter Indulgentias, quibus Sodalium Paullanorum Ecclesiae gaudere dicuntur, praecipua est quae vulgo appellatur Perdone di s. Francesco di Paola, quam Gregorius XIII P. M. concessisse perhibetur Litteris in forma Brevis datis die 1 Aprilis 1579, et Benedictus XIV P. M. ad Ecclesias Marialium eiusdem Ordinis extendisse Litteris pariter in forma Brevis datis die 22 Ianuarii 1845. Porro inter Presbyteros Bergomenses orta quaestio est de die vel de diebus, quibus Indulgentia illa plenaria acquiri potest et varia concessionis gregorianae explicatio variam quoque inter Fideles gignit sentiendi et agendi rationem. Ad haec e medio tollenda et ne sustineatur Indulgentia quae concessa non esset, neque Fideles bonis spiritualibus, quibus frui possunt, priventur, Episcopus Bergomensis nonnulla dubia solvenda Sacrae Indulgentiarum Congregationi proposuit. Hac capta occasione, dubiis Rm̄i Episcopi duo alia in officio praemittere opportunum visum est quod attinet ad vices, quibus eadem die plenaria illa Indulgentia acquiri potest, nec non ad eius confirmationem aut novam concessionem factam a Pio VII et translationem concessam a Pio IX.

Dubia sunt ea quae sequuntur

1°. Utrum Indulgentia plenaria concessa a Gregorio PP. XIII et extensa a Benedicto PP. XIV *toties* acquiri possit a Christianidelibus *quoties* die festo sancti Francisci a Paula visitaverint Ecclesias sive Sodalium Minimorum, sive Monialium eiusdem Ordinis ibique oraverint pro Christianorum Principum concordia, haeresum extirpatione et Sanctae Matris Ecclesiae exaltatione; vel potius acquiri dicenda sit *semel* tantum in anno?

Et quatenus *affirmative* ad primam partem

2°. Utrum huiusmodi Indulgentia possit censi concessa primo Ecclesiae Bergomensi Coelitum Universorum per verba Brevis Pii Papae VII *omnes et singulas Indulgentias . . . . quibus antehac dum dicta Ecclesia pertinebat ad Fratres praedictos (Ordinis s. Francisci de Paula Minimorum) ditata erat . . . confirmamus et quatenus opus sit . . . de novo concedimus et impertinur et deinde translata in Ecclesiam pariter Bergomensem Sancti Bartholomaei per verba Rescripti Sacrae Congregationis Indulgentiarum: Sanctissimus . . . supraenunciatas Indulgentias de quibus in precibus . . . benigne transtulit?*

Et quatenus *affirmative*.

3°. Utrum Indulgentia, de qua est sermo, lucrari possit die

festo Sancti Francisci a Paula *et* quocumque ex septem diebus insequentibus?

Et quatenus *negative* ad 3:

4°. Utrum haec Indulgentia lucrari possit die festo Sancti Francisci a Paula *vel* uno ex septem sequentibus diebus pro libitu Christifidelium?

Et quatenus *negative* ad 3: et 4:

5°. Utrum eadem Indulgentia lucrari *saltem* possit die festo sancti Francisci a Paula?

6°. Utrum, ut Ecclesiae visitationes repetantur, necesse sit egredi et ingredi in Ecclesiam; vel sufficiat visitationes dividere cum aliquo externo signo: ex. gr. se signando signo SS. Crucis *vel* se transferendo de uno in alium Ecclesiae locum?

Et quatenus *negative* ad primam partem dubii 6 *et affirmative* ad secundam

7°. Utrum pro aliis etiam huiusmodi Indulgentiis eadem praxis servari possit?

In Congregatione Generali habita in Aedibus Apostolicis Vaticanis die 11 Martii 1884 Eminent. Patres rescripserunt:

Ad 1: Affirmative ad primam partem

Negative ad secundam

Ad 2: Affirmative.

Ad 3: Indulgentia *toties quoties* lucrari potest tantum die festo Sancti Francisci a Paula; Indulgentia vero plenaria concessa a Benedicto XIV lucrari potest *semel* tantum in uno ex septem diebus, dictum diem festum insequentibus.

Ad 4 et 5: Provisum in Tertio.

Ad 6 et 7: Communicetur responsum Sacrae Congregationis in una *Valentinen.* die 12 Iulii 1847.

Die vero 15 eiusdem mensis et anni, facta de his omnibus ab infrascripto Sacrae Congregationis Secretario relatione, SS<sup>ms</sup> D<sup>ns</sup> Noster Leo Papa XIII Patrum Cardinalium responsiones benigne approbavit.

Datum Romae ex Secretaria Sacrae Congregationis Indulgentiis Sacrisque Reliquiis praepositae die 15 Martii 1884.

AL. CARD. OREGGIA & S. STEPHANO PRAEFECTUS.

FRANCISCUS DELLA VOLPE SECRETARIUS.

COMPENDIUM FACTI. Episcopus Bergomen. Sacrae huic Congregationi referebat, in civitate Dioeceseos principe, loco quem dicunt *Galgario* fuisse Ecclesiam, quae universis Coelitibus sacra ad Sodales Minimos Sancti Francisci a Paula olim pertinebat; quaeque proinde omnibus fruebatur Indulgentiis, gratiis, privilegiis, quibus per pontificias Constitutiones fruuntur omnes Ecclesiae eiusdem Ordinis. Gallis Italiam invadentibus sub initium huius saeculi, Minimi Sodales a domo et Ecclesia fuerunt eiecti. Hinc Ecclesia Indulgentiis superius memoratis fuit destituta. Attamen Parochus Ecclesiae Sancti Alexandri, cui Ecclesia Sodalium Minimorum subiiciebatur, fel. rec. Pium PP. VII rogavit, ut Christifideles gaudere perpetuo possent Indulgentiis, quibus antea gaudebant, illam ad Ecclesiam accedendo, licet ad Sodales Minimos non amplius pertineret. Id Pius concessit literis in forma Brevis datis die 1 Aprilis 1806. Quum vero anno 1853 dicta Ecclesia Coelitorum universorum in militum valetudinarium fuerit immutata, eius curatores a s. m. Pio PP. IX. per rescriptum huius Sacrae Congregationis sub die 1 Iulii illius anni gratiam sunt consequuti, ut Indulgentiae Ecclesiae universorum Coelitorum ad Ecclesiam Sancti Bartholomaei transferrerentur, utpote quae facile prae ceteris ab incolis adiri potest. Iamvero inter Indulgentias, quibus Sodalium Paullanorum Ecclesiae gaudere dicuntur, illa est praecipua quae vulgo appellatur *Perdono di s. Francesco di Paola*, quam Gregorius XIII P. M. concessisse perhibetur, literis in forma Brevis datis die 1 Aprilis 1579 et Benedictus XIV P. M. extendisse per Breve 22 Ianuarii 1754. Praestat hic referre in primis verba, quae ad rem pertinent, Constitutionis Gregorianae: « Omnibus utrius-  
 » que sexus Christifidelibus vere poenitentibus et confessis  
 » ac sacra communione refectis, qui aliquam ex Ecclesiis  
 » conventuum seu domorum fratrum Ordinis s. Francisci  
 » de Paula Minimorum nuncupatorum, ubicumque constitu-  
 » tam seu existentem die festo eiusdem Sancti Francisci de  
 » Paula a primis vesperis usque ad occasum solis diei huius-

» modi singulis annis devote visitaverint, et ibidem pro Christianorum Principum concordia, haeresum extirpatione et Sanctae Matris Ecclesiae exaltatione pias ad Deum preces effuderint, *quoties* id fecerint *toties* plenariam suorum peccatorum Indulgentiam et remissionem concedimus et largimur. Contrariis etc. » Benedictinae vero extensionis verba ita sonant: « Dudum felicis recordationis Gregorius XIII... Christifidelibus, qui a primis vesperis usque ad occasum solis diei huiusmodi (*Festi S. Francisci Paullani*) singulis annis devote visitassent (*Ecclesias Fratrum Minorum*), et ibi pro Christianorum Principum concordia, haeresum extirpatione ac Sanctae Matris Ecclesiae exaltatione pias ad Deum preces effudissent, plenariam omnium suorum peccatorum Indulgentiam et remissionem perpetuo concessit et alias, prout in ipsius Gregorii... expeditis literis... uberius continetur... Nos... supradictam Indulgentiam plenariam singulis Ecclesiis memorati Ordinis perpetuo... concessam, ad Ecclesias Monialium dicti Ordinis sub cura et regimine ac administratione Fratrum huiusmodi existentium die festo huiusmodi et quoad Ecclesias Fratrum eiusdem Ordinis ad septem dies immediate sequentes... per unumquemque Christifidelem semel spatio septem dierum huiusmodi quolibet anno lucrificandam in perpetuum... concedimus, extendimus et ampliamus. » Age de die vel de diebus, quibus haec Plenaria Indulgentia acquiri potest inter Presbyteros Bergomenses exortam fuisse quaestionem Episcopus enarravit: alii enim censuerunt, Indulgentiam hanc plenariam *toties* acquirere posse Christifideles, *quoties* Ecclesiam sancti Bartholomaei visitaverint, die festo s. Francisci Paullani *atque* unoquoque ex septem immediate sequentibus diebus: alii die festo sancti Francisci Paullani *vel* uno ex septem diebus immediate sequentibus: alii demum die *tantum* festo sancti Francisci Paullani. Et quoniam ex huiusmodi varietate opinionum scandalum Christifidelibus obvenire merito timebatur, ideo Episcopus nonnulla dubia Sacrae Congregationi dissolvenda subiecit de die vel de diebus

quibus Indulgentia huiusmodi acquiri potest; *additis* aliis dubiis de ratione Ecclesiam visitandi, ut eandem *Indulgentiam toties quoties* Christifideles lucrifaciant,

### Disceptatio Synoptica.

ANIMADVERSIONES EX OFFICIO. Ex officio animadversum fuit, plenariam Indulgentiam eodem die pluries lucriferi non posse, hoc uno quod pluries eadem Ecclesia invisitur et eadem iniuncta opera repetuntur. Id constat ex decreto *De-latae saepius* quod Sacra haec Congregatio die 7 Martii 1678 tulit: haec enim inibi leguntur: *Semel autem dumtaxat in die plenariam Indulgentiam in certos dies Ecclesiam visitantibus vel aliud pium opus peragentibus, lucriferi;* Decreta Authentica n. 18. Una est Indulgentia plenaria, quae *Portiunculae* vocatur, de qua certo certius constat quod *toties* acquiri possit a Christifidelibus, *quoties* isti *ingrediuntur* Ecclesias Sodalium Franciscalium aut alias Ecclesias hoc privilegio de speciali gratia praeditas *ibique parumper orant.* Age, videamus, num verba Constitutionis Gregorianae, de quibus est sermo, necessario hoc unum evincant, nimirum Christifideles *toties* lucrari posse Indulgentiam Plenariam, *quoties* die festo sancti Francisci Paullani Ecclesias Sodalium Minimorum visitant ibique orant pro Christianorum Principum concordia etc. Id procul dubio dicendum, si verba *toties quoties* unice ad verba *die festo eiusdem sancti Francisci* referri deberent. Verum quid prohibet, quominus verba *toties quoties* referantur ad verba *singulis annis?* adeo ut Constitutionis Gregorianae sensus hic habeatur: omnibus Christifidelibus, qui statis conditionibus die festo Sancti Francisci a Paula Ecclesias Sodalium Minimorum visitaverint et oraverint pro concordia etc. quibus annis (quoties) id fecerint, iis annis (toties) Indulgentiam plenariam semel elargimur?

Quoad vero responsum Supremae Inquisitionis diei 17 Novembris 1688 animadversum fuit, rem relictam fuisse in eodem statu, quo antea, utpote quod fuerit mere negativum et gene-

ricum. Quinimo ex quo Sodales adire debuerint illam s. Congregationem suam *privilegium* defensuri, dubium haud leve exsurgit de recta eorumdem ratione accipiendi Gregorianam Constitutionem: dubium, quod sane veluti ab initio labefactare videtur praxim tum Sodalium Minimorum invitandi quotannis ad suas Ecclesias Christifideles, spe *Indulgentiae toties quoties* acquirendae die festo Sancti eorum, fundatoris; tum etiam Christifidelium pluries eodem illo die invivendi eandem Ecclesiam Sodalium Minimorum, ingrediendo et egrediendo uti nonnulli asserunt adhuc fieri alicubi.

Quod autem Benedictus PP. XIV per Breve *Dudum* diei 22 Ianuarii 1754 confirmaverit Indulgentiam plenariam de qua loquimur, veluti si *toties* quis eam adipiscatur *quoties* die festo Sancti Francisci Paullani in aliquam Ecclesiam Ordinis Minimorum introierit ibique oraverit, quia eam extendit ad Ecclesias Monialium Ordinis eiusdem, aliamque concessit plenariam Indulgentiam semel acquirendam a Christifidelibus qui per septiduum a die festo eiusdem Sancti Francisci Ecclesiam aliquam Ordinis Sodalium Minimorum visitaverint, non tam facile admitterem. Primo enim Benedictus XIV numquam loquitur de *Indulgentia toties quoties* quum Gregorianam Indulgentiam extendit. Et notandum Benedictum XIV antequam eam Indulgentiam plenariam ad Ecclesias omnes Monialium Ordinis sancti Francisci a Paula extenderit, aliamque concesserit per septem dies omnibus Ecclesiis Sodalium Minimorum, extendisse iam eandem Indulgentiam Ecclesiis Monialium et aliam concessisse per septiduum Ecclesiis Sodalium Minimorum in Regnis Hispaniarum existentibus per Breve *Dudum* diei 13 Februarii anni 1753. Etiam in hoc Brevi nullum verbum de *Indulgentia toties quoties*. Deinde nil mirum, quod Benedictus etiam ad Ecclesias Monialium extenderit privilegium quo Sodalium Minimorum Ecclesiae fruebantur, quum Monialibus et Sodalibus eadem leges essent. Attamen quum Sodales Minimi animarum saluti speciatim per sacra ministeria incumbant, nil pariter mirum si idem Pontifex Ecclesias Sodalium Minimorum spe-



ciali Indulgentia ditavit, ut per alios septem dies facilius Christifideles allicerentur ad eorum Ecclesias celebrandas. Imo addam, quod quum Benedictus XIV aliam plenariam Indulgentiam per septiduum Ecclesiis Sodalium Minimorum concesserit, aperte manifestat, Gregorianam Indulgentiam non *toties quoties* acquiri censuisse: secus enim dicere deberemus, Pontificem illum, qui tanti Sacrarum Indulgentiarum thesaurum faciebat, quodammodo eas prodegisse: dedisset enim Sodalibus Minimis quod nunquam datum fuerat Sodalibus Franciscalibus, quorum Ecclesiae prae ceteris aliorum Ordinum, Indulgentiis, privilegiisque decoratae fuerunt.

Denique superest videndum, num per Breve *Exponi Nobis* diei 1 Aprilis 1806 Pius PP. VII concesserit Ecclesiae Bergomensi Coelitum Universorum *Indulgentiam plenariam toties quoties* licet ea Ecclesia non amplius ad Sodales Minimos pertinuerit; et num per rescriptum *Sanctissimus* huius Sacrae Congregationis diei 1 Iulii 1854 Pius PP. IX transtulerit eandem Indulgentiam ad Ecclesiam pariter Bergomensis sancti Bartholomaei, licet ea Ecclesia nunquam ad Sodales Minimos pertinuerit. Rñus P. Consultor id asserit et argumenta profert. Hoc tamen unum animadvertere liceat: *Indulgentia plenaria toties quoties* est huiusmodi privilegium, quo, uti superius dicebam, unac Sodalium Franciscalium Ecclesiae certo gavisae sunt, aliaeque paucae de speciali gratia die 2 Augusti, festo B. Mariae Angelorum Reginae ob Basilicam eius dedicatam. Nunc quaero: potest ne supponi, huiusmodi privilegium concedi sive directe sive per translationem aliis Ecclesiis et in perpetuum adhibita formula aliqua generali et indefinita, quin de eo mentio fiat sive in supplici libello sive in parte enarrativa *Litterarum Apostolicarum*? Profecto hodierna agendi ratio tum Secretariae Brevium, tum Sacrae huius Congregationis est, qua huiusmodi privilegia omnino extraordinaria non concedantur nisi singillatim et ad tempus.

VOTUM CONSULTORIS. Praemonuit hic dubitari rationabiliter non posse Ecclesias Ordinis s. Francisci de Paula gau-

dere, inter alias plures indulgentias, remissiones etc. etiam singulari illâ indulgentiâ *toties quoties* a primis vespere diei festi s. Fundatoris usque ad occasum solis diei huiusmodi. Id clare patet ex verbis Brevis Gregorii XIII, cuilibet legenti.

Ex quibus satis constat, attenta perspicuitate tenoris huius concessionis, quod nulla potest esse difficultas, quin *toties* quis lucretur indulgentiam, *quoties* in die festo s. Francisci de Paula prudenter visitabit unam ex Ecclesiis Ordinis Minimorum. Reapse Patres Minimi ab anno 1574, quo eorum templa tanto thesauro de benignitate Sanctae Sedis locupletata fuere, usque in praesens nunquam destitere ab evulgando tanto privilegio, suadendisque fidelibus ad idem acquirendum in salutem animae propriae. Etiam nunc apposita tabella ad valvas Sacrae Aedis in qua legitur « *Indulgentia toties quoties* » a primis vespere usque ad occasum solis diei festi sui sancti Fundatoris, monent quosque pios, ut impigre de caelesti thesauro Meritorum Christi Domini, Beatae Virginis, et Sanctorum sumant. Non raro autem accidit, quod osores adessent horum privilegiorum, sed Patres Minimi ad sacram Congregationem Supremae Inquisitionis, documenta Indulgentiae *toties quoties* exhibuere quae die 17 Novembris 1688 respondit: « nihil innovetur *super* » *toties quoties* indulgentiarum; nec Fratres Minimi amplius » molestentur. »

Benedictus XIV, ceu supra dictum est, confirmavit eiusmodi Indulgentiam, et privilegium extendit ad Ecclesias Monialium praedicti Ordinis. Deinde pro Ecclesiis Fratrum concessit indulgentiam plenariam *ad dies septem sequentes* festum s. Francisci Paullani non *toties quoties*, sed *semel* a fidelibus lucrificandam. Habemus itaque ex Brevis Benedictino concessam Ecclesiis PP. Minimorum Indulgentiam *toties quoties* in die Festo s. Fundatoris, eandem extensam ad Ecclesiam Monialium, qua antea carebant, et insuper pro Ecclesiis Fratrum concessionem indulgentiae plenariae ad dies singulos infra octavam lucrandae non *toties quoties*, sed *semel*

tantum. Quamquam vero ex invasione gallica Ecclesiae Regularium omnes amiserint indulgentias, tamen operâ Parochi Ecclesiae s. Alexandri, isti Ecclesiae Minimorum omnes hae indulgentiae restitutae fuerunt per Breve Pii VII anno 1806.

Litterae Apostolicae Pii VII 1806, ait Consultor, intendunt satisfacere supplicationibus Parochi s. Alexandri Bergomensis civitatis; atqui vota optimi Sacerdotis directa fuerunt ad integram restitutionem indulgentiarum obtinendam, quas fideles lucrari poterant in Ecclesia Patrum s. Francisci de Paula, inter quas praecellit *il Perdono* seu *toties quoties*. Qua dempta, pia desideria egregii Pastoris inexpleta mansissent contra mentem expressam Pontificis.

Insuper ex ipsomet Brevi evidenter lucet, mentem Supremi Hierarchae fuisse *non aliquas, sed omnes et singulas indulgentias, gratias*, quibus antea Ecclesia Minimorum Bergomatium ditata fuerat, quaeque perierant ex discessu coacto Fratrum, iterum reviviscere, pietatemque civium fovere. Nam dictio universalis *omnes* comprehendit cuncta quae sub genere vel specie de qua praedicatur continentur, nulla exceptione facta; dictio autem *singulas* exprimit extensionem distributionis etiam ad illa quae specialem mentionem meruissent. Atqui Litterae Pii VII exprimunt *omnes et sigulas* indulgentias extinctas abolitione Coenobii, easque nova vita donari iubet, ergo sensus Litterarum extenditur etiam ad indulgentiam *toties quoties*.

Praeterea *Il perdono di s. Francesco di Paola*, seu Indulgentia *toties quoties* potest bifariam considerari: quatenus nempe est indulgentia plenaria, et quatenus specialem gratiam includit, potestatem nempe iterandi pluries prudenter opus iniunctum, et pluries lucrificandi remissionem poenae temporalis. Atqui indulgentia *toties quoties* considerata *ut gratia* specialis, instaurata fuit pro Ecclesia Minimorum praefata. Nam inter alia etiam gratiae omnes, quibus exornata fuerat dicta Ecclesia vi Brevis laudati, ex interitu ad vitam fuerunt revocatae.

Tandem animadvertit Consultor, in themate locum non habere Canonistarum et Theologorum provocationem ad Regulam Iuris 81 *in Sexto* « In generali concessione non veniunt ea quae quis non esset verosimiliter in specie concessurus. » Ait enim: optima est provocatio haec sed in nostra facti specie minime regula illa locum habere videtur. Non enim agitur hic de concessione indefinita, a qua excipienda foret species aliqua verosimiliter non concedenda. Agitur de concessione particulari facta particulari Ecclesiae per restitutionem indulgentiarum, quae universaliter omnibus et singulis Ecclesiis Ordinis Minimorum liberalitate Sanctae Sedis fuerant attributae; sermo est de *impertienda* reviviscentia indulgentiis extinctis in particulari loco; non ex vitio Incolarum, sed ex publica civili perturbatione. Quapropter nedum verosimile, sed certissimum esse debet, quod Indulgentiae omnes etiam specialissima mentione dignissimae revixerint.

#### EX QUIBUS COLLIGES:

I. Christifideles qui Ecclesias visitaverint sive Minimorum sive Monialium eiusdem Ordinis, ibique oraverint etc. lucrari plenariam Indulgentiam a Gregorio XIII concessam, et a Benedicto XIV extensam, *toties quoties* id egerint in festo s. Francisci a Paula.

II. Hanc eandem plenariam Indulgentiam pariter concessam fuisse Ecclesiae Bergomensi Coelitum universorum, translataque in Ecclesiam s. Bartholomaei eiusdem civitatis retinendum esse.

III. Pariter pro certo habendum esse Indulgentiam *toties quoties* lucrari posse die festo s. Francisci a Paula tantum; Indulgentiam vero plenariam concessam a Benedicto XIV lucrari posse una tantum vice, in uno tantum die ex septem qui diem festum sequuntur.

IV. Ad lucrandam Indulgentiam *toties quoties* necesse esse egredi et ingredi Ecclesiam, ut visitationes dici possint iteratae (1).



## EX S. CONGREGATIONE CONCILII

### PRAENESTINA

#### PRIVATIONIS CAPELLANIAE

*Die 19 Ianuarii 1884.*

COMPENDIUM FACTI. Clericus Ioannes Baptista, praevia patroni praesentatione, anno 1870 per Episcopales Bullas assecutus fuit Capellaniam iurispatronatus laicalis sub titulo s. Bartholomaei in paroeciali Ecclesia s. Blasii erectam, cui onus est adnexum quatuor Missas singulis annis litandi. Sexennio circiter in dioecesano Seminario commoratus anno 1874 patriam remeavit. Haud multo post clericali habitu una et altera vice dimisso, ac semel iterumque reassumpto, demum eidem valedixit, atque laicali more vitam ducens rei familiari et saecularibus negotiis vacabat.

Quod animadvertens Pro-Vicarius generalis, mense Maii 1880 eum admonuit, ut clericalem habitum resumeret; cum autem clericus contenderet, Capellaniam esse laicalem et superioris mandato minime paruisset, hinc Pro-Vicarius, iuris ordine servato, die 20 Decembris 1881 sententiam edit, qua statuit eum in poenam privationis Capellaniae incurrisse.

(1) Episcopus Valentinensis die 12 Iulii 1847 quatuor proposuit enodanda dubia s. Congregationi Indulgentiarum. Quartus ex his est: "An visitantes Ecclesias Ordinis s. Francisci die 2 Augusti, lucrentur indulgentiam plenariam

toties quoties in ea ingrediuntur, et parumper ibi orant? et an requiratur ut Communio fiat in eadem Ecclesia? Cui dubio s. Congr. respondit: "Affirmative ad primam partem; Negative ad secundam."

Huiusmodi sententiâ gravatum se reputans clericus apud S. C. C. appellationem interposuit, edicens sententiam nedum iniustam, sed uti nullam esse tradendam: tum quia non constat an Capellania sit ecclesiastica, tum etiam quia sententiae executio in solius patroni commodum cederet, qui vindicatis a fisco Capellaniae bonis, a pensione solvenda liberaretur. Etenim sacri Canones ideo statuunt clericum in clericali veste non incedentem beneficio fore privandum, ut alteri conferatur, quod in casu fieri nequit.

Curia episcopalis rogata de sua sententia et voto, retulit oratorem saecularia negotia gerere, de matrimonio ineundo cogitare, et adlaborare ut vi legis civilis perfrui valeat adsignata pensione. Ait etiam oratorem in 25 anno suae aetatis esse, integra valetudine frui et fortunae bonis non carere: patronum vero religione et pietate honestari nullumque adesse dubium quin conditionibus s. Poenitentiariae, iam in accepto habitis, obtemperaturus sit.

### Disceptatio Synoptica.

ORATORIS DEFENSIO. Oratoris favore animadversum fui, scitum esse apud canonicarum rerum interpretes quod ad Capellanium ecclesiasticam constituendam, praeter alia, tamquam essentialis conditio requiratur, ut Episcopus, fundatoris voluntatem exequens, erectionis decretum ediderit; *argum. cap. Ad hoc 4 de relig. domib.* Quod si hoc Episcopi Decretum deficiat nunquam Capellania uti ecclesiastica haberi posset *arg. cap. Nemo dist. 1 de consecr. Rota p. 2 rec. decis. 271 num. 3.* Iamvero in casu huiusmodi erectionis decretum haud afferri potest. Cum itaque non constet quod fundator ecclesiasticam Capellanium erigi voluerit, uti mere laicalis censenda videtur, ac proinde Clericus nulla obligatione detineri clericalis vestis induendae. Nullus enim ad aliquid perficiendum adigi potest, nisi certe constet ad id teneri.

Nec referre videtur quod iuxta episcopalem Curiam medio saeculo XV Praenestina civitate ferro et igni tradita, Episcopale tabularium fuerit penitus absumptum. Siquidem, hoc etiam admissio, Capellaniae qualitas in obscuritate delitesceret, et dubium semper extaret an obligationibus ex ecclesiastica Capellaniae qualitate derivantibus Orator abstringatur. Cum autem ex *regula 30 Iuris Canonici* in obscuris minimum sit sequendum, hinc apparet Capellaniam uti laicalem esse habendam, onus clericalis vestis deferendae non extare, ac proinde Curiae sententiam quovis robore destitui.

Nihil autem officere videtur quod Ordinarius ab antiquissimo tempore canonicas collationis bullas expedierit, quin patronus vel Capellanus ullam querimoniam moverint. Id enim ex eo contigisse potuit, quod uterque Capellaniae qualitatem ignorarent, cum tamen non constet Ordinarium hoc iure ab initio pollere, hinc nec deinceps usu confirmari potuit iuxta *Reg. 18 Iur. can.* - ibi - « Non confirmatur, tractu temporis, quod de iure ab initio non subsistit. »

Perpendere demum praestat quod in duabus e tribus collationis literis adductis, Capellaniam vacare dicitur, ex eo quod Capellanus matrimonium contraxerit, et Curia testatur ab anno 1592 plures Episcopos, ob Capellani nuptias Capellaniam vacantem declarasse. Hoc autem ostendit quidem Ordinarii mentem fuisse Capellaniam a coniugato, minime vero a laico coelibe retineri non posse. Secus enim longissimi temporis lapsu aliquando evenisset, ut Ordinarius Capellaniam alteri contulerit, eo quod Capellanus clericalem vestem dimiserit; cum rationabiliter supponi nequeat Capellanos usque ad nuptiarum diem clericali veste incessisse.

In hypothesisi vero quod Capellania decernenda foret ecclesiastica indulgendum videtur ut Orator in laicali statu eam retinere possit. Ipse enim ait, sacros canones ideo statuere, clericum vestem sui status propriam deserentem beneficio fore privandum, ut Episcopus alteri digniori illud conferat. Hoc autem in casu minime fieri posse sustinuit, cum

patronus, vindicatis Capellaniae bonis, ideo sententiae confirmationem efflagitat, ut a pensione solvenda liberetur.

Animadvertendum demum est quod cum clericus ne otio torpescat, saeculari munere, ceteroquin honesto, fungi debeat, nostrorum temporum indole inspectâ, expedire potius videtur ut laicali veste incedat, ne clericalis habitus improborum conviciis exponatur.

**CURIAE DEFENSIO.** Verum rationum momenta favore Curiae minime desunt. Et sane essenziale discrimen quod inter ecclesiasticas et laicales Capellantias intercedit in hoc situm est, primum ut pro ecclesiasticis Capellaniis in canonica fundatione erectionis decreto locus factus fuerit, deinde ut in collatione episcopales bullae pro canonica possessione acquirenda requirantur. Primum enim illud efficit ut quae bona antea erant in civili commercio, postea inalienabilia, et uti ecclesiastica sint habenda: bullarum autem expeditione fit, ut nullus nisi clericus canonice institutus in Capellaniae possessionem immitti queat. Hinc erectionis decretum, et bullae institutionis habentur ut notae et characteres ecclesiasticae Capellaniae Reiffenst. *lib. 3 tit. 5 num. 17*, et S. C. EE. et RR. in *Aesina Capellaniae 16 Iulii 1881*.

Quod si canonicae erectionis decretum haud reperiatur, non idcirco dicendum erit illud numquam extitisse. Iuxta enim communem canonistarum censuram in dubio, vel quoties ob temporum iniuriam fundationis tabulae, et Episcopi decretum inveniri nequeant, ad ecclesiasticam Capellaniae qualitatem vindicandam ostendere sufficit per quadraginta saltem annos canonicam institutionem ab Ordinario datam fuisse: quod satis innuit erectionis decretum olim Episcopum edidisse. Siquidem praesumi nequit quod Episcopus per 40 annos voluerit, et pacifice potuerit contra fundatoris voluntatem conferre Capellanium a se vel a suo antecessore non erectam, quin patronus vel Capellanus de iuris usurpatione fuerit conquestus. Praeter erectionem et institutionem ab Episcopo datam, ceteri characteres, qui ecclesiasti-



cam Capellaniae naturam indigitare videntur, sunt dos, titulus, Ecclesia designata, s. Rota in *Papien. Beneficii 28 Ianuarii 1754 coram Borullo, S. C. C. in Firmana 8 Augusti 1767.*

Si quae hactenus sunt allata, praesenti casui applicentur, nullum rationabile dubium dari posse videtur quoad controversae Capellaniae ecclesiasticitatem. Quandoquidem defectus tabularum foundationis, et decreti erectionis optime explicatur ex eo quod saeculo XV civitas vastationi fuit obnoxia, et quodcumque documentum, hoc aevo anterius, in episcopale tabulario deficit. Constat tamen Episcopum ab anno 1509 usque ad postremam nominationem sine ulla interruptione vel oppositione patroni aut Capellani canonicis bullis Capellaniam contulisse, et pluries ob Capellani matrimonium alteri fuisse collatam. Adest praeterea dos, titulus, Ecclesia designata, observantia plusquam longissimi temporis subsequuta est, quae omnia ad ecclesiasticitatem Capellaniae comprobendam sufficere videntur.

Praefatae vero notae tanti ponderis sunt, ut quamvis fundatio Capellaniae esset contraria, eius naturam immutarent, si longissimi temporis spatio servarentur; Amostazo de *Causis piis lib. 3 Cap. 2 num. 29.* Et haec S. C. in *una Sabinen. 20 Augusti 1803 et 4 Jun. 1804,* respondit: in statu laicali retineri non posse quamdam Capellaniam quam testator a quacumque Ordinarii auctoritate voluerat exemptam; quae tamen erecta fuerat decreto Episcopi, eiusque possessor taxas Seminario et Camerae spoliolum solvebat, ac plures collationes adfuerant. Hoc idem decrevit S. C. EE. et RR. in simili controversia die 19 Ianuarii 1866. Agebatur de Capellania cuius erectionis decretum, ob episcopalis tabularii incendium, inveniri non poterat. In facto tamen exstabat Episcopum ab anno 1668 ad annum 1731 canonicas institutionis bullas expedisse. Postquam autem unius saeculi lapsu Capellania uti laicalis habita fuerat, anno 1846 Episcopus ad eam canonicè instituit clericum a patrono nominatum. Cum autem hic deinceps habitu clericali di-

misso nuptias inire optaret, S. C. adivit exponens, ex errore ductum canonicas institutionis bullas acceptasse, cum Capellania uti mere laicalis haberi debeat. Sacra vero Congreg. pluries causa ventilata, tandem proposito dubio: — *An et quomodo constet de laicitate Capellaniae in casu* — respondit — *Negative in omnibus.* —

Posita vero huiusmodi natura Capellaniae, sciunt omnes eam ecclesiastico beneficio in omnibus aequiparari, ideoque sponte sequitur privationis sententiam, contra Clericum a Curia latam plenum suum vigorem exerere. Qui enim ecclesiastico beneficio potitur, gravi obligatione adstringitur clericalem vestem gestare. Ideoque si illa dimissa, et Episcopi monitione sprete, in laicali habitu incedere perseveret privationis poenam effugere nullo pacto potest. Et re quidem vera Tridentina Synodus Clementis V dispositionem ampliandam *Sess. 14 cap. 6 de reform.* statuit ut ecclesiasticae personae quae sacris ordinibus initiatae sint, vel beneficium obtineant, « si posteaquam ab Episcopo suo, etiam » per edictum publicum moniti fuerint, honestum habitum » clericalem, illorum ordini, ac dignitati congruentem, et iuxta » ipsius Episcopi ordinationem et mandatum non detulerint, per suspensionem ab ordinibus, ac officio, et beneficio ac fructibus, redditibus et proventibus ipsorum beneficiorum, nec non si semel correpti denuo in hoc deliquerint, etiam privatione officiorum, et beneficiorum huiusmodi coerceri possint. »

Novissime vero Benedictus XIII in Constitutione *Catholicae Ecclesiae* anni 1725 beneficiatorum laicali habitu incedentium proterviam coercuit, mandans ut Episcopi in eos clericos canonicis remediis animadvertant, atque adeo superaddidit quod etiam debeant, iuris ordine servato, declaratoriam sententiam privationis beneficiorum in ipsos pronunciare.

Pro-Vicarius generalis itaque hisce ecclesiasticis sanctionibus inhaerens pluries Clericum monuit, ut clericalem vestem reassumeret. Cum tamen hic in sua contumacia per-

sisteret, privationis sententia merito lata fuisse videtur. Nec veritati consonum apparet, sententiae executionem in Capellaniae damnum, et in solius patroni commodum redundare, uti Clericus contendit. Nam in primis etsi id verum esset, indirecte tantum sequeretur, ideoque Episcopalis Curia rite processisset, cum absolute indignus sit Ecclesiae bonis perfrui, qui eiusdem legibus parere detrectat.

Sed praeterea Oratori Pro-Vicarius generalis contradicit referens, Patronum ecclesiasticis legibus quoad bonorum Capellaniae vindicationem obtemperaturum fore; hinc censet quod vix memoratus patronus indemnis evaserit pro peractis expensis, Capellani nominationem iterum repetiturus erit; huiusmodi vero nominatio per diuturnum tempus remoraretur, si Oratoris precibus assentiri vellet.

Hisce expositis quaesitum fuit quonam responso dimitendum esset sequens

### Dubium

*An sententia Curiae Episcopalis sit confirmanda, vel infirmanda in casu.*

RESOLUTIO. Sacra C. Concilii die 19 Ianuarii 1884, re ponderatâ, censuit respondere:

*Affirmative ad primam partem, negative ad secundam.*

EX QUIBUS COLLIGES I. Notas praecipuas quae comitantur cappellantias ecclesiasticas duas esse: nempe ut in canonica earundem fundatione episcopale decretum erectionis, et in illarum collatione accedant bullae episcopales pro canonica possessione.

II. Ad vindicandam ecclesiasticam cappellaniae qualitatem quoties dubium adsit, vel quoties tabulae fundationis reperiri nequeant, sufficere, ex communi canonistarum sententia, quod Antistes per quadraginta saltem annos canonicam dederit institutionem:

III. Non praesumitur enim Episcopum voluisse per 40

annos, et pacifice potuisse cappellariam conferre contra fundatoris voluntatem, quin patronus vel cappellanus conquesti fuerint de iuris usurpatione.

IV. In themate, deficientibus foundationis tabulis et decreto erectionis, forsitan ex iniuria temporum, non deficiunt tamen Episcoporum nominationes ab anno, ut fertur, 1509 usque ad postremam nominationem: quae ab Ordinariis expletæ sunt, absque oppositione patroni aut Cappellani canonicis bullis.

V. Cappellariam praefatis praeditam notis beneficio ecclesiastico omnino equiparari; et ideo institutus in huiusmodi cappellariam gravi obstringitur obligatione vestes gestandi clericales.

VI. Obtinentes beneficium ecclesiasticum, deferre debere habitum clericalem, ordini ac dignitati congruentem, et iuxta Episcopi mandatum; ita ut iidem obstringi possint ab Ordinario ad id peragendum, etiam officiorum, et beneficiorum privatione.

---

## PARMEN.

### SPOLII

*Die 19 Ianuarii 1884.*

COMPENDIUM FACTI. Episcopus Parmensis, instituto haerede universali, legavit Episcopo parmensi pro tempore crucem cum gemmis, anulum pretiosum et pastoralem baculum; Archipresbytero... crucem cum aurea catena; domino Rectori Seminarii planetam albam: Seminario parmensi dimidium sacrorum paramentorum, et alterum dimidium Seminario e Berceto; Vicario generali calicem argenteum; Secretario stolam pretiosam. Ait insuper Episcopus testator: omnia aurea, et argentea utensilia, et sacra paramenta fuisse in sua proprietate; idest vel dono accepta, vel acquisita aere proprio, minime ex Ecclesiae redditibus.

Ast consilium Fabricae Cathedralis Ecclesiae (duobus canonicis et duobus Municipii Consiliariis constans) valida haec Episcopi legata non censuit, sibi de tota sacra Episcopi suppellectili seu, ut vocitatur, de Episcopi cappella ius esse spoliū autumans, in vim tum antiquissimae consuetudinis, tum constitutionis *Romani Pontificis* s. Pii V.

Orta exinde quaestione, universalis haeres die 21 Augusti lapsi anni 1882 ad S. C. C. confugit, exquirens, quid de controversa hac testamenti dispositione sentiendum sit, et utrum in toto vel pro parte subsistat.

### Disceptatio Synoptica

IURA FABRICAE ECCLESIAE. Fabricae ecclesiae favet praeprimis s. Pii V. Constitutio edita 3 Kalendas Septembris 1567 quae, incipit *Romani Pontificis*. Eā siquidem statutum fuit ut sub spolio, favore Sedis Apostolicae, non venirent sacra Episcoporum seu beneficiatorum quorumcumque utensilia, quae potius in bonum Ecclesiae cui beneficiatus servivit, exinde cedere deberent. Ita sane § I. legitur: « De » cetero omnia et singula paramenta et ornamenta ac va » sa, nec non missalia et gradualia, ac cantus firmi et mu » sicae aliique quomodolibet nuncupati libri, et aliae res sa » crae etiam auri et argenti, et quaecumque alia bona per » quoscumque Patriarchas, Archiepiscopos, Episcopos etc..... » ad usum et cultum divinum etiam in eorum privatis ae » dibus et capellis vel oratoriis destinata.... minime com » prehendantur, nec sub appellatione spoliū (quae nempe a R. Camera Apostolica ex Apostolica constitutionibus » exiguntur) veniant; sed ad singulas ecclesias, monasteria, » etiam conventu carentia, et beneficia huiusmodi in quibus » resederint aut quibus praefuerint, seu quae alias obtinuerint, spectent ac pertineant.... Illaque post eorum obitum » eisdem ecclesiis, monasteriis et beneficiis..... eo ipso applicata et incorporata sint et esse censeantur. »

Subsequenti vero §. II. nullae et irritae declarantur quaecumque dispositiones sive inter vivos sive mortis causa quomodolibet peractae, quamvis in commodum ecclesiasticarum personarum aut locorum piorum destinatae. Et dein cavetur ut per censuras aliasque sanctiones quicumque res sacrae praedictas retinuerint, ad restitutionem cogi possint.

Quae dispositiones tametsi ubique gentium non vigeant et alicubi in desuetudinem abiisse, alibi vero coarctatae esse videantur; tamen in Parmensi Dioecesi in suo robore easdem plene subsistere, saltem quoad Episcopum, Consilium fabricae contendit, et probavit.

Huius Praeses enim asseruit, se posse monumenta afferre quibus probetur spolium Episcopalis capellae, saltem a saeculo XV coepisse et constanter usque ad ultimum hoc saeculum observatum fuisse, excepto solummodo casu anni 1711, quum Episcopus Olgiati ad Comensem sedem translatus est. Ast ea vice, ut asseritur, ipsa v. Fabrica Episcopum ob ingentia munera Cathedrali ecclesiae collata benemerentem a lege spoli immunem voluit, animi grati ergo. Ultimo hoc saeculo vero non aliter consuetudo processit, unica etiam facta exceptione: idque probatum fuit per documenta excerpta ex libro deliberationum v. Fabricae; quae documenta ad annum 1871 perveniunt. Relate igitur ad spolium Episcopalis capellae adstat immemorabilis aut ferme plusquam centenaria consuetudo; et haec quidem Apostolicis constitutionibus apprime consona.

Porro si nedum immemorabilis, sed centenaria quoque consuetudo « etiam in actibus Ecclesiae praëiudicium, divi-  
» nique cultus decrementum inferentibus plenam amplissi-  
» manque inducit cuiuscumque melioris tituli ac proinde  
» Apostolici etiam beneplaciti praesumptionem, » ut post Urbanum VIII in Const. *Romanus Pontifex* passim docent DD.; Barbosa *de pot. Ep. alleg.* 26, n. 72; Gratian. *discept. foren. cap* 867, n. 50; S. Rota in *Romana Oblationum.* 25 Ian. 1725, §. 5; S. C. C. in *Avenionen. Cappellaniae* 16 sept. 1780, aliisque; praesens consuetudo

quae favore Ecclesiae procedit, ac ipsa cum Apostolicis Constitutionibus consona est, haud ambigendum videtur quod vigere non debeat.

Neque subsumere forsitan licet, quod sive iuxta iuris praescripta, sive iuxta localem consuetudinem, spolium confici possit in aliqua tantum sacra utensilia, in ea scilicet quae Mensae episcopalis redditibus empta comperiuntur. Etenim hae distinctiones, ait Fabricae praeses, locum non obtinuerunt in nostras consuetudines. Et reapse nullum huius distinctionis vestigium in adductis superius documentis reperitur; imo in quibusdam potius innui videtur, quod de tota Episcopi sacra suppellectili spolium fieri mos sit.

Quae praxis, quamvis dici forsitan non possit ex Pii V. Constitutione ad amussim descendere et exigi, congruere saltem videtur cum noto principio: *Quod semel Deo dedicatum est ad humanos usus amplius redire non debet*, ut docent *cap. Nulli licet 3, caus. 12. q. 2; cap. Quod semel 4, caus. 19, q. 3; cap. semel 51, De regul. iur. in VI etc.*

Tandem, ulterius urgens, Consilium Fabricae animadvertit, tacitam quandam conventionem aut etiam aequitatem, postulare ut spolium sibi servetur. Siquidem triduanac preces, anniversaria complura, sumptus pro solemnino primo ingressu Episcopi in Cathedralen, quae omnia, prout dicitur ad mensam spectarent episcopalem, Fabricae expensis fiunt. Ultimis vero hisce annis, quum Massa capitularis iniquis legibus extenuata fuerit, alia plura onera quae Capitulum gravabant in Fabricae administrationem transierunt, et ab ipsis laicis aedituis aequo animo acceptata sunt.

Cum igitur Consilium Fabricae etiam ex hoc praevisto spolii reditu sumptus pro Episcopi ingressu, aliaque subierit, iam veluti quidam tacitus contractus innominatus, *facio ut des*, heic haberi videtur, faciendi nempe hasce expensas ad spolium dein consequendum. Imo cum altera pars, Fabrica nempe, iam fecerit, alteri parti ius poenitendi amplius non esset, iuxta civile ius *l. 3, §. 2. l. 5. pr. seq. ff. de Condit. caus. dat.; l. 5, § 1, ff. de praescr. verb.*

Ast omissa quoque taciti huius contractus quaestione, aequitas saltem superesse videtur, quae postulat, ut Fabricae administrationi, cui praeter vetera, nova onera in dies imponi solent, reditus non subtrahantur. Nam defunctus Episcopus iubens saepe ut novae fierent sacrae functiones, Fabricae administrationi occasionem praebuit novum aes alienum contrahendi. Praeterea animadversum quoque fuit, quod Fabrica per decem annos, ut Episcopi desideriis indulgeret, extraordinarias tulerit expensas, et insuper capsis eleemosynarum privata fuerit, ex quibus, ut plurimum, libellas quingentas annuas retrahebat.

IURA LEGATARIORUM. Pro altera vero parte haec recollenda sunt: temporibus quae procul a nobis recesserunt, dum clerici vitam communem habebant, ipsi testari quidem non poterant, ut loquitur *can. Nolo quaest. I.* Ast solutis clericorum communitatibus, et Ecclesiae bonis inter Episcopum, clerum, fabricam et pauperes divisis, iam, iuxta id quod legitur *Cap. I. tit. de Testam.*, testari clericis concessum est de omnibus quae ecclesiastici proventus naturam non haberent: haec siquidem fuerunt exclusa.

Neque haec facultas amplius sublata reperitur, imo potius Gratiani et Decretalium tempore confirmata et clarius explicata apparet. Ita enim legitur *can. Episcopi 19, caus. 12, q. 4*: « Episcopi de rebus propriis vel acquisitis, vel » quidquid de proprio habent, haeredibus suis, si voluerint, » derelinquant. » Et clarius Innocentius III *cap. Quia nos 9, tit. de testam.*: « Consultationi tuae respondemus, quod » clerici de his quae paternae successionis vel cognationis » intuitu aut de artificio sunt adepti, seu dono consanguineorum aut amicorum, non habito respectu ad Ecclesiam » provenerunt ad ipsos, libere disponere valeant. De his tamen quae consideratione Ecclesiae perceperunt nullum de » iure facere possunt testamentum. »

Ubi verba « *quae consideratione Ecclesiae perceperunt et habito respectu ad Ecclesiam pervenerunt ad ipsos* » intelligi deberent de rebus naturam ecclesiasticam habenti-



bus et apprime servantibus. Siquidem iuxta *cap. fin. De pecul. cler.* ea de quibus beneficiarii causa mortis disponere nequeant, sunt fructus beneficii, tam collecti quam colligendi, res sibi ab Ecclesia obventae, vel pecunia beneficii comparatae, quae omnia post suum decessum restituere debent Ecclesiae suae. Et Reiffenstuel cum aliis DD. in *tit. De testam. 511, num. 326 seqq.* docet, quod ipsa bona patrimonialia, quamvis ex beneficio originem ferme ducant, testamento relinqui possunt.

Neque in speciali casu de sacra suppellectili aliter constitutum fuisse ex s. Pii V constitutione videtur. Siquidem hanc constitutionem, *Romani Pontificis*, disponere tantummodo de acquisitis ex fructibus beneficiorum, seu ecclesiasticis redditibus, non vero de acquisitis ex privato patrimonio aut quocumque personali privato lucro, uno ore docent Navar. *de spol. cler. §. 1, n. 4*; Bursat. *cons. 377, num. 28, §. Attamen*, Barbosa *lib. 3, cap. 17, num. 62*; Azor *Instit. moral. t. 2, l. 8, cap. 3, p. 11*; Panimol. *decis. 20, adn. 1, num. 11*; Ventriglia *l. c. num. 12 ad 18*; S. Rota in *Forolivien. De Monsignoribus 26 Feb. 1603 coram Peccia*.

Et hoc vel certius hodie factum est ex Constitutione *Quum illud* f. r. Pii IX edita 1 Iunii 1847 de consilio S. C. Episcoporum et Regularium « *ad praecedendas omnes hac super re* (quoad Const. *Romani Pontificis*) *dubitationes ac controversiae causas*; » in qua s. Pontifex decernit ac mandat: « III Sacra utensilia, quae vigore Constitutionis s. Pii V incipientis - *Romani Pontificis* - » Ecclesiis Cathedralibus debentur, haec esse edicimus: Mi- » tras scilicet, planetas, pluvialia, . . . aliasque res sacras, » sive paramenta, sive ornamenta, sive vasa, si quae sunt » etiam ex eorum natura usui profano congrua; dummo- » do non per accidens, sed permanenter divino cultui sa- » crisque functionibus fuerint destinata; *exceptis anulis et » crucibus pectoralibus etiam cum sacris reliquiis, et iis » omnibus utensilibus cuiusvis generis quae legitime pro-*

» *bentur ab Episcopis defunctis comparata fuisse, bonis*  
 » *ad Ecclesiam non pertinentibus, neque constet Ecclesiae*  
 » *fuisse donata.* Volumus propterea teneri ac debere Epi-  
 » scopos conficere in forma authentica inventarium sacro-  
 » rum utensilium, in quo pro rei veritate exprimant, quan-  
 » do acquisita fuerint, et speciali nota describant quae ex  
 » Ecclesiae redditibus ac proventibus sibi compararunt, ne  
 » alias praesumi debeat ea omnia redditibus Ecclesiae com-  
 » parata esse. »

Ex quibus verbis fluere videtur, tum quod cruces pecto-  
 rales et anuli a lege spoli privilegeiati per se sint, tum  
 quod pari fruantur conditione, ideoque libere testamento re-  
 linqui possint universa quae aut ex privato patrimonio et  
 officio, aut ex dono sibi non vero Ecclesiae dato derivent.  
 Consequenter, omisso etiam quod in specie dici posset de  
 duabus crucibus pectoralibus et pretioso anulo legatis et re  
 conglobatim sumpta, ut proposita quaestio solvatur atten-  
 dendum videtur, utrum quae Episcopus Parmensis legavit  
 ex ecclesiasticis proventibus sibi comparaverit, an non.

Porro plura ex hisce donata fuisse, et quidem intuitu  
 personae, certo affirmari posse videtur. Crucem pectoralem  
 planetam, et argenteum calicem, sibi dono data, et a qui-  
 bus, idem Episcopus meminit et testatur. Cui affirmationi  
 fidem negari posse nemo certe dixerit. Agitur enim de Epi-  
 scopo: et ipse s. Pontifex in sua Const. *Quum illud* Epi-  
 scoporum depositionem in hac re vult pro veritate admitti,  
*cit. ver. Volumus* etc.

Haec proinde omnia iuxta *cap. Quia nos de testam.*,  
 et pressius iuxta Constitutionem; *Quum illud* Pii IX pos-  
 se testamento donari videntur.

Ast praesto quoque est argumentum, quo insimul evin-  
 citur, omnia utensilia in quaestione ex privata personali  
 pecunia, non vero ex beneficii proventibus originem traxis-  
 se. Asseritur enim defunctum Episcopum eleemosynis atque  
 aliis piis operibus per 10 annos expendisse plusquam ex  
 mensa per totidem non recepit.

Iamvero haec effusa charitatis ratio, quae mensae Episcopalis relictis non modo absumentur, sed et praetergrediebantur, excludit ceu videtur hypothese[m], quod sacra suppellex mensae relictu fuerit coempta. Et firmat *cap. Cum in officiis 7, tit de testam.*, ubi ad cognoscendum ex quibusnam relictibus originem habuerint bona a beneficiario relicta, haec traditur regula: si, detractis iis quae ad vitam beneficiati ac familiae suae pro alimentis requiruntur, necnon ceteris necessariis expensis, aliisque pro eleemosynis ac piis operibus nihil amplius superesse debere probetur; cetera quae forsitan apud beneficiatum poterunt inveniri sive ex patrimonio, sive ex aliquo privato officio seu lucro obvenisse censenda esse, neque proinde spolio subici posse; Cfr. Panimol. in 4 *cap.* et Ferraris v. *Spolium*. Concludi igitur posse videtur quod Apostolicis Constitutionibus inspectis, legata Episcopi Parmensis iuridice subsistant, et obiecta ibi recensita spolio subici nequeant.

Ast quia pro altera parte validius forsitan argumentum est in consuetudine, observari potest quod ut consuetudo vim legis obtineat, quibusdam conditionibus satisfacere debet. Sic iuxta Suarez *de leg. l. 7, c. 9.* aliosque DD. requiritur ut populus actus ponat, non quidem tamquam merae facultatis et devotionis, sed tamquam necessarios, requiritur scilicet ut agat *opinionem necessitatis*; et quidem non eo sensu quatenus per errorem putet talem actum esse aliunde praeceptum; uti si fideles alicuius Dioecesis ieiunium certa die observarent, putantes id esse lege generali Ecclesiae praescriptum, dum revera non est. Sed agere populus debet *opinionem necessitatis* eo sensu, quatenus cognoscens quidem hos actus lege non esse praecipitos, tamen putat esse ponendos, veluti si essent praecipiti. Uno verbo iuxta De Angelis *Praelect. in tit. De Consuetudine n. 7* actus a populo poni debent *cum intentione saltem interpretativa sibi inducendi ius*. Insuper isti actus, ex quorum frequentia consuetudo exoritur, debent esse *uniformes* iuxta citatos DD. scilicet similes et univoci.

Iamvero in praesenti quaestione si spolium de omnibus sacris suppellectilibus indistincte fieri consuevit, id evenisse potest aliquando ex haeredum aliorumque ignorantia; quia scilicet per errorem putabant, id esse ex Const. s. Pii V *Romani Pontificis* praeceptum, quod tamen (ceu videtur et explicat recens Const. *Quum illud*) verum non est. Ast tunc isti actus ex erronea opinione necessitatis positi, iuxta superius adducta, parum ad consuetudinis effectum valerent. Quod quidem aequum in genere videtur; si enim quidam ignorantia erraverunt, hoc sibi impudent: et ipsorum factum ipsis, non vero aliis nocere debet iuxta *reg. 74 et 155 iur. civ.*

Aliquando vero, si omnia suppellectilia spolio concessa fuerunt, id accidisse potest, quia haec mensae proventibus coempta fuerant aut credebantur. Ast tunc spolii confectio actum constituisset legitimum ac necessarium; neque ex eo argumentum deduci ferme posset, quo evinciatur, etiam utensilia privato aere confecta spolio subiici posse: consuetudinis actus enim uniformes non essent. Et quamvis determinari non possit quoties et quando acciderit ut supellex ecclesiasticis proventibus fuerit confecta, tamen suspicari potest pluries id evenisse, quod ad consuetudinis vim infirmandam, et ad iniiciendum dubium circa eius valorem sufficere videtur.

Tandem si pro adversa parte rationes quaedam administrativae habentur, cae pro hac quoque parte profecto militant. Praeter quam quod enim eleemosynae aliaque pia opera a defuncto Episcopo confecta merito ipsi esse debent, ut extrema eius voluntas, quoadusque possibile sit, observetur: recolendum etiam est quod controversa legata ad pias causas et ecclesiasticas personas sunt constituta, scilicet favore Episcopi pro tempore Parmensis, Abbtis Bassanensis et praesertim duorum dioecesis Parmensis seminariorum; porro neminem latet quanto favore testamenta ad pias causas ius prosequatur ceu habet Reiffenstuel in *tit. De testament. §. VI, num. 137 seqq*

Quibus aliisque praenotatis, enodandum propositum fuit sequens

### Dubium

*An et quae sacra supellex valide testamento legata sit in casu.*

RESOLUTIO. Sacra C. Concilii, re discussâ, sub die 19 Ianuarii 1884, censuit respondere:

*Affirmative in omnibus et amplius.*

EX QUIBUS COLLIGES. I. Ex *cap. 1 de testamentis* concessum esse clericis facere testamentum de omnibus quae ecclesiastici proventus naturam non habent: ceu sunt quae eisdem clericis obvenerunt ex paterna successione, aut cognationis intuitu, aut quae dono acceperunt.

II. Quamplurimos canonistas censere s. Pium V non aliter constituisse de sacris supellectilibus; nempe disposuisse per Constitutionem *Romani Pontificis* de illa sacra supellectili ex fructibus beneficiorum acquisita; non vero de acquisita ex privato patrimonio, aut alio privato lucro.

III. Huiusmodi sententiam confirmationem recipere per Constitutionem *Cum illud* Pii IX; quae lata fuit ad praecidendas omnes dubitationes hac super re, omnesque controversiarum causas; nam decernitur non deberi Cathedralibus Ecclesiis ea omnia utensilia quae comparata fuere bonis non pertinentibus ad Ecclesiam, quaeque non constet donata fuisse Ecclesiae.

IV. Qua de re omnia sacra supellectilia in themate valide legata fuisse ab Episcopo; quia eadem aut dono accepit, aut proprio aere coemit: et ideo a spolio (1) favore Fabricae Cathedralis exempta fuere.

(1) Clerici a iure canonico facultate testandi, ratione aliquorum bonorum, privantur: nam dum isti disponere possunt de suo peculio patrimoniali, industriali et parsimoniali, hac facultate privantur quoad bona superflua suorum

beneficiorum. Ea enim dum vivunt expendere tenentur ex praeepto ecclesiastico in opera pia; et mortis causâ disponere nullo modo queunt, neque ad causam piam *cap. 9 et capp. 1, 7, 8 et 19 de testam.* Superflua beneficiorum a cle-

## GRATIANOPOLITANA

## DISPENSATIONIS SUPER DEFECTU NATALIUM

Die 19 Ianuarii 1884.

Per summaria precum.

COMPENDIUM FACTI. Henricus illegitime genitus ex coniugato et soluta, et ideo irregularis ex defectu natalium, ex dispensatione Ordinarii ad clericalem tonsuram ac minores Ordines promotus fuit. Idem optans ad ss. Ordines maiores ascendere, et animarum Curae operam dare, supplici oblato libello, petiit a S. C. C. super praefatum impedimentum opportunam dispensationem. Henrici petitionem Episcopus commendavit.

rico relicta vocabantur eius *spolia*, quae olim pertinebant ad Ecclesiam in qua Clericus beneficium obtinuerat *ex cap. 7 de testam.* Disciplina haec per aliquod tempus posthabita fuit et Clerici testati sunt etiam de superfluis beneficiis; sed ad pristinum revocata fuit vigorem per Tridentinum *Sess. 25 cap. 1 de ref.* Idem peregerunt tum ante, tum post Tridentinum Paulus III per Constit. *Romani Pontificis*; Iulius III per Constit. *Cum sicut*; Pius IV per Constit. *Sedis Apostolicae*; Pius V per Constit. *Romani Pontificis*; Benedictus XIV per Constit. *Apostolicae servitutis*. Ex his constitutum fuit ut beneficiorum superflua, de quibus clerici testari nequibant, cederent et applicarentur *iure spoli* Camerae Apostolicae. His novis dispositionibus factum est, ut haec superflua quae olim cedebant particularibus Ecclesiis, nunc cedere deberent in utilitatem Ecclesiae generalis. Et in hunc finem iam existit Congregatio *Spoliorum*, adnexa s. Congregationi de Propaganda Fide, ut huiusmodi redditus ab eadem collecti, applicentur sancto Missionum operi pro christiano nomine propagando. Ab hac s. Congregatione colligitur, prae-

ter superflua ex beneficiis Clericorum et Praelatorum, etiam quidquid Clerici ex illicita negotiatione collegerunt, et redditus vacantium beneficiorum, praelevatis onerum expensis. Utinam Congregatio haec consequi valeret quidquid Clerici de superfluis beneficiis relinquunt! Tunc enim facilius Apostolica Sedes suppetias mittere posset missionariis qui salutem animarum consulunt in longinquis regionibus; quique saepe numero egestate pressi aut missionem derelinquere coguntur, aut minimam animabus afferre utilitatem! Clara obligatio est ex ss. Canonibus et ex Apostolicis constitutionibus; sed heu! contraria pedetentim inolescit consuetudo! qua praesumunt clerici disponere posse, de rebus quae probabilissime non sunt in ipsorum dominio, aut si essent, tamen erogare tenentur viventes in causas pias, et praecipue in pauperum subsidium. Tutior, sed vero, securior et iuri conformior est sententia quae tenet Clericos non habere dominium in bonis beneficiorum superfluis; et omnis consuetudo de eis disponendi, aliter quam ad causas pias, damnanda est veluti illicita et ut corruptela. Quae minime ab Apostolica Sede probatur, sed tantum

## Disceptatio Synoptica.

QUAE ADVERSANTUR ORATORI. Precibus ab Oratore porrectis obstare videtur, in primis notissimum in iure principium, illegitimos omnes ab ordine suscipiendo arcendos esse; quemadmodum constituitur ex Glossa *in cap. ult. vers. Defecto hoc tit. in 6.* Idque multiplici ex capite rationale scatet. Primo ob Ordinis praerogativam seu excellentiam, atque dignitatem, unde indignum censetur, ut conferatur personis tam vilibus, infamibus et quae notam turpitudinis contraxerunt *Cap. Inter dilectos 11 de excess. Praelat.* Deinde ob detestationem, atque execrationem paterni criminis, quod punitur in filio, ut per hoc puniatur ipsemet

toleratur, ne in gibus litibus occasio detur; ex quo difficile esset iudicare an haec vel illa dispositio sit de bonis superfluis. Ad rem facit *cap. cum iam dudum 18 de praebend.* « cum multa per patientiam tolerantur, quae si deducta fuerint in iudicium, exigente iustitia non deberent tolerari. » Equis in usus profanos convertere audebit bona Ecclesiae, dum bonorum eorundem clerici ex iure vocentur numquam domini, sed mere dispensatores, administratores et procuratores? Et re quidem vera canon *Si privatum 28 caus. 12 quest. 1* habet: « Si privatum possidemus, non illa nostra sunt, sed pauperum, quorum procuracionem quodammodo gerimus, non proprietatem nobis usurpatione vindicamus. » Et Synodus Romana ait: « Quia iuxta ss. Patrum traditionem novimus, res Ecclesiae vota esse fidelium, pretia peccatorum et patrimonia pauperum. » Et s. Augustinus *Serm. 219 de tempore.* « Quidquid, ait, excepto victu et vestitu rationabili, superfluerit, non luxuriae reservetur, sed in thesauro caelesti per eleemosynam reponatur; quod si non facimus, res alienas invasimus. » Et Gaudentius de Sermone

Villico ait: « Nobis credita est dispensatio facultatum Domini Nostri, vel ad utendum eis sufficienter, vel ad distribuendum conservis; ideo non licet nobis eas in expensas usurpare superfluas, cum sit erogationis ratio Domino venienti reddenda. » Et s. Bernardus, ut alios praetereamus ss. Patres, ait: « Quidquid, praeter necessarium victum, ac simplicem vestitum, de altari retines tuum non est, rapina est. » Duo tandem notare libet. 1° Quod etiam illi qui tenent clericos habere dominium in superfluis beneficiorum, tamen pro certo habent eosdem graviter obligari ad eroganda haec bona in causas pias; quod ni faciant a peccato minime excusantur, quamvis in istorum sententia ad restitutionem ex iustitia non teneantur. 2° Quod Apostolica Sedes, ut clericos impelleret ad hoc onus libentius implendum, sustulit eisdem clericis omnem spem de bonis superfluis, causa mortis, disponendi; prohibendo ne de his testamentum facerent. Et ideo si quid superesset post mortem clerici cuiuslibet, cederet Congregationi spoliatorum, ceu haeredi necessario.

pater. *Arg. 1 Isti quidem §. fin. ff. De eo quod metus causa et c. Vergentis 10 de Haeretic.* Tertio propter incontinentiam paternam, quae timetur in filio. *Arg. can. Si gens dist. 56*, et concordat illud vulgatum: *Saepe solet similis filius esse patri.*

Ex his consurgit alia ratio, videlicet scandalum illorum inter quos illegitimus ordinatus conservatur; simulque, quia indecens est, ut adulteri parentis memoria continuo per liberos in Ecclesia repraesentetur; *C. Cum decorem 16 h. t. iuncto Conc. Trid. sess. 25 cap. 15 de Reformat.* Hinc tanto difficilior cum illegitimis dispensari solet, quantum eorum origo est turpior; *S. Thomas in 4 sent. dist. 25 quaest. 5 art. 2 quaest. 3.* Et turpior profecto dicenda origo illius, qui a personis progenitus est, inter quas matrimonium consistere nullo iure unquam poterat. Quapropter huiusmodi dispensationum exempla nulla, saltem quoad Italiam, habentur, ceu notatum fuit in *Syracusana Irregularitatis 27 Iunii 1857.*

QUAE ORATORI FAVENT. Contra tamen benigno favore excipi videtur petitio Oratoris, si ratio habeatur, tum de iis quae exposita sunt in precibus, tum de Ordinarii litteris commendatitiis. Exploratum enim in iure est, Ecclesiam quamvis illegitimos ab Ordine suscipiendo prohibeat, attamen, nonnullis causis obvenerint; dispensationem ab impedimento concedere.

Causae vero quibus stantibus Ecclesia dispensationem indulgere solet, respiciunt tum utilitatem Ecclesiae, tum Oratoris mores, tum eiusdem ingenium. At in themate dicendum apprime concurrere causas pro dispensatione obtinenda.

Siquidem, ipso referente Ordinario, certissime constat Oratorem bonum sortitum fuisse ingenium, pietate praeditum esse, et clara divinae vocationis prae se ferre indicia. Insuper Ordinarius addidit, Oratorem gratia dignum, « quia » eius Mater post publicam causam, ad meliorem frugem



» reversa, scandalizatam olim a se parochiam vitâ exem-  
 » plari multis ab annis aedificat. »

Neque obiiciatur scandalum oriri si, dispensatione indulta, Orator ad Sacros Ordines promoveatur: quandoquidem ex literis Ordinarii scet, Oratorem scripto promississe se, ad evitandum etiam scandali periculum, commoraturum fore aliquo tempore in aliena Dioecesi, usque dum Ordinario non placuerit illum in Dioecesim originis revocare.

Cum igitur causae in themate praesto sint ad dispensationem concedendam, cum periculum scandali, si forsitan adsit, removeri facile possit, cum pariter Ordinarius commendet Oratorem tamquam gratiae dignum, rationabile videtur preces Oratoris favorabili responso dimittendas esse, praecipue quia a s. Congregatione iisdem in casibus maxime attendi soleat Episcopi votum.

Quibus praenotatis, quaesitum fuit quomodo preces Oratoris dimittendae essent.

RESOLUTIO. Sacra Congregatio Concilii, re discussâ, die 19 Ianuarii 1884 respondit:

*Attentis etc. pro gratia dispensationis et habilitationis ad suscipiendos Sacros Ordines usque ad presbyteratum inclusive, facto verbo cum S.Smo.*



**LITTERAE in forma Brevis SSmi D. N. LEONIS XIII ad R. P. Iosephum Pothier, Monachum Congregationis Benedictinae Solesmensis quoad librum Gradualement cantus Gregoriani ab eodem exaratum. (1)**

**LEO PP. XIII.**

*Dilecte Fili Religiose Vir,  
Salutem et Apostolicam Benedictionem.*

Redditum fuit Nobis a Ven. Fratre Nostro Iohanne Baptista Cardinali Episcopo Tusculano opus musicae a vobis in lucem editum, tum propter illa quae spectatissimus Vir nobis significavit, libenti gratoque animo accepimus. Agnovimus enim, Dilecte Fili, vos solertem operam dedisse explicandis et illustrandis veteribus musicae sacrae monumentis, omnemque diligentiam adhibuisse, ut illorum accuratam rationem et formam, ex antiquis lucubrationibus a maioribus vestris magna cura servatis, artis musicae cultoribus exhiberetis. Hac in re, Dilecte Fili, non solum laudandam ducimus industriam vestram, quae in opere difficultatis et laboris pleno plurium annorum curas insumpsit, sed etiam egregiam voluntatem vestram erga Romanam Ecclesiam, quae genus illud Sacrorum centuum, qui S. Gregorii M. nomine commendantur, magno semper in honore habendum iudicavit. Quapropter Nos impense cupimus ut hae Nostrae litterae vobis sint testes commendationis, qua praeclara studia vestra historiam, disciplinam, decus musicae sacrae spectantia tanto magis prosequimur, quo magis adversorum temporum asperitatem eluctantes, honori religionis et Ecclesiae strenue famulari contenditis. Adprecantes autem clementissimum Deum ut virtutem vestram sua potenti gratia roboret, quo in dies magis lux eius luceat coram hominibus, Apostolicam Benedictionem in auspiciis coelestium munerum et in pignus paternae Nostrae dilectionis, Tibi,

(1) Statim ac in lucem prodierunt primae Litterae per gallicas ephemerides, quae plurimi sibi suadere studuerunt, SSmum Patrem per has probavisse liturgicum cantum, quem in suo Graduali libro exposuerat P. Pothier; tamquam excerptum a veris et genuinis s. Leonis Magni documentis. Sed vana suasio haec fit per alteras, quibus solemniter declaratur, librum Gradualement

Patris Pothier laudibus elatum fuisse permaximae eruditionis gratia quoad vetustam musicam sacram; sed pleno in suo robore permanere pontificis dispositiones quibus S. Ritu Congregationi commissum fuerat ut curaret, editionem cantus liturgici gregoriani, quae iamdiu confecta fuit Ratisbonae. Habes huiusmodi dispositiones Vol. X pag. 157, Vol. XI pag. 288, Vol. XV, 507 har ephemer.

Dilecte Fili, cunctisque religiosis sodalibus tuis peramanter in Domino impertimus,

Datum Romae apud S. Petrum die 8 Martii an. 1884, Pontificatus Nostri Anno Septimo.

LEO PP. XIII.

**Dilecto Filio Religioso Viro Iosepho Pothier O. S. B. Solesmes in Gallia.**

LEO PP. XIII.

*Dilecte Fili Religiose Vir,  
Salutem et Apostolicam Benedictionem.*

Quamquam Nos ad tuam epistolam rescribentes quam die 24 Decembris anno superiore dedisti, in tua tuorumque industria commendanda quam explicandis et illustrandis veteribus musicae sacrae monumentis attulisti opus Gradualis a vobis editi unice spectaverimus, tamquam opus ad historiam et disciplinam seu scientiam musicae sacrae pertinens et eruditionis gratia institutum uti ex Nostris litteris patet, tamen ne litterae illae occasionem falsis interpretationibus praebeant, Tibi dilecte Fili, significandum in praesens censuimus, Nos in iisdem litteris ad Te datis non eam mentem habuisse ut vel minimum a Decreto per Congregationem Nostram Sacris Ritibus praepositam die 10 Aprilis anno superiore auctoritate nostra vulgato, cuius initium « Romanorum Pontificum sollicitudo » recederemus, nec consilium Nostrum fuisse opus Gradualis Nobis oblato ad Liturgiae sacrae usum approbare, quam in rem opus ipsum accurato examini memoratae Congregationis ut moris est Apostolicae Sedis in huiusmodi negotiis, necessario fuisset subiiciendum. Hac mente Nostra Tibi significata qua memorati Decreti vim firmam ratamque esse decernimus, Apostolicam Benedictionem in pignus paternae dilectionis, et in auspiciis caelestis praesidii Tibi tuisque, Dilecte Fili, peramanter in Domino impertimus.

Datum Romae apud S. Petrum die 3 Maii an. 1884 Pont. Nostri Anno Septimo.

LEO PP. XIII.

## EX S. CONGREGATIONE CONCILII



## ALBIEN.

## SUSPENSIONIS.

*Die 1 Septembris 1883 et 19 Ianuarii 1884.*

COMPENDIUM FACTI. Oborta quadam controversia inter Parochum M. Dioecesis Albiensis, et fabricae Ecclesiae administratores, Archiepiscopus occasione capta visitationis Dioecesis, eidem finem imponere curavit. At res ad optatum effectum perduci non potuit. Quandoquidem Parochus nimis aegre ferens novam electionem trium administratorum, omnem lapidem movit, ut eam impediret et electionem aliorum trium promoveret; quod cum obtinere non posset ita impedire illam curavit, ut iuxta leges gallicas ad Archiepiscopum devolveretur.

Hic vero cum nihil haberet contra tres priores administratores, decreto suo eos iterum designavit, atque Parocho imposuit decreti promulgationem. Verum Parochus Archiepiscopi mandatis obtemperare renuens, modo subreptitio a Vicario generali aliud obtinuit decretum, priori oppositum, quod deinde inter Missarum solemnias, non sine populi summa admiratione, evulgavit, non obstante etiam prohibitione facta ab ipso Vicario post deceptionis cognitionem.

Huius inobedientiae causa vehementer dolens Archiepiscopus, Parocho denegavit confirmationem novorum administratorum, eidemque iterum imposuit prioris decreti promulgationem. Attamen hisce novis iussionibus Parochus non solum restitit, verum etiam audacior factus, mandavit thesauri custodi, qui exclusus fuerat, ut rationem redderet anteactae gestionis, ipsoque reluctante, in ius rapuit coram civili tribunali.

In posterum plura idem Parochus peregit, quae Archiepiscopo haud arriserunt. Quapropter remoto prius Parocho ab excipiendis confessionibus quarumdam Monialium in Paroeciae finibus existentium, utpote quae nolebant amplius eisdem peccata sua confiteri, nec non alibi translata, ad instantiam Parochorum districtus ecclesiastici, sede suarum collationum, eo quod nollent accedere ad Paroeciam Parochi M. Archiepiscopus cupiens tandem aliquando finem imponere scandalis in ipsa Paroecia enatis, iussit canonicum processum confici in Curia contra Parochum eundem.

Instituto igitur tribunali iuxta leges synodales Dioecesis Albiensis, receptisque denunciationibus et depositionibus, unica peremptoria citatione diei 25 Iunii 1882 vocabatur Parochus M. coram ecclesiastico tribunali, ut se defenderet a variis imputationibus quoad modum agendi cum suis paroecianis, qui aegro animo tolerabant eundem esse parochum.

Attamen Parochus statuta die loco defensionis, ante litis initium libellum obtulit recusationis iudicis, et ad s. Sedem appellavit. Hac vero recusatione non obstante, tribunal Curiae, iterum rogato Parocho ad comparendum die 18 Iulii, eoque renuente et reclamante, eadem die sententiam eidem inimicam tulit, per quam privatus fuit titulo Vicarii foranei, cum omnibus eiusdem tituli praerogativis, facultate verbum Dei praedicandi, et sacramenta administrandi per quindecim annos.

Ab hac sententia Parochus recursum habuit ad S. C. C. petens ut nulla declararetur sententia, et ut appellatio servaretur etiam in suspensivo. Et simul ac rescivit suam appellationem servatam esse in suspensivo, gaudio repletus, talia edidit laetitiae signa, ut populus scandalo afficeretur. Archiepiscopus omnia retulit s. C. Congregationi; quae eidem rescribens iussit iniungere Parocho, *ut ob scandalum fidelibus oblatum per publicas laetitiae demonstrationes, perageret exercitia spiritualia diebus octo in aliqua pia domo, determinanda ab ipsomet Archiepiscopo, qui graviter moneat insuper eundem Parochum ut a similibus abstineat sub comminatione suspensionis a divinis.* »

## Disceptatio Synoptica.

DEFENSIO PAROCHI. Affirmavit orator esse in iudicio Curiae vitia nullitatis, et iniustitiae. De vitio nullitatis dubitari non posse, ait, quia ordo iudiciarius servatus non fuit; qui omnino servandus erat non modo in forma sed etiam in censura, quoties utraque grave afferat detrimentum. Van-Espen *Ius. Eccl. de censuris eccl. num. 10* - ibi - « Et » quidem, sicut beneficiatus a suo beneficio deponi, aut in » eius pacifica possessione impediri vel turbari nequit, nisi » ex iusta et canonica causa et servato iuris ordine, ita » nec a functionibus, beneficio adnexis suspendi potest, nisi » iusta de causa ac servato iuris ordine: sive haec suspensio infligatur per modum poenae, sive per modum censurae: quandoquidem tam per unam quam per alteram » beneficiatus in possessione sive exercitio sui beneficii impediatur seu turbetur. »

Atqui iudicarium ordinem frustra in causa requiri ait orator: nihil aliud enim inveniri potest quam accusatio et sententia sine praevia iudiciali inquisitione, et probationibus. Dies reo dicitur: hic declinatoriam exceptionem opponit. Prius de hac exceptione decernendum erat, deinde de principali causa disputandum. At una eademque illa die decima Iulii reus sistit, iudex exceptionem reiicit ac sententiam profert etiam in causa principali, postridie vero reo nuntiat se super accusationibus iam sententiam dedisse, eumque vocat non ut se defendat, sed ut audiat sententiam. Siccine - quaerit orator - iuris ordine servato, proceditur ut parochus quousque vivat ab officio deiiciatur?

Neque obiicere iuvat agi in themate de vera suspensione, quae omnino differt a privatione: nam suspensio quindecim annorum, inflictæ seni quatuor supra sexaginta annos nato, adimit officii munus, ex quo complectatur omne reliquum vitae tempus: et suspensio haec, ratione aetatis, equiparari potest privationi. Iuxta hanc sententiam Lucidi

*de Visit. ss. ll. tom. 1. cap. 3 n. 265 edit. 1883 ait, definitas fuisse duas causas, inibi summatim enucleatas; ex quibus constat esse S. C. Concilii praxim, ut suspensiones perpetuae, quae sunt merae privationes non ferantur, nisi praemissis monitionibus, aliisque solemnitatibus ad mentem Trid Sess. 21 cap. 6.*

Verumtamen Albiensis Curiae in hoc iudicio non exhibuit nec monitiones, nec probationes; dum pia Mater Ecclesia iuris rigorem moderando numquam plecti patiatur, nisi paterna monita et charitatis consilia praecesserint. Omnem autem defuisse legitimam probationem patet; nam testimonium vicarii adiutoris omnino spernendum est, quia vicarius agit personam accusatoris ad captandam paroeciae successiorem potius quam testis.

Insuper actus ille, cui quamplurimi cives Archiepiscopi gratia subscripserunt, nihil certum ac definitum de singulis accusationum capitibus complectitur: et maiore testium numero eliditur qui pro parcho dixerunt. Praeterea sive haec, sive alia quae a Rmo Archiepiscopo in medium proferentur insanabilem iudicii nullitatem purgare nequeunt. In poenali enim iudicio testium *nomina* atque eorum *testimonia* edenda sunt, *iudiciali ritu* exploranda, ac praesenti reo ante omnia subiicienda, ut ille exceptiones afferre, testes in contrarium producere, ac se defendere valeat. Gregorius Pontifex *in cap 2 de testibus* §. *Et hic*; Schmalzgrueber *par. 3 tit. 20 num. 82*; Rota *in dec. 103 cor. Mantica num. 1 seqq.* - ibi - « fuit conclusum testes inductos ad probandum conclusiones propositas pro parte etc. nullam fidem » facere, quia cum pro informatione Curiae in causa criminali fuerint examinati, parte non citata, non solum » non probant in hoc iudicio civili, sed neque etiam in criminali, nisi servatis servandis fuerint repetiti. » Qua de causa nihil proficit secreta inquisitio ab Ordinario peracta; dum non probatur quod sententiam praecesserit; insuper inquisitio haec parcho incognita fuit. Sed petiit defensor, quanam testes, quaenam et quomodo deposuerunt? Omnia la-

tent. Poterat quidem Curia per secretam inquisitionem vadium prudentiae causa tentare antequam accusationem et iudicium aggredere: sed cum poenale iudicium institueret, vel ipsos testes vel alios iudiciali ritu expendere debuisset, quod cum omiserit, omnia nullitate laborant.

Neque Curiam obiicere posse contendit se antequam sententiam ferret, parochus diem dixisse ut se defenderet: hunc autem defensionem nuntium misisse quia ad Sanctam Sedem provocans iudicem declinavit. Primo enim Curia ipsa hanc parochus necessitatem fecit, ipsum ad se defendendum appellans qui se defendere non poterat, cum accusationis fundamenta ignoraret. Praeterea antequam reus se defendat, probationis onus in accusatorem incumbit, qua deficiente, reus respondere non debet. Ante igitur quam Curia parochum ad respondendum vocaret, legitima inquisitio indicenda atque ineunda erat, parochus praesente, ut omnia nosceret et probationes probationibus opponeret, prout iussit Innocentius III *in Concilio generali cap. Qualiter 24 de accusat.* « Debet igitur esse praesens is contra quem facienda est inquisitio, nisi se per contumaciam absentaret, et exponenda sunt ei illa capitula de quibus fuerit inquirendum ut facultatem habeat defendendi se ipsum, et non solum dicta sed etiam nomina ipsa testium sunt ei (ut quid et a quo sit dictum appareat) publicanda. »

His de nullitate expositis, de iniustitia disseruit parochi defensor, quam non minus evidentem censuit. Ex iure enim notissimo ad poenam suspensionis ad quindecim annorum lapsum productam gravia crimina requiruntur; Pignatell. *Consult. canon. to. 10 cons. 10 num. 4*; Benedictus XIV *de Synodo lib. 7 cap. 44 num. 3* - ibi - Suarez *de censuris disp. 4 sect. 4 num. 7*; Vasquez *in l. 2 disp. 158 num. 49*; Layman *lib. 1 etc.* docent suspensionem a divinis seu ab officio et beneficio ad longum tempus, atque interdictum, etiam personale, nisi parziale sit, sed interdictum et totale, nec valide propter culpam levem, nec prudenter lethalem quae gravioribus non adenseatur, ir-



» rogari. Quamvis igitur Episcopus ordinariam potestatem  
 » habeat ferendi censuras, easque in suarum constitutiones  
 » transgressores decernendi, non tamen expedit ut hunc  
 » suae potestates gladium exerat, nisi ad coercenda gra-  
 » viora crimina. »

Postea Curiae incriminationem expendit, atque alias ac-  
 cusationes in iudicio reperiri contendit, alias in literis, at-  
 que omnino extra iudicium. Iudiciales accusationes ex prima  
 ad sextam nil aliud respiciunt quam vel iniuriosa verba vel  
 contumelias quibus parochus factiosas ac turbulentas mulier-  
 culas affecisset. Octava parochum redarguit quod portam  
 cuiusdam sacelli accludi postulaverit. Decima quod fervente  
 iudicio dixerit: archiepiscopalis Curia *ignaviter* me timet!  
 Undecima quod cunctis molestum se praebuit per suas agen-  
 di rationes abnormes. Haec omnia vero, ait defensor, facili  
 modo queunt commentitia demonstrari. Unum adiecit: quod  
 huiusmodi accusationes etsi verae essent, vel ad monendum  
 vel ad obiurgandum, vel ad levissimam forte poenitentiam  
 sufficienter, minime vero ad eam suspensionis poenam infli-  
 gendam, quae in parochi aetate privationi aequiparatur.

Silentio demum se omittere non posse, ait, atrocissi-  
 mum crimen, quo presbyter notatur scilicet quod haereticis  
 faveat. Respondendum scilicet sibi censuit non ex necessi-  
 tate, quia accusatio haec incredibilis inter iudicii capita non  
 continetur, atque in literas coniecta est; sed ad honorem  
 vindicandum. Illa quidem ab accusatore ipso repudiatur qui  
 si veram putasset, in iudicii momentis non omisisset. Sed  
 quomodo, ait, responderi poterit, cum Archiepiscopus nihil  
 probet? De sacerdote agitur qui in ministerio consenuit, ac  
 maxima cum laude semper officio perfunctus est, ceu pluri-  
 mi testes asserunt. Concluserit igitur quod pleraque accusa-  
 tionum capita tam levia sunt ut, etsi probarentur, longae  
 suspensionis poenam non admitterent: tria vero graviora  
 qualibet probatione destituuntur: atque ideo et nullitate pa-  
 riter et iniustitia albiensis Curiae sententia corrui.

DEFENSIO CURIAE. In primis enim quoad priorem partem

ipsius sententiae, qua nullius valoris declaratur recusatio iudicis a Parocho M. facta, observari potest notissimum esse in iure quod exceptio a reo obiecta, nisi probetur, inefficax censeatur sive ad forum declinandum, sive ad declinandum iudicium, sive ad illud differendum, quia exceptio non probata impune spernitur *L. In exceptionibus 19 ff. L. Agere et sequenti 1 et 2 ff. de except.* Iamvero in casu Parochus M. licet dixisset se iudicem recusare, quia sibi suspectum ob plures et graves causas, tamen nullam huius suae assertionis probationem dedit, nullum speciale factum praebuit ex quo inimicitia deduci potuisset. Merito igitur tribunal Curiae reiecit Parochi recusationem.

Neque dicatur, iudicem allegatum uti suspectum, non posse sententiam ferre a seipso super suam recusationem, sed potius arbitros constituere debere. In primis enim huic accusationi in casu occurrit ipse Vicarius generalis aiens: culpa ipsius Parochi esse tribuendum si arbitri haud constituti fuerunt. Praeterea animadvertendum occurrit quod iudex recusari non possit ex qualibet causa recusanti benevisa, sed ex iusta, legitima et rationabili tantum causa, Pacian. *de probat. lib. 2 cap. 45 num. 42*; Farin. *dicto verbo iudex n. 805*; hinc, ut observat idem Farin. *num. 806*, « quando iudex recusatur ex causa suspicionis notorie » frivola et frustratoria, tunc potest reiici a iudice recusato, et ea non obstante ad ulteriora procedi, absque eo » quod arbitros eligat. »

Porro frivolum et frustratorium fuisse recusationem a Parocho M. obiectam, nemo est qui non videat. In primis enim Parochus habere praesumpsit ius recusandi Vicarium generalem, qui iudex erat in causa, ob inimicitiam personalem, quam fovere censuit Archiepiscopum contra ipsum. Iamvero inimicitia personalis non potest extendi ab una ad aliam personam. Eo vel magis in casu cum Archiepiscopus fateatur nullam in processu partem habuisse.

Sed insuper neque dici verosimiliter potest Archiepiscopum parochum M. adversari ex eo quod pluries in eum ani-

madverterit, quia hoc non fecit ex malo animo et odio, sed ex proprii officii necessitate. Ita revera si idem Archiepiscopus alium confessarium monialium loco Parochi deputavit, et alibi transtulit sedem collationum parochorum districtus, hoc fecit ad eorundem instantiam. Iamvero si ex hisce rebus liceret inimicitiam Superioris arguere, facile omnes possent Superiorum auctoritatem declinare, eos tamquam suspectos recusando. Ceterum Parochi M. potius amicus dici debet Archiepiscopus quum eum per quatuor annorum spatium toleraverit. Frivolae igitur cum sint causae recusationis a Parocho allatae, merito contemptae fuerunt a tribunali ecclesiastico. Reiecta vero Parochi recusatione sponte sua sequebatur reiiciendam esse etiam interpositam appellationem.

Concilium enim Tridentinum in *Sess. 24 cap. 20 de Reform.* expresse statuit ut « causae omnes ad forum ecclesiasticum quomodolibet pertinentes. . . in prima instantia coram Ordinariis locorum dumtaxat cognoscantur. . . nec antea aliis committantur, nec avocentur, neque appellationes ab eisdem (partibus) interpositae per superiores quoscumque recipiantur, eorumque commissio aut inhibitio fiat, nisi a definitiva vel a definitivae vim habente, et cuius gravamen per appellationem a definitiva reparari nequeat. »

Hoc autem speciatim repetit in *Sess. 13 cap. 1 de Reform.* pro causis criminalibus et habilitatis vel inhabilitatis. Ibi enim postquam Episcopis tradiderit onus invigilandi super moribus et agendi ratione subditorum, eosque puniendi, ubi necessarium invenerint, praevidens reos criminum plerumque ad evitandas poenas et Episcoporum subterfugienda iudicia, querelas et gravamina simulare et appellationis diffugio iudicis processum impedire, ne remedio ad innocentiae praesidium instituto ad iniquitatis defensionem abuterentur, statuit et decrevit ut « in causis visitationis et correctionis, sive habilitatis et inhabilitatis: nec non in criminalibus, ab Episcopo seu illius in spiritualibus Vicario

» generali ante definitivam sententiam ab interloquutoria  
 » vel alio quocumque gravamine non appelletur, neque Epi-  
 » scopus seu Vicarius appellationi huiusmodi tamquam fri-  
 » volae deferre teneatur, sed ea. . . non obstante, ad ulte-  
 » riora valeat procedere. » Iure suo igitur usus est Vica-  
 rius quando una cum recusatione reiecit et appellationem a  
 Parocho M. interpositam.

At non solum prior, verum etiam altera sententiae pars, quae meritum attingit, confirmanda videtur. Sane Concilium Tridentinum *Sess. 21 cap. 6 de Reform.* Episcopis mandavit ut procederent etiam tanquam Apostolicae Sedis delegati, contra imperitos parochialium ecclesiarum rectores, etsi honestae vitae sint. Monet hinc Barbosa in *Collectanea Doctorum ad cit. cap. Con. Trid. num. 4*, quod Episcopis huius praescripti ratione ex munere incumbit explorare peritiam Rectorum, curam animarum exercentium, quia praeter honestatem morum in ipsis requiritur sufficiens ad recte obeundum tantum munus, quod iura vocant artem artium *cap. Cum sit de aetat. et qualit., Rota dec. 23 num. 2 in princ. apud Farinac. p. 1 in posthum.* Quamobrem huiusmodi Concilii decretum non permissionem continere ait, sed praeceptum sub mortali obligans.

Iamvero, sub imperitorum et illiteratorum nomine in casu venire videntur non solum qui *speculativa*, sed etiam, ex paritate rationis, qui *practica*, ut aiunt, scientiâ carent; qui nimirum vel ob experientiae aut culturae defectum aliamve causam habiles non sunt rebus, eâ qua par est prudentiâ et consilio, gerendis; seu uti generali loquutione agit Concilium de his *qui sacris minus apti sunt officiis.* « Im-  
 » periti, prosequitur Barbosa loco citato, ad hunc effectum  
 » dicuntur illi, qui inhabiles sunt ad exploranda ea, quae  
 » incumbunt muneri ac oneri beneficii, quod habent, et se-  
 » cundum dignitatem, statum et officium ad quod assumun-  
 » tur. » Si igitur Episcopis constet, aliquem Parochum talis imperitiae et inhabilitatis esse, non solum possunt, sed imo debent contra ipsum procedere eundemque a curae exer-

citio sive in temporalibus sive in spiritualibus suspendere, quod reapse confirmatum fuit a S. C. C. in *Taurinen. Suspensionis 2 Iulii 1855.*

Res igitur cum ita sint, prono alveo fluit, sententiam Curiae sustinendam esse. Dubitari enim non potest de sententiae veridicitate, tum quia innititur plurimorum testimonio; et nota est regula qua docemur, in qualibet causa ad legitimam probationem plenamque fidem faciendam satis esse duos testes probatae vitae, omnique exceptione maiores *L. Ubi numerus de test. et attest. Can. Si teste §. Ubi numeris quaest. 3 Cap. Licet univ. de test. et attest. Reiffenstuel lib. 2 tit. 20 eod. tit. part. 8 n. 331;* tum etiam quia in casu agitur de factis notoriis et publicis, quae non egent demonstratione, *Cap. 3 de test. cogend. Cap. 9 de accusat.*

Nec aliquid in contrarium probare valet subscriptio 512 Parochianorum, qui aut decepti fuerunt, aut erant aetate minores. Neque difficultatem facere potest id quod Parochus asserit; videlicet per spatium 40 annorum iugiter laudabiliter munia sua persolvisse. Siquidem, omisso quod Archiepiscopus de veritate huius assertionis dubitare videatur, certum est ex diversitate circumstantiarum atque temporum aliquando fieri posse, ut is qui in aliquo loco utilis fuit, deinde in alio minus utilis inveniatur, et ille qui antea habilis ac peritus fuit, tractu temporis, peritiam habilitatemque amittat. Praesumptio igitur, si quae adfuit favore Parochi M. cedere debet veritati factorum.

Alia insuper validissima suppetit ratio pro confirmatione sententiae Curiae, nimirum odium et aversio plebis: quae testimonio quamplurimorum, haud exceptis parochis circumstantibus, eo pervenit ut fideles Ecclesiam deserant, cum Parochus ad praedicandum aut ad alia explenda munera parochialia accedit. Iamvero quoties Parochi gravi de causa bonum animarum amplius non valent operari iuxta *Cap. 10 Propter malitiam de Rensunc.* et Tridentini sanctionem in *Cap. 6 Sess. 21 de Reform.* remotione vel suspensione eo-

rumdem, animarum regimini consulendum est. Cuius rei exemplo sunt resolutiones *in Derthonen. Reintegrationis in Paroecia 21 Iulii 1879; in Chamberien. eiusdem tituli 26 Iulii 1880* et aliis. Receptum quidem est apud S. C. C. parochum esse officio suo privandum propter odium et inimicitias parochianorum, si eae iustae et rationabiles sint.

Ceterum quamvis nec valide propter levem culpam, nec prudenter propter lethalem, quae gravioribus non accenseatur, poenam suspensionis irrogari moneat Benedictus XIV *de Synodo dioec. l. 10 cap. 1 n. 3*; attamen probe idem Pontifex, *seq. cap. 3* perpendit, contingere posse ut res, quae in se spectata levis esse videtur, gravis ob adiunctas circumstantias appareat; quo quidem in casu censuris, si alius non suppetat modus, uti licet Episcopo.

Post haec frustra Parochus lamentatur quod non habuerit monitiones. Omisso enim quod loco monitionum stare poterant anteriores animadversiones, quas ipse ab Archiepiscopo antea habuerat, quando censura consideratur uti poena, monitiones possunt omitti, ut communiter sentiunt DD. Barbosa *Cap. Romana de sent. excom. in 6*; Schmalzgr. *in Decr. lib. 5 tit. 39 n. 30*; Reiffenst. *eod. tit. num. 28*; Monacell. *Formul. leg. Part. 3 tit. 2 form. 8 n. 21*, Pignatell. *tom. 10 cons. 162 num. 1, 16, 17*.

At non solum quoad *intrinsicum* verum etiam quoad *extrinsicum* sustinenda videtur Curiae Albiensis sententia, quia iuris communis sanctioni conformis. Sane inquisitione super imputationibus a Promotore peracta, institutoque tribunali iuxta synodales leges, reus peremptorie citatur ut se defendat; contumax, iterum vocatur; verum denuo inobediens punitur per prolationem definitivae sententiae. Reus enim contumax ob inobedientiam, habetur pro praesente in suum praeiudicium *auth. qua in provincia §. eo autem C. ubi de crim. ag. oport.*, et pro confesso secundum quod ei magis praeiudicii est, *L. de aetate 11 §. qui tacuit 4 ff. de interrog. et ius facien.*, Schmalzgr. *Tom. 2 P. 2 tit. 14 n. 54*.

Iusta igitur rectaque cum sit quoad *intrinsecum* et *extrinsecum* sententia tribunalis Curiae albiensis, sponte sua fluit eam esse omnino confirmandam.

Hisce itaque breviter perpensis, sequens propositum fuit enodandum

### Dubium

*An sententia Curiae Archiepiscopalis albiensis, diei 18 Iulii 1882, sit confirmanda vel infirmanda in casu.*

RESOLUTIO. Sacra C. Concilii re cognitâ sub die 1 Septembris 1883 respondit:

*Dilata et ad mentem Domino Secretario panditam.*

CAUSAE PROSECUTIO. Mens s. Congregationis fuit ut Archiepiscopus curaret inducere Parochum ad paroeciam vel permutandam, vel dimittendam cum assignatione aequae pensionis. Antistes mandata faciens dedit parochi optionem inter pensionem libellarum 1200 et aliam paroeciam, alteri praefendam.

Attamen parochus, reiectâ paroeciâ oblatâ, utpote quae inamovibilitate non gauderet, pensionem praetulit quam tamen ut extolleretur petiit ad libellas 2150, cum conditione, *sine qua non*, ut sibi in posterum relinqueretur libera facultas concionandi et recipiendi confessiones, veluti ac si parochus adhuc existeret.

Archiepiscopus renuit augere oblatam, pensionem, quae, ait sufficere potest parochi, qui aliunde fortunae bonis haud caret. Noluit pariter aliam eidem conferre paroeciam inamovibilem, ut facilius medela afferri posset, quatenus parochus in nova paroecia veterem agendi rationem sequeretur. Qua de re quaestio in eodem statu permansit; et idem denuo enodandum propositum fuit

### Dubium

*An Sententia Curiae Archiepiscopalis albiensis, diei 18 Iulii 1882 sit confirmanda vel infirmanda in casu.*

RESOLUTIO. Sacra. C. Concilii, sub die 19 Ianuarii 1884, iterum discussa quaestione, censuit respondere: « *Sententiam esse confirmandam iuxta modum: nempe cohibita suspensione ad annum tantum.* »

EX QUIBUS COLLIGES :

I. Quum invitus reus in iudicium rapiatur, ideo oportet eum vocare ad iudicem, cui ius est eum vocandi et cogendi: sive vocandus est reus ad iudicem proprium, qui in reum habeat iurisdictionem.

II. Dari tamen ex iure, etiam reo arma ad se defendendum; quia hic uti valet exceptionibus ad iudicem declinandum, vel iudicium differendum.

III. Reum declinare posse iudicem; duabus ex causis: nempe uti incompetentem aut illegitimum vel quia suspectus sit ex gravibus inimicitiis cum ipso reo; sed onus reo incumbit formiter probandi, eiusmodi exceptiones levi cui-libet haud inniti causae, sed legitimae et rationabili; aliter exceptio reiicitur a iudice recusato.

IV. In themate leves, et probatione carentes fuisse exceptiones iudicis declinatorias visum est: hinc iure suo usus est iudex reiiciendo exceptionem et appellationem a parochio interpositas.

V. Ex Tridentino *Sess. 21 Cap. 6 de ref.* consulendum esse regimini animarum per remotionem aut suspensionem parochorum, qui gravi de causa bonum animarum amplius operari non valent.

VI. Ob inimicitias et odium parochianorum parochum officio suo privari iure posse, doceri a S. C. Congregatione per quamplurimas resolutiones.

VII. In themate, ex testium depositionibus, videri non posse dubitari de inimicitiis et odio quamplurimorum ex populo erga Parochum; cuius sacrum ministerium ita apud eosdem viluit, ut Ecclesiam desererent cum concionare inciperet.



## VENA FRANA

## IURIUM CANONICORUM HEBDOMADARIORUM

Die 19 Ianuarii 1884.

COMPENDIUM FACTI. In cathedrali Ecclesia venafra triplex distinguitur canonicorum ordo. Tres dignitates aliique Canonici, qui *praebendati*, fortasse ex pinguiori praebenda vocantur, primam classem efformant; alteram accessoriam constituunt Canonici qui *hebdomadarii* dicuntur; tertiam denique inferiorem ii Canonici complent qui *supranumerarii*, seu *expectantes* nuncupantur. Porro supranumerarii, quamvis Canonici vocentur, tamen ordinarium beneficiatorum seu portionariorum Collegium constituere videntur. De hisce enim hebdomadarii affirmant, semipraebendâ donatos esse, et aliarum ecclesiarum portionariis coaequandos; et Episcopus testatur eosdem in inferiori chori stallo sedere.

Vicissim ex primo canonicorum ordine ex praebendatis nempe et dignitatibus, Capitulum proprie dictum confici, stallum in choro et vocem in Capitulo plene habens, aliisque honoribus Capitulo propriis omnimode fruens, extra dubitationis aleam positum aequè videtur. Ast non ita de hebdomadariorum statu dicendum. Quamvis enim S. C. C. ad eundem definiendum non semel animum intenderit, et praesertim anno 1680 et iterum, XX propositis dubiis, anno 1746; tamen res undequaque definita non fuit, et hodie iterum quaestiones effervent.

Ex una parte enim constat hosce passim, in vetustis quoque documentis, vocari Canonicos, eorumque beneficium in pluribus, quae afferuntur, institutionis bullis, Canonicatum hebdomadarialem dici. Ipsorum autem officium, ex quo nomen assumpsisse videntur, in choro hoc esset: singulos per hebdomadam per turnum missam conventualem litare, et officium praecinere, saltem usque ad missam (controvertitur enim an teneantur usque ad officii finem): insuper solemn-

ribus festis omnes simul choro interesse; et dignitatibus celebrantibus, Diaconi et Subdiaconi ministerio fungi. Ex immemorabili pariter consuetudine ipsi in choro honoribus Canonicorum propriis cohonestantur, adeo ut non genu sed humeros Episcopo inclinent, eique coniunctim faciant coronam, pacemque a praebendatis successive absque ordinis distinctione accipiant.

Aliunde vero hebdomadarii qualibet voce in Capitulo carent: stallum quidem habent, sed utrum proprium et cum ceteris praebendatis par controvertitur: almutias ex antiqua consuetudine probata a Benedicto XIV habent, ast violacei coloris, dum rubras praebendati induunt. Insuper ad residentiam iuxta praescripta pro Canonicis in Sess. 24 cap. 12 Conc. Tridentini non tenentur. Ita ut, iuxta quidem antiquum morem, in quibus hebdomadis inservire debent, tunc quidem et ad effectum de quo agitur Venafri residere cogantur; non autem aliis anni temporibus. Distributiones ex massa capitulari non percipiunt, neque ipsas, quae pro extraordinariis processibus impenduntur, ceu definitum fuit in XIII dubio causae anni 1746. Sed neque onus habere videntur sibi constituendi massam propriam distributionum, ceu eruitur ex dubiis 19 et 20 eiusdem causae anni 1746.

Haec igitur omnia pernoscentes hodiernus Aeserniae et Venafri Antistes censuit hebdomadarios nonnisi nomine canonicos esse, ast honoribus canonicorum propriis quoad circum, reverentias et pacem cumulandos non esse. Orta exinde lite, alia quaedam dubitationum capita definiri Episcopus rogavit, quae in calce leguntur.

### Disceptatio Synoptica.

QUAE FAVENT HEBDOMADARIIS. Animadversum fuit pro istis militare factum, quod in Constitutionibus synodalibus anni 1591 appellantur canonici. Item in compluribus retroactorum temporum dioecesanis Synodis, Episcopalibus decretis, et Visitationibus (quorum acta in summariiis causarum anno 1680 et anno 1746 leguntur) canonicorum nomine

condecorati ipsi inveniuntur. Et consentiunt Ughellius *De Italia sacra*, et, quod magis est, S. C. C. in duabus causis superius allegatis, nec non plures Bullae Pontificiae in actis vel exhibitae vel citatae, praesertim vero Decretum Apostolici Nuntii in Regno Neapolitano, et Bulla Pii IX, quibus anno 1852 noviter erecta seu redintegrata est Venafrana sedes a Pio VII iam pridem extincta, et Capitulum seu Ecclesia, quae ad collegialem statum redacta fuerat, ad Cathedralis honorem restituta est. Etiam Episcopus quoad nomen ait: etsi aliquando nomen canonicorum illis denegatum fuerit, nunc autem a me et a Capitulo semper vocantur canonici.

Aequa pariter constantia hebdomadariorum praebendae in Literis Apostolicis et Episcopalibus decretis *Canonicatus* dicuntur. Et pluribus exemplis adductis demonstratum id fuit. Porro si hebdomadarii canonici eorumque praebendae *canonicatus* passim et constanter nuncupentur, et cum ordinario respondeant nominibus res, iam praesumendum est, quod hebdomadarii non nomine tenus, sed et re *Canonici* sint. Eo vel magis quod et alia concurrant indicia.

Et re sane vera hebdomadarii non genu, sed humeros coram Episcopo inclinant, eidemque faciunt coronam, et pacem a praebendatis successive accipiunt. Ex antiquissimo autem tempore id fieri consuevisse vetera documenta testantur, et species ipsa Venafranae causae anni 1746, nec non ipsum modernum Capitulum in relatione S. C. C. data.

Atqui S. Rituum C. in *Maceraten. 28 Sep. 1630* decrevit quod « soli canonici debent facere consuetos circulos ante Episcopum » -; et *Caerimoniale Episcoporum lib. 1 cap. 18 num. 3* quoad reverentiam praescribit ut « quoties ipsi Canonici transeunt directe ante altare vel ante » Episcopum, caput et humeros profunde inclinant: beneficiati et ceteri de clero genuflectere debent, transeundo, » tam ante altare quam ante Episcopum; » et in *cap. 24* quoad pacem decernit: « Regulare est, ut pax detur primo » cuiusque ordinis . . . qui successive pacem dat alteri sub-

› sequenti, et ille dat alteri. Postquam vero praedictus as-  
 › sistens pacem Dignitatibus et Canonicis ac Magistratui  
 › dederit, dabit eam alicui Acolycho vel Caeremoniario qui  
 › ceteris de choro distribuit. › Ideoque non genu sed hume-  
 ros flectere, circulum coram Episcopo facere, pacem succes-  
 sive a Capitularibus recipere, signa esse videntur, quod quis  
 in canonicorum numerum vere sit receptus: In facto igitur  
 cum istos honores hebdomadarii possideant iam indicium haud  
 aspernabile haberi videtur quod reapse canonici existant.

Ast non modo honores sed et munera canonicis exclusive  
 propria hebdomadariis competunt. Ipsi enim, quum digni-  
 tates celebrant, pro Diacono et Subdiacono ministrare tenentur. Porro S. Rituum Cong. in *Colonien. 31 Martii 1678* declaravit: « Canonico solemniter celebranti pro Diacono et  
 › Subdiacono inservire debere pariter Canonicos, non autem  
 › Capellanos, non obstante immemoriali contraria consue-  
 › tudine allegata. › Cuius rei ratio ea potest esse, quam  
 S. C. C. tradidit in *Segovien. 21 Iulii 1590*, ne scilicet  
 graduum et ordinum praerogativae in Ecclesia confundan-  
 tur. Ne igitur dicatur quod Venafri per tot saecula abusus  
 hic perduraverit, ut Dignitatibus celebrantibus alii Canonici  
 non ministrarent, affirmandum est quod hebdomadarii veri  
 Canonici sint.

Imo abusive non esse inolitum et observatum hunc ser-  
 vitii morem, argumentum forsitan est decisio data in Vena-  
 frana anni 1746, ubi propositis dubiis: « IV. An iidem hebdo-  
 › madarii teneantur praestare Ecclesiae Venafranae servitium  
 › chori cum habitu canonicali iisdem diebus, iisque functio-  
 › nibus, ac eodem modo, quo tenentur Dignitates et Cano-  
 › nici praebendati: Et quatenus negative: V. An et quomodo  
 › teneantur praestare servitium chori in casu. › S. C. re-  
 spondit: « Ad IV et V teneri tantum iuxta solitum, et  
 › amplius. › Tandem se habere stallum in choro ceu prae-  
 bendati, hebdomadarii veluti incontroversum affirmarunt, et  
 S. C. C. in parte expositiva Venafranae causae anni 1746  
 recognoscere visa est.

Sed et modus, quo hebdomadarii suarum praebendarum possessionem accipiunt, pro ipsis stare videtur: siquidem beneficii Collator verbis utitur *canonico hebdomadario stallo in choro, recipi in fratrem*: receptio in fratrem in actu possessionis clare innuit eiusmodi hebdomadarios esse veros canonicos, minime beneficiatos. Exemplum modi quo ista possessio capitur adstat in causa anni 1746; ubi Clemens XII mandat ut quidam Folgo immittatur in possessionem canonicatus hebdomadarii; et ut recipiatur in fratrem cum stallo in choro et loco in Capitulo ipsius Ecclesiae; cum iuris plenitudine assignati. Ex quibus omnibus igitur cum scilicet et nomen consentiat, et sive honores, sive munera, sive locus, sive modus capiendi possessionem Canonicis exclusive propria in hebdomadarios concurrant, iam dubitari non posse videtur, quod ipsi veri Canonici sint.

Ast parumper seposita quaestione an hebdomadarii veri Canonici sint, et inquirentes utrum saltem canonicalibus honoribus cumulari queant, videretur affirmandum. Sane quotidiana praxis, eaque satis vetusta, ceu meminit *Terracinen. seu Setina 19 Ianuarii 1788 §. 2*, docet alios praeter Capitulares admitti in choro posse, vestium, sedium et honorum canonicalium participes, qui ideo canonici de *honore*, seu *honorarii* vocantur. Idque legitime fieri tradunt post *Fagnan. Riganti ad reg. 52 Canc. Ap. n. 30*, et *S. C. C. in Fulginaten. diei 26 Februarii 1639*, et in *alia diei 16 Februarii 1788*, et in *Ianuen. diei 28 Ianuarii 1837*, aliaque *diei 5 Iulii 1867*.

Et quamvis canonicatus de honore, officio aut beneficio ordinarie non inhaereat, sed personae in signum decoris et ad vitam tribuatur, tamen repugnare non videtur ut aliquando honorarii canonicatus in perpetuum erigantur, ita ut qui officium aliquod vel beneficium assecutus sit, eo ipso canonicus de honore quoque evadat. Et huiusmodi canonicatum erectiones fieri optime posse innuit non modo *Tropien. die 22 Ianuarii* superioris anni coram *S. C. C.* exagitata ad §. *Ubi*, seu vetustior causa *Nicien. diei 29*

*Februarii 1744 ad §. 4.* In qua insuper traditum est, iuxta Zamboni v. *Canonicus honorar. t. 4 conclus.* neque praefinita, neque omnibus paria canonicis honorariis competere sed « ea tantum iura et honores obtinere eos posse, quae in » illorum canonicatum erectione concessa ac concordata » fuerunt. »

Quae cum ita sint difficultatem facessere haud videtur, si hebdomadarii in themate canonicales honores consequantur. Constat enim, et superius allata argumenta hoc saltem evincerent, quod ex remota antiquitate, vel certe a saeculo XV, uque in praesens, canonicales honores constanter ipsi obtinerint, aut, aliis verbis, quod canonici honorarii de facto extiterint.

Et quamvis quo titulo hoc ius hebdomadarios coetus possideat, praecise non doceatur, utrum nempe ex primaeva hebdomadariatus erectione, aut ex subsequenti Apostolico privilegio, recolendum tamen est quod heic praesto sit consuetudo quater ferme centenaria, quin potius immemorialis, quae iuxta DD. praebet « meliorem de mundo titulum et » praesumere etiam facit Apostolicum privilegium etiam in » actibus Ecclesiae praeiudicium divinique cultus decremen- » tum inferentibus » ut post Urbanum VIII in *const. Romanus Pontifex*, Barbosa de *pot. Episc.*, alleg. 25, n. 72. Ideoque arctius valere debet in themate, ubi consuetudo Ecclesiae decori et cultus divini incremento consulere potius videtur.

Quod si demum urgeatur Caeremonialis Ep. lex quae adversas consuetudines inolescere non admittit, quaeque contra hebdomadarios stare iudicetur, responderi potest, S. Rituum C. in una *Hispaniarum 11 Iunii 1605* declaravisse: « Caeremoniale Ep. non tollere immemorales et laudabiles » Ecclesiarum consuetudines » et in *Elboren. 17 Iunii 1606*: « Decretum diei 11 Iunii 1605 in una *Hispaniarum* . . . » habet locum in omnibus locis Christianitatis ».

Relatè ad secundum dubium aqua et iuris congrua hebdomadarios petitio videtur: superius enim allegata argu-

menta luculenter evincunt non modo non debere, sed nec posse eos, qui canonici non sunt, ministrari pro Diacono et Subdiacono, cum Dignitates aut Canonici celebrant.

Quoad onus vero missae conventualis cum Bened. XIV in celebri Const. *Cum semper oblatas* conventualem missam per turnum quotidie celebrandam esse a canonicis aliisque choro addictis statuerit, videant EE. PP. utrum huic oneri unice ab hebdomadariis satisfaciendum sit tum praesertim cum ipsi canonici esse negentur.

Ad tertium dubium haec recolenda occurrunt. In Venafrana anni 1746 proposito dubio: « VI. An iidem hebdomadarii teneantur in suis respective hebdomadis non solum » missam conventualem canere, sed etiam in officio hebdomadriorum assistere omnibus horis Canonicis usque ad » Completorium inclusive . . . » S. C. C. respondit - « Ad VI » et VII iterum proponatur. » Siquidem in actis reperiebantur depositiones in quibus asserebatur hebdomadarios in chorum post missam redire non consuevisse.

Neque post causam anni 1746 hebdomadarios in chorum post missam rediisse constat. Isti ad hoc evincendum litteram quamdam Episcopi Rossi, huic S. C. datam sub die 22 Ianuarii 1748, adduxerunt, in qua Episcopus testatur; « Quo » vero ad solitum, ipsos canonicos hebdomadarios choro in » servisse reperi, et unum ipsorum semper interfuisse eidem » choro usque ad *Pretiosa*, deinde Missam canebat, qua pe » racta, numquam choro rediisse. » Hodie igitur, quaerente Episcopo, utrum hebdomadarii usque ad finem officii in choro permanere debeant; cum consuetudo videatur oneri contraria, iam pro libertate standum esse videretur ex noto principio *Non est imponenda obligatio, nisi de ea certo constet.*

Circa ultimum dubium necesse est attendere ad ea quae S. C. C. decrevit in Venafrana anni 1746 sub dubiis XIX et XX. in quibus punctaturas non admisit, neque iussit massam constitui per hebdomadarios.

QUAE ADVERSANTUR HEBDOMADARIIS. Ex adverso autem considerari oportet, S. C. C. in causa anni 1746 ad I Du-

bium: « *An Canonici hebdomadarii Ecclesiae Venafranae perfrui debeant iure canonicae et partem constituent Capituli in casu* » respondisse: « *Ad I negative et amplius.* » Ex quo satis superque constare videtur hebdomadarios non esse canonicos: tales enim non intelliguntur, qui nec iure canonicae perfruuntur, nec partem Capituli constituunt. In pleniorum cuius rei intelligentiam non parum conferunt quae habet Ferraris *v. Canonicatus, num. 1*: « *Canonica, vulgo* »  
 » *Canonicatus, est ius spirituale quod provenit ex electione*  
 » *seu receptione alicuius in Fratrem, seu Canonicum . . . .*  
 » *Hoc autem ius spirituale, quod praebet Canonica, consistit*  
 » *primo in iure habendi in choro sedem, vulgo stallum, et*  
 » *vocem in Capitulo. Secundo consistit in hoc, ut quam pri-*  
 » *mum facultas sese obtulerit, Canonico eandem Canoniam*  
 » *legitime obtinenti, etiam conferatur Praebenda, seu com-*  
 » *petens portio fructuum canonicalium; c. Relatum 9 De*  
 » *praebend. - ibi - Quia non est congruum ut praebenda*  
 » *careat qui in canonicum nascitur esse receptus.... - Si quis*  
 » *simpliciter in Canonicum receptus fuerit antequam reditus*  
 » *canonicales eidem assignentur, dicitur habere Canoniam,*  
 » *hoc est Canonicatum, nondum vero praebendam. Siquidem*  
 » *praebenda ulterius importat ius ad percipiendos fructus*  
 » *annuos Canonicae.... unde qui habet utrumque is Canoni-*  
 » *cus praebendarius appellatur. »*

Insuper nomen ipsum contra eos clamat; ceu legitur ad rem in novis additionibus ad Ferraris *v. Portionarius n. 1*: « *Sunt in Cathedralibus et Collegiatis beneficiarii qui alibi* »  
 » *portionarii, alibi mansionarii, alibi hebdomadarii, et alibi*  
 » *aliter nuncupantur . . . Hi beneficiarii non veniunt no-*  
 » *mine capituli, neque stallum in choro, neque vocem in*  
 » *capitulo habent. »* Et ita reapse in proximo Neapolitano Capitulo hebdomadarii simplices beneficiati sunt.

Adde quod hebdomadarii Venafranae Ecclesiae qualibet voce in capitulo carent, et proprium stallum non habent. Et quamquam ex angustia chori, hebdomadarii sedeant in primo ordine cum praebendatis; isti tamen occupant stalla



prima cum aliqua distinctione qua hebdomadarii non fruuntur. Et si consulatur folium causae anni 1680 inveniri poterit, hebdomadarios fassos tunc fuisse, ad effectum quidem evadendae legis de residentia, se non habere nec stallum in choro, nec alias Canonicorum praerogativas.

Hinc videtur quod hebdomadarii in casu non modo voce, sed et sede certâ et canonicali in capitulo careant. Porro sicut legitur in *Tropien. Iurium Canonicalium 20 Ianuarii 1883* §. *Ubi* (1), et apud Barbos. *De Can. et Dignit. cap. 12 num. 1*, Reiffenstuel *tom. 3 de canon num. 57*: stallum in choro et vox in capitulo sunt de substantia Canonicae: adeo ut « si per foundationem vel capituli consensum detraheretur iisdem substantialibus iuribus eo ipso » novi Canonici inter meros honorarios recensendi forent. » Et ita quoties agitur de canonicatibus proprie dictis erigendis, restrictiones et reservationes, quae apponi solent, « non » circa substantiam sed circa modum tantummodo exercendi » praedicta iura ac praerogativas incidere possunt. » Et vocem in capitulo numquam penitus tolli, sed tantummodo coarctari consuevisse pro Canonicis posterioris erectionis, non semel docuit S. C. C. sed praesertim in *Tropien. cit.* Ideoque concludendum videtur, quod nullo modo hebdomadarii in canonicorum numero sint recensendi. Id descendit quoque ex eo quod ad residentiam non tenentur, sed tantummodo ad chori servitium per turnum iuxta superius exposita. Canonicis autem Concilium Tridentinum *Sess. 24, cap. 12 de Reform.* praescripsit, ut « non liceat vigore cuiuslibet statuti aut consuetudinis ultra tres menses ab iisdem Ecclesiis quolibet anno abesse. »

Sicut tandem ipsa carentia cuiuscumque distributionis, sive in communi cum aliis, sive de proprio indigitare quoque forsitan potest, quod heic cum coetu canonicali agendum non sit, sed cum beneficiariis quibus specialia onera incumbunt, ceu idem modernus Episcopus autumavit; et iampridem

(1) Adest relata quaestio haec Vol. XV pag. 468.

In causa scilicet anni 1746, autumaverat Archiepiscopus Capuanus scribens in sua ad S. C. C. relatione: « Potius abusu sive, quam absolute veros Canonicos, hebdomadarios cognominari consuevit. » Quid post hoc valeant honores et alia quae hebdomadarii in choro consequuntur, facili ratione iudicari potest. Id enim quoque abusive inolitum esse potest.

De hebdomadriorum vestibus autem haec in particulari Episcopus observavit: eas quoad formam aequales esse vestibus canonicorum praebendatorum, quoad colorem vero ab illis distingui. De modo autem possessionem capiendi habetur iurata plurium sacerdotum testificatio in causa anni 1746, quod ad possessionem hebdomadriorum haud adest Capitulum collegialiter, sed adest quando capiunt possessionem canonici praebendati. Quae omnia hebdomadriorum damno coalescere ac vertere videntur.

Ast posito quod hebdomadarii Canonici esse negentur, ratio non apparet cur ex hoc missae conventualis onere liberentur. Etenim si non in documentis primaevae eorum institutionis, in obscura antiquitate latentis, saltem in libris vel vetustissimis qui *Platea* nuncupantur, quique descriptionem bonorum ecclesiasticorum civitatis et dioecesis Venafranae anno 1588 confectam praeseferunt, assertum invenitur, hebdomadriis onus imminere decantandi per turnum in Cathedrali Ecclesia Missam conventualem. Neque posterius de hoc munere unquam dubitatum est; neque repugnat ipsum ab aliis impleri qui Canonici non sunt. Ad rem enim Lucidi *cap. 3 §. 3 num. 132* « Penes plurima Capitula more » institutum est, ut Missa conventualis diebus festivis a » Canonicis, diebus ferialibus a beneficiatis seu mansionariis » celebretur, quam profecto rationem non improbat S. C.: » hisce tamen in casibus eleemosyna pro eiusdem celebratione » persolvi solet; eleemosyna vero iuxta sanctionem Benedictinae Constitutionis ex massa distributionum desumenda » est. »

Ad tertium dubium dicendum videtur quod hebdomadarii choro adsistere debent usque ad officii finem. Hoc defini-

nitum videtur usque ab anno 1680 cum S. C. C. censuit hebdomadarios *non teneri ad residentiam, sed ad chori servitium.*

Ad postremum tandem dubium devenientes recolere iuvat quod pecuniariae sive mulctatitiae poenae irrogari iure possunt in quosque, quomodocumque choro addictos, negligentes Ecclesiae servitium, uniformiter ad tradita in *sess. 22 de reform. c. 3*, et praesertim in *sess. 24 de reform. c. 12 Tridentini Concilii.*

Et applicari posse in casu, evincit praeprius factum S. C. C. quae anno 1693 Episcopo Massa. scribebat: «  
 » stulatis autem respondentes ad primum censuerunt (EE.PP.)  
 » hebdomadarios cogendos iuris remediis ad psallendum in  
 » choro, poenâ etiam pecuniariâ, applicandâ reparationi Ca-  
 » thedralis. »

Neque responsio data ad XIX et XX dubium causae anni 1746 ita necessario intelligenda est, ut contradicat iis quae modo superius relata sunt. Siquidem S. C. C. intentio tunc esse potuisset, ut non imponerentur quidem hebdomadariis poenae pro Canonicis statutae, verum aliae etiam pecuniariae quae iis etiam convenire possunt qui Canonici non sunt, ut ad servitium adigantur. Et responsionis verba, quin repugnent, videntur imo in hunc sensum posse optime accipi et explicari.

Hisce animadversis, enodanda proposita fuere

## Dubia

I. *An Hebdomadarii Cathedralis venafranae in casu veri Canonici sint, et eorum praebenda Canonicatus dici debeat; aut saltem Canonice honoribus quoad reverentiam, pacem et circulum frui valeant in casu.*

Et quatenus negative:

II. *Utrum adhuc teneantur ministrari Dignitatibus celebrantibus, et conventualem missam canere.*

III. *An choro interesse debeant usque ad missam, vel usque ad officii finem in casu.*

IV. *An et quomodo pecuniariis poenis ad interessendum cogi possint in casu.*

RESOLUTIO. Sacra Cong. Concilii, re discussa, sub die 19 Ianuarii 1884 censuit respondere:

Ad I. II. et III. *Servetur solitum et amplius.*

Ad IV. *Affirmative iuxta responsum anni 1693 et amplius.*

EX QUIBUS COLLIGES.

I. Canonicos veros esse qui, praeter canoniam, seu ius spirituale promanans ex electione in fratrem, habent etiam stallum in choro et vocem in capitulo.

II. Eos vero praebendatos, qui hisce requisitis substantialibus careant, nullo posse modo canonicos dici, sed recensendos esse inter meros honorarios, tum ius, tum iurisprudentiam innuere.

III. Veros canonicos ex iure ad frequentiam excitari per distributiones quotidianas et ad residentiam teneri, aiente Tridentino Sess. 24 cap. 12 de ref. « *non liceat vigore cuiuslibet statuti aut consuetudinis, ultra tres menses ab iisdem Ecclesiis quolibet anno abesse.* »

IV. Canonicos seu hebdomadarios in themate de facto varias canonicas praerogativas et honores potiri; tamen voce in capitulo, et sede certa in choro destitui; ad residentiam non teneri, sed tantum ad chori servitium per turnum; quotidianis distributionibus carere; ideoque iure inter veros canonicos referri non posse videri.

V. Attamen quaestionem, toties agitatam de indole horum beneficiatorum ceterisque controversiis, relictam fuisse in statu quo ante; forsitan quia hebdomadarii in sui favorem exhibent consuetudinem immemoriam, quae titulum praesumere facit et apostolicum privilegium.



# URBANIEN. ET S. ANGELI IN VADO

## FALLENTIARUM ET DISTRIBUTIONUM

*Die 19 Ianuarii 1884.*

COMPENDIUM FACTI. In Dioecesibus Urbanae et s. Angeli in Vado, aequè principaliter unitis, unica existit parocchia in unaquaque civitate apud cathedralem Ecclesiam. Cura autem animarum ab antiquo tradita fuerat quatuor Mansionariis earumdem cathedralium, qui appellabantur Mansionarii Curati et ad normam Tridentini Concilii instituebantur, singulis attributo peculiari et certo numero animarum, dicto *Quarterium*:

Nostris vero temporibus cum nonnulli ex Mansionariis Curatis supremum diem obierint, vel aliud adepti fuerint beneficium, Episcopus Urbanae et s. Angeli in Vado, ob deficientiam Sacerdotum, curam animarum quibusdam Canonicis concedidit, eosque Vicarios seu Oeconomos spirituales instituit iuxta Concilii Tridentini regulas, singulis relicta Mansionaria, una cum annua summa 275 circiter libellarum pro munere parochiali.

Enatis deinde quaestionibus Capitulum inter et praefatos Oeconomos Curatos Cathedralis s. Angeli in Vado, quoad punctaturas et distributiones extraordinarias pro tempore quo isti interesse choro non possunt ob imminens curae animarum exercitium, praelaudatus Episcopus rem detulit iudicio s. Congregationis Concilii.

### Disceptatio Synoptica

QUAE FAVENT CANONICIS CURATIS. Canonicos absentes a choro ob exercitium Curae animarum pro praesentibus haberi et lucrari quotidianas distributiones eruitur ex Tridentino in *Sess. 22 cap. 3* - ibi - « Quod si alicui ex praedictis » dignitatibus... cura animarum immineat... tunc pro tempore, quo in curata Ecclesia resederit ac ministraverit,

» tamquam praesens sit ac divinis intersit, in Ecclesiis cathedralibus, ac collegiatis habeatur. » Concilii Tridentini sanctio firmatur et explicatur a Benedicto XIV in *Instit. Ecclesiast.* 107 § 56, ubi ait: « Qui habet curam animarum » in ea Ecclesia in qua est Canonicus, si toto tempore occupatur actu in exercitio eorum quae spectant curam animarum distributiones quotidianas obtinet ».

Ex hisce igitur pronum est deducere Oeconomos Curatos in themate dum exercitio curae animarum incumbunt Ecclesiae cathedrali imminenti percipere posse quotidianas distributiones; quod idem est ac non subiacere punctaturis. Nam ipsae eadem leges, quae vigent pro distributionibus vigere censentur etiam quoad punctaturas, uti S. C. C. pluries declaravit, praesertim vero in *Farfensi Distribution.* 20 Decembris 1738, in *Eugubina Punctaturarum* 5 Aprilis 1783.

Imo non tantum quotidianas verum etiam extraordinarias distributiones percipere debere Canonicos Oeconomos docet Scarfantonium in *lib. 2 tit. 10 n. 9 et seqq.* - ibi - « Et » eo magis certa Capituli persona, cui dumtaxat immineat » cura animarum cumulanda est distributionibus, si divinarum tempore parochialia munia exercent... Accipe de quibuscumque distributionibus, tam ordinariis quam extraordinariis ita contra Bonac. *de distrib. d. 2 quaest. 5 §. 7,* » in fine absolute tenet Trullen in *Decal. lib. cap. 8 dec. 2* » n. 7, et declaravit S. C. teste Nicolio in *Flos. v. Distributiones n. 13* ».

Idque optime constitutum videtur, quia cum Canonicus Curatus quoad percipiendas distributiones fictae ac iuris interpretatione habeatur pro praesente: distributiones vero extraordinariae interessentibus vere acquirantur; ita acquiri debent etiam a Curatis qui fictae, seu iuris interpretatione sunt interessentes: « nam, ait Fagnanus in *lib. 3 Decret.* » *cap. Cum percussio, de Cleric. aegrot. n. 30,* lex loquens in casu vero extenditur ad fictum, et fictae prae-

» sens consequi debeat ea, quae vere praesentibus tribunantur, Ioann. Andr. in *cap. Cum in tua n. 3 et 4.* »

Praeterea si indultum iubilationis suffragatur pro participatione omnium fructuum et distributionum, etiam extraordinariarum, ut declaravit S. C. C. in *Burgi S. Donini 19 Aprilis 1704*; imo si suffragatur ad percipienda, praeter distributiones ordinarias, quaecumque alia emolumenta, ut in *Aquipendii 27 Septembris 1659 ad dub. 2*; nulla pretiosa ratio suppetere videtur ad id denegandum Canonico Parocho, qui, dum animarum curae incumbit eadem ratione pro praesenti et interessenti habetur, *Garc. part. 3 cap. 2 n. 334.*

Neque difficultatem facere videtur in themate quod onus curae animarum Canonicis Oeconomis superadditum fuerit ab Episcopi auctoritate, non vero sit adnexum ipsi Dignitati, aut Canonicis incumbat praecise uti Canonicis. Hoc enim non requiritur ad lucrandas distributiones, sed sufficit quod hoc munus, interveniente legitima causa, sit a proprio superiore impositum, ut in casu accidit. Audiatur sane *Castropalaus*, qui in *Tract. 7 disp. 3 punct. 9 §. 5* ad quaesitum « quid » dicendum de aliis Canonicis, qui tempore divinorum confessiones audiunt? » respondit: « Si ex devotione huic » muneri incumbunt, credo nullo modo pro praesentibus choro » esse habendos; quia eorum officium sic assumptum, etsi » cedat in utilitatem populi, regulariter cedit in damnum » Ecclesiae et in diminutionem divini cultus. At si ex mandato seu assignatione Superioris huic officio incumbunt, satis » probabile reputo fructus et distributiones lucrari sicut » Poenitentiarius » Quod revera confirmatum fuit a S. C. quae quamvis in *Neritonen. 22 Iunii 1624* et in *Maceraten. 14 Februarii 1766*, proposito dubio, « An Canonici » quibus non incumbit uti Canonici onus audiendi confessiones, si pro iis audiendis absint a chori servitio, lucrentur quotidianas distributiones » reposuisset « non lucrari »; tamen in *Lucen. 10 Martii 1635* eadem S. C. censuit « oratori (qui ab Episcopo substitutus erat Poeni-

» tentiario) in locum Poenitentiarum ad audiendas confessiones ex necessitate et ex legitima causa ab Episcopo deputato, dum tempore deputationis confessiones actu audit, deberi distributiones quotidianas non secus ac si divinis in choro interesset. »

Quin aliquid etiam opponi valeat ex speciali retributione, quae in casu Canonicis Curatis statuta est ob curam animarum. Ea siquidem, omisso etiam quod minima sit cum attingat tantum summam annuam 275 circiter libellarum, induere videtur rationem congruae, quae statui solet Vicariis Ecclesiarum cathedralium iuxta Concilium Tridentinum in *cap. 7 Sess. de Reform.* et notissimam Pii V Constitutionem « *Ad exequendum* ». Quae congrua etsi cedere Canonicis Vicariis videatur praecise ob curam animarum, non obstare dicenda foret ad percipiendas distributiones in absentia eorundem a choro propter officium, ad instar Poenitentiarum aut Theologi. Hi enim choro non interessentes ut proprio muneri satisfaciant, veluti praesentes habentur, quamvis eorum congrua sit specialiter instituta pro respectivis obeundis muneribus, De Luca *de Parochis disc. 17 n. 6* circa finem.

Hinc merito Salmaticenses in *Cursu Theolog. Moral. tom. 4 tract. 16 cap. 6 punct. 3 n. 36* docent quod « si » canonicus praebendam habeat, cui est annexa animarum » cura, non solum fructus, sed distributiones lucratur, dum » occupatur in Sacramentis administrandis, vel exercendis » aliis, quae pertinent ad animarum curam; quia utile est » Ecclesiae ut curae animarum provideatur, et cuiuslibet » praebendae obligationi satisfaciat, *quod est verum etiamsi » cum praebenda cui animarum cura est adnexa simul » habeat Canonicatum, quod modo dicto obtinebit fructus » et distributiones utriusque beneficii.* »

Ergo nihil obstat quominus etiam in themate Canonici Curati percipere valeant fructus et distributiones utriusque beneficii. Atque hoc eo vel magis dicendum est quia huiusmodi Canonici non tenentur oneri curae animarum satisfa-



cere in vim ipsius Canonatus qui, cum adnexam non habeat curam animarum sine diminutione conferri debuit. Aequum enim est ut ob maiorem superadditum laborem, pinguiorem percipiant retributionem ac ceteri Canonici.

Ad secundum dubium quod attinet Canonici Curati s. Angeli in Vado ita argumentantur: « S. C. Concilii in *Callien. 29 Iulii 1628* respondit distributiones quotidianas non lucrari Canonicos celebrantes, dum divina officia recitantur, nisi ad celebrandum compulsi aut iussi fuerint ab eo ad quem pertinet. Atqui duo Canonici Vadenses ab Episcopo compulsi et iussi fuerunt ad celebrandas et canendas Missas conventuales in turno uti Oeconomus Mansionariae. Ergo distributiones quotidianas percipere debent et punctaturis canonicalibus non subiiciuntur. » Revera id ipsum pluries docuit S. C. C. et praesertim in *Reatina 15 Martii 1692*. Pronum igitur est concludere Canonicos Oeconomos dum Missas conventuales canunt in casu non subiacere punctaturis.

Quin aliquid relevet quod specialem reditum habeant etiam ex Mansionaria paroeciae adnexa. Quandoquidem in casu Canonici Curati celebrant pro oneribus Mansionariae adnexis et exequentur munus suum, quod nemini debet esse damnosum ad tradita per *text. in cap. Pervenit de Fideiussoribus*; Engel in *Ius Can. lib. 3 tit. 4 num. 33* et Ceccop. *Lucubr. Can. lib. 3 tit. 11 num. 20*.

QUAE ADVERSANTUR CANONICIS CURATIS. Ex parte vero Capituli observandum est quod cum distributiones nihil aliud sint quam « portiones ecclesiasticorum redituum, quotidie » distribui solitae in Clericis, qui statutis horis intersunt » divinis officiis, discretae a praebendarum fructibus » uti docet De Angelis in *Praelect. Iur. Eccles. lib. 3 Decr. tit. 4 n. 16*; hinc legitime inferitur quod amitti debeant ab illis qui choro statutis horis non intersunt.

Audiatur sane Fagnanus in *lib. 3 Decret. cap. 7 De Clericis non residentibus n. 9* - ibi - « Secundo nota in » versiculo *Nisi forte*, victualia seu distributiones quotidiana-

» nas non deberi absentibus, quantumcumque absint ex iusta  
 » causa, sicut non debentur Canonicis in servitio Episcopi  
 » existentibus, ut hic patet, et notat Petr. de Anchar. in  
 » secundo notabili. Etenim harum distributionum ea est na-  
 » tura, ut non debeantur his qui fecte, et per iuris inter-  
 » pretationem, sed his tantum, qui vere statis horis inter-  
 » fuerint: ut in *cap. unic. infra eod. lib. 6* innovato a  
 » Concilio Tridentino in *cap. 12 Sess. 24* ».

Sane Conc. Tridentinum in citato loco expresse statuit:  
 « Distributiones vero, qui statutis horis interfuerint reci-  
 » piant, reliqui quavis collusionione aut remissione exclusa, his  
 » careant ». Unde sequitur quod ad ipsas lucrandas non so-  
 lum requiratur ficta praesentia, verum etiam interessentia  
 corporalis in choro; *Rota part. 5 tom. 1 dec. 22 num. 14*,  
*Amot. ad decis. 576 num. 112 et seqq. et num. 129 et*  
*seqq. part. 4 tom. 3 et dec. 449 num. 7 part. 14*. Iure  
 igitur meritoque concludi posse videtur ex dictis quod  
 quando Canonici Curati corporaliter non intersunt choro  
 tempore divinorum officiorum, subiici debeant punctaturis.

Neque regerere valet, Canonicos animarum curam exer-  
 centes a ss. Canonibus tanquam praesentes considerari etiam  
 ad effectum lucrandi quotidianas distributiones, proindeque  
 punctaturis non esse obnoxios. Quandoquidem hoc verum  
 esse videtur quando agitur de Canonicis possidentibus Cano-  
 nicatum, cui adnexa est cura animarum, non vero quando  
 sermo est de Canonicis, quibus per accidens superadditum  
 fuerit hoc onus.

De illis enim tantum loqui Concilium Tridentinum aperte  
 docet Garcia *de benef. par. 3 cap. 2 num. 337* ubi ait:  
 « Nec procedit illud decretum Conc. Tridentini *cap. 3 Sess. 22*  
 » in Canonicis, seu Dignitatibus habentibus Ecclesias pa-  
 » rochiales, non tamen Canonicatibus seu Dignitatibus ad-  
 » nexas ».

Hoc etiam suadere videtur loquendi ratio tum Doctorum,  
 inter quos praesertim Fagnan. in *lib. 3 decr. Cap. Licet*  
*de Praebend. num. 163 et 165*; tum S. C. C. praecipue

in *Montis Regalis 8 Iunii 1726 et 6 Decemb. 1732; in Tortonen. 19 Septembris 1643.* Semper enim dicitur quod illi tantum lucrari possunt distributiones, qui vacant curae animarum *incumbenti suae Dignitati vel Canonicatui*, vel qui habent dignitatem vel Praebendam, *cui imminet vel cui adnexa est cura animarum.* Fas igitur est in themate concludere huiusmodi Canonicos Curatos subiacere punctaturis.

Verum potissimum argumentum in casu, ob quod Canonici Oeconomi a solvendis punctaturis eximi nullo pacto debeant, Capitulum in hoc ponit: videlicet quia praedicti Canonici pro oneribus parochialibus compensationem habent ex peculiari redivu paroeciae. Tradit enim De Luca *de Parochis disc. 20 n. 8* quod distributiones percipi non debent a Vicariis ad exercitium curae destinatis, nisi ipsi sint de Capitulo et illae cedant in locum congruae. At in casu Canonicis Curatis congrua iam constituta videtur ex speciali retributione, quae ratione curae animarum eisdem debetur. Ergo cum distributiones non cedant in locum congruae, prono alveo fluit eosdem curatos eas amittere omnino debere.

Ceterum notum est ex constanti praxi S. C. C. quotidianas distributiones iis denegari, qui choro absunt ob munus, ex quo lucrum percipiunt, ceu patet *ex Dubiis Indultorum 6 Maii 1820 §. Nec practereunda*, et *ex Romana Dubiis Indultorum 25 Maii 1822 §. Contra vero.* Ita etiam censuit S. C. C. in *S. Severini 15 Novembris 1659*, ubi ad dubium « An Canonicus sit punctandus ob eius a choro absentiam, vel potius interessentia in organis pro servitio » Ecclesiae sit reputanda ad effectum percipiendi distributiones » respondit: « *gaudere si stipendium pro musica non recipiat.* » Similiter in *Adiacensi 11 Iulii 1671.*

Hoc vero bene constitutum est; ne scilicet usuveniat illud propter quod pluralitas beneficiorum reprobatur in *Cap. 3. Quia nonnulli De Clericis non resid.*, ne una eademque persona duplex emolumentum propter unicum officium cum ingenti avaritiae fomite lucretur.

Quod vero spectat ad distributiones extraordinarias Capitulum maiori ratione Canonicis Curatis deneganda esse ait: quia hae cedunt solum praesentibus; nec percipiuntur ab absentibus, valetudinis causâ, neque a Canonico Poenitentiaro dum confessiones excipit. Hae enim distributiones, distinctae a massa communi praesentibus tantum praestari solitae ex peculiari statuto, aut consuetudine sive expressa benefactorum voluntate non lucrentur ab absentibus a choro etiam ex legitima causa vel ex Apostolico Indulto, prouti docent Scarfantionius ad Ceccoper. *lib. 2 tit. 10 num. 1; Piton. discepi. 1 per tot.; Fagnan. in Cap. Licet De Praebendis num. 20; Bened. XIV Instit. 107 num. 58 et seqq.* et S. C. C. in *Bosanen. Visitationis ss. Liminum 6 Februarii 1734; in Anagnina Servitii chori et Distrib. 20 Novembris 1819.*

Imo etiam in casu Apostolici Indulti cum facultate percipiendi quascumque distributiones quotidianas, ordinarias et extraordinarias, quas percipiunt personaliter residentes, firma semper sententia censuit S. C. ut exclusae remanerent eae distributiones, quae ex Fundatorum voluntate inter praesentes dividi debent, ita in *Leodien. Indulti 10 Iulii; Novarien. Iubilationis 2 Octobris 1617* et in *Bituntina Anniversariorum 1 Iulii 1679*. Et quidem id procedit etiam quando agitur de canonico, causa infirmitatis amplissimo indulto donato, ut in *Romana Iurium Canonicalium 2 Maii 1703 et 27 Iunii 1705*. Non solum igitur a participatione distributionum quotidianarum, verum etiam, imo a fortiori a participatione extraordinariarum excludendi esse omnino videntur Canonici Oeconomi in casu.

Ad secundum dubium descendens Capitulum firmiter retinet quod canonici curati punctaturis subiacere debent quando missam canunt conventualem ceu mansionarii; nam reditus speciales percipiunt etiam pro mansionariae officio, adnexo Paroeciae. Sane praeprius animadvertendum est onus decantandi Missam conventualem in casu, non competere Oeconomis uti Canonicis, sed uti Mansionariis: proindeque huius-

modi Missas decantantes cum non sint praesentes in choro uti Canonici aequum est, ut amittant distributiones canonicas, ceu constanter docuit S. C. C. et praesertim in *Nerotinen. 22 Iunii 1624; in Maceraten. 14 Februarii 1767; in S. Miniatis ad 2 dubium 8 Februarii 1817.*

Nec interest quod ad hoc adstringantur ex debito sui officii; quia nec hac ratione sermocinantes suas facere possunt distributiones, ut habet Fagnanus in *Lib. 3 Decretal. cap. Licet De Praebendis num. 114* - ibi - « Ampliatur » decimo octavo in Canonico legente et sermocinante ex » debito sui officii, cui similiter responsum est deberi fructus praebendae, sed non distributiones ». Ergo a pari neque debentur distributiones iis Canonicis, qui tanquam tales choro non intersunt, sed aliis obeundis muneribus dant operam ex debito sui officii. Idque eo vel magis si pro his ferendis oneribus, uti in casu, specialem habeant redditum. Tunc enim repeti possunt ea quae superius dicta sunt de illis, qui duplicem habent pro unico officio retributionem.

Hisce igitur breviter adnotatis pro utraque parte, enodanda proposita fuere sequentia

### Dubia.

I. *An Canonici Curati, tempore divinatorum officiorum absentes a choro ob curae animarum exercitium, subiciantur punctaturis, nec non amittant extraordinarias distributiones in casu.*

II. *An Canonici praedicti subiaceant punctaturis quando pro officio Mansionariae beneficio curato adnexae canunt Missas conventuales in turno uti Oeconomi non uti Canonici in casu.*

RESOLUTIO. Sacra C. Concilii re disceptata sub die 19 Ianuarii 1884, censuit respondere:

Ad I. et II. *Affirmative.*

## EX QUIBUS COLLIGES :

I. Distributiones quotidianas, quae sunt portiones ecclesiarum reddituum obvenire tantum clericis, qui statutis horis intersunt divinis officiis.

II. Harum enim esse naturam ut eadem non debeantur his qui fide et per iuris interpretationem, sed his tantum qui vere statis horis interfuerint.

III. Attamen ex iure excipi ab hac regula praebendatos illos quibus cura animarum imminet; nam pro tempore quo in curata Ecclesia resident et ministrant tamquam praesentes et divinis interessentes habentur.

IV. Huiusmodi vero iuris fictionem prodesse ex DD. sententia tantum canonicis qui canonicatum possident, cui adnexa sit cura animarum; non illis, quibus per accidens hoc onus superadditum fuerit.

V. Etiam ex praxi S. C. Concilii idem erui posse videri; quia semper dicitur lucrari distributiones valere qui animarum incumbunt curae; quae tamen imminet vel adnexa sit eorundem dignitatibus vel praebendis; quia hoc in casu distributiones cedunt loco congruae.

VI. In themate curam animarum haud esse adnexam canonicatibus; et ideo distributiones cedere nequeunt loco congruae: quae congrua Canonicis oeconomicis in casu ex speciali retributione constituta est; et eisdem debetur ratione curae animarum.

VII. Iugem S. C. Concilii esse praxim denegandi quotidianas distributiones iis qui a choro absunt ob munus, ex quo lucrum percipiunt; ne eadem persona duplex emolumentum propter unicum officium lucretur.

VIII. Canonicos oeconomicos in themate, canentes missam conventualem uti mansionarios, eximi a punctaturis non posse; nam etiam pro officio mansionariorum speciales percipiunt redditus.

## BOIANEN.

## ANNUAE PRAESTATIONIS

*Die 16 Februarii et 8 Martii 1884.*

COMPENDIUM FACTI. Episcopus Boianen. die 23 Iunii 1883 S. C. C. exposuit, in statuto Archipresbyteralis Ecclesiae loci *Campochiaro* suae Dioecesis, anno 1715 confecto, praecipui sub poena suspensionis ipso facto incurrendae, Archipresbyterum quotannis solvere debere Episcopo triginta *tomola* frumenti, et quinquaginta hordei. Ast ab anno 1862 huiusmodi praestationem amplius non exhiberi, ideoque sese monuisse archipresbyterum ut eandem solveret, minitatus suspensionis poenam. Archipresbyter vero solvere renuens, res delata fuit iudicio s. C. C.

**Disceptatio synoptica**

ARCHIPRESBYTERI DEDUCTIONES. Archipresbyter pluribus ostendere curavit, memorato praestationis onere nullo pacto teneri; quia nullus adest titulus, a quo onus erui possit; nisi habeatur ceu pensio: ast si dicatur pensio nullo modo debetur. Et sane quod Episcopus nequeat sua potestate ordinariâ perpetuas pensiones beneficiis imponere ex unanimi Canonistarum sententia scaturit; cum haec facultas nonnisi Summo Pontifici competat; textu expresso in *cap. Prohibemus 7 de censibus* - ibi - « Prohibemus ne ab Abbatibus, » Episcopis vel ab aliis Praelatis novi census imponantur » Ecclesiis, nec veteres augeantur... Si quis vero aliter fecerit, irritum quod egerit habeatur. » Et concordat *cap. Scientes 3 eodem et Clement. 1 §. Eadem quoque, de supplenda neglig. Prael. Abbas in cap. Prohibemus art. 2 de Censibus, Fagnan. in cap. Nisi essent 21 de Praeb. num. 46.*

Quin imo quamvis ex iusta causa temporaneas constituere valeat pensiones, eas tamen applicare minime potest mensae

vel suae vel capitulari, quia auctoritatem praestaret in facto proprio, et suam utilitatem spectante; Clement. 2 *de rebus Eccles. non alienan.*, cap. *Quam pio 1. q. 2 et cap. final. de pactis*; Schmalzgrueber *Ius Eccles. lib. 3. tit. 12 num. 16*. Cum autem abusus irrepsisset gravibus pensionibus paroecialia beneficia onerandi, ad illum compescendum Benedictus XIII, confirmans Edictum Innocentii XII anni 1692, Constitutionem edidit anno 1724, qua prohibuit ne Episcopi pensiones quascumque in paroecialibus beneficiis constituerent. Hisce in iure praestitutis, cum haud constet Episcopum ex Apostolico beneplacito, pensionem constituisse, hinc Episcopum proprio Marte illam sibi reservasse censendum est, ac proinde quolibet vigore destitui.

Nec obiiciatur in casu de praestatione, non vero de pensione sermonem esse, ideoque ad illam statuendam Episcopi potestatem extendi videri. Siquidem cum pensio sit ius percipiendi portionem aliquam fructuum ex alieno beneficio, hinc in idem recidit, quod huiusmodi fructuum pars in pecunia vel natura, ut in praestatione fit, solvi debeat. Quare si Episcopus hac potestate gauderet, prohibitio a iure statuta, et a Romano Pontifice pluries confirmata, in irritum cessisset.

Perperam vero Praesul praescriptioni, etsi centenariae, ius suum inniti contenderet. Cum enim perpetua praestationis impositio de iure ab initio subsistere non valuit, tractu temporis confirmari nequit ex *Reg. 18 Iur. Can. in 6*. Sed praeterea perpendendum est, Archipresbyterum iure proprio, ac independentem a suis antecessoribus praebendam obtinuisse. Iamvero tritissimi iuris est, successorem, qui suo iure venit, nec causam a praedecessoribus habet nullam obligationem ex eorum facto, vel negligentia contrahere. Card. De Luca *discept. 77 num. 7 de Emphit. S. Rota decis. 79 num. 36 coram Ansaldo, et decis. 485 num. 11 coram Bichio - ibi - « Successor in beneficio non repraesentat personam praedecessoris defuncti, sed habet ius novum in persona propria a Papa creatum. »* Hinc se-



quitur quamcumque praescriptionem minime sufficere ut illi ex antecessorum actis praeiudicium inferatur. Pitonius de *Controv. Patronor. alleg. num. 22* « Contra proprio iure » venientes non cadit praescriptio, quia nequeunt antecessores praeiudicare successoribus nondum natis, neque actio » ni nondum ortae praescribitur. » Ex quibus sponte consequi videtur factum praedecessorum, qui fortasse nimis inconsiderate praestationem Episcopo pependerit, nullam obligationem actuali Archipresbytero parere potuisse.

Verum dato paulisper at non concesso, huiusmodi praestationem rite statutam fuisse, in praesentiarum tamen haud amplius deberi certum est; quia secus ipsi deficeret congrua sustentatio, quae ex iure communi Parochis et Vicariis perpetuis debetur *Clement. 1 cap. Extirpandae §. Qui vero. Trident. Sess. 21 cap. 4 de Reform. Constitutio S. Pii V. Ad exequendum. S. Rota part. 3 recent. decis. 292 num. 2; part. 16 decis. 316 num. 4, part. 4 tom. 1 decis. 595 num. 1; et sexcentis aliis resolutionibus.*

Archipresbyter enim retulit, suam praebendam, olim ditissimam, tractu temporis ex usurpatione auctoritatis municipalis, ac privatorum quam maxime imminutam fuisse. His accessit quod quidam possessor praediorum, pro quibus reditus partem Archipresbytero solvere debebat, cum aliis 226, eodem onere gravatis, ad laicum tribunal eum rapuit, ut decerneretur annuas illas praestationes, tamquam decimas sacramentales abolitas fuisse. Et ideo cum olim annuus reditus paroeciae ascenderet ad libellas 2500, pluribus abhinc annis vix libellas 1300 attingit. Si autem ab hac summa detrahantur variae expensae necessariae et taxae, supersunt tantum libellae 503,04.

Cum itaque Archipresbyteri congrua, computatis etiam incertis, ad centum scutatorum summam, iuxta Tridentinam Synodum vix ascendat, hinc apparet memoratam praestationem non amplius subsistere posse. Quod firmatur per decretum *Cum nuperrimis. (1)*

(1) *Recole Vol. VII pag. 325.*

EPISCOPI DEDUCTIONES. Episcopus contra pro viribus sustinuit, memoratam praestationem valide statutam fuisse, et Archipresbyteri reditus tales esse, ut huiusmodi onus facile perferri possit. Ut probaret valide statutam fuisse varia attulit monumenta, in quibus de hac praestatione verbum est. 1. In Archivio episcopali legitur quod Antonius Gratianus Episcopus Boianensis die 28 Augusti 1682 reliquit super dicta praestatione decem mensuras tritici et triginta hordei favore Cleri e Campochiaro. 2. In statutis anno 1715 exaratis iussu Clementis XI et approbatis ab Episcopo die 22 octobris 1682, sub. n. 9 relatum est onus praedictae annuae praestationis. Exacta autem horum statutorum observantia imposita est sub poena suspensionis, ipso facto incurrendae. 3. In elencho reddituum Mensae Episcopalis Boianensis, anno 1728 redacto, cooptata reperitur etiam haec annua praestatio. 4. Memorata praestatio recensetur inter reditus mensae episcopalis Boianensis anno 1819, quando constituta fuit dos pro Episcopo ab executoribus Concordati seu ab Eñño Cardinali Caracciolo, et a Ministro a negotiis ecclesiasticis. 5. In enuntiatione reddituum Curiae Boianensis, a suboekonomo peracta, etiam haec praestatio redigitur. Ex quibus documentis, arguit Episcopus, ius praestationem exigendi extra omnem dubitationis aleam positum esse.

Contendit autem, perperam ab Archipresbytero praestationem hanc nuncupari pensionem, ac proinde sustineri non pro se. Cum enim in allatis documentis nusquam hoc nomine nuncupetur, a quolibet alio titulo gigni quam a pensione censendum est. Iniuriosum vero videtur supponere quod Episcopus et Clerus loci Campochiaro in statutis anni 1715 huiusmodi onus approbaverint, si hoc pensionis naturam redoleret. Pariformiter autem maximâ afficiuntur iniuriâ praedicti executores Concordati anni 1819, qui reditus mensae Boianensis enumerando, inter eosdem etiam hanc praestationem locaverunt.

Quod si dubium aliquod adhuc superesset, hoc ex immemorabili praescriptione penitus excludi Praesul tuitus est.

Ex documento enim in Episcopali tabulario existente constat, Episcopum anno 1682 in pacifica possessione huius praestationis extitisse, quam Archipresbyter usque ad annum 1862 iugiter rependit. Iamvero quanti ponderis in utroque iure sit haec praescriptio plusquam centenaria et immemorabilis, nemo est qui ignorat, cum ad praescribenda bona immobilia ipsius Ecclesiae Romanae sufficiat.

Neque iustus titulus desiderari potest. Namque in primis concipi nequit quomodo Archipresbyteri sine ulla difficultate annuam hanc praestationem iugiter exsolverint, nisi titulo et obligatione aliqua ad id fuerint obstricti. Cum enim de solutione res est haud proclives homines esse solent, nisi prius titulum et causam apprime noverint. Deinde praescriptione fere bis centenaria, ut habetur in themate, acquiritur quidquid per privilegium obtineri posset, nec illa gaudens titulum allegare tenetur. Quod si allegetur etsi plene probari nequeat, nihil obest, cum ex adiuncta possessione diuturna praesumptionem, et quamcumque firmitatem obtineat. Schmalzgrueber *Ius. Eccles. lib. 2 tit. 26 num. 127*, Laym. *lib. 3 Theol. tr. 1 cap. 8 num. 15*. Quin imo qui huic praescriptioni nititur alligare potest meliorem titulum de mundo *Leg. In summa 2 ff. Tit. De aqua et aquae pluviae arcendae Leg. Hoc iure 3 p. 4 ff. De aqua quotid. C. super quibusdam 26 De verborum significatione, S. Rota recent. p. I decis. 671 num. 4 p. 3 decis. 489 n. 2 p. 4 tom. 1 et alibi passim.*

Post haec tuto concludi potest cum eadem s. Rota in *Praenestina Mutuae 23 Martii 1819 par. 3 coram Marco*:  
 « Qui possessione fruitur centenariâ, fortius immemorabili  
 » ut in themate, is certe quocumque meliori ac potentiori  
 » titulo iureque suffultus est. Vis pactum? Vis privilegium?  
 » Cuncta haec et si quid aliud exoptes ex possessione cen-  
 » tenaria sunt praesumenda. »

Gradum deinde faciens Episcopus ad expendendos praebendae redditus testatus est eos esse, paucis exceptis, in eodem statu, quo antea; et ideo assertionem Archipresbyteri quoad

paroeciae reditus omnino despiciendam esse, utpote veritatis expertem. Ad hoc evincendum, schema annui reditus illius paroeciae exhibuit: ex quo facile deprehenditur praebendam illam paroecialem ditius Dioecesis beneficium adhuc constituere, etiam detractis taxis et oneribus cunctis. Qua de re Episcopus ait: ergo certum est, quod ex una parte praestatio haec omnino iure debeatur, et quod ex altera Archipresbyter reditus tales habeat qui commode eandem exhibere valeat.

Hisce itaque praemissis, quaesitum est quomodo esset dirimendum

### Dubium

*An et quomodo Archipresbyter Ricciuti persolvere teneatur annuam praestationem favore Episcopalis Mensae in casu.*

RESOLUTIO. Sacra Congregatio Concilii, re disceptata sub die 8 Martii 1884 censuit respondere:

*Affirmative in omnibus.*

EX QUIBUS COLLIGES:

I. Per praescriptionem centenariam et immemorabilem acquiri quidquid per privilegium obtineri possit; ita ut qui illâ gaudeat non teneatur allegare titulum.

II. Episcopum in themate quoad praestationem exigendam possessione gaudere immemorabili; ex qua praesumptio et quaecumque firmitas oritur favore eiusdem Episcopi.



# EX SACRA CONGREGATIONE INDULGENTIARUM

ORDINIS MONACHORUM CAMALDULENSIUM.

De Gregoriano Tricenario de Altari S. Gregorii in Monte Coelio et de Altaribus Gregorianis ad instar

## DECRETUM

Pro animabus e Purgatorio liberandis ab antiquis temporibus Christifideles celebrandas curarunt et curant Missas, quae Gregorianae, seu Gregorianum Tricenarium appellantur, quae nimirum per triginta continentes dies exemplo s. Gregorii Magni in quovis Altari dicuntur. In eundem finem et ab antiquis pariter temporibus Christifideles afferri exoptulaverunt et exoptulant Missae Sacrificium in Altari s. Gregorii in eius Ecclesia Coelimontana. Tum in triginta illis Missis, tum in quavis Missa ad Altare s. Gregorii specialem fiduciam Christifideles et habuerunt et habent, velut si ipsae ita efficaces sint censendae ut anima, pro qua celebrantur, e Purgatorio poenis illico liberetur. Verum de duplici huiusmodi praxi dubitari coeptum est a praestantibus quibusdam viris, ea potissimum de causa quod huiusmodi Christifidelium fiducia haud solido fundamento inniti videatur.

Quod quidem adeo permovet hodiernum Abbatem generalem Monachorum Camaldulensium, quibus custodienda tradita fuit Ecclesia in qua Gregoriani Tricenarii praxis initium forte sumpsit et Altare s. Gregorii existit, ut Antecessoris sui preces urgeret et s. Congregationi Indulgentiis praepositae dubia aliqua authentice dirimenda exhiberet. Cum vero antea actis temporibus Romani Pontifices, praesertim Gregorius XIII plurima Altaria tum Romae tum alibi, formula usi solemniter *privilegiata* declaraverint *ad instar* Altaris s. Gregorii in Monte Coelio, et Christifideles haud dissimilem a superius dicta fiduciam reposuerint et reponunt in Missis quae huiusmodi in Altaribus ad iuvandas animas in Purgatorio detentas celebrantur; quumque haec Altaria *Gregoriana ad instar* nuncupata usque ad annum 1852 concessa, ob exorta dubia de discrimine Altaris *gregoriani ad instar* ab Altari sine addito *Privilegiato* Pius S. M. PP. IX die 15 Martii illius anni prohibuerit quominus in posterum concederentur, quoad res maturius perpenderetur et

absolveretur, hinc opportunum visum est dubiis a R<sup>m</sup>o P. Abbate propositis aliud ex officio subnectere et dirimere respiciens amussim suspensionem a S. M. Pio PP. IX indictam.

Dubia vero proposita haec sunt quae sequuntur.

1°. Utrum fiducia qua Fideles retinent, celebrationem triginta Missarum, quae vulgo *Gregoriana* dicuntur, uti specialiter efficacem ex beneplacito et acceptatione divinae Misericordiae ad animae a Purgatorii poenis liberationem pia sit et rationabilis, atque praxis easdem Missas celebrandi sit in Ecclesia probata?

2°. Utrum fiducia qua fideles retinent, celebrationem Missae in Altari s. Gregorii in eius Ecclesia Coelimontana uti specialiter efficacem ex beneplacito et acceptatione divinae Misericordiae ad animae a Purgatorii poenis liberationem pia sit et in Ecclesia probata?

3°. Utrum idem dicendum sit de Altaribus *Gregorianis ad instar*?

4°. Utrum expediat revocare suspensionem novae concessionis Altaris Gregoriani latam ex mandato SS<sup>m</sup>i in Audientia diei 15 Martii 1852?

Quibus in Congregatione Generali habita die 11 Martii 1884 in Aedibus Apostolicis Vaticanis Eminent. Patres rescripserunt:

Ad I. II. et III. Affirmative.

Ad IV. Consulendum SS<sup>m</sup>o ut revocet suspensionem novae concessionis Altaris Gregoriani ad instar.

Die vero 15 eiusdem mensis et anni, facta de omnibus ab infrascripto Sacrae Congregationis Secretario relatione, SS<sup>m</sup>o D<sup>no</sup> Nostro Leoni Papae XIII; Sanctitas Sua Patrum Cardinalium responsiones approbavit et suspensionem novae concessionis Altaris Gregoriani ad instar sustulit.

Datum Romae ex Secretaria Sacrae Congregationis Indulgentiis Sacrisque Reliquiis praepositae die 15 Martii 1884.

AL. CARD. OREGLIA A S. STEPHANO PRAEFECTUS.

FRANCISCUS DELLA VOLPE SECRETARIUS.

## Disceptatio Synoptica.

**VOTUM CONSULTORIS.** Consultor loquuturus de Gregoriano Missarum tricenario (1) ait: mos huiusmodi ab haereticis damnatur et reprobatur; nec mirum, quia Ecclesiae in omnibus adversantur. Sed etiam inter doctores catholicos non deest qui eandem praxim censeat gigni a superstitione, et esse omnino relinquendam.

Consultori vero praxis haec neque superstitiosa, neque periculosa visa est. Superstitio enim, ait ille, in subiecta materia adesse posset, quatenus efficacia aliqua tribueretur vel numero missarum, vel ipsi continuationi in seipsis spectatis. Attamen si fides ponatur in Deo tunc omnis superstitio exulat; *Trid. sess. 22* « Quarumdam missarum et » candelarum certum numerum, qui magis a superstitioso » cultu, quam a vera religione inventus est, omnino ab » Ecclesia removeant. Doceantque populum quis sit, et a » quo potissimum proveniat sanctissimi huius sacrificii » tam pretiosus ac caelestis fructus. »

Hoc praenotato, tricenarium considerari potest triplici modo; vel quia illud adhibuit s. Gregorius; vel quia idem

(1) Huius praxis origo sic in suis Dialogis enarratur a s. Gregorio M: quum Monachus nomine Iustus mortuus esset, misertus sum eius status, quia fassus erat sese gravem offendisse regulam. Hinc alium accersivi Monachum, eique dixi: « Vade itaque, ab hodierna die » diebus triginta continuis offer pro eo » sacrificium: stude ut nullus praeter » mittatur dies, quo pro assolutione illius Hostia salutaris non offeratur. » Post triginta dies Iustus apparens fratri suo monacho Copioso ait: usque ad trigesimum diem male sese habuisse, sed tunc bene sese habere. « Fratres » vero (ait s. Gregorius) solliciti eam » putaverunt dies, et ipse dies extiterat,

» quo pro eo trigesima oblatio fuerat » impleta. » Hinc usus communis invaluit ut hae triginta Missae vocarentur *Gregorianae* seu s. Gregorii. Quae Missae pie censentur specialem habere vim pro liberandis animabus a Purgatorii poenis.

*Monitum.*— Consultorum vota optime dici possunt breves completique tractatus de Gregoriano missarum Tricenario, de altari s. Gregorii de Urbe, deque altaribus gregorianis ad instar. Hinc magna cum difficultate ad compendium reduci potuerunt, saepe resecando multa, quae fructuose tradi potuissent si breves sententiae limites hephemeridis nostrae id concessissent.

propalarunt viri illustres et doctores; vel quia simplices fideles illud sequuti sunt. Et quoad primum nemo ex catholicis damnare audebit s. Gregorium, quamvis eundem iniuriâ damnent haeretici, quin evincant utrum sanctus aliquam tribuerit peculiarem efficaciam numero et continuationi; aut potius praelectum ab eodem fuerit tricenarium ad honorandam, ex. gr. vitam Iesu Christi abditam. Ex quo sequitur quod neque secundus neque tertius modus reprobari possit: eo quod exemplum s. Gregorii causam praebuit s. Sedi usum probandi, doctoribus illum commendandi et divulgandi, fidelibus vero idem Tricenarium in praxim habendi. Qua de re de n. Sanchez profiteri cogitur superstitionem abesse quatenus Missae celebrentur, ut recolatur quod egit s. Gregorius.

Quoad vero simplices fideles omnis exulat haeresis suspicio; quia si nullum adsit contrarium factum, supponi debet tricenarium expleri ceu illud intelligunt sancti et illustres viri, ceu doctores docuerunt atque propagarunt. Ex quo sequitur hanc praxim haud esse periculosam; quia in hac fideles spiritum et intentionem Ecclesiae et sanctorum dicta sequuntur; et quia facili modo capere valent, s. Gregorium hac ratione animam a Purgatorio liberasse, genus hoc suffragii Deo pergratum esse, et aptum ad eundem consequendum effectum in aliis casibus. In hanc praeterea ire sententiam poene omnes doctores, paucis exceptis. Huiusmodi piam praxim, ait Consultor, sequitur Ecclesia occidentalis tota per cuncta saecula, post s. Gregorii obitum; hanc sequuntur corpora moralia, et viri pietate et doctrinâ insignes; hanc propagarunt et commendarunt graves auctores. Thesim probavit Consultor, adductis documentis historiae, et citatis auctoribus, qui de hac materia scripserunt.

Mos hic positivam obtinuit permissionem a Sede Apostolica. Nam dum s. C. Rituum per decretum 8 Aprilis 1628 prohibuit atque damnavit nonnullas s. Gregorii missas; per aliud decretum 28 octobris 1628 declaravit primum aiens: non intellexisse prohibere tricenarium s. Gregorii. Sacra C. Concilii anno 1791 probavit onus triginta missarum susce-



ptum in haereditatem a religiosis Olivetanis Bononiae. Nonnullae constitutiones Religiosorum per s. Sedem approbatae praescribunt Tricenarium s. Gregorii. Hinc propositio quae damnaret praxim hanc ceu superstitiosam, censenda esset *temeraria, pio, probato ac per Ecclesiam frequentato mori iniuriosa.*

Piae huiusmodi praxi autem adesse peculiarem efficaciam eruit Consultor ex facto s. Gregorii, sumpto iuxta Ecclesiae aestimationem (1). Ex ipsa enim rei expositione colligitur ait Consultor, s. Gregorium tribuisse tricenario specialem virtutem: nam ita concludit: « *res aperte claruit, > quia frater qui defunctus fuerat, per salutarem hostiam > evasit supplicium.* Id eruitur etiam ex verbis praecepti: « *diebus triginta continuis; stude ut nullus omnino > praetermittatur dies.* » (2)

Qua de re hoc factum a fidelibus, et ab Ecclesia non habetur ceu factum transitorium, sed induit naturam permanentis institutionis; ut habet S. C. Rituum in decreto 28 octobris 1628: « *Missas quas Gregorius instituit.* » Et ideo iure concluditur quod si eadem ponatur causa, idem generaliter gigni debeat effectus.

Huius efficaciae particularis probatio desumitur etiam ex inscriptione quae legitur in Sacello Ecclesiae coelimonitanae, sancto Gregorio dicato. Traditur enim hoc in Sacello celebratas fuisse triginta Missas pro anima Iusti, et in eo plu-

(1) Ex doctoribus qui hanc praxim tantum tolerant haud tribuunt eidem specialem efficaciam. S. Antoninus hanc videtur habere opinionem; et Concina, suspensa quaestione de honestate, ait: « illud certum est plus efficacitatis habere prae ceteris missis non habere. » Quaeritur enim in hac quaestione an triginta Missae, triginta diebus continuis celebratae illam habeant efficacitatem ex opere operato quam non haberent si omnes eodem die, aut cum interruptione alienius die celebrantur.

(2) Quoad continuationem in huius

praxi Pasqualigus notat quod ipsa valet: « Ad elevandum suffragium ad maiorem » aestimabilitatem: nam plures sunt » quae continuantur, quam quae cum » interruptione exhibentur; unde plures » fiet donum centum aureorum, quam si » diversis vicibus eadem summa donec » tur. Et continuitas aestimatur praesertim in oratione; unde 2<sup>o</sup> Machab. 13 » Iudas praecepit populo ut continuo die » ac nocte orarent Dominum, atque adeo » omnes per triduum continuum praestrati oraverunt. Quaes. 104 num. 5 » pag. 326. »

ries litavisse s. Gregorium pro defunctis. Inscriptio haec talis est - *Hac in cella tt. (triginta) Gregorii Pont. Max. celebratae Missae, animas a cruciatu Purgatorii solvunt.*

Accedit his auctoritas Theologorum; inter quos Pasqualigus ait: *Divus Gregorius iniunxit Abbati Pretioso..... Ex quo colligitur quod ultra fructum regularem habeant aliquem specialem fructum « Peculiarem vim habent liberandi animas a Purgatorio. »* Alii id practice docent innuentes quibus regulis perficiendum sit. (1)

Etiam per visiones ratam habuit Deus piam hanc fidem. Sanctus Antoninus enarrat, quamdam animam monuisse piissimum Episcopum, sese in Purgatorio morari, adiecitque: *at liberari possem si triginta Missas, triginta diebus continuis pro me diceres.* Episcopus ter tricenarium suscepit, terque a daemone exturbatus fuit; sed tertia vice perficere potuit; et dum ultimum litaret sacrificium, anima coelum petiit.

Saeculo XVIII Lelius Guidiccio, patricius Lucensis et Canonicus s. Mariae Maioris, litans triginta Missas pro anima patris sui in Ecclesia s. Gregorii sepulti, quando pervenit ad *memento* ter vocem audivit defuncti; et post tertiam vocem, oculos levans, animam coelum ingredientem aspexit. Quae omnia, ait Consultor, demonstrant ritum huiusmodi vim habere peculiarem.

De causa huius specialis fructus loquens consultor, ait: plures adesse sententias. Pasqualigus primus innuit: *quomodo id contingat, et an semper, est valde difficile explicare;* et concludit: *Quid autem dicendum sit, fateor nihil occurrere quod satisfaciat.* Benedictus XIII vero ait: *assigmandum est uti causa meritum sancti, tunc monaci, qui*

(1) Conditions quae requiruntur pro rite explendo Tricenario. 1. Ut Missae sint triginta. 2. Ut celebrentur triginta diebus continuis, nisi ritus impediat, ceu in Triduo Passionis. 3. Ut (forsan) haec Missae sint *de requie* quo-

ties ritus sinat. Quoad exceptionem pro Triduo Passionis ait Tamburini: « non est credibile Deum eas non acceptare ut continnas, dum servatur eius sponsae Ecclesiae tam pia consuetudo. »

suis precibus efficacissimis impetravit his triginta missis vim satisfactoriam. Alius autem cogitat, causam hanc reperiiri in plenaria Indulgentia concessa ab eodem s. Gregorio, aut ab aliis Pontificibus.

Vim tricenarii quod pro anima Iusti fieri iusserat s. Gregorius, istius precibus tribuendam esse eruit Consultor ex verbis Diaconi Ioannis qui saeculo post mortem scripsit vitam s. Gregorii; quique enarrans tricenarii factum enarrationem conclusit: « Res aperte claruit, quia fratri, quem sub animadversionis sententia Gregorius mori permiserat, per salutarem hostiam a supplicio liberaret. » Quoniam vero Sanctus Missas non litaverat, hinc obtinere debuit a Deo ut illae Missae satisfacerent pro poena quam defunctus pati debuisset. Nec mirum, quia idem Diaconus enarrat quod Sanctus, postquam visitatus fuerat ab Angelo; « tantis miraculis, tantis est virtutibus publicatus, ut omnibus secum » viventibus et exemplo fuerit et terrori, quippe qui non » solus, sed socialiter cum beato Andrea Apostolo, suo monasterio, signis evidentibus, sit praefuisse putatus. » Idem probare censuit consultor per inscriptionem circa altare, Sancto dicatum in Ecclesia s. Gregorii; quae huius est tenoris: *Missis triginta, Sanctus Gregorius animam sui monachi liberavit.*

Intercessioni vero s. Gregorii tribuit Consultor vim tricenariorum quae celebrantur ad instar illius, quod sanctus celebrari iussit. Hinc ceu dictum est, pia praxis apud Ecclesiam habetur pro institutione quadam, cuius origo repetenda est a facto s. Gregorii, a quo partum est genus fructusmodi suffragii. Et ideo sancti preces quae primo tribuerunt vim specialem, esse debent saltem partialis causa huius efficaciae pro tricenariis aliis. Resque ita explicari potest: ex quo sanctus aspexerit, Deum excepisse preces pro anima Iusti, eundem exoravit in terra, et exorat in Coelo ut eadem misericordiam uti dignetur pro aliis quorum favore hoc suffragium applicatur. In hypothesis autem quod hoc factum impulerit Sanctum ad concedendam vel postulandam

Indulgentiam plenariam, dici potest eundem sanctum impetravisse aut impetrare ut Deus excipiat hanc satisfactionem favore illorum, pro quibus oblata est. Verisimilem apparere hanc explicationem ex parte sancti Gregorii, cuius charitas ita sollicita erat, ut ad omnes personas et necessitates sese extenderet; et ex parte Dei, qui saepe, ut docet mystica Theologia, quibusdam praedilectis animabus specimina exhibet amoris singularis, nedum earumdem favore, sed etiam aliarum. Indulgentia Portiunculae quam s. Franciscus obtenuit, affinis est huic argumento.

Populum fidelem tribuere precibus Sancti Gregorii vim extraordinarii fructus colligi etiam potest ex inscriptione Ecclesiae Sancti eiusdem: « *Hac in cella tt. (triginta), Gregorii Pont. Ma. celebratae missae animas a cruciatu Purgatorii solvunt.* »

Etiam traditio apud fideles aliud exhibet argumentum de efficacia intercessionis s. Gregorii favore defunctorum; nam iidem fideles omnino et semper curant ut missae celebrentur pro defunctis apud altare s. Gregorii. Non deest tamen qui tribuit Indulgentiae plenariae vim efficaciae Tricenarii. Sed Pasqualigus et Benedictus XIII haud admittunt hanc theologorum sententiam, eo quod quum Iustus mortuus est, nondum s. Gregorius erat Pontifex; nec eandem valuit obtinere a R. Pontifice, quia tunc temporis plenaria Indulgentia concedi non solebat; nec ulla adest huius concessionis memoria. Consultor vero censuit dici non posse Indulgentiam plenariam esse totalem causam efficaciae Tricenarii; sed nullam fieri posse gravem obiectionem, si dicatur Indulgentiam plenariam esse causam partialem eiusdem efficaciae. Quam Indulgentiam potuit sanctus impetrare a R. Pontifice, etsi concedi non soleret. Sed quaestio est de nomine, cum omnes conveniant per Tricenarium animam a Purgatorio liberari.

Loquens autem Consultor de modo quo liberatur anima a Purgatorii poenis, ait, sese loqui de modo impetratorio, seu de efficacia propria et speciali precum. Certumque ait

esse apud omnes, preces defunctis prodesse ceu medium impetratorium; quinimo Beatorum preces nullam aliam vim habere posse quam vim impetratoriam. Hisce aliisque praemissis, ait: dubium esse non posse quod s. Gregorius obtinuerit, dum in vivis ageret, vel in coelum translatus obtineat a Deo ut fructus Tricenarii applicetur totus pro anima illa pro qua offertur. Quod impetrationis genus admittitur ab omnibus Theologis. Quod si admittatur opinio, s. Gregorium ad Pontificatum elevatum concessisse pro Tricenario Indulgentiam plenariam, efficacia illius precum sic intelligi potest, quod Sanctus impetraverit ut Deus excipiat suffragium hoc pro illis, pro quibus offertur. Et haec impetratio habetur ceu peculiaris gratia, S. Gregorio indulta, magnae venerationis causâ, quam fideles habent pro eodem Tricenario.

Alia autem admittitur opinio a magni nominis Theologis; quod nempe Deus per s. Gregorii intercessionem gratis indulgeat animae debitum, quod ultra fructum triginta missarum solvendum superesset. Quae opinio quamvis a Suarezio impugnetur, tamen etiam ab eo dicitur *pia, probabilis et fortasse vera*.

Quoad efficaciam Tricenarii, ait Consultor, hanc sufficere ad liberandam a Purgatorio animam cuius favore fit idem Tricenarium. Quoad effectum in *actu primo* vim Tricenarii non differre ab efficacia missae celebratae apud Altare privilegiatum; differre vero Tricenarium a triginta missis celebratis, etiam eodem die, in hoc, quod secundae citius suffragium afferant, sed a Purgatorio non liberant animam, quae indigeat suffragiis maioribus efficaciam ordinariam triginta Missarum; dum Tricenarium etsi tardius agat, tamen ad eius exitum animam liberat.

Efficacia insuper propria Tricenarii secumfert maximam probabilitatem quod anima, pro qua perficitur realiter liberetur illico a poenis Purgatorii. Pro certo tamen haberi non potest quod Tricenarium semper obtineat realiter liberationem animae; idque erui ex consuetudine idem etiam pluries

iterandi; ex analogia cum Indulgentia plenaria, quae certum infallibiliter non est, an in sua integra extensione iuvet illis quibus applicatur. Quod autem Tricenarium nedum probabilissime sufficiens sit, sed realiter liberet animam a Purgatorio eruit Consultor ex sententia gravium auctorum, et ex maxima veneratione qua idem Tricenarium prosequitur Ecclesia.

Loquens de altari s. Gregorii, erecti in Ecclesia eiusdem Sancti, praemonuit Consultor, privilegiū altaris s. Gregorii, communicatum fuisse quamplurimis aliis Ecclesiis reperimus, idemque a s. Sede haberi ceu typum et formam privilegii indulti aliis altaribus. Quoniam vero de istorum authenticitate non controvertitur, sic etiam primum authenticum est. Huic argumento accedit aliud ex maxima fiducia quam fideles habent in Missis ad hoc Altare recitatis. His praemissis, ad naturam huius praxis transiit Consultor et ait: incontroversum esse per hanc praxim liberari animam a poenis Purgatorii; ast effectus hic tribui ne debet intercessioni s. Gregorii, ceu dictum est de Tricenario, vel Indulgentiae plenariae ab aliquo Pontifice concessae? Id nescire ait Consultor; sed probabiliorem credere sententiam secundam.

Sed gravior adest quaestio; ex declaratione S. C. Indulgentiarum omnium Missarum celebratarum apud Altaria privilegiata effectus est liberatio animae a Purgatorio; hoc posito adest ne differentia inter altare privilegiatum et altare s. Gregorii? et si adest in quo consistit? Theologi aut tacent de hac differentia, aut eam non admittunt: ita ut nulliter differrent altaria gregoriana per communicationem ab altari Ecclesiae in Monte coelio.

Attamen certum est fideles magis estimare Missas celebratas ad altare S. Gregorii, quam alias celebratas ad altaria privilegiata. Et hanc fiduciam bene fundatam esse, ait Consultor; eo quod quibusdam Sanctis datum est in aliis quibus specialiter causis praecipue patrocinari, sicut s. Antonio ad ignem infernalem. Deus autem etiam in locis dicatis memoriae Sanctorum, ostendit quantum apud se illo-

rum intercessio possit; et Divus Thomas accenset rebus quibus sacrificii fructus augetur etiam *intercessionem sancti, cuius suffragium in Missa imploratur.*

Videtur autem Deus commisisse s. Gregorio specialiter patrocinari causam animarum purgantium: hinc probabilissimum est illum exercere hoc patrocinium in Ecclesia sibi dicata in Montecaelio, et praecipue in suo altari. Hinc basi non destituitur pia fiducia quae magis aestimat altare s. Gregorii, quam altare privilegiatum; in illo enim non est sola Indulgentia plenaria, sed etiam sancti patrocinium. Quid autem hoc patrocinium adiciat Indulgentiae plenariae erui potest ex declaratione S. Congregationis Indulgentiarum; quae ait, per Indulgentiam plenariam Deo offertur pretium necessarium pro immediata liberatione animae a Purgatorii poenis; sed a beneplacito Dei pendet excipere illud pretium, saltem in sua tota extensione. Nunc Missae de quibus sermo est interponentes Sancti patrocinium probabiliter efficiunt, ut Deus facilius pretium illud excipiat.

Tandem Consultor aiens sibi haud commodum esse examinare Archivium Secretariae Brevium sese exemit a sua proferenda opinione super dubium < utrum expediat revocare > suspensionem novae concessionis praedicti altaris, latam > ex mandato SS<sup>mi</sup> in Audientia 15 Martii 1852. (1) >

VOTUM ALTERIUS CONSULTORIS. Opus huiusmodi Consultor alter suscepit, sibique proposuit in hunc finem examinare duas formulas, quibus concedi solebant altare privilegiatum et altare gregorianum; ut investigaret an inter utrumque adesset aliqua differentia, et quaenam esset; et consequenter an id sufficiat pro tollenda illa suspensione, prudenter *ad tempus* decreta a Pio IX.

Etsi, ait Consultor, a tempore remoto repetenda sit origo

(1) Sciendum est annis 1842 et 1852, propositas fuisse quaestiones, an inter altare privilegiatum et altare gregorianum aliqua esset differentia, et quaenam revera haec esset. Ast cum Consultores et Emi Indices in eandem non irent

sententiam, responsum fuit: *Dilata* et ad mentem; donec nimirum opportunior et penitior disceptatio haberetur. Interea vero Pius Papa IX f. r. satius esse duxit novas concessionem altaris gregoriani suspendere.

altaris privilegiati, et complura adsint exempla, tamen Gregorius XIII generalem reddit ac moderatus est eorum usum; et ab istius temporibus, nempe a tribus abhinc saeculis duplex reperitur breve diversum pro concessione Apostolica altaris Gregoriani seu ad instar illius s. Gregorii in Montecoelio.

Ex hoc ergo facto apparet aliquam adesse debere differentiam inter utrumque: sed differentia haec est tantum formalis, seu realis saltem quoad gradum. Ex pia credentium fide in altari gregoriano aliquid magis esse videtur. Ast quodnam est verum criterium pro iudicio hoc? Cum iuxta Theologos Indulgentiae *tantum valent, quantum sonant*, patet quod si differentia adest, ex verbis apparere debet ipsius Pontificiae concessionis, nec non ex declarationibus authenticis. Quid autem sit Indulgentia altaris privilegiati declaratur per S. Congregationem Indulgentiarum die 28 Iulii 1840: « Per Indulgentiam altari privilegiato »  
 » adnexam, si spectetur mens concedentis et usus clavium  
 » potestatis, intelligendam esse indulgentiam plenariam,  
 » quae animam statim liberet ab omnibus Purgatorii poenis.  
 » Si vero spectetur applicationis effectus, intelligendam esse  
 » indulgentiam, cuius mensura divinae Misericordiae bene-  
 » placito et acceptationi respondet. »

Nunc autem quidnam est Indulgentia altaris gregoriani? Certe nil aliud est quam ipsa Indulgentia plenaria, vel alia Indulgentia maior cum sola differentia in formula concessionis. Idque esse posset duplici ex capite; nempe vel quia *si spectetur mens concedentis et usus clavium potestatis* ampliores concedantur indulgentiae altari gregoriano; vel quia *si spectetur applicationis effectus* adsit pro altari gregoriano aliqua ratio peculiaris intrinseca aut extrinseca favore maioris fiduciae, quod Indulgentia eadem facilius et certius a divina Misericordia excipiatur. Ast haec differentia in formulis concessionis haud reperire valuit Consultor; et ideo vel argui posset minime differre inter se altare utrumque, vel formulam pro altari gregoriano non reperiri in formulis ordinariis eo quod singularis gratia sit concedenda per Bullam aut Breve pontificium. ~



Et re quidem vera Apostolica Sedes a tempore saltem Gregorii XIII duabus utitur formulis diversis pro concessione altaris gregoriani et altaris privilegiati. Ast, ait Consultor, differentia apparet tantum in verbis et formulis, minime vero in substantia; nam Indulgentia ad liberandam animam a Purgatorii poenis eadem est in utraque formula; quamobrem si differentia aliqua adsit, erit tantum quoad gradum.

Et ideo inquirendum est an ex formulis colligi possit differentia quoad gradum: idest utrum in altari gregoriano aliquid magis sit quam in altari privilegiato. Id enim ex dictis verificari posset vel ob concessionem maiorum Indulgentiarum ex parte Ecclesiae, vel ob acceptationem ex parte Dei. Incontroversum videtur, altare s. Gregorii ad Montem Coelium, ceu privilegiatissimum habendum esse utriusque capitis gratiâ; nempe tum propter acceptationem ex parte Dei, tum propter pontificias concessionem. Sed hic non agitur de illo altari privilegiatissimo quod a Deo et ab Ecclesia praediligi videtur; sed agitur de altaribus gregorianis per communicationem: et quaeritur an habeant aliquid magis quam altaria privilegiata? vel est ne inter eadem aliqua differentia quoad gradum? Et imprimis dicimus adesse posse ampliorem Indulgentiam ex parte Ecclesiae: nempe praeter Indulgentiam pro animae liberatione, aliam Indulgentiam pro aliis animabus defunctorum aut pro celebrante vel mandante missae celebrationem, et pro orante apud illud altare. Praeterea altaria gregoriana habere possent alia privilegia indulta Ecclesiae s. Gregorii in monte Coelio; praecipue pro solemnibus octava mortuorum.

Attamen quidquid sit de altari s. Gregorii in Monte Coelio, communicatio quae fit altaribus gregorianis *ad instar* iuxta communem formulam limitatur ad Indulgentiam pro liberatione unius animae; et ideo ex se nequit esse neque maior neque minor Indulgentiâ plenariâ, adnexâ cuilibet altari privilegiato. Hinc iuxta formulam abest omnis differentia gradus quoad amplitudinem Indulgentiarum ex parte

Ecclesiae, vel si spectetur mens concedentis et usus clavium potestatis.

Aderit ne tamen differentia gradus, saltem si spectetur applicationis effectus, seu acceptatio divina? Haec, ait Consultor, adesse posset; eo quod haec Indulgentia conceditur tantâ auctoritate per modum suffragii: sed omnibus perspectis, ait Consultor, abesse videtur quia in concessione altaris gregoriani verbum non fit de speciali acceptatione divina causâ Indulgentiæ. Et ideo vis specialis suffragiorum quae fiunt ad altare s. Gregorii, donum Dei gratuitum esse videtur; quod privilegium a Deo datum, extendi formaliter et plene nequit aliis altaribus ab Ecclesia.

Verum, quaesivit Consultor, Ecclesia potuit aut potest facere aliquid ut suffragia apud altare s. Gregorii acceptabiliora fiant? ita ut efficacia haec communicari queat aliis altaribus? Ecclesia prospiciens specialem acceptationem divinam quoad suffragia oblata apud illud altare, ut ostenderet suam praedilectionem erga illa loca Sancta, consecravit atque specialiter deputavit eadem loca ad finem animas liberandi a poenis Purgatorii, ceu ex formulis concessionis coniiicitur. Verum haec *specialis deputatio est* ne factum auctoritatis Ecclesiae, quod forsitan adiiciat suffragiis, actis apud altare illud specialem titulum divinae acceptationis, qui omnibus altaribus gregorianis communicari valeat? Ex solutione huius phrasidis medium forsitan exhiberi potest ad colligendam ex ipsa formula concessionis, differentiam inter altaria privilegiata communia, altare s. Gregorii ad Montem Coelum, et gregoriana *ad instar*.

Et re quidem vera quodlibet altare privilegiatum haberi potest ceu destinatum ab Ecclesia pro suffragiis animarum Purgatorii; et destinatio ista potest habere gradus diversos. Sic, ad exemplum, omnis Ecclesia destinatur pro animarum suffragiis, per Missas ad illius altaria celebratas: sed Ecclesiae quae Romae dicuntur *del Suffragio* et *della Buona morte*, specialiter ad hoc destinantur, atque per singularem concessionem omnia earundem altaria sunt privile-

ciata. Quoniam vero destinatio haec habet suam gratiam, a-  
 rare s. Gregorii est in summo gradu, *ad hoc spiritibus*  
*deputatum*. Quod autem ex hac destinatione, ab Ecclesia fi-  
 cta, maior enari debet certitudo pro divina acceptatione a  
 rei natura erui posse videtur: etenim quatenus est ratio  
 maioris fiduciae apud fideles, quod Missas celebratas pro  
 defunctis in duabus hactenus Ecclesiis, nisi quod eadem ad hoc  
 specialiter destinatae sunt!

Praeterea ipsa specialis destinatio ab Ecclesia facta, est  
 titulus specialis ad divinam acceptationem, ne auctoritas  
 Ecclesiae suae a Iesu Christo frustra concessa liceat. Quam  
 autem auctoritas Ecclesiae gradus habent, specialis acris  
 huius auctoritatis titulum specialiore ad divinam accepta-  
 tionem securifera. Nunc autem quoniam titulus specialis  
 ad divinam acceptationem ab Ecclesia emanat, sic ab Eccle-  
 sia commemorari etiam potest omnibus altaribus gregorianis.  
 Similiter in oratione eorumdem dicitur, Missam apud  
 eadem celebratam operari ad animae liberationem, vobis  
 si Sacerdos incaret ad altare s. Gregorii de urbe, ad id de-  
 putatum.

Praeterea titulus ad divinam acceptationem deductus ad  
 auctoritate Ecclesiae hanc exhibuit alium titulum, dedu-  
 ctum a meditatione s. Gregorii: quibus eundem implicitae  
 intentione apud Ecclesia specialiter deputavit illud altare  
 ad specialem acceptationem Dei quod suffragia, apud idem  
 altare collata, per s. Gregorii intercessionem. Finis autem  
 Ecclesiae est ut referretur suffragium effectus per interce-  
 sionem huius Sancti, qui habetur seu Patronus specialis de-  
 functorum. Titulus vero ad sancti intercessionem ab Eccle-  
 sia commemorari potest altaribus gregorianis et ideo Mis-  
 sae celebratae apud altaria gregoriana habentur ab Eccle-  
 sia seu celebratae apud idem altare s. Gregorii in Monte  
 Coelo.

Ex hactenus, aut Constituto, imprimis eruitur altare s. Gre-  
 gorii aptissime esse Deo acceptum favore defunctorum, in-  
 tuum meritum eiusdem Sancti, etiam independenter ab Indul-

gentiis; atque intuitu specialis destinationis ab Ecclesia factae de altari illo, ad exercendam auctoritatem concedendi Indulgentias pro defunctis; et eorum suffragiorum commendando acceptationem, intuitu mediationis eiusdem Sancti Gregorii. Eruitur etiam quod secundus hic titulus ad divinam acceptationem communis sit Indulgentiis adnexis Missis celebratis apud altaria gregoriana, veluti si celebrarentur ad altare eiusdem s. Gregorii. Et consequenter deducitur tertio differentiam gradus inter altaria gregoriana et simpliciter privilegiata poni in maiori certitudine quod Indulgentia proprium sortiatur effectum; quod nempe acceptetur a divina Bonitate facilius, plenius, citius; tum ob specialem destinationem illius altaris ab Ecclesia factam, tum ob specialem intercessionem s. Gregorii.

Differentia huiusmodi haud est substantialis et speciei, quoniam altare privilegiatum et gregorianum idem possident privilegium, id est plenariam Indulgentiam: sed est differentia realis, quoniam altare gregorianum habet plus aliquid realis, quod est novus titulus ad divinam acceptationem; et ideo non est tantum praecedentia gradus, honoris aut nominis.

Quum autem ex dictis appareat quod adsit et qualis sit differentia inter altare gregorianum et simpliciter privilegiatum, dici potest, ait Consultor, cessasse causam qua Pius IX iussit suspendi novas concessionem altaris gregoriani:

\*-----\*

**Rescriptum quo conceditur Indulgentia tercentum dierum recitantibus sequentes preces pro animam agentibus.**

*Beatissimo Padre*

*Beatissime Pater*

Il canonico Domenico Salvatore direttore della pia Unione a favore degli Agonizzanti di tutto il mondo, fa umile istanza perchè la Santità Vostra voglia accordare trecento giorni d'In-

*Canonicus Dominicus Salvatore, moderator piae Unionis in favorem animam agentium ex universo Mundo, humiliter exorat Sanctitatem Vestrâam ut concedere dignetur tercentum*

dulgenza a chi divotamente reciterà le qui seguenti brevi preghiere.

*dierum Indulgentiam devote recitantibus breves quae sequuntur preces.*

## PREGHIERE

Eterno Padre, per l'amore che portate a s. Giuseppe da voi eletto fra tutti a rappresentarvi in terra, abbiate pietà di noi e dei poveri agonizzanti. *Pater, Ave e Gloria.*

Eterno Divin Figlio, per l'amore che portate a s. Giuseppe vostro fedelissimo custode in terra, abbiate pietà di noi e dei poveri agonizzanti. *Pater, Ave e Gloria.*

Eterno Divino Spirito, per l'amore che portate a s. Giuseppe, il quale con tanta sollecitudine custodi Maria SS<sup>ma</sup>, Vostra prediletta Sposa, abbiate pietà di noi e dei poveri agonizzanti. *Pater, Ave e Gloria.*

## PRECES

*Aeterne Pater, propter amorem, quo prosequeris s. Iosephum, inter omnes a Te selectum ad Tuas in terris implendas vices, miserere nostri pauperumque animam agentium. Pater, Ave et Gloria.*

*Aeterne divine Fili, propter amorem quo prosequeris s. Iosephum, Tuum in terris fidelissimum custodem, miserere nostri pauperumque animam agentium. Pater, Ave et Gloria.*

*Aeterne divine Spiritus, propter amorem quo prosequeris s. Iosephum, custodem studiosissimum SS<sup>mae</sup> Virginis Mariae, tuae dilectae Sponsae, miserere nostri, pauperumque animam agentium. Pater, Ave et Gloria.*

Sanctissimus Dominus Noster Leo Papa XIII in audientia habita die 17 Maii 1884 ab infrascripto Secretario Sacrae Congregationis, Indulgentiis sacrisque reliquiis praepositae omnibus utriusque sexus Christifidelibus, qui supra relatas preces, corde saltem contrito ac devote recitaverint, Indulgentiam tercentum dierum, semel in die lucranda, benigne concessit. Praesenti in *perpetuum* valituro absque ulla Brevis expeditione. Contrariis quibuscumque non obstantibus. Datum Romae ex Secretaria eiusdem s. Congregationis die 17 Maii 1884.

AL. CARD. OREGLIA A S. STEPHANO *Praef.*

FRANCISCUS DELLA VOLPE *Secretarius.*

## EX SACRA RITUUM CONGREGATIONE

Litterae circulares Emi Praefecti ad Episcopos Catholici Orbis quoad  
centenariam commemorationem nativitatis B. M. Virginis.

*Illine et Rñe Domine*

Vir Eminentissimus Metropolitanae Ecclesiae Colocensis et Baciensis in Hungariae Regno Antistes Ludovicus Cardinalis Haynald, humillimis oblatis precibus, Sanctissimum Dñum Nostrum LEONEM PAPAM XIII rogavit, ut probata aliquorum Theologorum ecclesiasticae historiae peritorum sententia, quae suadet proximo anno 1885 completum iri decimum nonum saeculum ab ortu gloriosae Virginis, Dei genitricis Mariae, de eo laetissimo eventu speciale festum solemni ritu celebrandum decerneret in catholico Orbe universo, die octava Septembris eiusdem anni. Postulationi quamplurimi alii subscripserunt ecclesiarum Praesules, inter quos aliquot Emi Cardinales; permulti quoque accessere ecclesiastici Viri dignitate clari, et laici religione praestantes: omnes ferventi permoti desiderio novum cultus honorem opponendi probris ac blasphemis, quibus excelsa Domina a tenebrarum potestate hodie lacessitur, ab eaque, tam propitia oblata occasione, enixius implorandi, ut optatae pacis nostrae sequestra fiat apud Deum, et caelestium administra gratiarum.

Sanctissimus Dominus rei perspecta gravitate, eam videndam demandavit peculiari Congregationi Eminentissimorum Cardinalium sacris tuendis ritibus praepositorum. Quae die 31 mox praeteriti mensis Maii ad Vaticanum coadunata, in primis in hoc themate pervidit obicem, hactenus insolubilem, ex defectu notitiae certae, quae prorsus necessaria esset, veri anni Virginei natalitii; cum eruditi omnes tam veteres quam recentiores, ac ipsi centenarii propugnatores censeant tempus nativitatis Deiparae beatissimae historica certitudine definiri non posse. Quae enim maxime afferuntur documenta, videlicet fragmentum epistolae Evodii, post Sanctum Petrum primi Antiocheni Episcopi, iuxta quod beata Virgo decimum quintum annum agens peperisset huius mundi lucem; et Chronicon Paschale, unde deducere daretur Mariae ortum undecimo anno, ad summum, ante Christum natum contigisse: haec praeterquamquod secum non cohaerent, ab omnibus melioris notae criticis, validis adductis rationum momentis, facile refelluntur uti apocrypha, aut prorsus dubiae auctoritatis. Hi propterea incunctanter negant fidem esse adiungendam rei, de qua sacrae litterae, veteres Patres ecclesiasticae historiae et sacrae antiquitatis explorata monumenta nihil omnino tradiderint. Ac sapienter, pro suo more, de hoc ipso scribit Summus Pontifex Benedictus XIV: « Fortasse nonnemo mirabitur nos de nativitate beatae Virginis nihil afferre; sed cum de ea sacer textus omnino sileat, optimum putavimus et nos de re prorsus in-

certa tacere, de qua cum plures scribere voluerint ex turbidis fontibus, quae tradiderunt, hausisse videntur, puta ex Proto-Evangellio, quod Sancto Iacopo falso tribuitur, ex libro de Ortu Virginis qui perperam Sancto Iacobo fratri Domini Nostri Iesu Christi, et a quibusdam Cyrillo Alexandrino adscribitur, . . . ex commentitiis s. Evodii epistola etc. » (*De festis B. M. V. lib. II cap. IX*).

Consuetudinem autem, quae invaluit, celebrandi sacras centenarias commemorationes, rei praesenti minus congruere deprehensum fuit. Quandoquidem, uti iidem centenarii fautores testantur, expetitur festum prima vice hoc decimonono saeculo foret inducendum, veluti quid novum in Dei Ecclesia, et cunctis retroactis saeculis ne cogitatum quidem ab eximia maiorum erga inelytam Dei Genitricem pietate et devotione, aut certe illis inusitatum. Profecto satis congrua theologica atque liturgica ratione inolevisse censendum est, ut saecularia solemnia, quae aliis sanctis cum Christo regnantibus non denegantur, ea de praecipuis sacratissimis Beatae Virginis vitae actis et mysteriis, scilicet de Nativitate, de Annuntiatione, de Assumptione, ac porro de ceteris, non celebrentur. Nam eminentiori veneratione supra ceteros Sanctos colit Ecclesia Caeli Reginam et Dominam Angelorum, cui, *in quantum ipsa est mater Dei ... debetur ... non qualicumque dulcia, sed hyperdulcia* (S. Thom. 3 part. quaest. 25, art. 5). Ideoque plusquam centenaria solemnibus commemoratione, eadem semper cultus praestantia, eodemque honoris tributo Ecclesia celebrat recurrentes eius misteriorum solemnitates; cum de caetero cultus Deiparae in Ecclesia sit plane quotidianus, ac prope nulla temporis mensura limitatus.

Haec pauca, vel leviter tantum adumbrata, satis ostendunt prudentiam Sacrae Congregationis, quae proposito dubio: « An recoli expediat anno proximo 1885 in toto Orbe centenaria commemoratio Nativitatis Beatae Mariae Virginis? » mature expensis omnibus, unanimi suffragio respondit: *non expedire*. Valde tamen laudavit, ac Sanctissimo Domino deferendum voluit, pium tot praeclarissimorum Postulantium desiderium exhibendi Genitrici Dei gloriosae novum aliquod obsequii ac filialis amoris publicum argumentum pro novis iniuriis a perditis blasphemisque hominibus ei inlatis; qui, occasione arrepta, etiam in Almae eius Domus Lauretanum Sanctuarium toto orbe celeberrimum acuerunt linguas suas.

Facta vero de his per me infrascriptum Cardinalem fidei relatione, Sanctitas Sua Sacrae Congregationis sententiam in omnibus ratam habuit et confirmavit. Mandavitque ad supramemoratum effectum a Rm̄is locorum Ordinariis celebrari in suis Dioecesibus triduana devota solemnia diebus sexta, septima et octava Septembris huius vertentis anni 1884 in honorem Beatissimae Virginis, ad instar eorum quae Romae in templo Sanctae Mariae supra Minervam iussu eiusdem Sanctissimi Domini, propediem erunt celebranda. Concessitque fidelibus, pro qualibet vice septem annorum ac septem quadragenarum Indulgentiam; quotidie vero interessentibus, et intra triduum confessis ac sacra synaxi reffectis, et ad mentem Sanctitatis Suae Deum orantibus, plenariam Indulgentiam

semel lucranda, etiam animabus in purgatorio detentis applicabilem. Voluit autem huiusmodi triduana festa in Lauretana Basilica omnino peragi: quocirca magnopere probavit, ut a die prima proxime futuri mensis Septembris ad decimam Decembris inclusive piae peregrinationes in eundem finem ad praefatum Sanctuarium Lauretanum instituantur; concessa, in omnibus ut supra, de thesauro Ecclesiae plenaria Indulgentia semel lucranda.

Haec dum pro meo muneris ratione Amplitudini Tuae communico, Eidein fausta omnia precor a Domino.

Romae in Solemnitate Pentecostes die 1 Iunii 1884.

D. CARD. BARTOLINIUS S. R. C. PRAEFECTUS.

LAURENTIUS SALVATI S. R. C. *Secretarius.*

---

## CONGREGATIONIS

CLERICORUM REGULARIUM INFIRMIS MINISTRANTIUM.

### DECRETUM de centenario praxis mensis Mariani.

Instante Rmo Patre Camillo Guardì, Praefecto Generali Congregationis Clericorum Regularium, Infirmis Ministrantium, quum in ordinario speciali Sacrorum Rituum Congregationis Coetu, cum interventu RR. PP. DD. Magistrorum Sacrae Romanae Rotae Auditorum ad Vaticanum, subsignata die coadunato, Emus et Rmus D us Cardinalis Lucidus Maria Parocchi, Causae Ponens, eiusmodi Dubium discutiendum proposuerit, scilicet: *An expediat, ut Mensis Mariani Praeceptis Centenarium, a Clericis Regularibus Infirmis Ministrantibus, atque ab Ordinariis id a Sancta Sede petentibus, in memoriam eiusdem Exercitii anno 1784, in Ecclesia Visitationis Beatae Mariae Virginis Civitatis Ferrariensis solemniter peracti, hoc anno 1884 celebretur?* Sacer idem Coetus, omnibus accurato examine perpensis, rescribendum censuit: *Affirmative.* Die 3 Aprilis 1884.

Facta postmodum de iis SSmo Domino Nostro Leoni Papae XIII, per infrascriptum Secretarium fideli relatione, Sanctitas Sua sententiam S. Congregationis in omnibus ratam habuit et confirmavit. Eadem die 3 Aprilis 1884.

Pro Emo et Rmo D. Card. BARTOLINI S. R. C. PRAEFECTO

A. Card. SERAFINI

Loco † Signi.

LAURENTIUS SALVATI S. R. C. *Secretarius.*



## EX SACRA CONGREGATIONE INDICIS

## DECRETUM

Feria VI die 9 Maii 1884.

*Sacra Congregatio Eminentissimorum ac Reverendissimorum Sanctae Romanae Ecclesiae Cardinalium a SANCTISSIMO DOMINO NOSTRO LEONE PAPA XIII Sanctaque Sede Apostolica Indici librorum pravae doctrinae, eorundemque proscriptioni, expurgationi, ac permissioni in universa christiana Republica praepositorum et delegatorum, habita in Palatio apostolico vaticano die 9 Maii 1884, damnavit et damnat, proscripsit proscribitque, vel alias damnata atque proscripta in Indicem librorum prohibitorum referri mandavit et mandat quae sequuntur Opera:*

Der Vernunftstaat nach seinen Rechten und Pflichten, von Fr. Gaspar. — *Latine*: Status rationalis, eiusque iura et obligationes auctore Fr. Gaspar. Luxemburgi, 1883.

Il Vaticano Regio, tarlo superstite della Chiesa Cattolica per C. M. Curci. Firenze-Roma, 1884. *Decr. S. Off. Feria IV. Die 30 Aprilis 1884.*

*Itaque nemo cuiuscumque gradus et conditionis praedicta Opera damnata atque proscripta, quocumque loco, et quocumque idiomate, aut in posterum edere, aut edita legere vel retinere audeat, sed horum Ordinariis, aut haereticae pravitatis Inquisitoribus ea tradere teneatur sub poenis in Indice librorum vetitorum indictis.*

Quibus SANCTISSIMO D. N. LEONI PAPAE XIII per me infrascriptum S. I. C. a Secretis relatis, SANCTITAS SUA Decretum probavit, et promulgari praecepit. In quorum fidem etc. Datum Romae die 29 Maii 1884.

FR. THOMAS M. CARD. MARTINELLI Praefectus.

Fr. Hieronymus Pius Saccheri Ord. Praed.

S. Ind. Congreg. a Secretis.

Loco ✕ Sigilli.

Die 30 Maii 1884 ego infrascriptus Mag. Cursorum testor supradictum Decretum affixum et publicatum fuisse in Urbe.

Vincentius Benaglia Mag. Curs.

## EX AEDIBUS VATICANIS

LITTERAE SS<sup>mi</sup> Patris LEONIS XIII. ad E<sup>m</sup>um D. Cardinalem Iosephum  
Hergengoether Pontificii Archivii Vaticani Custodem.

*Signor Cardinale*

*E<sup>m</sup>e et R<sup>me</sup> Domine*

La singolare importanza degli Studi storico-critici per la difesa della Chiesa e della Sede Apostolica Ci determinò fin dall'esordio del Nostro Pontificato di aprire alle indagini degli studiosi il Pontificio Archivio Vaticano. — Disponemmo dapprima che ne assumesse la direzione un Cardinale di Santa Chiesa col compito di dare efficace impulso allo studio dei monumenti storici e alle discipline apologetiche. — Concedemmo al Cardinale Archivista che potesse a comodo degli eruditi temperare con discernimento l'antica disciplina degli Archivii Pontificii, e quindi ordinammo che venisse aperta un' attigua sala di studio per uso di coloro che amano di applicarsi all'esame critico dei vetusti documenti. — Non paghi di ciò, e scorgendo l'abuso che si fa della storia a danno della verità e della religione, Ci proponemmo di promuoverne lo studio imparziale, e con la Nostra lettera del 18 agosto del passato anno 1883 impegnammo lo zelo

*Acta Tom. XVI. fasc. CXCII*

*Cogitantibus Nobis quanti intersint critica historiarum Studia Ecclesiae ac Sedis Apostolicae defensionis, visum est, ab ipso nostri Pontificatus initio, studiosorum inquisitionibus Pontificium Vaticanum Archivium patefacere. Statuimus primo, ut huius regendi provinciam unus ex S. E. Cardinalibus susciperet, cum officio historicorum monumentorum et disciplinarum Apologeticarum studium serio promovendi. Cardinali Archivii custodi concessimus, ut ipsi fas esset veterem Archiviorum disciplinam, ampliori eruditorum commoditati consulendi gratia, sapienter temperare; ac proinde praecepimus ut eorum studiis, qui in criticum documentorum examen incumbere velint, attiguum conclave pateret. — Nec id nobis satis, animadvertentes plerosque in veritatis e Religio- nis perniciem historid passim abuti, eius scientiam, omni partium studio expoliatam promoveri decrevimus; Literisque nostris XV. kal. Septembris elapso anno datis, trium e s. Collegio illustrium Virorum zelum do-*

## EX SACRA CONGREGATIONE INDICIS

## DECRETUM

Feria VI die 9 Maii 1884.

*Sacra Congregatio Eminentissimorum ac Reverendissimorum Sanctae Romanae Ecclesiae Cardinalium a SANCTISSIMO DOMINO NOSTRO LEONE PAPA XIII Sanctaque Sede Apostolica Indici librorum pravae doctrinae, eorumdemque proscriptioni, expurgationi, ac permissioni in universa christiana Republica praepositorum et delegatorum, habita in Palatio apostolico vaticano die 9 Maii 1884, damnavit et damnat, proscripsit proscribitque, vel alias damnata atque proscripta in Indicem librorum prohibitorum referri mandavit et mandat quae sequuntur Opera:*

Der Vernunftstaat nach seinen Rechten und Pflichten, von Fr. Gaspar. — *Latine: Status rationalis, eiusque iura et obligationes auctore Fr. Gaspar. Luxemburgi, 1883.*

Il Vaticano Regio, tarlo superstite della Chiesa Cattolica per C. M. Curci. Firenze-Roma, 1884. *Decr. S. Off. Feria IV. Die 30 Aprilis 1884.*

*Itaque nemo cuiuscumque gradus et conditionis praedicta Opera damnata atque proscripta, quocumque loco, et quocumque idiomate, aut in posterum edere, aut edita legere vel retinere audeat, sed librorum Ordinariis, aut haereticae pravitatis Inquisitoribus tradere teneatur sub poenis in Indice librorum tentur.*

*SANCTISSIMO D. N. LEONI PAPAE XIII per Secretis relatis, SANCTITAS SUA largiri praecipit. In quorum fidem etc. Maii 1884.*

*D. MARTINELLI Praefectus.*  
*ius Saccheri Praed.*  
*greg. a S*

*trascrivi*  
*et pu*  
*ntia*

*urgorum festo*  
*esse in Urbe.*

Curs.

## EX AEDIBUS VATICANIS

LITTERAE SS̄mi Patris LEONIS XIII. ad Ēmum D. Cardinalem Iosephum  
Hergroether Pontificii Archivii Vaticani Custodem.

*Signor Cardinale*

*Ēme et R̄me Domine*

La singolare importanza degli Studi storico-critici per la difesa della Chiesa e della Sede Apostolica Ci determinò fin dall'esordio del Nostro Pontificato di aprire alle indagini degli studiosi il Pontificio Archivio Vaticano. — Disponemmo dapprima che ne assumesse la direzione un Cardinale di Santa Chiesa col compito di dare efficace impulso allo studio dei monumenti storici e alle discipline apologetiche. — Concedemmo al Cardinale Archivista che potesse a comodo degli eruditi temperare con discernimento l'antica disciplina degli Archivii Pontificii, e quindi ordinammo che venisse aperta un' attigua sala di studio per uso di coloro che amano di applicarsi all' esame critico dei vetusti documenti. — Non paghi di ciò, e scorgendo l' abuso che si fa della storia a danno della verità e della religione, Ci proponemmo di promuoverne lo studio imparziale, e con la Nostra lettera del 18 agosto del passato anno 1883 impegnammo lo zelo

*Acta Tom. XVI. fasc. CXCVI*

*Cogitantibus Nobis quanti intersint critica historiarum Studia Ecclesiae ac Sedis Apostolicae defensionis, visum est, ab ipso nostri Pontificatus initio, studiosorum inquisitionibus Pontificium Vaticanum Archivium patefacere. Statuimus primo, ut huius regendi provinciam unus ex S. E. Cardinalibus susciperet, cum officio historicorum monumentorum et disciplinarum Apologeticarum studium serio promovendi. Cardinali Archivii custodi concessimus, ut ipsi fas esset veterem Archiviorum disciplinam, ampliori eruditorum commoditati consulendi gratia, sapienter temperare; ac proinde praecepimus ut eorum studiis, qui in criticum documentorum examen incumbere velint, attiguum conclave pateret. — Nec id nobis satis, animadvertentes plerosque in veritatis e Religionis perniciem historiam passim abuti, eius scientiam, omni partium studio expoliatam promoveri decrevimus; Literisque nostris XV. kal. Septembris elapso anno datis, trium e s. Collegio illustrium Virorum zelum do-*

Et re quidem vera Apostolica Sedes a tempore saltem Gregorii XIII duabus utitur formulis diversis pro concessione altaris gregoriani et altaris privilegiati. Ast, ait Consultor, differentia apparet tantum in verbis et formulis, minime vero in substantia; nam Indulgentia ad liberandam animam a Purgatorii poenis eadem est in utraque formula; quamobrem si differentia aliqua adsit, erit tantum quoad gradum.

Et ideo inquirendum est an ex formulis colligi possit differentia quoad gradum: idest utrum in altari gregoriano aliquid magis sit quam in altari privilegiato. Id enim ex dictis verificari posset vel ob concessionem maiorum Indulgentiarum ex parte Ecclesiae, vel ob acceptationem ex parte Dei. Incontroversum videtur, altare s. Gregorii ad Montem Coelum, ceu privilegiatissimum habendum esse utriusque capitis gratiâ; nempe tum propter acceptationem ex parte Dei, tum propter pontificias concessionem. Sed hic non agitur de illo altari privilegiatissimo quod a Deo et ab Ecclesia praediligi videtur; sed agitur de altaribus gregorianis per communicationem: et quaeritur an habeant aliquid magis quam altaria privilegiata? vel est ne inter eadem aliqua differentia quoad gradum? Et imprimis dicimus adesse posse ampliorem Indulgentiam ex parte Ecclesiae: nempe praeter Indulgentiam pro animae liberatione, aliam Indulgentiam pro aliis animabus defunctorum aut pro celebrante vel mandante missae celebrationem, et pro orante apud illud altare. Praeterea altaria gregoriana habere possent alia privilegia indulta Ecclesiae s. Gregorii in monte Coelio; praecipue pro solemnibus octava mortuorum.

Attamen quidquid sit de altari s. Gregorii in Monte Coelio, communicatio quae fit altaribus gregorianis *ad instar* iuxta communem formulam limitatur ad Indulgentiam pro liberatione unius animae; et ideo ex se nequit esse neque maior neque minor Indulgentiâ plenariâ, adnexâ cuilibet altari privilegiato. Hinc iuxta formulam abest omnis differentia gradus quoad amplitudinem Indulgentiarum ex parte

Ecclesiae, vel si spectetur mens concedentis et usus clavium potestatis.

Aderit ne tamen differentia gradus, saltem si spectetur applicationis effectus, seu acceptatio divina? Haec, ait Consultor, adesse posset; eo quod haec Indulgentia conceditur tantâ auctoritate per modum suffragii: sed omnibus perspetis. ait Consultor, abesse videtur quia in concessione altaris gregoriani verbum non fit de speciali acceptatione divina causâ Indulgentiæ. Et ideo vis specialis suffragiorum quae fiunt ad altare s. Gregorii, donum Dei gratuitum esse videtur; quod privilegium a Deo datum, extendi formaliter et plene nequit aliis altaribus ab Ecclesia.

Verum, quaesivit Consultor, Ecclesia potuit aut potest facere aliquid ut suffragia apud altare s. Gregorii acceptabiliora fiant? ita ut efficacia haec communicari queat aliis altaribus? Ecclesia prospiciens specialem acceptationem divinam quoad suffragia oblata apud illud altare, ut ostenderet suam praedilectionem erga illa loca Sancta, consecravit atque specialiter deputavit eadem loca ad finem animas liberandi a poenis Purgatorii, ceu ex formulis concessionis coniiicitur. Verum haec *specialis deputatio* est ne factum auctoritatis Ecclesiae, quod forsân adiiciat suffragiis, actis apud altare illud specialem titulum divinae acceptationis, qui omnibus altaribus gregorianis communicari valeat? Ex solutione huius phrasidis medium forsân exhiberi potest ad colligendam ex ipsa formula concessionis, differentiam inter altaria privilegiata communia, altare s. Gregorii ad Montem Coelium, et gregoriana *ad instar*.

Et re quidem vera quodlibet altare privilegiatum haberi potest ceu destinatum ab Ecclesia pro suffragiis animarum Purgatorii; et destinatio ista potest habere gradus diversos. Sic, ad exemplum, omnis Ecclesia destinatur pro animarum suffragiis, per Missas ad illius altaria celebratas: sed Ecclesiae quae Romae dicuntur *del Suffragio* et *della Buona morte*, specialiter ad hoc destinantur, atque per singularem concessionem omnia earundem altaria sunt privile-

giata. Quoniam vero destinatio haec habet suos graus. Altare s. Gregorii est in summo gradu, *ad hoc specialiter deputatum*. Quod autem ex hac destinatione, ab Ecclesia facta, maior enasci debeat certitudo pro divina acceptatione a rei natura erui posse videtur: etenim quatenus est ratio maioris fiduciae apud fideles, quoad Missas celebratas pro defunctis in duabus dictis Ecclesiis, nisi quod eadem ad hoc specialiter destinatae sunt?

Praeterea ipsa specialis destinatio ab Ecclesia facta, est titulus specialis ad divinam acceptationem, ne auctoritas Ecclesiae suae a Iesu Christo frustra concessa dicatur. Quum autem auctoritas Ecclesiae gradus habeat, specialis actus huius auctoritatis titulum specialiore ad divinam acceptationem secumferet. Nunc autem quoniam titulus specialior ad divinam acceptationem ab Ecclesia manat, sic ab Ecclesia communicari etiam potest omnibus altaribus gregorianis. Siquidem in concessione eorundem dicitur, Missam apud eadem celebratam operari ad animae liberationem, veluti si Sacerdos litaret ad altare s. Gregorii de urbe, ad id deputatum.

Praeterea titulus ad divinam acceptationem deductus ab auctoritate Ecclesiae haud excludit alium titulum, deductum a mediatione s. Gregorii; quinimo eundem implicite includit; eoquod Ecclesia specialiter deputavit illud altare ob specialem acceptationem Dei quoad suffragia, apud idem altare oblata, per s. Gregorii intercessionem. Finis autem Ecclesiae est ut roboretur suffragiorum effectus per intercessionem huius Sancti, qui habetur ceu Patronus specialis defunctorum. Titulus vero ad sancti intercessionem ab Ecclesia communicari potest altaribus gregorianis; et ideo Missae celebratae apud altaria gregoriana habentur ab Ecclesia ceu celebratae apud idem altare s. Gregorii in Monte Coelio.

Ex dictis, ait Consultor, imprimis eruitur altare s. Gregorii apprimè esse Deo acceptum favore defunctorum, intuitu meriti eiusdem Sancti. etiam independentè ab Indul-

gentiis; atque intuitu specialis destinationis ab Ecclesia factae de altari illo, ad exercendam auctoritatem concedendi Indulgentias pro defunctis; et eorum suffragiorum commendando acceptationem, intuitu mediationis eiusdem Sancti Gregorii. Eruitur etiam quod secundus hic titulus ad divinam acceptationem communis sit Indulgentiis adnexis Missis celebratis apud altaria gregoriana, veluti si celebrarentur ad altare eiusdem s. Gregorii. Et consequenter deducitur tertio differentiam gradus inter altaria gregoriana et simpliciter privilegiata poni in maiori certitudine quod Indulgentia proprium sortiatur effectum; quod nempe acceptetur a divina Bonitate facilius, plenius, citius; tum ob specialem destinationem illius altaris ab Ecclesia factam, tum ob specialem intercessionem s. Gregorii.

Differentia huiusmodi haud est substantialis et speciei, quoniam altare privilegiatum et gregorianum idem possident privilegium, id est plenariam Indulgentiam: sed est differentia realis, quoniam altare gregorianum habet plus aliquid realis, quod est novus titulus ad divinam acceptationem; et ideo non est tantum praecedentia gradus, honoris aut nominis.

Quum autem ex dictis appareat quod adsit et qualis sit differentia inter altare gregorianum et simpliciter privilegiatum, dici potest, ait Consultor, cessasse causam qua Pius IX iussit suspendi novas concessionem altaris gregoriani:

\*-----\*

**Rescriptum quo conceditur Indulgentia tercentum dierum recitantibus sequentes preces pro animam agentibus.**

*Beatissimo Padre*

*Beatissime Pater*

Il canonico Domenico Salvatore direttore della pia Unione a favore degli Agonizzanti di tutto il mondo, fa umile istanza perchè la Santità Vostra voglia accordare trecento giorni d'In-

*Canonicus Dominicus Salvatore, moderator pie Unionis in favorem animam agentium ex universo Mundo, humiliter exorat Sanctitatem Vestrâ ut concedere dignetur tercentum*



dulgenza a chi divotamente reciterà le qui seguenti brevi preghiere.

*diarum Indulgentiam devote recitantibus breves quae sequuntur preces.*

## PREGHIERE

## PRECES

Eterno Padre, per l'amore che portate a s. Giuseppe da voi eletto fra tutti a rappresentarvi in terra, abbiate pietà di noi e dei poveri agonizzanti. *Pater, Ave e Gloria.*

*Aeterne Pater, propter amorem, quo prosequeris s. Iosephum, inter omnes a Te selectum ad Tuas in terris implendas vices, miserere nostri pauperumque animam agentium. Pater, Ave et Gloria.*

Eterno Divin Figlio, per l'amore che portate a s. Giuseppe vostro fedelissimo custode in terra, abbiate pietà di noi e dei poveri agonizzanti. *Pater, Ave e Gloria.*

*Aeterne divine Fili, propter amorem quo prosequeris s. Iosephum, Tuum in terris fidelissimum custodem, miserere nostri pauperumque animam agentium. Pater, Ave et Gloria.*

Eterno Divino Spirito, per l'amore che portate a s. Giuseppe, il quale con tanta sollecitudine custodi Maria SSma, Vostra prediletta Sposa, abbiate pietà di noi e dei poveri agonizzanti. *Pater, Ave e Gloria.*

*Aeterne divine Spiritus, propter amorem quo prosequeris s. Iosephum, custodem studiosissimum SSmae Virginis Mariae, tuae dilectae Sponsae, miserere nostri, pauperumque animam agentium. Pater, Ave et Gloria.*

Sanctissimus Dominus Noster Leo Papa XIII in audientia habita die 17 Maii 1884 ab infrascripto Secretario Sacrae Congregationis, Indulgentiis sacrisque reliquiis praepositae omnibus utriusque sexus Christifidelibus, qui supra relatas preces, corde saltem contrito ac devote recitaverint, Indulgentiam tercentum dierum, semel in die lucranda, benigne concessit. Praesenti in *perpetuum* valituro absque ulla Brevis expeditione. Contrariis quibuscumque non obstantibus. Datum Romae ex Secretaria eiusdem s. Congregationis die 17 Maii 1884.

AL. CARD. OREGLIA A S. STEPHANO *Praef.*

FRANCISCUS DELLA VOLPE *Secretarius.*

# EX SACRA RITUUM CONGREGATIONE

Litterae circulares Emi Praefecti ad Episcopos Catholici Orbis quoad centennariam commemorationem nativitatis B. M. Virginis.

*Illm̄e et Rm̄e Domine*

Vir Eminentissimus Metropolitanae Ecclesiae Colocensis et Bacsensis in Hungariae Regno Antistes Ludovicus Cardinalis Haynald, humillimis oblati precibus, Sanctissimum Dñum Nostrum LEONEM PAPAM XIII rogavit, ut probata aliquorum Theologorum ecclesiasticae historiae peritorum sententia, quae suadet proximo anno 1885 completum iri decimum nonum saeculum ab ortu gloriosae Virginis, Dei genitricis Mariae, de eo laetissimo eventu speciale festum solemni ritu celebrandum decerneret in catholico Orbe universo, die octava Septembris eiusdem anni. Postulationi quamplurimi alii subscripserunt ecclesiarum Praesules, inter quos aliquot Em̄i Cardinales; permulti quoque accessere ecclesiastici Viri dignitate clari, et laici religione praestantes: omnes ferventi permoti desiderio novum cultus honorem opponendi probris ac blasphemis, quibus excelsa Domina a tenebrarum potestate hodie lacessitur, ab eaque, tam propitia oblata occasione, enixius implorandi, ut optatae pacis nostrae sequestra fiat apud Deum, et caelestium administra gratiarum.

Sanctissimus Dominus rei perspecta gravitate, eam videndam demandavit peculiari Congregationi Eminentissimorum Cardinalium sacris tuendis ritibus praepositorum. Quae die 31 mox praeteriti mensis Maii ad Vaticanum coadunata, in primis in hoc themate pervidit obicem, hactenus insolubilem, ex defectu notitiae certae, quae prorsus necessaria esset, veri anni Virginei natalitii; cum eruditi omnes tam veteres quam recentiores, ac ipsi centenarii propugnatores censeant tempus nativitatis Deiparae beatissimae historica certitudine definiri non posse. Quae enim maxime afferuntur documenta, videlicet fragmentum epistolae Evodii, post Sanctum Petrum primi Antiocheni Episcopi, iuxta quod beata Virgo decimum quintum annum agens peperisset huius mundi lucem; et Chronicon Paschale, unde deducere daretur Mariae ortum undecimo anno, ad summum, ante Christum natum contigisse: haec praeterquamquod secum non cohaerent, ab omnibus melioris notae criticis, validis adductis rationum momentis, facile refelluntur uti apocrypha, aut prorsus dubiae auctoritatis. Hi propterea incunctanter negant fidem esse adiungendam rei, de qua sacrae litterae, veteres Patres ecclesiasticae historiae et sacrae antiquitatis explorata monumenta nihil omnino tradiderint. Ac sapienter, pro suo more, de hoc ipso scribit Summus Pontifex Benedictus XIV: « Fortasse nonnemo mirabitur nos de nativitate beatae Virginis nihil afferre; sed cum de ea sacer textus omnino sileat, optimum putavimus et nos de re prorsus in-

certa tacere, de qua cum plures scribere voluerint ex turbidis fontibus, quae tradiderunt, hausisse videntur, puta ex Proto-Evangellio, quod Sancto Iacobo falso tribuitur, ex libro de Ortu Virginis qui perperam Sancto Iacobo fratri Domini Nostri Iesu Christi, et a quibusdam Cyrillo Alexandrino adscribitur, . . . ex oemmentitia s. Evodii epistola etc. » (*De festis B. M. V. lib. II cap. IX*).

Consuetudinem autem, quae invaluit, celebrandi sacras centenarias commemorationes, rei praesenti minus congruere deprehensum fuit. Quandoquidem, uti iidem centenarii fautores testantur, expetitur festum prima vice hoc decimonono saeculo foret inducendum, veluti quid novum in Dei Ecclesia, et cunctis retroactis saeculis ne cogitatum quidem ab eximia maiorum erga inclytam Dei Genitricem pietate et devotione, aut certe illis inusitatum. Profecto satis congrua theologica atque liturgica ratione inolevisse censendum est, ut saecularia solemnia, quae aliis sanctis cum Christo regnantibus non denegantur, ea de praecipuis sacratissimis Beatae Virginis vitae actis et mysteriis, scilicet de Nativitate, de Annuntiatione, de Assumptione, ac porro de ceteris, non celebrentur. Nam eminentiori veneratione supra ceteros Sanctos colit Ecclesia Caeli Reginam et Dominam Angelorum, cui, *in quantum ipsa est mater Dei ... debetur ... non qualiscumque dulia, sed hyperdulia* (*S. Thom. 3 part. quaest. 25, art. 5*). Ideoque plusquam centenaria solemnium commemoratione, eadem semper cultus praestantia, eodemque honoris tributo Ecclesia celebrat recurrentes eius misteriorum solemnitates; cum de caetero cultus Deiparae in Ecclesia sit plane quotidianus, ac prope nulla temporis mensura limitatus.

Haec pauca, vel leviter tantum adumbrata, satis ostendunt prudentiam Sacrae Congregationis, quae proposito dubio: « An recolli expediat anno proximo 1885 in toto Orbe centenaria commemoratio Nativitatis Beatae Mariae Virginis? » mature expensis omnibus, unanimi suffragio respondit: *non expedire*. Valde tamen laudavit, ac Sanctissimo Domino deferendum voluit, pium tot praeclarissimum Postulantium desiderium exhibendi Genitrici Dei gloriosae novum aliquod obsequii ac filialis amoris publicum argumentum pro novis iniuriis a perditis blasphemisque hominibus ei inlatis; qui, occasione arrepta, etiam in Almae eius Domus Lauretanum Sanctuarium toto orbe celeberrimum acuerunt linguas suas.

Facta vero de his per me infrascriptum Cardinalem fidei relatione, Sanctitas Sua Sacrae Congregationis sententiam in omnibus ratam habuit et confirmavit. Mandavitque ad supramemoratum effectum a Rm̄is locorum Ordinariis celebrari in suis Dioecesium triduanam devota solemnia diebus sexta, septima et octava Septembris huius vertentis anni 1884 in honorem Beatissimae Virginis, ad instar eorum quae Romae in templo Sanctae Mariae supra Minervam iussu eiusdem Sanctissimi Domini, propediem erunt celebranda. Concessitque fidelibus, pro qualibet vice septem annorum ac septem quadragenarum Indulgentiam; quotidie vero interessentibus, et intra triduum confessis ac sacra synaxi refectis, et ad mentem Sanctitatis Suae Deum orantibus, plenariam Indulgentiam

semel lucranda, etiam animabus in purgatorio detentis applicabilem. Voluit autem huiusmodi triduana festa in Lauretana Basilica omnino peragi: quocirca magnopere probavit, ut a die prima proxime futuri mensis Septembris ad decimam Decembris inclusive piae peregrinationes in eundem finem ad praefatum Sanctuarium Lauretanum instituatur; concessa, in omnibus ut supra, de thesauro Ecclesiae plenaria Indulgentia semel lucranda.

Haec dum pro mei muneris ratione Amplitudini Tuae communico, Eidein fausta omnia precor a Domino.

Romae in Solemnitate Pentecostes die 1 Iunii 1884.

D. CARD. BARTOLINIUS S. R. C. PRAEFECTUS.

LAURENTIUS SALVATI S. R. C. *Secretarius.*

---

## CONGREGATIONIS

CLERICORUM REGULARIUM INFIRMIS MINISTRANTIUM.

### DECRETUM de centenario praxis mensis Mariani.

Instante Rmo Patre Camillo Guardi, Praefecto Generali Congregationis Clericorum Regularium, Infirmis Ministrantium, quum in ordinario speciali Sacrorum Rituum Congregationis Coetu, cum interventu RR. PP. DD. Magistrorum Sacrae Romanae Rotae Auditorum ad Vaticanum, subsignata die coadunato, Emus et Rmus D us Cardinalis Lucidus Maria Parocchi, Causae Ponens, eiusmodi Dubium discutiendum proposuerit, scilicet: *An expediat, ut Mensis Mariani Praeae Centenarium, a Clericis Regularibus Infirmis Ministrantibus, atque ab Ordinariis id a Sancta Sede petentibus, in memoriam eiusdem Exercitii anno 1784, in Ecclesia Visitationis Beatae Mariae Virginis Civitatis Ferrariensis solemniter peracti, hoc anno 1884 celebretur?* Sacer idem Coetus, omnibus accurato examine perpensis, rescribendum censuit: *Affirmative.* Die 3 Aprilis 1884.

Facta postmodum de iis SSmo Domino Nostro Leoni Papae XIII, per infrascriptum Secretarium fidei relatione, Sanctitas Sua sententiam S. Congregationis in omnibus ratam habuit et confirmavit. Eadem die 3 Aprilis 1884.

Pro Emo et Rmo D. Card. BARTOLINI S. R. C. PRAEFECTO

A. Card. SERAFINI

Loco + Signi.

LAURENTIUS SALVATI S. R. C. *Secretarius.*

## EX SACRA CONGREGATIONE INDICIS

## DECRETUM

Feria VI die 9 Maii 1884.

*Sacra Congregatio Eminentissimorum ac Reverendissimorum Sanctae Romanae Ecclesiae Cardinalium a SANCTISSIMO DOMINO NOSTRO LEONE PAPA XIII Sanctaque Sede Apostolica Indici librorum pravae doctrinae, eorumdemque proscriptioni, expurgationi, ac permissioni in universa christiana Republica praepositorum et delegatorum, habita in Palatio apostolico vaticano die 9 Maii 1884, damnavit et damnat, proscripsit proscribitque, vel alias damnata atque proscripta in Indicem librorum prohibitorum referri mandavit et mandat quae sequuntur Opera:*

Der Vernunftstaat nach seinen Rechten und Pflichten, von Fr. Gaspar. — *Latine: Status rationalis, eiusque iura et obligationes auctore Fr. Gaspar. Luxemburgi, 1883.*

Il Vaticano Regio, tarlo superstite della Chiesa Cattolica per C. M. Curci. Firenze-Roma, 1884. *Decr. S. Off. Feria IV. Die 30 Aprilis 1884.*

*Itaque nemo cuiuscumque gradus et conditionis praedicta Opera damnata atque proscripta, quocumque loco, et quocumque idiomate, aut in posterum edere, aut edita legere vel retinere audeat, sed hęcorum Ordinariis, aut haereticae pravitatis Inquisitoribus ea tradere teneatur sub poenis in Indice librorum vetitorum indictis.*

*Quibus SANCTISSIMO D. N. LEONI PAPAE XIII per me infrascriptum S. I. C. a Secretis relatis, SANCTITAS SUA Decretum probavit, et promulgari praecepit. In quorum fidem etc. Datum Romae die 29 Maii 1884.*

FR. THOMAS M. CARD. MARTINELLI Praefectus.

Fr. Hieronymus Pius Saccheri Ord. Praed.

S. Ind. Congreg. a Secretis.

Loco ✕ Sigilli.

*Die 30 Maii 1884 ego infrascriptus Mag. Cursorum, testor supradictum Decretum affixum et publicatum fuisse in Urbe.*

Vincentius Benaglia Mag. Curs.

## EX AEDIBUS VATICANIS

LITTERAE SS<sup>mi</sup> Patris LEONIS XIII. ad E<sup>m</sup>um D. Cardinalem Iosephum Hergenroether Pontificii Archivii Vaticani Custodem.

*Signor Cardinale*

*E<sup>m</sup>e et R<sup>me</sup> Domine*

La singolare importanza degli Studi storico-critici per la difesa della Chiesa e della Sede Apostolica Ci determinò fin dall'esordio del Nostro Pontificato di aprire alle indagini degli studiosi il Pontificio Archivio Vaticano. — Disponemmo dapprima che ne assumesse la direzione un Cardinale di Santa Chiesa col compito di dare efficace impulso allo studio dei monumenti storici e alle discipline apologetiche. — Concedemmo al Cardinale Archivistà che potesse a comodo degli eruditi temperare con discernimento l'antica disciplina degli Archivii Pontificii, e quindi ordinammo che venisse aperta un' attigua sala di studio per uso di coloro che amano di applicarsi all'esame critico dei vetusti documenti. — Non paghi di ciò, e scorgendo l'abuso che si fa della storia a danno della verità e della religione, Ci proponemmo di promuoverne lo studio imparziale, e con la Nostra lettera del 18 agosto del passato anno 1883 impegnammo lo zelo

*Acta Tom. XVI. fasc. CXVII*

*Cogitantibus Nobis quanti intersint critica historiarum Studia Ecclesiae ac Sedis Apostolicae defensionem, visum est, ab ipso nostri Pontificatus initio, studiosorum inquisitionibus Pontificium Vaticanum Archivium patefacere. Statuimus primo, ut huius regendi provinciam unus ex S. E. Cardinalibus susciperet, cum officio historicorum monumentorum et disciplinarum Apologeticarum studium serio promovendi. Cardinali Archivii custodi concessimus, ut ipsi fas esset veterem Archiviorum disciplinam, ampliori eruditorum commoditati consulendi gratia, sapienter temperare; ac proinde praecepimus ut eorum studiis, qui in criticum documentorum examen incumbere velint, attiguum conclave pateret. — Nec id nobis satis, animadvertentes plerosque in veritatis e Religione perniciem historiam passim abuti, eius scientiam, omni partium studio expoliatam promovere decrevimus; Literisque nostris XV. kal. Septembris elapso anno datis, trium e s. Collegio illustrium Virorum zelum do-*

e la dottrina di tre illustri membri del sacro Collegio a dar mano, col concorso di eletti ingegni, a lavori storico-apologetici, valendosi degli atti autentici del pontificato e della Chiesa, esplorati nelle loro fonti.

Ma a rendere vieppiù fruttuoso questo studio, Ci siamo risolti di aprire presso lo stesso Archivio una scuola speciale di *Paleografia e Storia comparata*, mercè cui il giovane Clero possa opportunamente far tesoro di soda erudizione e addestrarsi in esercizi di sana critica. — Nel tempo stesso, sembrandoci esser questo il momento acconcio di dare al Nostro Archivio un organamento più consentaneo all' uopo con opportune norme d' interna e di esterna disciplina, abbiamo ordinato si compilasse un nuovo Regolamento. Questo, sanzionato con Nostro speciale Motu-proprio del primo maggio corrente, reca le norme che dovranno d' ora in poi dirigere l' Archivio medesimo, la Sala di studio, e la scuola di Storia e di Paleografia; e lo rimettiamo a Lei, signor Cardinale, affinchè ne curi debitamente l' esecuzione.

Dato dal S. Nostro Palazzo del Vaticano, questo dì 15 maggio 1884.

LEONE PP. XIII.

*trinamque provocavimus, ut una cum eruditorum praeclarissimis, historica studia, quae maxime ad Apologiam attinent, susciperent; authentica Pontificatus Romani et Ecclesiae documenta sollerter versantes, in ipsis eorum fontibus explorata.*

*Sed quo utilius id studium cedat, Nobis voluntas est, prope Archivium ipsum specialem Palaeographiae atque Historiae, ut aiunt, comparatae scholam instituere, per quam adolescens Clerus et solidiorem eruditionem sibi comparare, et sanioris Criticae exercitiis se excolere possit. Nunc vero autumantes opportunum advenisse tempus, quo Archivio nostro dispositio et constitutio detur, fini, quem Nobis proposuimus, magis accommodata, appositis cum interioris, tum exterioris Discipline regulis, ut novum conderetur Statutum mandavimus, quod quidem nostro Motu-proprio Kalendis huius mensis Maii edito, confirmatum, regulas exhibet, quibus posthac idem Archivium, Conclave studii destinatum, et Palaeographiae atque Historiae schola moderanda sunt; illudque tibi Dñe Cardinalis, committimus, ut ipsum, prout par est, exequendum cures.*

*Datum a nostro S. Palatio Vaticano Idibus Maii anno 1884.*

LEO PP. XIII.

# EX S. CONGREGATIONE CONCILII

## ORDINIS S. BENEDICTI

FACULTATIS EXERCENDI ARTIS MEDICAE

*Die 16 Februarii 1884.*

Per summaria precum.

COMPENDIUM FACTI. Sanctuàrium *di N. Signora di Monserrato* et Monasterium Ordinis s. Benedicti in cacumine montis positum, plurium horarum spatio distant a loco ubi Medicus-Chirurgus inveniri potest, qui praesto sit occurrentibus necessitatibus, sive magnae ibi degentium monachorum familiae, sive peregrinorum qui undique ad Sanctuarium affluunt. Itaque Abbas D. Michael Muntadas valde sollicitus de salute et vita infirmorum, quae ob defectum solliciti auxilii in discrimine eidem posita videtur, Sacratissimo Principi per supplicem libellum adivit exponens: adesse in Monasterio monachum, qui cum pene septuagenarius promotus fuerit ad sacros ordines, longos per annos artem chirurgiae cum laude inter suos cives exercuit. Attentis ideo loci extraordinariis adiunctis, Sanctitatem Vestram exorat, ut eidem monacho facultas indulgeatur exercendi artes medicinae, et chirurgiae pro casibus occurrentibus favore monachorum et peregrinorum, etiamsi incisione aut adustione uti necesse sit.

### Disceptatio Synoptica

FACULTAS DENEGANDA VIDETUR. Precibus annui non posse ex eo eruitur, quia clericis et Religiosis medicae et chirurgicae artis exercitium generaliter interdictum esse, Doctores omnes tenent, et statutum reperitur *in can. 6 Concilii Remensis*, habiti sub Innocentio II *anno 1131*, et *in can. 9 Concilii Lateranensis*, eodem sedente Pontifice, celebrati



anno 1139: praesertim vero si de incisione et adustione agatur, ob periculum irregularitatis. Ita Abbas in c. 19 de homicid. n. 5, Wiestner num. 14 aliique.

Verum equidem est quod Summi Pontifices passim nonnulla artis medicae exercendae privilegia concessere; sed id praestitum est cum Regularibus, sacris Missionibus additis, *propterea quod*, ait Bened. XIV *Synod. Dioec. l. XIII c. 10 n. 7, fuerit experientia satis compertum conferre id plurimum ad ampliorem faustumque Missionum progressum*. Et huiusmodi facultates exercendas concesserunt omnino ad normam decreti Congregationis de Propaganda Fide, in quo nonnullae providae conditiones recensentur, et praesertim, ut sit peritia in arte, ut gratis exerceatur, absque incisione et adustione, et in locis ubi desunt laici medici. Chirurgiae vero exercitium longe difficilius Ecclesiasticis et Regularibus permittitur, et cum nullus omnino adest in loco laicus chirurgus: ac si quod indultum gravi ex causa hac in re conceditur, ad avertendum irregularitatis periculum apponi solet clausula: *citra incisionem vel adustionem*. Quae verba desumpta sunt ex Cap. *Sententiam ne Clerici vel Monachi*.

Celebris est Decretalis Innocentii III in cap. *Tua nos, de homicidio*; in qua irregularitatem contraxisse declaratur Monachus, qui cum artem optime calleret, eamque non spe lucri, sed christianae charitatis affectu exerceret, tumorem, qui in mulieris gutture excreverat, ferro secuit, simulque eam monuit, ne se aperto aeri exponeret; quod quidem praecipuum quia mulier transgressa est, dum, ut segetes colligeret, ventorum inclementiam perpeffa est, ex hac vita migravit. Cum igitur in precibus porrectis, ignis etiam et ferrum adhibenda expostulantur, eae reiiciendae omnino videntur.

FACULTAS INDULGENDA VIDETUR. Attamen perpendendum etiam ex altera parte est, iuxta veterem Ecclesiae disciplinam vetitam haud fuisse artis medicae exercitationem iis, qui in sacris Ordinibus constituti essent. S. Iucam Evangelistam, etiam postquam ad sacerdotalem dignitatem con-

soænderat, medicum egisse receptior opinio est. Hanc ipsam artem non pauci sancti viri exercuerunt, uti de s. Iuvenali Episcopo Narniensi et de s. Eusebio Episcopo Vercellensi legitur. Et quamvis progressu temporis Ecclesia id Monachis et Clericis interdicendum censuit, non ita tamen severa super hoc se exhibuit, ut nunquam, in casibus particularibus hanc facultatem concesserit, quinimo sæpe sæpius eam elargita est, concurrentibus præsertim peculiaribus circumstantiis.

Iam vero ut in hunc finem cum præfatis Regularibus dispensetur, hæc subesse potest iusta causa, uti docet Benedictus XIV *loc. cit.* quod nimirum in civitate, oppido, vel pago, is laicorum medicorum numerus non habetur, qui ad ferendam aegrotorum indigentiis opem necessarius videatur; et ceteroquin Religiosus adsit in arte peritus. Iam vero hanc causam in themate concurrere cuique legenti patet; et insuper Religiosum esse satis in arte peritum: quia longos per annos exercuit cum laude artes medicinae et chirurgiæ dum adhuc laicus esset.

Denique, ut preces oblatae obsignentur, laudatus Pontifex pro Religiosis requirit commendationem Superioris illius, quæ quidem in themate minime desideratur. Quapropter nihil obstare videtur quominus preces porrectæ benigno favore excipiantur, vel saltem si aliqua limitatio EE. PP. placebit apponere, attenta eius ætate, contenti sint de sueta clausula: *citra incisionem vel adustionem.*

Quibus in utramque partem animadversis, quaesitum est quòdnam responsum esset precibus dandum.

RESOLUTIO. Sacra Congr. Concilii, re perpensa, sub die 16 Februarii 1881 respondit:

*Pro gratia ad quinquennium dummodo exerceatur gratis et absque ustione vel incisione, facto verbo cum SSmo.*

## VIGLEVANEN. ET MEDIOLANEN.

## EXCARDINATIONIS

*Die 16 Februarii 1884.*

*Per summaria precum.*

COMPENDIUM FACTI. Sacerdos Martianus in dioecesi Viglevanensi natus, elementaria, gymnasialia et philosophica studia Augustae Taurinorum complevit. Duos exinde annos, nempe 1875 et 1876, in Viglevanensi seminario transegit, theologicis studiis operam dando, et gratuite, utpote dioecesanus, alitus. Sub finem anni 1876 e seminario egrediens, Episcopi assensu, Mediolanum petiit, aeris natalis loci inclementiam effugiturus, ut ipse ait; vel potius adsistentis munere perfuncturus in quodam collegio a Parocho s. Mariae instituto, ut Episcopus affirmavit.

• Theologica studia illic prosequutus, a suo Episcopo ordinatur; eique titulus fuit Missarum legatum, quod Mediolani in Ecclesia s. Mariae erat institutum, quodque clerico Martino tributum est, quamvis ad Viglevanensem dioecesim pertineret. Notavit autem Episcopus, sese, excipiendo legatum missarum pro titulo ecclesiastico, conditionem apposuisse: dummodo clericus Martianus non obstringatur residere Mediolani, et permaneat Viglevanensis subditus, per alium onus missarum implendo.

Sacris acceptis ordinibus clericus Mediolanum iterum, Ordinarii assensu venit, atque in eodem munere conversabatur. Sed anno 1879 in dioecesim redire iussus est, ut senescenti infirmoque parocho, adsistentiam praeberet. Heic quidem bene exerciti officii laudes meruit, atque etiam bonum a parocho testimonium consequutus est. Ast mense Iunio 1882, improvise apoplexiae morbo correpto parocho s. Mariae, ipse incunctanter Mediolanum se contulit, quin Episcopum praemoneret, et desertam paroeciam de sacerdote provideret. Nonnisi serius telegrammate Episcopum edocuit, cum et ipse Mediolani infirmatus est: morbus autem ex medici attestazione gravis fuisse videtur.

Inter haec viglevanensis Episcopus paroeciae desertae necessitatibus angebatur. Ibi enim ob gravem aetatem infirmamque valetudinem parochus, aliquando neque missam dominicis diebus celebrare valebat; alius autem dioecesanus sacerdos, qui illuc mitti posset praesto non erat. Itaque extradioecesanus primum vocatus est: dein vero, mense Septembri, cum iam ex sua infirmitate Martianus convaluisset, ipse rogatus fuit, ut ad pristinum officium rediret. Ast acriter ac superbe respondit: imo paulo post a Vicario generali mediolanensi compulsus, ut sui Ordinarii votis obsequeretur, vel saltem ut Viglevani suam causam dicturus pergeret, restitit.

Iteratis sed vero Episcopi monitionibus ad hoc, tandem flexus est, ut festis diebus in dictam paroeciam ad missam celebrandam ipse primum veniret, dein alium sacerdotem sua vice mitteret. Ast ianuario mense anni 1883 cum iterum in morbum esset implicitus utrumque praetermisit. Episcopus vero quo melius potuit, tunc primum providit; ast postea cum rescivisset sacerdotem Martianum iam convaluisse, precibus ac minacibus litteris eum ad redeundum compulit: spondit etiam se eum liberum relicturum mense decembri eiusdem anni, quia tunc alius sacerdos illuc missurus sibi praesto esset. Ast frustra, neque enim Martianus ad haec unquam respondit: qua de re Episcopus Martiano significavit, ipsum nullam s. functionem in dioecesi Viglevanensi complere exinde posse, nisi in eam animo permanendi rediret.

Notus siquidem in dioecesi erat, ait Episcopus, Martiani firmus ac pervicax animus; quo factum est ut quadragesima tempore in illa paroecia vix nullus sacerdos spirituales populi necessitates curaret, ipso syndico pie reclamante; et Paschatis diebus illuc mitti debuerit sacerdos, qui in Cathedrali confessiones audire tenebatur. Qui quidem illuc opportune se contulit ut duo cadavera ad sepulturam efferret, et sacramenta ministraret perculso ab apoplexia.

Interim vero sacerdos Martianus etiam diebus festis Mediolanum haud reliquit.

Inter haec, mense Iunio 1883 S. Mariae parochus moriebatur, sacerdoti Martino partem alicuius domus Mediolani relinquens. Ideo paulo post hic sacerdos S. C. C. rogavit, ut sibi Mediolani permanendi facultas fieret, non modo salutis curandae causa, sed ad hoc etiam, ut domo sibi legata frueretur, in eamque senem parentem deducere valeret. Et Episcopus, quin obsisteret, factorum serie enarrata, ut omnia S. C. C. patescerent, fassus est se adamussim et lubenti animo S. Sedis mandata, quaecumque forent, semper impleturum.

Porro monent DD. in *tit. de cleric. peregr.*, et praecisis verbis S. C. C. in *Ariminen. 5 Decembris 1574* « Clericum, qui certo loco non est adscriptus ab Episcopo suo » non posse invitum retineri, ne a sua dioecesi recedat et » alibi parochiam accipiat. » Quae verba consona sunt responso dato in *Ferrarien. 12 Iunii 1604* nempe: « Talem » clericum teneri, antequam vadat ad residentiam, petere » ab Episcopo proprio licentiam, quam ille non potest negare. » Excipitur tamen casus necessitatis ecclesiae: tunc enim Episcopus potest hosce clericos, quamvis certo loco non adscriptos, seu beneficio non donatos, ad permanendum cogere sicut decretum est in *Tinen. 15 Martii 1625*: « Posse » se Episcopos ob ecclesiae necessitatem Presbyteris ordinatis ad titulum patrimonii interdiceri, ne ipsam ecclesiam » deserant, atque alterius ecclesiae servitio se addicant absque eius licentia. » Et iterum, ceteris omissis, in *Reatina 26 Ianuarii 1883*, in qua « S. C. censuit sacerdotem » B. cogi posse ut in dioecesim Reatinam revertat, dum » modo de congrua eidem ab Episcopo provideatur. »

Hisce expositis quaesitum est ab Emis. Patribus quid esset precibus respondendum.

RESOLUTIO. Sacra C. C. re perpensa, sub die 16 Februarii 1884 respondit:

*Lectum; et orator absque mora pareat mandatis Episcopi.*

## ANCONITANA

## POSTULATUM CIRCA PATRINOS

Die 16 Februarii 1884.

Per summaria precum.

COMPENDIUM FACTI. Anconitanus Praesul in relatione status suae Dioecesis, sequens proposuit postulatam. « Non raro accidit ut ille idem, qui infantem levavit e sacro fonte, ipsum etiam in Sacramento Confirmationis suscipiat. Parochi asserunt frustra se adlaborasse ad hunc antiquum morem tollendum, ac proinde a praedecessoribus meis tollertum fuisse. Quaeritur igitur utrum haec agendi ratio tolerari possit. »

### Disceptatio Synoptica.

MOS MANUTENENDUS VIDETUR. Etenim animadverti potest quod licet cautum in iure reperiatur, ut qui infantem levavit in Baptismo non teneat eundem in Confirmatione; id nihilominus putandum non est adeo absolute sancitum ut numquam ab huiusmodi regula deflecti liceat, vel ut contrarius quoque usus tolerari nequeat. Inspiciatur sane ipsum *cap. 100 dist. 4 de consecr.*, ex quo praefata regula desumitur: *In catechismo et in baptismo et in confirmatione unus patrinus fieri potest, si necessitas cogit. Non est tamen consuetudo romana; sed per singulos singuli suscipiunt.* Huiusmodi autem necessitas, qua recedi potest a romana consuetudine, late accipienda videtur, pro quacumque videlicet rationabili causa, ceu tradit Croix cum Bussembaum *de Sacram. Confirm. num. 398* - ibi - « Et si » aliqua causa subsit, potest idem esse in Confirmatione » Patrinus, qui fuit in Baptismo. »

Post haec contrarius mos ab antiquo vicens in Dioecesi Anconitana haud immerito fortasse traduci posset uti vera consuetudo, cum nulla appareat peculiaris ratio, qua illa

impediatur vim suam exere in casu, sicuti contra alias leges. Verum praetermissa etiam hac consuetudinis provincia, notandum insuper est quod ille antiquus mos recensendus saltem videtur inter causas excusantes a praefato iuris statuto observando, quemadmodum in foro conscientiae excusat a peccato illos qui iuxta eundem morem se gerunt hac in re; Chamerota *de Sacram. Confirm. cap. 7. dub. 2.* - ibi - « Debet esse alius (Patrinus Confirmationis) ab eo qui tenuit in catechismo vel baptismo secundum consuetudinem Ecclesiae Romanae, nisi cogat necessitas *cap. in catechismo de consecr. dist. 4.*; nunc tamen *usus contrarius excusat a peccato contrafacientes.* »

MOS REHCIENDUS VIDETUR. Ast contra, si excipias Chamerota et Croix cum Busebaum, quorum textus superius relati fuerunt, ceteri omnes DD., vel absolute tradunt Patrinum in Confirmatione diversum esse debere a Patrino Baptismi, vel ad summum excipiunt casum necessitatis iuxta *cap. 100 dist. 4 de consecr.* Ita Salmatic. *de Sacram. Confirm. cap. 4. n. 4.*, Henriq. *lib. 3. cap. 3. num. 3.* Laym. *lib. 5. Summ. tract. 3. cap. 7.*, Bonac. *disp. 3. de Sacram. q. un. punct. 4.*, Palaus *de Sacram. Confirm. punct. 10. num. 2.*, Barbosa *de potest. Episc. alleg. 30. num. 51.*, Ferraris *V. Confirmatio art. 3. num. 14.*, Gavantus *Manuale Episc. V. Confirmatio*, aliique plures.

Nulla itaque exceptio admittenda videtur in casu praeter illam, quae habetur in *cap. 100 dist. 4. de consecr.* Iamvero necessitatis nomine intelligitur quaedam vis cogens ad aliquid faciendum vel etiam quaedam impossibilitas legem implendi iuxta definitionem traditam apud Ferraris *V. Necessitas num. 1. nov. add.* - ibi - « Necessitatis nomine intelligi debet status hominis, in quo parere legi haud potest absque periculo suo. » Consequenter necessitatis vocabulum in *cit. cap.* adhibitum nullatenus trahi posse videtur ad significandam quamcumque rationabilem causam, sed illam tantummodo causam, quae includit quamdam vim

coactivam, secus agendi ac praescriptum est, vel quamdam impossibilitatem observandi *romanam consuetudinem*. Eo vel magis, si perpendatur *cap.* istud non enunciare necessitatem simpliciter, sed expresse edicere: *si necessitas cogit*.

Quibus breviter notatis, quaesitum fuit quodnam postulato Episcopi dandum esset responsum.

RESOLUTIO. Sacra C. Concilii, re discussa sub dié 16 Februarii 1884 respondit:

*Posse tolerari; sed Episcopus curet abusum pedetentim evellere.*

EX QUIBUS COLLIGES. I. Esse contra romanam consuetudinem morem, ut idem ille qui levavit infantem a sacro fonte, ipsum suscipiat etiam in Sacramento Confirmationis.

II. Singulos patrilinos pro singulis infantibus adhibendos esse, pene omnes docent dd. nisi necessitas, seu quaedam observandi romanam consuetudinem impossibilitas urgeat.



## NULLIUS S. LUCIAE

### INDULTI ARTEM MEDICAM EXERCENDI

*Die 8 Martii 1884.*

Per summaria precum.

COMPENDIUM FACTI. Franciscus Mancuso Parochus loci *Gualtieri* Nullius s. Luciae, mercede conductus artem medicam exercebat in eodem pago, aliisque duobus viciniore vicis. Monitus ab administratore Abbatiae Archiepiscopo Messanensi, ut animarum potius quam corporum curae incumbere, respondit, medicam artem ab ipso exerceri, sive quia secus illorum pagorum fideles ob graves rei pecuniariae difficultates laicis medicis destituerentur, sive quia sine medicinae exercitio ipse ad inopiam redigeretur, cum ex praebenda parochiali vix perciperet libellas, 22 quolibet quadrimestri; quod certe satis non est ad se honeste sustentan-



dum. Administrator Apostolicus rem detulit S. C. C. hoc unum asserens, parochum Mancuso diligenter iis omnibus obligationibus satisfacere, quae animarum curam sibi commissam respiciunt.

### Disceptatio Synoptica.

QUAE PAROCHO ADVERSANTUR. In primis contra parochum notatum fuit quod cum clerici vi suae vocationis Deo et Ecclesiae sint addicti, et hac ratione ecclesiasticae militiae adscripti, unanimi Patrum consensu applicatur illud Apostoli: *Nemo militans Deo implicat se negotiis saecularibus, ut ei placeat cui se probavit - II ad Thim. v. 5* - idest clericus ad instar militis adscriptus Christi militiae, omnia negotia aliena a suo officio procul a se abiciere debet. Ex ipsa itaque clericali professione patet non convenire clericis artem medicam, quae officium prorsus saeculare est. Hinc plures canones in Lateranensi Concilio anni 1139 et in Turonensi anni 1163 lati fuerunt, quibus vetitum Monachis et Canonicis Regularibus fuit ne medicinam addicerent aut exercerent, *c. 3 ne clerici vel monachi*: qui canones ab Alexandro III et ab Honorio III *c. 10 eod.*, ad clericos saeculares extensi fuerunt. Horum canonum disciplinam maiorem vim acquirere dicendum est, cum agatur de parochis: isti enim assidue gregi sibi commisso invigilare debent, ipsumque « verbi divini praedicatione, sacramentorum administratione, ac bonorum omnium operum exemplo pascere » *Conc. Trid. sess. 23 c. 1 de reform.* Quae omnia cum officio medici nulla ratione componi possunt.

His accedit quod etiamsi professio et exercitium artis medicae per se irregularitatem non secumferat, nihilominus adest periculum irregularitatis si vel mors accidat ex negligentia aut culpa, vel si quandoque necessario ad incisionem vel adustionem recurrendum sit. Ratio est quia culpa utitur levior, ubi non in omittendo sed in committendo consistat a lata culpa minime distinguitur, *c. 23 de homic.*

iuncto l. 6 §. 7 ff. de officio praeses. A quo periculo si longe abesse convenit simplices clericos, multo magis parochos quibus administratio sacramentorum, aliaque munia parastoralia pro salute animarum commissa sunt.

Fatendum quidem est ab Apostolica sede concessum multoties fuisse indultum clericis saecularibus artem medicam exercendi. Verum litterae indulti numquam expediuntur nisi prius Episcopus retulerit de clerici peritia in arte medica, *Bened. XIV De Synodo dioecessana lib XIII c. X num. 9* et expeditae antiquitus habebant clausulam, qua vetabatur medico ecclesiastico quidquam vel a sponte offerentibus accipere. Postea vero « quia evidens suberat periculum, ne huiusmodi praeceptum infringeretur, mitior altera » invecita est, qua ecclesiastico medico prohibetur quidem, ne » quid exposcat, et integrum ipsi relinquitur sponte oblata » recipere, praeterquam si a viro egeno offerantur, *loc. cit. » n. 8.* » Imvero haec duo in casu nostro desiderantur. Deficit enim testimonium Episcopi referentis de Mancuso peritia in arte medica; et ars ab ipso Mancuso lucri gratia, non charitatis officio exercetur.

QUAE PAROCHO FAVENT. Verum ex adverso favore parochi, perpendendum est in antiqua Ecclesiae disciplina vetitum non fuisse artis medicae exercitium, prout pluribus exemplis probat Benedictus XIV in *loc. cit. n. 5*; quae disciplina perduravit usque ad saeculum XII; scimus enim tunc temporis a nonnullis Antistibus medicam artem profiteri. Quod si qui canones deinde id prohibuerunt, hoc ex particularibus illorum temporum circumstantiis repetendum est; quia nempe theologicae scientiae studium, et cura sacrorum negligebantur, dum rerum physicarum ac medicinae scientia colebatur. Haec vero nostro casui aptari minime possunt ex aposito Administratoris testimonio.

Praeterea dato etiam quod post praedictos canones necessarium esse dicatur Apostolicum indultum pro exercitio artis medicae, nihil est quod huiusmodi indulti concessionem Parocho Gualtieri prohibeat. Laudatus enim Pontifex

Benedictus XIV *in l. c. n. 6* enumerans causas legitimas ad dispensationis indultum obtinendum, ait: « Cum res est » de clericis saecularibus, sacris ordinibus insignitis, qui » artis medicae exercendae facultatem implorant, pro obtinenda dispensationis causa plerumque affertur civitatem, » oppidum, vel pagum, in quibus clericus artem profiteri » cupit, destitui penitus saeculari medico facultate huiusmodi » satis instructo... Est et alia legitimae dispensationis » causa desumpta ex clerici, ipsiusque familiae egestate, » quae nonnisi honesto lucro ex arte medica percipiendo levari » vari possit. » Iamvero Parochus Mancuso medicinam profitetur duabus istis de causis, quarum prima potior evadit, si observetur praedictos pagos non solum saeculari medico destitutos esse, verum etiam impossibile ipsis esse saecularem medicum ob rei pecuniariae inopiam vocare.

Nec concessioni indulti adversatur beneficium parochiale quod obtinet Mancuso, vel merces eidem assignata pro suae artis exercitio. Non primum, praeterquamquod enim ipse omnia munia sui officii adimpleat; per exercitium artis medendi parochus fit cuicumque acceptissimus, quod maximum auxilium ei est ad salutem animarum procurandam; qua de causa frequenter huiusmodi indultum sacerdotibus, Parochis, vel Vicariis in loco Missionum conceditur. Non secundum, a veritate enim longe abesset, qui mercedem assignatam Mancuso compararet publico stipendio ac salario, quo ducuntur medici aliorum pagorum aut civitatum. Hinc potiusquam salarium, aut stipendium merces illa, munus quoddam dicendum est, quo gratitudinis ergo labores parochi donantur.

His aliisque perpensis quaesitum est quid esset respondendum.

RESOLUTIO. Sacra C. Concilii re ponderata, sub die 8 Martii 1884 censuit respondere:

*Pro gratia sanationis quoad praeteritum, quo vero ad futurum arbitrio et consensu Archiepiscopi administratoris ad triennium, facto verbo cum SSmo.*

EX QUIBUS COLLIGES. I. Indultum Apostolicum pro exer-

citio artis medicae peti posse quando in postulante adsint causae, quibus ab Apostolica Sede concedi solet.

II. Uti legitimam dispensationis causam pro clerico saeculari afferri, civitatem, oppidum, pagum in quibus Clericus artem profiteri cupit, destitui penitus saeculari medico, facultate huiusmodi satis instructo.

III. Aliam pro dispensatione obtinenda causam desumi ex clerici ipsiusque familiae egestate, quae nonnisi honesto lucro, ex arte medica percipiendi levare possit.

IV. In themate hasce duas concurrere causas videri; dum oppida omnino, ex gravi egestate, destituuntur medico saeculari, et Parochus vivere honeste nequiret, si modico lucro, ex arte medica proveniente, careret.

---

## VALVEN.

### Dubia

#### CIRCA DISPENSATIONES MATRIMONIALES QUOAD ANGUSTIAM LOCI

Die 8 Martii 1884.

Per summaria precum.

COMPENDIUM FACTI. In dioecesi Valven. terrula *Rocca Calasii* est contermina loco *Calasi*, a quo distat passus quadringentos quadraginta duos (*metri ottocento circa*). Sed semita adeo est aspera, ut qui a Calasio petit Roccam Calasii, dimidiam horam in itinere absumat necesse est. Parochus quando petit dispensationes matrimoniales pro incolis *Roccae Calasii* affert inter causas *angustiam loci*. Et revera locus angustus est si ipsum solum respicias: at non angustus si incolae istius connumerentur cum incolis *Calasii*. Ita parochus se agere asserit quia semper ita actum est.

Modo Ordinarius Valven. sequens proponit dubium: « *quando ambo sponsi incolunt Roccam Calasii, pro obtinenda matrimoniali dispensatione, potestne afferri pro causa an-*

› gustia loci *quamvis* Rocca Calasii *non distat a Calasio*  
› *mille passus?* ›

Antequam vero quaestio examini EE. Patrum subiiceretur, percontari placuit s. Poenitentiarum et A. Datarum, circa normam et praxim in dispensationibus matrimonialibus ex causa *angustiae loci*. S. Poenitentaria respondit quod expletis accuratis investigationibus in suo Archivio, nihil inventum fuerit pro constituenda certa ac determinata norma quoad expetitas declarationes.

Apostolica autem Dataria haec habet « *Angustia loci*  
› verificatur cum eius focularia numerum tercentum non  
› excedant; nec officit quod locus angustus parum ab alio  
› dissitus existat, dummodo ista duo loca sint inter se di-  
› stincta ac diversa, propriamque denominationem habeant.  
› Aliqua autem distantia requiritur in Suburbiis, quae quam-  
› vis civitatis partem constituent; nihilominus *Angustia* in  
› ipsis admittitur cum per milliare aut paulo minus a ci-  
› vitate distent. Ita sentiunt Pyrrus Corrado in *Praxi di-*  
› *spens. Apost. lib. 7 cap. 5: De Iustis de dispens. ma-*  
› *trim. lib. 3 cap. 2.* Huiusmodi autem doctrinae examus-  
› sim consonat huius Datariae Apostolicae praxis. ›

### Disceptatio Synoptica.

Absque dubio *angustia loci* veluti alia quaecumque causa allegari nequit in casu quo revera non verificatur. Ut autem verificetur requiritur, praeter alia, ut locus, pro quo affertur, distet a finitimis ultra milliare, et distinctam denominationem habeat. Hoc patet 1. ex praxi universim inducta; 2. ex auctoritate illorum iuris peritorum, qui contendunt non posse allegari praedictam causam quando feminae non desint viri paris conditionis in locis circumvicinis, quia in loco censetur esse iuxta vulgarem moralemque loquendi modum, qui parum distat ab illo. Gonzalez *ad reg. 8 Canc. Gloss. 43 num. 10: Pellicion. 22 Illustr. 9, 5, col. 1;* et quod parum distat nihil distare videtur, Bonac. *de matr. 9. 1, punct. 4, prop. 1, num. 3.* - 3. Denique

patet ex decisione S. C. C. in *Oveten. Dubia etc. diei 16 Decembris 1876 per Summ. Precum*, in qua declaratum est « *angustiam loci non esse desumendam a numero focorum cuiusque Paroeciae, sed a numero focorum cuiuscumque loci, vel etiam plurium locorum, si non distent ad invicem ultra milliare* » (1).

Verum hanc distantiam non taxativo, sed demonstrativo modo accipiendam esse, plura suadent. Et revera quod femina non teneatur nubere extra propriam patriam, quamvis in loco vicino invenire possit viros paris conditionis, expresse docent Sanchez *lib. 8, disp. 19, num. 13*, Bosco *de matrim. disp. 12, sect. 13, num. 267*, et alii plures. Nam durissimum est mulieribus relinquere parentes et consanguineos, ac eorum consortio destitutae manere.

Praeterea advertendum dispensationem huiusmodi libere et sine conditione concedi; et licet sit stricti iuris, tamen late esse interpretandam, quatenus verba sonant. Notat enim Genuen. in sua *praxi cap. 20 num. 4 et 5*, si Pontifex non expressit, quod facile poterat, praesumitur noluisse; imo Pontifex acquiescit ut exponatur tantum, *Quatricem non invenire virum non consanguineum paris conditionis* in loco unde orta est: non ideo recedendum a vi verborum, Genuen. *loc. cit.* Iamvero clausulam illam verificari et iustificari per diligentiam praestitam dumtaxat in ipso loco mulieris, et non in locis circumvicinis, declaravit S. C. Archiepiscopo Mediolanensi die 28 Novembris 1570. Hanc autem interpretationem fulciri videtur per praxim Apostolicae Datariae examussim observatam, ceu ex attestazione superius relata. Cui quidem praxi quantum ponderis et auctoritatis insit ad rectam legum interpretationem, nemo est qui ignoret, cum notum sit *stylum Curiae* loco legis haberi.

Accedit alia ratio, quae magni momenti videtur, si finis

(1) Quaestio haec relata fuit Vol. IX, 571: ubi ex errore, forsitan typographico, nonnulla verba omissa fuere in resolutione; quae tamen resolutio per monitum pag. 681 eiusdem voluminis integra data

fuit et hic supra relatae omnino consona est. Confer etiam Instructionem Sacrae Congregationis de Propaganda Fide super dispensationibus matrimonialibus. Vol. X, 291.

spectetur ob quem admissa fuit praefata causa. In computanda enim distantia unius loci ab alio attendenda est etiam asperitas viarum, vel utrum in hyeme glacies, aut nives, aut imbres iter impediunt. Populi enim magis difficultate viarum, quam maiori passuum numero disiunguntur. Haec autem in themate concurrere testatur Ordinarius Valven. « Semita adeo est aspera, ut qui a Calasio pergens petit Roccam Calasii dimidiam horam in itinere absumat necesse est. Hyeme vero difficultas itineris augetur, utraque enim terra in montibus est rigidioris Aprutii. . . Unde Rocca Calasii manet locus angustus, etsi non distet mille passus a Calasio, quia laboriosius est iter faciendum. » Quapropter conclusit « si materialis distantia deficit, formalis ratio causae dispensationis adest abunde. »

Quibus animadversis, quaesitum fuit quid esset respondendum dubio Episcopi Valvensis.

RESOLUTIO. Sacra Congr. Concilii, re disceptata sub die 8 Martii 1884, censuit respondere:

*Iuxta exposita affirmative (1).*

(1) *Angustia loci* legitima et sufficiens causa pro matrimoniali dispensatione in gradibus remotioribus habetur a Romanis Pontificibus, qui gravibus ad id permoventur de causis. Et re quidem vera per talem loci angustiam evenire saepe posset, ut parvus sit numerus eorum qui pares conditione ad nubendum reperiantur; aut feminae cognatio adeo sit propagata ut reperire ipsa nequeat virum paris conditionis, non consanguineum aut alio canonico impedimento non detentum. Qua de re nisi dispensaretur cum ea ad matrimonium contrahendum cum persona coniuncta vel aliter impedita, eadem cogere nuptias inire vel cum persona sibi inaequali, aut alio se conferre ad aequalem habendum vel inupta permanere, cum periculo incontinentiae.

Norma ad cognoscendum quando angustia loci talis est ut adduci valeat cum causa legitima pro dispensatione

impetranda traditur a Pio IX per Epistolam circularem Em̄i Pro-Datarii Cardinalis Spinola ad Archiepiscopos missa die 30 Augusti 1847. In ea siquidem angusta esse declarantur loca illa, in quibus focorum numerus non excedit tercentum, vel inhabitantes non sunt ultra mille et quingentos. Ex qua determinatione sequitur quod causa ex angustia loci desumpta, hisce praedita esse debet requisitis a lege, ut legitima ad opus et sufficiens habeatur: nam intra hos limites mens Pontificis continetur.

Anno 1876 Vicarius generalis Episcopi Ovetensis retulit s. Conc. Congregationi in illa Diocesi consuetudinem invaluisse allegandi in petitione dispensationum matrimonialium causam, ex angustia loci desumptam, solummodo quando oratores ad parociam pertinerent, cuius focorum numerus infra tercentum contineretur. Quum Ordinario praxis haec non videretur esse iuxta

# EX S. CONGREGATIONE EP. ET REG.

## MELITEN.

SEU ORDINIS CARMELITARUM, SUPER DELATIONE CADAVERUM.

*Die 21 Martii 1884.*

COMPENDIUM FACTI. Quaestio praesens originem ducit ex responso dato ab hac s. Congregatione in una *Caven. et Sarnen. funerum et emolumentorum* diei 17 Septembris 1880 (1). Quatuor tunc enodanda fuere proposita dubia; sed omissis aliis, utpote ad rem non facientibus, exscribimus quartum cum responso, quae huius sunt tenoris: Dubium IV. « An Regulares incedere possint cum Stola et Cruce conventuali usque ad sepulchrum, sive autem utrumque si-

legem, quaesivit an angustia loci desumenda esset a numero focorum cuiuslibet parociae, vel a numero focorum loci vel locorum ubi oratores degunt. Sacra Congregatio respondit (ut videre est Vol. IX, 631) angustiam loci esse desumendam ex numero focorum loci, vel locorum qui reperiuntur intra milliare. Ita ut etiamsi Paroecia habeat ultra tercentos focos, tamen in eo reperiri possunt vici intra se ultra milliare distantes, in quibus vera angustia loci habeatur pro dispensationibus matrimonialibus.

Nunc autem Valvensis Antistes quaerit an angustia loci verificetur quoad duo oppida posita intra milliare; quorum habitatores coniunctim numerati 1500 excedunt. Sacra C. Congregatio dignata est dubio respondere: *Iuxta exposita affirmative*: seu indulset ut illi habitatores adducere valerent causam ex angustia loci desumptam pro dispensationibus matrimonialibus.

In casu exposito ab Episcopo Val-

vensi deest quidem materialis distantia, quae constitui a lege videtur: at distantia haec praestituta est ne taxativa, vel demonstrativa? Esse potius demonstrativam interpretasse videtur Apostolica Dataria in praxi, ex quo ait: « nec » officit quod locus angustus parum ab » alio dissitus existat; dummodo ista » duo loca sint inter se distincta ac di- » versa propriamque denominationem » habeant. » Conditio haec in themate haud deest: quia distincta sunt propriamque habent denominationem duo oppida. Praeterea si materialis distantia deest, semita quae duo coniungit oppida ita aspera est, ut pergenti ex uno ad aliud requiratur tempus quod absumi solet pro explendo milliari in semitis ordinariis. Hisce causis inniti posse videtur Em̃orum Patrum ratio decidendi in themate.

(1) Recole Vol. XIII, 416 ut habeas facti speciem.



» gnum deponere debeant in transitu per paroecias, resu-  
 » mendum postea in coemeterio? Responsum. Affirmative ad  
 » primam partem, negative ad secundam, sine pompa et  
 » recto tramite. »

Quum dubia et responsa Parochis Melitae innotuerint, dubitarunt an sibi applicari possent hae resolutiones pro aliis editae (1). Cui parochorum dubio, responsum fuit: *Affirmative*. Quamobrem Patres Carmelitae suo uti iure censuerunt cadavera a sua Ecclesia ad coemeterium publicum comitantes, paucis aeris campani datis ictibus, et pauca circa funereum currum deportantes lumina.

Simplex tamen haec comitandi cadavera ratio Carmelitarum haud visa est Curiae Episcopali *sine pompa*, iuxta s. Congregationis responsum ad quartum dubium. Ed ideo iussit, forsitan parochorum suggestu, ne Ecclesiae, paroeciâ carentes, lumina deferrent aut aes companum pulsarent, dum ad coemeterium publicum cadavera comitarentur.

Hinc Carmelitarum Superior ad Apostolicam Sedem recursum habuit adversus interpretationem Curiae circa clausulam *sine pompa*; petiitque manuteneri in iure cadavera comitandi modo simplici, uti tunc fiebat. Id esse adiecit in votis parentum defunctorum; qui cum catholicam sequantur religionem misceri cum acatholicorum funeribus nolunt, qui sine aeris campani sonitu et absque luminibus efferuntur.

### Disceptatio Synoptica.

CARMEIITARUM DEFENSIO. Quod resolutio s. Congregationis *recto tramite et sine pompa* haud interpretanda sit nimio rigore nos doquent innumerae s. Concilii Congregationis resolutiones, quarum primum tenet locum data in *Ariminen. iuris tumulandi* 14 Maii 1825. In ea siquidem maxima constituta est quod integra servanda sunt iura priora, si quando, publicae salutis gratiâ, ad publicum coemeterium ca-

(1) Recole Vol. XV, 258 ubi quaestio haec iam relata fuit.

davera sint deferenda. Ecclesia proinde quae ius habebat tumulandi in propriis supulturis, nunc istud exercet in publico coemeterio; ideoque non sublatum ius sepeliendi fuit, sed variatus locus; quod profecto non impedit emolumentorum perceptionem, et ius peragendi exequias. Maxima haec confirmata fuit in *Forolivien. 16 Septemb. 1871* atque in *Siracusana 24 Februarii 1872*.

Sed propius quaestionem praesentem inspiciendo, quoad lumina, quibus Carmelitae ad coemeterium cadavera ducunt, animadversum fuit cum *De Herdt Praxis ritualis par. 6 n. 238 de cereis*. « 1 Cum antiquissimi ritus ecclesiastici sint cereos accensos in exequiis et funeribus deferre, caveant parochi, uti Rituale praescribit, ne huiusmodi ritus omittatur, ac ne quid avare aut indigne in eo committatur. Et quoad pauperes sepeliendos specialiter monet, ut debita lumina suis impensis, si opus fuerit, adhibeant Sacerdotes ad quos defuncti cura pertinet, vel aliqua pia confraternitas, si fuerit iuxta loci consuetudinem. » « 2. Adhibendi sunt circa feretrum dum corpus defertur ad Ecclesiam et ad sepulchrum et in circuitu Feretri dum deponitur in Ecclesia. » « 3. Adhibendi sunt cerei communes, seu flavi coloris, nisi forte alia sit consuetudo, vel cerei albi ab haeredibus aut aliis, ad quos spectat afferantur indistinctive pro nuptis aut innuptis. » « 4. Adhibentur in obsequium, quatenus in iisdem reverentiam et honorem exhibemus defunctis, quorum membra fuisse credimus templa Spiritus Sancti; in suffragium, quia cedunt in eleemosynam Ecclesiae et cleri: in mysterium, quia significant defunctos duci tamquam athletas, devicto saeculo, esse filios lucis, eorum animas vivere, et immortalitatis dono gaudere, corporaque resurrectionem ac fruitionem expectare lucis illius quam iisdem adprecamur per versum *Lux perpetua luceat eis.* »

Quum igitur ritus iubeat cadaverum translationem ad sepulchrum peragendam esse cum luminibus, dicendum videtur quod lumina pauca esse debeant ut recte interpretetur clausula *absque pompa*; sed prorsus excludi nequibunt. Ad rem

facit resolutio istius s. Congregationis diei 24 Ianuarii 1846 et ab Eñno Bizzarri relata in sua *Collectanea*. Dubia proposita erant: I. « An expleto officio super regularis cadavere, Parochus Metropolitanae Ecclesiae vocari et interesse debeat cum stola in solemni associatione eiusdem regularis ad publicum coemeterium in casu. »

II. « An ista funeris processio ordinanda sit sub, et praeunte cruce Metropolitanae seu parochialis Ecclesiae in casu. » Responsum fuit. « Negative in omnibus, dummodo cadaver deferatur absque solemni pompa, recto tramite ad coemeterium a familia regulari proprii conventus tantum. » Ex quibus verbis clare patet, mentem s. Congregationis esse, ut his in casibus solemnis tantum arceatur pompa, minime vero simplices ritus, quibus Ecclesia iubet cadavera defunctorum deferenda esse ad sepulturam.

Quoad campani aeris sonum animadversum fuit, haud praepediri posse in Regularium Ecclesiis, paucis exceptis casibus, qui recensentur a Constitutione s. Pii V *Etsi mendicantium*. Cui adiicitur decisio S. C. Concilii in *Hydrunt. 8 Februarii 1641*. « In casu quo defunctus tumuletur in Ecclesia Regularium, non posse Parochum defuncti impediri ab ipsis Regularibus, quin pulset campanas parochiales, nec ipsi Regulares Ecclesiae in qua defunctus sepelitur impediri a paroco quin pulsent campanas eorum Ecclesiae. »

Ex his quae adduximus ergo clarum fit per erectionem coemeteriorum nihil, excepto loco materiali, immutatum fuisse quoad sepeliendi iura.

EPISCOPI DEFENSIO. Episcopus vero animadvertit quod si liceat Regularibus cadavera efferre ad coemeterium eodem modo, quem Parochi sequuntur a domo defuncti ad coemeterium eluditur clausula *sine pompa*, qua eisdem Regularibus limitata fuit facultas deferendi cadavera. Et ideo ipsa rei natura poscit ut exteriores illae praepediantur solemnitates, quae laedere videantur parochorum iura, ne confusio et simultates enascantur. Indubium est enim ss. Canones omnino protueri parochorum iurisdictionem, nec non iura parochia-

lia super illos qui intra paroeciae fines moriuntur; *Decret. cap. Fraternitatem de sepulturis*. Et quamvis certum sit quod iura parochialia exerceri nequeant in Ecclesiis regularium; verum est etiam primam reviviscere iurisdictionem territorialem parochorum, quando cadavera exeunt ex Ecclesiis exemptis *ob facilem uniuscuiusque rei ad sua principia regressum*, et quia iuxta forensem adagium *locus regit actum*.

Praeter haec innixus Episcopus Dioecesanæ consuetudini, quae magnam solet exerere vim quoad exteriores funerum formalitates, autumavit, nullimode confundi funera a catholicis peracta iuxta modum a Curia praescriptum, cum funeribus protestantium. Cadavera enim catholicorum ad coemeterium deferuntur cum Sacerdote et quatuor luminibus; dum cadavera acatholicorum feruntur in capsâ funebri absque ullo signo, et nullo comitante religionis ministro. Hinc videtur dici posse, Episcopi dispositionem adamussim circumscribere s. Congregationis clausulam *deferendi cadavera recto tramite et sine pompa*.

Quibus aliisque praeiactis, enodandum propositum fuit

### Dubium

*An substineatur prohibitio facta ab Episcopo quoad modum, quo patres Carmelitae deferunt cadavera ad publicum coemeterium in casu?*

RESOLUTIO. Sacra C. Ep. et Reg. re ponderata, die 21 Martii 1884 censuit respondere: *Negative et amplius*.

EX QUIBUS COLLIGES. I. In exequiis et funeribus lumina deferenda et campanas pulsandas esse ex antiquissimo Ecclesiae ritu descendere.

II. Per lumina enim defunctis obsequium exhibetur: quoniam credimus eorum membra fuisse templa Spiritus Sancti: mysteriumque significamus, quia credimus eorum animas dono immortalitatis gaudere, et corpora expectare resurrectionem ad perpetuam fruendam lucem.

III. Ecclesias, quae iure sepeliendi pollent, ius illud exercere posse in publico coemeterio; ex quo fit ut ecclesia tumulans possit officium funebre explere dum ad coemeterium cadavera deferuntur, sequendo ecclesiasticum ritum, quoad fieri possit, dummodo vitetur pompa.

IV. In themate Patres Carmelitae devitare exteriorem pompam videntur: dum cadavera efferunt paucis cum luminibus, paucisque aeris campani comitantibus ictibus.

---

## EX S. CONGREGATIONE DE PROPAGANDA FIDE

---

LITTERAE CIRCULARES ad Vicarios Apostolicos Imperii Sinensis, et regnorum Sinis adiacentium quoad Synodos habendas.

*Illm̄e et Rm̄e Domine*

Quos ex Decreto dato 23 Iulii anno 1879 Sacra haec Congregatio Christiano nomini propagando fructus perceptura persenserat, eos uberrimos modo collegisse laetatur. Conventus enim Vicariorum Apostolicorum in quinque determinatis Imperii Sinensis regionibus rite habiti sunt; plura quae ad uniformitatem obtinendam, praesertim quoad disciplinam, faciunt, in iis sunt praescripta; acta ipsa Synodalia Romam missa in Em̄orum Patrum comitiis rite examinata, rursusque Vicariis Apostolicis cum opportunis emendationibus restituta fuerunt; ac tandem Instructio iisdem Praesulibus data est die 18 Octobris 1883, qua normae generales exhibentur plurimis disciplinae capitibus accommodatae.

Quoad regna Sinensi Imperio adiacentia dolendum est Vicarios Apostolicos regionis Tunquinensis non potuisse ob rumores belli, quod postea exarsit, una simul statuto tempore convenire, ut de rebus suis agerent; quod quidem eos esse, pace composita remotisque periculis, facturos non est dubitandum. Deficientibus autem actis Conventus Tunquinensis, acta quoque Cochinchinensis et Siamensis regionis ad examen non fuerunt vocata. Verum istorum Vicariatuum necessitatibus videtur satis pro tempore fuisse consultum per commemorata. Instructionem quae potiores comprehendit re-

solvitque quaestiones quas istas Missiones aequae ac Sinenses respicere compertum est.

Ab eadem autem Instructione aliud haud spernendum emolumentum descendere apparet; cum enim ea complectatur gravissima monita de Clero sive europaeo sive indigeno, de Seminariis, de Scholis et Collegiis, de Cathéchismo et Cathéchistis aliaque permulta quae ad conversionem gentium et christianorum sanctificationem pertinent, materia suppeditatur amplissima, circa quam pietas et sapientia Praesulum in futuris Conventibus versari poterit pro novis resolutionibus seu decretis condendis.

In decreto anni 1879 Synodis ipsis statuere concessum erat, quo loco et tempore subsequentes Conventus haberi et qui ex Vicariis Apostolicis praesidere eisdem deberent. Ast factum est ut nonnullae Synodi hoc tempus futuri Conventus determinare prorsus omiserint, aliae quinquennii terminum proposuerint, ea autem quae in regione Hong-Kong locum habuit rem huic Sacrae Congregationi decernendam reliquerit. Profecto si quinquennii terminum assignare placeat, novi Conventus futuro anno convocandi essent, iuxta regulam in eodem Decreto assignatam, nempe vel a Vicario Apostolico in antecedenti Synodo determinato, vel ab eo Praesule, qui inter alios eiusdem regionis Antistes a consecratione Senior esset.

Verum non abs re est animadvertere, quod licet Sacra haec Congregatio istarum Synodorum frequentiam exoptet ideoque singulis quinquenniis eas convocari consuleret; tamen cum nondum omnia civilium perturbationum pericula evanuerint, cauto opus est, ne Synodi tunc celebrentur, cum Episcoporum Conventus suspitionis causam Ethnicis praetendere possint, eos contra auctoritatem civilem aliquid esse molituros, et ideo odium contra religionem christianam excitandi occasio evadant. Quapropter visum est opportunum eorundem Praesulum prudentiae relinquere, ut collatis per litteras inter se consiliis videant, quo opportuniori tempore convocatio per Praesides fieri debeat; idque Sacrae Congregationi significant.

Quod autem spectat ad Regionem Cochinchinensem et Siamensem, cuius acta, ut supra dictum est, non fuerunt examinata, Sacrorum Antistites, qui novo conventui intererunt, iam latas resolutiones et decreta expolire et opportunis additamentis augere studebunt; ut cum ad hanc Congregationem eadem delata fuerint, una cum aliarum Regionum actis Sacri Eñorum Patrum Consilii iudicio subiiciantur.

Hic vero nova regionum series subiungitur prout ex Vicariatuum Apostolicorum ab anno 1879 facta divisione, vel ex speciali aliquorum Vicariorum petitione eadem constitutae sunt:

### **Pro Imperio Sinensi**

1. Regio Tchely (Septentrionalis Meridio-Occidentalis, Orientalis) seu Mandchuria, Mongolia (Centralis, Orientalis, Occidentalis).
2. Regio Chan-tong Chansy, Chensy, Kan-Sieu.
3. Regio Hou-pe (Orientalis, Occiduo-Septentrionalis, Occiduo-Meridionalis), Ho-nan (Meridionalis, Septentrionalis) Hou-nan (Meridionalis, Septentrionalis) Tche-Kiang, Kiang-Nan, Kiang-Si (Septentrionalis, Meridionalis).
4. Regio (Sut-chuen) (Septentrio-Occidentalis, Orientalis, Meridionalis) Yunnan, Kuit-cheu, et Thibet.
5. Regio Kuant-toung, Kuang-Si, Hong-Kong, Fokien et Amoy.

### **Pro Regnis Sinis adiacentibus**

1. Regio Cochinchina (Orientalis, Occidentalis, Septentrionalis) et Cambodia.
2. Regio Tunquinus (Meridionalis, Centralis, Orientalis, Occidentalis, Septentrionalis).
3. Regio Peninsula Malacca, Siam Orientalis, Birmania (Orientalis, Septentrionalis, meridionalis).
4. Regio Iaponia (Septentrionalis, Meridionalis), Corea.

Haec erant Amplitudini Tuae significanda: data vero occasione libenter utor ut omnia fausta tibi a Domino adprecet.

Romae. Ex Aedibus Sacrae Congregationis de Propaganda Fide die 16 Aprilis 1884.

IOANNES Card. SIMEONI Praefectus

DOMINICUS Arch. Tyrensius, Secretarius.

# EX SACRA CONGREGATIONE INDULGENTIARUM

De Indulgentiis acquirendis ab iis Christifidelibus, qui recitant versiculos *Angelus Domini* etc. et Antiphonam *Regina Coeli* etc.

## DECRETUM

### URBIS ET ORBIS

Ad acquirendas Indulgentias, quas Benedictus XIII Literis in forma Brevis sub die 14 Septembris 1724 concessit omnibus Christifidelibus, qui recitaverint versiculos *Angelus Domini* etc. ternasque Angelicas Salutationes; et quas Benedictus XIV die 20 Aprilis 1742 confirmavit pro iis etiam qui tempore paschali recitaverint Antiphonam *Regina Coeli* etc. cum versiculo et oratione propria, necesse est illos versiculos, Angelicas Salutationes, Antiphonam et orationem recitari quando aes campanum dat signum. Necesse ulterius est pro huiusmodi recitatione versiculorum *Angelus Domini* etc. et Angelicarum Salutationum genua singulis vicibus hectere, si excipias dies dominicos a sabbati cuiusque vespere et tempus paschale, quibus tum versiculi illi et Angelicae Salutationes, tum Antiphona *Regina Coeli* etc. cum versiculo et oratione propria stando dici debent. Iam vero plerique pii viri Sacram hanc Congregationem Indulgentiis Sacrisque Reliquiis praepositam enixe precati sunt, ut aliquantulum illa duplex conditio adimplenda temperaretur. Siquidem non ubique gentium aes campanum ad hoc signum dandum pulsatur, aut pulsatur ter in die, aut iisdem horis. Insuper contingere quandoque potest, quod signum aeris campani, si detur, non audiatur ab omnibus, aut, si audiatur, aliquis Christifidelis, quominus in genua provolvat et stata hora versiculos recitet, legitimo impedimento detineatur. Sunt tandem innumeri ferme Christifideles, qui versiculos *Angelus Domini* etc. et Antiphonam *Regina coeli* etc. nec memoria, nec de scripto recitare sciunt.

Quapropter Sanctissimus Dominus Noster LEO Papa XIII ne tot Christifideles ob non adimpletas conditiones spiritualibus hisce gratiis priventur et quo efficacius omnes Christifideles ad divinae Incarnationis et Resurrectionis mysteria perpetuo grateque recollenda incitentur, in audientia habita die 15 Martii nuper elapsi ab infrascripto Secretario Sacrae Congregationis Indulgentiarum et SS. Reliquiarum benigne indulgere dignatus est, ut omnes Christifideles, qui legitimo impedimento detenti non flexis genibus, nec ad aeris campani signum versiculos *Angelus Domini* etc. cum tribus Angelicis salutationibus, alio versiculo *Ora pro nobis* etc. et oratione *Gratiam tuam* etc.; tempore vero paschali Antiphonam *Regina coeli* etc. cum versiculo et oratione propria; aut si nesciant



praedictos versiculos, Antiphonam et Preces tum memoriter dicere, tum legere, quinque Salutationem Angelicam digne, attente ac devote sive mane, sive circiter meridiem, sive sub vespere recitaverint, Indulgentias superius memoratas lucrari valeant.

Quae quidem benigna Sanctissimi Domini Nostri Papae concessio, ut facile innotescat, Sacra eadem Congregatio praesens Decretum typis imprimi ac publicari mandavit absque ulla Brevis expeditione in perpetuum valiturum. Non obstantibus in contrarium facientibus quibuscumque.

Datum Romae ex Secretaria eiusdem Sac. Congregationis die 3 Aprilis 1884.

AL. CARD. OREGLIA A S. STEPHANO, PRAEFECTUS.

FRANCISCUS DELLA VOLPE *Secretarius.*

---

## EX SACRA RITUUM CONGREGATIONE

---

### DECRETUM GENERALE

quo constituitur officium ss. Rosarii B. M. V. non posse amandari ad aliam diem, nisi occurrente officio potioris ritus.

Ne, ob recentem ad ritum duplicis maioris elevationem Officiorum Sanctorum Angelorum Custodum ac Sancti Francisci Assisiensis, Officium, pariter ritus duplicis maioris, Sacratissimi Deiparae Rosarii (quod veluti Festum secundarium putatur) Dominicae primae Octobris affixum, in occurrentia aliquoties illis postponendum, et ad aliam diem transferendum sit, nonnulli sacrorum Antistites Sanctissimum Dominum Nostrum Leonem Papam XIII supplicibus votis rogarunt, ut praedictum Officium, attenta speciali cultus devotione, qua ubique a Fidelibus ea die celebrari solet, ad ritum duplicis secundae classis elevare dignaretur. Eiusmodi vero preces quum a subscripto Sacrorum Rituum Congregationis Secretario relatae fuerint eidem Sanctissimo Domino Nostro, Sanctitas Sua constituit, Officium Sacratissimi Rosarii Beatae Mariae Virginis non posse amandari ad aliam diem, nisi occurrente Officio potioris ritus, quemadmodum per Decretum *Urbis* eiusdem Sacrae Rituum Congregationis sub die 6 Augusti 1831 pro Officiis Mysteriorum et Instrumentorum Dominicae Passionis praescriptum fuerat. Contrariis non obstantibus quibuscumque. Die 19 Iunii 1884.


D. CARDINALIS BARTOLINIUS S. R. C. PRAEFECTUS

Loco † Signi.

LAURENTIUS SALVATI S. R. C. *Secretarius.*

# SUMMA ACTORUM

QUAE IN HOC VOLUMINE XVI CONTINENTUR



## LETTERAE ROMANI PONTIFICIS

- Epistola* SS<sup>mi</sup> D. N. Leonis XIII ad E<sup>m</sup>os Cardinales Antoninum De Luca, Vice cancellarium S. R. E., Ioannem Baptistam Pitra, Bibliothecarium S. R. E., Iosephum Hergenroether, tabulariis Vaticanis praefectum; qua, patefactis malis artibus, quibus hostes christiani nominis historiam et res gestas RR. Pontificum, cum rebus italicis colligatas, conscribunt, innuit ut viri probi, versati in hoc genere disciplinarum, animum adiciant ad historiam scribendam, quibus patebit supellex Bibliothecae Vaticanae pag. 49
- Litterae Apostolicae* Papae Innocentii XI, quibus indicitur lubilaeum universale ad implorandam divinam opem contra Turcas. . . . . » 58
- Epistola encyclica* SS<sup>mi</sup> D. N. Leonis XIII; qua mandat atque decernit ut hoc anno peculiari religione solemn'a celebrentur Deiparae Mariae Virgini a Rosario . . . . . » 113
- Litterae* in forma Brevis, quibus

- commendatur rosarii quotidiana recitatio; quibusque edicitur esse in R. Pontificis optatis, ut in Dioecesium singularum templo principe quotidie, in templis curialibus festis singulis, recitetur rosarius; et decernitur ut in Litanis Lauretanis addatur *Regina Sacratissimi Rosarii ora pro nobis* . . » 209
- Epistola encyclica* SS<sup>mi</sup> D. N. Leonis XIII ad Episcopos Galliae: qua innuitur, iuvenes, dum artes docentur, quibus ad humanitatem informari solent, ap<sup>er</sup>ime notitiã officiorum erga Deum imbuendos esse; consulendum ne desint scholae catholicae, animorumque concordiae prospiciendum ad protuenda nominis catholici iura » 241
- Epistola encyclica* SS<sup>mi</sup> D. N. Leonis XIII quoad sectam Massonum . . . . . » 417
- Litterae* in forma Brevis SS<sup>mi</sup> D. N. Leonis XIII ad R. P. Iosephum Pothier, Monachum Congregationis Benedictinae Solesmensis quoad librum Gradualem cantus gregoriani ab eodem exaratum . . . . . » 465

*Litterae SSmi Patris Leonis XIII ad Rmum D. Cardinalem Iosephum Hergenroether Pontificii Archivi Vaticani Custodem.* > 529

### EX AEDIBUS VATICANIS

*Tribunalia Pontificia in Vaticano:* statuta praeliminaria pro dirimendis controversiis, contractuum causa enatis, cum administratione Aedium Vaticani . . . . . > 296

*Litterae Emi Cardinalis Ludovici Iacobini, Secretarii Status ad Apostolicos Nuntios, de nuperrima sententia civilium Tribunalium quoad honorem s. Congregationis de Propaganda Fide conversionem.* . . . . . > 305

### EX ACTIS CONSISTORIALIBUS

De consistorio habito die 9 Augusti 1883. . . . . > 63

*Allocutio SSmi D. N. Leonis Papae XIII, qua iterum damnatur et improbatur quidquid Romae actum est et agitur cum iniuria Apostolicae Sedis; et duo publicantur novi Cardinales.* > 353

*Propositiones Episcopales* . > 355

### EX S. CONGREG. CONCILII

*Viterbien. massae capitularis;* resolvitur, indolem induere distributionum quotidianarum massam, etsi appelletur *grossa* > 3

*Vicentina dispensationis ab irregu-*

*laritate;* clericus laborans defectu parvae staturae et gibbositate dispensationem ab irregularitate petiit et obtinuit. . . . > 9

*Neapolitana matrimonii;* declaratur validum matrimonium contractum per procuratorem, cui procuratio missa fuit per folium album, in quo scripta erant tantum nomina mandantis et testium, et quamvis mandans autemet, tempore utili, revocasse mandatum, per aliam epistolam . . . . . > 40

*Salernitana pensionis;* parochus renuit praestare pensionem, favore alterius parochi, sibi impositam, et a se promissam per chirographum subscriptum, antequam concursum iniret. > 27

*Vallisoletana, circa facultatem missas iterandi;* Episcopus exposulat facultatem deputandi unum vel alium sacerdotem, ut bis celebret, quando aliquis ex Monialium cappellanis infirmetur, ne Missa careant illae Religiosae. . . . . > 35

*Andrien. proventuum parochialium;* disceptatur cuinam tribuenda sit summa libell. 18,000; quam exigere a Municipio non curarunt quinque parochi; quamque exigere valuerunt eorundem successores, dum primi adhuc in vivis agant, sibi que deberi eandem summam contendunt . . . . . > 74

*Varmien. formae concursus;* indulgetur ut manuteneri possit pra-

- xis indicendi concursum ad vacantes paroecias per ephemerides, minime per publicum edictum, et ponderandi scientiam concurrentium per annuales concursus. . . . . » 82
- Gaudisien. approbationis conventionis*; approbatur conventio, qua beneficiatus dare adpromiserat tertiam fructuum partem vindicanti nonnulla praedia sui beneficii, iam deperdita, ad constituendas duas pensiones ecclesiasticas . . . . . » 86
- Montis Falisci. Reductionis legati*; denegatur parentibus testatoris ut legatum missarum, ab illis reputatum ceu exorbitans, reduci possit. . . . . » 91
- Papien. irregularitatis*; differtur ad annum iudicium pro dispensationis gratia concedenda clerico, comitali morbo laboranti. » 93
- Indulti*; denegatur indultum adhuc abessendi a choro canonico, qui laborans aurium morbo, Romae vitam degere vellet, causâ vindicandi nonnulla bona Ecclesiae a Demanio . . . . . » 98
- Pinnen. et Atrien. ac Nullius Montis Casini*; aperiitionis oris et iurisdictionis; quaeritur an obreptitium sit decretum R. Pontificis, quo oppidulum cum suo territorio a iurisdictione Abbatis Montis Casini subtractum, iurisdictioni Episcopi Pinnensis subicitur. . . . . » 122
- Andrien. iurium et privilegiorum*; ipter clerum, qui Ecclesiam collegialem constituere putat, et Parochum cui Ecclesia eadem, uti paroecialis ecclesia assignata fuit, disputatur de privilegiis et iuribus, quae quisque sibi vindicare curat . . » 181
- Matrimonii*; quaeritur an petenda sit dispensatio super matrimonio rato et non consummato . . . . . » 196
- Caesaraugustana lucracionis distributionum*; canonici et beneficiati expetunt, sed non obtinent, ut dies absentiae a choro, absque amissione distributionum, augeantur . . . » 202
- Caesaraugustana indulti*; exposcitur facultas pro continuanda celebratione missarum in altari maiori, dum in choro canitur Prima, quod prohibetur per S. Rituum Congregationem. » 211
- Olinden. Matrimonii*; dubitatur de impotentia viri, saltem relativâ, et exposcitur dispensatio a matrimonio rato. . . . . » 215
- Nullius Clunien. facultatis advocandi*; indulgetur presbytero expetita facultas advocandi in laico tribunali Hispaniarum. » 227
- Mutinen. Vocis in Capitulo*; dubitatur an Canonico competat vox in capitulo . . . . . » 230
- Montisalti Interpretationis et commutationis voluntatis et absolutionis*; dubitatur an onus applicationis Missarum impositum sit a fundatore, qui iussit celebrari missam diebus festis in suo sacello. . . . . » 231

- Argentinens. et Algeriens. excommunicationis et suspensionis;* dubitatur an iuvenis gratis educatus in Seminario algeriensi, dioecesim istam deserere valeat, infirmæ valetudinis causâ; et an iuvenis idem, Episcopus Tute-lon. et Algerien. qui eundem promoverunt ad ss. Ordines, absque litteris testimonialibus, in censuris prolapsi fuerint. > 249
- Herbipolen. Matrimonii;* vir expostulat ab Apostolica Sede, ut matrimonium a se contractum cum muliere, illico post celebrationem insanîa correptâ, nullum declaretur, vel uti ratum et non consummatum dispense-tur. . . . . > 262
- Aliphana, delationis insignium;* denegatur confirmatio decretorum, quibus a rege et ab Episcopo concessa fuerunt nonnulla insignia canonicis duarum Collegiarum . . . . . > 274
- Policastren. interpretationis voluntatis;* declaratur haeredem sibi addicere non posse fructus legati dotalis, sed cumulandos esse in augmentum subsidii dotalis. . . . . > 282
- Cracoviens. iurium Canonicalium;* canonici professores Universitatis Cracoviensis expetunt ab aliis Capituli Canonicis, ut sibi liceat omnia implere canonicorum officia, ex quo cessaverit ratio dispensationis concessae ab Apostolica Sede; quod eisdem denegatur, utpote qui canonicis de gremio non censeantur: sed quaestio in postulatorum favorem resolvitur . . . > 313
- Decretorum et Appellationis:* quaestio est an sustineantur decreta curiae archiepiscopalis, emissa postquam accusatus proposuerat duas exceptiones quoad assessorem et quoad testem . . > 328
- Albaricinen. servitii chori et altaris;* confirmatur decretum capitulare, quo declaratum fuit, decanum servire debere per hebdomadas alternatim ceu alii capitulares . . . . . > 367
- Baionens. dispensationis ab irregularitate;* gratiam dispensationis obtinet iuvenis qui defectu in dextera manu laborat . > 376
- Aversana executionis vel commutationis voluntatis;* quaeritur an lege civili gubernii italici resolutae fuerint duae cappellaniae, ita ut earum dos libera redeat in possessionem haeredum fundatoris . . . . . > 378
- Apuana sponsalium;* probatur existentia sponsalium, a quibus vir resilire volebat, putans puellae familiam dotem solvendo non esse . . . . . > 382
- Syracusana interpretationis voluntatis;* resolvitur funerum onus esse perpetuum, dum executores testamentarii arbitrarentur de eorumdem perpetuitate non constare ex verbis testatoris . . . . . > 388
- Centumcellarum apercitionis oris et suspensionis legati:* gratia con-

- ceditur ut legatum pium suspendatur ad triennium eiusdemque redditus tribuuntur descendentes a fundatore, egestate pressis . . . . . » 394
- Vasten. et Ortonen.* excardinationis et ordinationis; expetit iuvenis e Dioecesi Vasten. ut declaretur subditus Episcopi Ortonen. ut ab eodem promoveri valeret ad ss. Ordines . . . . . » 398
- Nevarien.* commutationis voluntatis et absolutionis; exposcitur gratia exonerationis a legato Missae quotidianae, ob adversas familiae vicissitudines . . . . . » 401
- Praenestina* privationis capellaniae; quaeritur an confirmanda vel infirmanda sit Curiae sententia, qua statutum fuit clericum incurrisse in poenam privationis capellaniae eo quod dimisit vestes clericales . . . . . » 444
- Parmen.* Spolii; dubitatur an Episcopus potuerit disponere, per legata in testamento relicta, de quadam parte sacrae suppellectilis . . . . . » 451
- Gratianopolitana* dispensationis super defectu natalium; dispensationis indultum obtinet iuvenis, illegitime natus ex coniugato et soluta . . . . . » 461
- Albien.* Suspensionis; disceptatur an infirmanda vel confirmanda sit Curiae sententia, per quam Parochus privatus fuit facultate verbum Dei praedicandi et sacramenta administrandi ad quindecim annos . . . . . » 467
- Venafrana: iurium canonicalium hebdomadariorum;* quaestio est de indole, honoribus, et oneribus hebdomadariorum; qui nunc et in vetustis quoque monumentis canonici appellantur. . . . . » 480
- Urbanien. et S. Angeli in Vado; fallentiarum et distributionum;* disquiritur an canonici, quibus animarum cura ab Episcopo superaddita est, a puntaturis eximantur quando absunt a choro ob eiusdem curae exercitium. . . . . » 492
- Boianen. annuae praestationis;* Episcopus sibi vindicat annuam praestationem ab Archipresbytero, qui eandem solvere renuebat aiens, omnem ad id deesse titulum, et redditus suae Ecclesiae ita imminutos esse, ut ille impar ad hoc onus effectus sit. . . . . » 502
- Ordinis s. Benedicti;* facultatis exercendi artis medicae: religioso conceditur exercere medicinam . . . . . » 531
- Viglevanen et Mediolanen;* excardinationis: iniungitur obedire mandatis Episcopi presbytero qui excardinari a propria Dioecesi expetiverat . . . . » 534
- Anconitana;* postulatum circa patrilinos; quaeritur an manuteneri queat mos inolitus, ut idem patrilinus levet infantem a sacro fonte, et eundem suscipiat in sacramento confirmationis. » 537
- Nullius s. Luciae;* indulti artem

medicam exercendi; venia indulgetur parochi ut medicum agat . . . . . » 539

*Valven.* dubia circa dispensationes matrimoniales quoad angustiam loci; resolvitur esse angustum locum, quamvis ab alio non distet ultra mille passus. » 543

## EX S. CONG. EP. ET REG.

*Venetiarum. laudi super solutione* etc. confirmatur sententia Curiae patriarchalis quoad nullitatem iudicii, prolata ab arbitris qui, praevio regulari compromisso, aliisque a iure requisitis haud usi sunt . . . . . » 404

*Ripina iurium parochialium;* res est de indole Vicarii curati, scilicet an sit perpetuus vel temporalis; ita ut possit in sua Ecclesia funera explorare independentem a Parocho Ecclesiae maioris . . . . . » 436

*Pragen. seu militaris ordinis Crucigerorum cum rubea stella;* res est de concedenda aut deneganda approbatione apostolica nonnullis modificationibus peractis in constitutione huius Ordinis . . . . . » 285

*Suessana confinium parochialium;* res est inter duos parochos utri pertineant nonnullae familiae . . . . . » 337

*Bambergen. seu Herbipolen.* disceptatur an confirmanda sit curiae sententia, quae sub suspensionis poena iusserat parochum removere famulam, cuius praesen-

tia nonnullis scandalum afferret . . . . . » 311

*Meliten. seu Ord. Carmelitarum* super delatione cadaverum; quaeritur an nonnulla lumina comitari possint cadavera, quae efferri debent *sine pompa* . . . » 547

## EX S. CONG. RITUUM

*Sanctae Agatae Gothorum:* functionum et Missarum solemnium: iure condominium indulgetur Confraternitati nonnullas agere sacras functiones in Ecclesia paroeciali, independentem a parochi » 38

*Decretum Urbis et Orbis;* quo clero saeculari et regulari indultum est persolvere officia votiva per annum, loco officiorum serialium, exceptis...etc. festa S. Pauli et ss. Angelorum Custodum a ritu duplicis minoris, ad ritum duplicis maioris elevantur; et praecipitur agi Romae commemorationem de festo ss. App. Petri et Pauli, singulis octavae diebus . . . . . » 47

*Romana seu Bergomen.* beatificationis et canonizationis ven. servae Dei sor. Teresiae Eustochii Verzeri, fundatricis instituti Sacri Cordis Iesu. . . » 412

*Ostien. et Veliternen.* dubia quoad officium votivum in octava alicuius festi, et quoad lectiones legendas in primo nocturno in festo s. Dominici. . . » 445

*Officia Votiva per annum . . . » 445*

*Decretum,* quo Festa Immaculae Conceptionis et s. Iosephi io-

- seruntur in caeremoniali Episcoporum, tum quoad usum Pallii, tum quoad dies quibus Episcopi solemniter celebrare solent . . . . . » 205
- Decretum*, quo varia resolvuntur dubia quoad recitationem officiorum votivorum per annum, loco ferialium . . . . . » 206.
- Dubia* quoad recitationem officiorum votivorum. . . . . » 236
- Monitum* quoad nonnullas lectiones historicas reformatas . . » 238
- Decretum* quo praecipitur addendum esse in Litanis Lauretanis *Regina sacratissimi rosarii ora pro nobis*. . . . . » 238
- Decretum* quo mandatur, nonnullas preces esse recitandas in fine cuiusque Missae, sine cantu celebratae, in omnibus Urbis et Orbis catholici Ecclesiis. . » 239
- Papien.* confirmationis cultus ab immemorabili tempore praestiti servo Dei Severino Boetio, philosopho martyri, sancto nuncupato . . . . . » 302
- Decretum*; beatificationis et canonizationis ven. servi Dei Fr. Dydaci Iosephi a Gadibus, Sacerdotis ordinis Minorum s. Francisci Cappuccinorum . . » 347
- Decretum*; beatificationis et canonizationis ven. servae Dei, sor. Mariae Gertrudis Salandri, ordinis s. Dominici, fundatricis monasterii SS<sup>m</sup>i Rosarii in oppide Valentani . . . . . » 350
- Litterae* circulares Em<sup>i</sup> Praefecti ad Episcopos catholici Orbis

- quoad centenariam commemorationem nativitatis B. M. Virginis . . . . . » 525
- Decretum*; de centenaria commemoratione praxeos mensis mariani . . . . . » 527
- Decretum* generale, quo constituitur officium ss. Rosarii B. M. V. non posse amandari ad aliam diem, nisi occurrente officio prioris ritus. . . . . » 556

EX S. CONG. S. R. U.  
INQUISITIONE

- Decretum* quoad matrimonia mixta, quae ineantur coram ministro haeretico . . . . . » 207
- Rescriptum* ad Vicarium Apostolicum B. quo innuitur eos, qui matrimonia mixta contraxerunt absque Ecclesiae consensu, debere Episcopum adire pro cautione danda de amovendo periculo salutis aeternae a se et a sua prole . . . . . » 235
- Decretum* S. R. Universalis Inquisitionis super examine praemittendo conditionatae Baptismatis iterationi . . . . » 415

EX S. CONGREGATIONE  
INDULGENTIARUM

- Decretum* quo dies determinantur quibus Chordigeri recipere queunt absolutionem generalem et benedictionem papalem. » 304
- Ordinis s. Crucis*; de indulgentia quingentorum dierum, adnexa calculis Rosarii, per Crucigeros benedicti . . . . . » 404



*Bergomen.* de indulgentia toties quoties Ecclesiarum Ordinis sancti Francisci a Paula. . . . > 433  
*Ordinis Monachorum Camaldulensium;* de Gregoriano Tricenario, de altari s. Gregorii in Monte Coelio et de Altaribus gregorianis ad instar. . . . > 508  
*Rescriptum,* quo conceditur indulgentia tercentum dierum precitantibus adnexas preces pro animam agentibus. . . . > 523  
*Decretum Urbis et Orbis;* de Indulgentiis aquirendis ab iis Christifidelibus, qui recitant versiculos *Angelus Domini etc.* et antiphonam *Regina caeli.* > 555

EX S. CONGREGATIONE  
 DE PROPAGANDA FIDE

*Litterae circulares,* quibus graviter monentur familiae Religiosae,

quae Orientalium Missionum curam susceperunt, ut exigant studium linguarum, quae necessariae sunt in hunc finem, ab illis qui huic sacro ministerio mancipare se velint . . . > 294  
*Litterae* Eñi Praefecti, quibus varia constituuntur centra extra Italiam ad fidelium oblationes colligendas . . . . . > 363  
*Litterae circulares;* ad Vicarios Apostolicos Imperii Sinensis et regnorum Sinis adiacentium, quoad Synodos habendas . . . > 552

EX S. CONG. INDICIS

*Decretum;* quo plures prohibentur libri . . . . . > 440  
*Decretum* quo duo damnantur opera . . . . . > 528



# INDEX GENERALIS

CONCLUSIONUM QUAE IN PLERISQUE ACTIS IN HOC VOLUMINE CONTENTIS  
ADNOTATAE SUNT, QUORUM MATERIA IN SINGULIS ACTIS,  
AMPLE EXPOSITA, VEL DECLARATA REFERITUR.

Haec actem conclusiones sub sequentibus verbis comprehenduntur.

Aperitio oris	Distributiones quotidianae	Missa
Arbitri	Ecclesia collegiata	Parochus quoad famulas
Canonicus	Episcopus quoad ss. Ordines	Parochus quoad remotionem
Canonicus quoad insignia	Episcopus quoad testamentum	Paroecia quoad concursum
Canonicus quoad redditus	Exequiae quoad lumina	Paroecia quoad dismembrationem
Canonicus quoad residentiam	Iudex	Patrinus
Capitulum quoad statuta	Iura canonicalia	Pensio ecclesiastica
Cappellania ecclesiastica	Iura parochialia	Pontifex quoad confirmationem
Clericus quoad facultatem advocandi	Legatum pium	Rescripta R. Pontificis
Clericus quoad exercitium medicinae	Matrimonium	Vicarii Parochiales
	Matrimonium quoad procuratorem	

## Aperitio oris

Oris aperitio conceditur tantum si evidenter constiterit, Constitutiones Pontificis infici labe et vitio subreptionis et obreptionis; ita ut in eisdem edendis Pontifex deceptus et circumventus fuerit. *pag. 135.*

## Arbitri

Praeter iudicium proprie dictum, quod omnino necessarium est, et est proprium eorum, qui publicam iudicandi auctoritatem praediti sunt, adest et alia quaedam contendendi ratio, quae extra iurisdictionis necessitatem ponitur. *pag. 109.*

Haec secunda contendendi ratio, quae ad sopiendas lites pertinet, ponitur apud eos, ad quos ex consensu et compromisso itur; quique iudices compromissarii, et plerumque arbitri nominantur. *ib.*

Hoc voluntarium iudicium, quod ex re arbitrium, ex facto autem litigatorum compromissum, ita dicitur quia litigatores compromittere, id est simul et invicem poenam promittere solent, quatenus quis eorum arbitri sententiae non steterit. *ibid.*

Quamobrem ne iuridico destituatur valore arbitrorum iudicium, compromissum praecedat oportet inter partes litigantes et arbitros: in quo compromisso, sive scriptis redacto, sive verbis, contineri debent omnes controversiae definiendae cum propriis adiunctis. *ibid.*

Requiritur etiam, ad validitatem compromissi, ut praecise determinetur tempus intra quod arbitri proferant sententiam, et ut constituatur an sententia eadem parere debeat effectus decreti irrevocabilis: quod exprimitur per formulam *remota quacumque appellatione.* *pag. 110.*

**Canonici**

Canonici veri sunt qui, praeter canoniam, seu ius spirituale promanans ex electione in fratrem, habent etiam stallum in choro et vocem in capitulo. *pag.* 491.

Hi vero praebendati, qui hisce requisitis substantialibus careant, nullo possunt modo canonici dici, sed recensendos esse inter meros honorarios, tum ius, tum iurisprudentia innunt. *ibid.*

Veros canonicos ex iure ad frequentiam excitari per distributiones quotidianas et ad residentiam teneri, ait Trident. Sess. 24 cap. 12 de ref. « *Non liceat vigore cuiuslibet statuti aut consuetudinis, ultra tres menses ab iisdem Ecclesiis quolibet anno abesse.* » *ibid.*

**Canonici quoad insignia**

Romani Pontificis auctoritati reservatum est Canonici concedere habitus et insignia in choro gestanda, istorumque colores decernere. *pag.* 282.

Qua de re Episcopi eoque minus laici, etiam regia auctoritate fulgentes, nihil hisce in rebus constituere valent. *ibid.*

Capitulum cathedralis prohibere potest quominus capitulum Collegiatae eadem gestet insignia. *ibid.*

**Canonici quoad redditus**

Duae sunt reddituum species quae Canonici obveniunt: altera nempe ex praebenda, altera ex quotidianis distributionibus: redditus primae

speciei dividuntur ratione, nullo habito respectu ad servitium; secundae speciei redditus solent quotidie distribui clericis, qui statis horis intersunt divinis officiis. *pag.* 8.

**Canonici quoad residentiam**

Ecclesiae universalis, aut propriae utilitas vel gravis infirmitas excusant praebendatum a residentia et chori servitio. *p.* 103.

Ait enim trid. Sess. 21 cap. 12 de ref. quod obtinentes dignitates, canonicatus, praebendas, aut portiones nequeant abesse a choro, ultra tres menses, vigore cuiuslibet statuti aut consuetudinis. *pag.* 375.

Ius quod in Capitulis primae Dignitati inest celebrandi missas pontificales aliasque functiones solemnes peragendi, absente vel impedito Praelato, censetur potius onus vel obligationem tali dignitati inhaerentem, praeter munus alternandi per hebdomadas cum ceteris canonicis. *ibid.*

**Capitulum quoad statuta**

Cum ex cap. 1 de reg. iuris omnis res per quascumque nascitur causas per easdem et dissolvatur, ambigi nequit quod canonici possint immutare, declarare, revocare statuta a se condita, dummodo eadem solemnitas in his intercedat, quae anteactis decretis intercessit. *pag.* 375.

Capitulum, ex s. Rota, accedente Ordinarii consensu, nedum fa-

cere statuta valet quae chori ordinationem respiciant, sed alia quoque maiora, quae statum ecclesiae concernant. *ibid.*

### Cappellania ecclesiastica

Notae praecipuae quae comitantur cappellanas ecclesiasticas duae sunt: nempe ut in canonica earumdem fundatione episcopale decretum erectionis, et in illarum collatione accedant bullae episcopales pro canonica possessione. *pag.* 450.

Ad vindicandam ecclesiasticam cappellaniae qualitatem quoties dubium adsit, vel quoties tabulae fundationis reperiri nequeant, sufficit, ex communi canonistarum sententia, quod Antistes per quadraginta saltem annos canonicam dederit institutionem. *ibid.*

Cappellania praefatis praedita notis beneficio ecclesiastico omnino aequiparatur; et ideo institutus in huiusmodi cappellaniam gravi obstringitur obligatione vestes gestandi clericales. *pag.* 451.

Obtinentes beneficium ecclesiasticum, deferre debent habitum clericalem, ordini ac dignitati congruentem, et iuxta Episcopi mandatum; ita ut iidem obstringi possint ab Ordinario ad id peragendum, etiam officiorum, et beneficiorum privatione. *ibid.*

### Clericus quoad facultatem advocandi

Advocare apud saecularia tribunalia, non est ita alienum a ss. ca-

nonibus, ut nunquam id liceat saecris ordinibus auctis; dum iidem ss. canones aliquam faciant exceptionem, praecipue si clerici sufficienti careant sustentatione. *pag.* 229.

Ex Benedicto XIV *De Synod. Dioec. lib. 13, c. 10, n. 12* eruitur, indulgeri Sacerdoti saeculari, qui scientiae et iuris peritiae famam sibi comparavit, ut in laicalibus tribunalibus agat causas civiles et criminales; dummodo in his scribat tantum ad defensionem. *pag.* 230.

Advocare autem in causa sanguinis, ob periculum irregularitatis, et contra ecclesiam, a qua habet clericus beneficium, propter ingratitude, praeferre videtur dedecus ecclesiastici status, ob quod clerici omnino repellantur ab eiusmodi muniis exercendis. *ibid.*

### Clericus quoad exercitium medicinae

Indultum Apostolicum pro exercitio artis medicae peti potest quando in postulante adsint causae, quibus ab Apostolica Sede concedi solet. *pag.* 542.

Uti legitima dispensationis causa pro clerico saeculari affertur, civitatem, oppidum, pagum in quibus Clericus artem profiteri cupit, destitui penitus saeculari medico, facultate huiusmodi satis instructo, *pag.* 543.

Alia pro dispensatione obtinenda causa desumitur ex clerici ipsiusque familiae egestate, quae nonnisi honesto lucro, ex arte medica percipiendo levare possit. *ibid.*

**Distributiones quotidianae**

Canonici a choro absentes nullimode facere suas possunt distributiones quotidianas, quae debentur tantum interessentibus choro statis horis. *pag.* 204.

Nam quotidianae distributiones a iure inductae sunt ratione laboris et choralis servitii: nempe ut spe paucis quotidiani, etiam tardi et negligentes fierent in choro assidui. *ibid.*

Distributiones quotidianae, quae sunt portiones ecclesiasticorum reddituum, obveniunt tantum clericis, qui statutis horis intersunt divinis officiis. *pag.* 504.

Harum enim est natura ut eadem non debeantur his qui ficte et per iuris interpretationem, sed his tantum qui vere statis horis interfuerint. *ibid.*

Attamen ex iure excipiuntur ab hac regula praebendati illi quibus cura animarum immineat; nam pro tempore quo in curata Ecclesia resident et ministrant tamquam praesentes et divinis interessentes habentur. *ibid.*

Huiusmodi vero iuris fictio predest ex DD. sententia tantum canonicis qui canonicatum possident, cui adnexa sit cura animarum; non illis, quibus per accidens hoc onus superadditum fuerit. *ibid.*

Etiam ex praxi S. C. Concilii idem erui posse videtur; quia semper dicitur lucrari distributiones valere qui animarum incumbunt curae; quae tamen immineat vel ad-

nexa sit eorumdem dignitatibus vel praebendis; quia hoc in casu distributiones cedunt loco congruae. *ib.*

Iugis S. C. Concilii est praxis denegandi quotidianas distributiones iis qui a choro absunt ob munus, ex quo lucrum percipiunt; ne eadem persona duplex emolumentum propter unicum officium lucretur. *ibid.*

**Ecclesia collegiata**

Stallum, sigillum, et appellatio Collegiatae haud sunt certa signa, quibus secure dignosci possit an aliqua Ecclesia sit reapse Collegiata; praesertim si desint beneficia collativa, erecta in titulum. *p.* 195.

**Episcopus quoad ss. Ordines**

Nullus Episcopus alienum subditum ad ss. Ordines promovere potest, nisi post litteras dimissoriales, aut testimoniales a proprio Episcopo obtentas. *pag.* 261.

Id innuitur a veteri Ecclesiae disciplina, et a recentiori, et praecipue ab Innocentio XII, qui in Bulla *Speculatores*, ad hoc data, collegit, confirmavit et ampliavit quidquid hac super re a iure constitutum fuerat et a S. C. C. declaratum prodiit. *ibid.*

Huius disciplinae rigori, causam dederunt scandala, abusus, fraudes, et sacrilega illorum impudentia, qui ab alienis Episcopis susciperent sacros ordines, a propriis denegatos, aliquibus obstantibus impedimentis. *ibid.*

Uti essenziale habetur ad contrahendum domicilium, quoad ordines recipiendos, modus a *Constit. Speculatores* praescriptus: quod nempe quis per decennium, aut per considerabile habitationis tempus, in aliquo loco commorando, animum ostenderit ibi perpetuo manendi; et in utroque casu iureiurando affirmet sese realiter huiusmodi animum habere. *ibid.*

Proprii dicuntur subditi quoad ordines recipiendos, vel per beneficium assecutum, vel per originem, vel per domicilium, vel per familiaritatem cum Episcopis; ita ut Episcopus qui ordinaret non suos, absque litteris dimissorialibus, aut suos ratione domicilii, beneficii et familiaritatis absque litteris testimonialibus, Ordinans et ordinatus poenas incurrerent a iure constitutas. *pag. 262.*

#### **Episcopus quoad testamentum**

Ex *cap. 1 de testamentis* concessum est clericis facere testamentum de omnibus quae ecclesiastici proventus naturam non habent: ceu sunt quae eisdem clericis obvenierunt ex paterna successione, aut cognationis intuitu, aut quae dono acceperunt. *pag. 460.*

Quamplurimi canonistae censuerunt s. Pium V non aliter constituisse de sacris suppellectilibus; nempe disposuisse per Constitutionem *Romani Pontificis* de illa sacra suppellectili, ex fructibus beneficiorum acquisita, non vero de acquisita ex

privato patrimonio, aut alio privato lucro. *ibid.*

Huiusmodi sententia confirmationem recipit per Constitutionem *Cum illud* Pii IX; quae lata fuit ad praecedendas omnes dubitationes hac super re, omnesque controversiarum causas; nam decernitur non deberi Cathedralibus Ecclesiis ea omnia utensilia quae comparata fuerint bonis non pertinentibus ad Ecclesiam, quaeque non constet donata fuisse Ecclesiae. *ibid.*

#### **Exequiae quoad lumina**

In exequiis et funeribus lumina deferenda et campanas pulsandas esse ex antiquissimo Ecclesiae ritu descendit. *pag. 551.*

Per lumina enim defunctis obsequium exhibetur: quoniam credimus eorum membra fuisse templa Spiritus Sancti: mysteriumque significamus quia credimus eorum animas dono immortalitatis gaudere, et corpora expectare resurrectionem ad perpetuam fruendam lucem. *ibid.*

Ecclesia, quae iure sepeliendi pollent, ius illud exercere possunt in publico coemeterio; ex quo fit ut ecclesia tumulans possit officium funebre explere dum ad coemeterium cadavera deferuntur, sequendo ecclesiasticum ritum, quoad fieri possit, dummodo vitetur pompa *pag. 552.*

#### **Iudex**

Iudicis recusatio res est momenti, quae non nisi gravissi-

mis de causis excipi meretur. *pag.* 336.

Pro iudice recusando una ex causis legitimis est aperta iudicis inimicitia contra reum. *ibid.*

Verum non ex quocumque adversi animi iudicio ob alias causas, vel ex reprobatione alicuius operis vel opinionis rei conventi, talis iudicis inimicitia est admittenda, quae ipsum iudicium ferendi incapacem efficiat. *ibid.*

Multo magis levia indicia non sufficiunt pro remotione Assessoris, qui non est de iudicibus sententiam proferentibus, sed tantum consiliarii munus explet. *pag.* 337.

Nec testes sunt recusandi ob vaga inimicitiae indicia; praesertim si agatur de viro ceteroquin probitate ac honestate insigni. *ibid.*

Appellatio datur a sententia interlocutoria vel etiam ordinatoria, quae utcumque, etiam indirecte causae meritum afficiat. *ibid.*

Itaque si magnum causae punctum sit in probatione facti, factum autem non nisi per testes probari possit, a sententia quae vel suspectum testem admittat, vel inductos ab imputato testes reiiciat, merito appellatio interponitur. *ibid.*

Quum invitus reus in iudicium rapiatur, ideo oportet eum vocare ad iudicem, cui ius est eum vocandi et cogendi: sive vocandus est reus ad iudicem proprium, qui in reum habeat iurisdictionem. *p.* 479.

Dantur tamen ex iure, etiam reo arma ad se defendendum; quia hic

uti valet exceptionibus ad iudicem declinandum, vel iudicium differendum. *ibid.*

Reus declinare potest iudicem duabus ex causis: nempe uti incompetentem aut illegitimum; vel quia suspectus sit ex gravibus inimicitiis cum ipso reo; sed onus reo incumbit probandi, eiusmodi exceptiones levi cuilibet haud ininiti causae, sed legitimae et rationabili; aliter exceptio reiicitur a iudice recusato. *ibid.*

### Iura canonicalia

In quolibet canonicatu duo distinguuntur, nempe canoniam et praebendam: *canonia* investito confert certa iura in canonicatu; ita ut si ista iura denegentur, canonicus despoliaretur essentialibus requisitis eiusdem canonicatus; praebenda autem diversimode dimetiri potest quia dependet a privatorum elargitionibus. *pag.* 327.

Hinc differre inter se canoniam et praebendam patet; quia canoniam est ius habendi sedem in choro, et vocem in capitulo ex electione in fratrem; praebenda autem ex se non habet sedem in choro. *ibid.*

In controversiis horum iurium, difficultatem adimunt antiqua erectio et prudens observantia, quae cum iure communi et canoniam principii concordet; nam observantia etsi difformis, seu etiam vario modo sequuta, remanet sub dispositione iuris communis. *ibid.*

Dispensatio ab operibus haud

secum fert iurium abrogationem et officiorum: quia gratia in discrimen obtinentis verti nequit, et quia si causa finalis dispensationis cesset, onera et officia implenda sunt. *pag.* 328.

### Iura parochialia

Parochus in sua Ecclesia reputatur Praelatus, aut Episcopi vices gerens; hinc in suo territorio habet praesumptionem libertatis et independentiae, et intentionem in iure fundatam libere peragendi ss. functiones, et primum tenendi locum in eisdem peragendis *pag.* 194.

Ad Parochum spectant omnes respectivae paroeciae proventus; ita ut ad eundem spectent de iure omnes oblationes, et eleemosynae collectae intra fines suae paroeciae, una cum earumdem administratione; nam oblatores censentur offerre Parochi ratione curae animarum, et administrationis Sacramentorum. *ibid.*

Etsi ex decreto Urbis et Orbis resolutum fuerit quod Missa solennis in Coena Domini, et benedictio fontis baptismalis non sint de iuribus mere parochialibus, tamen ad parochos spectare indubium est. *pag.* 195.

Tempore Missae paroecialis alias celebrare Missas in eadem Ecclesia velitum esse, quamplurimae innuunt resolutiones ss. Congregationum, ne fideles abstrahantur ab auditione concionis, quae fieri debet in Missa paroeciali. *ibid.*

### Legatum pium

Quamquam pro lege testatorum voluntas haberi debeat, tamen suprema R. Pontificis auctoritas, aliquando, ex benignitate, concedit legatorum reductionem, inspecta praecipue consanguineorum inopia: non derogando, sed quasi testatorum voluntatem interpretando, ob nova adiuncta, testatoribus ignota. *pag.* 94.

Quaelibet pia fundatione effugit civilium potestatum auctoritatem quoad inadimplementum, infractionem, reductionem, aut commutationem. *pag.* 384.

Romani tantum Pontifices, iusta et legitima interveniente causa, testatorum voluntates et fundationes ad certas pias causas in alios usus vel causas commutare possunt. *ibid.*

Nam etsi depositiones testamentariae, quae Deum et animam concernunt, veluti leges habendae sint, super quibus nullum ius habet saecularis potestas, tamen clausulam continent tacitam – *salva auctoritate Summi Pontificis.* – *ibid.*

### Matrimonium

Exclusa per sponsorum testimoniumque concordem depositionem consummatione matrimonii, moralis habetur non consummationis certitudo. *pag.* 204.

Matrimonium non datur sine consensu. Consensus vero in matrimonio deficit, si desit contrahentium voluntas sive ex ignorantia sive ex coactione. *ibid.*



Ignorantia habetur cum ob teneram nimis aetatem ingeniique ruditatem, quae matrimonii Sacramenti propria sunt, contrahentes latent omnino. *ibid.*

Coactio non pro omnibus similis requiritur, sed indoli, sexui, ac potissime aetati proportionalis. *ibid.*

Cum de adolescentibus agitur haud graves minae requiruntur ut suasum sit, eos parentum voluntati in matrimonio contrahendo obtemperasse. *ibid.*

Causae dispensationis concedendae sat validae habentur in probato periculo odii inter coniuges, nec non in remotione publici scandali. *ibid.*

Ex dd. in dubio num perturbatio privavit contrahentem requisitâ deliberatione, standum est pro valore actus; quia certum est matrimonium fuisse initum et dubitatur tantum an contractum fuerit cum sufficienti usu rationis, qui tamen praesumitur. *pag. 274.*

Ideo, quando non constat eum de quo agitur, furore antea correptum fuisse, praesumi non potest furiosus, sed sanae mentis habendus est, quia natura homines producit sanae mentis, et ipsi naturae adversaretur qui contrarium diceret, et sic dicenti adversaretur praesumptio, quae ab ipsa natura descendit. *ibid.*

Quamobrem ad iudicium ferendum super validitate contractus matrimonialis, primo inquirenda est

natura, gradus, gravitas, et forma infirmitatis mentis; ut intelligi possit an subiectus seu patiens eo pervenerit, ut libertatem amiserit moralem ad agnoscendam matrimonialis contractus entitatem. *pag. 275.*

Quamvis amentes quicumque lucida intervalla habeant quamplurima, eadem tamen non habere, experientia constat, in rebus illis per quas amentia fatigantur; et in quibus agere humano modo, et sine ullo influxu perturbatae imaginationis non valent. *ibid.*

#### Matrimonium quoad procuratorem

Consensus expressus per verba de praesenti, inter personas legitimas ad contrahendum, matrimonium facit; quia haec duo sunt de essentia sacramenti; dummodo, post Tridentinum, consensus exprimitur coram Parocho et duobus testibus. *pag. 25.*

Matrimonium per procuratorem contractum validitate frui, etiam post Tridentinum, colligitur ex praxi totius Ecclesiae: dum passim celebrantur matrimonia per procuratores, et ex fine Tridentini, a quo irritantur clandestina, quia facile probari nequeunt: sed cum matrimonia per procuratorem coram parrocho et duobus testibus celebrantur, huic fini satisfit. *pag. 26.*

Etiam ex iure civili contrahi posse matrimonium per epistolam eruitur ex *Cap. mulierem ff. de ritu*

*nuptiarum*: nam consensum contrahentium etiam litterae manifestare valent; dummodo sive tacite sive expresse consensus revocatus non fuerit antequam perveniat epistola ad aliam contrahentem. *ibid.*

Independentem a quacumque renovatione consensus, matrimonia celebrata inter absentes, sive per procuratorem, sive per litteras, sive per nuntios, valida sunt non solum ratione contractus, sed etiam ratione sacramenti; *Bened. XIV de Synod. dioec. leg. 13 c. 32 n. 9. ibid.*

Qua de re cum investigandum sit de validitate matrimonii, per procuratorem celebrati, eruitur ex *dd.* non esse inquirendum de forma actus procurationis, neque de modo, quo scriptae fuerunt epistolae, sed de consensu mandantis in matrimonium, tali modo celebrandum. *ibid.*

#### Missae

Tempore quo cantantur horae canonicae in choro Missae privatae ad Altare maius celebrari non possunt, ne confusio et impedimentum ingeratur psallentibus. *pag. 214.*

#### Parochus quoad famulas

Nedum veras concubinas, sed etiam alias feminas, de quibus tantum suspicio haberi possit, arcendas esse a domibus presbyterorum ius et Doctores clamant. *pag. 346.*

Ait enim *Trid. Sess. 25 cap. 14 de ref.* « *Prohibet s. Synodus quibuscumque clericis ne concubinas*

*aut alias mulieres, de quibus potest haberi suspicio in domo vel extra retinere aut cum iis ullam conversationem habere.* » *pag. 347.*

#### Parochus quoad remotionem

Ex *Tridentino Sess. 21 Cap. 6 de ref.* consulendum est regimini animarum per remotionem aut suspensionem parochorum, qui gravi de causa bonum animarum amplius operari non valent. *pag. 479.*

Ob inimicitias et odium parochianorum parochum officio suo privari iure posse, docetur a *S. C. Congregatione* per quamplurimas resolutiones. *ibid.*

#### Paroecia quoad concursum

Quamvis *S. C. Congregatio, Innocentius XI et Benedictus XIV* regulas opportunas constituerint, quibus *Tridentina* forma concursus executioni uniformiter mandaretur, ut quamplurima vitarentur incommoda; tamen non omnes hae regulae formam induunt substantialem, ex quorum neglectu nullum haberi debeat examen seu concursus. *pag. 85.*

Ex decreto ipso *Tridentini Sess. 24 cap. 18 de ref.* edictum concursus pendere a prudenti iudicio Episcoporum colligitur, nam ibi dictum est: « *Et si Episcopo aut Synodo provinciali, pro regionis more videbitur magis expedire, per edictum etiam publicum vocentur qui volent examinari.* » *ibid.*

Adversus regulas pro uniformi-

tate methodi in peragendis concursibus adsignatas, inualescere potest consuetudo, quae irrationabilis dici nequeat; quoniam regulae praedictae haud praescriptae omnes fuerunt cum clausula irritanti, si secus factum fuerit. *ibid.*

#### **Paroecia quoad dismembrationem**

In dismembratione paroeciarum et in concursu ad ecclesias paroeciales contra decreta Episcoporum ex iure dari appellationem tantum in devolutivo: ita ut effectus decretorum nequeat suspendi, ne praedictum iudicium curae animarum afferatur. *pag. 341.*

Erroneam esse opinionem, ait De Luca in *Conc. Trid. disc. 5, n. 5, et 6* quod contra omnes Episcoporum provisiones in s. Visitatione, generaliter et indefinite detur appellatio tantum in devolutivo, ita ut appellatio rito interposita numquam suspendere valeat decreta aut provisiones in s. Visitatione emissas. *ibid.*

Eiusmodi appellatio in devolutivo iuxta De Luca tantum datur, praeter casus a iure positos, quoad ea quae concernunt correptionem morum aliasque provisiones, quas in forma extraiudiciali prompte dari oporteat ab Episcopo, more prudentis patrisfamilias, potius quam iudicis instar. *ibid.*

#### **Patrinus**

Est contra romanam consuetudinem mos, ut idem ille qui le-

vavit infantem a sacro fonte, ipsum suscipiat etiam in Sacramento Confirmationis. *pag. 539.*

Singulos patrilinos pro singulis infantibus adhibendos esse, pene omnes docent dd. nisi necessitas, seu quaedam observandi romanam consuetudinem impossibilitas urgeat. *ibid.*

#### **Pensio ecclesiastica**

Ex ss. canonibus certa traditur regula, quae innuit haud faciendas esse quaslibet diminutiones in collatione beneficiorum ecclesiasticorum a personis Papa inferioribus. *pag. 34.*

Inter diminutiones praecipuum tenet locum pensio ecclesiastica: quae est ius percipiendi partem fructuum ex alieno beneficio, auctoritate superioris ecclesiastici constitutum favore alicuius clerici. *ib.*

Ecclesiastica pensio dispescitur in pensionem quae confertur ad vitam beneficiati, diciturque *onus personae*: et in eam quae confertur ad vitam pensionati, diciturque *onus beneficii*. *ibid.*

Pensiones ad vitam pensionati conferri nequeunt nisi a R. Pontifice, quia constituunt onus beneficiorum, quae ex regula generali conferri debent absque ulla diminutione. *ibid.*

Communior inter dd. est sententia, Episcopos conferre tantum posse pensiones ad vitam beneficiati; quae onus personae non beneficii constituunt. *ibid.*

Quoad paroeciales Ecclesias Tridentinum *Sess. 24 cap. 13 de ref.* sanxit, nullam imponi posse pensionem illis paroeciis, quae summam ducatorum centum, secundum verum annum valorem non excedunt. *ibid.*

Haec sanctio confirmata fuit per Constitutionem *Quanta* diei 15 Septembris 1724: quae expresse iubet, ne locorum Ordinarii, aut alii quicumque collatores ecclesiarum paroecialium ullo modo dictas ecclesias pensionibus gravent. *pag. 35.*

Iustissima ratione id vetitum fuisse patet: quum nulla videatur esse pro parochis congrua portio satis ampla: qui sui populi necessitatibus providere tenentur, eique in multis casibus auxiliari. *ibid.*

Ex principiis iuris disertissimis certum est beneficia ecclesiastica conferenda esse absque ulla diminutione, et iam collatis nullimode imponi posse, neque census neque pensiones, praecipue perpetuas. *pag. 90.*

Attamen si id expostulare videatur tum causae piae utilitas, tum rei necessitas, suprema auctoritate Summi Pontificis fieri potest, etiam in beneficiis iurispatronatus tum activi, tum passivi, et absque patroni consensu. *ibid.*

#### Pontifex quoad confirmationem

Duplex est, ex dd. confirmatio quae Constitutionibus Regularium accedere potest ex benigni-

tate Apostolicae Sedis, nempe *in forma communi et in forma specifica. pag. 293.*

In forma communi confirmantur statuta quae non singulatim examinantur, neque a Pontifice probantur *motu proprio et certa scientia* et solum conditionate; nempe si iuste, canonice ac provide facta sint, ac non adversentur sacris canonibus, Tridentino, et Constitutionibus Apostolicis. *ibid.*

In forma specifica confirmantur, cum praemittitur causae cognitio, singula statuta diligenter expenduntur, nulla adiicitur conditio, sed accedit Apostolica auctoritas cum clausula *motu proprio* atque *ex certa scientia. ibid.*

Constitutiones approbatae in forma specifica induunt naturam legis pontificiae; constitutiones confirmatae in forma communi, hanc naturam non induunt et deleri possunt a statuentibus. *ibid.*

Religiosos Ordinis regularis teneri ad observantiam clausurae, et ad recitationem horarum canonicarum in communi, dubitari a nemine potest, post Tridentinas sanctiones et Apostolicas constitutiones, ad id editas. *ibid.*

#### Rescripta R. Pontificis

Rescripta R. Pontificis, ex motu proprio exarata, infici nequeunt vitio subreptionis; quae omnino excluditur per virtutem motus proprii ipsius Principis: nescitur enim

an Princeps processerit ex causis in petitione allegatis seu ex aliis etiam, quas non revelavit. *pag.* 135.

Neque dici potest gratiam factam fuisse ad alterius instantiam, quando adest clausula motus proprii; ne Papa de mendacio redargui videatur: etenim stare insimul possunt quod Princeps fuerit requisitus, et tamen potius dicatur motus a seipso. *pag.* 136.

Quum enim Pontifex omnimodâ et absolutâ gaudeat potestate in beneficiis et ipsorum bonis, potest unire Ecclesias, si bonum animarum id expetat, suppressere, alteram alteri subiicere, et iura unius alteri dare ex deliberata voluntate; neque praesumitur vel alicui nocere; cum sit ipse iustitiae et aequitatis cultor et iudex. *ibid.*

#### Vicarii Parochiales

Duplicis sunt generis vicarii parochiales; perpetui, nempe et temporales: perpetui ab Episcopo constituuntur loco principalis rectoris, cum assignatione congruae portionis fructuum cuiusque ecclesiae;

temporales vero sufficiuntur pro peragendo ecclesiastico servitio in locum alterius, ad tempus, seu ad voluntatem constituentis superioris. *pag.* 144.

Innumera autem sunt argumenta quae suadent, vicarios perpetuos praefereudos esse vicariis temporalibus, qui non sunt instituti in ecclesiis: decet enim ut quaelibet Ecclesia proprium habeat sacerdotem, ceu sponsa virum, qui eam caste et sincere regat. *ibid.*

Naturale vitium est negligere quod a pluribus communiter possidetur, neque se nihil habere, qui non totum habeat, arbitretur. *ibid.*

Vicarii temporales, ad nutum amovibiles ecclesiam minus diligunt, nec ovium sollicitam curam gerunt; quum saepe removeantur, etiam sine causa, qui verum titulum non habent, et nomine alieno agunt. *ibid.*

Vicarii perpetui in quos tota cura animarum transfertur, quique habent verum titulum ecclesiae parochialis, constitui non possunt, nisi prius erigatur vicaria perpetua. *ibid.*













THE BORROWER WILL BE CHARGED  
THE COST OF OVERDUE NOTIFICATION  
IF THIS BOOK IS NOT RETURNED TO  
THE LIBRARY ON OR BEFORE THE LAST  
DATE STAMPED BELOW.

BOOK DUE

SEP 30 1979  
AUG 2 5 20

3 2044 105 193 627

